



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

**Tappan Presbyterian Association
LIBRARY.**

Presented by **HON. D. BETHUNE DUFFIELD.**

From Library of Rev. Geo. Duffield, D.D.



Geo Duffield

Section _____
No _____

BS
1430
.V46

Venema, Herman,

777 HERMANNI VENEMA 223.2 VS

COMMENTARIUS

A D

PSALMOS

CXI — CL.

Q U O

SINGULORUM ARGUMENTUM, TEMPUS ET
HYPOTHESIS EXPLICANDI, INPRIMIS STU-
DIOSE INQUIRITUR, EORUMQUE PAR-
TES CONTINUA PARAPHRASI ET
SELECTIS OBSERVATIONIBUS
ILLUSTRANTUR.



L E O V A R D I Æ,

Apud H. A. DE CHALMOT, MDCCLXVII.

7mm 28-11-5
ERUDITISSIMO

AC

CELEBERRIMO

VIRO

HERMANNO VENEMAE

S. S. TH. DOCTORI EJUSDEMQUE
FACULTATIS ET HISTORIAE EC-
CLESIASTICAE PROFESSO-
RI ORDINARIO.

NEC NON

CONCIONATORI ACADEMICO

QUUM

COMMENTARIO SUO IN PSAL-
MOS DAVIDIS MANUM SU-
PREMAM IMPONERET.


VENEMA, *Theſpiadum decus immortale ſororum
Et merito ſummis annumerande viris;
Friſia quem jaſtat, quo Franeka docta ſuperbit,
Et tumefacta ſuum tollit in aſtra caput.*

TE

*TE mea musa cantis, vigilatorumque laborum
 Aeternum celebrat carmine laeta decus.
 TU facis aethereae rutilae vel lampadis instar
 Doctrinâ illustras abdita quaeque tuâ.
 Sive doces sanctas lapsas & ab aethere celso
 Artes ac magni iussa verenda Dei.
 Sive refers varios casus, diversoque fata,
 Quae subiit quondam gens adamata Deo.
 Seu referas veterum divina oracula Vatum,
 Eventuque probas vera fatenda suo.
 Sive Palaestini captus dulcedine plectri,
 Pandis Jëssæi nobile vatis opus.
 Scilicet: illa tuum mansit quoque gloria nomen
 Et deërat meritis laus ea sola tuis;
 Ut tua divino doctissima scripta Poëtae
 Praferrent nitidam, VENE MA magne, facem.
 Ingeniisque virum non vestigata priorum
 Ingenii erueres dexteritate tui.
 Quisque tuos igitur laudabit jure libellos
 Qui sacra Davidis carmina rite colit.
 Et quicumque pio veri ducetur amore:
 Versabit cupidd scripta polita manu.
 Quae nec tempus edax perdet, nec fera vetustas:
 Nam nunquam possunt haec monumenta mori.
 Nostra igitur primos cecinit quae Musa labores,
 Nunc quoque finitum laeta salutat opus.
 Quo tua, si castis dentur sua praemia Musis,
 Gloria non ullo est interitura die.*


P E T R U S N O T A.


COMMEN.



B. Aume pincit, 1735.

J. Kistner fecit, 1757.





COMMENTARIUS

A D

PSALM. CXI.

1. *Halleluia. Celebrabo Jehovam toto corde in congressu rectorum, & doctu.*
2. *Magna sunt opera Jehovæ, quæsitæ omnibus, qui iis delectantur.*
3. *Majestas & decus opus ejus; & justitia ejus stat in perpetuum.*
4. *Memoriam fecit mirabilibus suis: tenerrimo adfectu & misericordia præditus est Jehova.*
5. *Carpturam dedit timentibus sui, foederis sui recordabitur in æternum.*
6. *Vim operum suorum populo suo ob oculos posuit, ad ipsas dandam hæreditatem gentium.*
7. *Opera manuum ejus sunt veritas & jus: fidelia sunt omnia statuta ejus.*

A


8. *Ful-*

2 . C O M M E N T A R I U S

8. *Fulta in testimonium in æternum, facta in veritate & rectitudine.*
9. *Redemptionem misit populo suo: praecepit in æternum foedus suum: sanctum & verendum est nomen ejus.*
10. *Principium sapientiae est timor Jehovæ: maturitas bona omnibus est, qui faciunt ea. Laus ejus corusca consistit in perpetuum.*

P R O L E G O M E N A.

§. I.


 Xcellētis hujus, & flagrantem pietatis adfectum spirantis, Cantici *argumentum* est celebratio Jehovæ, Dei Israelis, publice facta in rectorum coetu, partim in genere ab illustribus & magnis Dei operibus, coram omnium oculis expositis, partim a singulari, multisque cum miraculis conjuncta, populi sui redemptione, & in æternum foedus solenni adsumptione, qua Deus populum e manibus hostium ereptum, cum publica justitiæ & potentiae demonstratione, in libertatem adsevererat, & in hæreditariam gentium possessionem mox immisurus erat, simul foedus æternum, luculentis promissis & justis ac salutaribus legibus sancitum, cum eo pepigerat, in quarum observatione sapientia & bona intelligentia sita erat. Poeta, posteaquam se Jehovam in rectorum consortio ac coetu esse celebraturum dixerat, primum magna Dei opera in genere laudat, dein in specie majestuosum aliquod Dei molimen, mirabilibus factis plenum, nunquam obliterandum, & justitiæ æternæ signum, extollit, quando, timentes Jehovæ fuisse spoliis ditatos, & in spem proximæ hæreditatis gentium fuisse immisos, gratus

tus enarrat. Unde ad foederis pactionem cum populo transit, ejusque leges, in æternum durantes, & in rectitudine ac justitia fundatas, extollit. Quando, molimine Dei cum foedere, illud secuto, magis perspicuis verbis repetito, concludit, veram sapientiam & salutem in foederis istius observatione esse positam.

§. II. Populus Israelis, *populus Dei* dictus, hic introducitur, 1. tanquam qui rectorum & piorum insignem copiam in medio sui habebat, & maximam partem Dei & legis studio erat adfectus: ut ex vers. 1 & 5. patet. 2. miraculose manibus hostium ereptus, & in libertatem adsertus, vers. 2, 9. 3. hostium spoliis ditatus, & in gentium possessionem immittendus, vers. 5, 6. 4. recens in foedus Dei æternum, justis & salutaribus sub legibus, adoptatus, vers. 7. &c.

§. III. De *tempore* Ps. compositi ex folis ipsius cantici criteriis judicandum est, quia nullum autorem in titulo præfert. Quod enim nonnulli *Davidem* pro autore habent, illud fallace & ficta hac nititur regula, sequentes Ps. eundem habere autorem, quem præcedens, si ipse David sit, agnoscit. Cui nihiltribuendum est, & varia exempla contrariantur. Nec desunt rationes, quæ oden hanc recentioris longe esse temporis, & in specie Maccabai- ci, quando populus in libertatem ex afflictione Epiphani- ca fuit adsertus, plus quam probabile faciunt: sive ad sty- li facilitatem, quæ antiquitatem non redolet, adtenda- mus, sive sequentia *septem*, vel *octo*, cantica, ejusdem cuncta temporis & tenoris, quod collatio unumquemque non plane imperitum docere poterit, ad animum revoce- mus, quæ temporis definiti longe certiores continent cha- racteres, suo loco proferendos, sive ad *Alleluia*, quod, ab hac ode initio factò, per omnes illas seq. regnat, & tem- poribus Maccabaicis in frequentiore fuit usu, hisce ipsis canticis, nomine *Hallel* magni in solennioribus festis cani- solitis, respiciamus, sive denique *argumenti* cantici & ge-
nuini

nuini ejus conspectus, modo exhibiti, ratio habeatur. Cum enim nullum prophetiæ indicium sese hic offerat, ode tunc fuerit facta, quando populus Dei eo fuit in statu, qui hic repræsentatur, dubium vix esse potest. Illo autem tempore coetus erant piorum, & Dei reverentium, qui *Chasidæi* adpellabantur, vigeant etiam *synagogæ*, ad quas vers. 1. digitus videtur intendi, studium legis cum maxime florebat, quo haud obscure in fine Ps. respicitur. Populus denique stupendo prorsus opere erat in libertatem vindictatus, & in spem proximæ hæreditatis Gentium adductus; insignem denique in Deo laudando, variisque odibus celebrando, posuit operam; ut ex historia Maccabaica constat.

§. IV. Ceterum in illud speciatim tempus egregie quadrat cantici argumentum, quo populus recens erat libertate donatus, sub Simone Ethnarcha, & spoliis hostium devictorum ditatus, sed nondum inter vicinos populos ditiones suas extenderat; verum illud paulo post faceret. Quo nos manifeste ducit vers. 6., ut mox videbimus. *Scopus* cantici est, populum ad laudes Deo canendas excitare, & formulam laudationis in manus dare, simul in sancto hoc opere ei præire, *occasionem* præbente felicitate temporum, a Deo miraculose concessa, & in posterum concedenda. De quo scopo sicut materia cantici satis testatur, ita ejus inscriptio nos dubitare non finit. Habet illa מלי מ Allelujah, *laudate Deum*, qui summam suam decentiam, & perfectionum concentum, mirabili modo demonstravit, partim in hostibus deprimendis, partim in populo suo liberando, & in prospera conditione collocando. Quibus in casibus *Alleluia* cani solebat, ut, cum aliunde, tum ex Ap. XIX: 1. elucescit. Ceterum vox *Alleluia* non tam pro initio, quam inscriptione cantici habenda est, ut ex litteris Alphabeti Hebraici, quæ singulis membris ordine præmittuntur, patescit. Incipit enim ille ordo demum cum seq. voce מלי מ celebrabo.

§. V. Methodus, qua *argumentum* tractatur, *verbalis* est

est & *realis*. In *verbali*, seu stylo, & structura orationis, illud tantum singulare occurrit, quod, ut modo observavi, singula hemistichia, vel potius singula membra, ordinem Alphabeti Hebr. observent, primis singulorum membrorum vocibus cum littera Alphabeti, ordine decurrente, incipientibus. Quod cum elegantiae poesios, tum memoriae succurrendae ergo, aliquando fuit in nonnullis canticis observatum. Cetera fuit oratio facili stylo, nec interstincta est multis luminibus, aut variis personis loquentibus.

§. VI. *Partes* Ps., in quibus methodus *realis* sita est, sunt sequentes. I. *Prima* est propositi de Deo publice laudando testificatio, vers. 1. II. *Secunda* materiam, seu argumentum, celebrationis Dei continet, vers. 2—9. Quod α. in genere proponitur, in illustribus Dei operibus, & in iis elucescentibus perfectionibus justitiae & gratiae, situm, vers. 2—4. β. specialius deducitur respectu α. *beneficiorum* in populum, partim collatorum, partim confessorum, vers. 5, 6. γ. *Legum* populo praescriptarum in signum *foederis* cum eo erecti, vers. 7, 8. δ. Per modum conclusionis clarioribus verbis repetitur, vers. 9. III. *Tertia* pars conclusionem cantici comprehendit, qua partim populum vera *sapientia* instruit, partim *laudes* Dei in perpetuum fore declarat vers. 10.

A N A C R I S I S.

§. VII. Hisce praemissis, ad hypothefin, ex qua Ps. explicandus est, quae clavem rectae interpretationis praebet, investigandam accedamus. Interpretes, quantum mihi liquet, in tres fere discedunt partes. Alii cuncta ad Ecclesiam Israeliticam referunt, & beneficia antiquissimis temporibus, quibus ex Aegyptoeducta & in Cananaeam introducta est, in populum collata, hic celebrari autumant. Quae vulgatio est hypothefis. Alii ad Ecclesiam Chri-

stianam oculos vertunt, & bona, quibus per varias periodos mactata est, intelligunt. Alii denique utrumque conjungunt, & ad Ecclesiam Christianam transiri vers. 9., quem de redemptione Spirit. per Christum interpretantur, censent.

§. VIII. Ex nostra hypothefi *. intra limites Ecclesiæ Israeliticæ manendum est, quod nulla sit ratio ab ea discedendi, nullum quoque sensus prophetici indicium, denique quod ode sit laudatoria in usum istius Ecclesiæ, qua beneficia jam collata celebrantur. *Præcepta* quidem una cum *foedere æterna* dicuntur, sed illud de foedere *Sinaitico* plus semel occurrit, & faciles admittit explicatus, uti mox videbimus. *Redemptio missa populo* cum de corporali beneficio æque ac Spirituali usurpetur, nulla ratio est eam ad Messiæ tempus restringendi; nec commode potest, cum in præter. occurrat, adeoque jam facta fuerit, quando hoc canticum est compositum.

§. IX. 1. Ad beneficia antiqui temporis, quo Israel ex Aegypto est eductus, hic quidem adluditur, eaque simul celebrantur: verum nec solum, nec præcipue, ea in oculis fuerunt poetæ, sed quatenus suo tempore, quo Ps. confectus est, renovata, & illustrioribus speciminibus confirmata, vel denuo repræsentata sunt in redemptione Macabaica, per quam populus iterum fuit a servitute & afflictione exserta manu vindicatus, ditatus, & in possessionem hæreditatis Gentium immissus, foedus quoque Sinaiticum iterum confirmatum est. Populum recens ex Aegypto liberatum, & beneficia Dei in ipsum, hic nec solum nec præcipue intendi, sequentes evincunt rationes. 1. Opera Dei, & beneficia Israelis, quæ materiam laudationis suppeditant, in hac ode repræsentantur, tanquam justitiæ Dei perpetuo durantis, recordationis Dei, qua foederis rationem habet, perpetuæ, nec non foederis æternum manentis, signa & effecta: ut ex toto Ps. patet. Non itaque primi temporis, quo foedus initum est, sed sequen-

fequentium temporum diu post exhibita bona, ex hoc foedere concessa, intelligantur, necesse est. 2. Epitheton *timentium* Dei, quibus Deus *cibum*, seu *spolium*, *dedisse* dicitur, vers. 5. in antiquos illos Israelitas, maximam partem a Deo reprobato, minus recte, sed in Maccabæos aptissime convenit. Quod facile cernitur. 3. Cum ode tempore Maccabaico sit facta, eoque ipso tempore populus fuerit similibus adfectus beneficiis, quibus olim, Ecclesia denū miraculose redempta, & instaurata, & foedus Sinaiticum longe studiosius observatum fuerit, quin hæc præsentis temporis bona & illustria Dei molimina in solenni laudatione Dei præcipuas partes fecerint, fieri non potuit. 4. Ad quæ accedit, inter primam illam Aegyptiacam, & hanc ultimam Epiphanicam per Maccabæos, haud una vice comparisonem fuisse in Ps. & verbo Prophetico institutam: de quo ad Ps. LXXVII. egi: imo nonnunquam diserte prædictum fuisse, Deum altera vice cum populo acturum, ut tempore exitus fecerat. Hof. XII: 10. Mich. VII: 25. *sicut tempore egressus Tui ex Aegypto videre ipsum faciam mirabilia.* Quod solum hic sufficit.

§. X. Qui itaque Ps. recte intellecturus & interpretaturus est, is *a.* utramque liberationem, primam & ultimam, alteram ex Aegyptiaca, alteram ex Epiphanica afflictione & servitute, ante oculos habeat; *b.* priorem tanquam posterioris fundamentum, & posteriorem tanquam prioris æternum durantis signum & effectum, simul tanquam prioris renovationem & instauracionem, qua idem cum populo altera vice redempto foedus pangitur, quod antea, consideret. *c.* Populum denique antiquum, recens ex Aegypto eductum, & ad montem Sinai consistentem, mox in terram Cananæam intraturum, Ecclesiam vero Maccabaicam contempletur in libertatis-quidem statu positam, attamen in gentium vicinarum possessionem nondum inmissam. Quæ tempora sibi respondent, & certis characteribus insignita occurrunt in hac ode; cum quod populus

pulus liberatus quidem, sed hæreditate gentium nondum mactatus occurrat, vers. 5, 6. tum quod ad foederis pac-tionem & legislationem solennem ante factam, nunc re-novatam, respiciatur, vers. 7—9.

E X P L I C A T I O.

§. XI. Animum in Dei laudationem publicam proum & paratum, his verbis, quæ *prima* pars cantici est, vers. 1. exponit poeta. *Celebrabo Febovam toto corde in congressu rectorum & coetu.* Præmissa adhortatione generali ad Deum laudandum per *Halleluia*, siue a poeta ipso, siue a cantore facienda, oden doxologicam ipse orditur, animum suum ad Deum celebrandum excitatum esse testificando. Declarat itaque, 1. se *Febovam* laudaturum, tanquam Deum Israelis, qui omnem vim istius nominis nunc, ut olim tempore exitus ex Aegypto, exseruerat; se Deum veracem, iustum simul & bonum ac misericordem, demon-strando. Quo vers. 4. respicitur. Majorem emphasin ha-bet nominis istius memoratio, quod eo ipso tempore exi-tus Deus illud primum sumserit, Exod. iiii., ad fidem & spem populi firmandam. 2. Nec ore tantum & externis instrumentis aut gestibus, verum *toto animo* se id facturum esse: quod de *sinceritate*, simul *abundantia* cordis testatur, adeoque adfectum excitatum designat. 3. Addit, *in recto-rum consortio & coetu*; ubicunque occasio commoda se ob-tulerit, & cum fructu ac decenter id fieri poterit. Quod hic ad *rectorum congressum & coetum* convocatum egregie re-stringitur. Prior phrasis familiariorem, qualis est amico-rum & paucorum, & minus publicam, *posterior* vero com-munem & publicam, signat congregationem, qualis in Tem-plo, sed in primis in synagogis obtinuit. Quæ synagogæ hoc ipso nomine *my* insigniri solent. Epitheton vero *recto-rum*, quorum animus est sincerus, Dei & religionis vero ductus

ductus studio, quique a perversitate alieni rectam & regiam virtutis viam toto animo sectantur, adnectitur *congressui familiariori*, & non *cœtui* condicto; non acsi cœtus publice religionis causa coactus ex talibus non debeat esse compositus, sed quod hypocritæ rectis soleant esse admixti: inter quos distingui nequit, nec necesse est. Sed familiarius commercium est *rectorum* ac piorum, quod illud a propria electione magis dependeat, quodque non nisi iustorum societas ad laudes Dei canendas apta sit.

§. XII. Ceterum ubi *a. congressus rectorum* nominatur, eo tempore iustorum fuisse insignem numerum, & eorum privatas congregationes haud infrequentes, non inepte colligitur. Quod in tempora Maccabaica recte quadrat. *b. Cœtus* condictus cum expresse addatur, eoque nomine *Synagoga* venire soleant, de iis hic recte quoque cogitamus; maxime cum vox absolute, nullo addito epitheto, aut restrictione, occurrat. Quod ipsum ea tempora definit.

§. XIII. In *argumento* laudationis Dei *primum* locum tenent opera Dei, tanquam virtutum & perfectionum Dei signa & effecta; quæ in genere his verbis vers. 2. effèruntur. *Magna sunt opera Jehovæ, quæsita omnibus, qui iis delectantur.* Opera Jehovæ hic quævis effecta Creationis & Providentiæ in genere comprehendunt in mundo & Ecclesia, quæ de virtutibus & perfectionibus ejus testantur. *Magna* ubi dicuntur, varietas, multitudo, & mirabilitas eorum indicatur. In quo nihil est obscuri. Additur, *quæsita omnibus, in iis se oblectantibus*; vel, ut alii, *secundum omnes delectationes eorum*; quod receptæ punctaturæ vocis מְרִיבָן quidem convenientius, sed explicatu difficilius est. Longe aptius opera Dei dicuntur *quæsita omnibus, qui iis delectantur*: quod si vel punctatura non ferret, eam potius mutata vellem in מְרִיבָן; quod tamen necesse non est, ut Gejerus observavit. *Delectari* in operibus Dei dicuntur, qui gloriæ Dei studiosi, simul veritatis & virtutis cupidi, lubentes versantur in operum Dei contemplatione;

ne; & ex ea, quod *delectat* ipsos, hauriunt: sed de eo verbo plura dicam ad Ps. cxii. 1. Quod *rectorum & piorum* est genuinum criterium. *Quari* vero ab ipsis dicuntur opera Dei, ubi ea curant, ad animum revocant, accurate explorant, & studiose per singula euntes investigant, simul aliis exponunt, & enarrant. Quæ omnia ambitu verbi *וירר* comprehensa sunt: verbum enim illud proprie est, *trivit*, inde triturando & terendo exacte *inquisivit*, nec non *nucleum rei* extrivit in usum & fructum alterius; unde pro concionari &c. sumitur. Ceterum ubi *opera Dei* adpellantur *magna, quasita* ab omnibus, qui iis *delectantur*, sensus est, *a.* opera illa, quantumvis explorata, semper esse, & manere, *magna*; quin *b.* magis adparere talia, si exquisitè investigentur; *c.* digna esse, quæ studiose perquirantur. *d.* In eo denique esse pios & sapientiae veræ studiosos, ut ea partim investigent, partim enucleatius exponant.

§. XIV. *Opera Dei* magnifica posteaquam in genere, tanquam *laudationis Dei* materiam, memorasset: singulare aliquod Dei molimen, justitiæ & gratiæ perennis luculentum specimen, & celebrationis Dei peculiare argumentum, his verbis vers. 3, 4. adjungit: *Majestas & decus opus ejus: & justitia ejus stat in seculum. Memoriam fecit mirabilibus suis; tenerrimo adfectu & misericordia præditus est Jehova.* Memorat hic opus & mirabilia Dei, & de opere Dei dicit, illud esse *majestatem* ac *decus*, nec non perennis justitiæ signum & effectum; *Mirabilibus* vero *memoriam* esse factam tradit, simulque de tenerrimo Dei adfectu testari adferit. Dubium mihi non est, quin *liberationem* Israelitarum ex Aegypto, eamque secutam populi conservationem in Deserto, & introductionem in Cananæam, tempore Maccabaico nova & simili liberatione renovatam, in oculis habuerit: cum quod vers. 9. per *redemptionem populi* explicetur, tum quod illud opus his phrasibus,
moliminis

moliminis & mirabilium Dei veniat in Scriptura, & justitiæ ac gratiæ illustrissimum fuerit specimen.

§. XV. *Opus Dei, non qualecunque, sed, vi vocis usque, illustre, consilio Dei descriptum, & ad definitum scopum destinatum, omni adtentione dignum, cujus difficilis & ardua videtur executio, hic & alibi terribile & singulare aliquod Dei judicium, ad impiorum destructionem & populi sui liberationem tendens, ob oculos ponit, in specie, quo hostes populi sui tempore exitus ex Aegypto prostravit. Pro judicio tremendo & inexpectato, a Deo impiis in genere præparato, sumitur Jes. v: 12. & molimen. Jehovæ non respiciunt, ut & c. x: 12. xxii: 11. xxviii: 21. Hab. i: 5. iii: 2. Ps. xxviii: 5. De singulari Dei opere, cum hostium populi sui destructione conjuncto, quo Israellem manibus eorum, inter multa justitiæ & potentiæ signa, eripuit, frequenter usurpatur, ut Ps. xliv: 2. lxiv: 10. xc: 16. xcv: 9. & alibi. Sed, licet ad illam liberationem antiqui temporis digitus intendatur, simile tamen Dei molimen, quo Syro-Macedones & improbi quoque ex Israele eo tempore sunt singulari judicio deleti, & populus Dei illustri modo vindicatus est, directe designatur; ut ex supra dictis manifestum est, & ex seq. membro mox patebit.*

§. XVI. Hoc Dei molimen dicitur *majestas & decus*, & tanquam signum ac effectum *justitiæ* Dei perpetuo durantis consideratur. *Majestas & decus* adpellatur, quatenus partim Deo, supremo & justo mundi rectori & judici, congruum est, eumque decet, partim summæ majestatis & virtutum Dei signa præfert, in multis miraculis & justis judiciis ad hostium excidium & populi liberationem, conspicua; in primis perennis Dei justitiæ signa prætulit. Quod per sequens membrum significatur. *Et justitia ejus stat in æternum, vel perpetuum.* h. e. Cum incorrupta durat, tum floret vigetque, tum denique incumbit hominibus, & vim suam exerit. Quæ omnia usu & potestate verbi stare comprehensa sunt. *Justitia* vero Dei eam denotat in Deo

virtutem, qua cuique secundum merita retribuit, & peccatores impoenitentes punit, oppressores vero innocentum reprimat & destruit. Quod superiori membro, seu operi Dei glorioso, recte adjungitur, quia justitiæ Dei signum est & effectum. Cum autem *opus* Dei hic non tantum iudicia Dei in primos illos Israelis oppressores Aegyptios, sed & in novos, illis similes, Syro-Macedonas, & improbos Judæorum complectatur, *justitiæ* Dei perpetuo durantis, & vim suam præstantis, luculentum erat signum: adeoque *perpetuo stare Dei justitiam* hinc recte derivatur, & apte subjungitur.

§. XVII. Cum autem *opus* Dei, justitiæ vindicativæ signum & effectum, eo simul collineaverit, ut Israel in libera ac prospera collocaretur conditione, quæ de tenerrimo Dei erga populum suum adfectu testatur, recte additur, Deum *mirabilibus suis fecisse memoriam*, & esse *miseri-cordem* ac *bonum*. *Mirabilia* Dei hic miraculosa Dei opera signant in favorem populi sui patrata, & olim tempore exitus ex Aegypto & in deserto, & nunc temporibus Mac-cabaicis, quibus tenerrimi sui erga pios adfectus signa dedit prorsus admiranda, populum suum miraculose liberando & felicem reddendo. Quare recte subjungitur, Deum *tener-rimo* esse *adfectu* præditum: qui emphaticis admodum vocibus exprimitur, quarum *prior* sedem habet in *stridulo* sono gutturi, quo animalia tenerrimum ergo fœtus adfectum demonstrant, a quo *sono* verbi in fictum est, *posterior* vero respondet Gr. *πλαγγιζέσθαι* in *visceribus adfici*, unde pro tenerrimo adfectu, & misericordia, sumitur. Sed quid sibi vult, quod Deus *memoriam* mirabilibus suis fecisse dicatur? Vulgo de externis signis & monumentis memorialibus, ad memoriam mirabilium Dei inter homines perpetuo recentem conservandam institutis, ut sunt scripta, festa, aliaque signa, intelligunt. Sed nec phrasis, nec scopus permittit, ut in eam mentem concedamus. Phrasis, non institutionem signorum memorialium, sed memorabilia mi-randa

randa facere denotat; scopus quoque est, ipsa *mirabilia* Dei tanquam celebrationis Dei argumentum commemorare. *Memoriam* itaque *facere mirabilibus* suis Deus dicitur *a.* quum tot & tanta, tam multa tamque magna & illustria, coram omnium oculis publice edit, ut *memoria* eorum interire nequeat. Quo sensu *mirabilia* Dei fuisse copiosa, magna, & publica, tantum indicatur. *b.* Mirabilia Dei perpetuum & durable habent *effectum*, quod eorum memoriam semper conservat. Quo sensu ipse populus, a Deo mirabiliter redemptus, & in terram Cananæam immissus, perpetuum est mirabilium Dei monumentum. *c.* Quum *mirabilia* illa opera Deus subinde repetit, vel singulari modo similia præstat, in populi sui commoda; quo ipso *renovatur* eorum memoria, & nova eorum eriguntur monumenta. Quod temporibus Maccabaicis illustrissime factum est.

§. XVIII. Præter hæc molimina, & mirabilia Dei opera, poeta duo beneficia, in populum a Deo collata, commemorat, tanquam celebrationis Dei materiam; quorum *præteritum*, & *præsens*, *posterius* paulo post futurum. Prius ita sonat vers. 5. *Carpturam dedit timentibus sui; fœderis sui recordabitur in æternum.* h. e. Sicut populum suum mirabiliter liberavit: ita timentibus sui, qui fœdus ejus studiose observant, prædam vel spolia hostium, & omnium rerum ad vitam sustentandam abundantiam, liberaliter concessit; eoque ipso demonstravit, se in perpetuum esse memorem fœderis & promissorum suorum, adeoque reliqua promissa quoque esse impleturum. Vox Hebr. *carpturam* proprie *carpturam* signat, a rad. quæ *carpsit extremitates* denotat, unde cum ad prædam & spolia, tum ad qualemcunque victum transfertur. Respicitur quidem ad spolia Aegyptiorum, quibus Israel tempore exitus fuit ditatus, nec nod ad necessaria vitæ subsidia in deserto, miraculose sæpe suppeditata; quæ totidem signa erant fœderis a Deo in perpetuum implendi; attamen directe & primo sensu tempora Maccabaica putem intendi, quibus, post

hostes superatos, spoliis eorum fuerunt partim locupletati, partim omnium rerum copia, ad hanc vitam læte ac jucunde agendam, instructi. In quos rectius convenit *iumentum* Dei titulus; cum fuerint maximam partem *Chastitatis*, & legis studiosi, qui Dei reverentia ducti pro lege & libertate religionis strenue pugnaverant, & multa passi erant. Ceterum *victus* nomine, per Synecdochen partis pro toto, quævis bona terrestria, ad hanc vitam pertinentia, comprehenduntur; eorumque hic meminit, quia fœderis Sinaitici, stricte sumti, promissa in iis sita erant. Quare apte subjungitur, Deum semper *fore memorem fœderis sui*. Quibus verbis significatur, Deum, hæc bona concedendo, quæ erant *bona fœderis*, partim luculento signo demonstrasse, se fœderis sui rationem in perpetuum habere, cum fœdus antiquissimis temporibus cum Israele pactum tanto tempore post adhuc obtinere, ex hisce bonis concessis, & in Maccabæos collatis, elucescat, partim etiam eo ipso spem fecisse populo suo, se fœderis promissa in posterum quoque, usque ad finem istius Oeconomix, esse repræsentaturum: id enim denotat vox *seculum*, vel *æternum*; hic & aliis in locis: uti nemini non constat.

§. XIX. Cum autem inter hæc promissa locum quoque teneat *hæreditas* Gentium, quam Israel cerneret; poeta alterum bonum, postea sistendum, his verbis apte adjungit, vers. 6. *Vim operum suorum ob oculos posuit populo suo ad ipsis dandam hæreditatem Gentium*. h. e. ejusmodi edidit opera coram oculis populi sui, quæ intrinsecam habebant virtutem & potentiam gentes ipsi in hæreditariam possessionem submittendi; ipsumque in earum possessiones inmittendi, vel, opera sua eam habitura vim, significavit populo suo, quæ Gentes ipsi in hæreditariam daret possessionem. Verbum enim *notificare*, proprie coram oculis ponere, vel *verbaliter* vel *realiter* intelligi potest, adeoque vel de *annuntiatione*, vel de ipsa *præstatione* capi: ut in paraphrasi expressi. Utrumque verum est, & conjungi potest. Ceterum vis operum

rum Dei ad *hæreditatem* Gentium dandam respicit, & cum ea construi debet, ut sensus sit, opera Dei fuisse *vi* populos subjiciendi prædita, & eam etiã *vim* exertura. Quemadmodum Israelitis tempore exitus contigit, & temporibus Maccabaicis. Opera enim Dei, quibus Aegyptios & postea Syro-Macedonas prostravit, populumque mirabiliter liberavit, & locupletavit, eam habuerunt & annunciarunt *vim* Gentes populo Dei subjiciendi; quo etiam tetenderunt, & quod effecerunt. Hæreditas Gentium est respectu Israelitarum antiqui temporis ipsa *Cananea*, sed respectu Maccabæorum *vicinas* gentes, Israeli cessuras, comprehendit, in signum spiritualis hæreditatis Gentium sub Messia, cum his temporibus connexæ, & ea secuturæ, eo nomine eximie venire solitæ: quare ejus hic ratio quoque omnino est habenda.

§. XX. Sed, cum ad fœdus Dei cum populo erectum *leges* quoque pertineant, eæque ipsæ beneficii loco sint habendæ, quas Deus ipse tulit, & tabulis in perpetuam rei memoriam inscripsit, pœta earum, in materia laudationis Dei enarranda, in specie aptissimam facit mentionem, vers. 7, 8. *Opera manuum ejus sunt veritas & jus: fidelia sunt omnia statuta ejus: fulta in testimonium in æternum, facta in veritate & rectitudine.* h. e. Leges, a Deo solenniter latas, in perpetuum duraturas esse, sicut Deus in ipsa legislatione Sinaitica, qua ea tabulis lapideis insculpsit, & fœdus super iis pepigit, demonstravit; ita & temporibus Maccabaicis confirmavit, quum eadem leges renovatæ sunt, & religionis Israeliticæ causa magnifice triumphavit. Ex quo, leges Dei æternum mansuras, manifestum fit. Respicitur ad legislationem Sinaiticam, eamque perpetuum habere effectum, sicut legum earum instaurationis sub Maccabæis evicerat, docetur.

§. XXI. Prius vers. 7. membrum ad *Decalogum* referendum est, tabulis lapideis ab ipso Deo insculptum; *opera manuum ejus veritas & jus.* h. e. id, quod verum & justum est,

est, Deum ipsum habet auctorem, & defenforem, quo illud manibus suis insculpsit tabulis lapideis, eoque sensu fecit. Subjectum non est *opera manuum ejus*, ac si ea dicerentur vera & justa, sed ipsum verum & justum, quod hic prædicatur esse *opus manuum ejus*, ut ex seq. membro manifestum est. Agitur itaque de institutis & legibus *veris & justis*, quæ hic emphatice ipsa *veritas* dicuntur & *jus*, quatenus rerum naturæ & relationibus conveniunt; de quibus adfirmatur, esse *opera manuum Dei*, adeoque *sapienter & perenniter* institutas, & proprerea a Deo ipso *tabulis* inscriptas, quo hic omnino respicitur, & ipsa phrasim nos ducit: sic Ex. xxxii: 16. *tabulæ legis* diserte adpellantur *opus Dei*, nec non *digito Dei conscriptæ*, ib. xxxi: 18.

§. XXII. Additur, *omnia ejus statuta* esse *fidelia* seu *firma*. Vox Hebr. signat *mandata, commissa*, injuncta, quæ & *visitanda & judicanda* sunt suo tempore. Verbum enim dicit *visitare & judicare*, inde quid *commendare & injungere* alicui, quod vim habet *obligandi*, & jus examinis ac judicii præbet suo tempore. De his *statutis* dicitur, ea esse *fidelia & firma*, proprie firmum ponere gressum facta. h. e. solido fundamento superstructa, & firmis rationibus munita, ita ut divelli, loco moveri, aut refutari nequeant. Quod temporibus Maccabaicis luculenter fuit demonstratum. Quam apte vero hoc superiori membro adjungatur, sponte sua elucescit. Cum enim dixisset, verum & justum esse manuum ipsius Dei opus, recte subjungit statuta ejus esse *firma*, de quo ipsa inscriptio tabulis a Deo facta testabatur.

§. XXIII. Quo vers. sequens etiam tendit, qui finem inscriptionis in tabulis, & fundamentum perennis durationis, complectitur. *Finem* hæc verba exprimunt, *sulta in testimonium in æternum*. Quod in tabulas legis rectissime quadrat: quæ inde *tabula testimonii* adpellantur, & propterea in æternum rei monumentum in *arca* fuerunt adservatæ. Verum, quidem est, secundum hodiernam punctaturam

ram vocem װ non *in testimonium*, sed *æternum*, verti debere. Sed mihi vix dubium est, quin, aliis substitutis punctis, legi debeat װ *in testimonium*, cum quod sensus sit illustrior, tum quod stylo usitato vox hæc fuisset postposita, non præposita, ut hic, si *æternum* signaret. Nec sine exemplo est, hanc vocem male esse punctatam: sic enim Jes. xxx: 8. qui locus nostrum egregie illustrat: ubi Deus Jesaiam his verbis adloquitur, *Scribe illud in tabula & exara in libro, ut permaneat in dies seculares, in testimonium, usque in seculum*: sic enim legendum, & non װ. Robur addit, quod liber legis ad latus arcæ diserte jubeatur ponendus װ *in testimonium* Deut. xxxi: 26. Ceterum ubi statuta Dei *fula* dicuntur *in testimonium usque in seculum*, haud obscure ad tabulas fœderis, in arca repositas, respicitur. Verbum enim Hebr. proprie signat, *fulcire palis*, & *in altum erigere*. Solètque de *palo* usurpari, quo tentorium tensum & elatum fulcitur. *Fula* itaque sunt statuta, quatenus tabulis insculpta, & in Tabernaculo reposita, sub tutela Dei sint stabilia futura, nec loco movenda.

§. XXIV. Fundamentum perpetuæ obligationis statutorum Dei exhibent sequentia verba, *facta in veritate & rectitudine*. h. e. tabulis a Deo inscripta, & populo præscripta, ad ipsius *veritatis & rectitudinis* normam; ita ut *ipsissima* sint *veritas & rectitudo*. *Facta* dicuntur, quatenus *opus manuum* Dei sunt, ut modo vidimus; adeoque quæ Deum habent autorem, qui hoc legum corpus confecit, & suis manibus *tabulis* insculpsit, vel per Moysen *libro* inscripsit. Ex. xxiv. *Veritas* vero & *rectitudo* ipsas rerum essentias & naturales relationes comprehendunt; quæ hic, partim tanquam *norma* legum Divinarum, partim tanquam naturam & qualitates earum internas constituentes, partim denique tanquam *finis & scopus* earum considerantur. Quæ omnia ambitu phrasios continentur. *Facta in veritate* dicuntur; quæ secundum eam *facta* ipsam eam exprimunt, & ad eam producendam tendunt. Verti enim potest & *secundum*,
C ad

ad *normam* veritatis, & *ipfissima* veritas, & ad eam. Ex quo natura legum & scopus egregie elucescit, simul *stabilitas* & *perennitas* ejus. Leges Mosaicæ partim sunt leges naturales, quæ intrinsecam & æternam habent *rectitudinem* moralem, partim ad eam in animis Israelitarum producendam tendebant, omnes erant justæ, æquæ & bonæ, statui populi, & naturæ œconomix istius, adcommodatæ.

§. XXV. Argumentum laudationis Dei, generalius propositum, & specialius deductum respectu beneficiorum & legum, tandem summatim per modum conclusionis repetitur, vers. 9. *Redemptionem misit populo suo: præcepit in æternum fœdus suum: sanctum & verendum est nomen ejus.* Respicitur quidem ad liberationem Aegyptiacam, typico agni mactati *pretio* factam, quæ *redemptionis* habuit conspectum, & hoc ipso nomine venit Exod. viii. eamque secutam, & in ea, tanquam primario & fundamentali bono, quo Deus populum acquisivit, fundatam, *Legislationem* Sinaiticam, quæ *pacti* & *fœderis* habet speciem; attamen *Epiphanicam* sub Maccabæis proxime intendi, tanquam Aegyptiacæ renovationem & complementum, ex dictis manifestum est. Quo nomine æque recte ac *Babylonica* venire potest, Jer. xxxi: 11. Ps. cxxx: 7. Jes. xxxv: 10. & alibi. Fuit quoque Maccabaica redemptio signum & effectum *fœderis* in *perpetuum* durantis, ut mox subjungitur: cum vi fœderis, a Deo cum Israele ad montem Sinai pacti, ea contigerit populo. Additur denique *sanctum & verendum* esse Dei nomen, ut partim *perennitas* fœderis, a Deo sancto & potentissimo initi, indicaretur, partim Deum sese talem in populo redimendo, & fœdere pangenendo, præstitisse, inculcetur, partim ad fœderis accuratam observantiam populus excitaretur, quia res ipsi est cum *sancto & verendo* Numine. Vid. Jos. xxiv: 19.


§. XXVI. *Tertia* Ps. pars, quæ cum veram exponit sapientiam, tum laudis Dei perennitatem continet, Psalmum apte concludens, ita sonat, vers. 10. *Principium sapientix*

pientia est timor Jehovæ: maturitas bona omnibus est qui faciunt ea. Laus ejus stat in perpetuum. Prior versus pars doctrinam practicam continet, ex argumento Pf. eductam; veram sc. *sapientiam* cum timore Dei incipere, & in eo esse sitam; & perfectam *prudentiam* sese in iis exserere, qui *præcepta* Dei observant. Loquitur de *timore* Dei, & *observantia* præceptorum ejus, in qua sita est timor Dei; ut sæpe inculcatur in Script. *Deum timere & facere ea*, sc. quæ timor Dei imperat & exigit, timorem Dei & ejus effecta continet, adeoque præcepta Dei ex timore Dei filiali præstare denotat. In hoc *timore* Dei, ipso facto demonstrato, situm esse declarat *principium sapientiæ*, & *bonam intelligentiam*, seu *prudentiam* perfectam. *Principium sapientiæ* dicitur timor Dei 1. quia cum timore Dei incipit sapientia, cujus epocha ab eo tempore, quo Deum quis revereri incipit, est repetenda, 2. quia primum est sapientiæ indicium & effectum; primi ejus fructus, *primitiæ* sapientiæ; de quibus vox Hebr. usurpari solet. 3. quia præcipuum & summum sapientiæ in timore Dei situm est, vera & perfecta sapientia, longe eminentissima ejus pars. Quam potestatem vox Hebr. quoque præfert. 4. Denique addi potest, sapientiam, quæ timorem Dei peperit, ab ipso illo etiam produci; eoque sensu, si rem ipsam spectes, dici posse timorem Dei principium activum sapientiæ. Ubi enim reverentia Dei viget, certam habet quis normam sapienter agendi, nec non continuo ad id impellens & excitans principium.

§. XXVII. Additur *bona maturitas*. h. e. plena & perfecta maturitas, cum in consiliis formandis & actionibus instituendis, tum in felici successu & scopo adsequendo. Quod utrumque ambitu vocis *maturitatis*; quæ primigenia est radicis *מָטִיר* potestas, comprehensum est. Hæc *bona*, seu plena & perfecta, quam notionem hic & alibi habet vox *bona*, maturitas, seu intelligentia & prudentia, cum prospero eventu & felicitate conjuncta, adesse declaratur illis, qui ea fa-

ciunt, sc. timoris Dei praecepta, ut modo observavi. Quo significatur, eos solos pro veris prudentibus esse habendos, & solos consilia & actiones feliciter instituere, & finem beatum habituros, qui Deum timent, & reverentiae ejus convenienter vivunt. Quod Job. xxix: 28. his verbis exprimitur. *Eni timor Domini sapientia, & recedere a malo prudentia.*

§. XXVIII. Subjungitur, *laus ejus stans in aeternum*, sc. fit & erit, sive stet, stabitque laus ejus in aeternum, ut simul votum, simul rei futurae declarationem, contineat. Pertinet vero relativum *ejus* ad Deum, quod facile cernitur, & aptam Pf., qui cum *laudatione* Dei incipit, & multiplicem celebrationis Dei materiam repraesentat, conclusionem continet.





P S A L M. CXII.

1. *Halleluia. Beatum virum! qui timet Jehovam, & preceptis ejus studiose operam dat.*
2. *Validum in terra erit semen ejus: generationi rectorum benedicetur.*
3. *Abundantia & divitiæ in domo ejus erunt, & justitia ejus stat in æternum.*
4. *Exorta est in tenebris lux rectis, tenerrimo cuique prædito adfectu, misericordie & justo.*
5. *Bonum vel beatum virum! qui miseretur & mutuo dat: sustinebit causas suas in judicio.*
6. *Quia in æternum non dimovebitur, æternæ memoriæ erit justus.*
7. *Malo a rumore non timet: firmum est cor ejus, innixum Jehovæ.*
8. *Fultum est cor ejus, non timebit, donec intuitus fuerit hostes suos.*
9. *Sparsit dedit egenis, justitia ejus stat in æternum, cornu suum elevabit in gloria.*
10. *Videbit impius, & ægerrime faciet, dentibus suis stridebit & contabescet. Cupiditas impiorum peribit.*

P R O L E G O M E N A.

§. I.

UTilissimi & elegantissimi hujus cantici *argumentum* est, status viri, pietate & justitia ac beneficentia illustris, admodum in hac quoque vita felicitis, oppositæ ad improbos, luculenta descriptio & celebratio, partim ad laudes Dei, hujus beatitatis fontis, partim ad pietatis & virtutis promotionem, instituta; qua *beatus* non tantum & felix pronuntiatur Dei hominumque amans, sed & partes felicitatis, respectu copiosæ & illustris posteritatis, opum & divitiarum perennitatis & firmitatis, etiam post mortem, denique fiduciæ & securitatis, vel in mediis periculis, ringentibus impiis hostibus, recensentur. Poeta primo beatum proclamat virum Dei reverentem & legis Dei studiosum; quam beatitatem mox explicatius, & *feminis*, & opum ac perennitatis, respectu, tradit, immixtis fundamentis, a promissis Dei, & temporis circumstantiis, petit. Deinde, ad virtutis, in primis beneficentiæ, laude celebres viros pergit; eosque cum felices esse testificatur, tum etiam respectu firmitatis, æternitatis & securitatis, vel in mediis periculis, deducit. Quando, per modum conclusionis, diversissimam piorum & impiorum sortem subjungit.

§. II. In scenam hic prodit, ut argumenti plenior dem intellectum, 1. Pius quidem & probus, Dei & hominum amans, in genere, nullo facto personarum discrimine, attamen non qualitercunque, sed insigniter pietatis & virtutis studiosus, qui in eo totus est, & earum qualitatum luculenta præbet specimina: ut ex vers. 1., & toto Ps. patescit. 2. Bona, quæ ipsi, tanquam cum pietate & virtute connexa, promittuntur, licet ad futurum seculum indirecte, ad hoc tamen præsens ævum directe & primo sensu

sensu spectant, nec qualemcunque status felicitatem, verum magnam, & omnimodam, qualem hæc vita dare potest, comprehendunt: ut cuique Ps. relegenti sponte sua in oculos incurrit. 3. Nec illud negligendum est, piissimum hunc virum proponi in medio quasi hostium & improborum hominum, ipsi imminentium, degentem, & ad summum felicitatis gradum, ipsis videntibus ac ringentibus, adscendentem; hostes vero impios illos interea evanescere, vel mala morte perire: ut est vers. 10. 4. Denique *felicitas* hæc gravissimis subjungitur calamitatibus & discriminibus, quibus cum iusti & recti conflictati sunt, nec omni, sed certo ac definito tempori adligatur, quo Deus singulari suo iudicio sese rebus humanis interponere solet, improbos puniendo, & pios liberando, & uberrimos pietatis fructus largiendo. Cujus indicium in eo est, quod *lux rectis* dicatur *orta in tenebris* vers. 4., quodque pius *causam suam in iudicio* recte & feliciter tuiturus legatur, vers. 5. tum denique, quod improbis pudor & exitium denuncietur, vers. 10.

§. III. Occasionem itaque Ps.; quo summa hujus vitæ prosperitas cum pietate connectitur, & piis adjudicatur, præbuit singularis, & inexpectata, rerum in melius immutatio, qua, cum, improbis dominantibus, de piis eorumque causa videretur actum, Deus suo iudicio intervenit, quo tanta orta est in medio populi catastrophe, ut minime fallacem spem summæ prosperitatis, populo Dei concedendæ, cum improborum excidio, conceperint prudentes factorum & temporum æstimatores. Inter quos noster fuit poeta, quisquis etiam fuerit, de quo nihil constat, qui læta hac rerum facie excitatus hoc poema condidit, quo pietatis & virtutis salutares fructus, nunc producendos, in medium profert, & celebrat: eo ipso significans, nunc ad lucere incipere illud tempus, quo pii sint convenienter pietati suæ tractandi, & prosperitate gavisuri, improborum contra peritura sit expectatio. De quibus temporum circum-

cumstantiis, adeoque occasione cantici, luculenter testatur vers. 4. ubi in præf. vel præf. dicitur, *exorta est*, vel *exoritur rectis lux in tenebris*. Quo etiam tendit, quod benignitatis & misericordiæ plenus vir *causam suam* in iudicio dicatur *vindicaturus*, vers. 5. de quo mox.

§. IV. *Tria* licet per totam Oeconom. V. fuerint tempora, in quæ characteres modo signati conveniunt, *Davidis & Salomonis, Hizkiae, & Maccabaeorum*, quod unusquisque, Script. & historiæ peritus, facile perspexerit: *Maccabaica* tamen tempora equidem non dubitaverim præferre, & huic cantico adsignare; quia præcedens & sequentes Ps. ad ea pertinent, & noster ejusdem quoque est tenoris ac styli. Cui robur addit comparatio cum variis Jesaiæ locis, de Ecclesia illa agentibus, ut c. xxvi, xxxiii, &c. in primis cap. l. viii & l. ix. ubi ratio redditur, quare Ecclesia Israelitica, post exilium Babylon., ad prosperitatem, ipsi promissam, eniti nondum potuerit, & vera ad eam via panditur; prorsus eadem, ac quæ hic traditur. Utitur etiam noster poeta iisdem phrasibus, ac si illud, quod Jes. ibi prædixit, nunc fuisse repræsentatum voluisset insinuare. Conf. quoque Mal. iii: 16. & seq., & ibi comm. noster. Verum in specie illud *tempus* compositi Ps. figerem, quo, Hierosolyma a Juda Maccabæo recuperata, & Templo repurgato, sacrisque restitutis, festum *encæniorum* prima vice fuit celebratum, & posteritati commendatum, quod in memoriam insperatæ prosperitatis, tunc adlucescentis, festum *Luminum* dictum est. Quo digitum intendi in phrasi, *lux orta est in tenebris*, statuere nihil vetat. Præcipuum hujus opinionis fundamentum in eo est, quod *lux* jam *exorta* fuisse dicatur, prosperitas tamen rectorum, una cum improborum excidio, promittatur, &, piis cum hostibus adhuc rem fore, indicetur. Tempus itaque Ps. adsignandum est, quo læta sunt summæ prosperitatis piorum prima jacta fundamenta. Quod illud ipsum est, cujus mentionem feci.

§. V. Hoc tempore Chasidæis opportune ob oculos ponebantur

nebantur lætissimi pietatis & charitatis fructus, qui sese jam tunc ostendere incipiebant, sed brevi post ad maturitatem venirent; quando pii & iusti, florente rep. & ab hostibus vindicata, promissis foederis Sin. summo gradu fruerentur. Ex quo sponte sua sese offert *scopus* cantici; qui ab altera parte est, pios ad strenuum pietatis & virtutis exercitum excitare, & in spe futuræ prosperitatis confirmare; ab altera vero parte, Deo laudes canere ob pietatem, ejus ope triumphantem & coronatam. Sicut enim ipsa pietas & virtus, inter homines vigens, Deum glorificat, ita beatitas cum ea conjuncta de virtutibus Dei testatur, & materiam præbet multiplicem Deum, fontem ejus, & largitorem uberrimum, celebrandi. Quem scopum inscriptio cantici diserte memorat: præmittitur enim הללויה *Halleluia*: de quo ad præced. Ps. dixi.

§. VI. Methodus *verbalis*, seu stylus & structura poetica, cum a superiore cantico nihil differat; de *reali*, seu *analyfi*, tantum erit dicendum. Partes Ps. tres sunt. I. *Prima* est *pietatis* commendatio & celebratio a beatitate, in bonis hujus vitæ etiam conspicua, cum ea connexa, vers. 1—3. II. *Secunda* descriptionem continet *felicitatis*, quæ partim incepèrat, partim sequeretur, quam studium *virtutis*, seu officiorum erga proximum, in primis *charitatis*, adfert, vers. 4—6. III. *Tertia* hanc doctrinam de pietatis & virtutis felicitate illustrat, & confirmat ex opposita improborum sorte infelici, vers. 10.

A N A C R I S I S.

§. VII. Investigatione hypothesios Ps. explicandi superfedere liceret; cum ex supra dictis de *occasione*, *tempore*, & *scopo* ejus luce meridiana clarius sit, canticum ad pios & probos Judæorum ejus temporis, quo compositum est, primo & directe esse adplicandum; dein ad pietatem & virtutem

virtutem in genere & omni tempore commendandam tendere. Nec aliquid hic occurrit ab hac hypothefi alienum. Sunt tamen nonnulli, ne aliorum conjecturas, temere plane & pro arbitrio factas, memorem, qui de *Christo* vel *Ecclesia* Christiana primorum seculorum, usque ad tempora Const. M., hic cogitant; sed sine ulla ratione; ut facile patet. Nullum non tantum Christi aut Ecclesiæ Christianæ hic occurrit criterium distinguens, sine quo si a populo antiquo ejus temporis discedamus, lubrica & arbitraria fiet Pf. interpretatio; cum & virtutes *pietatis* ac *charitatis* in pauperes, quæ hic in primis celebrantur, & *bona*, piis promissa, in V. Oecon. populum recte conveniant; non hoc tantum, inquam, sed & istius Oeconomiae distinguentem ac proprium characterem præbent bona externa & corporea hujus seculi, quibus pietas & virtus insigniter coronanda declaratur: ut inspectio cantici quemvis docere poterit. Quæ mystice de bonis Spirituallibus explicare velle, non est nisi præjudiciis occupati, & hypothefi litantis, Interpretis.

E X P L I C A T I O.

§. VIII. In prima Pf. parte, *κ*. propositio occurrit, vers. 1. *α*. ejus deductio & confirmatio, vers. 2, 3. *κ*. Propositio, quæ pietatem ac felicitatem copulat, ita sonat, vers. 1. *Beatum virum! qui timet Jebavam, & præceptis ejus operam dat valde.* In textu Hebr. *וְכִי* qui deficit, ellipsi usitata, sed hic ex voce *וְכִי* *beatum* orta, vel per eam absorpta, ne repeteretur. Præterea particula conjunctiva *et* in seq. membro deficit, ut ordo alphabeticus, qui litteram *α*. requirebat, observaretur: sed hæc leviora sunt. Mentio fit *viri*, qui *Jebavam* timet, & *præceptorum ejus* est studiosissimus cultor. *Vir* ubi adpellatur, unusquisque quidem sine discrimine intelligitur, attamen digito

gito monstratur insignis aliquis, eo nomine dignus, & laude hac celebris, quales hoc tempore inter Judæos fuerunt plures, sed inter eos unus & alter præ aliis excellens, ut ex. gr. *Mattatias* ejusque Filii, *Judas Maccab.*, *Jonatan*, *Simon*. &c. Qualitates hujus viri in *timore Jēhovæ* & *summo legum Divinarum* studio ponuntur. Quæ minime difficiles habent explicatus.

§. IX. *Timor Jēhovæ*, Dei Israelis, simul veri Dei, veracitate, gratia & justitia, summo gradu præditi, est serium studium Deum, tanquam benignissimum Patrem, simul potentissimum Dominum & justissimum Judicem, reverenter habendi, & vel minimam ejus offensam in omnibus solite vitandi, ne aut amori ejus quid adversum faciam, aut ipse damnum patiar. Quæ *timoris* definitio, vel circumscriptio, omnes hujus virtutis partes complexa, sicut filialem, cum amore conjunctum, a *servili & mercenario* probe distinguendum, intelligendum esse docet; ita *præceptorum* Dei observantiam continere, & producere, manifestum facit. Qui enim Deum tanquam Patrem amat, tanquam potentissimum Dominum reveretur, & justissimum Judicem metuit, adeoque ejus offensam vel in re minima vitare studet, & amori ejus quid contrarium facere veretur, is utique sese ad voluntatem ejus faciendam, & præcepta observanda, totus componere debet. Quare recte additur, & *præceptis ejus studiosissime operam dat*. Vulgo redditur, *qui præceptis ejus valde delectatur*: sed verbum Hebr. plura involvit. Proprie dicit *an inclinationem, inflectionem*; unde ad voluntatem translatus est, & cum lubentem mentis ad aliquid faciendum determinationem, tum etiam lætam animi adfectionem, quam acquiescentiam & delectationem adpellamus, ex bono aliquo, quod desideramus, seu possidemus, natam, comprehendit. In specie de *occupatione*, & *negotio*, quod totam mentem ad se trahit, & quis studiose ac summam cum delectatione facit, usurpatur: ut *Ecclef. iii: 1. Job. xxi: 21. & alibi.*

Quam potestatem & hic habet: adeo ut recte vertatur, qui studiose & cum voluptate præceptis Dei meditandis & præstandis occupatus est. Emphasin addit vocula *valde*, quæ summum, & intensive & extensive, ut dicitur, studium, summam occupationem & operam designat. Ex quo elucescit, non qualemunque pium, sed præcellentem in pietate, & studio legum Divinarum, virum hic intelligi. Quales sese præstiterunt Chasidæi hoc tempore, qui ardente legis & religionis studio ducti, ejus causa omnia egerunt, omnia passi sunt; simul ejus meditationibus ac observantiæ accuratam & sedulam navarunt operam: ut ex historia constat.

§. X. Hic *vir* ubi *beatus* proclamatur, omnigena felicitas in hac & futura vita ipsi adjudicatur a Jehova, partim vi nominis & virtutum ejus, partim promissorum, quæ dedit, partim ab ipsorum præceptorum naturalibus effectibus expectanda. Quam *felicitatis* amplitudinem ipsa phrasis Hebr., sive *felicitates viri*, sive *bene viro* vertatur, ambitu suo comprehendit. Thesis itaque, hoc versu proposita, est generalis, adeoque non restringenda; quæ summam felicitatem cum timore Dei, & præceptorum ejus observantia, in hoc & futuro seculo copulat, seseque ad omnia tempora extendit, & ad omnes pios, legisque studiosos, sese adplicari patitur, salva tantum sapientia Providentiæ Dei, quæ in hujus vitæ felicitate variis modis distribuenda conspicitur. Habet utique & sub N. T. *pietas promissum hujus & futuræ vitæ*, teste Paulo, ne alia proferam.

§. XI. 1. In propositionis deductione bona hujus vitæ, *felicitate* comprehensa, recensentur aliqua, simul ratio bonorum additur, & propositio confirmatur: cujus duo sunt articuli; *alter* ad semen copiosum & potens, *alter* ad domus opulentiam respicit. Prior his verbis effertur; vers. 2. *Validum in terra erit semen ejus: generationi rectorum benedicetur*. Quæ duo versus membra ita cohærent, ut prius felicitatis aliquam partem comprehendat, *posteriorius*

erius ejus confirmationem. Cum superiore versu pius & studiosissimus legis Divinæ cultor fuisset in genere felix & beatus declaratus; hic aliqua ejus pars, ad hanc vitam spectans, in specie memoratur, quæ hoc tempore maxime ad rem faciebat, relate ad *poster*os viri pii; de quibus affirmatur, *eos fore prævalentes in terra*; ut pios non tantum, sed & eorum posteros partem in hac eorum felicitate habituros esse sciremus. *Semen* signare posteros, in specie tales, in quibus parentum imago refulgescit, & per quos nomen parentum propagatur, & ad quos eorum hæreditas devolvitur, notum est, vel ex promisso Abrahami, *in Isaaco Tibi vocabitur semen*. Cum vero viri pii *semen* dicitur præpotens futurum; eum tali posteritate gavisurum esse, tacite indicatur. Sed non imbecillem aut vilem fore, verum *potentem & gloriosum*, directe promittitur. Vox Hebr. *נבר* proprie *consolidatum & in solidum roboratum* esse, signat, unde ad vim victricem & potentiam dominantem, qua quis reliquis præpollet & prævalet, aliisque dominatur, transit. Sensus itaque est, pium virum in terra habiturum esse præpotentes, & dignitate ac potestate conspicuos, posteros; quemadmodum in Abrahamo, Davide, aliisque, etiam in Mattathia & Maccabæis veritatem suam, ut notum est, habuit.

§. XII. Confirmationis, & non adpositionis, ergo additur, *generationi rectorum benedicetur*. h. e. viri pii semen in terra fore validum, ex eo firmatur, quod *benedictio* Dei sit super *rectorum generatione*, Promisso Dei & experientia teste. Verba continent thesin generalem, in promisso Divino, & ejus gubernatione, fundatam; quæ habet, *benedictam esse generationem rectorum*, ut de Abrahamo, ejusque Filiis, sæpe occurrit: & in Decalogo. Ex. xx., ac in proclamatione nominis Jehova coram Mose, Ex. xxxiv. ipsis verbis adseritur: quo hic respicitur. Ceterum ubi *generatio rectorum* adpellatur, & majores, quorum est generatio, & ipsos posteros, qui generationem vel semen

constituunt, *rectos* esse debere, si benedictionis futuri sint participes, indicatur. Quod & alibi inculcatur, & locis citatis. *Recti* vero adpellantur, qui modo *timentes* Dei & legis studiosi, quales *rectitudine* morali, de qua mox, præditi sunt. *Benedictio* autem, quæ huic generationi adjudicatur, latius sese extendit, & quævis alia bona, de favore Dei testantia, comprehendit. Quæ facilia sunt.

§. XIII. Alter articulus ita sonat, vers. 3. *Abundantia & divitiæ in domo ejus; & justitia ejus stat in æternum*. Reddit poeta ad felicitatem pii amplificandam, & semini potenti addit *abundantiam* & *divitias*; ita ut sufficientibus non tantum ad facilem & commodam vitam degendam, sed & maxima opum ac possessionum copia sit domus ejus gavifura. Prior vox *יָרֵךְ* proprie dicit *facilis*, *commodus*, *fuit*, unde ad *ubertatem* omnis copię, ut *vita facilis* Lat. pro opulenta, transit. Altera vox *וַיַּעֲשֶׂה* summam omnium rerum copiam, *divitiarum* nomine insigniri solitam, comprehendit. Quæ vitæ *commoditas* & *opulentia* cum pietate connectitur, partim quod pietas hominem aptum reddat ad divitias recte possidendas & utendas, ut in seq. dicitur; partim quod ad bona terrestria, in foedere Sin. promissa, & eæ pertineant; partim denique quod ad potentiam & splendorem, modo memoratum, tuendum multum faciant.

§. XIV. Posterius membrum, *& justitia ejus stat in æternum*, difficiliore habet explicatus; sed, ex mea sententia, haud unum admittit. a. *Primus* sensus, quem huc adprime quadrare censuerim, ex primigenia vocis Hebr. *יָרֵךְ* potestate, qua *recto-rigidum* signat, eruendus, perennem & immobilem status *stabilitatem* comprehendit; qua sese hac parte *inflexilem*, & *rigido* tenore perstantem, nulla vi, nulla vetustate, superabilem, præstat. Quod sicut apte *recto-rigidum* adpellatur, ita cum potentia & opibus recte jungitur, ne, eas ad breve tempus duraturas esse, ut fieri adsolet, opinaremur. Sic plane Prov. viii: 18.

divitiæ

divitia & gloria mecum sunt, dicit sapientia, opulentia edurans & justitia, eodem sensu. b. Secundus est, ex usitata vocis notione, qua justum denotat, ut dicitur, titulum, seu jus legitimum in rem, justo titulo eam potentiam & opes habere pium, simul nullam de eo cum effectu movendam esse in posterum controversiam, verum jus illud ejus in hasce opes duraturum in perpetuum. Justitia itaque pii stare dicitur in perpetuum, quatenus justo titulo possidebit, & retinebit opes, absque ut unquam convelli & refutari possit &c. c. Tertius denique huic adfinis, sed alio relatus & ulterius se extendens, fert, jus pii ad bona foederis petenda & consequenda fore perpetuum, & durabilem ipsi horum bonorum possessionem facturum. Justitia pii itaque jus denotat, ipsi ex præstitis conditionibus foederis in ejus bona & promissa paratum. Quod jus non est ex opere meritorio, sed sola Dei gratia, unde promissa fluxerunt, verum in veracitate Dei fundatum, qua Deus promissis & dictis suis fidem præstat. Cum itaque conditiones foederis sunt observatæ, exigit veracitas Dei, ut bona repræsentet, & inde justitia, seu jus in ea, nascitur. Quo sensu habetur, Jes. LVIII: 8. Tunc erumpet tanquam aurora lux tua, & instauration tua cito efflorescet: & iret coram Te justitia tua. Sic & alibi. Hoc sensu verba fundamentum continent, cui felicitas modo descripta innititur, ut facile intelligitur. Ceterum ubi æternum stare ejus effectum traditur, hac vita non terminari, sed in omnem æternitatem durare, tacite insinuat. Quæ latius non exsequor.

§. XV. Quod Jes., rationem afflicti reducum ab exilio Babylonico status durantis redditurus, & viam ad pristinam prosperitatem ac plenissimam instaurationem monstraturus, prædixit, c. LVIII: 9. si e medio tui abstuleris jugum, porrigere digitum, & loqui vanitatem: & deprompseris esurienti animam tuam, & animam afflictam saturaveris; orientur in tenebris lux tua, & caligo tua evadet merides: Illud ipsum,

ipsum, quo tempore Pf. noster compositus est, fieri jam incepisse, & ulterius futurum esse, in hac *secunda* Pf. parte declarat & prænunciat poeta. Qui, posteaquam beatitatem viri, Deum timentis, & leges ejus toto animo observantis, explicuisset, ad eorum, qui justitiæ & benignitatis officia erga proximum præstant, felicitatem, partim præsentem, partim mox futuram, describendam aptissime pergit, cum quod hæc officia cum timore Dei cohæreant, & ex eo fluant, eoque ex principio fieri debèant, si Deo placitura sint; tum quod ipsæ illæ virtutes ad hominum felicitatem, & perennem prosperitatem, sponte sua ducant. Occurrit vero in hac parte κ. propositio felicitatis, partim præsentis partim futuræ, cum justitiæ & charitatis virtutibus connexæ, vers. 4. γ. ejus uberior explicatio, & confirmatio, vers. 5—8. α. Conclusio & repetitio vers. 9.

§. XVI. κ. Propositio ita sonat, vers. 4. *Exorta est rektis lux in tenebris: tenerrimo prædito adfectu misericordi & justo.* h. e. omnibus & singulis, animo & vita integris, qui justitiæ & bonitatis officia ex animo implent, adluxit in mediis calamitatibus tanta cum efficacia prosperitas, ut, quin ad summum culmen instar exorti solis progressura sit, dubium nullum sit. Adpellat poeta eos, quibus hoc bonum assignat, in genere *rektos*; quos mox a *justitia* & *beneficentia* commendat; ut eorum characteres accuratius exhiberet. *Rekti* dicuntur, quorum adfectiones & actiones sibi non tantum respondent, oppositæ ad hypocrisin, alias *integrorum*, vel *rectorum* eodem nomine, & *sincerorum*, insigniri soliti, sed & virtutibus Dei, ipsisque rerum relationibus & proportionibus, tanquam æternæ omnis perfectionis moralis regulæ & exactissimæ normæ, conveniunt. Quam regulam cum Deus legibus, sive animo inpressis, sive publicatis, expresse-rit; *rekti* sunt, qui ad eas animum vitamque componunt; utique eo unice tendunt, &, ut id faciant, omnes intendunt nervos.

§. XVII. *Rektis* ubi addit *tenerrimo præditum adfectu misericor-*

misericordem & justum, nominibus singularis numeri usus; sicut *erectorum* lineas ducit, ita *singulis* illud, quod modo *rectis* in genere tribuerat, adsignat. Quæ vera est & additionis, & *numeri* mutati ratio. Sunt, qui per *gratiosum misericordem & justum* intelligunt ipsum Deum, sive per ellipsin præpos. *et* a justo &c. sive, *lucem* rectis exortam ipsum Deum declarari, velint. Sed 1., ne impeditiorem fieri orationem dicam, nullum adest *Dei* indicium; quod abesse non posset. 2. illæ ipsæ qualitates rectorum mox in seq. expresse memorantur. Rectius itaque per adpositionem coherens cum *rectis*, ad eorum qualitates depingendas. Cum autem officia, quæ proximo debemus, ad *justitiam & beneficentiam* referri possint, quorum *illa* in eo sita sunt, ut alterius perfectionem & felicitatem ipsi relinquamus integram & salvam, eique, quod *suum* est, sive in quod dominium habet, & quod *justo titulo* possidet, tribuamus, hæc vero eo tendunt, ut alterius perfectionem & felicitatem augeamus, vel *tueamur*, ac *vindicemus*, ad quæ *amor*, quo alteri, quod nobis, volumus, nos obligat: utriusque generis officia hic repræsentat poeta; ubi rectos adpellat & *beneficos & justos*. Beneficum vocat *tenerissimo affectu præditum*, & *misericordem*. Prima vox, quam *gratiosum*, *beneficum misericordem*, vertere solent, proprie *maternam pietatem & intimam teneritudinem* τῆς εὐρυγῆς exprimit, & sedem primigeniam habet in stridulo gutturi sono, quem animalia, affectum erga foetus suos significantia, edunt: a quo sono fictum est verbum *πρ*: ut sæpe notavi. Depingit itaque hominem, qui vero & flagrante amore proximi, vel studio in ipsius felicitatem, ducitur. Quod est omnium erga proximum officiorum principium & fons: quare recte præmittitur. Cum vero hic *amor* sese in primis exferere soleat, quando in misero, vel paupere, statu versatur proximus, hæc charitatis & liberalitatis qualitas in specie exprimitur, ubi *misericordia* adiungitur. Radix Hebr. *רחם* proprie est *σπλαγχνίζεσθαι* in visceribus

bus adfici, & de matre adhibetur, foetum molliter fovente, & tenerrime amante; unde ad opera *miseri cordiae*, quibus egenis, afflictis & miserabilibus, ex intimo adfectu succurrimus, transiit, de quibus passim usurpari solet. Adjungitur denique *Iustus*, qui in alterius perfectione & felicitate ipsi relinquenda, absque ut ei vel minimum noceat, aut damnum faciat, exactissimus & *recto rigidus* est. Vox proprie *recto-rigidum* signat, inde metaph. eum, qui vigorem virtutis in *dictis* & *factis* constanter & invicte retinet; radix enim æque *veracem* ac *justum* significat. Denotat itaque *constantem* & *perpetuam voluntatem suam cuique tribuendi*: ut JCTi solent definire.

§. XVIII. De his rectis, officia beneficentiæ & justitiæ exactius implere studentibus, dicitur, *lucem ipsis exortam esse in tenebris*. h. e. pulsis malis & calamitatibus, quibus undiquaque premebantur, nec exitum reperiabant, lætam contigisse liberationem, & adluxisse omnigenam prosperitatem, civilem & sacram, privatam & publicam; quæ indies procederet, ad plenam meridiem, seu summum gradum, usque. Non dicitur *orietur*, sed *exorta* est, ut indicaretur, initia prosperitatis jam tunc fuisse conspicua, absque tamen ut ad plenum diem pervenerit, sed *ortam* tantum esset lucem, adeoque ulterius adhuc processuram: quod ipsum hic intelligitur. Non enim *lux* mox interitura, sed clarius & latius spargenda ob oculos ponitur: quod facile cernitur, & ex ipsa verbi *oriri* potestate eruitur. Signat enim *sparsionem luminis cum rutilatione*. Sic Jes. LVIII: 10. *Orietur in tenebris lux tua, & caligo tua evadet meridies*. Sic Debora in cantico, Jud. v: 31. *qui Jeboram diligunt, sunt ut sol exiens, vel procedens in potentia sua*. Ceterum *lucem* esse prosperitatis & lætæ conditionis, *tenebras* vero calamitatis cujuscunque & tristicius status, emblemata, notius est, quam ut demonstrare aut illustrare opus sit. Ps. xcvi: 11. *Lux sparsa est justis, & lætitia rectis corde*. Quam apte vero hæc in statum Judæorum quadrent, quo, a Juda Macca-

Maccabæo in aliquam libertatem vindicati, sacra insta-
runt, & festum encæniorum, seu *luminum*, prima vice ce-
lebrarunt, nemini non in promptu est.

XIX. ב. In propositionis *deductione* α. beatitas in gene-
re cuius bono & misericordie assignatur, vers. 5. his ver-
bis, *Bonum virum! qui miseretur & mutuo dat.* h. e. felix
profecto est eritque, quisunque sit, qui beneficium sese
& liberalem præbet indigenti & petenti. Quod modo
met. per *lucis ortum*, illud nunc proprie exprimit, ubi
beatum pronunciat virum; sic enim potius verterim & in-
tellexerim, quam cum aliis pro qualitate morali *bonitatis*.
Hoc enim si voluisset poeta, dixisset *vir bonus*, ut stylus
Hebr. fert, nec *bonitas* moralis huc apte quadrat. Vox
Hebr. etiam de *felicitate* usurpatur, seu bono physico, ut
dicitur, nec tantum *moralis*: ut Jes. III: 10. *dicite*, vel *ce-
lebrate justum, quod bonus*, seu felix sit & fortunatus, Jes.
XLIV: 17. *fuimus boni, nec malum vidimus.* Deut. XXX: 16.
posui coram te hodie vitam & bonum, ac mortem & malum.
Ex quo locus Mich. VI: 8. explicandus est, *coram te posuit*
(Deus) *o homo, quænam sit felicitas a te quærenda,*
& quæ via ad eam; *ecquid Jēhova requirit a te?* sc. ad bo-
num consequendum. *Bonus vir* sc. est, vel bene viro,
o bonum virum! quemadmodum initio Pf., *qui gratis dat,*
vel *mutuo*. Relativum *qui* hic per ellipsin supplendum est;
ut initio Pf., & sæpe alias. Qualitates istius viri laudabiles
in *beneficentia* ponuntur; cujus duo in primis signa & effec-
ta memorantur, ex quibus de reliquis iudicium ferri pote-
rat. Prius respicit ad egenos & miseros, quibus ex te-
nerrimo adfectu sponte & gratis succurrit, sive pauperta-
tem eleemosynis sublevet, victum & amictum largiendo,
sive miseros & afflictos ore & opere consoletur, iisque
opem ferat. Occurrit idem verbum, cujus modo habui-
mus derivatum, quod proprie tenerrimum adfectum *רַחֵם*
רַחֵם continere dixi, usu vero de liberali donorum & bo-
norum in pauperes collatione usurpatur. Sic Pf. XXXVII:

21. Prov. xiv: 21, 31. xix: 17. & alibi. *Posterius* pro objecto habet non quidem egenos & pauperes, sic absolute dictos, sed qui nostra opera pro tempore indigent, eamque implorant, & in eo situm est, quod lubente animo, sine spe lucri, nostrorum bonorum usum fructum concedamus: quod verti solet per *mutuo dare*; non male, si vox *mutui* latius, quam *Jctis* solet, sumatur, & *creditum*, *commodatum*, *depositum*, *contractum innominatum*, & similia comprehendat. Verbum Hebr. מִי proprie dicit, *implicari*, ac *illigari multis spiribus ac flexibus*, unde inter alia idea *mutui*, & alieni boni usus fluxit, quo quis implicatur, obligatur, & nexu alicui devincitur. Ceterum ubi *mutuo dare* legitur, illud simpliciter fieri, sine *pignore*, multo magis *foenore*, observandum est. De quo Deut. xv. ipsa lex præcepit, & Ps. xv. tanquam pietatis & bonitatis signo agitur, *pecuniam non usuræ causa* collocare. Quod Dominus a suis Discipulis quoque exigit Matt. v: 42. Luc. vi: 34. xi: 5. *Mutuo dare* itaque hic occurrit, tanquam laudabilis viri boni & proximi amantis *qualitas*, ut & Ps. xxxvii: 26. *omni die largitur liberaliter & mutuo dat*: ad quam quis stricto jure non est obligatus, nec omni tempore, & erga omnes; cum nec omnia pignora, omnes usuræ sint illicitæ, sed temporibus adfectis & periculosis, & erga eos, qui vel arctiore nobiscum necessitudine sunt colligati, vel sine suo damno notabili pignus aut foenus dare nequeunt, quibus nos facile caremus. Verbo, ubi *beneficentia*, & tenerimus erga proximum adfectus, id sponte sua postulat. De quo hic pluribus agere non licet, aliqua dixi ad Ps. xv.

§. XX. Talis vir ubi *felix* pronunciatur, tacite quidem insinuatur, eum esse *fortunatum*, quod *liberalitatem* exercere, & *mutuo dare*, possit, quo sensu etiam Dominus dixit, *beatius esse dare quam accipere*, Act. xx: 35. & *mutuo dare* adcenfetur privilegiis ac prosperitati, ut est Deut. xxviii:

12. *mutuum dabis gentibus multis, & tu non accipies mutuum.*
Prov.

Prov. xxii: 7. sed directe & aperte indicatur eum hoc officio probe fungentem benedictione ac favore Dei gavi-
furum, & beatitudinis omnigenæ consortem futurum esse.
Quod non ita est intelligendum, ac si liberalitas vel sola,
& seorsim considerata, vel ex merito operis & operantis,
hanc felicitatem haberet conjunctam. Quod haud diffi-
culty cernitur. Charitatis opera cum beatitate connec-
tuntur ex *nexu & ordine*, quem Deus in consilio & oecono-
mia gratiæ inter *fidem & opera*, eorumque fructus & conse-
quentia, ordinavit. Nec sola liberalitas, licet & illa
fructu non careat, sed cum *fide & affectu* conjuncta, tan-
quam exstans & illustre signum & effectum, adeoque cum
reliquis virtutibus connexa, hanc felicitatem adfert. Quem-
admodum Matt. xxv. & alibi considerantur: sic & nexus
cum superioribus nostro in Ps. manifeste requirit. *Libera-*
litatis vero expressa fit mentio, cum quod *charitatis* proxi-
mi, simul timoris Dei, sit luculentum & præcipuum sig-
num & effectum, tum quod eo tempore; de quo in hoc
Ps. agitur, eam exercendi multiplex foret occasio, cum
tempora illa Epiphanica multos in miseriam & paupertat-
em conjecerant; tum denique quod Judæis, bonorum
temporalium avidis, hoc officium maxime erat commen-
dandum & inculcandum. Quod idem propterea factum
est Jes. LVIII. & alibi, sæpe in Ps. & apud Prophetas.

§. XXI. β. *Beatitate* status in genere proposita, & pro-
missa, ejus partes in specie deducit poeta; ut animi for-
tius moverentur. Memorat autem *duo* felicitatis signa &
effecta, *alterum* ad *justificationem* in *judicio* ejusque conse-
quentia pertinet, *alterum* ad *securitatem* status contra ho-
stium insultus spectat. Prius his verbis proponitur, vers.
5, 6. *Sustinebit causas suas in judicio; quia in æternum non*
dimovebitur, æternæ memoriæ erit justus. Ubi *a.* sese offert
bonum, seu privilegium viri liberalis, vers. 5. *b.* ejus
confirmatio, vers. 6. *a.* Prærogativa in eo ponitur, quod
causam suam in judicio tuiturus sit. Quæ verba non æque

feliciter tractarunt Interpretes. Vulgo vertuntur, *moderabitur verba vel res suas in vel cum judicio*, h. e. sapienter ac prudenter; & vel de verborum, vel rerum prudente dispositione, qua modus in omnibus servatur, & excessus evitantur, interpretantur. Sed, præterquam quod verba non qualitatem moralem, sed beneficium, quod liberali & misericordii contingeret, describant, ut ex nexu & structura orationis patet; verba hunc sensum non ferunt, nec scopus admittit. Verbum Hebr. כָּלַל non denotat *moderari, temperare*; sed primo *continere, capere*, sicut vas liquorem aut arida *comprehendit*; dein *sustentare, tueri*, seu efficere, ne contentum diffluat, aut excidat. Sic pro *ferre, sustinere, in statu suo conservare*, signat. Jer. xx: 9. Zach. xi: 16. Prov. xviii: 14. *Animus viri sustinet morbum suum*. Secunda vox, *verba sua*, sæpe pro *causa* judiciali, pro *lite*, seu disputatione in judicio, usurpatur; quemadmodum radix frequentari solet in *actionibus judicialibus*, notatque controversiam judiciariam agitare, disceptare & longius *deducere*. Ps. l: 1. Li: 6. 2 Sam. xiv: 10. proprie dicit, *struere, & longius nectere ac deducere*. Tertia vox, *in judicio*, ad tribunalia & actiones judiciales manifeste quoque ducit. Sensus itaque, quem verba sponte sua exhibent, est, virum pium & beneficium, per opera charitatis, quæ edidit; *causam suam ita in judicio*, sive Divino, sive humano, tuiturum esse, ut triumphet, & justificatus, ac encomio ornatus, discedat, oppositæ ad impium, qui ubi *judicium de ipso instituitur*, in judicio *non stare* dicitur, Ps. i: 5. cum contra piis promittatur, *omnem linguam, quæ contra ipsos in judicio stabit, esse condemnandam*, Jes. liv: 17.

§. XXII. Cum vero *judicium* sit, vel *Divinum*, vel *humanum*; in utroque dici potest pius, & charitatis plenus vir, *causam suam tueri*; quatenus i. *Deo*, iuste semper & æque judicanti, sese adprobat, & benignum ab aliorum conscientia *judicium non possit non referre*, modo adfec-

adfectibus non abripiantur & corrumpantur. Ex operibus charitatis, quæ præstitit, de bono & laudabili ejus statu, & animo, non poterit non favorabile judicium ferri a Deo & hominibus, ita ut, si in judicium vocetur status, vel causa, ejus vi operum charitatis absolvatur, & tanquam justus & bonus laudetur, necesse sit. 2. Nec illud tantum, sed *jure* ipsum ad bona foederis gaudere, adeoque hujus & futuræ vitæ bonis gaudere debere & gavisurum esse, secundum ipsius Dei judicium, quod nullius non conscientia adprobare debeat, indicatur. Quod ipsum supra dictum fuit, *justitiam ejus stare in æternum*. 3. Denique, ubi Deus *judicium* suum rebus humanis interpositurus sit, quod subinde singulari modo fit, & hoc ipso tempore, quo Ps. compositus est, factum fuit, & fieret; causa hujus viri, & ejus similium, triumpharet, ita ut jus in bona hujus vitæ ipsis sit divinitus assignandum, cum hostium condemnatione & excidio. Cujus illustrissimum hoc tempore in Maccabæis, & legis studiosis, fuit specimen conspicuum. 4. Tandem, non pro brevi tempore, sed in perpetuum, etiam post mortem apud longam posteritatem, hoc privilegio gavisurum esse hominem beneficum & liberalem, significatur. Phrasis enim, *tuebitur causam in judicio*, denotat, semper & in perpetuum tuebitur, quoties judicium de ipso instituetur. Id quod sequentia verba confirmant.

§. XXIII. Subjungitur enim mox ad bonum illud confirmandum, vers. 6. *quia in æternum non dimovebitur, æternæ memoriae erit justus*. Quem modo tenerrimi adfectus virum, & egenorum afflictorumque patronum ac sustentatorem liberalem ac misericordem, adpellaverat, eum hic *justi* titulo ac encomio ornat, cum quod *justitiæ* & *charitatis* virtutes sint inseparabiles, tum quod vox Hebr. *justitia* etiam elemosynas, & liberalitates, usu suo comprehendat, ut & Gr. *δικαιοσύνη*, tum denique ut, eum *causam suam in judicio* tueri posse, sicut modo dixerat, indicaret.

ret. Talem virum pronunciat *non esse dimovendum in aeternum*, quin *memoriam ejus fore perpetuam*. h. e. nec, dum vivit, statu, fortunis ac spe, plane & plene esse privandum, nec post mortem posteritate felici, aut bona memoria, cariturum, sed statum ejus fore perennem, & immobilem, quicquid etiam ad eum destruendum moliantur hostes, & memoriam ejus per longam posteritatem esse propagandam, nomenque ejus celebrandum; nec illud tantum, sed & in omnem æternitatem eum felicem fore & beatum: quod, licet non directe, attamen amplitudine & emphasi phrasios una comprehensum est. Opponitur hoc promissum inproborem fortunæ fallaci, & in turpem exitum ac miserabilem exire solitæ, ut in fin. Ps. videbimus. Ceterum verba hæc pro thesi generali & notoriæ veritatis habenda sunt, quæ ad superius privilegium, vers. 5., confirmandum tendunt: ut ex nexu per particulam causalem, *quia*, patefcit. Ac si diceret: pius & misericors *causam suam* in judicio recte & constanter tuebitur, nec causa cadet, statuque excidet, unquam; quia certissima & testatissima veritas est, *justum non esse loco movendum in aeternum* &c. Quæ thesis, de hac vita, & hujus vitæ bonis, intellecta, non est absolute, sed restrictæ, & relate ad Oecon. V. certaue tempora, & rationes Divinæ providentiæ &c. capienda. De quo supra dixi, & sæpe alias.


§. XXIV. Alterum felicitatis signum respicit ad *securitatis* statum, non obstantibus rumoribus tristibus, & hostium oppugnationibus; quibus confidenter in Jehova resistit pius & justus, vers. 7, 8. *Rumore a malo non timet; firmum est cor ejus, innixum Jehovahæ. Fultum est cor ejus, non timebit, donec intutus fuerit hostes suos.* Hostium adventantium, aut malorum imminentium, fama præmissa ipsi non tantum nullum incutiet metum, cum cor habeat in Deo firmum, sed ne quidem præsentia eorum animum percelleret, aut pavidum reddet, sed fultum habebit, donec omnis timendi ratio cessaverit, hostibus profligatis et subactis. Quod quam

quam egregie in Maccabæos quadret, ut demonstrem, opus non est. Nihil hic obscuri, aut difficilis, nisi in ultimo vers. 8. membro. Versus continent *securitatis* descriptionem, non carnalis, sed piæ & solidæ, in Deo, ejusque fiducia, fundatæ. *Prior* vero *versus* ad mala adventantia, & eorum rumores, licet veros, pertinet, quibus carnales & improbi solent concuti, & metu corripi. *Posterior* de ipsis illis malis præsentibus agit, quæ omnem spem eorum solent eludere, & eos ad desperationem adigere. Versu posteriore plus dicitur, quam priore; adeoque repetitione *cordis firmi*, & *nihil metuentis*, non est inanis & frustranea; ut facile patescit. Ultimum vero membrum, *donec viderit inimicos suos*, duo significat, hic conjungenda; *alterum* est, ne tunc quidem metuere, cum hostes viderit ingruentes, & se invadentes; contra, iis animose resistere; & sine metu ac pavore manus cum iis conferere. Quod nonnunquam hac phrasi, *videre hostes*, exprimitur. *Videre* enim in re bellica usitatum est, & *videre* se invicem dicuntur exercitus hostiles, jam jam conflicaturi. Ps. XLVIII: 6. 2 Chron. XX: 22. *Alterum*, quod phrasi comprehensum esse existimem, habet, pium & justum in Deo firmum & intrepidum consistere, usque ad hostium subactionem, donec eos *viderit prostratos*; adeoque omnis metuenti ratio cessaverit. Ex quo facile elucescit, non indicari, eum postea metu esse corripiendum; *donec, usque quo*, sæpe non terminum & finem durationis signat, sed simpliciter rem duraturam ad illud saltem tempus, in quo difficultas esse poterat, & dubitandi causa. *Videre* vero vel *intueri* in *hostes* eam aliq. sensus amplitudinem, quæ eorum *destructionem* involvit, complectitur, ut Ps. LII: 8. LIV: 9. XCII: 12.

§. XXV. 1. Conclusio & repetitio thesios, vers. 5. propositæ, & seq. versibus deductæ & confirmatæ, ita sonat, vers. 9. *Sparsit dedit egenis, justitia ejus stat in æternum, cornu suum elevabit in gloria.* h. e. Qui liberaliter & copiose

se bonâ opesque in egenos quaquaversum spargendo contulerit; ejus profecto *justitia* stabit perenniter, & potentiam dignitatemque possidebit, retinebit, & ostendet gloriose. Cuncta sunt ex superioribus facilia. Tantum not. 1. *spargere* & *dare* esse sparsim, profuse & simpliciter, dare in usum pauperum. Alterum enim verbum, ubi duo junguntur, sæpe *adverbialiter* sumitur: uti notum est. 2. *Justitia* ejus ubi *stare* dicitur, illud pro *felicitatis* & *retributionis* descriptione habendum est, ut supra vidimus & explicuimus. 3. Denique *cornu exaltari* dicitur in gloria, quum dignitas & potentia in sublimi collocatur, & firmo talo consistit, etiam in *semine*, seu posteris, ejus; ut Ps. LXXXIX: 18. 25. XCII: 11. Quod facile est.

§. XXVI. Illustratur postremo & confirmatur doctrina, hoc cantico proposita, ex opposita impiorum forte infelice, vers. 10. *Videbit impius, & aegerrime faciet, dentibus suis stridebit, & tabescet. Cupiditas impiorum peribit.* Cujus versus duo sunt membra: quorum *alterum* continet impiorum sortem infelicem & miseram, eo tempore, quo pii prospere agerent, repræsentandam; *alterum* generalem comprehendit thesin, ad prioris illustrationem & confirmationem. Prius his verbis: *videbit impius, & aegerrime ipsi erit; dentibus suis frendet, & liquefet.* Quibus non tantum indignatio & tabifica invidia impiorum significatur, sed simul miserrima eorum conditio, cum illis adfectibus conjuncta. Verba enim *aegerrime facere* & *tabescere*, ad miseriam irritantem, & consumentem, ducunt. Sic *ovv* aliq. dicit *miseriam*, quæ ægrimoniam & indignationem vehementissimam ciet, ut Job. vi: 2. *alterum* verbum *לרסק* *liquefieri, tabescere*, speciatim in eo adhibetur, qui totus exhauritur &c. Reliqua sunt facilia.



P S A L M. CXIII.

1. *Halleluia. Laudate servi Jehovae, laudate nomen Jehovae.*
2. *Sit nomen Jehovae benedictum ab hoc tempore in aeternum.*
3. *Ab ortu solis ad occasum ejus laudatum sit nomen Jehovae.*
4. *Excelsus est supra omnes gentes Jehova, supra coelos gloria ejus.*
5. *Quis est sicut Jehova Deus noster? qui sese mihi sublimat ad sedendum.*
6. *Qui sese mihi demittit ad videndum, in coelo & terra.*
7. *Erigens mihi ex pulvere tenuem, e chytropode sublimabit egenum.*
8. *Ut eum sedere faciat cum principibus, cum principibus populi sui.*
9. *Habitare mihi faciens enervatam domus matrem filiorum laetam.*

P R O L E G O M E N A.

§. I.

Argumentum Ps. est formula Deum celebrandi, servus Dei praescripta, una cum adhortatione ad ea utendum, quæ cum votum pro laudatione Dei per omnia tempo-

tempora & omnia terræ loca instituenda, tum *materiam* celebrationis Dei continet, *partim* a summa & gloriosa ejus Majestate supra omnia, in coelo & terra, evecta, *partim*, ab universali Dei providentia, ad minima, quæ in terra sunt, sese porrigente, *partim* denique a singularibus ejus speciminibus & effectis, in vilissimis & adfluctis elevandis, & sterilitate cum foecunditate commutanda. Posteaquam poeta servos Dei ad nomen Dei glorificandum excitasset, Deum ubique terrarum & in æternum laudandum esse optat & jubet; quando ad infinitam Dei excellentiam, singularemque Providentiam, prædicandam pergit, & duo stupenda ejus providentiæ signa extollit, *alterum*, quo abjectæ & miseræ conditionis viros mirabiliter ad summam evehit dignitatem, *alterum*, quo familiam, quæ plane extincta, & omni spe propagationis orba, videbatur, mirifice multiplicat, & prosperrimam facit.

§. II. Canticum, ut argumentum ejus illustrem, pro hypothese habet. 1. Nomen Jehovah, Dei Israelis, fuisse ante hæc tempora inter Gentes obscuratum, adeo ut Idolis fuerit postpositus, & populo Dei, quippe adflucto, illusum, ac si Deum haberet nullius faciendum, aut potentia aut bonitate privatum. Quod Ps. cxv: 2. ipsis verbis adseritur: *quare dicerent gentes, ubi est Deus ipsorum?* 2. Sed hoc tempore Jehovah tanta dedisse suæ Majestatis & Divinitatis indicia per gentes divulgata, ut laudes Deo non tantum ab Israele, sed & a gentibus, si ad rem adtenderent, accinendæ sint. Quo sicut adhortatio ad Deum laudandum, ad servos Dei directæ, ita in specie & directe tendit, cum quod Deus laudandus dicatur *nunc* & in æternum, tum quod per *omnia loca* id fieri debere innuatur. 3. Inter alia providentiæ Dei signa hæc duo eminuisse hoc tempore, quæ omnium oculos & animos in se vertere debeant, adfluctorum & contemtorum exaltationem, ac sterilius foecunditatem mirabilem. Quod ex illis casibus, speciatim memoratis, facile elucescit.

§. III. Occa-

§. III. *Occasionem* cantici, quæ ex dictis sese sponte sua offert, præbuit singularis & mirabilis rerum inter Israelitas mutatio, qua Deus antea contemptus inter Gentes nunc tanquam summus coeli & terræ rector inter omnes esset celebrandus, populus Dei antea abjectus & oppressus nunc in prospera & gloriosa conditione positus, pii in specie, & legis studiosi, antea vilissimæ & miseræ sortis, nunc in summam dignitatem & auctoritatem essent elevati, & familiæ, fere eradicatæ, nunc florerent, & amplissima sobole ditatæ essent. Quæ lætissima & stupenda catastrophe ansam suppeditabat aptissimam Deum celebrandi, & omnes ad id excitare debebat. Quod ipsum Divinum nostrum poetam, quisquis fuerit, quod plane ignotum est, ad hanc oden componendam in laudes Dei animavit.

§. IV. De *Tempore*, quo canticum est factum, ex argumento, ejusque hypothesi modo in lucem protracta, judicandum est. Cum enim nihil prophetici hic occurrat, sed Deus a signis excellentiæ & effectis providentiæ nunc repræsentatis laudetur; eo tempore necesse est ode fuerit publicata, quo hæc ipsa phœnomena locum habuerunt. Quod licet Davidis & Salomonis tempore, & postea una alterave vice, conspicuum fuerit: nullum tamen per totam œconomiam V. ostendi potest, in quod omnia ea luculentius & exactius quadrant, præter *Maccabaicum* sub Simone & Johanne Hyrcano: quod ex historia & verbi prophetici harmonia nemini non notum est. De quo in Ps. explicatione dicetur. Hoc tempore nomen Dei Israelis, antea per summam illam afflictionem Epiphanicam contemptui expositum, una cum religione Israelitica profututa, summe fuit per stupendam populi liberationem & instaurationem glorificatum; ita ut inter ipsas gentes celebrari coeperit. De quo ex Jes. xxv: 1, 3, 6— & aliunde egregie constat. Accedit, hoc ipso tempore Israelitas quaquaversum fuisse dispersos, adeoque & eorum respectu dici potuisse, *av ortu solis ad occasum* nomen Dei esse

laudandum. Quo respectu Jehova dicitur celebrandus *in insulis maris*, Jesh. xxiv: 15. Quo etiam locus Tseph. iii: 10, 11. pertinet; ne alia memorem. Hoc quoque ipso tempore duo illa providentiæ specimina sese omni sua vi exseruerunt in Maccabæis & Chasidæis, ex vilissima & afflictissima conditione ad summam gloriam elevatis, & populo supra Patres multiplicato. Quæ ipsa foecunditas, & multiplicatio, inter criteria temporum Maccabaicorum referri solet in verbo Prophetico. De quo mox. Robur denique huic hypothese addit comparatio hujus odes cum præcedentibus & sequentibus, ejusdem etiam temporis. Ceterum, sicut præcedens canticum in initiis instaurationis per Judam Maccab., ita hoc nostrum cum jam plena esset rerum instauratione tempore Simonis, compositum est, adeoque præcedenti recte subjungitur.

§. V. *Scopus* Ps. in genere est laudatio Dei ab excellentia ejus supra omnia, nunc luculenter demonstrata, nec non a singularibus Providentiæ Dei speciminibus, in adflictis elevandis, & sterilibus benedicendis. Quod ex Ps. inscriptione *Hallelujah*, & argumento, facile elucescit. Sed in specie id videtur poeta intendisse, ut *servis* Dei *formula*, secundum quam Deo sint hoc tempore laudes canendæ, in manibus esset. Quod ex nexu vers. 1. & sequentium clarius patefcet, si verbum *dicentes* suppleatur; hac ratione: *Laudate servi Jehovæ, laudate nomen Jehovæ, dicentes: sit nomen Jehovæ benedictum &c.* Sic Ps. cxv. *Celebrate Jehovaham, quia bonus: dicat quæso Israel &c.*

§. VI. *Partes* Ps., ut ejus *analysin* tradam, duæ generales sunt. I. Exhortatio fervorum Dei ad nomen Jehovæ celebrandum, vers. 1. II. *Formula* laudationis: cujus *duæ* sunt partes. *. *Prior* complectitur votum pro laudatione *semper* & *ubique* faciendæ, vers. 2, 3. 3. *Posterior* ejus *materiam* & *argumentum* continet, respectu *excellentiæ* Dei, *Providentiæ*, & duorum singularium speciminum in *vilium* elevatione, ac *sterilium* foecundatione, vers. 4-9.

ANACRISIS.

A N A C R I S I S.

§. VII. Interpretes, qui mentem de hypothesi Pf. explicandi declararunt, vel in genere Providentiam Dei hic describi & laudari volunt, vel ad Christum ejusque Ecclesiam ex humili statu extollendam, & per orbem multiplicandam, referunt. *Prior* sententia ex supra dictis de *hypothesi* Pf. sponte sua corrui. Ea enim, quæ Pf. præsupponit, non in omnia, sed certa tempora, quibus Deus sese sublimem demonstrat, & singularia illa edit effecta, hic memorata, conveniunt. Emphasin etiam habet; quod Deus laudandus sit *nunc* & in æternum, argumento, materiam laudationis, hic occurrentem, *tunc* temporis maxime fuisse conspicuam. *Posterior* sententia in eo maxime est fundata, quantum intelligere potui, 1. quod *nomen Dei* ab *ortu solis* ad *occasum* sit laudandum. 2. quod *sterilis* paritura alibi ad Ecclesiam primævam Christianam adplicetur, Jes. LIV. Sed neutrum sufficit: non *prius*, cum quod *voti* conspectum habeant verba, & officium declarent, non quid tunc futurum esset, *tum*, quod ad *Israelitas*, ubique terrarum dispersos, æque ac ad *Gentiles*, adplicari possit. Addatur, simul indicari, quid proxime post futurum esset, Ecclesia Maccabaica in Christiana consummanda: de quo mox. Nec desunt similia loca, de Ecclesia Maccabaica eodem modo loquentia. *Posterius* non tantum lubricum est, in arbitraria comparatione cum Jes. LIV. fundatum, sed & haud una premitur difficultate. *a.* Quia verba ex cantico Hannæ 1 Sam. II. desumpta sunt, ut cuique ex collatione patet. Sed ibi ad *Harnam* ex sterili foecundam factam, non ad Ecclesiam, pertinent. *b.* Quia, per sterilem domus intelligi *Ecclesiam*, nullo indicio liquet.

§. VIII. Sed posterior ea sententia non tantum sublestit nititur rationibus, verum etiam longe solidioribus refutatur: quas verbo tantum attingam. 1. Nullum hic occurrit sensus

pus prophetici indicium, sed Deus celebratur ab effectis providentiæ jam tunc repræsentatis: adeoque a tempore compositi Pf. discedere fas non est. 2. Nec ullum hic sese offert, aut *Messia*, aut *regni* ejus, criterium, nulla redemptionis aut beneficiorum Spiritualium fit mentio: Deus ab excellentia sua supra omnia, & providentiâ universali ac singulari celebratur, nihil hic de Messia, aut ejus *exaltatione*; licet verba eo torqueantur sine ratione. 3. Denique singularia providentiæ specimina non ad spiritualia, sed externa & corporalia, bona referri debent, ut ex verbis, & vero eorum sensu liquet. Quæ Vet. oecon. rectius, quam Novæ conveniunt, suntque illius propria bona: ut notum est.

§. IX. Ex mea itaque sententia Psalmus de Ecclesia Maccabaica, temporibus Simonis & Joh. Hyrcani, est explicandus: cum quod, eo tempore factum fuisse, supra vidimus, tum quod omnia in eam Eccles. & remp. exacte quadrent, tum denique, quod humilium elevatio, impiis potentibus depressis, & mira populi foecunditas ac multiplicatio, sint propria ejus temporis in verbo Prophetico, & Pf. eo pertinentibus, criteria; secundum quod Moses Deut. xxx: 5. prædixit, & promisit, populum sc. hoc tempore *multiplicandum* esse *supra patres*. Sic Jes. xxvii: 15. Jer. liii: 16. xxiii: 3. xxx: 16. Ez. xxxvi: Hof. i. Mich. ii. Zach. ii. Pf. cxxviii, cxlii. Illud notandum restat, Ecclesiam Maccabaicam hic, ut passim alias, considerari tanquam *Apostolicæ* imaginem, & per eam *complendam*, adeoque Ecclesiæ Apostolicæ sensu sublimiore eadem convenire, & adtribui posse, quæ de Maccabaica litteraliter dicuntur. Quo sensu ad Ecclesiam Christianam adplicari potest hoc canticum.

E X P L I C A T I O.

§. X. *Prior* pars adhortationem fervorum Dei ad nomen ejus

ejus laudandum complexa, ita sonat, vers. 1. *Hallelujah. Laudate servi Jehovæ, laudate nomen Jehovæ.* Sermo dirigitur ad *servos Jehovæ*, non qualescunque, eo etiam titulo alias insigniri solitos, sed Jehovæ singulari ratione consecratos, quorum peculiare officium erat, sacra tractare, & Deo laudes publice canere. Injungitur enim ipsis hæc *laudatio*, & *formula* hunc in finem datur. Qui ipsi Ps. cxv, cxviii. *domus Aaron* adpellantur, & Ps. cxxxiv. *servi, qui in domo Dei stant*; quibus Ps. cxxxv. æque ac hic *laudatio Dei* præcipitur. Ex quo colligi potest, hoc canticum fuisse publico usui inter sacra destinatum. Officium memoratur, *laudare nomen Jehovæ.* h. e. verum Deum Israelis, qui vim nominis Jehovæ hoc tempore singulariter præstitit, & sese hac parte gloriosum exhibuit. Pertinet nomen Jehova ad promissa Dei, Israeli facta, & veracitatis, justitiæ ac gratiæ, virtutes comprehendit. Præterea *nomen* sæpe pro *celebritate & gloria* sumitur. Ad elegantiam orationis facit, ejusque emphasin auget, quod verbum *laudate* ante completam sententiam repetatur, *laudate, servi Jehovæ, laudate, inquam, nomen Jehovæ.* Cujus plura exempla habuimus Ps. xcvi. & seq. Interpretes hic mirifice ludunt, dum mysteria quærunt in *nomine Jehovæ*, & verbo *laudate*, ter repetito. Sed non observarunt; Hallelujah esse titulum Ps., non ejus partem; ut ex duobus præcedentibus manifestum est. Quid sit *laudare Jehovam*; facilius est intellectu & vulgatus, quam ut nos detinere debeat.

§. XI. Sequitur *formula* celebrandi Jehovam: cujus *prima* pars, votum pro Deo ubique & semper laudando continens, ita habet, vers. 2, 3. *Sit nomen Jehovæ benedictum ab hoc tempore in æternum: ab ortu solis ad occasum ejus laudatum nomen Jehovæ*, sc. sit, ex superiore repetendum. a. Officium occurrit *benedictionis & laudationis Dei*: quæ phrasæ eodem tendunt, & idem, quod modo, dicunt. *Nomini Dei benedicere* est de eo bene & laudabiliter lo-

G

qui,

qui, illud laudare, celebrare & extollere. Emphaticos vero & elegantiae causa *his* repetitur. *b.* Hoc officium in genere, nullis nominatis personis, per modum voti pronuntiatur; ubi dicitur, *sit benedictum, sit laudatum*. Quo indicatur, & materiam adesse id faciendi, & ad id omnes esse obligatos, & maximopere velle pios & servos Dei, idque omnibus modis contendere, ut illud fiat. *c.* Durationem officii exprimunt verba, *a nunc in aeternum*, non sine ratione, *a nunc*; non acsi antea id non debuerit, sed quia hoc tempore Deus sibi hoc *nomen* singulari ratione fecerat, nomen suum glorificando, per hostium subjugationem, & populi Dei gloriosam liberationem ac instaurationem; adeoque promissorum implementum, & virtutum suarum demonstrationem. Quod sub *Euangelio* ulterius perfectum est. *d.* Denique *universalitas* officii proponitur *ab ortu ad occasum*. *h. e.* per orbem habitabilem: qui hisce limitibus circumscribitur, quod ortum & occasum versus tunc maxime incoletur, vel notus esset: uti saepe alias: Ps. l: Jes. xlv: 6. Zach. viii: 7. Mal. i: 14. Sed quo respicitur, ubi nomen Dei *ab ortu solis* ad *occasum* jubetur, vel vovetur, laudandum? 1. putem ad Israelitas, quaquaversum dispersos, hac mirabili populi liberatione sub Maccabaeis excitandos, & cum Judaeis in unam rursus societatem religionis coalescendos; qui nomen Dei ubique terrarum celebrarent. De quo singulari eventu saepe agitur in verbis Prophetico, ex gr. Ez. xxxvii: Mich. ii: 12. Tseph. iii: 10, 11. Zach. viii: 21. 2. ad *profelytos* ex gentibus, hoc tempore per varia terrae loca ubique multiplicandos; quod phaenomenon Ecclesia Maccabaica saepe recurrit apud Prophetas, & ex historia constat. Sic Jes. xviii, xix, xxiii. xlv. Jer. xxiii. Zach. viii: 22. xiv— & alibi saepe. 3. ad ipsos *gentiles*, qui gloriam Dei Israelis cognoscere, religionem Israelis venerari, & populum Dei honorare, hoc ipso tempore inciperent. Quod tanquam liberationis ex ipso exilio Babylonico per Cyrum consequens proponitur,

ponitur, Jes. XLIV: 6. *ut cognoscant: a sole oriente: & occidente, nil esse praeter me: ego. Jehova. & nemo amplius.* Sed liberationi & instaurationi per Maccabæos sæpius adnectitur; ut Jes. XXV. ubi velum gentibus impositum respectu religionis Israeliticæ, ex afflictione Epiphanica ortum, dicitur *aufferendum*, vers. 7, & Sed vers. 3. ipsis verbis, *propterea honorabunt Te populus validus, civitas gentium violentarum reverebuntur te.* Ubi itaque dicitur, *sic nomen Dei per orbem laudatum*, partim indicatur, materiam laudationis esse ubique per orbem divulgatam, adeoque omnibus hoc incumbere officium, partim vota & preces sanctorum eo tendere, ut hoc fiat, partim id nunc futurum esse inter Israelitas & Gentiles, postea sub *euangelio*, hac temporis periodo durante vulgando, perfectius implendum.

§. XII. Altera formulæ laudationis Dei pars exhibet materiam celebrationis, quæ rationes simul habet moventes ad omnes excitandos. Prima ad Dei summam excellentiam pertinet, & ita sonat, vers. 4. *Excelsus est supra omnes Gentes Jehova; supra coelos gloria ejus.* h. e. sicut Jehova gloriosam Majestatis suæ sedem supra omnes terræ populos, supra ipsos coelos, habet elatam: ita perfectionibus aliis in primis potentia & sapientia, nec non potestate & dominio, supra quicquid in terra inter Gentes, aut in coelo inter Angelos eminet, longissime est evectus, ita ut solus sit in universo *excelsus*. Deus Israelis itaque hic proponitur tanquam qui 1. thronum Majestatis habet supra ipsos coelos sublimatum; 2. perfectionibus & virtutibus, quæ *gloriam* Dei constituunt, omnibus creaturis in coelo & terra, longissime est superior; 3. Auctoritate, potestate, imperio & dominio supra omnes terræ populos, & coelorum incolas, longissime eminet; ita etiam, ut illi Deo, tanquam supremo & potentissimo Domino ac regi, sint subiecti, & ab ejus nutu pendeant; ejus etiam respectu *nibili* faciendi: ut est Jes. XL: 15. 22. Ceterum ubi Deus ab hac *excellencia* laudatur, eam hoc tempore singulari

modo fuisse demonstratam, & in omnium oculos ingestam, indicatur. Quod in hostibus prosternendis, & Ecclesia Israelitica gloriose instauranda per Maccabæos, fuit conspicuum, eritque tempore Messiae adhuc illustrius faciendum.

§. XIII. *Secunda pars argumenti laudationis Dei ad Providentiam Dei universalem, quæ, Deum omnibus superiorem esse, docet, pertinet, vers. 5, 6. Quis est, sicut Jehova, Deus noster, qui sese mihi sublimat ad sedendum: qui sese mihi demittit ad videndum, in coelo & in terra? h. e.* Nullus est in coelo aut terra cum Deo nostro ulla ratione comparandus (interrogatio enim fortissime negat, &, omnium consensu id ita esse, simul indicat:) quippe Deus noster sicut sublimissime sedet, ita demississime videt, coelum & terram replens; coelum inhabitans, & terram oculis suis lustrans, & curans, ad minima & humillima quæque usque. Nihil hic admodum est difficile. Phrases, *sublimare ad sedendum, & humile facere ad videndum*, stylo Hebræo est sublimissime sedere, & humillime videre; & *mibi* emphatice, ut in cunctis linguis, abundat. Ultimæ voces, *in coelo & terra*, ad superiora referendæ, sublimissimam sedem in coelis, & humillimum intuitum in terra exprimunt. Indicatur itaque, Deum, sicut supra omnia evehctum, & longissime a terra, ut videtur, remotum, prope tamen omnibus in terra adesse, ut vel minima intelligat, & curet. Quod utrumque verbo *videre* comprehensum est, uti constat: sed præterea hæud obscure indicatur, Deum, licet altum & excelsum inhabitet, suprema & infinita maiestate & gloria præditum, eousque sese quasi demittere, ut ad vilissima respiciat, & *humilibus* sese præstet præsentem, ad eos elevandos; ut mox subjungitur. Conf. Jes. LVII: 15. Qualem Deus sese hoc in primis tempore demonstraverat, faceretque illustriore modo in Messia, & sub Evangelio.

§. XIV. *Tertia pars materiæ laudis duo singularia providen-*

videntiæ Dei specimina, hoc tempore etiam repræsentata, memorat, alterum in *humilibus elevandis*, alterum in *sterili domo foecundanda*. Prius vers. 7, 8. ita habet. *Erigens mihi ex pulvere tenuem, ex chytropode sublimabit egenum, ut eum sedere faciat cum principibus, cum principibus populi sui.*

1. *Tenuis & pauper* designat hominem bonis & viribus exhaustum, ab aliena misericordia dependentem; qui nihil habet, quo se commendet, aut sustentet. 2. Qui hic præterea tanquam contemptus, & in miseram conditionem projectus, occurrit, ubi in *pulvere & chytropode* sedere dicitur. Prius est abjectorum, prostratorum, & lugentium; *posterior* est vilissimorum, & servilium. Vox Hebr. per *stercus*, vel *sterquilinum*, verti solet, sine ullo fundamento. Vox Hebr. *נִבְרָא* signat *lapides focarios*, forma triangulari dispositos, quibus *olla* imponitur, alias *tripodas & chytropodas* dictos: unde ad servilis conditionis homines translata est, quia tales ad culinam admovebantur, ubi atri & excocti reddebantur tanquam carbones: de quo alibi *a* exposui. Expingit itaque vilissimam, servilem & miseram, conditionem. 3. Mutatio status non tantum liberationem ex illo statu comprehendit, sed simul elevationem in dignitatem, potestatem & opulentiam. Quod hic exprimitur, ubi Deus eum *erigere*, & *elevare*, dicitur, ut *sedeat cum principibus*, & quidem *populi sui*. Principes, vi vocis Hebr., sunt, qui, potestate & dignitate illustres, simul in lautissima fortuna constituti sunt, & uberrimum fontem beneficentiæ possident, ex quo quævis bona ad subditos manare possunt. Proprietas vocis est in *fluendo*, & *exuberando*, quum aliquid succi plenum præ ubertate sponte fluit: unde ad *munificos, liberales* & dein *principes*, qui *עֲשֵׂתָא* audiunt, factus est transitus. *Sedere cum principibus* signat stabilem & honoratum habere in medio populi locum, instar *Principis*; vel & *principem* esse & agere, potestate ac opulentia præditum, seseque talem in

G 3

bonum


a Ad Pf. LXVIII: 14.

bonum populi exhibere. Sed non sine ratione additur, cum principibus populi Dei; quo significatur, 1. populum Dei, æque ac alios populos liberos, suos habere rectores, ex ipso desumptos, ab aliis independentes: adeoque remp. esse liberam, & suis legibus regi. 2. hanc dignitatem in viros, antea viles & abjectos, nunc fuisse collatam; qui in medio populi Dei hoc honore gauderent. 3. eos hanc dignitatem recte tuituros, & sese vere munificos ac liberales, bonosque Principes, præstituros. Quæ omnia in Maccabæis fuerunt, uti notum est, conspicua: deinde in Apostolis spirituale acceperunt implementum.

§. XV. Posterius singulare Divinæ Providentiæ specimen, vers. 9, ita sonat: *habitare mihi faciens enervatam domus, matrem filiorum lætam*. 1. *Enervata domus*, sic enim rectius, quam *sterilis domus*, vertitur, non est simpliciter *sterilis*, omni sobole orba, sed & cui omnis spes familiæ est incisa & extincta, sive per naturalem sterilitatem, sive per singularia temporum & domus infortunia. Radix teritur in nervo pedis succiso, & inde ad *sterilitatem*, q. d. *enervationem*, transit. Singularis phrasis est, *enervata domus*, quæ familiam pene extinctam denotat, sine spe eam instaurandi & propagandi. *Domus enim familiam* signat, ut & alibi. Ex. 1: 21. Ps. LXVIII: 7. Ruth. iv. &c. 2. Hanc Deus dicitur *habitare facere*, ubi ei *domum* facit, ut est, Ex. 1: 21. id est, amplam ac lautam concedit familiam, eamque læte & prospere degentem, nec non stabilem & diuturnam in longam posteritatem. Sic Ps. LXVIII: 7, Deus *solitarios domum* habitare facere traditur: ubi vid. dicta. 3. Additur, explicationis ergo, *matrem lætam filiorum*, ut de mascula prole, in qua domus fulcitur & ædificatur, cogitarem, nec qualemcunque sobolem masculam, sed prosperam & stabilem intellerem, quæ *lætitiae* materiam præbere potest *matri*, vel parentibus: in quo nihil est difficile.

§. XVI. Sensus & scopus versus uno verbo est evolvendus.

das. Verba singulare providentiæ & bonitatis Dei specimina comprehendunt, in muliere sterili foecundanda, domoque per eam facienda, situm, multis exemplis in populo Israelitico comprobatum: ut ex Sara, Rebecca, Rachele, uxore Manoæ, Hanna, aliisque, nemini non notum est. *Scopus* vero est, benedictionem Dei in populo multiplicando celebrare; quæ tanta foret, & tam singularis, ut sese ad ipsas *steriles* extenderet; quæ in populo numerum amplius non facerent. Quemadmodum Deus populo promisit, *sterilem & infœcundam* inter Israelitas non fore, Deut. VII: 14. & *utero* esse a Deo benedicendum Deut. XXVIII. Nec dubium est, quin singularia *sterilium*, quæ Dei benedictione foecundæ factæ sunt, exempla hoc ipso tempore fuerint plura. Nec enim *una* intelligenda est, sed *plures* hoc bono mactatæ; licet in sing. num. loquatur poeta. Quæ omnia in *multiplicationem* populi, hoc tempore magnam futuram, ultimo tendunt.





P S A L M. CXIV.

1. *Halleluia. Cum Israel egrederetur ex Aegypto; domus Jacobi e populo barbaro.*
2. *Factus est Juda sanctitas ejus, Israel dominationes ejus.*
3. *Mare illud vidit & refugit, Jordanes iste retrorsum se vertit.*
4. *Montes subsilierunt sicut arietes, & colles sicut agniculi.*
5. *Quid tibi, mare! fuit, quod refugeris? Jordanes! quod retrocesseris?*
6. *Montes! quod subsilieritis? colles! sicut agniculi.*
7. *A conspectu Domini contremisce terra, a conspectu Dei Jacobi.*
8. *Qui rupem in stagnum aquarum, siliem in fontem sibi aquarum, convertit.*

P R O L E G O M E N A.

§. I.

ARgumentum elegantissimi hujus cantici est læta & gloriabunda commemoratio privilegii Israelis, tempore exitus ex Aegypto in eum collati, quo sanctum Dei dominium & regnum factus est, miraculosis signis in rerum naturæ commotione confirmati & publice demonstrati; eo scopo facta, ut omnes intelligerent, præcipue Gentiles

tiles, quid huic Domino, qui sese tunc non tantum tam gloriose in medio Israelis præsentem exhibuerat, sed & nunc simile quid præstiterat, partim deberent, partim præberent; quam duri & inepti etiam ad hoc essent, cum Deus ille petras & filices in fontes aquarum mutet. Poeta primo singularem Israelis prærogativam, jam olim tempore egressus ex Aegypto ipsi concessam, qua peculiaris Dei populus factus est, in cujus medio ipse tanquam potentissimus rex habitaret, & coleretur, celebrat. Deinde signa hujus privilegii, & singularis ad Deum relationis, producit certa & publica, quæ mare rubrum, Jordanes, & montes ac colles ad occursum hujus populi commoti, & ei transitum miraculose præbentes, exhibuerunt; cujus mirabilis commotionis negat aliam dari posse rationem & causam, ac quod Israel esset *sanctus Dei*, & ejus *dominium*. Quando sermonem ad *terram* vertit, cui tremorem instar parturientis coram hoc Domino imperat, illudque futurum esse, non obstante duritie & ineptitudine terræ ad hoc faciendum, indicat, argumento a summa hujus Domini potentia ducto, qua *petram* olim & *filicem in fontem aquarum* mutavit.

§. II. Quod argumentum ut clariore luce donetur: 1. observandum est, *Israelem* hic in scenam produci, tanquam peculiarem Dei populum, ipsi sacrum, & ipsius curæ ac dominio subiectum, a quo colatur, & in cujus medio sese potentissimum præstet Dominum. 2. Hanc summam prærogativam jam olim, & statim ac libertati redditus & in populum formatus est, in eum fuisse collatam, multisque publicis signis & miraculis in mari, Jordane & montibus, fuisse testificatam & confirmatam. Commotio enim naturæ rerum, in Israelis gratiam olim facta, instar testis hic citatur, ad hanc ejus prærogativam demonstrandam, & in omnium oculos ingerendam. 3. Tacite simul indicatur, hanc eandem Israelis ad Deum relationem adhucdum subsistere non tantum, sed & haud absimilibus signis denuo

fuisse comprobata, in mirabili & nova populi a servitute & tyrannide liberatione, Aegyptiacæ haud male respondente. Quam hypothefin *a. ratio* commemorationis liberationis Aegyptiacæ, & electionis Israelis in regnum Dei sanctum, olim factæ inter multa signa & miracula, exhibet: quippe quæ alio scopo censi nequit facta, quam ut eam prærogativam adhuc durare, & simili modo fuisse renovatam, indicaretur. *b. Officium tremendi* coram Jehova, *terrae* in genere imperatum, hoc ipso superstructum est fundamento: cum illud ex ea Israelis prærogativa eruatur: quæ per consequens superfit, necesse est. *c. Eandem* denique relationem Israelis ad Deum, adhuc durantem, & singulari modo denuo adfertam, hic indicari, sequens canticum, ab hoc nostro male divulsum, de quo suo loco, clare evincit. 4. Et illud, postremo, ad Ps. intellectum notandum superest, officium timoris et reverentiæ, quod *terrae* hic injungitur, sicut *opportunitatem*, ita *effectum* non cariturum esse; adeoque *tempus* adesse, quo gentes hoc facere debeant, & inciperent. Præterquam enim quod officii admonitio, sapienter facta, de opportunitate testetur, ratio movens, a rapis & filicis mutatione petita, plures hoc officio defuncturos esse, evincit; ut mox clarius patebit.

§. III. *Occasionem*, ex solo argumento eruendam, supeditasse videtur *nova* quædam & singularis plane Israelis redemptio a potestate et servitute hostilis alicujus populi, inter multa potentiæ et bonitatis Dei erga Israelem signa mirabiliter facta, quæ sicut Aegyptiacæ redemptionis, cui respondebat, memoriam renovare poterat, et de Israelis prærogativa, olim ipsi concessa, nunc confirmata, testabatur, ita ansam Gentibus Jehovam reverendi et metuendi præbere poterat, et præbitura erat aptissimam. Quæ læta rerum mutatio, et felix temporis conditio, piis et sanctis non poterat non in memoriam revocare antiquam illam redemptionem, omnium sequentium liberationum funda-

men-

mentum & imaginem; præterea spem facere conversionis Gentilium, cum hac mirabili rerum conversione conjungendæ. Robur accedit huic hypothefi ex Pf. fequente, cum hoc nostro conjungendo; quo felix Israelis conditio, quæ idololatriam proſtituit, & veritatem religionis Israeli- ticæ adſeruit, vivis coloribus depingitur.

§. IV. *Temporis* compoſiti Pf., de quo ex argumento & nexu cum præcedentibus & ſequentibus Pfalms, qui omnes ejusdem ſunt tenoris, judicium ferendum eſt, duo occurrant, in hoc Pf. criteria: *unum*, Israeli hoc tempore mirabilem contigiffe liberationem Aegyptiacæ haud abſimilem, quæ ſingulari ejus prærogativæ præ reliquis populis, qua ſanctum Dei regnum eſt, luculentum præbebat teſtimonium: *alterum*, Deum Israelis ab hoc tempore inter Gentes eſſe timendum; & ejus fidem ac religionem per terram eſſe propagandam. Qui characteres, ſeſe ex Pf. ſponte ſua offerentes, nos manifeſte ad tempus Maccabaicum, poſt temp. in libertatem adſertam, ſub Simone & Joh. Hyrcano, Ethnarchis, ducant. De quo ad ſuperiorem Pf. dixi, & dicam amplius ad ſequentem, noſtri adpendicem: qui hypothefin de hoc tempore compoſiti Pf. egregie confirmat.

§. V. *Scopus* in genere eſt, Deum a ſingulari beneficio redemptionis Israelis, cum multis Divinæ potentiae & bonitatis ſignis miraculoſis conjuncto, publice *laudare*: eſt enim & hoc canticum *Hallelu-jah*, licet eam inſcriptionem in codicibus Hebræo-Maſorethicis non ſeruat; niſi quis voces illas in ſin. Pf. præcedentis loco eſſe motas, & noſtro præmittendas, mecum velit. Quod Lxx. Interpretum autoritate confirmari poſſet, nec non quod ſuperior Pf. ceteroquin *his*, in principio & ſine, haberet *Allelu-jah*, noſter vero ne ſemel quidem. Facile quoque per connexam ſcripturam, olim uſitatam, fieri potuit, ut vox *Halleluia* ſuperiore cantico adhaſerit, ſicut in Pf. civ. quoque exemplum habuimus, & recurret Pf. cxv, cxvi, cxvii & aliis. *Specialis* vero ſco-

pus est, populum ex præsentē liberatione in memoriam & celebrationem antiquæ & originalis Aegyptiacæ ducere; tanquam præsentis fundamenti & exemplaris; simul ei spem facere propagationis veri Dei notitiæ & reverentiæ per terram inter Gentes, hinc orituræ, & ab hoc tempore futuræ. Quo illa admonitio, *contremisce terra*, nec non ratio movens a *petra* mutata, haud obscure tendit.

§. VI. *Partes* Pf. tres sunt. I. *Prima* continet *thesin*: quæ habet, *Israelem* tempore exitus ex Aegypto fuisse sanctum Dei populum, & ejus dominium factum, vers. 1, 2. II. *Secunda* thesios demonstrationem comprehendit ex testimonio marium & montium; quorum mirabilis commotionis nulla alia fuit, aut dari potest ratio, vers. 3—6. III. *Tertia* complectitur ejus consequens respectu terræ, vel gentium, quibus timor Dei Israelis injungitur, & a quibus etiam præstabitur, vers. 7, 8.

A N A C R I S I S.

§. VII. Quod ad *hypothesin* Pf. exponendi adinet: beneficium redemptionis Aegyptiacæ, & electionis in populum Dei, inter multa miracula, Israeli olim concessum, primis 6. versibus celebrari, inter omnes convenit: sed circa *scopum* hujus commemorationis, & ultimarum duorum versuum sensum, secum dissentiunt. Communiter & hi versus ad eandem liberationem referuntur, & totus Pf. in laudes & memoriam istius redemptionis simpliciter censetur compositus, ut ejus memoria continuo recens esset in Israele. Sed Cl. Coccejus & ejus adseclæ ultimos versus de gloriosiore adventu Messiae ad regnum gratiæ erigendum interpretantur, & redemptionem Aegyptiacam cum miraculosis circumstantiis hic partim tanquam Spiritualis imaginem repræsentari, partim eo scopo, ut adventus Israelis ad Cananæam occupandam cum hoc Christi comparatus, longe

longe inferior declararetur, & extenuaretur. Quod ex interrogatione & apostrophe ad maria & montes, vers. 5, 6. colligitur, ac si sensus esset, *nullam causam* fuisse cur *mare fugeret* &c. ad Israelis adventum; si non Messiae regnum cum majoribus signis adveniat.

§. VIII. Quæ posterior hypothesis *a.* in apostrophe, vel interrogatione, explicanda rem acu non tetigit; cum illa eo manifeste tendat, ut, quod modo de natura rerum in signum regni Dei in medio Israelis commota dictum fuerat, confirmaretur; hoc sensu: *quid Tibi fuit mare, quod aufugeres?* id est, quid aliud, ac quod modo dixi? quia Deus huic populo adfuit præsens. Quod mox clarius faciam. *β.* In ultimis vero duobus versibus, & scopo memoratæ redemptionis Aegyptiacæ aliquid veri habet, quatenus mystice & remote ad regnum Messiae adplicari possint, sed primo & directo sensu ad redemptionem Epiphanicam, ejusque consequens, reverentiam Dei Israelis inter Gentes propagandam, omnino respiciunt: cum nullum adsit Messiae criterium, & de timore Dei Israelis, qui populum illum exserta manu sibi vindicaverat, manifeste agatur. Quæ vero supra de *occasione tempore & scopo* Pf. in medium protuli, nos a temporibus illis Maccabaicis discedere vetant. Est quoque criterium illorum temporum in verbo Prophetico, metum & timorem Dei Israelis Gentibus esse indendum. De quo mox.

E X P L I C A T I O.

§. IX. Propositio thesios, quæ *prima* Pf. pars est, prærogativam Israelis tanquam peculiaris populi Dei, tempore exitus ex Aegypto ei concessam, complexa, ita sonat, vers. 1, 2. *Cum Israel egrederetur ex Aegypto, domus Jacobi e populo barbaro: factus est Juda sanctitas ejus, Israel dominationes ejus:* id est. Quo tempore Israelitæ, Jacobi

posterius, Aegyptum deseruerunt, & a societate peregrini & duri populi liberati ac separati sunt; mox facti & declarati sunt *peculiaris Dei populus*, cum ipsi consecratus & subiectus, tum sanctitatis & dominantis ejus potestatis illustris imago & repræsentatio. Eximium Israelis privilegium in eo ponitur, quod *sanctitas & dominationes Dei* fuerit. Quibus nominibus hæc duo significantur, ut opinor, 1. consecratio & subiectio Deo, tanquam domino & regi. 2. sanctitatis et domini Dei expressio et repræsentatio. *Sanctitas* enim et *dominatio* Dei utrumque comprehendit, ubi de hominibus usurpatur. *Sanctitas* Dei adpellatur populus, qui partim ei sacratus est, reliquorum populorum societate exemptus, et peculiari relatione ad Deum præditus, qui ejus est *peculium*, ipsi est dicatus et devotus, partim ejus *sanctitatis* et gloriæ varia præfert signa, in legibus, religione, regimine et moribus. Sic et *dominatio* ejus audit, quod partim ejus solius imperio sit subiectus, et ad ejus obsequium obligatus, reliquorum omnium dominio ereptus, partim *dominantis* ejus vis & potestatis indicia & effecta præbet. Quæ non sunt difficilia. Singulare est, quod nomen Dei non exprimatur, sed relativum ejus tantum occurrat, sive ad subiectum in mente loquentis, sive ad inscriptionem cantici, *ballethi-jab, laudate Deum*, quod verius, respiciat, sive nomen Dei ex sequentibus supplendum relinquatur. Sed ad elegantiam sermonis facit, quod *Juda & Israel* separentur, *illi sanctitas, huic dominatio* adtribuatur; licet Judæ & Israeli utrumque competat, & adscribendum sit. In quo nullam aliam emphasin quæro, cum in Ps. nihil sit hujusmodi orationis divisionibus vulgatius: nisi forte quis ad nomina *Juda & Israelis* aditus velit.

§. X. Hæc prærogativa ornatus fuit hic populus, simul qua talis demonstratus, tempore exitus ex Aegypto. Quod significatur, ubi dicitur, *cum egrederetur* — *factus est Juda &c.* Factus & manifestatus: utrumque enim verbo,

verbo, *factus est*, latet involutum, & veritatem tunc temporis habuit: uti notum est. Memoratur vero *exitus Israelis* ex Aegypto, partim tanquam singulare Dei beneficium, quo populum aliorum dominio ereptum sibi adseruit, & suum esse publice declaravit, partim tanquam requisitum antecedens, quod ante in populo esse debebat, quam *sanctus* Dei populus & dominium esse & fieri posset. Quamdiu Aegyptiis permixtus & subjectus erat, ad hoc privilegium ineptus erat: ut facile patet. Sed simul insinuat, populum virtute privilegii sui accurate abstinere, & sibi solícite cavere, ab omni commercio cum Aegyptiis & alienigenis, nec ritus & mores eorum imitari, debere.

§. XI. Nihil hic difficile nisi in titulo, quem *barbarum* vertere solent, quo populus iste insignitur. Vox *כש* Chald. & Syris pro peregrina & exotica lingua in usu est, Rabbini *Græcum* sermonem in specie ea voce insigni re solent. Radix vero apud Arab. significat, *per ambages circumduxit, flexit & torxit aliquid*, tum proprie in viis & flexibus labyrinthicis, tum improprie in mente & sermone multimodis implicito & intricato: ex quo tandem sermonis *barbari* fluxit notio. Potest itaque verti, vel e *barbaro*, vel *ambagioso* populo. *Priore* sensu ad *linguam* Aegyptiacam, Israelitis *peregrinam*, directe respicitur, sed ad gentis & religionis, aliorumque rituum & morum, *peregrinitatem*, respectu Israelis, extendi simul poterit. *Posteriore* sensu Aegyptii *ambagiosi* populi epitheto insignirentur, cum quod ænigmatibus suis et hieroglyphico sermone famosi fuerint, tum quod variis artibus Israelitas circumvenerint, eosque in malorum labyrinthum inextricabilem ducere conati sint. *Prius* quid huc faciat, cum nec Aegyptiis proprium sit, nec emphasin habere videatur, difficulter cernitur, maxime cum Linguae, & moribus, Aegyptiorum fatis adfuerint essent Israelitæ in Aegypto. Accedit, nusquam alibi hoc epitheto ornari Aegyptios respectu Israelitarum; licet eo referri soleat Ps. LXXXI: 6. sed male; de quo ibi egimus.

Posterius

Posterius vero in Aegyptios recte quadrat; et proprium eorum characterem ducit, uti notum est. Sed quo scopo hic locum acceperit, et quo tendat, faciles non habet explicatus, nisi ad idololatriam et superstitionem eorum constituendam, et beneficium liberationis Israelitarum extollendum, quis referendum velit. Quo etiam spectare censetur, quod Jes. xviii. Aegyptii dicantur, *gens praecepti et praecepti*, quatenus innumeris onusta et districta est praeceptis et ritibus religionis et superstitionis. In hisce licet acquiescere possem, addam tamen, vocem Hebr. נָחַשׁ, punctis paulum mutatis, legi et haberi posse pro composita ex voce נָחַשׁ vel נָחַשׁ, *robore, duritate*, et praef. שׁ, quod haud infrequenter *genitivum* notat, post nomen, vel absolutum, vel constructum. Quando populum *validum* et *durum* signaret; quod solenne est populi epitheton in Script., in Aegyptios quoque recte quadrat, et huc egregie faceret; uti facile constat. Radix vero נָחַשׁ ab originali *torti, intorti*, potestate traducitur non tantum ad *roborem* inventum, sed et *duritiam* ac *asperitatem* a. Concinit forte נָחַשׁ נָחַשׁ *populus fortis* et durus, Jes. xxxiii: 19. et Deut. xxvii: 50. *populus נָחַשׁ נָחַשׁ durus, asper facie*, et Dan. viii. 23. ubi vid. dicta.

§. XII. Thesis proposita ipsius naturae rerum testimonio confirmatur, quae secunda Ps. pars est, vers. 3—6. Quod a. simpliciter profertur, vers. 3, 4. β. per apostropham ad ipsa illa corpora urgetur, vers. 5, 6. α. Prius vers. 3, 4. ita sonat. *Mare illud vidit & refugit; Jordanes ille retrorsum se vertit; Montes subsilierunt, sicut arietes, & colles sicut agneculi.* Miracula in mari rubro, Jordane, monteque Sinai cum collibus suis, tempore exitus Israelitarum, nec non morae in deserto, et ingressus in Cananæam patrata, quibus mare fissum est, aquis locum cedentibus, aquae Jordanis in superiore parte cohibitae, accumulatae, et ad principium suum redire coactae sunt, mons
Sinai

a Vid. ad Ps. xviii: 18.

Sinai valde intremuit totus, Ex. xix. hic describi nemo non videt. Nec est in oratione aut re aliquid obscuri. Tantum notari velim, hasce terræ partes hic in testimonium electi Israelis in sanctum Dei regnum adduci, eoque pertinere, quod *mare* dicatur *vidisse* et *refugisse*; quod ipsum ad *Jordanem* et *montes* est adplicandum. *Vidisse* vero ubi dicuntur, re visa non memorata, Divinam majestatem in medio populi Israelis præsentem, in signum Israelis populi Dei sancti facti, ex superioribus repetendam, & mente intelligendam esse, non est in obscuro. *Viderunt* hoc quatenus commotione sua extraordinaria hoc senserunt, & ea ratione testati sunt.

§. XIII. β. Hanc enim solam tam insoliti motus fuisse causam & rationem, poeta, apostrophe ad eas partes facta, his verbis ulterius adstruit, vers. 5, 6. *Quid Tibi, mare!* fuit, *quod refugeris?* *Jordanes!* *quod retrocesseris?* *montes!* *quod subsilieritis sicut arietes?* *colles!* *sicut agniculi?* Repetitio fit elegantiae & emphasios ergo; & apostrophe eodem tendit, quæ creaturas illas tanquam animatas per personæ fictionem adloquitur; rationem ab ipsis repetens, quare tantam subierint mutationem. Interpretes in scopo & sensu interrogationis explicando minus recte passim versati sunt. De quo hic agere non licet. Crucem fixisse videtur, quod nullum memoretur responsum ad interrogationem factum. Sed responso locus non erat, quia ratio alia tantæ commotionis nec erat, nec dari poterat, ac quæ modo memorata erat, ad quam ulterius adfirmandam hæc collineat interrogatio. *Quid Tibi fuit, mare, quod refugeris?* idem itaque est ac, *quid Tibi aliud*, ac quod dixi, fuit? quæ interrogatio involvit negationem, & responderi ad eam debuisse, *nihil aliud*, ac quod *viderim* Deum potentissimum huic populo præsentem. Responsum vero reticetur, quia nihil aliud proferri poterat, adeoque ipso silentio in mentem

tem interrogantis descendebat, natura rerum commota.

§. XIV. Ex thesi proposita & confirmata admonitionem ad terram directam, ut coram hoc Domino & Deo Israelis contremiscat, derivat poeta, vers. 7, 8. *A conspectu Domini contremisce, terra! a conspectu Dei Jacobi: qui rupem in stagnum aquarum, silicem in fontem sibi aquarum convertit.* Verba, in quibus exponendis & ad subiectam materiam adplicandis, Interpretes hæserunt, continent adhortationem poetæ ad terram sui & sequentis temporis directam, ut parturientis instar tremiscat, & Jehovæ gloriam det, ex superioribus deductam: adeoque, quod hic reticetur, & supplendum relinquitur, pro hypothesei habet, eandem Israelis ad Deum relationem adhuc durare, imo haud absimili modo fuisse per Majestatis Dei nova signa hoc tempore renovatam & confirmatam. Sensus ergo est: Israel cum olim fuerit sanctus Dei populus & regnum factus, ipsa natura rerum commotione sua adtestante, ipsaque ea relatio adhuc eadem sit, & denuo renovata; a te idem nunc exigo, *terra*, quod ad hæc signa olim Cananæis contigit, ut timore & tremore corripieris, & huic Domino ac Deo te submittas; quod ipsum Te facturam esse, quam dura etiam sis & inepta, confido, cum Deus & Dominus Israelis sit potentissimus & optimus, qui in gratiam populi sui ipsam rupem & silicem in stagnum & fontem aquarum convertit.

§. XV. Verba continent 1. *adhortationem* cum auctoritate conjunctam, qua simul præcipitur, simul futurum prædicatur, *acsi dictum fuisset; tremisce terra*, quod Tibi faciendum incumbit, & etiam fiet. 2. Directa est adhortatio ad *terram*, cui hic tremor imperatur, quæ orbem habitabilem in genere, vel insignem ejus partem, comprehendit; & pro incolis terræ sumitur; ut facile patet.

tet. Adluditur quidem ad veteres Cananæos, timore olim ad famam miraculorum, in gratiam Israelis patratorum, correptos, ut Ex. xv: 14. &c. fuit a Mose prædictum, & factum est Jos. 11 & 14. Sed hic ulterius sese ad gentiles in genere extendit, cum *terra* absolute occurrat, & Deus generali titulo *Domini* insigniatur: 3. Imperatur vero terræ *timor & tremor coram Domino, & Deo Israelis*. Dominus adpellatur respectu *terra*, cujus est verus, unicus & supremus, Dominus, & cui *terra* omnem debet subjectionem; sed additur *Deus Israelis* ut, eundem esse Dominum terræ, inculcetur, qui est *Deus Israelis*. *Timor* vero & *tremor* hic omnem reverentiam, metum & subjectionem, comprehendit, Deo Israelis tanquam supremo Creatori, rectori & judici terræ, præstandam. Quo simul comprehenditur confessio religionis Israelitica, tanquam unice vera in mundo. Injungitur itaque terræ, a. ut, Deum Israelis metuens; ab ejus populo oppugnando abstineat, eique cedat. b. reverentiam erga hunc Dominum, & religionem Israeliticam, verbis ac factis omnimodis demonstret. c. denique sese ipsi in fide & timore adjungat, & religioni ejus nomen det.

§. XVI. 4. Hæc adhortatio sicut e superiore prærogativa Israelis ducta est, ejusque continuationem & renovationem, hoc tempore factam, pro hypothese habet, ut modo observavi; ita nova ratione urgetur & confirmatur, ab infinita Dei potentia & bonitate, in gratiam Israelis olim demonstrata, qua *rupem & silicem in stagnum & fontem aquarum* convertit, repetita. Additur enim mox, *Deum rupem in stagnum & silicem in fontem, vel rivum sibi aquarum convertisse*. In quo nihil est obscuri; de voce *וַיִּמְחַד* dixi ad Deut. xxxii: 13. Ad miraculum in Deserto Arabiæ, quo Deus *aquas* populo subministravit ex rupe & petra, hic respici, manifestum et

ab omnibus observatum est. Tantum quæritur, quid sibi nova hæc instantia velit, & quo tendat: non simpliciter, ut opinor, ad potentiam & bonitatem Dei erga Israel, adeoque ejus præsentiam apud populum, novo hoc specimine, olim in deserto præbito, ulterius demonstrandam, sed in primis ut læta & mirabilis status incolarum terræ respectu Ecclesiæ & populi Dei mutatio in melius, qua terra revereretur & submisso coleret Deum Jacobi, ob oculos poneretur, ejusque mutationis ratio redderetur, a potentia & bonitate Dei petita, qua, ut olim, sic & nunc, sed spiritali sensu, rupem & sili-
cem in scaturiginem & rivum aquarum convertit. Dixerat, terram metu & timore Dei Israelis esse adficiendam, quod ne cui mirum & incredibile accidat, cum terra sit dura & inflexilis, in populum Dei admodum hostilis; miraculum *rupis in rivum aquarum mutatae*, olim in deserto factum, in memoriam revocat, ut doceat, Deum & posse, & velle, animos hominum, a se alienos, flectere, & adeo immutare, ut Deum Israelis reveantur, & Ecclesiæ Dei quasvis commoditates & consolationes adferant; ipsi etiam ad Deum conversi Spiritus & gratiæ fructus ferant; aquam Spiritualem abunde emittentes. Quosensu hoc emblemæ & alibi in verbo Prophetico sumitur, ut Jes. xli: 18. Imo eodem scopo, quo hic, de reduci-
bus ab exilio Babylonico dicitur, Deum *aquas e rupe iis effluere fecisse, & fidisse rupem, & fluxisse aquas*, partim quod Cyri & Persarum animos in eorum favorem flexerit, & iis omnia necessaria contra omnem expectationem ministraverit, partim quod *gentiles* suo tempore adjungeret Ecclesiæ suæ, qui *dona & bona* sua cum ea communicarent, &c.

§. XVII. Quæ cuncta implementum habuerunt, primum & anticipatum in Ecclesia *Maccabaica*, dein plenius in *Apostolica*. Criterium temporis Maccabaici in verbo

verbo Prophetico est, Deum Israelis tum temporis, una cum religione Israelitica, a Gentibus reverenter haberi, & coli, ita etiam ut ingens Profelytorum numerus ipsi adjungatur. De quo sæpe differui, & differam amplius ad Pf. sequentes.





P S A L M. CXV.

1. *Non nobis, Jehova, non nobis, sed nomini tuo da gloriam super benignitate tua, super veritate tua.*
 2. *Quare dicerent gentes, ubi quæso Deus ipsorum est?*
 3. *Etenim Deus noster in coelo est, & quicquid vult facit.*
 4. *Idola ipsorum argentum & aurum, opus manuum hominis sunt.*
 5. *Os ipsis est, nec loquuntur, oculi ipsis, nec vident.*
 6. *Aures ipsis, nec audiunt, nasus ipsis, nec odorantur.*
 7. *Manus ipsis, nec palpant, pedes ipsis, nec incedunt, non mustitant gutture suo.*
 8. *Instar eorum erunt, vel sint, fabricatores eorum, quicunque in iis fiduciam ponunt.*
 9. *Israel! confide Jehovæ, auxilium eorum & clypeus eorum Ipse.*
 10. *Domus Aaronis! confidite Jehovæ; auxilium eorum & clypeus eorum Ipse.*
 11. *Timentes Jehovæ! confidite Jehovæ, auxilium eorum & clypeus eorum Ipse.*
 12. *Jehova recordatus est nostri, benedicet, benedicet, domui Israelis, benedicet domui Aaronis.*
 13. *Benedicet timentibus Jehovæ, parvis cum magnis.*
 14. *Addet Jehova vobis, vobis & filiis vestris.*
 15. *Benedicti vos Jehovæ, qui fecit coelum & terram.*
 16. *Coeli, coeli Jehovæ sunt: terram dedit filiis Adami.*
17. *Mor.*

17. *Mortui non laudabunt Jāb, nec illi in silentium descendentes.*

18. *Et nos benedicemus Jāb a nunc & in aeternum.*

PROLEGOMENA.

§. I.

Argumentum cantici est, partim *oratio* ad Deum nomine populi totius facta, qua supplices petunt, ut liberationis, sibi cum tot tantisque majestatis & bonitatis Divinae signis concessae, gloria non sibi, absit! sed soli Deo cedat, sive ut Deus efficiat, cum prosperitatem augendo & firmando, tum sui notitiam per orbem propagando, ut gentibus omnis non tantum eripiat occasio & praetextus Deo Israelis, ejusque religioni, insultandi, quod modo & saepe alias fecerant, sed & Deum Israelis revereri & glorificare, idololatria missa, discant & incipiant; ratione movente cum ab immani discrimine Jehovæ & idolorum, quod hic egregie depingitur, tum a circumstantiis temporum, quibus idola erant prostituta, & nomen Jehovæ celebre redditum, petita: partim *adhortatio* ad omnis ordinis Israelitas, in populum, Aaronidas, & timentes Jehovæ, distinctos, directa, ut fiduciam in Deo, quem auxilium & clypeum suum experti erant, solo collocent, uti faciebant, in superiore beneficio liberationis, quo Deus *recordatus erat populi*, nec non in promissorum benedictionis & multiplicationis supra Patres, populo factorum, implemento, nunc repræsentando, fundata; partim denique *votum* pro Israelis prosperitate, cum certo *proposito* Deum in vita glorificandi conjunctum.

§. II. Israel hoc in cantico 1. occurrit in tres classes, vel ordines, distinctus, in populum, domum Aaronis, & profe-

profelytos, *timentium Jebova* titulo insigniri solitos. vers. 9—11. nulla mentione Regum aut aliorum rectorum facta; argumento, summam rerum hoc tempore penes *Aaronidas*, seu Pontifices & sacerdotes, fuisse. 2. Idem ille populus hic repræsentatur ab omni idololatria alienissimus, & ardente simul veræ religionis & gloriæ Dei studio ductus. Cujus varia, eaque præclara, hic exstant indicia, cum in petitione pro Dei gloria, ejusque ratione movente a vanitate Idolorum, tum in execratione idololatrarum, vers. 8. tum in eo, quod Deo, clypeo suo, fidere, & Deo benedicturi, dicantur, vers. 9, 18. 3. In scenam præterea prodit, tanquam mirabili liberatione a gravi calamitate, quæ religionem videretur destructura, mactatus, & in libertatem plenissimam recens adsertus. Quam hypothesin cum privam habeam, in ea illustranda & firmanda aliquid operæ collocandum est.

§. III. Communis fert opinio, Israellem hoc tempore graviter fuisse ad afflictum, & ad incitās fere redactum, in formula illa, *quare dicerent Gentes, ubi quæso Deus ipsorum?* ad liberationem impetrandam adhiberi solita, unice fere fundata. Verum enim vero *a.* nulla in toto cantico sit vel minima afflicti status, aut imminentis periculi, mentio; nullæ pro liberatione preces, quæ hic abesse non potuissent. *b.* Adhortatio ad Deo fidendum ea ratione est instituta, ut, Deum sese jam tunc populo præstisse *clypeum & auxiliatorem*, elucescat. Sensus enim est, Israellem in Deo plane acquiescere debere, quem patronum & liberatorem erat expertus. *c.* Quo etiam tendit, quod populus dicatur Deo *benedictus*, vers. 15., & Psalmus proposito *Deo benedicendi* concludatur, vers. 18. ex quo patet, populum in eo fuisse statu, in quo multiplicem habebat Deum laudandi materiam. *d.* Quid? quod vers. 12. Deus *populi* diserte dicatur *recordatus* in præ., *Jebova nostri fuit memor*, dicunt Israelitæ, & *benedicet Israeli*. Quod, *oblivioni*, quæ solita in afflictione phrasis est, oppositum,

tum, liberationem jam factam manifeste indicat. *e.* Denique, ubi orant, ut *non sibi sed Deo laudi cedat super benignitate ejus*, sese benignitatis illius effecta sensisse, satis clare indicant. Tantum volunt, non sibi, sed Deo laudem liberationis factæ esse tribuendam. Formula vero illa, *quare dicerent Gentes &c.* licet alias ad liberationem a Deo impetrandam adhibeatur, hic eo tantum tendit, ut Deus permoveatur ad nominis sui laudem, per gloriosam populi liberationem acquisitam, inter Gentes disseminandam, ut Deo Israelis ejusque religioni insultare, quod modo ante gloriosam liberationem fecerant, desinant. De quo mox clarius dicam.

§. IV. 4. Denique, ad argumenti verum conspectum pertinet observasse, Israelem, licet liberatum a potestate hostium, nondum in eo statu fuisse confirmatum, nec liberi ac prosperi sui status effecta consecutum, quæ secundum promissa Dei cum eo cohærebant; attamen ea jam adluxisse tempora, quibus ea beneficia, benedictionem & multiplicationem supra Patres puta, proxime videret repræsentata, & in se collata. Illud præterquam quod petitio, *da gloriam nomini tuo*, involvat, ut mox patebit, promissum de benedictione Dei super populo futura, & multiplicatione mox secutura, directe continet, vers. 12. & seq.

§. V. De occasione & tempore Ps. antequam agam, & ut, quæ de argumenti vero conspectu dixi, ulterius confirmem, hunc Ps. cum superiore ita esse connexum, notari velim, ut unum cum eo canticum faciat: licet nunc in textu Hebr. Masoreth. duo & divisa sint cantica. Quæ hypothesis sicut Græcorum non tantum Interpretum, sed & antiquorum codicum Hebræorum, teste Eusebio, & Kimchio, qualem codicem in Bibl. Leid. etiam exstare testatur Coccejus, auctoritate sese commendat; ita partim ex *Hallelujah*, semel tantum in his duobus canticis occurrente, partim ex argumenti vicinitate robur acquirit. Tantum

K

enim

enim abest, ut, quod Interpretes putant, qui inde rationem pro dividendis hisce canticis petunt, diversi argumenti, ut prorsus ejusdem sint. Nostrium utique canticum Israellem in eodem liberationis Maccabaicæ, quæ antiquæ liberationi Aegyptiacæ respondet, statu positum repræsentat; & eodem tendit, quo præcedens, ut timoris Jehovæ per orbem inter Gentes propagatio mox futura annuncietur, & Israel ad Deo fidendum & benedicendum excitetur. Nexus canticorum sponte sua sese quoque ex dictis offert. Cum beneficium liberationis Aegyptiacæ celebrasset poeta, illudque nunc fuisse simili beneficio renovatum & confirmatum indicasset; *terræ* seu Gentibus imperat *timorem* Jehovæ. Quando nostro Pf. sese ad Deum precibus suis vertit, ut Deus rem ita dirigat, ut nomini ejus laus inter Gentes detur, cum idololatriæ abdicatione. Quo facto, Israellem ad fiduciam in Deo collocandam adhortatur, & de reliquis bonis promissis, nunc implendis, certiores facit.

§. VI. Occasionem itaque Pf., æque ac superioris, præbuit læta temporum mutatio, qua populus ante oppressus nunc gloriose erat liberatus & vindicatus, simul in spem prosperrimæ conditionis, liberationem secuturæ, ductus; quæ religionis per orbem propagationem, benedictionem & multiplicationem supra Patres, comprehendit. Est itaque noster Pf. continuatio superioris, adeoque eadem occasione, tempore & scopo, compositus. *Temporis* Maccabæi criteria sese hic pandunt clarissima, modo in *argumenti* illustratione producta. Hoc enim tempore, 1. Rectores populi fuerunt *Pontifices*, & ex domo Aaronis. 2. profelyti partem Ecclesiæ constituerunt, qui *timentes* Jehovæ vocantur. 3. Israel maxime abhorruit ab Idololatria. 4. Gentibus omnis prætextus Jehovam Deum Israelis contumeliose tractandi ademptus, & occasio eum celebrandi data, religio quoque Judaica inter populos propagata & celebrata est. Quod Jes. xxv. & sæpe alibi apud Prophetas præ-

prædictum est. 5. Israel denique singulari mactatus est benedictione, & valde multiplicatus, secundum promissum & prædictionem Moſis Deut. xxx.

§. VII. De ſcopo Pf. tribus, ut ajunt, verbis abſolvere potero. Nemini enim, qui dicta ad animum revocat, obſcurum eſſe poteſt, eo noſtrum tendere canticum, ut, 1. quod de terra timore Jehovæ replenda in ſuperiore Pf. dixerat, *precibus* populi eſſe promovendum inculcetur, formula eum in finem iſſi præſcripta. 2. Populus de *fiducia* in Deo, clypeo & adjutore ſuo, ponenda admoneatur, tantis favoris & potentiæ Dei ſignis nunc erectus & corroboratus. 3. In ſpem implementi reliquorum promiſſorum Israeli factorum adduceretur. 4. ad Deo benedicendum, & laudes canendas, quarum multiplicem nactus erat materiam, excitaretur.

§. VIII. *Partes* Pf., ut analyſin ejus tradam, quatuor ſunt. I. *Prima* continet preces pro gloria Deo inter gentes, ob vindicatam Eccleſiam & religionem, danda; ratione movente a vanitate Idolorum, nunc demonſtrata, addita, verſ. 1—8. II. *Secunda* eſt adhortatio populi omnis ordinis ad Jehovæ fidendum, qui ſeſe clypeum & adjutorem demonſtraverat, verſ. 9—11. III. *Tertia* promiſſa de populo benedicendo & multiplicando, nunc implenda, exhibet, verſ. 12—15. IV. *Quarta* denique propositum Deum laudandi, a populo ſumtum & præſtandum, declarat. verſ. 16—18.

A N A C R I S I S.

§. IX. Interpretes circa hypotheſin Pf. exponendi in duas generales partes ſcinduntur. Alii intra Eccleſiæ Judaicæ limites ſeſe continent, quæ vulgatioꝝ eſt ſententia; alii, ſed paucioꝝ, de Eccleſia Chriſtiana hic cogitant. *Prioris* generis hic mirifice ludunt, nec habent fere, in

quo pedem figant. Alii ad Israellem juxta mare rubrum Ex. xiv. adplicant, alii ad socios Danielis in fornace ardente, alii ad Mordochæum & Estherem, alii ad Davidem in periculis a gentibus Idololatricis versantem, alii ad *Josaphatum*, 2 Chron. xx. Mirum est, de *Hizkia* eos non potius cogitasse; cum ab Assyrio premeretur. Ita tamen novissime instituit D. Keslerus *a*. Sed haec omnia sunt lubrica & vaga; & plures alii sunt casus, qui in censum venire possent. Argumentum Pf. si recte percepissent, & criteria temporis si ad animum revocassent, minus fluctuassent. Sed haec passim negligi solent, & hinc tanta in Pf. interpretandis saepe oritur confusio. *Posterioris* generis Interpretes, vel in genere ad vanitatem omnis religionis, Christo regnum adepto, praeter Christianae, manifestatam referunt, vel in specie de ultima persecutione Diocletiana, & laeta Ecclesiae facie eam secuta, interpretantur. Sed nulla ratio est a vetere Ecclesia Judaica oculos avertendi, nullum Messiae, ejusque regni & Ecclesiae, criterium; contra adest Israeliticae character in domo Aaronis, populi distributione in *Israelem*, *domum Aaronis* & *timentes Jehovah*, seu proselytos, & in promisso *multiplicationis* &c.

§. X. Quæ, & quorum similia, criteria ex argumento Pf. supra educta, nos dubitare non sinunt, quin referendum sit hoc canticum ad Ecclesiam Maccabaicam, recenter ab Epiphanica afflictione liberatam, & in possessionem bonorum, huic Ecclesiae saepe in verbo Prophetico promissorum, immittendam. Quod totius verbi Prophetici & Pf. multorum consensu, nec non ex historia Maccabaica, extra dubium censi debet positum. Secundum quam hypothesin instituiam Pf. interpretationem.

a In Symbol. litter. Ikenii t. III.

EXPLICATIO.

E X P L I C A T I O.

§. XI. *Prima* Pl. pars comprehendit n. preces pro Dei, & non Israelis, gloria in orbe propaganda, vers. 1. 2. earum instantiam & rationem moventem, vers. 2--8. n. Preces ita sonant, vers. 1. *Non nobis, Jehova, non nobis, sed nemini Tuo da gloriam super benignitate tua, super veritate tua*, h. e. Officium timoris & reverentiæ Jehovæ, quod terræ injunxi, ut a populis præstetur & impleatur, ad Te nos vertimus, Jehova! qui petram in rivos aquarum mutasti olim, & ineptos ac duros flectere & mollire potes; oramusque supplices, ut insignis liberationis nobis concessæ, quæ de tua *benignitate & veritate* testatur; gloria non nobis, quod absit, sed Tibi soli etiam a terræ populis tribuatur, adeoque efficias, ut gentes, in rectam hujus rei notitiam ductæ, per eam moveantur ad Te colendum, tanquam solum verum Deum, & religionem tuam, in medio nostrum stabilitam, honorandam. Cohærent hæc verba cum proxime præcedentibus, ut supra dixi, & in paraphrasi modo expressi. Continent vero preces totius populi Israelitici, cujus personam hic induit poeta, numero pl. usus, ad *Jehovam* directas, tanquam Deum Israelis, *gratiæ & veracitatis* virtutibus illustrem. Qui genuinus est nominis *Jehova* significatus & usus; quem hic omnino præfert. Est enim proprium Dei Israelis nomen, quo a Gentium Diis distinguitur; & origine sua ac usu virtutes, modo memoratas, comprehendit. Quare recte subjungitur, *super gratia tua, super veritate tua*. De quo mox. Preces ipsæ eo collineant, ut mirabilis rerum instaurationis per Maccabæos fama inter terræ incolas & Gentes sparsa, non Israelitarum & heroum ipsorum, verum Dei, ejusque gratiæ & veritatis, *gloriam* producat & promoveat, adeoque gentes ad *Jehovam* timendum, quod supra *terræ* præceperat, permoveantur.

§. XII. Cum absolute & simpliciter petunt, ut *nomini Jehovah gloria* detur, non *sibi*, materia & ratione glorificationis non expressa; ad superiora sese referre indicant. Ex quo elucescit, liberationem a gravi servitute, antiquae ab Aegyptiaca similem, nunc in populum collatam, & in superiore cantico celebratam, tanquam materiam & rationem *laudationis Dei* esse intelligendam. Cujus indicium etiam in eo est, quod *laudem & gloriam* a se remonent, *non nobis, non nobis, sed nomini tuo*, dicentes. Quod indicio est, tale quid ipsis accidisse, in quo efficiendo & ipsi partes habuerint, cujus laudes adeoque ipsis ab imperitis & mundanis hominibus adtribui possent. Quale fuit opus *liberationis* populi ab oppressione Epiphanica, & instaurationis Reip. per *Maccabæos*. *Gloriam* itaque non sibi sed Deo dandam ubi petunt, liberationem gloriosam, non sui sed Dei causa efficiendam, in oculis non habent, ut vulgo sumitur, sed liberationis jam factæ *gloriam* Deo, non sibi, cedere volunt. *Gloria vero datur Jehovah*, cum 1. ipse pro causa & autore istius eventus agnoscitur, 2. suprema ejus majestas, in eo opere elucescens, ipsi adtribuitur; ipseque 3. pro summo Numine, optimo & potentissimo Deo, habetur ac celebratur. 4. religio denique, ab ipso Israeli præscripta, tanquam vera, & supremo Numine digna, agnoscitur, & exercetur. Hæc qui præstat, *Jehovæ gloriam* dat. Quæ phrasis omnem cultum Divinum comprehendit, ut Ps. xxix. *Date Jehovah gloriam nominis ejus, adorate Jehovah in decore sanctitatis*. Jes. xlviii: 11. *gloriam meam alteri non dabo*. xlii: 8. *Ego sum Jehovah, hoc est nomen meum, & gloriam meam alteri non dabo nec laudem meam sculptilibus*. Emphasi non caret nominis *Jehovæ* expressa mentio: indicatur enim, Deum sese *celebrum* præstitisse & gloriosum, quod *nominis* notione sæpe exprimitur, præterea vim nominis *Jehovæ* in specie exhibuisse, sese *benignum*, uberrima vena benefaciendi præditum,

tum, & *veracem* in promissis implendis, demonstrando. Quo ultimæ voces, mox exponendæ, tendunt.

§. XIII. Hanc *nominis* sui gloriam ubi petunt ut Deus ipse sibi *det*; se Dei glorificationem non tam inter Israelitas quam *Gentiles* intendere, haud obscure significant, cum quod ipsi, qui id petunt, ad id jam essent parati, ut Deo gloriam dent, uti in fine Ps. testificantur, & *nos benedicemus* *Jab* &c. tum quod a Deo supplicantes, ut ipse sibi *det* eam gloriam, rem non nisi divina potentia efficiendam esse indicent. In animo itaque habent *Gentiles*, inter quos volunt, ut Deus *glorificationem nominis sui* producat, oppositæ ad *contumeliam*, quam in Deum Israelis, ejusque populum & religionem, soliti fuerunt facere; de quo mox agitur. Supplicant itaque, ut Deus efficiat, & in posterum curet, ut *Gentiles* intelligant & agnoscant, illudque opere patefaciant, liberationem & instaurationem reip. Israeliticæ esse, non hominum, sed *Dei* opus, illumque Deum summa esse præditum Majestate & potentia, dignum, qui honoretur & colatur. Ad quod cum opus sit liberationis populi confirmatione & amplificatione, simul religionis Israeliticæ per orbem propagatione; illud ipsum simul intendi, manifestum est. Precantur, ut verbo dicam, id ipsum, quod Deus, sese Ecclesiæ Maccabaicæ facturum esse, promissit Jes. xxv: 7, 8. *Et absorbebit in monte hoc speciem operimenti, operientis omnes populos, & velamen impositum omnibus gentibus* &c. Sic ib. vers. 3. *Propterea glorificabunt te populus fortis; civitas gentium violentarum timebunt te.*

§ XIV. Ultima verba reddi possunt, vel *propter benignitatem*, *propter veritatem tuam*, vel *super ea*. Priore modo sensus erit, benignitatis & veritatis Dei virtutes Deum ad gloriam sui nominis inter Gentes manifestandam impellere debere; quia *bonus* est erga omnes, & de gentibus notitia ac fide veri Dei imbuendis *promissa* dedit, in quibus implendis *veracitas* elucescit. Præterea cum illustris hicce
eventus

eventus. arde cum Ecclesiæ Maccabaicæ stabilitate & prosperitate, nec non benedictione supra Patres, cohæreat; eamque una intendant precatores; *bonitas & veritas Dei* & hoc respectu eum excitare debent. Sed verti etiam possunt, *super benignitate & veritate tua*; quando materiam & rationem glorificationis Dei comprehendent: quia Deus eas virtutes nunc luculenter demonstraverat & illustraverat; nomen ejus celebrari ab omnibus justum erat &c. In hanc mentem reddi quoque possent verba, *da nomini tuo gloriam*, *gloriam summi bonitatis tue*, *summi veracitatis tue*. Particula enim *super* aliquando *nomina* scit, & more nominis flectitur, ac sumitur pro *summo*, *supremo*; quando vox *gloria* erit ex præced. repetenda: quod nihil habet insoliti. In quo illustrando & confirmando nunc verari non licet.

§. XV. 1. Has preces pro glorificatione Dei inter Gentes urgent mox ab indecentia & indignitate oppositi, quo Deo & populo Dei illudere solebant, dicentes, *ubi est Deus ipsorum* &c. Quam rei indignitatem, *α.* proponunt, vers. 2. *β.* amplificunt, vers. 3--8. *α.* Propositio fit hisce verbis vers. 2. *Quare dicerent Gentes, ubi quæso Deus ipsorum est?* h. e. Fac Jehova, ut gloria nominis tui per felicem & firmum reip. nostræ statum innotescat Gentibus, & ab iis agnoscatur; ut, quod sæpe ante, & nunc etiam in summa afflictione nostra, fecerunt, nomini Tuo, & nobis populo tuo, insultare desinant: quid enim hac insultatione est indignius? Cum preces hac *ratione* urgeant, sese gloriam nominis Dei *Gentibus* manifestandam modo intendisse clare significant. Præsupponunt præterea, Gentilibus hoc in more fuisse, ut sarcastica hac interrogatione Israellem, in Dei & cultus ipsius contumeliam, petant tempore afflictionis & calamitatum; quemadmodum proxime adhuc sub persecutione Epiphanica fecerant. Quod ne amplius fiat, maximopere optant; cum sit detestanda & non ferenda calumnia; sicut interrogationis formula indi-

indicat, *quare dicerent?* h. e. absurdum & indecorum est, ut hoc faciant. A quo cum gentes absterreri, vel abstrahi nequeant, nisi *gloria* nominis Dei innotescat Gentibus: quam apte hinc petatur instantia, facile elucescit. Duo potissimum requirebantur ad contumeliosum & improbum hoc dictum inter Gentes abolendum, *alterum*, ut reip. & Ecclesiæ instaurationem, non casu & humana virtute, sed Divina ope fuisse factam intelligant Gentes, *alterum*, ut *durabilis* sit læta illa populi Judæi conditio, & magis magisque perficiatur. Hac ratione sicut cum pudore confiteri debeant Gentes, sese tempore afflictionis male insultasse Deo Judæorum, & religioni ejus; ita in posterum ab eo abstinerent, nec occasio iterum id faciendi ipsis suppeteret. Quæ duo cum superiore versu supplicasset, instantia hæc apte quadrat.

§. XVI. Ceterum sarcastici dicti, per interrogationem, fortiter negantem, propositi, sensus est, ut facile patet, Jehovah, Deum Israelis, vel non existere, esse non ens, fictum aliquod imaginarium Numen, ut Pl. xiv. *stultus dicit in corde, Deus non est*, vel populum aut non curare, aut liberare non posse; adeoque Gentium Diis longe inferiorem, nulloque cultu dignum. Quo dicto insultare solebant Israeli, tempore gravis afflictionis, & calamitatis, ab hostibus illatæ, quæ cum populi destructione erat, vel videbatur, conjuncta: ea nixi hypothefi, populi statum felicem, vel infelicem, de Numinis, quod colit, qualitate & potentia testari; quæ communis fuit Gentium opinio. Hæc indecentissima & Deo vero injuriosa insultatio, qua tempore afflictionis Epiphanicæ petitus erat Israel, ut plenissime cessaret, opus erat, ut instauratione, ope Divina facta, manifesta fieret inter gentes, & ipsa illa durabilem habeat effectum. Quo hic omnino collineat instantia superiorum precum, ut dixi.

§. XVII. β. Indecentiam & indignitatem dicti calumniosi, quam oratio, *quare dicerent?* involvit, explicatius

tradunt, & in lucem proferunt clariorem, ut instantia precum, inde desumpta, fortior fiat, oppositione Jehovah & Idolorum facta, & immenso eorum discrimine vivis coloribus depicto, quod hoc ipso tempore publice erat demonstratum in Israelis liberatione, & idololatriæ prostitutione & destructione, per Maccabæos. Ubi *a.* quis, qualisve, Deus suus sit declarant, vers. 3. *b.* quid sint idola, describunt, vers. 4--7. *c.* idolorum cultum & cultores itaque esse execratione dignos, concludunt, vers. 8. *a.* Confessio, quam edunt, ita sonat, vers. 3. *Etenim Deus noster in coelo est, & quicquid vult facit.* *h. e.* Quid de Deo nostro dici potest injuriosius, quam ipsum aut non esse, aut non posse? quid minus ferendum? cum utique Deus noster sit supremum Numen coeleste, liberrime agens, & omnipotens; sicut hoc ipso tempore, ut sæpe antea, luculenter sese demonstravit, nomen populumque suum vindicando: Deum suum non tantum talem esse, qualem hic describunt, sed & talem sese præstitisse declarant. Adtribuunt Deo suo supremam Majestatem, *ubi in coelo esse dicunt, summam libertatem, & potestatem*, qua nemini obnoxius est, aut rationem debet, denique *omnipotentiam*, ubi adferunt, *Deum facere quod vult.* Quæ veri Dei & supremi Numinis sunt criteria. Sed simul innuunt, *calamitates* populi de Dei imbecillitate non testari, cum in populo adfligendo Ipse pro supremo suo jure agat; semper juste ac sapienter, sed ita, ut *voluntas* Dei nobis satis esse debeat.

§. XVIII. *b.* Cum hoc tanto Deo comparantur *idola*, Gentium Numina, quæ præter externam formam corpoream, ab hominibus fabricatam, nihil habent: ut eleganter & fusius deducitur, vers. 4--7. *Idola ipsorum* (populorum) *argentum & aurum, opus manuum hominis.* *Os ipsis est, nec loquuntur; oculi ipsis, nec vident; aures ipsis, nec audiunt; nasus ipsis, nec odorantur; manus ipsorum (vel ipsis) nec palpant; pedes ipsis, nec incedunt; non musitant*
guttu

guttur suo. h. e. Tanto indignius est, Deo nostro insultari a Gentibus, acsi esset Diis earum inferior; quod Dii ipsarum sint pura puta idola, quæ præter humanam formam, ex pretioso metallo ab hominibus ipsis fabrefactam, nihil vitæ, sensus, scientiæ aut potentiæ, habent; muta & inanimata simulacra; sæpe antea, & nunc etiam prostituta, & vanitatis ac falsitatis convicta. Respicit poeta ad cultum Idolorum in simulacris & imaginibus, ubique Gentium receptis. Adpellat *idola*, seu statuas & imagines artificiose constructas. Eum enim significatum habet vox Hebr. a rad. *נצץ*, quæ *stringere*, inde inter alia, *nervis & tendinibus artificiose colligare*, de corpore humano Job. x: 8. & sic *artificiose fabricare*, denotat. Quod verbum eo aptius est, quia ad corporis humani formam erant fabricata idola; magna etiam arte & opera; unde *opera manuum hominum* mox vocantur; opposita ad *homines ipsos*, qui sunt *opera manuum Dei*. Additur, esse *aurum & argentum*; sive solidum, sive eo obducta. Quæ vulgatissima idolorum erat materia. Addit poeta, *idola* quidem *formam* hominis habere, & membra similia, sed sine *sensu & usu*; muta itaque & vitæ cassa simulacra. Quod per partes eleganter exsequitur. In quo nihil est obicuri; nisi in ultimo membro, vers. 7. *non mussitant gutture.* Quod quid sibi velit & quare reliquis subijciatur, difficiles habere videtur explicatus. Mihi alterutrum videtur statuendum, vel 1. de *balitu* per guttur ducto esse intelligendum, ut sensus sit, ne ullum vel minimum adesse vitæ aut sensus indicium; non tantum non loqui &c. sed ne quidem *respirare*; quando verti debent, *nec spiritum ducunt gutture suo.* Quod ex propria verbi *נחם* potestate, in *pulsu*, & *impetu concitatore* sita, illustrari, & ex Ps. xc: 9. confirmari posset: vel 2. de *mussitatione*, & tenui loquela, exili *sono & murmure*, qualem *dæmonibus*, per simulacra loquentibus, tribuere solent *a*, cogitandum esse, de quo Jes. viii: 10. *consulite Engastrimyths, &*

L 2

Divi.

^a Vid. Bochart. Hieroz. p. 1. l. III. c. 2.

Divinos, qui pipiunt, & spiritum altum ducendo musitant, triste & acutum loquuntur.

§. XIX. Pericopa comprehendit recriminationem, seu potius retorsionem calumniæ, Deo vero factæ, in falsa Gentium Numina, tanquam in quæ rectius & ex vero conveniat, ea non esse, vel nihil posse, non in Deum Israelis, *qui in coelo est, & quicquid vult facit*; nemini non manifestum est. Sed sitne *justa* & exacta, an adfectuosa & exaggerata retorsio, quæritur. Ratio dubitandi est, quod simulacra non ipsa Numina, sed ab iis *obsideri*, & eorum esse *representamina*, crediderint. Respondeo, ex vulgata non tantum opinione ipsa simulacra pro Diis fuisse habita & culta, ad quam magis quam peritorum paucorum sententiam in cultu eò relutando respici solet; sed secundum alteram & saniores opinionem recte sese habere hanc retorsionem, cum quod simulacrorum unio cum Spiritibus, & eorum ad Deos relatio, sit figmentum, adeoque præter nuda simulacra nihil sit reliqui, tum quod ipsa illa Numina, quorum censentur imagines, vel ficta sint, & non entia, vel corporea tantum, omni vita & ratione carentia, ut corpora coelestia &c. vel denique nostrarum rerum inspectores & curatores, scientia nostri & potentia nobis succurrendi præditi, non magis, quam ipsa simulacra, ut sunt mortui, & defunctorum Spiritus. In cultu itaque simulacrorum nihil superest, quam muta, & vita cassa, imago, quæ humanam præfert formam; sed de membrorum & sensuum humanorum *usu* nihil habet. Retorsio itaque *justa* est, & idolorum descriptio vera; quam Prophetæ sæpe alibi eodem modo instituerunt; uti Ies. xi. &c. & sæpe alibi. Sed quo scopo facta est retorsio? 1. ut summa indignitas & indecentia insultationis Gentilium elucescat, cum tantum sit Jehovæ & idolorum discrimen. 2. ut, Idola hoc tempore fuisse prostituta, & muta ac insensilia tantum esse simulacra demonstratum, cum per eorum in Cananæa per Maccabæos destructionem, tum per convictio-

victionem a Judæis inter Gentes dispersis institutam, insinuaretur, & ex eo preces pro gloriæ Dei manifestatione inter Gentes magis urgerentur. Idolis ita traductis & ludibrio expositis, ferendum amplius non erat, ut Deo Israelis illuderetur, vel eorum honor & cultus amplius vigeret. 3. Gentiles, & qualescunque alii terræ incolæ, ab Idolis absterrentur, utique officii admonerentur Jehovah colendi, & idololatriæ nuncium mittendi. Imperaverant terræ *metum & reverentiam Jehovah*, Ps. cxiv: 7. quod quam justum & necessarium sit, hic ex Jehovah & idolorum comparatione adstruunt.

§. XX Quo directe tendit interminatio, vel summi mali cum idololatria connexi denunciatio, vers. 8. *Instar eorum erunt*, vel sint, *fabricatores eorum, quicunque in iis fiduciam reponunt*. *Fabricatores* non intelliguntur quicunque, & simpliciter qua tales, verum qui eo animo & scopo faciunt, vel faciendum curant, ut Deorum loco sint. Quod Jes. xlii: 17. *in Deum facere* dicitur. Quare mox explanationis gratia additur, *quicunque iis fidit*. Quod Jes. i. c. est, *libera me, quia Deus meus Tu*. Sunt itaque simul *cultores* idolorum; qui *simulacra* sua fecerunt, ut vers. 4. habetur. In rem Martialis a.

*Qui fingit sacros auro vel marmore vultus,
Non facit ille Deos; qui rogat, ille facit.*

De illis adfirmatur, eos *esse* vel *fore* instar ipsorum idolorum. Potest enim illud *erunt* utroque modo sumi, vel pro *sunt*, sive esse solent, sicut modo habuimus in idolorum descriptione, *os ipsis & non loquentur*, sc. nec loquuntur, nec loquentur: sic & hic *erunt* pro *sunt*, eruntque semper; vel de futuro malo ac iudicio, ipsis infligendo, capi, ut *imprecationis*, vel *prædictionis* instar sit. *Prior* sensu, fabricatores idolorum nihilo sapientiores aut

L 3

præ

a Lib. viii. epigr. 24.

præstantiores ipsis simulacris, vita omni & sensu cassis, repræsentarentur; quatenus hoc opere sese demonstrant omni *ratione* destitutos, & simulacra potius hominum, quam homines ratione præditos, de quibus dici possit, *oculos habent nec vident, aures nec audiunt* &c. brutos itaque & stupidos. Ita de idolorum fabricatoribus & cultoribus Jes. l. c. *non cognoscunt, non intelligunt, obliti sunt, ne videant oculi ipsorum, ne sapiat cor ipsorum*. Quo sensu verba ad ulteriorem idololatriæ prostitutionem facerent, cum factores idolorum, quam ingeniosi etiam & artificiosi, ipsis suis simulacris sint, rationis & sapientiæ respectu, similes: præterea sicut idola longissime a vera Divini Numinis imagine distant, & nihil minus quam Dii sunt, licet pro iis habeantur: ita fabri & adoratores eorum haud minus ab homine ejusque fini dissident, & reliquias *imaginis* Dei in se plane destruunt.

§. XXI. Posteriore modo verba intellecta duplicem fundunt sensum, *alterum*, quo *fiant*, vel *fient*, sit pro esse demonstrantur, patefiant & publice innotescant, *idolis* similes, seu mente & ratione orbi. Quod alias *confundi* & *putore adfici* dicitur, ut Jes. XLIV: 11. de iis habetur. *Alter* sensus est, quo eadem fors formatoribus idolorum, quæ idolis ipsis, assignatur; adeo ut, sicut idola nec sibi, nec aliis, auxiliq esse possunt, quin justo Dei judicio sunt destruenda, in eandem conditionem sint redigendi cultores eorum, una cum operibus manuum suarum perituri; nisi resipiscant, & ab eorum cultu ac communione discedant. Quod subintelligendum esse, facile patescit. *Fieri* instar idolorum dici queunt homines, qui in illum recidunt statum, quo *a.* nec nocere nec prodesse possunt aliis, non magis quam idola. *b.* sibi non possunt opem præbere. *c.* Deo, & hominibus sanæ rationis, sunt odio & contemtu. *d.* denique e medio tolluntur, & mala morte mulentur; quando *idolis* vere sunt similes, vita cassi, & membrorum omnium usu orbi.

§. XXII. II. Cum

§. XXII. II. Cum itaque Jehova, Deus Israelis, sit verus Deus, idola vero nihili, eorumque cultores haud meliores; Israel vero Jehovam sæpe ante & nunc proxime potentissimum & præsentissimum Numen expertus esset, magisque experiretur: populum quam aptissime ad fiduciam in Jehova solo collocandam, quicquid Gentiles, & idolorum cultores etiam irriderent, adhortatur, vers. 9-11. quæ secunda Ps. pars est, his verbis. *Israel confide Jehovæ; auxilium eorum & clypeus eorum Ipse. Domus Aaron fideite Jehovæ; auxilium eorum & clypeus eorum ipse. Timentes Jehovæ confidite Jehovæ, auxilium eorum & clypeus eorum Ipse.* Singulare est, & ante omnia observandum, Israellem hic in tres classes, vel ordines, dispesci, *Israellem, domum Aaronis, & timentes Jehovæ*: cujus distinctionis alia nequit dari ratio aptior, ac quod præter *populum, Israelis* nomine insignitum, sola *domus Aaronis*, seu ordo sacerdotalis, ea phrasi intelligendus, eminuerit, & distinctum constituerit ordinem. Ex quo colligendum est, summam potestatis & imperii hoc tempore fuisse penes *sacerdotes*. Fieri ceteroquin non potuisset, quin *Rektorum* peculiaris facta fuisset mentio. Illi vero nec *Israelis*, nec *domus Aaronis* nomine comprehendi possunt, si seorsim locum tenuerint in populo. Convenit vero illud diserte in tempora, quæ instaurationem ab exilio Babylonico secuta sunt, in primis Maccabaica; uti nemini non notum est. Sed quare *timentes Jehovæ* distincte memorantur? num, ut Israelis & domus Aaronis *qualitas*, quæ ad veram & Deo gratam fiduciam requiritur, simpliciter exprimeretur? an ut distinctus hominum ordo in medio Israelis indicaretur? alterutrum enim statuendum videtur. Prius locum tenere nequit, cum quod *timentes Jehovæ* distincte memorentur, nec semel sed bis eodem in orationis tenore, uti vers. 13. tum quod Israeli & domui Aaronis adjungantur, adeoque, sicut illi, ita & hi distinctam classem constituent, necesse est. Quod mox ex Ps. cxviii. ulterius confirmabitur. Accedit,

cedit, hoc nomine notos fuisse in Israele converfos ex Gentilibus, qui, idololatræ cultu abdicato, solum *Jehovam* pro summo Numine, & objecto adorationis & cultus habebant, licet alias Judaicæ Ecclesiæ non incorporati. Quales alio nomine adpellati sunt *Profelyti*. Eorum vero fuisse hoc proprium epitheton, ex historia Apostolica dubio caret. Sic Cornelius *pius* vocatur, & *timens Deum* Act. x: 1. nec non Lydia c. xvi: 14. *timentes* quoque *Deum* a *viris Israelitis* distinguuntur, c. xiii: 16. qui *timentes*, vel *religiosi* Græci adpellantur, c. xvii: 4, 17. Eo autem nomine veniunt, quod, licet Gentiles origine, Deum Israelis unice colerent, sola Numinis ejus reverentia ducti: quare non simpliciter *Dei*, sed *Jehovæ* timentes adpellantur. Hi cum *idololatriæ* renunciaverant; merebantur hic in specie memorari, ubi, idolorum cultu & cultoribus refutatis, *fiducia* *Jehovæ* imperatur ejus cultoribus.

§. XXIII. Exhortatur omnes istos ordines poeta ad *fiduciam* in *Jehova* collocandam; timoris *Jehovæ* necessarium adjunctum, vel consequens. Licet enim *profelyti*, eo titulo tantum insigniantur, *timorem* *Jehovæ* iis non esse proprium, sed omnibus adesse, præsupponitur. De *Profelytis* tantum expresse dicitur, quia de reliquis id per se sequebatur, cum *Jehova* esset Israelis & Aaronidarum *Deus*; quem cum *profelyti* adoptassent, hinc & ipsi *timentes* *Jehovæ* fuerunt dicti. Prærequirit *fiducia*, cum agnitionem Dei, & fidem in eum, tanquam qui possit & velit nostra desideria & defectus implere, tum adfectum erga Ipsum, quo quis in ejus communionem, tanquam summum bonum, fertur supra omnia, & ad ipsius voluntatem in omnibus præstandam pronus est & paratus. Ipsa vero *fiducia* est, qua res meas Deo committo curandas, mediis, quæ adhibeo, & laborum, successum ab ipso, ejusque favore & benedictione, unice exspecto, promissorum complementum mihi sine fluctuatione ab ipso promitto; in periculis & discriminibus me in ipso corroboro, & spe libe-

berationis, vel beati eventus lacto & erigo. Verbo, *fiducia* Christiana est *mentis adfectio, alte infixæ, qua, anxietate & metu seposito, quis sese tranquille & submisso Dei curæ in Christo committit, sub certa spe cum vitæ æternæ, ordine, a Deo constituto, consequendæ, tum directionis Paternæ, promissis & bonitati ejus congruæ.*

§. XXIV. Ad hanc *fiduciam* cum poeta Israelem & timentes Jehovahæ adhortatur, sive ut negligentiam & torporem iis excutiat, sive ut currentibus quasi calcaria addat, sicut, eos in solo Jehovahæ, & modo debito, *fiduciam* collocare, vult, ita clare indicat, *a. eos hoc posse facere, cum sint populus Dei, & ejus timentes. b. debere facere, cum sit officium ipsis incumbens, c. multis rationibus, ab utili & jucundo, etiam temporis circumstantiis, desumendis, ad id excitari.* Quas generali hac phrasi, *auxilium & clypeus ipsorum ipse*, comprehendit. *Auxilium* eorum adpellat Deum, quod sit Deus ipsorum *omnisufficiens*, qui eos omni copia bonorum donare possit & velit. Primitiva enim radicis *wy* potestas est, *copiose fluxit, abundavit, & frequenter in ubere animalis largiter fluente.* *Clypeus* vero vocatur, quatenus eorum protector sit & defensor paratissimus & potentissimus: qui mala ingruentia avertere & hostium insultus reprimere potest, & vult. Quæ quam efficaces sint rationes ad *fiduciam* producendam, quam solida sint ad eam fundandam fundamenta, nemini non patet. Ceterum ad orationis structuram facit, notasse subitum a secunda ad tertiam personam transitum: cum enim, sermone ad eos converso, dixisset secunda persona, *confidite*, mox de iis in tertia pergit, *auxilium eorum ipse est.* Quæ personarum mutatio rara non est in stylo Orientis, nec emphasi elegantia caret: sive sit pro *ipsorum vestrum*, sive, sese recte eos ad hanc *fiduciam* incitare publice exponere velle, significet: ac si haberetur, *fidite Jehovahæ*; quod recte possunt & debent, cum sit *auxilium eorum* &c. Nec em-

phasi caret pronomen *nam ipse* pro est; *Ipse* tam bonus, tam potens, tantus Deus &c.

§. XXV. III. Adhortationi ad fiduciam in Jehova apte subjungitur promissi *benedictionis* & *multiplicationis* implementum nunc præstandum, vers. 12--15. quæ *tertia* Ps. pars est, his verbis. *Jehova recordatus est nostri, benedicet, benedicet domui Israelis; benedicet domui Aaronis: benedicet timentibus Jehovæ; parvis cum magnis. Addet Jehova vobis, vobis & filiis vestris. Benedicti vos Jehovæ, qui fecit coelum & terram.* h. e. Sicut Jehova sese vobis præstitit auxilium & clypeum; ita præstabit in posterum: nostri enim memor fuit in rep. & Ecclesia instauranda, & reliqua promissa, cum hac instauratione connexa, implebit, benedicendo universo populo, & omnibus ejus classibus, simul eum mirifice augendo & multiplicando in longam posteritatem: adeo ut populus sit, adpellarique possit, *benedictus Jehovæ creatori*. Quod ut fiat, meorum quoque votorum summa est. Poeta *n. beneficium* modo in populum collatum memorat, tanquam fundamentum, vel antecedens, sequentium; ubi dicit: *Jehova recordatus est nostri*, h. e. Cum per gravissimas calamitates, in quas incidere nos sivit, nostri videatur oblitus, vel curam reip. & Ecclesiæ abjecisse; nunc luculenter ipso facto, nos liberando & in pristinum statum gloriose restituendo, sese eundem erga nos animum & adfectum, quem olim, habere, demonstravit. Phrasis pro hypothesei habet ad afflictionem populi, quæ externam *oblivionis*, vel abjectæ curæ, populi speciem præferebat; dicitque, Deum curæ & amoris populi publica & luculenta dedisse specimina. Cum vero in præ. loquatur, *recordatus est*, illud beneficium jam tunc in populum fuisse collatum, quod probe notandum est, indicat. In phrasi nihil esse difficile.

§. XXVI. 1. Recordationi adjungit, tanquam ejus consequens, *benedictionem*, mox & in sequentibus præstandam, verbis fut. temporis-usus. Quam in genere proponit,

nit, & ad omnes populi classes & ordines extendit, vers. 12, 13. *benedicet*, dicit, *benedicet domui Israelis*, *benedicet domui Aaronis*. &c. Benedictionis nomine quævis beneficia, corporalia & Spiritualia, tanquam favoris Dei signa & effecta, quæ civitatem & Ecclesiam reddunt felicem & prosperam, promissis foederis Sinaitici comprehensa, intelligi, nemini non manifestum est. Cum vero in genere dixisset, nulla persona nominata, *benedicet*; tempus benedicendi advenisse, & benedictionem fore copiosam ac universalem, indicans; mox eam ad quosvis hominum ordines extendit & adplicat, populo Israelis, domo Aaronis & timentibus Jehovahæ expresse nominatis; de quibus classibus supra dixi. Ubi vero *parvos cum magnis* subjungit, qualiscunque ætatis & loci per singulas illas classes intelligit: nec enim ad *timentes* tantum Jehovahæ, sed reliquos quoque ordines, hæc verba referenda sunt.

§. XXVII. β. *Benedictione* in genere memorata; notabilem ejus partem in specie expresse signat, vers. 14. *Addet Jehovah vobis* &c. Quibus verbis, non benedictionis continuatio ac cumulatio, per nova beneficia veteribus continuo addita; sed personarum & seminis propagatio ac multiplicatio speciatim repræsentatur. Sicut ex ipsa phrasi, & usu Script. Gen. xxx: 24. Deut. 1: 11. 2 Sam. xxiv: 3. & alibi, elucescit. Quod ipsum bonum, Israeli sæpe promissum, in primis post exilium Babylonicum præstandum, ut Moses prædixit Deut. xxx: 5. Ecclesia Maccaica impletum vidit: uti aliunde notum est. Ubi vero additur, *vobis & filiis vestris*, longa & identidem augenda posteritas significatur. Interpretes in hoc versu exponendo minus feliciter versati sunt.

§. XXVIII. γ. Concludit hanc prædictionem voto pro benedictione populi, quo fidem & spem suam exprimit simul, simul officii populum admonet, ut sese tanto beneficio digne gerat, vers. 15. *benedicti vos Jehovah, qui fecit coelum & terram*. h. e. litis, eritisque, & digne vivite.

Adprecatur populo hanc benedictionem, & gratulatur simul, adeoque vota & spes suas in lucem profert, de implemento promissæ benedictionis persuasus; quia *Jehova* est Deus verax, idemque *creator coeli & terræ*, adeoque potentissimus. Ex quo ratio sponte sua sese offert, quare *Creatoris* epitheton addiderit. Verum non hoc tantum, sed simul quales sese habere & gerere debeant, ut benedictioni Divinæ respondeant, ob oculos ponit, ubi eos *benedictos Jehovæ creatori* adpellat. Cum enim tantum sit Numen, a quo profluxit benedictio, Deus supremus, coeli & terræ factor & possessor, nostri non indigus, qui homines ad sui gloriam fecit, *benedicti Jehovæ* gratos sese præbeant, & creatori gloriam dent, oportet.

§. XXIX. IV. Quod ipsum officium mox clarius proponit, una cum proposito sui & piorum testificatione, vers. 16--18. quæ quarta Ps. pars est; his verbis. *Coeli, coeli Jehovæ sunt, Terram dedit filiis Adami. Mortui non laudabunt Fab; nec ulli in silentium descendentes. Et nos benedicemus Fab, a nunc & in æternum.* h. e. De officio benedictorum Jehovæ, eorumque ad illud obligatione, facile constat ex scopo Dei in coelo & terra creandis, ut coelum sit Majestatis divinæ sedes, terra vero inhabitaretur ab hominibus ratione & vita præditis, adeoque solis ad Deum celebrandum aptis inter viva & animata, & eo destinatis; cum mortui, & in regione silentium positi, ad id inepti sint. In quo officio præstando præibimus nos, & exemplum præbebimus aliis quibuscunque terræ incolis. Occurrit . fundamentum officii, Deo debiti, in scopo creationis situm, vers. 16. Quæ verba duplici ratione verti & exponi possunt. *Altera* est, ut voces *coeli*, & *terra* absolute capiantur, pro, *quod adinet ad coelum & terram*; sicut jam observavit Gejerus: *altera* vero ellipsin vocis *in* ante *in* admittit, & hunc constituit sensum, *coeli, & coeli coelorum sunt Jehovæ: terram vero dedit filiis Adami.* Plene reperitur hæc phrasis Deut. x: 14. 1 Reg. viii: 27. Neh. ix: 6.

ix: 6. & alibi. Coeli itaque erunt *adfectabiles* coeli, & *coeli coelorum*, quicquid ultra est, & tertium ac supremum coelum. Quod vero ad rem ipsam adinet; sensus non est, Deum sibi solum coelum reservasse, & terram hominibus in propriam possessionem dedisse, omni jure in eam, omni ejus cura & directione deposita; nec etiam, Deum sibi soli coelum summis, terra hominibus relicta, ita ut nemini ad coelum sit post mortem aditus. Utrumque illud a ratione alienum est, & Script. adversatur; cum scopo & nexu etiam non consistit. *Coelum* & *terra* hic relate ad hanc vitam, ad periodum hujus magni seculi & ævi, tantum considerantur; de futuro seculo nihil definitur. Quod ex seq. facile patescit. Hujus itaque ævi respectu, Deus sibi conservavit *coelum*, quatenus sedem Majestatis non in terra, sed *coelo* collocavit, & tanquam *coeleste*, non *terrestre* Numen censerī voluit, cui propterea nullæ imagines in terra aptari debent. Præterea *coelum* est Jehovæ, quatenus ipse solus est sublimis & excelsus, Dominus & rex universi; supra terræ incolas infinite erectus, & eorum supremus rector ac arbiter. *Terram* vero *dedit hominibus*, tanquam Dei respectu *subditis*, sed, relate ad alias creaturas terrestres, *dominis*, ad terram inhabitandam, colendam, eaque fruendum, & Deum supremum Dominum suum glorificandum.

§. XXX. Significatur itaque 1. homines quidem in terra esse collocatos, tanquam rerum & creaturarum terrestrium dominos & possessores, quorum usibus res omnes in terra inserviant, & ad quas qua homines *jus* habeant aliquod legitimum: attamen 2. Deo, qui in coelis est, longe inferiores, non tantum, sed & ejus *subditos*; qui 3. *muneris* loco terræ possessionem habent, tanquam usufructuarii, qui Deo, proprio Domino, rationem debent usus rerum terrestrium; 4. nec hoc tantum, sed & Deum, tanquam largitorem suum & Dominum, agnoscere, colere, & celebrare, debent, per omne hujus vitæ tempus. Quod

sequentia confirmant: ut mox videbimus. Eodem tendit, & eundem præbet intellectum, quod Jes. xlv: 18. habetur; cum nostro loco conferendum.

§. XXXI. β. Urgetur officium ex vitæ hujus tempore, unice ad illud apto, vers. 17. *mortui non laudabunt Jah; nec ulli in silentium descendentes.* Sensus est, cum morte cessare officium Dei laudandi, homini in terra datum; cum vivus, & non mortuus, ad id sit tantum aptus. Quod non absolute, sed restricte, & ad officium hominis in hac vita inter homines relatè, intelligendum est: ut ex nexu & scopo orationis facile intelligitur. De quo plura dixi ad Ps. vi: 6. Scopus est, *partim* omnes per terram homines excitare ad Deum in vita laudandum, ad quod facti sunt, & propter quod terra ipsis a Deo data est, *partim* confirmare promissi implementum de populi Dei, seu Ecclesiæ veræ, propagatione ac multiplicatione; cum fieri nequeat, ut Deus semen sanctum in terra interire sinat; quia non *mortui* sed *vivi* Deum laudare debent; ad quod homines in terra posuit.

§. XXXII. γ. Denique concludit canticum cum proposito sui de Deo benedicendo testificatione, vers. 18. *Et nos benedicemus Jah, a nunc & in seculum.* Quicquid alii fecerint, officio defuncturi nec ne; utique nos, qui verum Dei populum constituimus, in eo opere erimus per omnem vitam; erit quoque Ecclesia per omnia secula. Potest enim ad populum Dei in genere referri, quod hic in prima persona de se dicit, suo & aliorum piorum nomine, poeta; adeoque ad omnia tempora usque ad finem mundi extendi.



P S A L M. CXVI.

1. *Halleluia. Diligo, quia Jehova vocem meam audiuit, stridulos meos sonos.*
2. *Quia inclinavit aurem suam ad me. Etenim in diebus meis clamare solebam.*
3. *Adcumularunt me dolores, vel vortices, mortis, & angustia inferorum pervaserunt me, angustiam & moerorem cruciantem inveniam.*
4. *Nomenque Jehovæ inclamare solebam: quæso, Jehova, eripe animam meam.*
5. *Tenerrimo præditus adfectu Jehova, & justus, & Deus noster misericors.*
6. *Servator simplicium Jehova: adtenuatus sum, & mihi salutem præstitit.*
7. *Redi anima mea ad recubationem tuam, quia Jehova accumulavit bona super te.*
8. *Quia eruisti animam meam morte, oculos meos lacrymis, & pedem meum impulsu.*
9. *Ambulabo coram Jehova in terris viventium.*
10. *Firmum feci gressum, quia locutus sum, ego adflactus sum valde.*
11. *Ego dixi in mea incoxatione, seu trepida discursatione, omnis homo mendax est.*
12. *Quid rependam Jehovæ? omnes beneficentia ejus accumulationes sunt super me.*

13. Cæ

13. *Calicem salutem tollam, in nomine Jehovæ proclamabo.*
14. *Vota mea Jehovæ solvam, coram nunc omni populo ejus.*
15. *Grave est in oculis Jehovæ mortem versus pro piis suis.*
16. *Quæso Jehova! quia ego servus tuus, ego servus tuus, filius ancillæ tuæ, solvisti vincula mea.*
17. *Tibi offeram sacrificium laudis, & in nomine Jehovæ proclamabo.*
18. *Vota mea Jehovæ solvam coram nunc omni populo ejus.*
19. *In atriis domus Jehovæ, in medio tui; Hierosolyma!*

P R O L E G O M E N A.

§. I.

PRæclari hujus Cantici argumentum est, gratissimi, & ad Deum publice colendum ac celebrandum paratissimi, animi solennis testificatio, ab illustri aliquo viro, *servi Dei* titulo insigni, suo & sociorum nomine, facta propter singularem ac gloriosam a gravissimis calamitatibus, ac præsentissimis mortis violentæ discriminibus multiplicibus, liberationem, Deo soli, & non hominibus, adtribuendam; eamque secutam lætam & prosperam sui & populi universi conditionem. Cum servus Dei, qui hic in scenam producit, dixisset, se amoris Dei esse plenissimum ob quiritationes & preces suas exauditas, statum suum afflictum, preces tunc fufas, liberationem acceptam, & felicem inde ortam conditionem, depingit, seseque ad vota tunc facta præstanda, & nomen Dei publice, solenni loco & tempore Hierosolymis, celebrandum, profitetur esse paratum.

§. II. Ad pleniorē argumenti deductionem facit, notasse, 1. Personam hic ob oculos sisti non vulgarem, sed hono-

honoratiorem, & Dei ac religionis studiosissimam; sicut ex toto Ps., in specie *servi* Jehovah titulo, & *piorum ejus* epitheto, vers. 15, 16. manifestum est. 2. *Statum* ejus fuisse antea afflictissimum & desperatum; nunc vero lætum esse & prosperum. Afflictio describitur gravissima, quæ cum summis angustiis non tantum, sed & violentæ mortis certissimo periculo erat conjuncta: in quam religionis & pietatis causa inciderat, adeo ut ad mortem fuerit quæsitus ab hostibus religionis, quod ei firmiter adhereret: ut ex vers. 15, 16. colligi potest. Status erat præterea, si ad humanam opem respicias, desperatus, uti innuit, ubi *omnem hominem mendacem*, vers. 11. a se in summa sua trepidatione & incoxatione, fuisse dictum declarat. *Præsens* vero conditio, in quam per singularem Dei gratiam erat adfertus, repræsentatur admodum secunda & prospera, quæ ab omni malo, & metu, immunis, summam animi acquiescentiam adferebat, & singularem gratitudinis demonstrationem exigebat. Quod cuique, Ps. relegenti, in oculos incurrit, & vers. 7 & 8. clare significatur. 3. Utrumque hunc statum ipsi non fuisse & esse privum, sed cum multis aliis, eodem religionis & pietatis studio ductis, imo cunctis piis & religiosis, communem, adeo ut generalis fuerit religionis causa persecutio, & liberatio quoque ac læta instauratio universalis. Quo directe tendit, quod *grave dicatur in oculis Domini mortem versus, pro piis suis*, vers. 15. quorum verborum sensus est, Dominum non pati, pios suos, & religionis studiosos, prædam mortis rapi ad inferos. De læta rerum catastrophæ etiam testatur, quod *coram toto populo, in medio Hierosolymæ*, vota sua solvere velit, Deus quoque tanquam *simplicium servator* celebretur, vers. 6.

§. III. Hæc qui ad animum retulerit, in hypothesein nostram de *occasione & tempore* hujus Ps., iisdem ac superiorum, quin descendat, vix dubitaverim. Interpretes, qui mentem hac de re explicuerunt, de tempore Davidis sive

sub Sauli, five Absolomi, dominio, passim cogitant. Sed, præterquam quod Davidis nomen in fronte non gerat, nec ullum ejus criterium præferat Pf., *a.* in illa tempora non quadrat persecutio religionis & pietatis causa; quem conspectum modo in lucem protraxi. *b.* a Sauli temporibus nimis abhorret, quod vota soluturus dicatur in *atriis domus Jehovæ, in medio Hierosolymæ*; ut facile cernitur; quod nec in omne tempus Davidis exacte convenit, si *Templum*, quod probabile est, & phrasis *atriorum domus Jehovæ* Hierosolymis requirit, intelligendum sit. *c.* *Vinculorum* mentio, vers. 16. si proprie sit capienda, nos a Davide discedere jubet. Nec sanius est eorum judicium, qui ad *reduces* ab exilio Babylonico Pf. referunt; cum nec Babylonica calamitas hic censeretur descripta, quæ nec religionis causa facta est, nec in piis tantum ad necem quærendis sita fuit, nec etiam læta & prospera conditio, hic depicta, ullo modo in eos conveniat. Reducum enim status mansit *servilis*, tenuis, tristis & dubius; longe ab hujus personæ statu vers. 7—9. alienus. Ausim itaque, adfirmare, nullum per universam Oeconomiam Veterem exstitisse tempus, cui duplicis hujus viri status lineæ respondeant, præter *Maccabaicum*; in quod omnia criteria exacte conveniunt; præcipue sub Simone Ethnarcha. De quo nemo, historiæ peritus, dubitare poterit.

§. IV. Ad afflictio Epiphanica fuit gravissima, & cum multiplici mortis violentæ periculo conjuncta, nec alia quam religionis causa instituta; quam legis & religionis studiosi, *Chasidae* dicti, qui titulus vers. 15. occurrit, in primis subire debuerunt. Fuerunt etiam tunc ab omni humano auxilio destituti, uti vers. 11. indicatur, & hac parte res eorum desperata. Quam gloriose & miraculose fuerint liberati, & in lætissimam conditionem adserti, sub Simone & J. Hyrcano, nemini non ex Hist. Maccabaica constat. Videtur autem haud improbabile, occasione festi, in memoriam liberationis instituti, quale fuit *encæntorum*,
vel

vel *luminum*, hoc canticum esse compositum, eo forte scopo, ut in eo publice caneretur. Utique quod *vota* sua solenniter soluturus dicatur in medio populi, & *calicem* salutis sumpturus; nos ad publicam lætitiæ & conviviorum tempus ducere videtur.

§. V. *Scopus* Ps., cujus *autor* est in obscuro, ex dictis sponte sua sese offerens, est, formulam Dei pro summo in populum collato beneficio publice laudandi & celebrandi in manus dare fidelibus, ad exemplum illustri viri in rep. & Ecclesia nomine *servi* Dei eminentis, qui hic introducit loquens; ut viam præeat, & aliis exemplum imitandum præbeat. Quæ enim huic servo Dei, vero Chasidæo, in ore dantur: ipsi priva non fuerunt, sed cum aliis, Chasidæorum quoque titulo insigniri solitis, communia: uti modo notavi. Quo etiam inscriptio psalmi *Halleluia* pertinet. Hæc enim vox, superiori Ps. subnexa, ad hunc omnino pertinet; uti supra quoque observavimus: in fine vero hujus Ps. occurrens ad sequentem est referenda: confirmant Lxx Interpretes.

§. VI. Partes Ps., ut generalem ejus tradam analysin, duæ sunt majores, *propositio* & ejus *deductio*. I. *Propositio* occurrit, vers. 1. & priore membro, vers. 2di. *Diligo, quia Jehovah audivit vocem meam, stridulos meos sonos; quia inclinavit ad me aurem suam.* II. In propositionis deductione, «. sese offert argumentum & ratio *dilectionis* Dei, seu exauditionis Dei fusior explicatio respectu status, *primo* afflictæ præteriti, *dein* læti & prosperi præsentis; a Dei gratia unice repetendi; vers. 2. in med. ad vers. 11. 2. *Dilectionis* sequitur fusior descriptio, quæ vota solvenda, sacrificia offerenda, & Dei celebrationem solenniter instituendam, completitur; vers. 12—19.

ANACRISIS.

§. VII. Hypothesios Pf. exponendi investigatione supersedere licet; cum ex superioribus satis elucescat, Pf. ad ipsa illa tempora Maccabaica, quæ definiti, adplicandum, & secundum eam normam explicandum esse. Certissimus enim est Pf. interpretandorum canon, eos ad ipsas illas personas, quæ composuerunt, vel ad ipsa tempora, quibus facti sunt, quæque ansam præbuerunt, adplicandos esse, si nihil obstat, aut aliarum personarum, aliorumque temporum, criteria adsint. Hunc qui migrat canonem, in Pf. explicandis pro arbitrio versatur. Continemus itaque nos intra Ecclesiæ Maccabaicæ limites, in quam omnia egregie conspirant; suoque lubentes relinquimus loco illorum opiniones, qui ad Ecclesiam Christianam, sive ex diversis angustiis per varias periodos liberatam, sive ex Pæpismo per Reformationem vindicatam, oculos vertunt. In quibus refutandis esse non lubet.

EXPLICATIO.

§. VIII. Propositio Pf., quæ beneficium a Deo acceptum, animumque gratitudinis & amoris plenissimum, comprehendit, ita sonat: vers. 1, 2. *Diligo: quia audivit Jehova vocem meam, stridulos meos sonos; quia inclinavit aurem suam ad me.* h. e. Querelas & supplicationes meas, in summa & desperata mea afflictione ex intimo adfectu fusas, cum Jehova benigne, & cum favoris sui demonstratione, exaudierit, tristemque meum statum cum lætissimo commutaverit: tanti beneficii sensu tam vivide adfectus sum, ut, amantis instar, tenerrimos amoris motus, & effluvia, persentiscam, & totus in amore sim, Dei celebrandi & colendi, omniumque flagrantis charitatis officiorum

rum erga Deum & homines explendorum, studio ardente latus. Verba & *beneficium* a Deo collatum, & animi *adfectum* inde ortum continen.

§. IX. Beneficium in querularum precum exauditione, ex favore a Deo facta, ponitur. *Audivit Jehovah*, dicit, *vocem meam*, *stridulos meos sonos*: id est, vocem meam querulam & supplicatoriam, ex intimis visceribus erumpentem. Vox Hebr., quam *stridulos sonos* reddidi, ad originalem ejus potestatem, qua animantium stridulos sonos, cum adfectum erga pullos significant, denotat, uti sæpe alias observavi, respiciens, *argutiores* hoc loco expingit & *febiles* ex intimo gutture editos sonos, quales sunt *quiritantium* & opem implorantium; adeoque ob oculos ponit, cum adfectum hujus personæ & miserabilem statum, qui stridulas & querulas ciet voces, tum supplicationes ejus, quibus Deum ad misericordiam flectere conatus fuit, cum quiritationibus ex intimo pectore conjunctas. Adjungitur hæc stridula & supplex imploratio *voci*, *vocem meam* & *stridulos meos sonos* dicit, explicationis ergo, ut de voce querula & supplicatoria cogitaretur. Quod alias in statu constructo dicitur, *vox stridoris*, ut Pl. xxviii: 2. & alibi, hic quoque locum habere potest, si *ἡ vox* repetatur, ut plene sit; *audivit vocem meam*, vocem *stridorum meorum*. Hasce suas voces Deum non simpliciter *audivisse*, ubi dicit, sed simul *aurem ad se inclinasse*, eum *aure inclinata audivisse*, significat; hac enim ratione membra divisa secum sunt construenda. *Aure vero inclinata* audire est studiose, accurate, & ex intimo adfectu cum succurrendi proposito, audire: metaphora ab homine petita, qui ex intimo adfectu *unam* aliquo inclinat aurem, ut accurate percipiat, cum proposito *vocem* illam faciendi.

§. X. Significat itaque se *a.* ex summa sua afflictione fuisse liberatum; imo *b.* in lætissimam & prosperrimam adfertum conditionem; ita ut preces & desideria sua plene dici possint impleta. *c.* singularem hanc rerum catastro-

phen *Deo* unice esse acceptam ferendam, nec non *d.* pro singulari *beneficio* Dei, quod de adfectu Dei & favore erga se testabatur, esse habendam; adeoque *e.* aptam natam esse ad flagrantem in se adfectum erga Deum accendendum. Quemadmodum ipse quoque expertus erat, &, dum hunc Pl. composuit, vel cecinit, reapse sentiebat; adeo ut se continere non possit, quin mox & quasi ex abrupto in *amoris* expressionem erumpat, dicens: *diligo, quia audivit Jēbova* &c.

§. XI. Animadversionem meretur, quod non dicat, *diligo Jēbovam*, sed absolute *diligo*: quod longe majore pollet emphasi, uti a Coccejo & aliis recte est notatum. Significat enim non actum tantum, sed adfectum & statum amoris, nec qualiscunque, sed ardentis, & universalis; ita ut *amo* idem sit, ac amore flagro, plenus sum amore, &, eo veluti absorptus, totus amor, & in amore. Quæ amplissimi sensus phrasis est. Complectitur enim lætitiā, acquiescentiam, intimum favoris Dei sensum, gloriationem, flagransque studium Deum celebrandi, & colendi, omniaque officia, Deo & proximo debita, ardentem & accurate præstandi: licet enim objectum amoris non adpellet, in *Deum* tamen tendere, ex seq. facile patet. Dei itaque respectu, qui tot ac tanta favoris sui signa & effecta dederat, declarat, se *amare* & amoris esse plenum, quatenus eum intimo adfectu complectitur, in eo & favore ejus unice delectatur & gloriatur, & ejus gratia ad ejus gloriam se omnia paratum esse facere.

§. XI. In propositionis deductione. *u.* status sui felicissimam mutationem describit, vers. 2.-11. Cujus sequentes sunt partes. *a.* *Prima* status miseri & calamitosi lineas ducit, & querelas ac preces tunc fusas exponit, vers. 2.-4. *Etenim in diebus meis clamare solebam; accumularunt me dolores mortis; & angustia inferorum pervaserunt me: Angustiam & moerorem cruciantem inveniam. Nomenque Jēbovæ inclamare solebam; quæso Jēbova, eripe animam meam.*
h. e.

h. e. Quanto sim mactatus beneficio, quamque justam amoris habeam rationem, facile constabit, si in memoriam præteritæ afflictionis, querelarum & precum mearum, rediero. Etenim *in diebus meis*, quibus mala in me ingruerunt, in hasce querelas continuo erumpebam. *Dolores mortis, & angustiae inferorum*, seu violentæ mortis præsentissimus metus, & multiplices cruciatus, me undarum & fluctuum instar invaserunt, & ad nasum usque per-tigerunt, adeo ut tantum quod absorbendus videar. Sed querelis non contentus, nec desperationi traditus; me ad Jehovam, unicum meum refugium, contuli, & nomen ejus hac continuo ingeminata voce inclamavi: *quæso, Jehova, eripe animam meam*, a morte & afflictione me liberando, & in tutam ac prosperam conditionem educendo; ut, afflictione cessante, Tibi secundum præscriptum legis tuæ servire liceat.

§. XII. In statu afflictio describendo *querulas* primo voces in genere, dein *preces* in specie memorat. Querelas sese tunc emisisse, his verbis indicat, *in diebus meis clama-bo*, h. e. clamare & quiritari solebam. Quam potestatem fut. temporis forma frequenter habet: se itaque clamasse & identidem sæpiusque fecisse, adeoque gravissimum & diuturnum fuisse malum, indicat. Phrasis vero, *in diebus meis*, ad afflictionis tempus omnino nos ducit, ut sint pro *diebus afflictionis meæ*; quæ plena phrasis est. Job. xxx: 16. Sic *dies*, & *dies ejus*, pro tempore calamitatis & infortunii haud infrequenter. Pf. xxxvii: 13. cxix: 84. cxxxvii: 7. Obadj. 12. & sæpe alibi. Nexus orationis hunc sensum omnino requirit. Dixerat, Jehovam *audivisse vocem*, quando mox subjungit, *se clamasse*; utique ad vocem respiciens, quam Jehova audierat. Deinde *afflictionem* depingit, verba, quæ clamoribus suis protulit, exhibens, &, sese *Jehovam inclamasse*, denique addit. Quæ sermonis cohærentia alios ac querulos clamores tempore calamitatum non admittit.

§. XIII. Argumentum querelarum, seu verba clamoris, his verbis effert, vers. 2. *adcumularunt me dolores mortis, & angustia inferorum pervaserunt me: angustiam & cruciatum inveniam.* Priora duo membra, secum conjungenda, manifestissimum mortis violentæ periculum, in quo versabatur, repræsentant; postremum vero membrum, sese, quo effugere possit, nusquam invenisse, sed ubique miseriam & angustiam eandem reperisse, indicat. *Dolores mortis & angustia inferorum* eandem rem exprimunt; mortis sc. violentæ præsentissimum discrimen. *Mors & inferi* cum mortem, tum statum mortis, depingunt. *Inferi* enim ex vocis Hebr. potestate statum animæ, a corpore sejunctæ, signant: *dolores & angustia* ubi adduntur, non mortem tantum, mox secuturam, sed violentam & probrosam, quæ animum cruciare, & tristitia replere, ac varios dolores adferre, possit & soleat, intelligi, indicatur; oppositæ ad placidam & naturalem mortem, cum somno comparari solitam. Hi *dolores accumulati*, & hæ *angustia pervadere*, ubi dicuntur, ad aquas & fluctus inundaturos respicitur. Prius verbum *qan* exposui ad Pf. xviii: 5. Metaphora est, satis usitata & facilis, ab aquis accumulatis, & ad eam altitudinem elevatis, ut nasum fere æquaverint, adeoque mox suffocaturæ sint. Quæ violentæ mortis, seu malorum ad eam tendentium, viva est imago. Quem eundem intellectum fundit verbum *an* invenire, in phrasi, *angustia inferorum me invenerunt*: sumitur enim aliquando in malum, & in specie de *aquis penetrantibus*, secundum propriam potestatem, qua *intime penetravit* signat, & *pervasit*. Sic egregie Pf. xxxii: 6. *Propter hoc ardentem te orabit omnis pius: tempore inveniendi, tantum ad inundationem, aquarum multarum; ad ipsum non adtingent.* Sic enim vertenda & construenda sunt ea verba; uti ibi observavi.

§. XIV. Addit, verbo fut. temp. usus, *angustiam & cruciatum inveniam.* h. e. quocunque me verterim, ubique

que eandem miseriam, easdem mortis angustias, offendam, adeoque nusquam refugium, nusquam solatium & exitum, reperiam. Transfert sese in tempus præteritæ calamitatis, & querulas suas voces, tunc emissas, recitat; quibus cum præsens mortis periculum, tum desperationem exitus, repræsentabat. Ac si haberetur: dixi tunc temporis querulus & lamentans, actum est de me; aquæ ad summum pertigerunt, & nusquam reperire potero refugium; ubique moerorem & angustias offensurus, quo me verterro. Indicat apud se non tantum, sed ubique easdem grassari calamitates. Phrasis, *inveniam angustiam*, est elliptica, & plene dicit, *quocunque me verterro inveniam; ubique inveniam*: quod ex verbo *invenire* facile sese offert.

§. XV. Quo in statu positum ad Jehovam precibus sese confugisse declarat, vers. 4. *Et nomen Jebovæ invocabo: quæso, Jebova, eripe animam meam! Nomen, vel in nomine Jebovæ invocare*, majore pollet emphasi, quam *invocare Jehovam*: significat enim, auxilium & opem Dei in nomine *Jebovæ*, eo nomine adpellato, & ad illud provocando, implorare; ita ut ratio, quæ Deum ad succurrendum moveat, ab ipso illo nomine petatur. Est enim nomen Dei Israelis memoriale, quo sese ad promissa populo facta implenda obstrinxit, & *veritatem* ac *gratiam* suam obsignavit. Inclamasse se hæc in verba dicit: *quæso, Jebova, eripe animam meam*, non ut post mortem sit salva, sed ne morte abripiatur, adeoque ipse morti violentæ & intempestivæ non succumbat. Quod ex phrasi, & seq. oratione clarum est. Nec hoc solum, sed *anxietu* & solitudine liberationem, adeoque afflictionis grassantis plenam abolitionem, simul implorat; ne *angustiam* & *moerorem* amplius *inveniat*: uti modo conquestus fuerat. Ceterum hanc in formam ubi se supplicasse testatur; se *querelis* & *clamoribus* non fuisse contentum, sed *fidei*, *spei* & *pietatis*, quoque signa in mediis afflictionibus dedisse, Divinum & non humanum auxilium implorando, significat.

O

§. XVI. β. Se-

§. XVI. β. *Secunda pars precum & querelarum exauditionem, ac liberationem, & in latum ac copiosum campum educationem, complectitur, vers. 5, 6. tenerrimo adfektū præditus Jehova & iustus, & Deus noster misericors: servator simplicium Jehova; adtenuatus sum, & mihi salutem præstitit. h. e. Querelas cievi, & in nomine Jehovæ inclamavi, malis & angustis lethaliibus pressus; nec frustra; inveni enim Jehovam, qualis verè est, seseque nobis promittit, tenerrime erga suos adfektum, & iustum miserorum vindicem, Deum nostrum foederatum, misericordem. Qui, sicut hominum, nec sapientia vel astutia pollentium, nec viribus aut firmitate præditorum, hominum simplicium, & laxatorum a cura & disciplina, servatorem & custodem sese præbere solet, præbuitque hoc tempore; ita mihi, omnibus viribus exhausto & opibus, & a morte proximo, liberationem & salutem amplissimam concessit. Describit Deum a virtutibus bonitatis & justitiæ, relationibusque ad populum Israelis; seseque Deum cum aliis simplicibus & miseris fuisse expertum declarat. Virtutes sunt bonitatis & justitiæ, quas Jehovæ adtribuit, ubi eum tenerrimo adfektū præditum, quæ vis est vocis p̄m, ut supra & sæpe alias notavi, & iustum adpellat; ad nominis Jehovæ significationem una respiciens. Addit mox relationes Dei peculiare ad Israel, eum Deum nostrum misericordem vocando. Quæ omnia eo tendunt, ut, Deum sese talem nunc præstitisse, in miseris succurrendis ex gratia, & injuste ab hostibus oppressis vindicandis, patefaceret. Misericordem & tenerrime erga suos adfektum sese in miseris liberandis, & iustum in hostibus puniendis, & injustitia ulciscenda, simul verum Israelis Deum, demonstraverat.*

§. XVII. Has virtutes & relationes Deus illustraverat in simplicibus servandis, & adtenuato hocce servo Dei eripiendo. Quod veri. 6. declarat, Deum custodem simplicium, & sui adtenuati eductorem adpellando. Simples adpellat quales-

quaesecunque alios, qui a calliditate & pravis artibus mala, religionis causa imminentia, avertendi & vitandi, alieni, & sinceræ religionis confessioni unice dediti, simul a disciplina & tutela laxati, instar ovium dissipatarum & sine pastore oberrantium, in perniciem facile ruebant, hostium insidiis & persecutionibus expositi. Quam sensus amplitudinem habet vox Hebr. *דַּוָּדָא*; cujus origo est in *dilatando* & *laxando*; unde *simplicitatis* & *fatuitatis*, quæ facilis est ad errandum & decipiendum, fluxit significatio *a*. In specie videtur vox frequentata in animantibus, ut *ovibus* & *avibus*, ad illiciendum & inescandum facilibus *b*. Hos simplices, & deceptu faciles, in medio Israelis, homines sinceros & fraudis imperitos; dicit a Deo fuisse *custoditos*, ne defecerint, aut in ruinam præcipitaverint, nec postulationibus nec minis a vera religione & pietate abducti, nec etiam per hostes oppressi; sed sub Dei pastoris tutela tuti, & ab eo liberati ac conservati. Quibus se mox adjungit, ubi addit, *adenuatus sum, & mihi servatorem præstitit*. Se quoque viribus & opibus exhaustum; & a morte ac exitio proximum, nec nisi a singulari Dei gratia & per ejus potentiam consecutum fuisse *salutem*; seu liberationem, & in amplissimum salutis & abundantiae campum educationem, gratus agnoscit; & palam prædicat. Quæ nihil habent difficilis. Ceterum sese adjungit *simplicibus*, cum, ut indicaret, in eodem periculo sese, licet servum Dei & forte majore prudentia & fortitudine præditum, fuisse versatum, nec magis sine Deo sese, ac reliquos, expedire potuisse, tum ut sinceritatem, & ea parte simplicitatem cordis sui, ab omnibus artibus malis abhorrentis, simul manifestaret.

§. XVIII. *γ. Tertia pars præsentem statum felicem, ex ea liberatione secutum, ob oculos ponit, vers. 7—9. Redi anima mea ad recubationem tuam; quia Jehova accumu-*

O 2

lavit

a Vid. Cl. Kuypers ad Ali p. 150.
Job. xxxi: 9.

b Schultens ad

lavit super Te. Quia eruisi animam meam morte; oculos meos lacrymis & pedem meum impulsu. Ambulabo coram Jehova in terris viventium. h. e. Nec a morte & calamitate me tantum liberavit Jehova; verum in latissimum & liberum salutis campum etiam eduxit; ita ut, omnium desideriorum compos factus, dicere possim animæ, ut recumbat, & secure ac læte requiescat, instar gregis bene potæ in herbidis pascuis; utique me morti non tantum eripuisti Jehova, sed ab omni malo & periculo, nulla lacrymarum usquam terrarum relicta materia, nullq lapsus periculo superstitæ; adeo ut nunc tuto & læte in terra, pacifica & prospera, degere, & cultu tuo defungi liceat. 1. Inspirat animæ suæ *quietam* & summam acquiescentiam, ratione a beneficentia Dei præstita petita, vers. 7. Quæ ad animam apostrophe eleganter & emphatice significat, statum suum esse pacatum, tutum, & felicem, desiderii expletis, & omni adfectu tristi sedato; oppositæ ad multiplex vitæ discrimen, angustias & afflictiones varias præcedentes. De voce *נוח* egi ad Ps. xxiii. Rationem derivat ab *accumulatis* Dei beneficiis, in se collatis; quæ vis est verbi *נוח*, in *cumulando* & *molliter fovendo* sita; unde ad ingentem bonorum & donorum cumulum, ex favore Dei ortum, transit: uti alibi etiam observavi.

§. XIX. 2. Explicat & illustrat hunc suum felicem statum, ex singulari Dei benevolentia ortum, *a. negative*; vers. 8. respectu status miseri præcedentis, a quo erat liberatus. Cujus tres memorat articulos, periculum mortis, miseriarum ubique sese offerentium conspectum, qui *lacrymas* concitabat, & vacillantem ac continuis periculis obnoxium statum. Indicat itaque, sese non tantum a morte esse liberatum, sed & ab omni periculo, & malo, ita ut in firma nunc sit conditione positus, imo vero sese nusquam reperire tristandi & lacrymandi rationem; omnibus rebus per terram Cananæam pacatis & prosperis. *b. positive*, vers. 9. *ambulabo coram Jehova in terra viventium.* h. e.

Terra

Terra Cananæa, ab omni infestatione & oppressione libera, opposita ad præteritum terræ statum, *mortuorum* quam *viventium* terræ similiorem; præterea *terra viventium* audit, quod vera Ecclesia & religio in ea exerceatur; sicut homines, ratione præditos, decet. In hac terra ubi, se *ambulaturum* esse, dicit, sese pacate & tranquille in ea versaturum, & in Deo colendo ac celebrando futurum esse, & spondet, & sibi promittit. Id quod phrasis, *coram Deo ambulare* denotat.

§. XX. *§. Quarta pars animi fiduciam & firmitatem* in summa afflictione, & causa sua ad speciem desperata, complectitur, vers. 10, 11. *firmum gressum feci, quia locutus sum: ego afflictus sum valde; ego dixi in mea incoxatione; omnis homo mendax.* h. e. Contigit mihi secundum fidem & spem meam; quam in mediis afflictionibus reservavi, & per quam me Deo ita adprobavi, ut me expediverit omnibus malis, & in tuto ac optato statu collocaverit. Licet enim vehementer fuerim afflictus, & tantum quod oppressus, de omni etiam ope hominum desperaverim, *omnem hominem* hac parte *mendacem* adpellando, a quo nihil mihi promiserim auxilii, nihil expectaverim; attamen animo non despondi sed in Deo adeo firmavi, ut hunc ipsum statum felicem spe præceperim; cujus fidei & spei signum dedi in aperta & intrepida mea confessione, & sermonibus aliis ad me aliosque socios animandos & consolandos. Exprimit itaque his verbis *fiduciam* suam, externis signis demonstratam, quam in mediis calamitatibus habuit; ut partim doceret, querelas suas non fuisse aut desperabundas, aut Deo injurias, & a pietatis statu alienas, partim sese eas animi adfectiones tunc habuisse & spirasse demonstraret, quas Deus in illis requirit, quos eripere, & bonis suis cumulare solet. Ex quo nexus & scopus horum verborum elucescit.

§. XXI. In verbis & phrasibus parum sese offert, quod nostram curam requirit. 1. Verba, *firmum gressum posui*,

(sc. in Deo, & apud animum meum; quæ propria est verbi *אמן* potestas, ut sæpe alias notavi, sive quod idem est, *fiduciam* & *spem* in Deo habui, & animum meum in eo firmavi:) *quia loquar*, significant, sese fiduciæ suæ indicia *loquendo* dedisse. *Loquar* est pro *locutus fui* cum certo proposito *loquendi* in posterum; quo forma fut. tendit; *quia locutus sum* hic tanquam indicium fidei occurrit; ex quo de fiducia ejus publice constare potuit. Idem itaque est ac, fidei dedi illustria & publica signa, dum *locutus sum*. Quam eandem significationem fundit, si, quod potest, vertatur, *propterea locutus sum*, quia sc. *credidi ideo locutus sum*: sicut Gr. versio habet, ab Ap. adoptata, 2 Cor. IV: 13. Ceterum *loqui* hic est fidem suam liberare, palam, & intrepide, eloqui, & eam publice *defendere*: ut ex verbo præced., *credidi*, quocum cohæret, manifestum est. Ad *fidei* vero & *eloquii* commendationem facit, quod in summis periculis, & opis humanæ desperatione, talis fuerit, seseque talem gesserit. Quare mox statum illum afflictum denuo expingit.

§. XXII. 2. Dicit vero se, non tantum valde fuisse *afflictum*, ut hostium placitis responsurus videretur, sed & omni ope hominum caruisse, & humano quoque auxilio renunciassse. Verbum *אין* non qualemcumque, sed gravem, & violentam afflictionem continet, quæ oppressum & subactum ad vota & placita hostium opprimentium *respondere* cogit. Posterius membrum, vers. II. non significat imprudenter & festinanter a se fuisse *dictum*, ut multi acceperunt; sed in summa sua calamitate, & præsentissimo suo discrimine, proprie *incoxatione* sua, quæ propria est vocis *אין* potestas, de quo dixi ad Ps. xxxi: 23. & alibi. *Omnem vero hominem* ubi *mendacem* dixit, ad infidelitatem in dictis præstandis non tam respicit, quam ad vanitatem & fallaciam opis, ab ipsis expectandæ. Sic Ps. cviii: 13. *vanitas est*, vel *mendacium*, *salus hominis*. Sic verbum *אין* usurpatur Jes. lvi: 11. Job. xl: 33. & alibi. Sed non hoc

hoc tantum insinuat vult, sese tunc omnem opem hominum abjecisse, verum etiam in Deum unice recubuisse, de humano quidem, at non divino auxilio desperasse: quod ex superioribus satis manifestum est.

§. XXII. γ. Transito nunc ad *dilectionis* suæ statum & habitum uberius deducendum; vers. 12—19. Quæ altera *deductionis* pars est. In qua α. in genere proficitur, sibi summam incumbere obligationem, Deo pro tot tantisque beneficiis debitam vers. 12. *Quid rependam Jehovah? omnes accumulationes ejus super me.* h. e. beneficentiæ Jehovah in tantum cumulum super me aggestæ sunt, mihiq; incumbunt rependendæ, ut qua ratione id digne faciam, & debitum meum exolvam, vix reperiam. Interrogatio, *quid rependam?* ad beneficia Dei extollenda, & summam gratitudinem, sibi incumbentem, describendam pertinet, simul se ad omnia Dei causa facienda esse inclinatum, sed quicquid faciat, majora semper manere beneficia, quam ut iis responderi possit, significat. Quid vero sit *Deo rependere*, nemini non constat. De phrasi, *beneficentiæ ejus sunt super me*, pro, mihi incumbunt retribuendæ, debiti instar, egerunt etiam abunde Interpretes. Sed observari meretur, vocem *הַמְנוּת* hic *beneficentias* exprimere in *acervum* & magnum *cumulum* aggestas; secundum veram & originalem verbi *הָמַן* potestatem, de qua ad vers. 7. dixi. Cui recte adjungitur *super me*, ut *accumulatio* super ipso, ad ipsum ad gratitudinem excitandum, exprimat.

§ XXIV. β. Propositum suum de animi sui gratitudine omni modo explicanda & demonstranda exponit per duos articulos. Quorum α. prior, vers. 13-15. ita sonat. *Calicem salutis tollam, in nomine Jehovah proclamabo; vota mea Jehovahæ solvam coram nunc toto populo: grave est in oculis Domini; mortem versus pro piis, seu Chasidaeis, suis* h. e. Summa prosperitate, mihi a Deo pro portione benigne concessa, utar, & ejus continuo solenniter
cum

cum gratiarum actione recordabor; proclamabo quoque publice in nomine Jehovæ, & ad ejus laudes, ut vota mea ipsi facta publice coram toto populo solvam; Jehovæ nimis pretiosam esse & gravem piorum suorum mortem violentam, quam ut eam permittere possit, cujus in me & multis aliis luculenta nunc dedit specimina. Declarat 1. *se calicem salutis sumpturum, & nomen Jehovæ, vel in eo, proclamaturum*, quod idem est, ac se, calice eo sublato, hoc facturum. *Calix salutis*, vel dicit portionem salutis sibi assignatam, vel signum ejus memoriale, cum adlutione ad calicem vini eucharisticum, in conviviiis usitatum in memoriam liberationis grato animo acceptæ. De quo vid. Gejerus & alii. *Sumere vel tollere calicem* est non solum, salutem concessam sibi adplicare, & ea uti, sed & externo signo memoriali celebrare. Addit, & *nomen Jehovæ, vel in eo, proclamabo*, ut significet, in laudes Jehovæ se hoc facturum, *nomen* ejus publice celebrando, vel in nomine ejus & ad ejus gloriam proclamando, se Jehovæ acceptum ferre, quod hac salute fruatur, & Jehovam esse suorum piorum servatorem; ut mox patebit.

§. XXV. 2. Interferit quasi per parenthesin, se hac solennitate defuncturum esse secundum vota, antea facta, nunc publice solvenda, vers. 14. *Vota mea Jehovæ solvam, coram nunc omni populo ejus*. h. e. in publicis & solennibus populi Dei congregationibus, ut in festis, & aliis convocationibus populi. Verba eo, quo dixi, tendere videntur, ut quasi per parenthesin significet, se calicem sumpturum cum nominis Dei proclamatione secundum vota sua, antea facta, nunc implenda, nec in angulo & clam, sed publice & solenniter, præsentem populo. Nihil hic difficile. Vocula *נא* vel est simpliciter expletiva, & ad elegantiam sermonis facit, vel vim habet *adhortantis* & *excitantis*, sed se ipsum; *coram nunc* est *coram*, *age*, *toti populo*. Sed *נא* non construi debet cum *populo*, verum *Deo*, ut sit *coram ipso*, præsentem toto populo: vid. Ps. cxxxviii: 1. 3. In-

ta

ta hac declaratione, materiam proclamationis, & rationem solennitatis, qua calicem fumeret, subjungit, vers. 14. *Grave est in oculis Jehovæ, mortem versus, pro piis suis.* h. e. in laudes Jehovæ publice profitebor, & exclamabo, simul memoriam ejus solenniter celebrabo, summi hanc momenti veritatem, Jehovam suos Chasidæos non pati ad mortem violentam ab hostibus rapi, sed eos a morte vindicare & liberare. Verba, ut dixi, continent illud, quod in nomine Dei proclamaturus esset, & in cujus signum *calicem salutem* tolleret. Quando oratio recte cohæret, & scopus verborum quoque elucescit. Respicitur ad præteritas afflictiones, quibus ipse & pii reliqui, Chasidæi dicti, ob pietatis & religionis studium ad violentam necem rapiiebantur ab hostibus & persecutoribus; quibus per singularem Dei potentiam erepti erant. Ex quo nunc publice constare pronunciat, rem gravem & non ferendam esse Deo, pios coram oculis suis ad mortem ea ratione trahi. Ad phrasen not. 1. *h* hic notare, *grave* esse & ponderosum: quæ propria est vocis significatio, unde ad *pretiositatem* transiit, sicut כָּבֵד. Sensus est, quem jam observavit Cl. Schultens *a*, Deum non pro re levi & vili habere, sed summi momenti, ac pretii ingentis, pios ignominiosæ morti subjici; adeoque eam ad animum revocare, nec, ut fiat, sinere. Vid. Pl. LXXII: 14. 1 Sam. XXVI: 21. 2 Reg. 1: 13, 14. 2. Vocem מוֹתָם vertendam esse, *mortem versus*; *n* enim motum ad locum signat. Declarat ea vox, quid Deo tam grave sit, & momentosum; pios sc. *ad mortem rapi*. 3. Ultima vox *pro piis suis*, vel *propter eos*, denotat, Deo piorum suorum causa illud grave esse, *mortem versus*.

§. XXVI. *b*. Propositum gratitudinem demonstrandi semel explicuisse non contentus; in eo repetendo & uberius tradendo pergit, cum ut amoris adfectui, quo totus erat occupatus, vers. 1., indulgeat, tum ut illud magis adfir-

a Ad Prov. 1: 13.

affirmaret, & obligationem suam extolleret. Repetit vero non simpliciter, sed cum aliqua variatione, vers. 16.-19. *Quæso Jehova! quia ego servus tuus, ego servus tuus, filius ancillae tuae, solvisti vincula mea. Tibi offeram sacrificium laudis, & in nomine Jehovæ proclamabo. Vota mea Jehovæ solvam coram nunc omni populo ejus; in atriis domus Jehovæ, in medio tui, Hierosolyma!* h. e. Favoris Dei & beneficii accepti tam vivido sum adfectus sensu, ut grati animi testificationem publice faciendam non possim quin iterum offeram. *Quæso*, Domine, hanc mihi gratiam facias, ut, cum Tu me Tibi servum publice adserueris, & vindicaveris, *vincula mea*, quibus ad mortem eram adstrictus, solvendo, sacrificia laudis Tibi publice offeram, & nomen Tuum celebrem, in domo Tua, Hierosolymis; eaque ratione vota mea publice coram toto populo præstem. Audientiam quasi facit, & potestatem gratitudinem suam demonstrandi sibi a Deo supplicat concedi, ubi dicit, *quæso Jehova*. Quod pietatis & reverentiæ erga Deum signum est, simul animi ardorem in hoc officium patefacit. Retinenda itaque est usitata voculæ נָא significatio, quæ *obsécantis* est. Deinde *beneficium* præmittit, & rationem sese ad gratitudinem moventem & excitantem tradit, vers. 16. *quia ego servus tuus* &c. acsi diceret. *Quæso* Domine, liceat mihi publice profiteri, quantopere sum Tibi obligatus, *sum enim servus tuus, filius ancillae tuae, quem Tu vinculis eripuisti*: adeoque publice servum tuum adseruisti & declarasti. *Servum se* Dei esse bis pronunciat, cum adseverandi, tum explicandi ergo: sensus enim esse potest, *servus tuus sum, & servus tuus publice a Te declaratus sum*. Non sine emphasi addit, *filius ancillae tuae*, ut, sese natum, & non recens acquisitum servum, significaret. Servus erat a majoribus suis, & vi nativitatis, etiam ad id natus & educatus, ut Deo inserviret. *Servum* vero ubi se adpellat, non vilem, sed honoratiorem, ad magna & præclara opera adhibitum, intelligit; quemadmodum Da-
vid

vid *servus* Dei adpellatur. Ultimæ voces, *solvisti vincula*, eodem tendunt, ut beneficium liberationis, in servum Jehovahæ collatum, ob oculos poneretur, sive de *vinculis* proprie dictis intelligatur, sive de mortis periculo & gravi oppressione. Utrumque conjungendum est, uti etiam Ps. cii: 21. & alibi. Intelligi per ellipsin, vel ex præcedenti repeti debet vocula *quia*, ut sit, quia *solvisti vincula mea*, quod ex nexu & dictis facile patet.

§. XXVII. *Modum*, quo animi gratitudinem explicare volebat, sequentiâ verba declarant; in quibus nihil est difficile. Tantum not., hic quid plus occurrere quam vers. 13. Quod enim antea in genere dixerat, se *calicem salutis* sumpturum, convivia læta in honorem Dei & liberationis memoriâ acturum, illud hic extendit ad *sacrificia* laudis in *Templo*. Quo ipso felix & pacatus Hierosolymæ status, & sacrorum in Templo continuum exercitium, repræsentatur.





P S A L M. CXVII.

1. *Halleluia. Concelebrate Jehovaham omnes gentes, plausu publico magnificate eum omnes nationes.*

2. *Exuberavit super nobis gratia ejus, & veritas Jehovahae in æternum est.*

P R O L E G O M E N A.

§. I.

Argumentum brevissimi quidem, sed sensus & utilitatis plenissimi, cantici est, ut facile adparet, adhortatio omnium per orbem populorum, Gentium æque ac Judæorum, ad Jehovaham, verum Deum, super summa ejus benignitate & veritate, omnibus manifestata & facta, dignis laudibus & gratiarum actionibus celebrandum & extollendum. Poeta primum omnes, & *gentes*, & *nationes*, excitat ad Jehovaham, Deum Israelis, laudandum; deinde materiam laudationis, vel summam verborum, ab ipsis proferendorum, exhibet, & ipsis in ore dat. Verf. enim 2^{da} non tam rationem moventem, quam materiam laudationis, & verba ab ipsis, in Deo celebrando, pronunciant, comprehendit, secus ac Interpretibus visum fuit, qui Gentes ad Jehovaham laudibus extollendum accendi autumant, propterea quod gratiam & veritatem suam effuderat in eos, qui adhortationem faciunt, sive in se collata beneficia a Gentibus esse agnoscenda velint, sive Gentes sibi adjungant, & gratiam Dei omnibus esse communem signi-

significant, ut *super nobis* sit, & *vobis*, quos exhortamur, & nobis, in unum corpus, vel Ecclesiam, coadunatis. Quod posterius licet sit verius, & cum re ipsa conjunctius, structura tamen orationis & phrasidis minus admittit, quia nulla ratio foret, quare *super nobis* potius, quam *super vobis*, ut debebant, dixerint. *Rationem* ad Deum laudandum moventem si verba contineant, verba alium non admittunt sensum, ac beneficium, Judæis concessum, Gentes simul exstimulare debere ad Deum celebrandum. Quod alia ratione explicari nequit, nisi beneficium ad Gentes quoque pertinens intelligatur: cujus tamen clarum, & directum, non foret in Ps. indicium: quod abesse non possit. Rectius itaque *materiam* & *verba* laudationis vers. 2. comprehendere statuimus; quibus Gentes & nationes dicerent, *exundat super nobis gratia ejus* &c. Quod facilius fiet, & clarius, si ellipsis verbi *dicere* admittatur; hac ratione. Laudate *Jehovam omnes Gentes & nationes*, dicendo, vel in hanc formulam, *exundat super nobis gratia ejus, & veritas Jehovae in æternum*; plane ut Ps. cxviii: 2-. *dicat nunc Israel, quia in æternum benignitas ejus*, h. e. dicat & canat in hæc verba, *in æternum benignitas ejus* &c. De quo mox iterum monebo.

§. II. Ad verum argumenti conspectum facit, 1. Judæos non tantum, sed & *gentes*, easque præcipue, excitari ad Deum celebrandum, per totum terrarum orbem. Quod ex voce גוֹת *gentes*, & phrasi, *omnes gentes*, manifestum, & vulgatum est. 2. *benignitatem* Dei, non qualemcunque, & quocunque modo, sed singularem & summo gradu, *Gentibus* esse manifestatam & concessam, ita ut dicere possint, *gratia Dei super nobis exuberat*. Ex quo elucescit, non generalia, quæ omnibus per generalem Dei providentiam contingunt, sed specialia, quæ de singulari Dei gratia & favore erga peccatores testantur, intelligi bona. 3. *Benignitatem* in Gentes collatam indigitari, quam Deus olim promiserat, adeoque quæ *veritati*, seu *veracitati* Dei te-

stimonium præbebat. Quam emphasin habet alterum, seu posterius, membrum vers. 2di; ut mox videbimus.

4. *Gentes* denique & *Judæos*, antea divisos populos, nunc in unum coalitos, omni discrimine sublato, considerari. *Gentes* enim & *nationes* æqualiter excitantur; & conjunguntur, & communi voce introducuntur prima persona dicentes, *benignitas Dei super nobis* &c.

§. III. Argumentum Pl. licet brevissimum & generale sit, *temporis* tamen notam haud obscuram, quo compositus fuit, ob oculos ponit. Cum enim gentes, tanquam ad communionem gratiæ Dei una cum Judæis admittæ, ad ejus laudes canendas excitentur, cantico exhortatorio toti populo Israelitico in ore dato, vel hæc gratia Gentibus jam contigerit, vel ejus quædam singularia specimina præ-nuncia fuerint tunc conspicua, necesse est. Prius quidem cum argumento foret conjunctus, ut facile cernitur; sed a rei veritate alienum; quia, durante œconomia Veteri, ante Messiam, tale quid locum non habuit: ut ex criteriis supra expositis nemini non patet. *Posterius* itaque admittendum est; absque quo esset, nulla ratio aut adhortationis gentium, aut materiæ laudationis, aut cantici exhortatorii cum populo communicati, dari posset. Nec tamen existimandum est, temporis opportuni, aut occasionis, nulla habita ratione, poetam sacrum, quisquis fuerit, quod plane ignotum, in ejusmodi argumentum irrupisse, & populo quid canendum subministrasse, cujus nulla ratio erat, ansa nulla.

§. IV. Varia quidem fuerunt sub œconomia V. tempora, quæ aliquam occasionem talem adhortationem in formam publici cantici redigendi præbere potuerunt; nullum tamen fuit *Maccabaico* tempore ad id adcommodatius; cum quod ipso illo tempore hæc gratia contingeret Gentibus, adeoque salutaris hæc scena jam jam esset aperienda, tum quod Gentes majore, quam unquam antea, numero ad notitiam non tantum, sed & vel reverentiam, vel communionem

nionem religionis veræ, inter Judæos stabilitæ, adductæ; tum denique quod Ecclesia Maccabaica multis modis cum Christi œconomia connexa sit, tanquam suo fundamento, scopo & complemento. De quo hic non est locus pluribus differendi. Hæc temporis qualitas, a sancto aliquo viro ad animum revocata, aptissimam suppeditavit ansam cantici exhortatorii ad Gentes componendi. Quæ hypothesis non tantum ex verbi Prophetici consueto more, quo tempora Maccabaica & Messiae conjunguntur, & permiscuntur, confirmatur, sed & ex nexu hujus cantici cum præcedentibus & seq. extra dubium collocatur.

§. V. *Scopus* Pl. est, ut haud difficulter cernitur, populum Chasidæorum, i. in contemplationem & spem lætissimi temporis, quo gratia Dei sese maxime exsereret, & quaquaversum porrigeret, ducere, & in ea spe corroborare. Cum enim gentes solenniter & publice hujus officii admoneantur, & populo carmen exhortatorium detur canendum: eventum illum certo futurum, nec adeo longe esse remotum, clare significatur. 2. Officium quoque inculcare veris Israelitis Gentes instruendi vera religione, & eas ad magnum hunc eventum præparandi. De quo canticum ab Israelitis canendum eos tacite admonuit. Dum enim canendo dicebant, *laudate Gentes Jehovam* &c. suum esse, eas ad id excitare, haud difficulter intelligere poterant. 3. Summam piarum meditationum, & religiosi exercitii in precibus & cantibus sacris populo Israelitico exhibere. Argumentum enim cantici hic summatim tantum, non in omni extensione sua, proponitur. Cujus indicium est in solenni illa formula, *quia exundat, & in æternum est benignitas ejus*, sive pro initio, sive summa laudationis publicæ habeatur. Quemadmodum ex Pl. seq., & aliis colligere licet. ex. gr. cvi: 1. cvii: 1. cxxxvi. 2 Chron. v: 13. 1 Chron. xvi: 41. 2 Chron. vii: 36. Jer. xxxiii: 11. xx: 21. Formula, a quocunque etiam profecta, frequente in usu fuit, cujus indicia in historia Maccabaica quoque exstant.

§. VI. Par-

§. VI. Partes Pf. duæ sunt: quarum *altera* adhortationem ad Gentes & nationes continet, ut Jehovam, Deum Israelis, debitis laudibus & gratiarum actionibus profequantur, vers. 1. *altera* materiam laudationis, & summam verborum, ab ipsis proferendorum, tradit vers. 2.

A N A C R I S I S.

§. VII. Etsi Interpretes de vocatione Gentium sub Messia hic agi communiter, ne Judæis quidem exceptis, statuant; nonnulli tamen sensum primum, quo Dei laudatio super beneficentia, Gentibus etiam per omnia tempora præstita, præcipitur, excludendum non esse autumant. Sed criteria, supra ex argumento in lucem protracta, nos ad vocationem religiosam & euangelicam Gentium directe ducunt; nec ullum sensui, ad Gentes omni tempore pertinenti, locum relinquunt; ut facile videre est. Confirmat quoque Paulus, qui Rom. xv. 11. Pf. nostrum eo directe refert. Sed non desunt, qui de vocatione Gentium, ultimis Oecon. N. temporibus faciendæ, cogitant; hypothesi de fatis N. T., in hisce Pf. Halleluiaticis ordine digestis, unice fere nixi. Quod enim universalem phrasin, *omnes gentes*, urgeant, & *gentes* præmitti dicant; nimis leve est, quam ut in censum venire debeat. Adhortatio enim ad Jehovam laudandum eodem sensu semper fuit *universalis*, quo Evangelii adnuntiatio *omni creaturæ* faciendæ; & *gentes* præmissæ non magis initium ab iis esse faciendum evincunt, quam eas primas in regno Christi oppugnando partes habituras, quia primo loco memorantur Pf. 11: 1. Præmittuntur, quia ad Gentes proprie pertinet oratio exhortatoria, & *Judæi*, subjunguntur, ut eorum exemplo Gentes excitentur, si per *nationes* intelligendi sint Judæi. De quo mox. Hypothesis vero de fatis N. T., in hisce Pf. obviis, est plane precaria & falsa; ut ex superioribus

ribus satis constat. Obstat præterea huic hypothesi, a. quod adhortatio tunc censeretur impleri cœpisse, quando *vocatio Gentium* incepit; cum adhortatio nulli tempori adligetur. b. Quod Ap. Rom. xv. Pf. nostrum directe ad sua tempora adplicet. Nostra itaque habet hypothesis, poetæ illa in genere tempora fuisse ob oculos versata, quibus gratia Dei ad Gentes æquæ ac Judæos sese porrigeret; gentesque ubique terrarum ad communionem Dei & eorundem bonorum gratiæ invitarentur. Quod per Apostolos incepit, & deinceps continuatum est; durabitque, donec plenitudo *Gentium intraverit*, & *totus Israel salvetur*.

E X P L I C A T I O.

§. VIII. Prior Pf. pars, adhortationem gentium & nationum ad Jehovam glorificandum complexa, ita sonat vers. 1. *Concelebrate Jehovah omnes Gentes; plausu publico magnificate eum omnes nationes.* h. e. Vos, gentes & nationes, ubicunque terrarum, & cujuscunque generis, sicut materiam & rationem habetis Jehovah, Deum Israelis, tanquam benevolum & veracem, dignis excipiendi & celebrandi laudibus; ita hoc officio, vobis æque ac nobis incumbente, toto animo, & omnibus lætitiæ ac honoris signis, publico plausu, & magnifica oratione, defungimini. Sermo ad *Gentes*, & *nationes*, dirigitur; sive populi, a fœdere Dei cum Israele alieni, soli intelligantur, sive *Judæi* sub *nationum* titulo comprehendantur, & Gentes ac *Judæi* pariter excitentur: quod non adeo liquidum est; utique Interpretes divisit. Sunt, qui Gentiles & Judæos, illos nomine *Gentium*, hos *nationum*, intelligunt; quæ opinio sese vix tueri potest. 1. Quia duo hæc nomina conjuncta non nisi de *iisdem* capi, & emphasios tantum vel elegantiae causa copulari solent,

solent, ut ex Gen. xxv: 16. liquet. 2. Quia de *gentilibus* usurpari solent; ut Jes. xli: 1. xlix: 1. lv: 4. lx: 2. & alibi passim. 3. Quia phrasis, *omnes nationes*, de una natione Judaica vel Israelitica cogitare vetat. 4. Denique, quia oratio exhortatoria, per modum canticum, *Judæis* in ore datur, adeoque ad alios populos terræ directæ censeri debet. Nec tamen intercedo, quominus Judæorum natio, quaquaversum dispersa, generali *nationum* titulo includatur; quemadmodum Ps. ix: 1. coll. Act. iv: 27. fit. Nomen quoque *nationis* Hebr., *עַם*, in Israelitas, ex una stirpe prognatos, & ad unam originem matremve tendentes, quæ vis vocis est, recte quadrat. *Gentes* itaque & *nationes* junguntur, ut de quibuscunque & qualibuscunque orbis populis cogitaremus sive diversæ, sive unius sint stirpis, sive a fœdere Dei plane alienis, sive ad illud aliqua ratione pertinentibus, sive plane barbaris, sive *moratioribus*; in priores vox *עַם*, in posteriores vox *עַמִּים* rectius convenit: *עַם* enim etiam signat *errorneum*, & de *colluvie* populorum aliquando usurpatur.

§. IX. Hi omnes populi excitantur ad Jehovam *laudandum* & *publico plausu concelebrandum*; verbis exquisitis & emphaticis. Prius, *הוֹדָה*, a *splendoris* potestate, quam in origine habet, ad laudationem & *concelebrationem* transiit, qua splendor alicujus agnoscitur, & in publicam profertur ac fulgidam lucem. Habet itaque *splendidam*, & gloriosis virtutibus ac operibus illustrem, personam pro objecto, & cuncta comprehendit signa & media, quibus splendor ille in publicam profertur ab aliis lucem, sive verba sint, sive facta, quibus id efficitur. Lætam ergo & gloriabundam denotat splendidæ personæ agnitionem, & concelebrationem publicam. Alterum verbum *חָנַן*, quod proprie signat *mulcere*, molli & leni, vel *plaudente* manu contrectare, inter alia significat, ansa inde ducta, *plausu*, *omnique verborum honore, magnificavit*; adeoque honorifi.

honorificentissimam, & cum publico plausu conjunctam *laudationem* comprehendit *a*.

§. X. Oratio vero adhortatoria, qua omnes Gentes & Nationes ad Jehovam magnificandum & concelebrandum excitantur, significat, 1. materiam ipsis & rationem suppetere multiplicem hoc faciendi, cum tot tantisque a Deo Israelis sint adfectæ beneficiis; quæ mox emphatice exprimuntur. 2. Officium hoc ipsis incumbere, ad quod multis nominibus sunt obligatæ; cum Deus & velit & debeat ab iis æque ac Judæis glorificari. Eo enim opera & beneficia Dei tendunt, & hoc relationes Deum inter & creaturas, maxime ad id tot donis & bonis a Deo mañtatas, exigunt, &c. 3. Gentes antea ab hoc officio alienas, quippe partim ad id ineptas, partim etiam in eo culpa sua negligentiores, nunc ad id illud singulari Dei gratia vocatas & admissas esse; cum veri Dei fides ipsis fuerit promulgata & oblata; adeo ut nunc æque ac Judæi ad officium illud excitari possint, & illud præstare debeant. Nec 4. emphasi caret, quod ad *Jehovam* laudandum vocantur. Cum enim illud proprium sit Dei Israelis nomen, quod virtutes gratiæ & veritatis Dei inprimis repræsentat; gentes ad Ecclesiæ & populi Dei communionem esse admissas, & eas Dei virtutes in sui etiam medio manifestatas experiri, indicatur. Denique 5. omnes Gentes, & omnes nationes, invitantur, ut partim ad omnes nemine excepto, sine ullo populorum discrimine, hæc pertinere, partim ubique gentium ea præstanda esse, etiam suo tempore unversaliter, cogitaremus; quando *plenitudo Gentium intrabit, & totus Israel salvabitur*.

§. XI. Hac adhortatione facta, ipsam ejus materiam, & formulam, his verbis adjungit poeta, vers. 2. *exuberavit super nos gratia ejus; & veritas Jehovæ in æternum, &c.*

a Vid. Schultens Defect. §. 106.

sc. est, & adparuit. Verba non tam rationem moventem, quam argumentum & formulam laudationis Jehovæ complecti, supra observavi. Vocula itaque *י* quia, non est ætiologica seu rationis redditio, sed orationis inchoativa, ut Gr. *ἐν*, seu *adseverativa*, *profecto*, ut sæpe alias. Dicerent vero Gentes & nationes, *a. exuberavit super nos gratia ejus*; h. e. vena benignitatis ejus inexhausta tanta copia super nos fluxit, ut diluvii instar nos totos inundaverit: tot tantaque in nos contulit, ex pura gratia & misericordia, vera & spiritualia bona, ut toti fuerimus repleti, & undiquaque cincti. Ad elegantiam, & emphasin, orationis facit, verbum *נ*, de aquis abundantibus, exsuperantibus, & prævalentibus, ut Coccejus jam notavit *a*, usurpari, vocem vero *נ* sedem propriam in ubere continuo confluyente & manante habere. Sensus ergo est, beneficia, ex intimo Dei adfectu erga peccatores, indignos & miseros, orta, & de eo testantia, abundantissime fuisse Gentibus concessa. Quod ipsi illi populi in laudes Dei grata mente agnoscere & concelebrare introducuntur, ubi dicunt, *super nos exuberavit gratia ejus*. Sibi itaque, & non Israeli facta beneficia deprædicant læti & gratulabundi. Quod Paulus confirmat Rom. xv: 9. ubi, Gentes demonstraturus Deum *super misericordia* glorificare, nostra quoque hæc verba citat; verum eorum sensum ostendens, quem dedi. Plura ad eorum intellectum nihil adinet protulisse, cum de sensu eorum nemini non ex œconomia gratiæ constet. Non communia & communis Providentiæ, sed singularia fœderis gratiæ bona, peccatorem in hac & futura vita beantia & perficientia, intelligi, facile adparet.

§. XII. Addunt *b. & veritas Jehova in æternum*, gratiam sibi concessam de promissis, & veracitate Dei in iis implendis, testari, significantes. *Veritas Jehova* est, quam

a In Lex.

quam Deus, qua Jehova, vi nominis illius sui, præstat in promissis gratiæ repræsentandis. Quam emphasin habet nomen *Jehova*, propterea expresse memoratum. Ex quo simul elucescit, *veritatem* Dei hic ad *veracitatem* ejus in dictis & promissis efficiendis omnino pertinere. Respicitur manifeste ad promissa, antea Israelitis facta, de *vocatione Gentium* sub Messia & Euangelio, primum Abrahamo revelata per notam illam formulam, *in Te & semine tuo benedicent sibi Gentes*. Robur huic explicationi addit, quod Paulus Rom. xv: 8, 9. adserat, Christum factum fuisse ministrum circumcisionis, *ad firmandum & præstandum promissa Patrum, ut Gentes super misericordia glorificent Deum* &c. Cum vero hæc promissa tanto tempore antea fuissent facta: nullum tempus *veracitati Dei* præscribere, & Deum simul testari, se eandem veritatem in posterum in æternum præstiturum esse, manifeste indicant, ubi, *veritatem Jehovæ in æternum esse*, dicunt. Quæ altera erat aptissima & dignissima *laudationis Dei* materia; a quocunque facile deducenda.





P S A L M. CXVIII.

1. *Halleluia. Celebrate Jehovam, quia bonus, quia in aeternum est beneficentia ejus.*
2. *Dicat nunc, vel age, Israel, quia in aeternum beneficentia ejus.*
3. *Dicant, age, domus Aaronis, quia in aeternum beneficentia ejus.*
4. *Dicant, age, timentes Jehovae, quia in aeternum beneficentia ejus.*
5. *Ex angustiis invocavi Jah, respondit mihi, vel adnuens eduxit me, in locum spatiosum Jah.*
6. *Jehova mihi adest, quid faciet mihi homo?*
7. *Jehova mihi adjutor meus, & ego intuebor hostes meos.*
8. *Melius est sese Jehovae in clientelam conferre, quam homini confidere.*
9. *Melius est Jehovae uti patrocínio, quam principibus fidere.*
10. *Omnes gentes me circumdederunt hostiliter: in nomine Jehovae est, quod eas conciderim.*
11. *Circumdederunt, etiam circumdederunt, me, in nomine Jehovae est, quod eas conciderim.*
12. *Cinxerunt me instar apum, ardendo extinctae sunt, sicut igne spinarum; in nomine Jehovae est, quod conciderim eas.*
13. *Truden-*

13. *Trudendo trusisti me ad cadendum, sed Jehova me adjuvit.*
14. *Robur meum & carmen est Jāb, qui mihi fuit salutis.*
15. *Vox jubilationis & salutis in tentoriis justorum. Dextra Jehovæ strenue & potenter agit.*
16. *Dextra Jehovæ elata est; dextra Jehovæ strenue & potenter agit.*
17. *Non moriar, sed vivam, & narrabo opera Jāb.*
18. *Castigando castigavit me Jehova, sed morti non dedit.*
19. *Aperite mihi portas justitiæ, per eas ingrediar, celebrabo Jāb.*
20. *Haec porta Jehovæ est, justī intrabunt per eam.*
21. *Celebrabo Te, quia me adflixisti, vel mihi respondisti, & mihi fuisti salutis.*
22. *Lapidem spreverunt aedificatores, factus est caput anguli.*
23. *A Jehova factum est hoc, illudque in oculis nostris mirabile.*
24. *Hunc diem fecit Jehova, choreas ducamus & laetemur in eo.*
25. *Quæso, Jehova! serva nunc, quæso, Jehova, prospere nunc fac agere.*
26. *Benedictus! qui venit in nomine Jehovæ: benedicimus vobis e domo Jehovæ.*
27. *Deus fortis Jehova, & illuminavit nos, vincite festum densis funibus ad cornua altaris.*
28. *Deus meus fortis Tu, & Te laudabo; Deus mi! exaltabo Te.*

29. *Celebrate*

29. *Celebrate Jehovam, quia bonus est, quia in aeternum benignitas ejus.*

P R O L E G O M E N A.

§. I.

Præclarissimi hujus cantici argumentum est partim *eucharisticum & laudatorium*, partim *gratulatorium*, quo illustris persona in scenam prodit, omnis generis & ordinis homines, Ecclesiam & populum Dei constituentes, Israelem, domum Aaronis & timentes Jehovæ, ad solenne illud carmen, lætis temporibus accini solitum, *bonitas & gratia ejus in aeternum*, nunc canendum excitans, deinde rationes lætitiæ & laudationis Dei, a singulari liberationis, cum hostium mirabili clade conjunctæ, beneficio, a Deo inter multa potentiæ suæ signa in se et universum populum collato, petitas, magnifice enarrans et extollens; denique aditum ad ædem facram, ut Deum ibi adoret et colat, sibi solenniter faciendum a sacris personis, et Templi custodibus, postulans. Cui ipsæ illæ personæ sacre publice summam excellentiam et prosperitatem, mirabiliter contra malevolorum vota et conamina factam, gratulantur, et quævis fausta a Deo adprecantur: quando persona illustris ad Deum laudandum et omnes ad id excitandos redit, et in eo terminat solennem hunc actum.

§. II. Ad argumenti plenioris intellectum, et verum conspectum in luce collocandum, facit. 1. Personam esse illustrem, publicam, in summam dignitatem evectam; cujusque liberatio et salus cum totius populi et recip. erat conjuncta; personam denique religionis et pietatis studio flagrantem. Qui characteres ex Ps. sese sponte sua offerunt.

offerunt. Suam enim liberationem tanquam publicæ lætitiæ et celebrationis Dei, ab omnibus faciendæ, materiam considerari vult: se tanquam ducem fortissimum, qui hostes in nomine Dei prostravit, describit. Lapidem ab architectis spretum & caput anguli factum ipsi adplicantes, de suprema ejus dignitate testantur ipsi sacerdotes & Levitæ. Quod solennis *Hosannæ* adclamatio ulterius confirmat. 2. Status proxime præteritus, in quo cum toto populo fuerat, describitur, tanquam summo opere afflictus, & a totali destructione proximus, per invasiones & oppressiones hostiles populorum vicinorum, qui in perniciem populi conspiraverant. Dicit se in *angustiis* fuisse, & ad cadendum ac moriendum impulsus; hostes vero se, agmine facto, undiquaque obsedisse, & infestasse. Ipsa vero persona illustris præterea occurrit eo in statu ab ipsis primoribus & principibus populi sui contemtu habita, & rejecta: *lapidem* se fuisse dicit ab ædificatoribus *spretum*, &c. 3. Status præsens, in quo nunc cum sociis & populo versabatur, erat lætus et prosper, status liberationis ab illis angustiis et periculis, status gloriæ et fiduciæ, rebus instauratis, et exercitio sacrorum vigente; ita ut hostes essent multipliciter prostrati, ipsa persona illa in summam dignitatem evecta, populus lætitia adfectus, portæ templi denuo apertæ, et sacra restituta; attamen nondum omnes hostes erant subacti, ut ex vers. 6. etc. liquet, nec perfecta ac firmata erat felicitas, sed fundamenta tantum jacta, quibus resp. et Ecclesia superstrueretur: quo nos vers. 22. emblemata lapidis *in caput anguli* facti, ducit, ut suo loco patebit. Quam eandem cogitationem suggerit adclamatio *Hosannæ*, et adventus personæ istius in nomine *Jehovæ*.

§. III. 4. Quod ad duplicis hujus status *causas* adtinet; afflictionem partim gentes et populi hostiles, variis expeditionibus bellicis Judæos invadentes, et ad incitas redigentes, partim ipsi primores Judæorum impii, qui la-

R

pidem

pidem Israelis spreverant, adtulerunt, ut ex vers. 10 &c. et 22. manifestum est. Videtur quoque vers. 13. ad ipsos contribules hostes suos orationem vertere persona loquens. Habuit tamen *castigationis* Divinae quoque conspectum hæc afflictio; adeoque iustitiæ Dei castigatrici adtribuenda, tanquam causæ supremæ gubernatrici, ut vers. 18. edocet. *Liberationis* vero et instaurationis status præcipue adscribitur Deo, a cuius potentissimo auxilio, et gratuito favore, repetitur, ut ex toto Ps. constat; at tamen inter media et causas instrumentales principem locum tenuerunt heroes, qui in nomine Dei hostes profligarunt, Chasidæi et eorum duces, hic *justorum* elogio ornati. Quos persona in Ps. loquens repræsentat, de se magnifice et gloriabunde dicens, *ego eos concidi* etc. 5. *Modus* denique, quo hæc læta rerum catastrophe fuit facta, militaris et bellicus depingitur, quo hostes sæpe iusta acie fuerunt mirabiliter profligati, donec populus in tuto fuerit collocatus. Id quod phrasæ vers. 10. manifeste indicant. Nec tamen *ordinarius* fuit, sed multis nominibus divinus et miraculosus populum liberandi modus, in quo *manus* Dei multipliciter et insigniter sese manifestavit; ut habetur vers. 16. Cui etiam heroes in hostibus invadendis præcipue fidere solebant, ita ut *in nomine Jehovæ* fuerint hostes adgressi: quemadmodum vers. 10. etc. dicunt.

§. IV. De *Tempore* et *occasione* qui ex Interpretibus sententiam dixerunt, in ea passim sunt opinione, *autorem* esse Davidem, et canticum ab ipso fuisse compositum, mox postquam, domo Sauli subacta, et Philistæis in ordinem redactis, in regno fuit confirmatus, vel arca in montem Tzionem translata, in memorabilis istius eventus memoriam, eo in primis scopo, ut regnum Messiae, in suo conspicuum tanquam typo, depingeret. Cui hypothesi varia obstant, quæ adsensum impediunt. 1. Præterquam quod nomen *Davidis*, tanquam auctoris, in fronte

te non gerat. Pf., nullum præfert distinguens Davidis criterium; adeoque arbitraria est hypothesis, nullo nixa fundamento. 2. Distinctio vel divisio Ecclesiæ Judaicæ in *Israellem*, *domum Aaronis*, & *timentes Jebovae*, characterem exhibet, a temporibus Davidis non tantum, sed & sequentium regum alienum; & Maccabaicis unice congruum; ut ad Pf. cxv. notavi. 3. In tempus illud minus quoque quadrat, quod *omnes* gentes populum Dei & ducem ejus invalisse & cinxisse dicantur: quod & ipsum est temporis Maccabaici criterium. David initio a solis Philistæis fuit petitus, ipse postea offensiva æque, & magis, quam defensiva gessit cum vicinis populis bella. 4. David quoque per illa bella ad tantas angustias non fuit redactus, nec tanta expertus est singularis & extraordinarii auxilii Divini signa; ut hic Pf. requirit & celebrat. 5. Nescio denique, quo sensu *lapis* dici possit, ab *ædificatoribus* *spretus*, & contra omnem expectationem *caput anguli* factus; cum in oculis & animis populi semper fuerit, & magis a Saulo & aulicis ex metu, quam contemptu, infestatus: lapis habebatur ad eum usum destinatus, & aptus.

§. V. Cum vero hæc & alia, supra prolata, criteria in duces Maccabæos, & eorum tempora, exacte conveniant, ut nemini non plane in ea historia hospiti facile patet; hunc, æque ac præcedentes, de quibus supra egi, ad ipsa illa tempora referendum, & a divino aliquo viro, quales eo tempore non defuerunt, fuisse compositum occasione publicæ lætitiæ, seu festivitatis, ob hostes subactos & remp. instauratam, in mirabilis istius catastrophes memoriam, adseverare non vereor. Illud in quæstionem tantum mitti posset, & dubium est, num ad Judæ Maccabæi, an Simonis Ethnarchæ tempora, referri debeat. Prius si obtineat; ad illud tempus referendum est canticum, quo, Syris sub Antiocho Epiphane sæpius profligatis & prostratis, Templum est repurgatum, & sacra renovata sunt, solenni encæniorum

festum, ad modum festi Tabernaculorum, celebrato, & instituto, 1 Macc. iv & 2 Macc. x. Quam hypothesein, a Cl. Harenberg a quoque productam, nonnulla haud leviter commendant. a. Quia festum illud summa cum lætitia similibus canticis, populo in tentoriis degente, fuit celebratum. Quo vers. 15., & in primis 27 respici videtur. b. Quia certa quidem & firma libertatis fundamenta tunc jacta erant, sed hostes nondum subacti, & multa adhuc discriminā adeunda, & difficilia superanda, restabant, antequam resp. & Ecclesia caput attollere possit, & perfecte instaurari. Quod ipsum in hoc Ps. repræsentari, supra in *argumento* illustrando observavi.

§. VI. Obstant tamen huic hypothesei nonnulla, quæ rectius longe in illud tempus conveniunt, quo Simon, tertius fratrum Maccabæorum, Juda & Jonathane occisis, plenissimam populo procuravit libertatem, hostes *A-cra* ejecit, & hæreditario cum *jure* solenniter electus & inauguratus est Ethnarcha & Pontifex: ut prolixè narratur 1 Macc. xiv. Huic tempori a. rectius convenit divisio populi in Israelem, domum Aaronis, & *timentes Jehovah*, seu profelytos, sub Juda minus adhuc frequentes: nec *Juda* fuit *Pontifex*, verum dux & Ethnarcha tantum. β. Status etiam præsens, in hoc cantico depictus, majorem requirit libertatem & prosperitatem, quam sub Juda, & ante Simonem fuit. Populus enim hic in *latum* & *amplum* statum introductus proponitur, vers. 5. in tentoriis suis pacifice & læte versari vers. 15., exercitium religionis omni parte liberum & non impeditum, vers. 19. &c. hostes plane subacti, ita ut nihil ab ipsis amplius metuendum sit, vers. 10. status omnis ad afflictionis jam finitus erat, vers. 18, 21. Nihil restabat, quam ut pomœria ditionis extenderentur inter populos vicinos, & reip. ac Ecclesiæ prosperitas, jacto jam lapide angulari, ad summum culmen eveheretur: quod certa spe jam præceperant.

a In Bibl. Brem. cl. viii.

præceperant. Quo tendit pericopa, vers. 7—. γ. Simon quoque primus fuit Maccabæorum, qui stabilem & hæreditariam accepit, solenni populi decreto, Ethnarchatus & Pontificatus dignitatem. Quod omnino requirit emblemata *lapidis angularis*, vers. 22. δ. Simon denique primus & solus fuit, qui solenniter fuit dux & Pontifex electus & *inauguratus*; cujus solennitatis celebrationem hoc canticum comprehendit. Qui genuinum ejus est conspectus: ut ex vers. 22. &c. haud obicure patet.

§. VII. Ex quo de *scopo* cantici facile constat. Eo fuisse carmen hoc laudatorium & gratulatorium destinatum, mihi plusquam probabile fit, ut solenni & lætissimæ *Simonis*, tanquam Ethnarchæ & Pontificis perpetui & hæreditarii, qui opus liberationis cum fratribus inceptum perfecerat, inaugurationi, die festo post acram ab hostibus liberatam, omnia sacrorum impedimenta sublata, inter publicos plausus, & processionis ad modum faciendæ, inserviret, eoque solenni actu publice accineretur. Pace nimirum & libertate reip. & Ecclesiæ firmata, & arce, quæ Templo imminabat, & infestabat, *acra* dicta, quam hucusque hostes tenuerant, in potestatem redacta; quod summum beneficium *festivitate* publica celebrare instituerunt, *Simon* mox perpetuus Ethnarcha & Pontifex electus & inauguratus est; ut ex 1 Macc. xiv. patet. Quæ inauguratio eo, inter alia lætitiæ signa, modo facta videtur, ut Simon, magno Chasidæorum comitatu stipatus, inter publicos plausus, processionis ad modum, ad Templum fuerit deductus, & solenniter introductus; hoc ipso cantico, in rem ad commodatissimo, ab ipso & aliis cantato. Quo ultima pericopa vers. 22. &c. nos manifeste ducit. Cum enim ipse omnes ad Deum laudandum excitasset, & laudationis materiam rationesque, suæque & fratrum facinora, ope Dei facta, enarrasset, cantica quoque iustorum in

tentoriis accini tunc solita memorasset, portam Templi, per quam ingredi, ut inauguraretur, deberet, sibi aperiri petit. Quo facto, sacerdotes & Levitæ ipsum carmine gratulatorio & adprecatorio Hofannæ excipiunt, & in dignitatem introducunt, vers. 22. &c. Hic primus & directus est scopus & usus, non solus; cum, ut mox dicam, ulterius spectet canticum, eo ultimo collineans, ut ad Mesiam, ejusque solennem inaugurationem, per hanc expectatam, eveherentur cogitationes piorum. Quod ex seq. evadet clarius.

§. VIII. Structura poetica huic hypothese recte respondet, & eam confirmat. In scenam enim producitur illustris persona, cum magno & glorioso comitatu, carmen accinens, & illustria facinora in laudes Dei, quibus summam hanc dignitatem quasi meruerat, extollens, eaque ratione ad Templum tendens: quod cum sibi aperiri postulasset, sacerdotes & Levitæ introducuntur ipsi gratulari, & quævis fausta adprecari. Non enim una persona, sed plures in scenam prodeunt canentes; primum ipsa persona illustris, dein, post orationem ad sacerdotes & Levitas versam, ut aditum sibi ad Templum facerent, ipsi illi dignitatem ei gratulantes &c.

§ IX. In duas partes generales Ps., secundum duplicis generis personas loquentes, recte dividitur: quarum *prior* continet orationem eucharisticam et laudatoriam, ab illustri duce prolatam, vers. 1—21. *Posterior* vero sermonem gratulatorium et adprecatorium, quo sacrae personae in Templo eum excipiunt, vers. 22—27. Quando Ps. ita clauditur, ut inceperat, vers. 28, 29. In *prior*e parte illustris persona «. omnes, in Israel, domum Aaronis et timentes Jehovae, divisos, excitat ad carmen solenne, *Deus est bonus* etc. canendum, vers. 1—4. 2. Beneficium liberationis miraculosae, in totum populum sua opera et virtute a Deo collatum, «. proponit, cum porismate morali de fiducia in solo Deo

Deo collocanda inde deducto, vers. 5-9. β. explicatius enarrat, & modum, quo contigit, tradit, vers. 10-13. γ. amplificat & extollit, respectu suæ & totius populi lætitiæ, in lætis cantibus in honorem Dei ubique per totam terram sese exserentis & ostentantis, vers. 14-19. δ. Introitum in ædem Jehovæ, apertis portis justitiæ, solenniter faciendum petit, vers. 17-21. In posteriore parte in scenam prodeunt personæ sacre, personam hanc cum comitatu suo solenniter in Templum recipientes; quæ ipsi hanc summam dignitatem & prosperitatem gratulantur, & quævis felicia adprecantur, beneficium Dei, quo mactatus erat populus, agnoscunt & celebrant, simul omnes ad festum hoc læte agendum exhortantur, vers. 22-27. Quando persona illustris, oratione resumta, in laudibus Dei, & adhortatione omnium ad eas, desinit, vers. 28-29.

A N A C R I S I S.

§. X. Quod ad Pf. subjectum, & hypothesein eum interpretandi, adinet; licet Interpretes, Judæi æque ac Christiani, hi vero unanimiter, de Messia, ejusque Regno & populo, hic agi consentiant; alii tamen litteraliter & typice ad Davidem, quæ communis est sententia, vel Judam Maccab., quod Harenbergio visum fuit, ut supra dixi, & mystice ad Messiam applicant, *quam interpretationem*, inquit Junius a, *ut piam & ab hominibus piis uno consensu receptam, ut damnemus aut repudiemus, absit*, alii primo & directo sensu Messiam exaltatum, post hostes devictos, intelligunt, sed vel in persona propria per humiliationem & exaltationem, vel in Ecclesia, five tempore Constantini M., five ultimis N. T. temporibus. Mentem nostram paucis exponemus.

§. XI. Cum

a Parall. 37. lib. 1.

§. XI Cum canticum omnia præferat temporis Maccabæi sub Simone Ethnarcha & Pontifice criteria, & in solennem ejus inaugurationem recte quadret; ut ex supra dictis patet, & postea magis elucescat: sensum primum & litteralem nec excludendum, nec alium admitendum esse, ac ipsis illis temporibus congruum, nemo, qui rectam & solidam amat methodum interpretandi Script, dubitare poterit. Distinctio populi in Israelem, domum Aaronis & timentes Jehovah, cornuum altaris mentio, & utriusque status afflicti & prosperi, modique liberationis per heroas & expeditiones militares descriptio, aliaque, sicut ad Israeliticum populum, ita ad tempora definita nos clare ducunt. *Davidi* cuncta illa obstant, quæ supra in tempore definiendo in medium adduxi, hic non repetenda. De Simone quare potius quam Juda cogitandum sit, ibi quoque late exposui.

§. XII. Hæc licet vera habeam; pericopam tamen de *lapide*, vers. 22—, præcipue, ad Messiam spectare, equidem nullus dubitaverim, cum quod a Christo ipso & Apostolis eo referatur, ut ex Matt. xxi. Marc. xii. Luc. xx. Act. iv. i Pet. ii. nemini non notum est, tum quod recepta omnium temporum, etiam Christi, ex antiqua traditione hausta, ut probabile est, fuerit hypothesis, tum denique, quod non nisi in Messia veram suam emphasin habeat. De ipso enim solo dici potest, *a.* ipsum a proceribus gentis, post institutum examen & solenni judicio, fuisse rejectum, & spretum; *b.* eo ipso tempore, quo summam dignitatem est adeptus, *c.* fundamentum esse Ecclesiæ, & angulum unientem & sustinentem domum, *d.* mirabilem prorsus & stupendum, de Divina potentia testantem, esse eventum, & *e.* lætitiæ & salutis causam unicam &c. Hæc & horum similia licet aliquam, non tamen omnem, veritatem in Maccabæis habuerunt, quin umbram tantum, non ipsam rem; ut ipsa tractatio evincet.

§. XIII. Nec tamen ex eo colligendum est, totum canticum,

ticum, vel mystice & antitypice, vel multo minus litteraliter & directe, Messia esse adplicandum, a. quia prophetiis & canticis de fatis Ecclesiae Judaicae haud infrequenter aliquid de Messia inseritur; & hic ratio dari potest aptissima Messiae memorati, ubi de Ecclesia Maccabaica, & singulari ejus exaltatione agitur: ut mox patebit. b. quia superiora in Messiam ante ejus exaltationem non quadrant. Persona enim describitur bellica, quae ab hostibus externis, & populis vicinis gentilibus, oppugnata, & infestata, gloriosas de ipsis per arma reportavit victorias, & populum ea ratione & via in prosperrimo ac libero collocavit statu: ut ex superioribus patet. Praeterea persona repraesentatur, ad necem quaesita quidem & petita, sed in eam non tradita, verum *in vita* conservata. Verum quidem est, similia locum aliquando habere in Ecclesia Christi; sed pericopa de Messia ad ipsum, ipsiusque personam, pertinet, & refertur in locis modo citatis. Posset quidem ad Christum in Ecclesia a populis hostilibus oppugnatum, & mirabiliter elevatum, adcommodari; sed eo referri ex intentione & scopo Ps. non potest; utique ratio id faciendi non est solida.

§. XIV. Ex mea itaque hypothese canticum de Ecclesia Judaica, per Maccabaeos ab hostibus & ex summis angustiis vindicata, & in stabilem pacis & prosperitatis conditionem adserta, exponendum est. Pericopa vero de *lapide*, ex vili & abjecta conditione *in caput anguli* evecto, primo & leviori sensu ad duces Maccabaeos in Simone exaltatos, & summa in civitate & Ecclesia dignitate vestitos, referenda, ultimo & praecipue ad Messiam ad dextram Dei elevandum spectat, tanquam istius elevationis antitypum, complementum, scopum & fundamentum. De quo alibi in Diss. ad Dan. fuse disserui,

EXPLICATIO.

§. XV. In *priore* parte illustris Dux, qui hic in scenam prodit, *n.* cujusvis ordinis viros in Israele excitat ad solenne canticum, lätis temporibus adini solitum, clara voce efferendum; vers. 1-4. his verbis. *Celebrate Jehovaham, quia bonus, quia in æternum est beneficentia ejus. Dicat nunc, vel quæso, Israel: quia in æternum beneficentia ejus. Dicant quæso nunc domus Aaronis: quia in æternum benignitas ejus. Dicant quæso nunc timentes Jehovahæ; quia in æternum beneficentia ejus.* h. e. Cum me & totum populum Jehova, Deus noster, multiplicibus & singularibus mactaverit beneficiis, quæ de summa ejus gratia testantur, adeoque tempus illud felix & prosperum nobis adluxerit, cui solenne canticum, *Jehova bonus est, &c.* convenit, & quæ cantari solet: omnes omnisque ordinis viri, Israel, sacerdotes & levitæ, ipsi etiam ex Gentibus religiosi viri, nostræ religioni dediti, officio suo nunc quæso fungantur, lætitiæque suam pie & in laudes Dei exprimant, usitato in ejusmodi circumstantiis carmine; *bonus est Jehova, & beneficentia ejus in æternum.* Nihil hic sese offert difficile, nihil, quod ad superiores Psalmos non sit explicitum. 1. Sermo exhortatorius primum in genere propositus, & universalis, quo omnes, nemine nominato, excitantur ad Jehovaham laudandum, mox ad *Israelem, domum Aaronis, & timentes Jehovahæ* vertitur; tanquam totidem classes, in quas populus Dei hoc tempore fuit distributus. De quo ad Ps. cxv., dixi. *Israel* est populus ipse, *domus Aaron* omnes præfectos & civitatis & sacrorum comprehendit; cum summa rerum in Politicis & sacris hoc tempore penes Pontifices fuerit. *Timentes Jehovahæ* sunt *prophetyti*, sive Ecclesiæ per circumcisionem adjuncti, sive religionis Israeliticæ studiosi, & Jehovahæ reverentes inter Gentiles.

§. XVI. 2. Exhortatio ad eos excitandos, ut Jehovaham, Deum.

Deum Israelis, bonum & veracem, laudent, *cantique* celebrent, tendit. Verbum enim ~~non~~ hic, ut alibi, *canendi* potestatem comprehendit. Sic & Jes. xii: 1. xxv: 9. & alibi. Quod ex seq., ubi initium cantici exhibetur, manifestum est. 3. Verba, quæ sequuntur, *quid bonus est, & beneficentia ejus in æternum*, solenne aliquod canticum, lætis temporibus, quibus singulare aliquod Dei beneficium concessum est, cani solitum, repræsentant, ut ad Ps. cxvii. præcedentem observavi: sive initium cantici, sive summam contineant. Vocula itaque *quia*, quæ alias est ætiologica & rationis redditiva, hic vel orationem simpliciter inchoat, vel *adjeverativa* est, ut ad Ps. cxvii. quoque notavi. Sensus verborum cum sit nemini non obviis, de quo alias etiam dixi, nihil habeo, quod observem, nisi hoc unum, hoc ipso cantico Maccabæos & Chasidæos festum encaniorum celebrasse: quod quin omnibus aliis lætitiæ diebus fecerint, dubium non est. 1 Macc. iv: 24.

§. XVII. 1. Huic adhortationi apte subjungit rationem & materiam celebrationis Dei, a singulari sua liberatione, & hostium subjugatione, petitam; quam a. proponit, cum porismate morali de fiducia in Jehova collocanda, inde ducto, vers. 5-9. Ubi a. liberatio, & secunda conditio, opposita ad præcedentes angustias, his verbis repræsentatur, vers. 5-7. *Ex angustiiis invocavi Jah: respondit mihi in locum spatiosum Jah. Jehova mihi; nihil metuum; quid faciat mihi homo? Jehovab mihi, adjutores mei: & ego intuebor hostes meos.* h. e. Quantam habeamus Dei nostri laudandi rationem, præteritæ & præsentis conditionis nostræ collatio facile docet. Cum enim summis pressus, & undique constrictus, angustiiis, Dei opem, quæ sola supererat salutis via, implorarem; Ipse mihi ipso facto adeo efficaciter respondit; ut me in spatiosum libertatis & securitatis campum eduxerit; in quo nunc versor, ita ut a nullo homine mihi metuum; & certo persuasus sim, me hostium meorum omnium interitum visurum esse. Dicit,

se in *summis* fuisse *angustiis*, seseque pie in iis gessisse, *Jab*, Deum verum, & quibusvis virtutibus illustrem, ardentibus precibus invocando. Qui verus fuit Maccabæorum sub Juda & Jonathane, usque ad Simonis præfecturam, conspectus: ut ex historia notissimum est. Fuit *tempus summæ angustiae*, ut Dan. xii: 1. & alibi dicitur, & Chasidæi sese unice in Deo erexerunt, ejusque opem fervide implorarunt. *Ex his angustiis* Deum implorantem se *exaudiri fuisse* declarat, *in spatiosum campum a Deo eductum*. Phrasis, *exaudire in campum latum*, est selecta & emphatica, quæ exauditionis effectum una comprehendit, diviteque sensu verbum cognatum involvit; ut plene sit: *exaudivit me, & eduxit in campum spatiosum*. *Exaudire* est, sensu prægnante, exaudiendo educere; cujus similia exempla in omnibus linguis prostant. Vox Hebr. מרחב signat *locum* vel *campum latum* & *spatiosum*, oppositæ ad *angustias*, adeoque *angustiarum* cessationem, & statum *libertatis*, *felicitatis*, & *tranquillitatis* ac *securitatis*. Vid. Ps. xviii: 20. Job. xxxvi: 16. &c. Ex quo manifestum est, statum populi sub Simone, & non sub Juda aut Jonathane, depingi; ut ex collatione historiæ facile constat. Ad elegantiam & emphasin orationis facit nominis *n* expressa mentio repetita. *Invocavi Jab, respondit Jab*, est, ipse ille Deus, quem inlamiavi, respondit, & sese gloriosissimis perfectionibus ornatum, ac *tremendam* Majestatem esse, in utroque meo statu, & angustiarum, & liberationis, demonstravit; utroque in statu decenter, & virtutibus suis convenienter, mecum agendo. Quæ vis est nominis *n* a.

§. XVIII. Ut autem status *latitudinis* clariore in luce collocaretur, additur, eundem esse *securitatis* statum, quo nihil non tantum ab hostibus metuendum sit, sed & eorum destructio per judicium Dei, populo Dei inspiciente, futura sit. *Jehova*, dicit, *mibi*, sc. est auxilio, vel ad-
est,

a Vid. ad Ps. lxxviii: 5.

est, patronus & vindex potentissimus; *non metuum*, vel, quod magis emphaticum, & vocula *h* comprehensum est, *nihil metuum*: nullam plane quid mali metuendi ab ullo homine habeo rationem; *quid faciet mihi homo?* per interrogationem; quæ fortissime negat. *Homo* non sine emphasi, ut de imbecillitate ejus, & quibuscunque hominibus cogitaremus. *Deus & homo*, ille auxiliator, hic oppugnator, opponuntur, ut, quantum sit utriusque discrimen, tantam esse rationem securitatis, elucescat. Nec hoc tantum, sed &, hostes judicio Dei, se inspectante, esse prosternendos, addit, ubi dicit, *Jehova mihi adjutores, & ego intuebor hostes meos*, h. e. Jehova meus est potentissimus patronus & vindex; qui faciet, ut hostiles populos, qui me in tantas conjecerant angustias, animosque inimicos retinent, videam vel deletos, vel subjectos. Quod Syro-Macedonibus & vicinis populis aliis postea evenisse, in vulgus notum est. Phrasæ sunt emphaticæ. Prior proprie sonat, *Jehova mihi in auxiliatoribus meis*; quæ idem denotat, ac, est mihi patronus & vindex, unus omnium instar, & omnibus major, potentissimus & fidelissimus, qui me simul omni bono cumulare potest & vult. Verbum *וַי* proprie dicit, *copiose fluxit, abundavit*; frequentatur in ubere animalis largiter fluente; unde pro *juvare*, & *omni copia donare*, sumitur, & participium *וַי* absolute positum signat *patronum & vindicem promptissimum*. Jes. xxxi: 3. lxiii: 5. & alibi. Numerus plur. emphasin auget, & potentissimum, loco plurium, & omnium instar, denotat. Particula vel littera *כִּי*, in *וַיכִּי*, nominativis addita, interior rei statum & certissimam conditionem exprimit, signatque certum, verum & excellentissimum, patronum & vindicem, uti Ps. lxxviii: 5. xcix: 6. & alibi sæpe. *Posterior* phrasis, *& ego videbo hostes meos*, idem denotat, ac si haberetur, & ego otiosus quasi ero spectator interitus & destructionis hostium meorum. Deo potentissimo patrono, gavissus, nihil fere aliud faciam, quam ut hostes deleri videam.

deam. *Intueri hostes* hic non tam dicit, eos intrepide adgredi, quam eos otiose prosterni videre, iudicio Divino delendos. Vid. Pf. xxxv: 21. Liv: 9. xci: 8. De Syro-Macedonibus, Lagidis, aliisque populis hostilibus post hoc tempus varie afflictis, & destructis inter clara iudicii Divini signa, exstat Danielis vaticinium c. vii. satis manifestum. De quo in Diss. ad Dan. disserui.

§. XIX. *b.* Dicta illustrat & confirmat, morali etiam monito prolato, ex longe diversa eorum, qui Deo & hominibus fidunt, sorte, vers. 8, 9. *melius est Jehovahi clientelam se conferre, quam homini confidere. Melius est Jehovahi patrocínio uti, quam principibus fidere.* h. e. Sicut ex nostra liberatione & hostium subiectione constat, ita ex firma nostra felicitate, & populorum hostilium plenaria destructione constabit ulterius; longe beatorem & tutiorem esse eorum conditionem, qui Jehovahi tutelæ & patrocínio se committunt, quam qui homini cuicunque, etiam in summa dignitate posito, & potentia prædito, confidunt: Ex quo quid nostri sit officii, & a quo salus nostra pendeat, clare intelligitur. Verba & veritatem moralem summi momenti, per experientiam tunc demonstratam, & postea futuram, & simul monitum ad Jehovahi soli fidendum, continent; nihilque habent, ad quod quis obhærescat. Comparatio non eo sensu est capienda, ac si fiducia Jehovahi simpliciter foret præferenda, non sola necessaria, & tantum bona & salutaris, sed fiduciam in hominibus præterea plane rejicit & damnat; ita ut *melius & potius* hic sit unice bonum & salutare, oppositè ad alteram fiduciam in hominibus, nullo modo bonam. Cujus locutionis ubique sese offerunt exempla. Eo itaque collineat, ut 1. Judæorum, patrocínio Jehovahi gaudentium & nixorum, tutam ac prosperam, reliquorum populorum, humanæ potentiæ & dignitati fidentium, infelicem esse, & fore, sortem, adfirmaretur. 2. Judæi de fiducia in solo Deo ponenda admonerentur, ne aut propriis *ducibus*, licet heroibus

roibus maximis, aut populò alicui amico, ex gr. Romano, fiderent. Quod monitum præfenti tempore erat adcommodatiffimum, cum propter heroica Maccabæorum facinora, tum propter amicitiam, & fœdus cum Romanis, tempore Maccabaico primum initum. In phrafibus nihil occurrit difficile, aut notandum, quod non sæpe alias est explicitum.

§. XX. β. Singularem status mutationem, feu hostium fe cingentium & undiquaque invadentium prostrationem; Dei virtute factam, quam modo in genere propofuerat, paulo deductius repræfentat verf. 10---13. α. refpectu populorum vicinorum, ingente copia & magna ira in Judæos vel Chafidæos, iteratis vicibus irruentium, fed femper ope Dei devictorum, verf. 10---12. *Omnes gentes me circumdederunt hoftiliter: in nomine Jēbovæ eft, quod eas conciderim. Circumdederunt, etiam circumdederunt, me: in nomine Jēbovæ eft, quod eas conciderim. Cinxerunt me inftar apum, ardendo exftinctæ funt, ficut igne spinæ: in nomine Jēbovæ eft, quod conciderim eos.* h. e. Vicini populi, circumquaque omnes, variis, fæpiusque repetitis, vicibus, ingente copia, & magnis iris, in me hoftiliter irruerunt, & telis fuis pederunt, haud fecus ac *apes* irritatæ, quæ examine facto magno cum fufurro involant, & aculeis pungunt: fed, Dei auxilio invocato fretus, iis tam animofe tantaque effcacia reftituti, ut eos continuo vicerim, diffipaverim vel proftnaverim, adeo ut inftar spinarum ardentium fubito, & magno fragore, in fumum adierint & interierint.

§. XXI. Pericopa agit 1. de hoftilibus invafionibus, ad populum Dei omni modo lædendum & delendum deftinatis. Quo cum verbum *כָּרַס* *circumdare*, tum fimile *apum* manifeftè tendit. Verbum enim illud non *circumdandi* fimPLICITER; fed & hoftiliter irruendi potèftatem habet, ac in fpecie *transfigendi* ac *vulneribus* conficiendi, etiam lingua pungendi præfert apud Orientales. Sic etiam fumitur 1 Reg. v: 17. Pf. xxii: 17. cix: 3. de lingua pungentē, &

& maledica, Job. xvi: 13. Quod similitudo *apum* ulterius confirmat. Quarum est undiquaque cingere, pungere, & aculeos infigere, ac vulnerare; quibuscum hostiles impetus comparari solent, ut Deut. i: 44. Jes. vii: 17. & apud alios scriptores *a*. Voces vero, *instar apum*, ad totam hanc pericopam, seu omnes invasiones, sese extendunt, ac si semper additæ fuissent verbo *circumdandi*. Elegantiæ vero orationis est adscribendum, quod ultimo membro tantum adhæreant. Cujus plura exstant in Ps. & alibi exempla, ut ad Ps. xcii. observavimus. Indicat itaque Dux, qui hic loquitur, se & populum fuisse aperto Marte hostiliter peti- tum ab irarum plenis hostibus, & omni modo verbis & factis vulneratum, & ad totalem destructionem inva- sum.

§. XXII. 2. Hostiles hos impetus non unius aut alterius, sed *omnium gentium* fuisse testificatur, ubi dicit, *omnes gentes circumdederunt me*; sc. omnes gentes in circuitu; quemadmodum Zach. xii. & alibi sæpe expresse additur. Quod in tempora Maccabaica unice quadrat: uti notum est. Syro-Macedones primum, qui omnes illas gentes sibi habebant subjectas, dein reliqui populi vicini, in perniciem Judæorum conspirarunt: ut diserte i Macc. v: 1. traditur. 3. Irruerunt non una vice & expeditione, sed pluribus, nec parva manu sed magnis copiis, nec militaribus tantum, sed iratis & exacerbatis maxime animis, plenarium excidium minitantibus. Quo partim comparatio cum *api- bus*, partim repetitio phrasium *circumdederunt me*, manifeste tendit.

§. XXIII. 4. Sed, quam infelici successu id fecerint, quantaque cum sua clade, declarat, ubi dicit: *Concidi ipsos, & ardendo extincti sunt instar spinarum igne*. Verbum Hebr., in *circumcisione præputii* teri solitum, licet de *præ- cisione* & *excisione* etiam usurpetur, vel adhiberi possit, cu- jus tamen nullum mihi in Script. occurrit exemplum, loca enim

a Vid. Bochart. H. p. II. l. IV c. 10.

enim, quæ citari solent, Ps. xiii. & xc. huc non pertinent, cum radix alia *למ* ibi reperiatur; non sine propriæ significationis respectu hic electum mihi videtur; nec tamen eo sentu, acsi, populos vicinos per propriam *circumcisionem* Ecclesiæ Judaicæ per se fuisse insertos, vel inferendos, significatum voluerit, quod Cl. Harenbergio l. c. placuit; illud enim nec de *omnibus gentibus* illis dici potest, nec hoc tempore contigerat, nec phrasibus aut scopo convenit. De *Idumæis*, & *Ituræis*, illis a Joh. Hyrcano, his ab Aristobulo, circumcisioni addictis, tantum verum fuit. Sed hac ratione intelligendum & explicandum censuerim, quatenus *α*. populi vicini, gentiles & præputiati, Maccabæos & Chasidæos undiquaque *cinxerint*; a quibus per concisionem eorum, tanquam *circumcisionem* præputii, sunt liberati. *β*. liberatio illa simul *gentilismum*, per hostes illos inter Judæos introductum, qui ad *præputium* inter eos renovandum, & Gentilismum stabiliendum, omnem moverunt lapidem, e medio eorum sustulit, & *opprobrium gentium* abstulit; quemadmodum Israelitæ in Cananæam introducti, & circumcisi, dicuntur ab *Aegyptiorum opprobrio vindicati* Jos. v. γ. Liberatio denique vi fœderis, cujus sacramentum *circumcisio* erat, nec sine multo dolore & labore, fuerit perfecta. Habuit itaque hostium prostratio aliquem *circumcisionis* conspectum. Ceterum quod hostium invasioni continuo subjungatur eorum circumcisio, adeoque toties repetatur, quoties hostilis oppugnatio; illud ad continuas victorias, de hostibus reportatas, nos ducit. De quo historia Maccabaica clare testatur.

§. XXIV. Sed emphasi non caret, quod non tantum *circumcisæ* dicantur gentes hostiles, verum etiam tanquam *spinæ igne extinctæ*, ardendo nimirum facile & cum magno stripitu consumptæ, inter clara Divinæ justitiæ signa. Lxx & Chald. verterunt, *exarserunt sicut ignis spinarum*, vel in *spinis*; cum verbum Hebr. denotet, *extinctæ sunt*. Quod facile conciliari potest, si sensu prægnante reddas,

T

ardendo

ardendo exstincta sunt. Cujus indicium est in metaphora ignis & *spinarum*. Comparantur itaque hostes cum *spinis* in igne, quæ simul furiose ardent, simul momento extinguuntur. Sensus est, hostes magno furore & ingente strepitu in Judæos fuisse accensos & immisos, sed in ipsa illa ira sua & invasione subito, & cum claris justitiæ Divinæ signis, interiisse. Verterim ergo potius, *ardendo exstincta sunt sicut in igne spinæ*: quemadmodum & alibi occurrit hoc emblemata, Jer. ix: 17. x: 17. 2 Sam. xxiii: 7. Cui explicationi non obstat, sicut nonnullis visum, quod addatur, *in nomine Dei est, quod conciderim eos*; quia hæc verba, explicationis gratia subjuncta, modum declarant, quod hostiles populi per judicium Divinum sunt deleti, non immediate, sed mediante bello & prælio. In quo Divina manus multipliciter fuit conspicua. Ceterum in *spinarum* emblemata nihil est insoliti, aut difficilis. *Spinæ* & copia, & implicatione ac densitate sua, & aculeis suis, hostiles copias, & earum infestationes, apte exprimunt, sicut earum combustio facilis, & subitanea cum strepitu, ad hostium per judicia Divina extirpationem facile sese transferri patitur.

§. XXV. 5. Denique ne sua sapientia & potentia hostes fuisse prostratos cogitaremus, addit Dux illustris, sese *in nomine Jehovæ id fecisse*, dicens. *In nomine Jehovæ quia concidam eos.* In nomine *Jehovæ* ubi dicit, se hostes vicisse, indicat, 1. auxilio Jehovæ *fretum*, 2. singulari etiam modo *gavisum*, & 3. tanquam providentiæ Dei ministrum, & veræ religionis ac populi Dei *vindictam*, a Deo electum, cujus causam in hoc bello egit fecisse, Quæ phrasios, *in nomine Jehovæ*, peculiaris est emphasis, in N. T. sæpe obvia. De quo ad vers. 6. quædam monebo. Sed structura orationis, *in nomine Jehovæ quia concidam eos*, aliquid impediti habet, quod expediri meretur. Cum verbo fut. temp. utatur, visus est multis non de præterito, sed futuro suo facinore heroico agere, ac si vellet, se in *no-*
mine

mine Jehovæ hostes, quum impetum fecerint, facile prostratum esse. Sed, *a.* hostiles populos se invalisse, non invasuros esse, diserte dicit verbo præterit. temp. usus. *b.* eos instar spinarum igne fuisse combustos & extinctos, ejusdem temp. præterit. verbo declarat. *c.* de hostibus devictis, & populo in plenissimam libertatem vindicato, per totum Pl. loquitur. Verbum itaque fut. temp., *concidam eos*, hic rem præteritam, ut sæpe alias, exprimit, & continuatam actionem sæpius repetitam, posteaque, si casus ita tulerit, repetendam designat, ita ut *consuetudinis* habeat, ut sæpe alias, potestatem. Sed quid sibi vult, quod dicat, *in nomine Jehovæ quia concidam*, vel concidere solebam, *eos*? videtur phrasis elliptica, hac ratione facile supplenda: *in nomine Jehovæ est, quod conciderim eos*; quando omnia facile fluunt.

§. XXVI. In hisce licet aequiescere possem, quid tamen addere vetat, vocem *ad* derivari posse a *adurere* per ignem, vel prunas, vel *cauterium*, & signare *adustionem*, in specie *cauterio*, ad excruciantum, vel notam inurendam; uti Jes. III: 24. & apud Arab. frequenter usurpatur: adeoque sensus erit, *in nomine Jehovæ* hostes, qui me instar præputii circumdederunt, & ad Gentilismum attraxerunt, hostili modo mecum agentes, *conci*, eos igne vel cauterio adurendo, & absumendo: ad præputium *cauterio*, & non cultro, abscindendum, forte alludens. Quod ex vers. 12. ubi *extincti* dicuntur *instar spinarum igne*, haud parum confirmatur. Sensus erit, eos inter multos cruciatus, & cum variis iræ Dei signis, fuisse deletos. Cujus illustre specimen in ipso Antiocho Epiphane, uti notum est, fuit.

§. XXVII. *b.* Hostilium populorum invasioni, a se superatæ cum eorum prostratione, subjungit, oratione ad certum aliquem hostem versa, se ab eo ad lapsum usque fuisse impulsam, sed divinitus sustentatam, his verbis, vers. 13. *Trudendo truxisti me ad cadendum, sed Jehova ad-*

juvit me. Vicinæ non tantum Gentes undiquaque in me inpetum fecerunt; sed & tu, ô homo! qui mihi adesse debebas, & contra hostes gentiles juvare, omni modo me ad cadendum impulisti; ita ut in solo Jehova omnis mea spes fuerit sita; qui me etiam tam potenter sustentavit, & tuitus est, ut non succubuerim, quin animose in hostes insurrexerim, & eos in ejus nomine conciderim. Videtur mihi in oculis habuisse primores populi, pontifices, improbos, qui omnis calamitatis, & hostilis gentium impetus, fuerunt vel autores, vel adjutores; quales fuerunt *Jafon*, *Menelaus*, & in primis *Alcimus*: ut ex historia constat. Quos improbos ex ipso populo in oculis habuit Jeshu, ubi c. xxvii: 4. Deum introducit loquentem: *quis mihi objiciat sententiam & veprem in bello? gradiar hostiliter per eam, incendam eam pariter.* Qui ipsi impii foederis adpellantur Dan. xi: 32. & eo nomine in historia Maccab. notissimi sunt. De his ut hoc in loco cogitem, facit *a.* quod a *Gentibus omnibus*, modo memoratis, distingui videantur. *b.* quod sermo ad eos versus, qui de indignatione & admiratione quid trahit, in eos rectius quadret. Ubi enim dicit *impulisti me*; idem est, ac si haberetur, & *tu*, o homo! te hostibus adjunxisti, quem nihil minus decebat. Ceteroquin ratio reddi nequit personæ tam subito mutatæ. *c.* quod tacite insinuaturn vellet, & eos ipsos, qui se juvare debebant, manus præbuisse hostibus, seseque ad cadendum trussisse: adeo ut præter Deum nullus sibi superfuerit adjutor & patronus. Ceterum, ubi dicit, *trudendo trussisti me ad cadendum*, eos nihil non omni conatu & impetu egisse, ut vel hostium libidini succumberet, ac religioni patriæ renunciaret, vel e medio tolleretur, significat. Quæ latius non necesse est exlequi.

§. XXVIII. *γ.* Beneficium liberationis propositum & explicatius traditum amplificat & exaggerat a lætitia, lætisque cantico, sibi & reliquis justis, per totam terram *Canaanam* pacifice nunc degentibus, concessio, quo exel-

fam

ſam Dei manum, & illuſtria ejus facinora celebrare poſſint, in hæc verba, verſ. 14-16. *Robur meum & carmen eſt Jah, qui mihi fuit ſaluti. Vox jubilationis & ſalutis in tentoriis juſtorum: dextra Febovæ ſtrenue & potenter agit. Dextra Febovæ elata eſt; dextra Febovæ ſtrenue & potenter agit.* Elegantem & adfectuoſam verba continent deſcriptionem ſtatus totius populi læti, proſperi & pacifici, ſimul pii & religioſi, quo læta carmina in honorem Dei, & laudes bonitatis ac potentiæ ejus, accinere poterant, & ubique accinebant. Explicat a. animum & exercitium ſuum, verſ. 14. *Robur meum & carmen Jah, & fuit mihi ſaluti.* h. e. Sicut robur mihi præſtitit, dum mihi ſaluti fuit, me ex anguſtiis in latum & amplum educendo campum, hoſtibus potente manu proſtratis; ita lætus agnoſco, & cantu in ejus laudes celebroy. *Robur & carmen* conjungit, ut roboris conceſſi laudes Deo accinendas exprimat: addit, *Deum fuiſſe ſibi ſaluti*, ut, qua ratione Deus ſuum robur fuiſſe & eſſe, explicaret, ſimul materiam & rationem læti carminis traderet. In quo nihil eſt difficilis. Quod vero יְהוָה habeatur pro יְהוָה illud a ſequenti voce ה, quæ cum littera , incipit, repetendum eſt; quippe per quam ultima littera ' vocis præcedentis abſorpta ſit. Quod non eſt longe quæſitum. Ita etiam alibi, ut Exod. xv: 2. Jeſ. xii: 2.

§. XXIX. b. Eandem læticiam & piam exercitationem per totam terram inter omnes juſtos & Chafidæos locum habere, declarat verſ. 15. dicens. *Vox jubilationis & ſalutis in tentoriis juſtorum. Vox jubili & ſalutis* quacunquæ voces, ſive ſoluta ſive ligata oratione prolatas, quæviſ ſigna ſonora & publica, ex ſenſu ſalutis ac liberationis, & de eo teſtancia, complectitur. Hæ voces cum *in tentoriis juſtorum* reſonare dicuntur, *juſtos*, ſeu religionis & virtutis ſtudioſos, ante adſictos, fugatos & diſperſos, nunc læte & pacifice in ædibus ſuis degere, & Deo laudes canere, indicatur. *Juſti* adpellantur Chafidæi, oppoſite ad *inpios*,

nunc superatos, qui multiplicem habebant materiam lætitiæ & jubilationis. Nec sine ratione *tentoria* ipsis adtribuuntur, ut de læto & securo ipsorum statu cogitaremus, instar eorum, qui in agris & campis degunt; ut olim Patriarchæ, & Israelitæ in deserto, & festo Tabernaculorum. c. Additur denique ratio & materia lætitiæ & læti cantus, *Dextra Jēbovæ strenue & potenter agit* &c. quo indicatur, potentiam Jēhovæ in commodum & salutem populi Dei per illustria & ardua facinora variis & continuis vicibus fuisse demonstratam & glorificatam. Quod faciles habet explicatus: quare nihil addo.

§. XXX. 1. Posteaquam omnis ordinis homines ad Deum solenni carmine laudandum excitasset, & felicem rerum mutationem, statumque salutis & lætitiæ, in luce collocasset: aditum sibi & comitibus ad Templum fieri postulat, ut & scopo liberationis concessæ satisfaciât, & vota sua impleat, Deum sollemniter in Templo colendo & celebrando, vers. 17--21. Ubi a. præmittit *scopum* beneficii liberationis, quo a Deo erat mactatus, ut viveret, & Deum laudaret, castigatus quidem sed non ad mortem & interneccionem punitus, vers. 17, 18. *Non moriar sed vivam, & narrabo opera Jāb. Castigando castigavit me Jēbovā, sed morti non dedit.* h. e. Summa, quæ mihi & sociis, seu legis studiosis, incubuit calamitas, cum multiplice vitæ & extirpationis periculo conjuncta, *castigationis* quidem divinæ ad meam & nostram emendationem, at non pœnæ capitalis ad plenam destructionem habuit conspectum, adeoque eum eventum nacta est, ut non mortuus sim, sed omni emphasi vitam consecutus; eoque tandem scopo immissa est, ut liberatus opera Dei magnifica & salutaria omni modo celebrarem. Cum dixisset, *se non moriturum, sed victurum*, &c. explicationis & confirmationis ergo addit, quid factum sit, & sibi contigerit, *castigatum quidem se esse, sed non in mortem traditum.* Ex quo manifestum est, verba fut. temp. vers. 17. *non moriar sed*

sed vivam, non tam de futuro, quam de præterito casu esse capienda, ita tamen ut in futurum se simul porrigant, adeoque idem esse ac, comprobatur, & ipso facto adparuit, *me non moriturum*, sed *victurum* esse, seu iudicium non ad mortem fuisse: quemadmodum mox clarius exponit, vers. 18.

§. XXXI. Explicat itaque *a*. verum conspectum & eventum calamitatis vers. 18. ubi dicit, *se castigando castigatum, sed non morti traditum esse*. Quod & sibi, & omnibus fociis, vel populo & Ecclesiæ Dei, adplicatum vult. Quadratur vero exacte in calamitatem Epiphanicam, quæ eo etiam spectavit, ut populus ab impiis purgaretur, & ob neglectum studium religionis ac virtutis castigaretur. Quare tempus iræ Dei in populum accensæ adpellatur, & apud Prophetas, & in Hist. Maccab. vid. Jes. xxvi: 20. Liv: 8. Dan. viii: 19. xi: 36. 1 Macc. ii: 49. 2 Macc. vii: 38. & alibi. *b*. Hinc colligit, non eo scopo se a Deo in hæc mala fuisse præcipitatum, ut *moreretur*, seu ad interuersionem deleteretur, & resp. cum Ecclesia destrueretur, verum ut *viveret*, h. e. morti non tantum eriperetur, quod jam dixerat, sed & *vita*, in emphasi dicta, frueretur, quæ libertatem & prosperitatem omnigenam comprehendit. Quo ipso indicat, se morti & destructioni fuisse proximum, & statum suum passim pro desperato fuisse habitum, sed mirabiliter & divinitus a Deo liberatum, & vitæ seu liberati & felicitati adsertum; nec illud pro brevi tempore, sed in perpetuum, seu ad finem reip. a Deo positum, adeoque etiam in futurum. Quæ quoque ratio est fut. temporis, quo utitur. Ceterum phrasibus, *non moriar sed vivam*, dicit, comprobatur, & adparet, me in calamitatem eam non incidisse, ut *morerer* sed *viverem*; ut sæpe alias. Quod ex dictis facile patet. *c*. Denique scopum liberationis suæ subjungit esse, *ut opera sua enarraret*, cum in genere, tum in specie, nunc in liberatione procuranda præstita. In quo nihil est difficultatis.

tatis. Tantum notetur, hanc pericopam eo tendere, ut aditus sibi ad Templum fieret, in quo hoc officio solenniter fungi debeat: quam petitionem apte mox subjungit, vers. 19—

§. XXXII. β. Postulatio, qua portas Templi sibi & comitibus aperiri petit, addito scopo Dei laudandi, ita sonat, vers. 19. *Aperite mihi portas justitiæ; per eas ingrediar, celebrabo Fab.* h. e. Cum singulari adfectus sum beneficio liberationis, eo scopo ut Deum publice celebrem; solenni hoc comitatu adcessi ad Templum, ut hoc officio defungar; seu publica ejus sumam auspicia. Sint itaque mihi *portæ* Templi, in quo *justitia* exercetur, & Deus justis laudibus celebratur, nunc & in posterum apertæ; ut per eas ingrediar, & Deum salutis dignis laudibus extollam. Oratio est ad Sacerdotes, Levitas & custodes Templi, directæ, qua illustris Dux in scenam producitur, solenni processione instituta ad Templum, aditum liberum & apertum petere & postulare, ut cultui Jehovæ vacare, & vota solvere possit. Quæ ex supra dictis non amplius sunt obscura. Quare paucis defungar. *a. Portas justitiæ* hic adpellat *portas Templi*, & non Hierosolymæ, minus *cæli*, ut ex vers. 26. ubi personæ huic ex *domo Dei* benedicitur, & vers. 27. ubi *altare* memoratur, manifestum est. De *cælo* præterquam quod nulla sit cogitandi ratio, quominus id fiat, vetat argumentum & scopus Ps., ut ex dictis facile elucescit. *Portæ templi* hic *portæ justitiæ* adpellantur, non tantum quod veræ religionis & pietatis unica sedes sit, præterea non nisi religionis & virtutis studiosis ibi versari liceat, sed etiam, quod hoc tempore a contemptu & profanatione vindicatum sit Templum, impiis & legis desertoribus ac idololatriis exterminatis, ita ut legitimo & sancto usui in posterum inservire rursus queat. Tempore persecutionis Epiphaniæ Templum variis modis erat contaminatum, & impietatis locus factum, impiis quoque patuerat; sed nunc, rebus in melius mutatis

tatis & instauratis, ædes hæc sancta rursus erat facta, & legis ac religionis studiosis reddita; quam non nisi iusti, vel Chafidæi, adire debeant, ut vers. 20. dicitur. Quod ipsum Jesh. xxvi: 2. & Zach. viii: 3. & alibi prædictum fuit.

§. XXXIII. *b.* Per has portas ubi *se ingressurum*, & *fab celebraturum esse*, declarat, sicut sibi illud faciendi jus esse, ita scopum & exercitium suum pium, significat. Erat Chafidæorum princeps, veræ religionis cum fratribus vindex, nunc etiam Pontifex electus, & solenniter inaugurandus Simon, comitatu quoque piorum & justorum ornatus; qui Deum solenniter erat celebraturus, & auspicia cultus religiosi ac muneris sumpturus; adeoque jure suo ad Templum admittendus. Quæ sua luce nunc fulgent.

§. XXXIV. *γ.* Postulatum suum urget *a.* ab usu Templi vers. 20. *hæc porta Jehovæ est, iusti intrabunt per eam.* h. e. Cum hæc domus sit Jehovæ sacra, & iustis ac religiosi pateat, jure meo aditum postulo ad eam. *Porta Jehovæ* est porta domus Jehovæ, vel quæ ad communionem cum Jehova exercendam, & nomen ejus colendum, ducit: *porta* est religiosa, & religionis ac virtutis studiosis destinata, per quam iis aditus est ad Jehovam celebrandum. *b.* a scopo domum Dei intrandi, vers. 21. sermone ad Jehovam ipsum, elegantiae & emphasios ergo, verso. *Celebrabo Te, quia adflixisti me, & mihi fuisti saluti.* h. e. laudes Tibi, ô Deus, omni modo deferam, quod, cum me in gravissimas calamitates, ut me castigares, tradideris, mihi liberationem & prosperam concesseris conditionem. Sermonem subito ad Deum flectit, elegantiae non tantum causa, quæ ejusmodi apostrophas frequenter admittit, sed & emphasios ergo, ut studium suum Deum celebrandi, & sinceritatem animi in aditu eo scopo ad Templum petendo, clare testificaretur, & certius confirmaret, ad Deum quasi per hoc alloquium provocando. Observetur præterea, vim sermonis non in *adfictionem*, sed *liberationem* cade-

re, adeoque materiam & rationem laudationis non tam in additione, quam vindicatione & salute quæri: sicut in paraphrasi expressi. Cujus formæ loquendi non desunt exempla. Sic 1 Sam. ii: 7. Matt. xi: 25. Rom. vi: 17. Hæc licet egregium fundant sensum, punctaturæ tamen Hebr. minus consentanea sunt, cum non *וְיָדָע*, ut usus fert, sed *וְיָדָע* legatur; adeoque rectius vertitur, quia *respondisti mihi*, & divite vena necessitatibus meis succurristi. Quæ vera verbi potestas est, ut alibi sæpe observavi. Quando recte subjungitur, & *fuiſti mihi ſaluti*.

§. XXXV. In altera Psalms parte, personæ sacræ, quæ in Templo repræsentantur illustrem hunc Ducem cum lætitiâ & adclamationibus recipere, *. admirationem & lætitiâ suam super elevatione hujus personæ in summum Ecclesiæ commodum, ad laudes Dei, testificantur, vers. 22-24. *Lapidem spreverunt ædificatores; factus est caput anguli. A Jekhova factum hoc est; illudque in oculis nostris mirabile. Hunc diem fecit Jekhova; choreas ducamus, & lætemur in eo.* h. e. Cum hodie publice adpareat, illustrem hanc personam, a primoribus populi rejectam, in eo dignitatis & potestatis statu esse positam, ut Ecclesiæ & civitati sit futura fulcrum, cui innixa in altum educetur; sicut illud tanquam mirabiliter nobis occurrit, a Deo singulari providentia effectum, ita summa cum lætitiâ id agnoscerimus, & celebrare parati sumus, lætitiâ omni modo manifestando. Oratio est Sacerdotum & Levitarum in Templo, ut facile patet, & ex vers. 26. dubio caret; quæ *. summam hujus personæ excellentiam & potestatem in usum Ecclesiæ contra primorum conatus agnoscunt, vers. 22. *Lapidem spreverunt ædificatores, factus est caput anguli*, sive per ellipsin *וְכֵן* capiatur, ut sit, *lapis, quem spreverunt, factus est* &c. sive *lapis repetatur* in posteriore membro, *lapidem spreverunt, sed is ipse factus est*. &c. Respicietur ad lapidem angularem, *ἀγκυρωμένον*, magnum, quadratum, solidum, & angulis prominentem, qui, ædificio substratus, illud

illud partim sustinet, partim latera ejus compingit, partim offendentes in eum retundit, & graviter lædit. Quod emblemata satis usitatum, & in Script. obvium, ut Jes. viii: 14. xxviii: 16. quo hic omnino adluditur, & alibi, in illustrem ac potentem servatorem ac regem optime quadrat, qui vel *novam* civitatem ac societatem erigendam, lapidis fundamentalis ac angularis instar, sustentaturus & vindicaturus est, vel societati *collapse*, ac ruinam meditati, suppositus eam denuo erigit, fulcit, & de novo instaurandæ fundamenti instar intervrit; metaphora ab ædificio ruinoso petita, cui novum substernitur fundamentum, cui innixum in summam altitudinem ac firmitatem erigitur & educitur. Quæ posterior cogitatio, sicut aliis locis, ubi idem emblemata occurrit, modo citatis, rectius convenit, uti Cl. Vitringa ad Jes. xxviii. demonstravit, ita nostrum unice quadrat, cum hic non de nova societate condenda, sed eadem collapsa instauranda manifeste agatur; quod nemini non patet.

§. XXXVI. *Lapis* itaque *angularis* in ædificio societatis Israeliticæ, de qua hic agitur, illustris est persona, vel domus, quæ 1. primum & præcipuum locum in ea societate, sive civili, sive Ecclesiastica & religiosa, sive potius utraque, tenet. 2. eam fundat & erigit. 3. omnia latera, omnesque partes, unit, 4. eam tuetur & ab infestationibus liberat, vel cum clade oppugnantium vindicat: habebant enim *lapides angulares* angulos prominentes & acutos, qui impingentes lædunt & repellunt. 5. super quam recumbit societas, & firma stat ac immota. 6. in altum etiam surgit, & ædificatur, 7. quæ denique omnes habet qualitates, ad societatem illam ita tuendam & firmandam necessarias, quæ sunt *sapientiæ, potentiæ, opum & auctoritatis*, aliarumque *virtutum* moralium.

§. XXXVII. Quæritur, quis per hunc *lapidem* intelligendus sit? Interpretes vel de Davide & Messia, typo & antitypo, vel de solo Messia, cogitant. Sed ex nostra
V 2 hypo-

hypothefi domus Maccabaica, in Simone fefe hoc tempore oftentans, & in fublimi loco in civitate & Ecclefia pofita, tanquam illuftris Meffiae typus, & ad ipfum relate, Intelligenda eft. Quod diftincte eft explicandum & demonftrandum. *a.* Primo, licet debiliore, fenfu *Simon*, Ethnarcha & Pontifex hæreditarius hoc tempore factus, tertius & ultimus Maccabæorum fratrum, una cum domo Maccabaica, cui hæc dignitas fuit adnexa, fub emblemate *lapidis angularis* ob oculos ponitur; quatenus Dux fupremus & Pontifex primum locum habuit in civitate & Ecclefia, & focietatem totam, mifere collapsam, una cum fratribus, inftauravit, ac in unum corpus redegit, fimul tuitus eft in pofterum, ac in altum eduxit. Ipfe in fpecie hoc titulo meretur præ fratribus infigniri. *a.* Quia firmam ac tutam fedem in ipfo, & fub ipfo, demum nafta eft refp. Judaica, adeoque vera fua emphafi *fundata*; antea varie adhuc agitata & adflicta, nunc primum *libera* & *fecura* reddita. *b.* Quia ab hoc tempore refp. demum in altum cœpit furgere, & ad fummam potentiam, amplitudinem & gloriam, educi; adeo ut lapis fundamentalis & angularis hoc tempore fuerit jactus, cui ædificium fuperftructum eft. *c.* In *Simone* utraque dignitas, & civilis & religiofa, unita, quæ ad *lapidem angularem* conftituendum requiritur in focietate Politico-Ecclefiaftica. *d.* Denique *hæreditaria* in ipfo. primo facta eft utraque dignitas: ut ex fuperioribus conftat. Nec abhorret, reges & fervatores cum ejusmodi lapidibus comparari: quod in fymbolico ftvlo per omnes linguas ufitatum eft.

§. XXXVIII. Nec a domo ejus alienum eft, quod *lapis* dicatur *ab ædificatoribus fpretus*; modo illud dextre capitur. *a.* Lapis ab *ædificatoribus* cum *faftidio* & *contemptu* repudiatus, quam emphafin habet. verbum Hebr. סֵלֶן, quem architecti, tanquam ineptum, deberent rejicere, aut feciffent, fi eo in ftatu fuiffet ad hunc ufum oblatus. *Lapis* itaque hic in primo fuo ftatu, antequam vim & virtutem

tutem suam exseruisset, & publice innotuisset a Deo ad id destinatus, repræsentatur; & ejus vilitas, ac ineptitudo, abjectaque conditio, in genere significatur. Quo directe tendit, quod a *Jehova* factum, & mirabile sibi accidere dicant loquentes, talem nempe lapidem tanto operi fuisse parem, & ædificio suppositum illud firmasse ac erexisse. Quæ admiratio non tam ex eo fuit nata, quod indigne rejectus ab ædificatoribus eum locum acceperit, cum illud non adeo esset extraordinarium & admirabile, quam quod vilis adeo lapis, ædificatoribus nihili faciendus, talia præstiterit. Idem ergo est, ac, quod alibi habetur, Deum viles, abjectos, & potentia ac dignitate carentes, in summa gloria ac dignitate collocare; & per vilia instrumenta edere illustria facinora. 1 Sam. 11: 8. Ps. cxiii: 7. Dan. iv: 14. & alibi sæpe. Quod in fratres Maccabæos, in prima sua origine, ac initio moliminum, consideratos, egregie convenit: uti nemini non notum est.

§. XXXIX. *b.* Sed lapidem fuisse ad hunc usum ineptum visum non tantum indicatur, verum simul non humana sed Divina ope ac directione factum, ut hunc locum acceperit, & hoc effectum præstiterit. Lapis, ab architectis spretus, ubi *caput anguli factus* dicitur, in eum statum non humanitus, sed divinitus fuisse evectum, non ab ædificatoribus, sed a Deo ibi positum, ob oculos ponitur. Eo enim ipso, quo spretus ab ædificatoribus dicitur, ab ipsis itaque non fuisse selectum, & ad eum usum adhibitum, sed ab alia manu, utique divina, ibi locatum, clare innuitur. Quod mox vers. 23. diserte exprimitur, & in Maccabæos apte quadrat, ut nemini non in promptu est. *c.* Denique, quod rem magis fecit mirandam, non tantum nihil juvantibus ædificatoribus, sed & iis nolentibus & oppugnantibus, lapidemque cum contemptu rejectis, id factum fuisse, phrasidis cogitandum præbet. Quod a Maccabæis quoque non abhorret, cum quod studium legis & religionis, quo acti fuerunt, displicuerit Pri-

moribus Reip. & Ecclesiæ, tum quod conamina & molimina ipsorum ad hostes reprimendos, & res instaurandas, per ipsos illos proceres, ut Menelaum, Alcimum, Pontifices, & alios Magnates, *impios* in historia dictos, fuerint multis modis oppugnata. Improbi hi proceres & primores, quorum erat Reip. & Ecclesiæ ruinam meditati succurrere, & lapidem angularem supponere, tantum abest, ut manum admoverint, ut & illos rejecerint, ac opprimere conati sint, qui illud fuerunt adgressi; adeo ut nec *lapidem* angularem voluerint substratum, nec Maccabæos, divinitus ad id excitatos, admiserint.

§. XL. 1. Hæc licet vera sint, & eo, quo dixi, sensu sese ad domum Maccabaicam, in specie in Simone conspicuam, adplicari patiantur: dubium tamen mihi nullum est, quin Spiritus propheticus occulta sua directione poetam in hæc verba duxerit, ut in Maccabæis folis non hæreremus, sed eos, relate ad Messiam, consideraremus, & in mirabili eorum elevatione, tanquam illustri specimine & typo, Messiæ exaltationem, ad regnum Tſionis instaurandum, contemplaremur. Quæ satis nota est Scripturæ in Prophetiis & Psalmis consuetudo, inprimis ubi de Ecclesia Maccabaica agitur, multis modis cum regno Messiæ, tanquam complemento, fundamento, & scopo suo, haud diu post manifestando, connexa; de quo in *Diff.* ult. ad Dan. fusius tractavi. Rationes, quæ mentem a Maccabæis ad Messiam transferunt, & illum præcipue ob oculos poni jubent, sunt sequentes. 1. *Fundamenti* & lapidis angularis, cui Ecclesia Dei innititur, & a quo sustentatur, ac defenditur, conspectus augustior est & excellentior, quam ut in purum hominem quadret; populus enim Dei non in hominem, sed Deum, recumbit, & in eo *spem* collocatam habet, ab eo omnem suam firmitatem derivat. 2. *Lapis*, invitis ædicatoribus, *caput anguli* factus, absque ut Dei, qui id fecit, fiat mentio expressa, personam depingit, *divini* quid habentem; quæ
sua

sua propria virtute sese ædificio supposuit, & illud erexit, ac firmavit. Quod mox etiam agnoscitur vers. seq. 3. In Messia majorem emphasin habet, quod *lapis spretus* ab *ædificatoribus* dicatur, & *caput anguli* factus, cum quod universaliter magis fuerit a proceribus & doctoribus rejectus, tum quod majore cum fastidio ac contemptu fuerit repudiatus, & contumeliose magis ac scelerate tractatus, tum quod eo ipso tempore, quo spretus est, fuerit exaltatus; contumeliosa rejectione ac gloriosa exaltatione secum cohærentibus. 4. Verbi prophetici stylo Messias sub hoc emblemate proponi solet, ut Jes. VIII. & XXVIII. Zach. III. & alibi. 5. Sequentia in Messie regnum majore emphasi quadrant; ut seq. docebunt. 6. Denique ad Mesiam a Christo & Apostolis adplicatur. Matt. XXI. Act. IV. 1 Pet. II. uti notum est. Quæ etiam antiquissima fuit & recepta Judæorum hypothesis, ut ex *Euangelis*, & *Joannae* solenni adclamatione, aliisque indiciis liquet.

§. XLI. Est itaque acsi plene, & secundum sensus amplitudinem, dixerint: sicut vilem & abjectam domum Macabaicam, non humana sed divina ope, ad summam in civitate & Ecclesia vera videmus & agnoscimus evectam dignitatem & potestatem, contra omnia ipsorum primorum molimina, ita ut societatem nostram, Politico-Ecclesiasticam, denuo fundarit, eamque tuitura & in altum eductura sit: ita illustri in specimine ac typo contemplamur oculis fidei, quod aliquando pii agnoscent & celebrabunt, Messie, veri lapidis angularis Ecclesie, & summam humilitatem, ac rejectionem a proceribus nostris, & exaltationem, cum ea connexam, qua Ecclesie collapsæ succurret, eamque suis meritis & potentia eriget, conjunget ex Gentibus & Judæis, ac tuebitur, & in summa gloria collocabit. Plura de adplicatione ad Mesiam, quæ nihil habet difficilis, & ab aliis abunde est in lucem protracta, nunc non dicam.

§. XLII. β. Subjungunt mox veram causam mirabilis hujus

hujus effectus, in Dei potentia & directione sitam, vers. 23. *A Jehova factum hoc est, illud in oculis nostris mirabile.* h. e. Vilem & ad tantum opus ineptam personam, simul a primoribus populi oppugnatam, per tot tantaque perrupisse obstacula, summam adeptam dignitatem in civitate & Ecclesia, & tantum præstitisse effectum, ut societatem nostram a ruina liberaverit, eamque fundaverit, & erexerit, omne illud adeo singulare & mirabile vobis accidit, ut Divinam manum, eamque mirabiliter operantem, in eo agnoscere, & celebrare debeamus; sicut grati facimus. Interpretes, qui fœmin. gen. voces pro neutrius habent, & ad totum eventum modo memoratum, referunt, rem sine dubio acu tetigerunt. *Mirabilitas* vero sita est, cum in domus istius erectione, tum in singulari modo, quo illud factum est, tum in stupendo effectū erectionis & foundationis Ecclesiæ per eam. Quæ *mirabilitas* eo spectat, ut & manum Divinam in eo esse conspicuam indicaretur, & singularis manus divinæ directio, non vulgaris, sed extraordinaria, & stupenda, celebraretur. Quemadmodum in paraphrasi expressi. Cum dixissent, *a Jehova esse factum*, addunt esse *illud mirabile*, ut partim rationem redderent, quare Jehovah adscribant, rei mirabilitate compulsi, partim singularem modum, quo a Deo illud effectum est, indicarent. Quæ ad domum Maccabaicam in Simone nunc exaltatam, & ad Messiam, sese ex dictis facile patiuntur adplicari.

§. XLIII. γ. Addunt denique lætitiæ communis materiam, sibi ex hoc eventu natam, ad quam se mutuo excitant, vers. 24. *Hunc diem Jehova fecit; choreas ducamus & letemur in eo.* h. e. Cum itaque festum hunc diem Jehova nobis tam mirabiliter procuraverit; lætitiā nostram omni modo nunc demonstremus, & ei convenienter agamus. Respiciunt ad solennem exaltationis domus Maccabaicæ, & inaugurationis Simonis, *diem*; ut ex superioribus facile patet. Quem *diem*, sic κατ' ἐξοχήν adpellatum,

tum, quod sit *dies* lætus, gloriosus & prosper, a *Jehova* agnoscunt esse *factum*, quatenus per ejus mirabilem directionem effectum sit, ut talis *dies* ipsis adluxerit, quo personæ hujus illustris elevationem celebrare possint. Sicut enim mirabilis erat & a *Jehova* facta exaltatio, ita cum ea reip. & Ecclesiæ singularis felicitas erat conjuncta, Rep. quippe nunc denuo fundata, & in summum educenda prosperitatis culmen. Quod ad *Simonis & Messia* inaugurationem facile adplicari potest.

§. XLIV. 3. Cum personam hanc læte exceperissent, & ejus dignitatem in Dei laudes celebrassent; votis & benedictionibus eam ulterius prosequuntur; ut ipsi & Ecclesiæ, super hunc lapidem fundatæ, cuncta succedant in posterum prospere & feliciter, vers. 25, 26. oratione primum ad Deum, dein ad ipsam personam cum comitatu ejus, versa, *Quæso, Jehova! serva nunc, quæso Jehova, prospere nunc fac agere. Benedictus! qui venit in nomine Jehovæ: benedicimus vobis e domo Jehovæ.* h. e. Cum *Jehova* personam hanc in eo dignitatis loco posuerit, & societatem nostram per eam tam mirabiliter instauraverit, ad eum mentes elevamus, oramusque: confirma quæso *Jehova* & ulterius perface hanc felicitatem, & prosperitatem, ipsi & toti populo concessam. Qua spe Te, illustris dux! benedictum pronunciamus, qui tanquam Dei legatus ad nos venis; simul ex hac Dei domo vobis solennem impertimus benedictionem sacerdotalem. a. Mentis ad Deum elevantes, supplices orant, ut & duci, solenniter inaugurato, & populo, per ipsum liberato, & ædificii instar super ipso, tanquam lapide angulari, in altum educendo, *salutem* concedat & *prosperitatem*, ut & nova hæc dignitas in ipso & domo ejus sit maneatque perennis, & reip. ac Ecclesiæ ulterior instauratio feliciter succedat. Formula videtur fuisse in regum inaugurationibus usitata, cui similis, qua adclamabatur, *vivat rex!* cujus frequens est in Script. mentio. Postea in usu fuit frequenti in festo Ta-

bernaculorum, cum *rami* a populo gestarentur: quare Christo, prælatis ramis, accinuerunt pueri, eadem formula usi; ut ex Euangeliiis constat. Matt. xxi: Marc. xi. Joh. xii. Plura nunc non adferam.

§. XLV. *b.* Precibus addunt *benedictionem*, qua duci & comitibus ejus quævis fausta adprecantur; *benedictus*, dicunt, *qui venit in nomine Jehovæ; benedicimus vobis e domo Jehovæ.* Respicitur ad solennem ducis & comitatus ejus introitum in Templum; quæ scena est hujus Pf., ut supra vidimus. Pronunciant 1. ducem hunc *benedictum*, *qui in nomine Jehovæ venit.* Quo declarant, se eum pro legato & quasi *vicario* Dei habere, qui singulari favore Dei *mactatus* est, & *benedictionem* Divinam secum adfert. Phrasis, *venire in nomine Jehovæ*, quæ voces, ut facile patet, conjungendæ sunt, exprimit & *missionem* & *auctoritatem* Divinam; adeoque hunc ducem repræsentat, tanquam a Deo in eam dignitatem evectam, & summa, post Deum, præditam in civitate & Ecclesia auctoritate & potestate, tanquam *vice Dei.* Quem significatum phrasis, *in nomine Dei*, frequenter habet in N. T. Deus in rep. Judaica est summus *rex*, cujus vicem tenere censebantur reges & duces supremi: qui propterea recte in *eius nomine* venire dicuntur. Quod in *Messiam* longe majore adhuc emphasi quadrat. Nec abhorret, quod Prophetæ *in nomine Dei* loqui dicantur. Hunc ubi *benedictum* pronunciant, non enim *fit*, sed *est* intelligi debet, cum mox sequatur *adprecatio*, sicut eum tanquam Dei *vicarium* toto animo a se recipi, ita *benedictione* divina vestitum esse, profitentur. *Benedictus* vero audit, cum quod insigni beneficio a Deo erat *mactatus*, tum quod *benedictio* Dei super populo ipsum comitaretur, & per ipsum populo fieret; ut sperabant & credebant.

§. XLVI. 2. Tanto *mactati* beneficio, quo tam insignem & a Deo *benedictum* ducem *nacti* erant; vota sua nuncupant pro omnibus præsentibus, & *benedictionem* facer-

facerdotalem pronunciant, dicentes: *benedicimus vobis e domo Jehovae*: non dicunt, *tibi* duci, sed *vobis*, sive comitibus, sive toti populo, oratione ad omnes præsentes & adstantes versa; ac si dicerent. Tot tantisque favoris Dei signis in Rep. instauranda, & lapide angulari ponendo, cumlati, *benedictionem* Divinam multa cum fiducia tanquam sacerdotes vobis omnibus, ô Judæi! damus. Phrasibus, *benedicere e domo Jehovae*, est selecta; qua nihil aliud viditur significari, ac *benedictio sacerdotalis* solennis, jussu Dei Num. VI. a sacerdotibus e domo Dei pronuncianda.

§. XLVII. 1. Gratulationi & benedictioni addunt promissum de lætitiæ hujus festivæ perennitate, ex Dei potentia & favore, cujus præclarum dederat indicium, derivatum, vers. 27. *Deus fortis Jehova, & illuminavit nos: vincite festum densis funibus ad cornua altaris.* h. e. Cum Jehova, Deus noster, sit potentissimum Numen, isque nos tanto mactaverit prosperitatis beneficio, quod de perenni ejus favore & protectione testatur; festum vobis institueret licet, & celebrare, non ad breve tempus, sed in perpetuum, festum æque firmum, ac sunt *cornua altaris*; non nisi cum ipsius altaris destructione cessaturum. Fræmittunt *fundamentum* promissi de perennitate lætæ & prosperæ conditionis, in Dei favore & potentia situm; ubi dicunt. *Deus fortis (יָמִי) est Jehova, & illuminavit nos.* Quibus verbis profitentur, Jehovam, Deum Israelis, esse potentissimum & fortissimum, simul Israeli faventissimum, qui luce clara illustravit populum suum, eum ex summis angustiis liberando, instaurando, & in prospero statu collocando, & civitatis & religionis respectu.

§. XLVIII. Hoc fundamento promittunt festivitatem perennem & perpetuam; dum eos excitant ad firmum ac durable festum agendum; his verbis: *vincite festum densis funibus.* Difficilia sunt omnibus hæc verba visa,

quæ diversas etiam, ut fieri adsolet, pepererunt interpretationes, quas recensere & examinare instituti ratio non fert. ^a Verba aliam, ac quam dedi, versionem non admittunt; ut recte a Gejero & aliis evictum est. Nec vox ^{an} alium, ac quam passim habet, fert significatum. Sunt, qui *victimam festalem* intelligunt, sed eo sensu vel nusquam, vel rarissime venit, de quo agere nunc non licet; nec hic locum habet commodum; cum *victimarum ligatio* nec sensum fundat aptum, nec huc quadret, aut emphasis habeat. Mihi omnino metaph. videtur phrasis, a re vel persona firmis vinculis ligata, ut eo in statu firmiter maneat, petita, qua nihil aliud ac perennitas & durabilitas festi depingitur. *Vincire festum funibus*, & quidem *densis* ac *firmis*, ut vox Hebr. dicit, perenne & perpetuum festum instituere, ac auspicari, denotat. Quæ non est longe remota aut insolita phrasis, cujus similes in Script. & apud alios Autores reperiuntur. Sic Jes. v: 18. *væe trabentibus iniquitatem funibus vanitatis, & tanquam ru-dente carrucario peccatum*; firmiter ei & toto animo adhærendo. Nec multum abhorret phrasis *nodorum improbitatis*, Jes. LVIII: 6. nec etiam *catenarum tenebrarum*, quibus *adligati* dicuntur *spiritus* mali 2 Pet. II. sic *seculi vinculis ligari* dixit Chrysostomus ^b, & alibi ^c quoque τὸ καλὸν καταδίῃσαι *vincire*, stabilire *pacem*, & Plutarchus ^d *adaman-tinis vinculis firmitatem potentiae vincire*. Haud parum quoque illustrat phrasis metaph. *ligandi* præcepta, vel facta, *instar signi ad manum*, & *frontem*, ac *postes domus* Deut. VI: 8. XI: 18. quæ & firmitatem, & continuam recordationem ac meditationem exprimit; sicut ab aliis est

^a Vid. præter Script. S. Interpretes, Steuber & Quand in Thef. nov. Ikenii. ^b Adv. oppugn. vit. mon. I. III. p. 97. ed. nov.

^c De Babyla oper. t. II. p. 542.

^d In Dione

p. 961.

est observatum. Posset quoque, & forte rectius, adoptari LXX viralis versio, συνησασθε εορτην εν τοις πυκαζουσιν, *constituite diem solennem in condensis*, seu ramis arborum frondosis & bene plexis, nomine *may densis ramis* insignitis Neh. VIII: 15. quibus in festo Tabernaculorum utebantur non tantum ad tentoria, sed & fasciculos, quos manibus gestabant: ut sensus sit, phrasi prægante, *festum firmiter esse* & perenne instituendum, & celebrandum in *ramis plexis*, & *vinclis*. Simile quid aliis quoque in mentem venit.


§. XLIX. Additur, *ad cornua altaris*, sive firmitas & perennitas festivæ lætitiæ ex comparatione cum *cornibus altaris* ulterius adfirmetur & illustrètur sive festi ligatio cum cornibus illis connectatur, & ab iis suspendatur. Priore sensu phrasēs hac ratione sunt explicandæ, acsi haberetur, *usque sint cornua altaris*, ut sensus sit, festum tam perenne futurum, quam sunt *cornua altaris*: quod potestati vocolæ *γ* proxime & usitate convenit. Posteriore sensu, vocola *γ* idem fere signabit hoc loco, quod alias *β*, dicetque, festum esse funibus vincendum ad *ipsa cornua altaris*; ut, cum altari illud arcte esse connexum, & mansurum quoque, intelligatur. Cum vero *festum* hoc simul sit in memoriam *religionis* firmiter constitutæ, & ejus compendium ac fundamentum sit *altare*, quo religiosus cultus exercetur, & favor Dei impetratur: ratio, quare festum cum cornibus altaris connectitur, non est in obscuro. Addatur, cornua altaris tanquam festi monumenta, in perpetuam ejus memoriam continuo renovandam, constitui; sicut, Christus *εὐαγγελίας μνημόσυνον ἐγκατέθηκε τῷ μυστηρίῳ beneficii memoriam adligavit mysterio* sc. coenæ Sacræ, inquit Chrysostomus *a*. Præterea cum adprehensio cornuum altaris aliquem inviolabilem reddebat, phrasis inde nata forte in genere denotat festum fore perpetuum, sacro-sanctum & inviolabile.

X 3

§. L. Re-

a. Hom. 82. ad Matth. p. 783.

§. L. Resumit tandem Dux sermonem, &, sicut inceperat, desinit in Deo laudando, & omnibus ad id incitandis, vers. 28--29. *Deus meus fortis tu, & te laudabo. Deus mi! exaltabo Te. Celebrate Febovam, quia bonus, quia in æternum benignitas ejus. In quibus nihil est difficile.*





C O M M E N T A R I U S

A D

P S A L M. C X I X.

P R O L E G O M E N A.

§. I.

PRolixi, & meditare ac artificiose compositi, eantici argumentum est flagrantis adfectionis erga Jehovah, ejusque voluntatem, hominibus manifestatam & revelatam, ad eam meditationibus subigendam, cognoscendam & faciendam, testificatio ac sincera declaratio, cum continuis precibus pro illuminatione, & ope divina, ad majorem cognitionem & observantiam ejus, nec non conservatione, consolatione, ac liberatione sua a statu afflictio, conjuncta, ab illustri ac pio quodam viro, in terra peregrina versante, & ab improbis hostibus vexato, ac ad necem quæsito, facta, eo quoque scopo, ut partim innocentiam suam ac puritatem a criminibus ipsi in pactis comprobaret, partim qua ratione sese in mediis suis afflictionibus gesserit, & crexerit, declararet, partim denique Deum veracem, justum & bonum, in sui favorem flecteret, & ad hostes improbos reprimendos, seseque in liberum prosperitatis campum educendum, permoveret, rationibus moventibus a studio suo ardente in Deum & legem ejus, suaeque innocentia & pietate, hostium vero improbitate, Dei ju-

stitia.

stitia, & veracitate in promissis implendis, in piis puniendis, & piis eripiendis, demonstranda, petitis.

§. II. Vir pius, hic loquens, ut personæ & status ejus characteres, in Psalmo obvios, in lucem proferam, α. singulari plane studio in Deum, & legem ejus, flagravit, ita ut ejus cognitione & observantia nihil habuerit potius; Deo intimo adhæserit amore, legi ejus meditandæ totus incubuerit, eoque fuerit unice delectatus, studiose quoque eam observaverit, & plenius ac perfectius præstare summo opere desideraverit. Spirat hanc animi adfectionem & actuositatem totus Psalmus; in legis præstantia ac utilitate, hominis eam observantis beatitate, prædicanda & extollenda, loquentisque id faciendi desiderio ac proposito exprimendo, omnibus suis partibus versatus. β. Quod ad personam loquentis adtinet, haud obscure innuit, se 1. in flore ætatis fuisse, adeo ut juvenis adhuc haberi possit, vers. 100. deinde 2. regia non fuisse insignem dignitate, vers. 46. attamen 3. singulari & illustri ad Deum præditum relatione, ita ut ejus se esse dicat vers. 94. & sæpe Servum ejus adpellet, præterea insignibus mactatum promissis; ad quæ haud raro provocat, & quibus se fidere testatur: uti vers. 28, 38, 42, 49, 50, 58. & alibi.

§. III. γ. Status ejus internus quidem fuit varius, subinde tristis & a desperatione proximus, uti vers. 25 & seq., passim animosus & lætus, sed semper in Deo sese erigens, & in legis studio consolationem quærens: uti ex toto canticò liquet. δ. Externa vero ejus conditio fuit afflicta, & abjecta. Repræsentatur enim, 1. in terra tanquam peregrinus, vers. 19. etiam in terra peregrina habitans, vers. 54. & instar ovis perditæ, vel a grege sejunctæ & pastore orbæ, oberrans, vers. 176. 2. Acerbam passus persecutionem ab improbis popularibus & principibus, sine ullo suo merito, qui, neci ejus intenti, ei partim insidias ubique struxerunt, partim eum palam quoque ad necem quæsierunt. Quæ ubique per totum canticum sese offerunt.

runt. Sed, quod notari meretur, persecutionis fidei & pietatis causa, quod nonnulli putant, nullum exstat indicium. Dei enim amorem, & legis studium, in mediis afflictionibus retentum, non ideo memorat, quod ejus causa fuerit afflictus, sed ut se innocentem, dignumque esse, quem Deus eripiat, simul se a pietate nihil remisisse, denique per legis studium, & promissorum Dei meditationem, continuo se erexisse, et consolatum fuisse, declararet. Quod cuique, Psalmum sine præjudicio legenti, sponte sua sese adprobabit. Insuper observari meretur, persecutionem fuisse non brevis, sed satis longi temporis, vers. 81 et seq., et forte ab uno homine, tanquam primario autore, ortam; vers. 134. ubi *oppressio hominis* memoratur, attamen subinde intermissam, et singularibus liberationis ac favoris Dei speciminibus interstinctam, vers. 65. et seq. 3. Denique ad *temporis* notitiam facit notasse, illud fuisse valde corruptum; quatenus leges Dei palam fuerint sprete et violatæ, ita ut ferri a Deo amplius nequeat: quod ex vers. 126. inprimis colligi posse videtur.

§. IV. De *autore* cantici licet nihil pro certo affirmari possit, cum ejus nomen reticeatur, cuncta tamen mihi adeo spirare videntur Davidem, ut, ab eo canticum fuisse compositum, quæ vulgata quoque est opinio, plusquam probabile habeam. Studium legis, quo flagravat, uti Ps. 1 et XIX. quoque expectoravit; innocentiam vitæ, puritatemque morum, ad normam legis Divinæ, quam ubique etiam in mediis afflictionibus præstitit, quamque ipse palam et coram Deo sibi adtribuit, Ps. XVIII, XXVI. CXXXIX. et alibi sæpe, consortium piorum et legis studioforum, quod, impiis missis, sectatus est, uti Ps. 1 et XXVI. quoque declaravit, persecutiones, quas a Saulo et aulicis passus est, de quibus variis in Psalmis conquestus est, promissa, quæ ipsi a Deo facta sunt, ad quæ sæpe provocat, titulus *servi* Dei, quo se passim insignit, denique improbitas Sauli et sociorum, tot speciminibus comprobata, et sæpe in Psalmis

mis ab ipso taxata, totalis quoque temporis istius depravatio, aliaque similia unice fere in Davidem, ejusque statum sub Saulo, in ejus hostem verso, conveniunt, adeo ut in ea hypothefi acquiesci posse censeam. Quod enim nonnulli, tanquam ab ipso alienum, proferant, personam loquentem fuisse 1. fidei & pietatis causa vexatam ab hostibus fidei ejus, illud modo refutavi: 2. regia dignitate non conspicuam, illud non obest, cum eo tempore, quo canticum putem esse factum, nondum rex fuerit.

§. V. *Tempus* enim ei lubens assignavero, quo manibus Sauli, post varias infestationes, tandem elapsus, inter Philistæos sedes posuit, 1 Sam. xxvii. Utique 1. persecutio jam diu duraverat, & finienda videbatur; vers. 81. & seq., forte etiam vers. 150 & 151. de quo postea. 2. Tempus aderat, quo Deus vindicem se præstare debeat legis violatæ, vers. 126. Habebat quoque 3. persona loquens in terra peregrina sedem fixam, vers. 54. *domum peregrinationis* dictam. Denique 4. nescio, an non pericopa *octava* & *nona*, vers. 57–72. respexerit ad funestum casum, qui ipsi & fociis ab Amalekitis accidit, 1 Sam. xxx. de quo postea. Qua hypothefi admiffa, censendus est David in hoc cantico superiores suas afflictiones, a Saulo & sociis profectas, memoria repetere & recensere, una cum piis suis adfectionibus, tunc præstitis; ab initio infestationis Sauli ad hoc tempus usque. Unde & illud lucramur, quod pericopæ, in quas canticum est divisum, ad diversos casus referri possint, nec in una eademque re toties repetita necesse habeamus hæere.

§. VI. Est enim singularis structuræ carmen, ex *viginti duabus* pericopis constans, secundum Alphabetum Hebræum ordine litterarum decurrens, ita ut singulæ pericopæ *octo* habeant versus, eadem littera incipientes: uti notum est. Cujus structuræ aliam non novi rationem, ac quod pro elegante, & memoriæ juvandæ apta, fuerit habitata. *Scopus* cantici est, cum legis Divinæ, in omni complexu,

plexu, una cum minis & promissis, consideratæ, summam præstantiam ac utilitatem in quocunque statu & casu vitæ extollere, tum beatitatem hominis, qui legi operam dat, & vitam ad ejus normam componit, in hac & futura vita animis inprimere, uti ex prologo, seu prima pericopa, patet, tum puritatem vitæ & morum loquentis contra omnes calumnias, simul utilitatem, quam a legis studio carpfit in sua adflictione, in lucem proferre, & aliis in exemplum, quod imitari debeant, proponere. *Partes* cantici, seu *viginti duæ* pericopæ, singulæ secundum ordinem Alphabeti Hebraici institutæ, & *octo* versus complexæ, quæ ratione cohæreant, ex ipsa tractatione elucescet, quare aliam non præmitto analyfin.

A N A C R I S I S.

§. VII. Investigatione hypothesios Pf. explicandi opus non foret, autore & tempore facti cantici demonstrato, cui convenienter omnino instituenda est expositio, nisi aliqui essent, qui ad Ecclesiam Novæ oeconomiae, & diversum ejus statum, singulis pericopis descriptum, Psalmum directe esse adplicandum autumarent, per *legem* intelligentes doctrinam fidei & gratiæ sub Euangelio; hac inprimis ducti ratione, quod nulla cultus ritualis, seu sacrificiorum, fiat mentio, lex a suavitate, lætitia & consolatione, præcipue commendetur, & denique, ne alia minoris adhuc momenti memorem, *terra plena* dicatur *beneficentia Jehovæ gratuita*, vers. 64. Equidem tam levibus fundamentis nollem superstrui hypothesin; quæ ab usitata vocum, quibus voluntas Dei revelata insignitur, significatione tantopere discedit, & hominibus ejus temporis, quo canticum evulgatum est, præcipuum eripit usum. Sacrificia hic non memorari directe, licet voce legis, & statutorum, quoque comprehendantur, mirum non est, cum autor

in exilio degat, adeoque iis locus non sit, & legis præstantia, ac utilitas, tantum extollatur, piique viri studium in legem, ejusque observantiam, in lucem proferatur. Legali Oeconomiam, quæ, late sumta, & vero suo conspectu, fidem & gratiam euangelicam per anticipationem dispensatam quoque complectitur, elogia illa, quibus hic ornatur, non competere, quis, qui foedus gratiæ per omnia tempora viguisse admittit, dixerit? De quo hic differendi locus non est, exposui quoque satis ad Ps. xix. Denique quare *terra plena* dici nequeat *beneficentia* Jehovæ ante oeconomiam novam & Euangelicam, non video, cum & alibi Ps. civ: 24. *plena possessionibus*, seu *opibus*, *Dei* dicatur, etiam *beneficentia* *Jehovæ* Ps. xxxiii: 5. De quo postea suo loco. Nullus tamen intercedo, quominus canticum ad tempora N. T., & fideles in similibus positos circumstantiis, adplicetur; cum ita concinnatum sit, ut iis haud male conveniat. Sed haud inprobabile mihi videtur, Psalmum a legis studiosis per omnia sequentia tempora fuisse in usum suum versum, in specie temperibus Maccabaicis, quibus plures fuerunt legis studiosi, similibus quoque infestationibus inproborum expositi. Unde ratio forte repeti posset nominis auctoris cum tempore in obscurum missi, nec non hujus loci in serie Psalmorum mox post Psalmum superiorem, ad tempora Maccabaica pertinentem.

E X P L I C A T I O.

§. VIII. Cum Psalmus valde prolixus, nec adeo difficilis, aut satis illustratus, sit, singularum pericoparum verum conspectum tradidisse, perpetua paraphrasi exposuisse, & nonnullis observationibus, ubi opus fuerit, phrasés illuminasse, contentus ero, neglecta quoque, brevitatis ergo, versione, quam alias præmittere consuevi. *Prima* pericopa, cujus singuli versus cum *prima* littera alphabeti Hebrai-

Hebraici incipiunt, summariam continet totius cantici propositionem, duabus partibus constantem. Quarum prior generali thesi omnigenam prædicat eorum felicitatem, qui, Jehovaham toto corde quærentes, vitam moresque ad normam legis & præceptorum Dei componunt, sibi que ab omni iniquitate & perversitate solícite cavent, vers. 1—3. *Beatos integros via, ambulantes in lege Jehovæ* (h. e. summa felicitas in hac & futura vita illis competit, & eveniet, qui *in via legis*, vel doctrinæ, ad felicitatem acquirendam instituentis, quæ vocis יהוה potestas est, a Jehova profectæ, *integre ambulant*, sive actiones & adfectiones suas sincere & integre, sine fūco & hypocrisi, dirigunt ad normam legis divinæ. *Integri enim via, ambulantes in lege Jehovæ*, sunt, qui integre ambulant in via legis Jehovæ) *beatos observantes instructiones ejus* (oculis micantibus intuentes, & facientes, quod est מִצַּדִּיק, proprie *micare*, *splendere*, *intueri*, ea quæ ad ornandum & felicem reddendum sunt a Deo ordinata; quam notionem vocis מִצַּדִּיק ad Ps. xix: 8. & alibi observavi. Stylo Jacob. i: 25. sunt παρακλῆται εἰς νόμον ἡ ποιῆται ἔργα, quales esse debent, qui *integri via in lege* ambulaturi sunt: quare superioribus recte subjungitur,) *toto corde eum studiose quærum* (Deum consulentes, & sensum legis, seu voluntatem ejus, accurate pervestigantes, ac opem ejus ad exactam præstandam obedientiam precibus inplorantes. Quæ ideæ verbo שָׁרַר involutæ sunt) *etiam non operantur iniquitatem* (sponte, deliberato, data opera non faciunt) qui *in viis ejus ambulant* (*via Dei*, seu a Deo hominibus calcandæ præscriptæ, cum sint æquitatis & justitiæ, fieri nequit, ut, qui eas tenent, iniquitati studeant: quo ipso, a poena, transgressoribus infligenda, liberi, quoque *beati* pronunciari merentur).

§. IX. In posteriore parte, qua generalem instituit superioris thesios ad se adplicationem, α. præmittit necessariam ad præcepta Dei observanda obligationem, ex Dei legislatoris autoritate ductam, vers. 4. *Tu* (supremus do-

minus, legislator & judex) *injunxisti mandata tua* (arcta & severa commendatione & jussu tradidisti *commissa* tua, a te suo tempore visitanda & judicanda: hanc enim emphasin habet verbum צוה, proprie *arctius junxit*, injunxit a, & vox פקדים proprie *mandata*, *commissa*, *injuncta* b) *ad custodiendum valde* (eo scopo ut omni nisu, omnibus viribus intensis, quod est מאד c, accurate observentur. β. Votum suum expromit, ex intimo & flagrante animi adfectu prolatum, quo optat, & petit, ut in firmo eo statu ponatur, quo statuta Dei ea ratione observare possit, vers. 5. *Utinam via meae constabillantur ad observandum statuta tua* (nihil magis mihi in votis est, quam ut firmo & inmotato in statu vitæ positus sim, quo *statuta* tua qualiacunque, instar edictorum, in æs inculpi & publice proponi solitorum, quod est פקדים d, publicata, facere possim, ut vellem, & decet. Respicit ad vitæ instabilitatem tam externam, qua exul oberrabat, & ad multa statuta observanda nunc ineptus erat, quam internam, in animi & adfectuum inbecillitate sitam). γ. Fructus subjungit salutare ab illa observantia, quam optabat, carpandos, vers. 6, 7. *Tunc non erubescam, cum acribus & micantibus oculis intuitus fuerim omnia tua praecepta. Laudabo te recto corde, cum adsuetus fuero judiciis justitiæ tuæ.* h. e. sicut spe non excidam, successu optato rerum mearum non carebo, sed votorum compos fiam, coram te & hominibus confidenter agam; ita te in omnibus sincero corde, & puro ac recto animo, celebrabo, cum in praecepta tua omnia oculos lætus defixerō, ad ea cognoscenda & exprimenda, tuisque rectis justis & æquis legibus, quibus omne jus tibi & proximo præstandum præscripsisti, ita adsueverim, ut meo proprio stimulo ad ea facienda agar. Nihil necesse habeo paraphrasi addere, aut ad verba observare, nisi primariam signi-

a Schultens clav. p. 319. & Hackman animadv. p. 223.

b Vid. ad Ps. xix: 9.

c Schultens ad Job. 11: 13.

d Vid. ad Mal. 111: 22. Ps. 11: 7.

significationem verbi למר esse *pungendi*, indeque *pungendo instimulandi*, sicut למר Jud. III: 31. pro *stimulo*, fuste acuto & pungente, quo boves aguntur, usurpatur, & unde transitive est *docere*, & quidem accuratius ac vehementius, intransitive vero in Kal, ut hic, *instimulari*, quod partim pro *doceri*, partim pro *adsuescere*, & suo ipsius stimulo ferri, sumitur: quod huic loco est aptissimum; cum absolute occurrat, & pii viri habitum egregie exprimat. ד. Denique propositum suum statuta Dei observandi declarat, & in eo preces pro conservatione & liberatione sua fundat, vers. 8. *Statuta tua observabo, ne deferas me valde admodum*. h. e. cum fixum mihi fideat propositum statuta tua accurate præstandi, & tu tales favore & cura tua singulari prosequi soleas, cum fiducia precor, ut mihi te talem quoque præbeas, adeoque cura tua exsolutum me mihi non relinquant, eaque ratione perire sinas. Quam potestatem continet verbum עז, in grege neglecto, omisso & sibi relicto, ut sine pastore vagetur & intereat, teri solitum. Quod huc recte quadrat, cum vers. 176. sese cum *ove errante* comparet. Nec emphasi caret, quod deferi עז כאר *valde admodum* deprecetur. Innuit enim se in eo versari statu, ut videri possit *desertus* a Deo pastore suo, & orat, ne plane & omnino a Deo deferatur, sed *quæ-ratur* ac restituatur; uti vers. 176. expresse supplicat.

§. X. In summarie propositionis *deductione*, quæ sese usque ad ultimam pericopam vers. 169. porrigit, varios suos status, durante hac peregrinatione, recenset, & ad se in singulis istis statibus adplicat, quod modo in genere & summam expresse rat; initio ab ipsa adolescentia sua sumto. Exponit itaque in *secunda* pericopa, quæ *prima* pars deductionis est, qua ratione erga Deum, ejusque legem, fuerit in prima adolescentia adfectus, quantopere Deum quæsierit, voluntati ejus cognoscendæ & faciendæ incubuerit, & a Deo supplex gratiam & opem ad id debite faciendum imploraverit, vers. 9-16. Qua in pericopa ge-
nera-

neralem ponit thefin, ad juvenis vitam puram & nitidam faciendam pertinentem, eamque dein ad fe transfert. *Thefis*, per modum interrogationis & refponfionis propofita, his verbis profertur, verf. 9. *In quo puram & nitidam faciet adolescens viam fuam? observando eam secundum verbum tuum*: fic enim rectius capiuntur & vertuntur verba, ut quaestionem & responsum comprehendant, quam secundum nonnullos solum interrogatum, vertentes uno tenore, *in quo puram reddet adolescens viam suam ad observandum secundum verbum tuum?* cum quod in similibus casibus utrumque, quaesitum & responsum, exprimi soleat, uti habuimus Pf. xv, xxiv, xxv: 12. xxxv: 12, 13. & alibi, nec responsum commode abesse queat, tum quod, *viam puram facere ad observandum verbum*, sensum non fundat tolerabilem, quia pura fit via per observationem verbi Dei, & non ad eam. Vulgatori itaque insistendum est interpretationi, & posterius membrum pro responso habendum. Quae orationis forma eleganter & emphatice inculcat, unicam & certam vitae adolescentis reddendae nitidae rationem esse in ea ad voluntatem Dei revelatam accurate conformanda. Norma vivendi *verbum* Dei adpellatur, quatenus omnia comprehendit, quae a Deo, five immediate five mediate per Moſen, tunc fuerunt Ecclesiae notificata & praescripta. *Juvenis*, seu adolescens, intelligitur, nomine נער non status aut officii servilis, cum absolute occurrat, sed ætatis significatum, ut passim alias, præferente, sed latiore sensu, cum *via* ipsi adscribatur, & ab ipso puritas vitae præstanda exigatur. Puritas *nitida & splendens*, quæ vera est verbi נכח significatio, ut alibi *a* notavi, *via* est totius vitae & conversationis sanctitas & vibrans pulchritudo, in omni pietate & virtute sese exserens, & imaginem Dei præferens, quæ Deo grata, & conscientiae hominum adprobata, illius favorem, & horum laudes, conciliat; adeoque adolescentem reddit amabilem, & vere pulchrum,

oppo-

a Ad Pf. LI: 7.

opposite ad sordes & vitia, quibus juvenus solet esse obnoxia, & deturpatur. Quæ nitida puritas cum non nisi in conformatione ad voluntatem Dei, hominibus manifestatam & revelatam, sita sit: adolescentem vitam suam hac ratione tantum puram reddere, confirmatur.

§. XI. Thesis licet sit generalis ad juvenes in genere pertinet, hic tamen relate ad loquentem proponitur, eo scopo, ut, se in statu adolescentiæ ejus fuisse animi, & eo collineasse, ut viam suam ad legem Dei conformando puram & nitidam redderet, significaret. De quo clare constat, quod mox in prima persona loquatur, & ad se thesin adplicet. Unde colligendum est, totam hanc pericopam ad Davidis, quem hic loqui præsupponimus, adolescentiam, antequam a Deo electus est, & per Samuelem unctus, in regem Israelis pertinere, & eo tendere, ut animi adfectionem, & vitæ puritatem, eo in statu repræsentaret. Convenit quoque in eum, quippe *cujus expectatio & fiducia fuit Deus a pueritia ejus*, quoque *super ipso fultus fuit ab utero*, Ps. LXXI: 5, 6. & XXII: 10, 11. quemque Deus elegit, non ad staturam & ætatem, sed *animum* respiciens, 1 Sam. xvi: 7. Etsi enim per totum tempus fugæ coram Saulo, de quo in hoc Ps. agitur, titulo *adolescentis* insigniri queat, hic tamen strictius sumitur, cum eximie & non nisi talis fuerit, sicut absolute & tantum *juvenis* adpellatur, mox in seq. pericopa *servus* demum Dei dictus: qualis nondum fuit eo tempore. Accedit, ipsum fuisse *minimum* filiorum Isai, 1 Sam. xvi: 11. & passim c. XVII. v. *juvenem* adpellatum, ut vers. 33, 42 & 55.

§. XII. In thesios adplicatione ad se ipsum, qua adfectiones suas erga Deum & legem ejus, simul actuositates, in statu juventutis præstitas, declarat, sese preces & studium proprium ad legem Dei recte cognoscendam ac observandam identidem conjunxisse, testificatur, eoque fini in genere tradit, se Deum toto corde quæsisse, & in specie precum suarum materiam exponit una cum propria actuo-

sitate, cum precibus copulata. Quæ duo præcipua media sunt ad finem illum consequendum aptissima, & necessaria. Præmittit generalem declarationem studii sui sinceri in Deum, quo animum suum ad Deum adplicuit, meditando & orando, vers. 10. in priore membro, *toto corde quæsi te*, scilicet tempore juventutis; de quo hic agitur, & quo verbum temp. præteriti, quo utitur, recte ducit: involvit autem verbum *querere*, ut vers. 2. vidimus, *preces enixissime & studiose fufas*, simul actuositatem sese in voluntatis Dei pervestigatione exferentem. Cujus utriusque exercitii, secum copulati, mox specialem tradit notitiam per duos articulos, utrumque illud complexos. Prior ita habet, vers. 10. 11. *ne me implicitum aberrare facias a præceptis tuis. In corde meo ocului dicta tua, ne in Te peccarem.* Quibus verbis *a.* precum, quarum verbo *querere* meminerat, materiam tradit, phrasî adhibita negante dicens, *ne me implicitum aberrare facias a præceptis tuis.* h. e. precibus meis, te, tempore juventutis, adeundo & querendo, *dixi*, ne me vita & mente ita implicari sinas, ut a præceptis tuis observandis abripiar. Hac enim ratione coherent verba, vers. 10. *quæsi te, ne aberrare facias*, quod idem est ac, supplicando tunc dixi, *ne aberrare facias.* Verbum *me* proprie *implicationem* involvit, & inde *aberrationem*, ab implicatione vitæ & mentis *a*, adeoque recte vertitur, *implicitum aberrare facere.* *β.* Precibus sese proprium addidisse, ut decebat, si precum & votorum compos esset futurus, studium & exercitium, declarat, cum dicit, se *dicta Dei oculuisse*, scilicet tanquam thesaurum, probe conservandum, & animo semper præsentem futurum, quod proprie est *jux b, ne peccares in Deum.*

§. XIII. Posterior articulus, utrumque etiam illud copulatum comprehendens, *a.* preces phrasî adfirmante fufas repræ-

a Schultens ad Har. conf. vi. p. 237.
xxx: 20.

b Vid. ad Pf.

repræsentat, vers. 12. *Benedictus tu sis, Jehova! doce me statuta tua*, mentem illuminando, & voluntatem flectendo, seu me ad ea facienda *instimulando*; quod, ut modo, & sæpe alias, monui, est *כח*. Prius membrum continet formulam, precibus vel ad malum averruncandum, vel bonum inpetrandum, præmitti solitam apud Orientales; uti ad Ps. XVIII: 4. observavi. Addo insignem hanc in rem locum Tob. III: 11. Ceterum pertinet hæc precatio, æque ac superior, non ad præsens tempus, quo canticum fecit, sed ad præteritum juventutis, & a generali declaratione, vers. 10. *quæsi* te, quoque pendet. β. Adjungit, ut supra, actuositates & adfectiones suas, externas & internas, præsentis & futuras, vers. 13-16. *Labiis meis enarro* (occasione oblata in medium ad aliorum instructionem protuli & profero continuo) *complexum judiciorum oris tui* (judicia & jura tua in complexu suo, nihil, mihi notum, reticens) *in via instructionum tuarum gaudio efferor, sicut super universitate opum* (modus agendi & vivendi, *via* nomine notus, quem instructiones tuæ, in verbo & lege obviæ, monstrant, & præscribunt, ad hominem ornandum & felicem reddendum, quæ potestas est vocis *כח*; meditando & observando eum, feroculum illud gaudium, quo quis se jactare & superbire potest, quod est *כח א*, adfert, quod omnium opum coacervatio & possessio ac usus, quo homines se efferre & inolescere solent, producere possit. Descriptio est summi gaudii, & gloriationis, super via ornamentorum Dei) *Spatior* (profunda, & continua lætaque, meditatione; quæ potestas est verbi *כח ב* in *discurrendo*, vel *spatiando* sita) *in mandatis tuis, & acri micanteque oculo intuebor vias tuas* (normam vivendi, a Te nobis præscriptam, semper ante oculos habeo, & in omni conversatione ad eam respiciam intente & accurate) *in statutis tuis memet oblectabo & recreabo* (proprie *de-*
Z 2
liniam,

^a Schultens clav. p. 298. & ad Job. VIII: 19. ^b Id. ad Prov. VII: 20.

liniam, blandimentis & fomentis demulcebo; radix enim speciei duplicatæ verbi *רִיחַ* non est *רִיחַ*, sed *רִיחַ*, cujus proprietas est in *laxitate*, quæ præfocato gutturi adfertur, adeoque in *deliniendo*: de quo ad Ps. xciv: 19. & alibi jam monui) *non obliviscar verborum tuorum* (nihil minus quam hoc, tantum abest, ut hoc facerem, ut in iis exspatiaturus, & memet oblectaturus sim).

§. XIV. *Tertia* pericopa, vers. 17--24. Davidem sistit jam unctum, & ad regnum a Deo destinatum, quo titulus *servi* Dei ducit, vers. 17., sed in continuo *mortis* periculo versatum, quod precatio ibid. innuit, præterea *peregrinantem* in terra vers. 18. objectum odii & persecutionis confessuum principum, vers. 23., desiderio judiciorum Dei, quibus improbos punit, & pios ad afflictos liberat, diu dilatorum, pene fractum animo, vers. 20. adeoque pertinere videtur ad tempus infestationis Sauli & aulicorum in genere, & eo tendere, ut pias ejus adfectiones & actuositates, eo tempore habitas, in genere & summatim exponat. In *prima* pericopæ parte *vita* conservationem a Dei beneficentia supplex petit, eo scopo, ut præcepta ejus observaret, & reiectis oculis mirabilia legis intueatur, vers. 17, 18. *Cumula bona super servo tuo* (cum sim *servus tuus*, a te ad magna destinatus, beneficentias tuas, peto, ut mihi multas præstes, super caput meum quasi in cumulum aggestas, quod est *כָּבַד* proprie *ad accumulavit*, quibus omnino indigeo, ut personam *servi* tui & nunc digne geram, & suo tempore omni ejus emphasi in promissa dignitate positus tuear) *vivam* (ut in vita, quæ in multiplex discrimen venit, conserver, & ea diu ac prospere fruam) & *observem verba tua* (vivere eum præcipue in finem desidero, & supplico, ut verba tua accurate præstem) *retege oculos meos*, & vel ut, *vibrante acie intuear mirabilia e lege tua* refulgentia (observare non tantum, & eo scopo vivere, desidero verba tua, sed & micante oculo mentis penetrare gestio in arcanis legis tuæ sensus, cortice verborum & velo umbrarum invo-

involutos: ad quos cum fine tua pervenire nequeam illuminatione, precor, ut nebulas mentis meæ discutias, quam ideam suggerit verbum גלה, quod in *nubibus discussis*, & caligine noctis remota, frequentari amat, & originem habet in *detergendo*, meque videre facias mirabilia illa, lege tua comprehensa, & inde refulgentia; quo phrasis, mirabilia e lege tua, tendit.)

§. XV. *Secunda* pericopæ pars novam continet instantiam, ex peregrinantis & clientis Dei conspectu, quem gerebat, eductam, qua preces pro observatione præceptorum Dei urget, vers. 19. *Peregrinus ego sum in hac terra, ne abscondas a me præcepta tua* (cum extra lares meos oberrem, omni patrocínio destitutus, & quibusvis aberrationibus a recta via & infestationibus expositus, tuus tamen cliens sim, quare se *peregrinum apud Deum* adpellat, Pf. xxxix: 13. ubi vid. dicta, supplex, & cum fiducia, peto, ut tua mandata mihi ubique præsto sint, ad vias meas dirigendas & tutas reddendas, neutiquam permittens, ut ea mihi quasi velo obducta lateant. Conf. Pf. xxv. & quæ ibi differui). In *tertia* parte a. animam suam fere quassatam jacere præ æstuante iudiciorum Dei desiderio declarat, vers. 20. *Commolita est anima mea æstuatione ad judicia tua omni tempore* (animum ad iusta & æqua tua iudicia, omni tempore exercita in impiis puniendis, & piis vindicandis, adplicans, tanta eum obrui experior æstuatione, ut fere confusus sit & confractus, præ iudiciis tuis dilatis. Prius membrum in genere animæ *contusionem* per *æstuationem* complectitur, & *posterius* ejus originem & causam, in *iudiciis* Dei, omni tempore habitis, nunc non conspicuis, sitam esse tradit. Ad *prioris* intellectum notandum est, verbum סרס sedem habere in rebus crassiore modo confusis & conquassatis, uti cum frumentum, vel aromata prima molitura franguntur, Lev. ii: 14, 16. Unde figurate Thren. iii: 16. *dentes* dicuntur *lapillos*, loco frumenti, *commolere*, ad summam calamitatem exprimendam.

Hic *animæ* adplicitum ejus *contusionem*, tanquam sub lapide molari, denotat, per *æstuationem*, vel adfectum commotum, & *desiderium* vehemens, instar aquæ inundantis animum conterens. Vox enim *מַחַר* sedem habet in æstu maximo, itentidem & statis vicibus recurrente, plane ut vicina radix *מַחַר*, qua cum jam comparavit Rev. Herwerden *a*. Ad posterius membrum observetur, *judicia* Dei hic non *jura*, hominibus præscripta, ut alias, sed ipsa Dei *judicia* proprie dicta, quibus de hominibus, eorumque actionibus, judicat, & præmia ac poenas dispensat, denotare, ut ex sequentibus manifestum est. *Judicia* vero *omni tempore* sunt, quæ Deus omni tempore opportuno & definito exsequi solet. Quæ cum nunc non conspiciantur, impiis impune grassantibus, & piis oppressis, absque ut vindicentur; hinc ortum fuisse proficitur, quod anima sua fuerit æstuatione contusa, & fracta.)

§. XVI. β. Ipsa *judicia*, quæ intendebat, mox accuratius describit, *a*. respectu improborum & legum Divinarum violatorum, vers. 21. *Increpasti tumide elatos, maledictionis fulmine abactos, qui a præceptis tuis divagantur* (sicut antea fecisti, & facere soles tempore suo, ita & nunc fac, superbos & contumaces legum tuarum transgressores acriter & potenter increpando, ut fulmine maledictionis percussi e terra expellantur. Loquitur non de qualibuscunque peccatoribus, qui a præceptis Dei, & eorum observantia, aberrant, sed *tumidis* & *superbis*, qui elata quasi manu id faciunt; eo enim scopo *superborum* titulum præmittit. Dein eos adpellat *מַחַר* proprie *adustos*, primaria enim notio est *urendi*, *adurendi*, quæ superest Num. v: 18. dein, ut hic, maledictionis flagello *ustos* & *abactos*, uti Gen. iv: 11., ut designaret, non quales sint, cum increpantur, sed per increpationem Divinam futuri sint, ita ut increpiti fiant maledicti. Cohæret epitheton illud quidem

a In Disp. Académica, seu specimine observ. ad V. T. quædam loca, sub auspiciis Cl. Schultens F. p. 8.

quidem cum superioribus, sed ea, qua dixi, ratione: quando omnis difficultas evanescit. Ceterum etsi verbo prætemp. utatur poeta, ut, quid Deus antea fecerit, & facere soleat, exponat; tacite tamen insinuat, simile quid se & nunc fieri velle; adeoque illos tumidos transgressores & nunc ita tractandos esse; ut ex seq. versu, ubi forma imperat. utitur, patet.) *b.* Subjungit enim iudicium Dei in sui favorem exercendum, vers. 22. *Volve desuper me opprobrium lacerans, & contumeliam, quia instituta tua custodio* (calumnias, quibus obruor, calamitatem probrosam, quæ mihi inminet, aufer a me, ne opprimar; sum enim institutorum tuorum studiosus observator, adeoque a criminibus mihi in pactis innocens, nec infamia dignus, sed dignus, qui a te liberer. Hunc enim conspectum habet posterius membrum, cum *quia* incipiens: non enim denotat, ipsum opprobrio esse, quod legem Dei observet, ut nonnulli acceperunt, sed rationem continet, quare opprobrium ab ipso sit auferendum, ut exposui. Ceterum, sicut superius verbum *increpasti* votum quoque, ut dixi, involvit, ita forma imperat. *avolve* etiam præteritum *avolvisti*, seu avolvere soles a piis, ut sit, sicut a legis studiosis auferre soles ignominiosam tractationem, mecum etiam huc usque egisti, ita *a me porro avolve*, &c.

§. XVII. *γ.* Ignominiosæ calamitatis sibi inminentis, cujus meminerat, ejusque autorum, clariorem subjungit notitiam, addita, ut semper facit, suæ adfectionis & actuositatis, relate ad legem Dei, testificatione, vers. 23, 24. *Etiam insident principes mihi, construunt secum invicem dolos; servus tuus spatiatur in statutis tuis; etiam instructiones tuæ oblectamenta mea sunt, viri consilii mei.* (Dum dolos mihi struunt principes insidiatores, quibus me irretiant, & contumeliose tractent; ego a statutorum tuorum meditatione non discedo, & a tuis instructionibus sicut voluptatem carpo, ita consilium de salute mea capio. Nihil hic observandum habeo, nisi prius vers. 23^{ti} membrum

non esse cum Interpretibus vertendum, *sedent principes colloquuntur de me*, & de confessu eorum de ipso contumeliose loquentium intelligenda, cum quod pronomen *de*, vel *in me*, non cum verbo *loqui* cohæreat, sequi enim tunc deberet, non præcedere, verbum, ut alias semper, sed cum *sedere*, tum quod phrasis *loqui de aliquo* passim in bonum sumatur, ut Ez. xxxiii: 30. & Mal. iii: 13. ubi vid. comm. noster; sed ita, ut feci, reddenda ac explicanda: *sedere* hic est pro *insidere*, seu insidiari, & *colloqui* est pro *construere* dolos secum invicem nectere: plane sicut Ps. l: 20. *sedes in fratrem tuum, struis*, seu *dolos nectis*, ubi vid. dicta. Sic in seq., uti vers. 110. *impios sibi laqueum ponere dicit*. Cum vero *instructiones* Dei adpellet viros, vel *socios familiares* (quem usum vox *חֲבֵרִים* apud Arab., & in Script. S. uti Ez. xxiv: 17. habet) *consilii sui*, eleganter & emphatice declarat, se pro consiliariis intimis instructiones Dei adhibere, iiscum consulendo, & inde repetendo modum vivendi, & insidias eorum vitandi.)

§. XVIII. Duas sequentes pericopas, ordine *quartam* & *quintam*, eadem quippe petitione *vivificationis* incipientes & desinentes, conjungo, & ad eundem Davidis statum refero; cujus characteres *prior*, seu *quarta*, exhibet. Ex quibus patet, Davidem tristitia & metu probrosæ mortis fuisse correptum, ita ut *anima adbaeserit pulveri*, vers. 25. & *stillaverit prae scrupulo cruciante*, vers. 29. Quam animi adfectionem, durante persecutione Sauli, subinde spiravit, sicut variis in Psalmis, in specie, Ps. vi & xli. cum periculoso laboraret morbo in aula Sauli, nec non Ps. xiii. cum terram Israeliticam deserebat, & ad Philistæos confugiebat, declaravit. Quo in statu qua ratione sese promissis Dei, sibi factis, erexerit, eorum implementum inploraverit, legum divinarum studio manserit adfixus, opemque Dei ad earum constantem observantiam supplicaverit, hisce pericopis fuse & sincere exponit. In *prior* pericopa easdem preces pro vivificatione sua, & legum divi-

divinarum observantia, bis, sed cum insigni variatione, repetit; dein fixum propositum eas præstandi testificatur; & in eo preces pro liberatione sua fundat. *a. Prima* precum propositio ita habet, vers. 25—27. *Firmiter adhaeret pulveri anima mea*, vel halitus; (abjectus, viribus privatus, morti probrosæ proximus, & fere desperabundus, jaceo, sive præ morbo lethifero, uti Ps. VI & XLI., sive violenta persecutione, indeque orta *tristitia usque ad mortem*, uti Ps. XIII. De phrasi dixi ad Ps. XLIV: 26.) *vivifica me* (a morte, ejusque periculo, libera, & fiduciam ac lætitiā inspira: quod mox verbo *erigere* & *stare facere*, vers. 28. exprimitur) *secundum verbum tuum* (convenienter *promissio tuo*, mihi facta, tempore *unctionis meæ*, jussu tuo peractæ, & deinceps. *Verbum* enim hoc loco denotat *promissum*; ut sæpe alias, & in sequentibus) *Vias meas recensui*, & vel *itaque, respondeas*, vel *respondebis, mihi* (adfectiones, actionesque meas, subducto calculo, enumeravi, & recensui omnes, easque tales reperi, ut non indignum me profiteri ausim, cui succurras, & opem feras. Hac enim ratione verba existimaverim esse capienda; usui & scopo eorum, ac nexui convenienter. *Vias suas recensere* hic enim occurrit, tanquam antecedens, & quasi fundamentum *exauditionis* Dei, quam supplicat, adeoque tacite involvit, eas tales esse, ut, preces, modo fusas, Deo acceptas fore, sperare possit. Conf. vers. 58, 59. de quo postea, & Ps. XVIII, XXVI, CXXXIX. & alibi, ubi etiam ad innocentiam & puritatem animi ac manuum provocat) *doce me* instimulando *statuta tua*, *viam mandatorum tuorum* *distincte me fac intelligere*, & *spatiabor in mirabilibus tuis* (de puritate viarum mearum, seu adfectionum & actionum, ad quam provocavi, & illud testatur, quod mihi nihil gratius, magisque in votis sit, quam ut statuta & mandata tua probe & accurate habeam cognita, & in mirabilibus legis tuæ meditando exerceam; quo preces meæ & vota collineant.)

§. XIX. β. *Secunda* propositio earundem precum, ejusdemque generis cum instantia, sed insigni variatione, his verbis profertur, vers. 28—30. *Stillat anima mea prae discruciatione scruposa* (tanta tristitia & sollicitudine conscindente adfecta est anima mea, ut, sicut pes scrupulo ustus & lancinatus sanguinem emittit, lacrymis & sudore sanguinolento diffuat. Verbum *לרף* proprie *serpere*, serpendo fluere, usu teritur in lacrymis & humoribus stillantibus, & vox *והנה* proprietatem habet in *scissione* & *adtritio- ne*, & usum in scissione pedis, sanguinem elicente calculis, scrupulis, asperitate, indeque ad animum transfertur moerore & anxiiis curis discruciatum, ac conscissum, ea- que ratione quasi diffluentem *a*. Ex quo elegantia orationis elucescit.) *Stare me fac secundum verbum, vel promissum, tuum* (corroborare me, ne moerore obruar & fucumbam, prolapsum, & mortis periculo expositum, me erige, & integris viribus me stare fac, ut officio meo defungi possim, denique firmo & tuto in statu me colloca, omnibus malis & periculis ereptum. Quæ omnia phrasi sunt involuta, & supra verbo *vivificationis* expressa) *viam falsitatis remove a me* (fac, ut in vita & conversatione mea longe sim ab omni hypocrisi, mendacio & injustitia, alienissimus,) & *via legis tue gratiam mihi fac* (legem tuam studiose observanti te mihi præbe tenerrimo præditum adfectu. Vox *via* ex præcedente repeti debet, & *via legis gratiam* facere alicui, est secundum eam incedenti id facere) *Viam veritatis elegi* (normam actionum mihi præscripti veritatem, oppositæ ad fucum & falsitatem, cujus modo mentio erat facta:) *judicia tua æquavi* (scilicet mihi, vel animo meo, quatenus jura tua animo deliberato mihi firmiter proposui servanda *æqualiter*, sine prævaricatione aut inclinatione in hanc illamve partem. Quod est *אָוָה* *æquavit*, æqualiter disposuit, inde *intendit*, proposuit, quasi, æqua-

a Vid. Schultens clav. p. 197. ad Har. conf. III. p. 140. & ad Prov. x. 1.

aequavit animo, bene deliberatum habuit *a*. Possit etiam, voce *וַיִּרְוּ* via repetita, uti in posteriore membro vers. praecedentis, verti *via judiciorum tuorum*, quibus Deus homines castigat, vel punit, *aequavi* scilicet *animum meum*, eum componendo, sedando & Deo submittendo, uti Jes. xxxviii: 13. ubi Vid. Cl. Scheide *b*. Quod huc non male quadrat.)

§. XX. *γ*. Tertia pars preces pro liberatione comprehendit, cum testificatione propositi praecepta Dei alacriter & constanter observandi, vers. 31, 32. *Firmiter adhaerescere instructionibus tuis, Jehova! ne me confundas* (spe liberationis, ac prosperitatis excedere patiaris, uti vers. 116. aut probrosa calamitate auferri sinas, vers. 39.) *viam praeceptorum tuorum curram, cum cor meum reddideris amplam* (tristitia & anxietate, quae me depressum tenet, & ad praecepta tua observanda ignaviorem reddit, una cum ejus causa, mortis periculo, depulsa & cum laetitia commutata, alacrem & constantem me praestabo legum tuarum observatorem. Phrasis, *cor amplum*, & *dilatatum*, facere, opposita ad *angustum*, moerore ac metu constriatum & coarctatum, supra memoratum, aliud hic significare nequit, ac animum tranquillum, fidentem, reddere in mediis calamitatibus, eumque laetitia replere, afflictione sublata & finita: uti Jes. lx: 5. Quo facto, ubi declarat se praecepta Dei studiose & strenue observaturum esse, indicat, se per tristitiam & afflictionem haud parum in hac via currenda inpediri, & profitetur, se, in meliore statu positum, totum ad Dei voluntatem conformaturum, eaque ratione & gratum animum, & se beneficio accepto dignum praestitutum esse.)

§. XXI. Sequenti pericopa, ordine *quinta*, vers. 33-40. quae cum superiore connexa est, & ad eam illustrandam tendit, eum opem divinam ad strenuam illam praeceptorum

Aa 2

Dei

a Vid. Cl. Kuypers ad Ali. p. 104.
li ad canticum Hicke p. 44.

b Diss. inaugura-

Dei observationem, quam promiserat, præstandam inplorat, tum liberationem memoratam ulterius urget. Supplicat itaque, *a.* gratiam illuminationis, ut legem Dei, ejusque amplitudinem, intime cognitam habeat, quippe ad eam observandam necessariam, simul eam producturam, vers. 33, 34. *Doce me, Jēbova, viam statutorum tuorum, eamque custodiam alacriter & continuo* (ita me doce, ut custodiam, vel, cum me docueris, custodiam; frustranea non erit instructio tua, sed effectum habebit, quem tu docendo intendis, & ego petendo in oculis habeo. Turbat parumper vox קרב, quæ varie accipitur: mihi placet, vel continuo ad finem usque, pro לַעֲבֹד, uti Lxx. & Chald. verterunt, notione illa ducta a *calcaneo*, extrema hominis parte, quæ communior est opinio, vel vicibus repetitis, intense & alacriter, sicut radix apud Arab. sumitur, pro *iterum atque iterum, impetu post impetum cucurrit equus*; quæ notio *vicis* etiam ex primaria *calcanei* orta est, cum *vicis* soleat *vicem* premere, & quasi *calcaneo* tenere. Cui propius convenit, vers. 112. ubi אֶלֶם in *perpetuum* distinguitur, & ei subjungitur. Posset utraque notio conjungi. Sed pro אֶרְצָה *custodiam eam*, forte, litteris duabus transpositis, rectius legeretur אֶרְצָה *curram eam*, uti vers. præcedente; quod *viae* aptius congruit, & voci קרב, simul orationem concinniores reddit, & variantem; cum mox sequatur idem verbum נָזַר. Nihil tamen muto.) *Distincte me intelligere fac, ut micante oculo intuear legem tuam* (sic enim verbum נָזַר hoc loco capiendum esse autumo, & non pro *custodire*, cum mox verbum שָׁמַר *observare* sequatur, ut tautologia vitetur. Primaria enim verbi נָזַר potestas est *inspiciendi a*, vel *micandi & splendendi b*. Concinit vers. 15.) *& observem eam toto corde* (animitus, sincere & integre.)

§. XXII. *β.* Gratiae illuminanti addi vult moventem & excitantem voluntatem, ac vires ad agendum suppeditantem,

a Schultens ad Job. VII: 2.

b Lette ad V. T. p. 130.

tem, simul obstacula & adfectus contrarios auferentem, & contra tentationes obfirmantem, vers. 35, 36. *Gradiri me fac in via* aggerata & regia *praeceptorum tuorum* (hanc enim emphasin habet verbum *יִרְכֵּךְ*, incedendi modum vehementiorem & *grandiorem* comprehendens, a primaria *uolendi* & *glomerandi* potestate, & vox *נִרְכֵּךְ*, non semitam, tramitem, sed viam *aggeratam* & *regiam*, denotans *a.*) *quia in eo mihi volupe est* (eo enim maxime delector, quod in ea via ita incedam; cujus cum sim animi, gratiam illam tuam cum fiducia petere, & mihi promittere ausim.) *Inclina cor meum ad instructiones tuas*, & ne sit *ad divitias* corradendas: (sic enim rectius posterius membrum suppletur, quam ut solet, repetito verbo *inclinare*, acsi esset, *ne inclina*, cum quod eadem serie orationis minus recte Deo *inclinatio* hominis ad avaritiam tribuatur, pro inclinationis permissione, a quo modo *inclinationem*, non permissivam, sed efficacem ad praecepta Dei petierat, tum quod maiore emphasi polleat vocula *לֵב* absolute posita, sive usum negandi emphaticum involvat, ut sit, *ne fiat*, absit, absurdum est *b*, sive vim suam originalem exferat *constringendi*, inde *arcendi*, inhibendi, ut sit, *constringe*, inhibe, cor meum *ad lucri appetitum*, ne in eum erumpat: est enim imper. in Pih. rad. *לִבְךָ* *constringere*, *arcere* *c.* Supplicat vero non in genere *inclinationem cordis* ad praecepta Dei, quippe quam sese habere modo professus erat, sed in specie tempore tentationis per divitias, & opes corradendas, ne per eas a praeceptis Dei abstrahatur, quod facile fieri posset, nisi Deus eo ipso tempore animum ejus ad praecepta sua inclinaret.)

§. XXIII. *γ.* Sequuntur preces pro vivificatione, seu consolatione & liberatione sua, quibus *a.* orat, ut, oculis a vanitatis contemplatione abstractis, in via legis Dei incedens bonum desideratum consequatur, adeoque ut

Aa 3

dig-

a Vid. ad Jer. vi: 17. & xviii: 16.

b Vid. ad Ps.

xxxiv: 6. lvii: 1.

c Vid. ad Jer. xv: 15.

dignum sese præstet, qui votorum compos fiat, vers. 37. *Transire fac oculos meos, ne videant vanum, in via tua vivifica me:* (des mihi illam gratiam, ut vana & prava vivificandi media oculo transitorio, non intento & inhærente, adspiciam, meque legis tuæ normæ adfixum teneam, ea-que ratione a Te erigar, & eripiar. Concinit fere petitio vers. 29. *viam mendacii remove a me, & via legis tuæ gratiam mihi fac;* ut ibi exposui. Posterius enim nostri *versus* membrum, *in via tua vivifica me*, eodem modo capiendum est, quo vers. 29. *lege tua gratiam mihi fac;* adeoque idem est ac, *in via legis tuæ incipientem vivifica me.*) *b.* Directe supplicat promissorum Dei, sibi factorum, inplementum, sese in relatione sua ad Deum, & adfectione sua, ei congrua, fundans, vers. 38. *Stabile redde servo tuo dictum tuum* (promissum, mihi, servo tuo, datum, fac ut sit ratum, illud implendo) *qui timori tui addictus & devotus sum:* (sic enim verba accipienda esse cum nonnullis existimo, cum quod eum sensum facile admittant, *qui* enim ad *servum* proxime spectat, & לַיְיָ *timori tuo* recte sumitur pro timori dedito, qui totus est in eo, tum quod, assim ad bonam & piam suam adfectionem provocet, & in ea sese fundet in precibus suis, tum quod promissi inplementum eam conditionem habeat,) *c.* Addit preces pro amovendo opprobrio, quo lacerabatur & verbis & factis, cui ne succumberet metuebat, animo nunc fractus; fundans sese in æquitate & bonitate judiciorum Dei, quibus bonis bene & malis male cedere solet, vers. 39. *Transire fac opprobrium meum, quod anxius reformido* (calamitatem probrosam, quæ me premit, cessare fac, meque ab omni calumnia, & malo infami, libera, ne, quod metuo, & animum valde sollicitum tenet, ita ut *pulveri adhæreat*, vers. 25., succumbam, & mala morte peream. Radix אַרְבִּי Arabibus teritur in *formidine* graviore & *angere a*, yi originis vero, si cum אַרְבִּי conferre, quod Coccejo &

a Vid. Schulze ad Job. I. 11: 25.

& aliis placet, liceat, adfert *contractionem sui maticulosam*, vel & declinationem, inflectionem sui, inde oritur) *quia judicia tua bona sunt* (mali, me prementis, remotio- nem eo nixus fundamento a Te supplex peto, quod *judicia* tua, quibus præmia & poenas dispensas, *bona sunt*, adeo- que iusta & æqua, hominum statui, & qualitatibus actioni- busque, congrua; piis itaque non noxia, sed salutaria, quibus ad emendationem & salutem promovendam a Te castigantur.) d. Talia cum sint *judicia Dei*, ipse vero pius, sit & bonus, apte, per modum conclusionis, subjungit supplicationem vivificationis suæ, in pia animi adfectione fundatam, vers. 40. *Ecce aestuo ad mandata tua, vivifica me per justitiam tuam*: (leges tuas inipune violari, mihi ægre admodum est, eas vero observari a me & aliis arden- ter expeto; quod utrumque verbo כח, ut vers. 20. vidi- mus, comprehensum est: peto itaque supplex & cum fi- ducia, ut me erigas & eripias, probrum a me removendo, per *justitiam tuam*, cum tua *judicia bona sint*, & *justitia* convenienter agas. Vid. ad Ps. xxxi: 2.)

§. XXIV. *Sexta* pericopa vers. 41--48. respicit ad statum Davidis, quo, a Saulo, ejusque consiliariis, obsessus, oc- casionem nactus est fiduciam suam in Jehova, & spem plenissimæ liberationis, cujus causa ab illis illudebatur, simul puritatem a criminibus, ipsi falso in pactis, coram ipsis de- fendendi, ipsosque refutandi ac prostituendi; quod bis ab ipso fuisse actum, ex historia constat. Eo nos utique du- cere videntur vers. 42 & 46., uti suo loco exponam. Eo tempore qua ratione Deum oraverit, & adfectiones suas erga legem Dei expromserit, hac pericopa enarrat: sunt autem ejus partes *duæ*, altera *propositionem*, altera ejus *deductionem* complexa. In *priore* tradit, se liberationem a præsentem periculo inplorasse, & beneficentiæ Dei demon- strationem, ut causam suam cum fiducia & prospero effe- ctu agere possit contra hostes, vanam fiduciam in Jehova sibi exprobrantes, & necem ejus quærentes, vers. 41, 42. Obve-

Oboeniant mihi benignitates tuæ, Jehova! salus tua secundum dictum tuum. Et respondebo carptori meo verbum, quia verbis tuis, seu promissis, confido. h. e. Præsta te mihi benevolum, mihi succurrendo, meque liberando a præsentē periculo, convenienter promisso tuo, ut habeam quod conviciatori, & illusori meo, qui mihi pudenda crimina objicit, & spem meam irridet, reponam, ipsumque valide refutem; quod fidenter a Te peto, promisso tuo nixus. Cum dicit, se *carptori suo responsurum* esse, se illud coram facturum, adeoque cum eo præsentē acturum, & causam suam defensurum esse, haud obscure indicat: cum vero mox subjungat, se *in verbo Jehovæ fiduciam* habere repositam, eo quoque respexisse calumniam, ut fiduciæ ejus bonitas ipsi fuerit ab obrectatore objecta, tacite insinuat. Ex quo elucescit, pericopam recte referri ad duos illos casus modo memoratos, quibus sese coram Saulo defendit, & calumniatoribus os obstruxit: selecta & emphatica phrasis est, *respondere carptori*, vel obrectatori, *verbum*, quæ, uti recte exposuit Cl. Schultens ad Prov. xxvii: 11., ubi eadem occurrit, adversario, litem intentanti, & opprobria intorquenti, tanta cum efficacia & convictione responsum reddere, denotat, ut confundatur & manus præbeat. Quod Saulo bis contigisse a Davide, constat ex 1 Sam. xxiv & xxvi.

§. XXV. In propositionis *deductione* & amplificatione, a. preces phrasi negante, quæ adfirmantem includit, repetit, easque fundat in judiciorum Dei expectatione, ac proposito præcepta Dei in perpetuum observandi, vers. 43, 44. *Ne excutias ore meo* (*excuti* per metum aut violentiam persecutionis ne patiaris, ut eloqui non ausim: verbum enim לַי violentam continet *extractionem* & despoliationem) *verbum veritatis* (quo meam innocentiam & fiduciam in te firmiter defendo, & causam veritatis fortiter ago, *carptori meo respondens verbum*) *ad usque valde* (ad enissimè & intensissimè proloquendum: sic enim illud כָּד עַל
est

est capiendum & supplendum. Quæ vocalæ nec cum *non eripere*, nec cum *verbo veritatis* proprie cohærent, sed cum verbo tacito, & negante phrasi, *ne eripe*, involuto, *proloqui*, seu *respondere verbum*, vers. 42. ut sensus sit, ne mihi extrahi patiaris verbum veritatis, intensissime & ad obrectatoris confusionem proloquendum, ita ut illud facere nequeam; seu, quod eodem redit, *ne mihi extrahas*, sed *proloqui* facias verbum veritatis enixissime,) *quia iudicia tua* tenaciter & patienter *expecto* (*iudicia tua bona* vers. 39. quibus causam meam ages, jus mihi facies, & hostes meos vindicabis, *expectans*, fidenter a te petere ausim, ut mihi adversario meo respondere liceat ad ejus perversationem. Alias in hoc Ps. *verbum*, seu *promissum*, *Dei expectare* dicitur, vers. 74, 81, 114, 147.) & *custodiam legem tuam continuo* (& eo nixus fundamento mihi hoc promitto, quod fixum mihi stet propositum, legem tuam quotidie, sine intermissione, observandi: pendet enim & hic versus a præced. כי *quia*) *in seculum & usque* (non *quotidie* & continuo tantum quod est חמיר, cum adlutione ad cultum quotidianum, de quo usurpari solet, sed & in perpetuum, quamdiu vixero: quod hic emphatice exprimitur phrasi, quæ alias absolutam denotat æternitatem. Sufficisset simpliciter ע-ל, uti mox vers. 93.)

§. XXVI. β. Precibus alia forma repetitis, subjungit fiduciam earum exaudiendarum, indeque ortam expectationem status sui prosperi, & victoriosæ suæ defensionis coram Saulo & consiliariis, vers. 45, 46. Prius his verbis profert, vers. 45. *Utique in latitudine itabo, quia mandata tua studiosus investigo*. h. e. Cum mandatis tuis intelligendis & observandis totus incumbam, ea me tenet spes, fore, ut omnibus angustiis tandem eripiar, & prospere ac tuto incedam. Quod hic est *in latitudine itare*; ut Ps. cxviii: 5. & alibi habuimus. Quam ipsam spem expressit in colloquio cum Saulo, & firmiorem inde retulit, ut ex historia constat. *Posterior* hæc continent verba, vers. 46.

¶ *loquar in ornamentis tuis* (tuis instructionibus & præceptis ornatus libere & palam disseram, causam tuam & meam intrepide agens, & carptori meo *verbum respondens*, ut est vers. 42. Hunc enim verborum esse sensum autumaverim. Verbum *לרר* hic usum forensē, ut sæpe alibi, exerit, & *disceptare*, causam agere ac longius deducere, denotat, *loqui in ornamentis*, seu instructionibus, non est *de illis* disserere, quod est insolitum, sed iis vestitum ac munitum, vel incedentem, disceptare, uti vers. 14 & 29. *in via instructionum* & legum) *coram regibus* (Saulo & consiliariis, & quibuscunque aliis, si occasio ferat) ¶ *non confundar* (causa non cadam, cum pudore tanquam victus non discedam, sed obloquentes & obtrectantes confundam, uti vers. 42. habuimus).

§. XXVII. γ. Desinit pro more in mentis adfectione & proposito, respectu legis divinæ, testificando, vers. 47, 48. *Et, vel itaque, memet oblectabo in præceptis tuis, quæ diligo* (eorum meditatione & observatione me oblectabo & recreabo; uti vers. 16. habuimus) ¶ *palmas meas ad præcepta tua adtollam*, (admirabundus, gloriabundus, & vincerabundus recipiam, meosque in usus vertam, præcepta tua. *Manuum* enim *sublatio* talium adfectionum signum esse solet, & huc recte quadrat:) ¶ *discurram in statutis tuis* (profunda & continua meditatione me læte in iis exercebo. Vid. ad vers. 15.)

§. XXVIII. *Septima* pericopa, vers. 49-56. recte ad statum Davidis refertur, quo, manibus Sauli tandem plene elapsus, sedes posuit magis fixas in terra peregrina, sicut fecisse inter Philistæos legitur, 1 Sam. xxvii. Quo in phrasi *domus peregrinationis*, vers. 54. haud obscure respicere videtur: indicat præterea, sese maiorem consolationem ac spem fuisse nactum, ex promissorum Dei, sibi factorum, aliquali inplemento, quod persecutionibus superborum non succubuerit, sed salvus evaserit. Hoc in statu positus quas habuerit adfectiones, qua ratione Deum
orave-

oraverit, sese erexerit, & occupatum tenuerit, exponit in hac pericopa. Declarat itaque α. sese, majore spe animatum, Deum cum aliqua fiducia supplicasse, ut promissi, sibi facti, memor sit, illudque ipso facto demonstret, vers. 49. *Acri mentis vigore retine verbum, seruo tuo factum*) demonstra ipso facto promissum, mihi, seruo tuo, datum, tibi semper præsens obversari, iHud præstando & implendo) *propterea quod sperare me fecisti* (sic rectius, & stylo Script. convenientius, redditur, quam, ut passim solet, *super quo sperare me fecisti*, cum, ut alii jam observarunt, tunc legi debuisset עַל־יְיָ *super quo*. Sed ne sic quidem res plana est, cum quod sufficientis rationis, Deum ad recordandum *verbi*, Davidi facti, moventis, conspectum vix habere queat *expectatio*, Davidi facta; tum quod verbum עַל־יְיָ nusquam transitive, sed semper intransitive usurpetur, *expectare* denotans, non *expectare facere*. Rectius itaque forte adoptatur notio *moras trabendi* & cunctandi, quam subinde, ut notum, præfert., & pronomen adfixum יְיָ pro separato sumitur, ut vertatur, *moratus es mihi*: orabit itaque Deum, ut verbi *recordari* velit, propterea quod moras sibi in liberando traxerit, eaque ratione visus fuerit oblitus *verbi*, seu promissi, sibi dati.)

§. XXIX. β. Triplex solatii sui in afflictione fundamentum memorat, *primum* in promisso Dei, *secundum* in legis divinæ constante observatione, non obstante illusione superborum, *tertium* in iudiciorum Dei recordatione. *Primum* his verbis, vers. 50. *Hoc solatium meum est in afflictione mea, quod dictum tuum vivificet me*: (dicto, seu promisso, tuo erectus, & animatus, afflictionem meam patienter, & submisce, animo non despondens fero; dum mihi promitto, te promissi memorem esse, licet moras nectas.) *Secundum* vers. 51. *Superbi* (tumore inflati & insolentes) *illuserunt mihi intensissime, a lege tua non declinavi*: (& hoc mihi animum addit, quod superbiorum illusiones, quibus spem & pietatem meam traduxerunt, me ni-

hil moverint a legis tuæ observantia. Pendent & hæc a particula *quia* repetenda, & novum solatii fundamentum continent, in eo situm, quod per illusiones insolentium hominum se passus non fuerit a Dei obedientia abstrahi, vel minimum dimoveri. Respicit ad superiores illusiones a Saulo & aulicis, aliisque improbis) *Tertium* hæc verba exhibent, vers. 52, 53. *Recordatus sum iudiciorum tuorum a seculo, Jehova! & consolationem nactus sum* (memet tranquillavi, & commotiorem adfectum metus, & indignationis, sedavi, dum gravem passus sum infestationem, ad animum revocando judicia tua olim, & per omnia tempora præterita, exercita in improbos, legum tuarum contumaces violatores.) *Procella venenata stringendo pressit me ab improbis, qui legem tuam plane missam fecerunt:* (recordatione iudiciorum Dei me recreatum fuisse, recte, & solido fundamento, dixi, quia persecutores mei, qui instar procellæ venenatæ, me strinxerunt & pene enecarunt, fuerunt tales improbi, quales Deus judiciis suis semper & ab antiquo solitus fuit ferire. Hunc existimo verborum esse sensum & scopum. Emphasis orationis residet in eo, quod procellosa infestatio, quæ ipsum strinxit, profecta fuerit *ab improbis*, qui legem Dei penitus rejecerant, & eo tendit, ut, sese ex iudiciorum Dei recordatione consolationem recte percepisse, demonstret. *Procella* itaque *venenata*, æstu adurens & suffocans, quæ vera est notio vocis נֶאֱחָזֵה, uti ad Pl. xi: 6. observavi, *ipsum stringens*, & enecatura, *ab improbis*, est, quæ ab ipsis fuit profecta, & inmissa; qui usitatus est præf. נֶאֱחָזֵה, ex, usus.

§. XXX. γ. Subjungit jucundam, & piam, suam exercitationem in domo peregrinationis suæ, qua sese in præsentis occupatum tenebat, de lege Dei faciendo cantica sua, & nomen Jehovæ læta mente recordando, seseque continuo ad præcepta Dei observanda obligando & excitando: quam delectabilem occupationem sese pietati suæ, tan.

tanquam fructum, acceptam ferre declarat, vers. 54-56: *Psalmi sunt mihi statuta tua in domo peregrinationum mearum* (dum stabilem aliquam sedem in terra peregrina nactus sum, oberrationibus meis finitis, me legem Dei meditando oblecto, indeque materiam canticorum faciendorum fumo, quibus canendis me occupatum teneo) *recordor nomen nominis tui Jehovæ* (altera mei exercitii pars est, vim & amplitudinem nominis tui augusti, & memorialis, Jehovæ, continuo ad animum revocare, ut fidem & spem meam, in eo nomine repositam, alam, & firmiorem reddam. Vis orationis sita est in nomine Jehovæ, ejusque potestate & vero conspectu; quare verti non debet, *nominis tui, o Jehova! sed, ut feci, nominis istius tui Jehovæ*. uti Pl. cix: 16. De cujus significatione & usu satis constat, & sæpe exposui) *& observabo legem tuam* (nominis tui Jehovæ recordatione fidem & spem meam jure corroborare possum, cum fixum mihi sedeat propositum, quod continuo renovo, & quo me tibi obstringo, leges tuas accurate observare in posterum;) *Hoc accidit mihi, quia mandata tua custodivi* (hoc tam inligne bonum, quo in præsentia fruor, modo memoratum, mihi contigit, quasi ex alto delapsum, quod proprie est *היה cecidit ex alto*, inde *existit*, quia mändatorum tuorum accuratum me semper præstiti *inspectorem & observatorem*: quem utrumque significatum admittit verbum *נזר*, ut supra quoque vidimus.)

§. XXXI. *Ostava & nona* duæ sequentes pericopæ omnino connexæ sunt, adeo ut ultimus *ostava* versus cum sequente pericopa manifeste cohæreat, ut mox patebit. Repræsentant vero Davidem in novas conjectum angustias, a turmis prædatricibus ortas, & per ipsos socios, vel tumidos & insolentes inter eos, quoque auctos, indeque per singularem Dei directionem ereptum. Quo in casu quales habuerit affectiones erga Deum & legem ejus, qua ratione Deum oraverit, eique adhæserit, & quem fructum ex hac nova afflictione retulerit, in his pericopis exponit.

Cum autem præcedens pericopa ad ejus mansionem in urbe Ziclach inter Philistæos, ut modo vidimus, pertineat; & ibi funestus casus ei obtigerit, quo per Amalekitas fuit omnibus rebus orbatus, a locis calumniis obrutus, & infestatus, ipse vero in Deo sese erexit, oraculum ejus consuluit, legi & amoris Dei adfixus mansit, & feliciter res suas restituit, uti narratur 1. am. xxv., ad illud tempus has pericopas retulerim, eo etiam fidentius, quod inter Ps. *ixvum*, ad eum casum pertinentem, ut in Comment. ad eum exposui, & has pericopas sit notabilis convenientia. In *priore*, seu *octava*, pericopa, vers. 57—64. declarat. *α.* se, in eo statu positum, palam & ipsi Jehovæ professum esse, portionem suam, seu bonum sibi sufficiens, esse non opes & possessiones hujus seculi, sed Jehovam, ejusque communionem, seseque ad voluntatem Jehovæ faciendam esse inclinatum & obligatum, vers. 57. *Portio mea es Jehova, dixi, ad observandum verba tua* (omnibus meis rebus spoliatus, non murmuravi, nec nimium me affixi, sed me Jehovam habere pro portione mea, qua contentus sum, sincere coram ipso Jehova, & ipsi dixi, simul me unice verbis ejus observandis esse deditum, illudque præstiturum. Concinit dictum Ps. iv: 7; 8. & quod *sese in Jehova*, legatur, *confortasse*, 1 Sam. xxx: 6. Verbum *dixi* sese ad præcedens recte porrigit ac sequens, uti sæpe fit, & alibi productis exemplis demonstravi. Priores autem voces, *portio mea Jehova*, non per *est*, sed *es*, suppleri debent, ut recte Lxx instituerunt, cum Deum mox & deinceps adloquatur. De voce *p̄n* ejusque sensu dixi ad Ps. xvi: 5.

§. XXXII. *β.* *Preces* recenset, illo tempore fufas, quibus Jehovam, portionem suam, ardentem supplicavit, ut tenerimum suum adfectum erga se exserat, sibi que opem ferat, vers. 58. *Precibus trivi faciem tuam toto corde dicens, tenerimum adfectum mihi demonstra secundum dictum, vel promissum, tuum:* (supplex & instantem, favorem
tuum

tuum ambiens, toto corde te oravi, ut me favore tuo frui sinas, & opem feras: plane sicut Ps. iv: 2. eodem etiam verbo adhibito, nec non vers. 7. *Multi dicunt, quis videre nos faciet ubertatem? adtolle super nobis lucem vultus tui, Jehova! ubi vid. dicta.*

§. XXXIII. γ. Precibus sese adjunxisse accuratam investigationem viæ, quam in præsentē illo casu tenere debeat, & conclusisse, sibi nihil tutius & conducibilius esse, quam ut sese ad institutum & ornamentum Jehovæ conferat, & componat, his verbis apte subjungit, vers. 59. *Perpendi accuratius vias meas, & reduxi pedes meos ad ornamenta tua.* (Subtilius, & consiliis elibratis, perpendi, quid mihi agendum, & quæ via mihi tenenda sit, ut his angustiis eripiar, & res collapsas retituam; cujus deliberationis effectus fuit, ut via mihi insistendum esse decreverim, quam Deus ipse præscripsit, adeoque ad ejus oraculum consulendum me recepi, & præceptis ejus observandis adstrinxi. Quem sensum casui, de quo hic agitur, congruum, ut ex 1 Sam. xxx. liquet, cum verba admittant, in eo lubens acquieverim. De verbo *און* dixi ad Ps. lxxiii: 16.) δ. Proposito deliberato ad effectum redacto, & de via tenenda instructione accepta, tradit, sese sine mora, concitato inpetu, effectui illud dedisse, vers. 60. *Concitate festinavi, nec præ molliæ me tardum præstiti, ad observandum præcepta tua.* (Quibus verbis licet, se ad omnia præcepta Dei faciendā alacrem & paratissimum esse, insinuet, videtur tamen in specie & directe indicare, se, oraculo Dei accepto, sine mora, omni molliæ animi deposita, & fiducia erectum, adgressum esse illud opus, sibi injunctum, quo hostes adsecutus est, profligavit, & omnia sua bona, cum ingente spoliū copā recuperavit: uti 1 Sam. xxx. narratur. De verbis obiter tantum moneo, radicem *און* in origine habere *concitationem*, & inde inter alia ad *celeritatem* & *promtitudinem* transire, ut
alibi

alibi *a* notavi; מִן vero, Arabibus superstitem, significare *lenem, mollem lentum esse*, unde facilis transitus ad *cunctationem* prae mollietie, quam in Script. S. praefert.)

§. XXXIV. *a*. Calamitatis & angustiarum, quas in oculis habet, notitiam tradit, veri. 61. *Conspiratae catervae improborum me invadendo spoliarunt, institutionis tuae non sum oblitus.* (Opibus, possessionibus & bonis, omnibus a turmis praedatricibus improborum spoliatus, me legi & institutioni tuae tenui adligatum, ne quid indigne facerem, & ut a Te instruerer, quid mihi agendum sit. Nullus casus Davidi contigit, cui haec verba conveniunt, nisi quo ab Amalekitis spoliatus est, ad quem itaque recta ducimur: modo verba huius sensum ferant. quem nonnulli Interpretes adoptarunt. Voce מִן *catervam* constrictam, & arte colligatam comprehendendi, constat ex 1 Sam. x: 5, 10. admittit quoque propria radices potestas, in *torquendo* & *constringendo* sita: unde aliae notiones facile derivantur. Sed מִן in Pih. vix videtur *spoliandi* admittere usum, nisi a מִן derivetur, cuius potestas residet apud Arab. in vehemente & infesta incursatione, qualis est leonis in praedam irruentis; unde מִן pro *præda*, etiam forte pro *incursatione* hostili Tseph. iii: 8. Sed cum inde analogice oriri nequit מִן in Pih., statuendum est, vel radicem מִן, quæ *iterationem* denotat, ex vicinitate מִן transferri posse ad *circumplectionem* hostilem & praedatricem: exserit utique in lingua Aethyopica usum *circumplecandi* *b*, vel litteris transpositis מִן esse pro מִן; qualia non desunt exempla similia: nisi quis ita legi hic velit: utique duo cod. Mss., teste Houbiganto, habent מִן) 5. Ad enixum suum studium legis & pietatis fortius exprimendum interferit, se media nocte surgere ad Deum propter jura justa & æqua laudandum, seque pro intimis focis non nisi Dei timentes, & mandata ejus observantes, agnoscere, eo opportunius, quod

eo

a Ad Ps. Lv: 9. *b* Vid. Boch. Hieroz. p. 1. p. 548. & Ludolf. Comm. ad Hist. Aethiop. p. 206.

eo ipso tempore sese nonnulli sociorum ejus demonstrant Dei & pietatis minus studiosos, & temporalia bona nimis sectantes; uti ex Ps. iv. & 1 Sam. xxx. liquet. Verba ita habent, vers. 62, 63. *Media nocte surgam*, (surgere soleo) *ad te laudandum propter judicia justitiæ tuæ* (jura tua æqua & justa; vers. 7.) *Socius ego*, seu *sum*, *omnibus tui timentibus*, & *mandata tua observantibus* (non cum illis animo & studio conjunctus sum, qui temporalia bona & placita sua præferunt timori tui, sed postponunt, & tibi adfixi hærent in mediis calamitatibus.)

§. XXXIV. ζ. Pericopam terminat in celebratione beneficentiæ Dei, qua terra plena est, & supplicatione institutionis Divinæ, viam ita parans ad sequentem pericopam, quæ ad calamitatem ejus reparatam, ut mox patebit, pertinet, qua eandem etiam celebrationem & precationem repetit, vers. 68. Verba ita habent, vers. 64. *beneficentia tua copiosa*, *Jehova! plena est terra: doce me statuta tua*, (cum tu, Jehova, benevolus sis rector mundi, & liberalis bonorum dispensator, quibus terræ ejusque incolis abunde prospicis, eaque lubenter effundas, in primis in tui, legisque tuæ, studiosos, ego quoque nunc illud experiar, & experturus sim magis, modo statuta tua exacte observem, quod mihi maxime volupe est, & animo sedet fixum, precor, ut mihi gratia tua adjuvante ad sis, me docendo statuta tua, & excitando ad ea observanda. Celebrat quidem in genere benevolentiam Dei rectoris mundi, qua terram reddit fertilem, & incolas omnibus replet bonis, sicut Ps. civ. pluribus exequitur, sed, se quoque in ea beneficentia partem habere, & habiturum propriam magis, insinuat, sicut mox in seq. pericopa exponit. Subjungit vero preces pro observatione statutorum Dei, quia per eam solum se dignum, vel aptum, præstaret, qui eo beneficio mactetur, simul ut indicaret, sibi non tam curæ cordique esse illis frui bonis, quam Dei

C c

commu-

communione; uti vers. 57. declaravit, & mox vers. 72. expressius testificatur; sicut Pl. iv. quoque fecit.)

§. XXXV. In *nona* pericopa, vers. 65—72., quæ Davidem a superiore afflictione liberatum representat, *a* proxime præcedentem declarationem generalem & petitionem *bis* repetit, & ad præsentem suum statum applicat, vers. 65—68. *β*. Adfectiones suas longe diversas esse a superborum & mundanorum hominum, circa legem Dei, afflictiones, & bona hujus vitæ, testificatur, vers. 69--72. *a*. Declarationis & precationis *prior* pars *a*. beneficii, Davidi facti, gratam continet agnitionem, vers. 65. *Bene cum servo tuo egisti, Jebova! secundum verbum, vel promissum, tuum.* (Sicut per omne tempus, ex quo me *servum* tuum constituisti, & *promisso* te mihi devinxisti, præclare mecum, illi relationi ad Te, & promisso, convenienter, egisti, me ab omni infectione & periculo liberando, & insignia facinora per me patrando; ita nunc quoque in præsentia, funesto casui me eripiendo, in integrum restituendo, ac multa præda ditando. Adplicat itaque generalem declarationem beneficentiæ Dei, modo factam, ad se, & magna bona sibi tam antea, quam nunc, a Deo contigisse gratus confitetur.) *b*. Preces pro sapientia & prudentia in posterum præstanda subjungit, & earum exauditionem urget a firma sua adhæsione præceptis Dei, nunc per ipsam afflictionem firmiore adhuc facta, vers. 66, 67. *Bonitatem gustus & scientiam doce me* (sapientiam & prudentiam in rebus discernendis & efficiendis mihi instilla; ut verum inter & falsum, bonum inter & malum, probe distinguam, illud eligam & efficiam, hoc fugiam & repellam. Vox *gustus*, *gustum* denotans, ad mentem relata facultatem judicandi & discernendi, seu *sapientiam*, altera *practicam scientiam*, seu *prudentiam*, hic significat.) *quia in præceptis tuis firmum gressum posui* (sapientiam & prudentiam a Te recte & fidenter peto, quia, *præceptis tuis* me firmiter adhæsurum esse, constitui, adeoque

que aptus sum, qui sapientiam & prudentiam a te consequar, cum quod tuo ductui me tradidi, & servus sum tibi obsequiosus, tum praecepta tua, bene intellecta, adplicata ad omnes casus, & observata, sapientem me & prudentem reddere queant. Verbum *יָמַן* proprie esse *firmum gressum facere*, notum jam est.) *Antequam afflictus fuero, implicitus aberravi, sed nunc dictum tuum observo* (ante hanc meam afflictionem, a qua nunc liberatus sum, qua *disfluxi*, omnibus bonis & opibus privatus, quod proprie est *נָזַף* *fluere*, effluere, via & mente *implicitus*, anxius & metu correptus, & angustiis pressus, nec satis ad legem tuam & officium meum attendens, aberravi a recto tramite, & consilium cepi temerarium; quæ amplitudo potestatis est verbi *אָפְּלָה* a & *נָזַף*; sed nunc per hanc castigatus calamitatem, & meliora edoctus, accuratius & arctius me ad tua verba & praecepta adstrinxi, eoque etiam scopo *sapientiam & prudentiam* a Te petii, ne in simile aut aliud temerarium facinus prorumpam, sed ut res meas prudentius agam. Respicit, ni fallor, ad temerarium consilium, quo, metu Sauli, ad Philistæos confugerat, seseque iis in bello cum Saulo & Israelitis adjunxerat; quod secuta est calamitas, ipsi ab Amalekitis inflicta: per quam ad saniores mentem est redactus: uti hic declarat. Ex quo simul elucescit, quam apte modo petierit a Deo *sapientiam & prudentiam*; uti modo exposui.) *Posterior pars*, eandem declarationem & supplicationem repetens, vers. 68. his verbis profertur; *bonus tu & benefaciens, doce me statuta tua* (cum benevolus sis Deus, & bona lubens ac largiter communicates, sicut & mihi te nunc præstitisti, ego vero ad legem tuam accuratius observandam inclinatus sim, repeto petitionem meam, ut me doceas statuta tua, & ad ea facienda continuo *exstimules*.)

§. XXXVI. β. *Altera pericopæ pars*, pias Davidis adfectiones, relate ad hunc casum, & hominum superborum

C c 2

rum

rum ac mundanorum judicia ac dispositiones, complectitur, vers. 69--72. *Prima* respicit ad iniqua aliorum de ipsius pietate & favore Dei erga ipsum judicia, magna specie colorata, vers. 69. *Incrustarunt tumidi & insolentes super me fucum falsitatis; ego toto corde mandata tua observabo.* h. e. Falsis superbiorum hominum de mea pietate ac relatione ad Te iudiciis, & ratiociniis magna specie obductis, quibus mihi hypocrisin objecerunt, & favorem Dei erga me impugnarunt, opposui piam meam adfectionem erga statuta tua, quibus me declaravi adfixum mansurum in perpetuum. Respicit ad sociorum, inter quos fuerunt *viri nequam* & intolerantes, calumnias & infestationes, quibus ipsum eo tempore petierunt, ita ut de ipso lapidando cogitarint, 1 Sam. xxx. De quibus haud absimili modo locutus quoque est, Ps. iv: 3., ubi vid. comm. noster. De verbo *חָמָה* proprie *incrustare*, *illinere*, tectorio superinducere, & *קָוָה* proprie *fuco*, seu colore rubro, & met. *colore illito falsitatis*, ac mendacio, vid. Schultens *a*. *Secunda* carnalia & mundana superbiorum illorum desideria & oblectamenta, iisque opposita sua Spiritualia in lege Dei, comprehendit, vers. 70. *Obesatum est sicut pinguedine cor ipsorum, mea linimenta*, seu oblectamenta, sunt *lex tua*. h. e. Superbiorum, quorum memini, corda sicut turgore inflata sunt, ita non nisi tetras carnis delicias spirant, iisque plena sunt, ad Spiritualia oblectamenta stupida & insensilia; sed meæ deliciae sunt in lege tua. Radix *וּבַב* sedem tenet in *crassitie concreta*, inprimis *spurca*, & tetra: ut ex Arab. lingua patet. Apud Chald. quoque significat *incrassari*, inpinguari, inde stupidum & stolidum fieri. Nec illud ab illis sociorum Davidis multum abhorret, qui in furem acti sunt propter bona deperdita. Vid. quoque ad Ps. iv. *Tertia* sanum repræsentat Davidis iudicium de adfectione sua, ejusque utilitate, opposite quoque ad superbos illos, qui indignissime se gesserunt, & stupidos demon-

demonstrarunt, bonis hujus vitæ tantum deditos; vers. 71. *Bonum mihi est, quod adflictus fuerim, ut statuta tua discerem*, seu iis adfuefierem. h. e. afflictionem, quæ mihi contigit, mihi reputo bonam, utilem & salutarem, quippe ad accuratorem statutorum tuorum observantiam ducentem, & stimulantem. *Quarta* denique animum sistit, qui legem Dei omnibus divitiis præfert, oppositæ ad carnales homines, qui in opibus summum bonum fere repositum censent, vers. 72. *Bonum mihi est* (jucundum & utile quid est) *lex oris tui præ millibus auri & argenti*, seu ingente & maximo quovis numero auri & argenti. h. e. legem & doctrinam, a Te edoctam, mihi longe utiliorem censeo omnium opum possessione & fruitione, uti vers. 14 & 127. Respicit ad bona sua spoliata, & recuperata, quæ socios inprimis in tantas præcipitaverant murmuraciones, & hac occasione declarat, se omnibus bonis præferre legem Dei, ejusque observationem, cum longe melioribus bonis conjunctam. Concinit fere quod Ps. iv: 8. dixit hoc eodem in casu, *lætitiā dedisti in corde meo magnā præ lætitiā temporis, quo frumentum eorum & mustum abundant*.

§. XXXVIII. *Decima* pericopa, vers. 73--80., Davidem sistit animosiorē factum, & in spe perfectæ liberationis ac prosperitatis instantis magis confirmatum, per calamitatem superiorem, nunc superatam: plane quemadmodum Ps. iv: 9. declaravit: uti ibi exposui. Comprehendit vero hujus spei & expectationis testificationem, eique congruas preces, quibus fidenter supplicat, ut votorum illorum quantocyus fiat compos. Sunt itaque pericopæ, ad tempus & statum ejus, modo definitum, respicientis, *duæ* partes, *una* fiduciæ & expectationis testificationem, *altera* preces & vota, complexa. In *priore a.* declarat, se a Deo, qui ipsum formavit, esse stabiendum, ita ut in firmo & tuto collocetur statu, addita solita supplicatione illuminationis Dei, ad præcepta ejus intelligenda, & facienda, vers. 73. *Manus tuæ fecerunt me, etiam firmabunt*

me: distinde me intelligere fac, ut discam præcepta tua. h. e. Sicut per tuam potentiam & sapientem directionem *formatus* sum, non tam qua homo, quam *servus tuus*, & rex futurus, ita me a te, qua talem, esse *firmandum*, & in tuta ac stabili regni possessione collocandum esse confido; cui ut aptus sim, meque eo dignum geram, peto ut notitia accurata & distincta præceptorum tuorum instruar, & iis observandis adsueciam. Ex qua paraphrasi patescit, *prius* membrum, quod hic tantum observandum habeo, aliter a me accipi, ac solet, non tam de *formatione* hominis, quam regis & servi Jehovæ, uti Deut. xxxii: 6. Pf. c. 3. & alibi verbum *facere* sumitur, uti ad ea loca vidimus, nec utrumque verbum, *facere* & *firmare*, in præt., sed posterius in fut., servata notione fut., in quo hic occurrit; adeoque sensum esse, quem in paraphrasi expressi. Addo, verbo *facere* illud omne comprehendere, quod a Deo hucusque Davidi factum erat, ad eum in regem populi *formandum*, & altero verbo non tantum *firmationem*, sed & *protectionem* ac obumbrationem ejus, qui sub tegmine Dei tutus foret, ejusque Majestate circumfulgeret, involvi: quam rad. פָּ notionem alibi *a* in lucem protraxi. Sensus, quem dedi, haud parum confirmant sequentia, quibus de futuro suo statu læto, quem exspectabat, omnino agit.

§. XXXIX. β. Subjungit enim mox vers. 74. læti & prosperi sui status publicam manifestationem, certo futuram, convenienter expectationi suæ vi promissi sibi facti, his verbis, *Timentes tui videbunt me, & lætabuntur, quia ad verbum, seu promissum, tuum patienter exspecto.* h. e. Promisso tuo nixus, ejusque inplementum patienter exspectans, & mihi promittens, adfirmare ausim, meum statum talem futurum esse, ut piis & timentibus tuis lætandi super me præbenda sit occasio & materia; adeoque feliciem & prosperam fore meam conditionem, omnibus malis,

a. In not. ad comment. Cl. Vittingæ ad Deut. xxxii: 6.

lis, quæ me presserunt, finitis. Adfirmans enim, pios se visuros & letaturos, seu cum lætitia visuros, se prosperitate gavisurum esse, clare indicat. Cum vero addit, *quia ad verbum tuum exspecto*, rationem & fundamentum hujus adseverationis tradit, in promisso Dei, & ejus inplementi expectatione situm. Solet quidem posterius hoc membrum pro objecto visus piorum, & lætitiæ eorum capi, ut sensus sit, *videbunt me & letabuntur, quod exspectaverim*; sed tunc addi debuisset, *non frustra exspectaverim*. Nostra interpretatio facilior est, & structuræ vocum, ac rei ipsi, magis consentanea. γ. Ad spei & expectationis suæ firmitatem magis adfirmandam addit, se se probe scire, & nunc etiam experiri, judicia Dei, quibus filios suos castigat, esse justa non tantum & æqua, sed & se a Deo esse afflictum cum fidelitate, & salva veracitate in promissis implendis, vers. 75. *Novi, Jeebva! judicia tua esse justitiam, Teque me fidelitate adfixisse*. h. e. Verbo & Spiritu tuo edoctus, & per ipsam experientiam novi, & animo reconditum habeo, (quam sensus amplitudinem adfert יר) judicia tua castigatoria (de illis enim hic agitur, ut seq. docent) esse justa & æqua, ad emendationem tendentia, insuper novi, & experior, meam afflictionem, quam hucusque subii, a Te mihi esse inmissam cum fidelitate, salva firmitate promissorum, a Te certo certius implendorum. Pendet enim posterius membrum etiam a verbo *cognoscere*, & particula *quia*, vel *quod*, uti in paraphrasi exposui. Adfirmat itaque in genere, judicia Dei castigatoria esse justa & æqua, quippe filiis exorbitantibus juste inflicta, & paterna clementia mitigata, ad eorum salutem promovendam, dein in specie suam afflictionem esse *fidelitatis* Dei, qua promissa servat & inplet, conformem, adeo ut Deus, se *fidelitate adfixisse*, dici queat. Cohæret itaque *fidelitas* cum verbo *adfigere*, & per *in, cum*, recte suppletur.

§. XL. In posteriore parte, qua preces & vota, superiori fiduciæ & expectationi convenienter, fidenter profert,

a. per-

α. perfectam suam liberationem ab omni malo, sese in promisso Jehovæ, & sua pietate, tapquam conditione prærequisita, fundans, supplicat, vers. 76, 77. *Sit quæso benignitas tua ad me consolandum secundum dictum tuum servo tuo* (exserat sese beneficentiæ tuæ vena, continuo manans, erga me eo cum effectu, ut me perfecte liberando, & in prospero collocando statu, consoles, sicut mihi, servo tuo, promisisti. Verbum *consolari* divite & prægnante sensu ipsam liberationem, quæ realis est consolatio, involvit, ut Ps. LXXI: 21. LXXXVI: 11. & alibi habuimus. Quem sensum & *promissi* mentio & sequens verus omnino hic requirit.) *Supervenant mihi miserationes tuæ, &c.* vel ut, *vivam, quia lex tua oblationes meæ, vel summa mea oblectatio est.* (intimum tuum amoris affectum mihi præsta, ut læte & prospere degam, nec sum eo indignus, cum summa mea oblectatio, nomine plur. oblectionum expressa, sit *lex tua*, seu jus meditatio & observatio.) β. Adjungit votum pro superbiorum hostium & insectatorum suorum pudefactione, ex irrito conatu Davidem pervertendi orta, nec non pro sua libera discursatione in mandatis Dei, in statu liberationis suæ instituenda, vers. 78. *Pudefiant superbi, quod mendaciter intorserint me, ego discurram in mandatis tuis.* Nihil hic notandum habeo, nisi *ꝀꝀ* hic non tam falsam & fucatam causam persecutionis Davidis a tumidis & insolentibus hominibus, licet non excluderim, quam *irritum* successum denotare; quod *pudefactioni*, inde oriundæ, & nexui rectius convenit, nec ab usu vocis, quo *mendax* pro *fallace* sumitur, abhorret; uti vel ex Lexicis patet: sic, ut uno alterove defungar exemplo, Ps. XXXIII: 17. *Equus mendacium est ad salutem*, Jer. III: 23. *certissime purus fucus e collibus*: ubi vid. comm. noster. c. XIII: 19., *mendacium creverunt hereditatem patres nostri, vanitatem in quibus nihil est, quod asylum præstat.* γ. Cum ad status sui instaurationem, & pietatis declarationem, confluxus timentium Dei ad se pertineat, eam quoque se vovere declarat,

clarat, vers. 79. *Revertantur mihi, vel ad me, timentes tui, & cognoscentes instructiones tuas* (mihi sese adfocient, & intima familiaritate adjungant, quotquot te reverentur, & leges tuas cognoscunt & agnoscunt, quippe quos maxime diligo, mecumque arcte devinctos volo. Conf. Ps. xxxvi & ci. ac ibi dicta.) Denique, *ut votorum compos fiat*, subjungit preces pro sinceritate cordis in præceptorum Dei observantia, vers. 80. *Sit cor meum integrum in statutis tuis, ut ne pudeam.* (in statutis tuis meditandis & faciendis integre & sincere desidero & opto versari, ut felicitatem expectatam consequar, & ne spes mea me profluta confundat.)

§. XLI. *Undecima* pericopa, vers. 81—88., modo memoratæ fiduciæ & expectationi apte subjunctum vehemens & intolerandum *desiderium* perfectæ liberationis ac prosperitatis, diu dilatæ, sed propediem conferendæ, comprehendit, una cum pia expostulatione super diuturnitate status adfligti, & supplicatione consolationis ac vivificationis, cito præstandæ. Quæ itaque ad idem tempus, & statum Davidis, pertinet, ad quod præcedens pericopa, eique recte subnectitur; cum, afflictionem diu durasse, sed ad terminum suum videri pervenisse, ita ut rogare possit *quando consolaberis, judicium exercebis?* si non nunc *quando* tunc? indicet. Constat quoque, uti superior, ex *duabus* partibus, *desiderii* enixissimi explicatione cum aliquali expostulatione super diu dilata liberatione, & ex *precibus* pro liberatione cito facienda. *Prioris* partis *duo* sunt articuli, quorum *prior* vehementiam desiderii, indeque ortam expostulationem, continet, *posterior* eam ulterius urget ex statu adfligto, vitæ miseræ diuturnitate, & persecutorum reatu. *Prior* ita habet vers. 81, 82. *Deficit, salutem tuam desiderans, anima mea, verbum, seu promissum, tuum lentus expecto. Deficiunt oculi mei ad dictum, seu promissum, tuum respicientes, dicendo, quando consolaberis me?* Significat 1. *salutem*, seu perfectam liberationem, &

in tuto ac prospero statu collocationem, quam potestatem hic & alibi exserit vox *נִמְנָן*, sibi esse *promissam*; quod voces *verbum* & *dictum* Jehovah expriment, uti constat. 2. se quoque ejus implementum patienter & multa cum lentitudine expectare; quod verbo *לִמְ*, proprie *volvi* in luto, obhærescere, luctari, & cunctari, est involutum. 3. in longum jam esse protractam, & diu dilatam, *salutis* præstationem, adeo ut conquerendi, & rogandi, occasio fuerit data, *quando consolaberis*, rem scilicet *promissam*, & desideratam, sistendo, & omni afflictioni finem inponendo? quo ipso illud antequam fores esse, seu diutius differri non posse, innuitur; ut sit, si non nunc aut propediem, *quando tunc*? Denique 4. desiderium esse enixissimum, ita ut *anima* & *oculi* fere deficiant, adeo ut ferri amplius nequeat, quo verbum *לִמְ* tendit, ut Ps. LXXXIV: 3. & alibi habuimus.

§. XLII. *Posterior* articulus ita sonat, vers. 83, 84. *Quia factus sum instar utris in fumo, vel fumo pleni, institutorum tuorum oblitus non sum. Quot dies erunt servi tui? quando judicium in meos persecutores exercebis?* h. e. Cum vir ventosus videar & habear, nullius pietatis, & vanæ spei, præcepta tamen tua semper in animo & oculis habens, & ad eam normam me componens; quamdiu dies afflictionis meæ durabunt? quando persecutores meos judicabis & punies? Significat, tempus afflictionis suæ jam diu durasse, & hostes suos diu mansisse impunitos, indeque ortum esse, quod in oculis hominum factus fuerit vir, omni pietate & virtute cassus, seseque vana spe lactans; ita ut instar utris sit, qui, loco aquæ aut vini, repletus est fumo & vento; cum tamen legi Dei manserit semper adfixus; qui talem sortem non mereatur, tantis calumniis & præjudiciis amplius obrui non debeat. Nihil, quod observem, habeo, nisi prius membrum, vers. 83. *factus sum instar utris in fumo*, non esse cum Interpretibus de utre in fumo suspensio, indeque exsiccato, & corrupto, capiendum, phra-

fi quippe vetante, & emblemate nimis insolito, sed de utre fumoso, vel ventoso, fumo repleto, opposite ad *utrem vini*, Jud. iv: 4. 1 Sam. xvi: 20., vel *lactis*, Jud. iv: 19. ut in *fumo*, sit pro utre *fumi*, fumo pleno, uti Ps. civ: 3., *coenacula in aquis*, pro aquarum plena, habuimus: potest etiam *in* esse periphrasticum, & cum emphasi redundans, satis usitatum. Cui cum se similem esse factum declarat David, se pro viro ventoso, inanis spei, & pietatis, qui se & alios vento pascit, & fumum vendit, haberi in oculis hominum, significat. Quod quam apte huc quadret, facile intelligitur. Ceterum כִּמְהָה esse *quamdium*, & *dies* pro diebus calamitatis fumi, tralaticium, & satis observatum est.

§. XLIII. *Posterioris partis*, preces complexæ, duo quoque sunt articuli, quorum prior his verbis continetur, vers. 85, 86. *Foderunt mihi foveas tumide elati, qui non secundum legem tuam (omnia præcepta tua sunt veritas) falso persequuntur me, patrocinium mihi præbe.* h. e. Cum homines, viribus & opibus fidentes, & superbientes, mihi varias struxerint, struantque, insidias, ad me capiendum & delendum, uti a Saulo, ejusque consiliariis, & fautoribus, factum erat, & adhuc fiebat, illique legum tuarum, seu juris & æqui, cujus naturæ sunt leges tuæ omnes, veritatem, fidelitatem, & justitiam ac charitatem, inculcantes, nullam habeant rationem, meque falso, vanisque prætextibus, persequantur, patrocinium meum unice apud Te est, illudque inploro, ut tandem me omnibus illis periculis & malis eripias. Urget preces cum ex injusta persecutione, quippe falso, seu sine ratione vera & causâ, instituta, tum ex pessimis persecutorum qualitatibus, a lege Dei longe alienis: quo refero voces, *qui non secundum legem tuam (omnia præcepta tua sunt veritas) me persecuti sunt.* Voces itaque, *omnia præcepta tua sunt veritas*, parentheticae sunt, eo scopo insertæ, ut, eos non, vel nihil minus quam, *secundum legem Dei agere*, demonstratur,

uti in paraphrasi expressi. *Posterior* articulus his verbis comprehenditur, vers. 87, 88. *Parum afuit, quin me consumserint in terra ista* (fere ad nihilum me redegerunt in terra Israelitica, eximie sic dicta *terra ista*, oppositè ad locum peregrinationis in terra aliena, ubi nunc versabatur,) *nec tamen ego deserui statuta tua* (adeoque tali sorte non sum dignus, quippe statutorum tuorum studiosus observator) *secundum benignitatem tuam vivifica me*, (cum tui sim studiosus, dignusque cui te beneficium præbeas, qualem te mihi obstrinxisti, precor, ut vitam mihi concedas lætam, securam & prosperam) *& observabo instructiones oris tui* (gratum me tibi præstabo, & scopo beneficii tui respondebo, præcepta tua accurate observando.)

§. XLIV. *Duodecima* in pericopa, vers. 89-96., fiduciæ & expectationis suæ, supra memoratæ, fundamenta tradit, in veracitate ac constantia Jehovæ perpetua sita, dein præcepta Dei sibi in afflictione sua fuisse solatio, nec unquam oblivione esse a se delenda, declarat, denique preces, illis fundamentis nixus, pro plena sui liberatione, ut antea, fundit, ac præcepta Dei fore perpetuæ suæ meditationis materiam, uti præ amplitudine & utilitate inde carpenda esse possunt, profitetur. Sunt itaque pericopæ tres partes, eo, quo dixi, ordine dispositæ. *Prima* veracitatem & constantiam Dei in promissis implendis, certam & perpetuam, celebrat, tanquam fiduciæ suæ fundamentum, vers. 89, 90. *In æternum Jehova tu es* (hæ enim voces secum construendæ & ita supplendæ sunt, ut feci. Quod a nonnullis quoque rectè observatum est. Emphasis residet in nomine *Jehova*, veracitatis Dei pignore; sensusque est, Deum illo nomine esse æternum, & invariabilem, seu in perpetuum esse & manere Jehovam: sicut Ps. cii: 13. *Tu Jehova æternum sedebis, & memoria tua in omnes generationes*, habuimus & explicuimus.) *Verbum tuum fixum est in coelis* (promissum tuum firmum stat & immotum, instar coelorum. Præfixum enim a comparationi infer-

inservit, uti Pf. LXXXIX: 38. vidimus, ubi etiam, ut & vers. 3. & alibi, eadem instituitur comparatio) *in ætatem ac ætatem veritatem tuam firmasti terram, & stabit* (firmam in omnes ætates duraturam fixisti veritatem tuam in promissis faciendis, sicut terram, quæ inmotæ stabit, plane sicut Pf. LXXXIX: 3. *coelos firmabis veritatem tuam*: ubi vid. dicta.)

§. XLV. *Secunda* pars testificationem consolationis suæ, & firmæ consistentiæ, in mediis afflictionibus, ex sola meditatione & observatione præceptorum Dei hausit, exhibet, vers. 91-93. Præmittit generalem propositionem, eam veritatem complexam, respectu servorum Dei in genere; eamque dein ad se, statumque suum, adplicat. *Generalis* thesîs his verbis profertur, vers. 91. *Ad judicia tua confiterentur bodiedum*, vel quotidie, *quia universa complexio* est, *servi tui*. Statum suum firmiter tuiti sunt servi tui ad hunc diem usque, vel quotidie (utroque enim modo capi potest וְיִוִּם, prout suppleatur, vel וְיָ usque, vel כָּל omni, sicut vers. 97. plene occurrit) ad jura & statuta tua audienda & facienda parati, (quod hic est *stare ad judicia*; uti ab aliis jam est observatum) est enim hoc *universa complexio* virtutis nimirum & felicitatis, (hanc enim potestatem exferit וְכָל, uti Eccles. XII: 13. *finis verbi* וְכָל *universa complexio*, quæ *audita est*: & suppleri debet וְיָ, vel וְיִוִּם, sicut haud raro fit.) Sensus itaque est, stare ad judicia Dei esse universam complexionem virtutis & beatitudinis; uti Eccles. XII: 13. adfirmatur. Notandum insuper est, verbum שְׁתַּעֲרַר *steterunt* construendum esse cum nomine plur. עַבְדֵּיךָ *servi tui*, quocum facile potest, sed & debet, cum nullum aliud occurrat, quocum possit. Thesin generalem mox ad se, statumque suum, his verbis adplicat, vers. 92, 93. *Nisi lex tua fuisset oblectatio mea summa, tunc in afflictione mea perissem* (nisi, quo tempore ingruit in me gravissima afflictio, & persecutio, me legis tuæ meditatione & præstatione oblectassem, tunc temporis mecum fuisset actum, & vel tristitia me obruisset.) *In seculum*

non, vel nunquam in perpetuum, obliviscar statutorum tuorum, quia per ea me vivificasti (talem consolationem cum a Te ope statutorum tuorum nactus fuerim, eorum oblivio me nunquam capiet, sed ea mihi semper obversabuntur, iisque meditandis & observandis me occupatum tenebo.)

§. XLVI. *Tertia pars preces pro liberatione ab inpiorum infectionibus comprehendit, in relatione sua ad Deum, & legis studio, fundatas, vers. 94, 95. Tuus sum ego* (a te selectus, & unctus; servus quoque tuus, tibi devotus) *serva me, quia statuta tua quero* (adeoque servus tuus sum, qui personam illam recte tuetur, seseque liberatione tua non indignum præstat) *me recta petunt impii* (quod hic est mp, a primigenia rectæ tensionis potestate, unde est recta linea confluere, petere, desiderare, recto cursu aliquo contendere) *ad me perdendum, instructiones tuas adtente considero* (cum hostes me petant, precor *serva me*, sum enim servus tuus, tibi obsequiosus, & tuorum præceptorum studiosus investigator ac observator. Repeti enim ex præced. debet, *serva me, quia.*) Terminat pericopam, & ad sequentem simul viam sternit, laudatione præcepti Dei a summa ejus latitudine, oppositè ad quamcunque perfectionem humanam, arctis constrictam limitibus, & finiendam, adeoque imperfectam & evanidam, vers. 96. *Omnis perfectionis video finem, latissimum est præceptum tuum.* h. e. Quicquid homo habet & agit, quam etiam illud sit, vel censeatur, perfectum, & consummatum, sive sapientia, sive virtus, sive felicitas, sive quid aliud, sit, illud omne clare & distincte percipio, (quod hic est *videre*) tale quid non esse, sed arctis limitibus conclusum, & finem habiturum, multa imperfectione præditum, & minus durabile: solum præceptum tuum, in omni complexu sumtum, summa est *amplitudo*, nec limites, nec finem habens, quod itaque amplissimam præbet spatiandi, seu meditandi & sese exercendi, ansam & mate-

materiam, simul purissimam & perfectam adfert *latitudinem*, seu consolationem, & felicitatem æternam.

§. XLVII. Superiori thesi, vers. 96., illustrandæ, & ad statum suum adplicandæ, inservit, eoque fine subjuncta est, pericopa *decima tertia*, vers. 97--104. Quæ cum declaratione amoris legis Divinæ, indeque fluentis continuæ meditationis & exercitationis, incipit, ac in ea terminatur, fructum vero & utilitatem, quam inde carperet præ hostibus, doctoribus & senioribus, exponit. Amorem, quo in legem Dei fertur, & continuam suam in ea discursationem, inde ortam, his verbis testificatur, vers. 97. *Quam diligo legem tuam! quotidie ipsa est discursatio mea* (legem tuam ardente prosequor adfectu, & vehementer desidero, ut eam meditando subigam, in succum & sanguinem, ut dicitur, vertam, & observem; quod etiam quotidie facio, in ea discursando, & me exercendo. Radix *אֲדַמָּה* non *diligere* tantum, sed & *adspirare*, adspirando *adpetere*, denotat; quæ etiam propria ejus est notio, ab ipso sono ficta.) *Fructus*, quem inde ad se redundaturum sperabat, & sibi promittebat, in *sapientia* & prudentia longe majore & meliore, quam hostes, & reliqui ea arte & experientia excellentiores, habebant, collocatur, vers. 98--100. *Præ inimicis meis sapientem me reddent praecepta tua, quia in perpetuum ista erit mihi*, vel *mea discursatio* (vox enim *אֲדַמָּה* ex præced. & seq. est addenda; qua ratione sermo recte fluit, alias intricatior.) *Præ omnibus doctoribus meis prudens ero, quia instructiones tuæ discursatio mea erunt. Præ senioribus distincte me præstabo intelligentem, quia statuta tua observabo.* h. e. Meliorem & majorem scientiam, sapientiam & prudentiam, a legibus, & instructionibus, tuis, per earum continuam meditationem & observantiam, mihi comparabo & præstabo, quam ab hostibus, vel doctoribus aut senioribus, sapientia licet & prudentia celebribus, majorem etiam, quam ipsi illi omnes possident. Duo in primis notanda sunt, *unum*, omnia ad futurum tempus spectare, quo

quo votorum compos factus, & ad regni administrationem admotus, occasionem haberet virtutes & dotes suas explicandi. De quo verba fut. temp. vers. 98 & 100. clare testantur, nec abhorret verbum præter. temp. vers. 99. infertum, cum futuri temp. subjunctum ejus potestatem sequi soleat. *Alterum* est, Davidem in laudem legis divinæ & ad eam extollendam, declarare, sese inde meliorem ac majorem scientiam ac sapientiam hausturum esse per continuam exercitationem & observantiam, quam aut ab aliis hominibus, cujuscunque sint peritiæ & experientiæ, possit, aut ipsi illi tenent. Præf. enim hic dicit, *plusquam*, & duplicem admittit usum, quo denotat *plusquam* habent, ac *adferunt* alii illi.

§. XLVIII. 2. *Alter* fructus, quem hucusque inde carpserat, vitæ puritatem & innocentiam complexus, his verbis subjungitur, vers. 101, 102. *Ab omni via mala cohibui pedes meos, ut verbum tuum observarem. Non recessi a judiciis tuis, quia Tu me informasti.* h. e. Legibus tuis, quas promulgasti, earumque amoris & meditationi, acceptum fero, quod viam pravam vitaverim, pedes meos ab ea calcanda inhibens, ut verba tua custodirem; sed insuper, quod ab institutis & juribus tuis non discesserim, non mihi, & viribus meis, tribuo, verum tuæ instructioni & ductui. Terminat dein pericopam, sicut inceperat, summam suam delectationem in dictis Dei testificando, & effectum ejus in vita dirigenda exponendo: vers. 103, 104. *Quam mollia & edulcata facta sunt*, (Radix enim מלי, ut ex dialectis Orient. patet, proprietatem habet in molli & glabro, unde *dulcedinis* notio facile est orta) *palato meo eloquia tua, prae melle ori meo.* (quod idem est, ac palato oris mei dulciora sunt melle; adeoque suavissima. Sensus est, judicio & adfectui esse acceptissima & gratissima eloquia Dei. Conf. Ps. xix: 11. & de *gustus* figurato sensu ad Ps. xxxiv: 9.) *Ex statutis tuis* (ea scilicet meditando, seu in iis discursando, summa cum oblectatione; ut supra dictum

&um erat) *distinctam comparabo intelligentiam* (seu claram boni & mali, utilis & noxii, notitiam adsequar) *propterea odio habeo* (sicut antea, ita postea) *omnem viam mendacii*, seu falsam & fucatam (omnem hypocrisin, idololatriam, & quodvis flagitium averfor, & averfabor semper, quia ex lege tua veram illam hauriam scientiam, cujus consequens & effectum est, odisse omnem viam malam & mendacem.)

§. XLIX. *Decimaquarta* pericopa, vers. 105-112., repetit preces pro perfecta liberatione sua, convenienter promisso Dei, easque fundat in eo, quod sese ad legum divinarum observantiam sponte & solenniter obstrinxerit, eamque hucusque constanter præstitit, in mediis etiam afflictionibus, quibus se ab ea non passus fuit dimoveri, præstiturus etiam in perpetuum, obiter inserta supplicatione opis & auxilii Dei ad perseverantiam in ea faciendam. Scopus est, in hac pericopa demonstrare, se talem esse & gerere, qualis debeat, quem Deus favore suo prosequatur, & jam satis hac parte per afflictiones videri probatum, adeo ut plena liberatio, & instauratio, diutius non sit differenda. *Prima* parte declarat, se in vita & fatis suis legem Dei tanquam normam & regulam sibi præscripsisse, seseque ad ejus observantiam juramento obstrinxisse, in signum serii & bene fundati propositi, præterea illud hucusque actu præstitisse, & præstiturum in posterum, vers. 105, 106. *Lucerna est pedi meo verbum tuum, & lux viæ meæ*, (seu, verbum tuum est lucerna prælucentis mihi in via regia, ut ea recte & debite incedam: hac enim ratione voces sunt ordinandæ. Significat itaque, se pro norma actionum, & totius conversationis, sumsisse legem Dei, eamque, tanquam prælucentem & ducentem, esse secutum, eaque ratione viam stratam, & regiam, quam vox *regia* denotat, ut alibi observavi, tenuisse.) *Juravi & stabilivi ad observandum judicia justitiæ tuæ* (juramento me ad justas & æquas tuas leges observandas obstrinxi, in

signum sinceri & firmi, deliberatoque animo sumti, propositi, illudque huc usque pro viribus ratum feci, & præstiti, idem facturum in posterum. *Stare enim facere* non est juramentum semel factum confirmare, quod minus ad rem facit, sed illud ipso facto implere, & ei convenienter agere; qui verbi Hebr. etiam usus est receptior, & supra vers. 38. occurrit. Usus autem est verbo fut. temp. cum convertente, sicut adpellatur, ut se de præterito quidem loqui, sed futurum una intendere, significaret.)

§. L. *Secunda* pars duas continet preces, *unam* pro liberatione ab afflictione, *alteram* pro gratia illuminante & adjuvante ad juramentum suum constanter præstandum. *Prior* ita habet, vers. 107. *Afflictus sum valde* (& intensissime, omni nisu, & diu admodum, a persecutoribus meis: quam posteriorem notionem non respuit vox מְאִיב, & series sermonis requirit: vid. vers. 82, 84.) *Jehova! vivifica me secundum verbum tuum* (promissum tuum inpleas, qui es *Jehova*, Deus verax, meque vivifies, seu secunda, læta ac prospera conditione me frui facias, cujus spem mihi fecisti.) *Posterior* his verbis effertur, vers. 108. *Spontanea oris mei effluvia grata & accepta quaeso habeas, Jehova! & judicia tua doce me* (juramentum meum ad judicia tua observanda, sponte & lubenter factum, ostende *Jehova!* tibi gratum esse, instar oblationis spontaneæ, docendo me judicia tua, & ad ea efficaciter *instigando*, ut, ad quod me tam sancte & solenniter obligavi, illud exacte præstem. Respicit omnino ad juramentum, modo memoratum, quod hic *spontaneum oris effluxum*, quæ vocis נִרְיָה nota potestas est, adpellat, non sine adlutione ad oblationes spontaneas, eo nomine insigniri solitas, quo verbum נָחַם *acquiescere*, gratum habere, etiam ducit, præterea indicat, se juramento præstando esse inparem sine instructione & *instimulatione* Dei; quam emphasin, satis notam, habet verbum לִמֵּד proprie *pungere*, pungendo *instimulare*.)

§. LI. *Tertia* parte, sese in præsentissimis vitæ periculis, quibus

quibus per hostes, eorumque infidias, continuo fuit expositus, a fide & obsequio Dei non defecisse, tradit, eo scopo, ut, sese fidelitatis suæ sufficientia dedisse specimina, sat diu esse tentatum & exploratum, adeoque nunc videri liberandum esse, quod modo precatus erat, significaret, eaque ratione preces, modo fufas, urgeret, vers. 109, 110. *Anima mea fuit continuo in vola mea* (summo vitæ periculo jugiter fui expositus, instar ejus, qui, rem manu aperta tenens, eam vel facile excidere patitur, vel projicere paratus est, phrasi proverbiali a lapidibus, *cava manu projici* solitis, petita, uti 1 Sam. xxv: 29. Quem sensum alii, in primis Gatakerus *a*, abunde adfirmarunt ac illustrarunt; citatis quoque locis Jud. xii: 3. 1 Sam. xix: 5. xxviii: 21. Job. xiii: 14. nec non Xenarchi dicto apud Athenæum *b*, *plenum formidine, animamque gestantem in manu*) *nec oblitus fui legis tuæ* (non obstante præsentissimo vitæ discrimine, me a legis tuæ obsequio abstrahi non fui passus,) *Tetenderunt* (quod hic est *in dare*, proprie *tendere*) *inprobi mihi laqueum* (insidias struendo, ut me capiant, & occidant, uti in aula Sauli, & deinceps in fuga coram ipso, factum esse constat) *nec a statutis tuis aberravi* (nihil commisi, statutis tuis contrarium, ne quidem ad me liberandum.)

§. LII. Quarta parte firmum fixumque suum testificatur propositum ornamenta & statuta Dei *in perpetuum* observandi, sicut se hucusque fecisse supra declaraverat, vers. 111, 112. *Excerpsi mihi*, & tanquam præstantissimam meam partem selegi (quam notionem verbi *לָקַח* sæpe alias observavi) *ornamenta tua in perpetuum, quia cordis mei feroculum gaudium sunt* (adeo jucunda & grata, ut iis exultem, & quasi superbiam, & alios despiciam: quam emphasin adfert vox *פָּרַח*.) *Inclinavi cor meum* (fixo, & juramento firmato, proposito,) *ad facienda statuta tua in*
æter-

a Advers. Misc. l. II. c. 6. *b* Lib. xiii, p. 369.

æternum vicibus continuo repetitis (quam notionem vocis *אֲנִי* jam supra ad vers. 33. adstruxi.)

§. LIII. *Decimaquinta* pericopa, vers. 113–120. liberationis suæ expectationem illustrat & confirmat ex justis & æquis Dei judiciis, in mundo conspicuis, quibus pios, legi Dei unice adfixos, & Deo fidentes, protegit & defendit, impios vero, a Deo, ejusque obsequio, deficientes, & sibi fidentes, e medio tollit: ex quo colligit, se a Deo fervandum, & hostes suos impios delendos esse, seu longe diversam fore suam & illorum sortem. In *prima* parte, se legem Dei unice & ardentem amare, & in Deo, tanquam protectore suo, fiduciam collocare, omnibus turbulentis, animum perturbantibus, simul superbis & arrogantibus, cogitationibus ac adfectionibus circa normam agendi & fiduciæ objectum longe facessere jussis, declarat, vers. 113, 114. *Cogitationes & adfectiones* insanas, turbulentas & superbas, *odi, & legem tuam amo, latibulum meum & clypeus meus Tu es, ad verbum tuum patienter expecto.* h. e. Vanis, elatis, & cor occupantibus, ac turbantibus, adfectibus variis, qui animum in se vertunt & distrahunt, circa normam agendi & viam optatum bonum consequendi, longe, tanquam mihi odiosis, a me remotis, legi tuæ unice & firmiter intimo adfectu adhæresco, tanquam vitæ meæ regulæ, in te unicum meum refugium & patrocinium colloco, tuoque nixus promisso patienter expecto ejus inplementum in plenissima mea liberatione. De voce *אֲנִי*, ejusque usu, Cl. Schultens a satis exposuit: tantum addo in plur. occurrere ad varias ejusmodi cogitationes & adfectiones denotandas, quæ animum distrahunt, simul elatas & superbas innui, cum de eminentioribus, & in sublime elevatis, partibus, ex. gr. montis, arboris, capitis, usurpetur, denique hic in primis tales indicari, quæ circa normam agendi, & fiduciæ fundamentum, oppositæ ad legem Dei, & fiduciam in Jehova, versantur, uti ex serie sermonis liquet.

§. LIV. Hinc

a Ad Job, vi: 13.

§. LIV. Hinc colligit & confirmat, quæ *secunda* pars est, longe diversam fore suam & sceleratorum, variis illis adfectibus actorum, sortem, dum ipse a Deo sit tutandus & liberandus, isti autem mala morte iudicio Dei perituri: vers. 115-119. Quam thesin *a.* summam proponit, sermone ad improbos, in signum adfectus commoti & fiducia, qua id adserit, elegantiae & emphasios ergo, verso, vers. 115. *Discedite a me malefici*; & *⁊*, vel *qui*, *custodiam præceptum Dei mei*. h. e. cum vos sitis improbi, & scelerati, ego vero præceptum Dei mei accurate custodire velim, adeoque a vestra conversatione ac vita longe remotus sim, vel mihi vobiscum nihil hac parte commune sit; longe quoque alia fors me ac vos manet, quum Deus iudicium exercebit, adeo ut in iudicio & poena a me longe recedere debeatis, nec ego vobiscum eodem iudicio sim involvendus. Significat itaque, 1. per epitheton *maleficorum*, quo eos, quos adloquitur, insignit, & sui animi, ac propositi *præceptum Dei custodiendi*, testificationem, quæ duo sibi tanquam opposita respondent, quantum hac parte, respectu adfectionum & actionum, inter se & ipsos sit discrimen. 2. Huic discrimini convenienter declarat, se & ipsos esse a Deo, iusto iudice, tractandos, ita ut a se longe remoti sint seorsim puniendi, nec ipse partem in misera ipsorum sorte sit habiturus. Hunc enim sensum hic fundit verbum *recedere*; sicut & Ps. cxxxix: 19., ut ibi videbimus.

§. LV. *β.* Thesin propositam deducit & amplificat, *a.* respectu suæ sortis, quam per modum precationis, cum fiducia fusæ, describit, vers. 116, 117. *Fulci me* (firmiter me consistere facias & in altum erige; quæ notio est verbi *נָסַע*, proprie *fulcire* palis, & elevare) *secundum dictum tuum* (convenienter promisso tuo) *⁊ vivam* (ut secure & læte degam, quod etiam inde sequetur: utrumque enim & scopum, & eventum, recte admittit præf. *⁊*.) *⁊ ne pudefacias me* (absit ut facias, nec facies, me confusum &

perplexum: hanc enim emphasin habet vocula *לֹא* *ne*, *non*, pro absit ut facias, non fiet; quod alibi observavi) *a mea expectatione* (vel *præ* ea, ejusque respectu, vel, sensu verbi *pudescere* divite ac prægnante, *pudescias excidere me* sinendo expectatione mea. Quod utrumque jam est observatum.) *Adjuva me* (animum firmando, vires suppeditando, & felicem moliminum successum concedendo. Quam verbi *אֲדַוְּךָ* amplitudinem alibi *a* notavi) & *servabor* (in lato & amplo prosperitatis statu collocabor) & *intuebor statuta tua jugiter* (aciem oculorum mentis continuo vertam ad statuta tua, tanquam vitæ meæ normam, & fontem consolationis ac felicitatis.)

§. LVI. *b.* Improborum & legum Divinarum transgressorum longe aliam, & miseram, sortem his verbis paulo fufius subjungit, vers. 118, 119. *Laxe pendulos facis omnes a statutis tuis aberrantes, quia fallacia est fraus eorum.* *Scorias*, vel sicut *scorias*, *cessare facis*, aut *deles omnes improbos terræ.* h. e. severum tuum judicium non effugiunt quicumque, sese implicantes, a statutis tuis eorumque observantia aberrant (*אֲשֶׁר* enim proprie dicit *implicationem*, inde *aberrationem*) est enim omnis eorum *fraus*, qua se implicant, sibi & aliis inponunt, multiplici quoque fraude utuntur in statu suo felici reddendo & tutando, aliisque nocendis, pura puta *fallacia*, omni valore & virtute cassa, quæ nihil juvat, nec effugiunt, qui improbiati palam student, & eam exercent in terrâ; quippe *scoriis*, pretiosi metalli sordibus, illudque deturpantibus & corruptentibus, adeoque auferri & ejici solitis, similes, eademque ratione tractandos, uti est Prov. xxv: 4, 5. Etenim, judicio suo tempore instituto, defectores a lege tua *laxe pendulos* reddis, corpore & animo debilitatos, omni firmitate & solatio cassos, opposite ad firmitatem & felicitatem piorum, modo memoratam, improbos quoque terræ *cessare* facis, vel, proprietate verbi *אֲשֶׁר* in *pangendo*,
figen-

a Ad Pf. xx: 3.

figendo, sita, *adpingis* terræ, eos delendo & exterminando; de qua verbi significatione alibi *a* egi. Nihil restat notandum, quam radicis סלה proprietatem a Cl. Schroedero, ut aliunde intellexi, recte poni in *laxitate pendula*, uti in *bilancibus*, ut libero motu sursum ac deorsum ferri queant, unde inter alia cum ad corporis debilitatem, qua flacceffit & laxe propendet, tum ad animum metu ac terrore fractum, uti Thren. 1: 15. & alibi, transfertur. Cui & hic eo aptius datur locus, quod præcesserit piorum statuminationis & fultura a Deo, cui opponitur.

§. LVII. *c.* Desinit in utilitate exponenda, quam diversa hæc piorum & impiorum fors, a judicio Dei profecta, piis adferat, suo exemplo proposita, vers. 119. fin., & 120. *Propterea diligo ornamenta tua. Horripilat præ tremenda tua Majestate caro mea, & præ judiciis tuis borreo.* h. e. Sicut per felicem piorum, qui legem tuam observant, sortem valide excitor ad ornamenta felicitatis, a te præscripta, animitus diligenda, & desideranda, uti facio, ita tremendæ tuæ Majestatis judiciorumque tuorum consideratio in tremorem me conjicit, & horrorem, quo a peccatis, & sceleratorum commercio, absterreor. Hæc ratione verba connectenda & capienda esse, censuerim, nec habeo, quod præterea observem, cum de verbo סור *horripilare*, vel *clavare*, *clavos fixos* referre, exposuerit Cl. Schultens *b*, præter elegantem & emphaticum vocis סור usum, quem hic præfert, quod tremendam Dei Majestatem exprimit, uti יראה Ps. xc: 11. quemadmodum ibi observavi, & exemplis adstruxi: nec commodiorem sensum admittit epitheton Dei, quo סור *timor Isaaci* adpellatur Gen. xxxi: 42. Ceterum pavorem, & tremorem suum fortius exprimit, ut terribilitatem judicii Dei in improbos amplificaret.

§. LVIII. *Decimasexta pericopa vers. 121--128., expectatio-*

a Ad Ps. viii: 3. & Jer. xxxvi: 29.
iv: 15.

b Ad Job.

dilationi suæ, modo illustratæ & confirmatæ ex iustis & æquis Dei iudiciis, in mundo conspicuis, apte subjungit *rationes*, Deum ad liberationem cito præstandam movere aptas; quas ab innocentia sua & puritate morum, a summo desiderio suo, magnam molestiam ex diuturna dilatione creante, denique a temporis opportunitate defumit; additis, pro more, precibus pro gratia Dei illuminante & adjuvante ad leges Dei recte cognoscendas & observandas, sui que in eas adfectus testificatione. Sunt itaque, pro rationem moventium numero, *tres* pericopæ partes. *Prima*, innocentiam vitæ & actionum complexa, precesque pro liberatione in ea fundatas, his verbis continetur, vers. 121, 122. *Feci jus & iustitiam, ne laxata manu me permittas oppressoribus meis. Suscipe servum tuum valde, ne me opprimant superbi.* h. e. Cum nihil mali non tantum fecerim, propter quod a meis insectatoribus opprimi debeam, contra juris & æqui fuerim studiosus, bene de iis fuerim meritis, cuique suum tribuens; cum fiducia precor, ne me ipsis ad me fraude aut vi opprimendum tradas; quin ut causam meam suscipias, mihi que vadem & vindicem præbeas eo cum effectu, ne mihi noceant, aut exitium adferant. Respicit ad multiplices insectationes, quas a Saulo & aulicis passus erat, plenissimamque ab iis liberationem petit, provocans ad earum notoriam injustitiam, cum ipse sese juris & æqui sectatorem semper præstiterit, nihil iniqui molitus, ipso Saulo quoque iudice; cui bis perpercit. Nihil præterea habeo notandum, cum de verbis alibi egerim, nisi i. verbum *וַיִּשְׁמַע* hic notionem *spondendi*, & *vindicandi*, exserere, uti alibi, origine ducta a *fidendo*, inde leniter *fubeundo*, penetrando atque *insidendo*, unde *dulcedinis* usus fluxit *a*, denique sese alterius negotiis *inmiscendo*, & ita sponforem ac vindicem agendo *b*, sive solvendo *lytrum*, sive injuste oppressum hostium vi & injuriis

a Schultens ad Prov. XIII: 19. *b* Vid. Cl. Scheidius in Disp. inaugurali ad Jes. XXXVIII. p. 33.

juriis eripiendo. 2. Vocem לַמַּח in *bonum*, absolute sumtam, usum adverbialem, uti alibi *a*, habere, & vertendam esse *valde*, *perfecte*, ut sensus sit, Deum sese sponso-rem, seu vindicem, præstare debere, qui valide, cum ef-fectu, & perfecte causam suam agat. Quod huc aptius quadrat, quam, ut solet accipi, *in bonum & commodum*, cum ipsa sponsoris & vindicis notio illud per se involvat.

§. LIX. *Secunda* instantia petitur ab enixissimo, & diu- turno, desiderio salutis, seu liberationis Dei, nec non implemēti promissi Dei, firmi & veracis, addita petiti- one instructionis & instigationis divinæ ad legem Dei recte intelligendam & faciendam, in signum aptitudinis suæ ad promissum inpetrandum, cum studio legis cognoscendæ & observandæ sese dignum præstet, qui bonum promissum consequatur, vers. 123-125. *Oculi mei deficiunt ad salu- tem tuam*, (liberationem tuam desiderando, & diu dila- tam expectando, oculis in eam continuo defixis, fere consumor, ita ut ferre vix amplius queam. Vid. vers. 82.) & *ad dictum justitiæ tuæ* (ut promissum, invariabilis tui rigoris & veracitatis, adeoque inmutabile & irrevocabile, impleatur. Id enim hic omnino significat *dictum* Dei, uti vers. 82. vidimus. Adpellatur *justitiæ Dei* dictum, ad ejus constantiam, & invariabilitatem, exprimendam, se- cundum vocis צִדְקָה originem, in *recto-rigido* sitam, & usum de *veracitate* & constantia: uti nunc satis constat, & alibi etiam sæpe a nobis observatum est) *Fac cum servo tuo secun- dum benevolentiam tuam* (age mecum, qui servus tuus sum, convenienter benignitati tuæ, liberaliter & continuo sese exferenti, me *vivificando*, uti vers. 88. habuimus.) & *sta- tuta tua doce me: servus tuus ego sum, distīcte me intelli- gere fac*, & *cognoscam ornamenta tua* (cum a te selectus sim, tibi que dicatus, adeoque ad tuam voluntatem faciendam obligatus, simul inclinatus, peto, ut intellectum meum illumines tuo Spiritu, ut cognoscam, & mente recondita

Ff

habeam

a Vid. ad Jer. XII: II.

habeam tua instituta, veræ vitæ & felicitatis *ornamenta*; quod etiam mox ex tua illuminatione sequetur. Conjunctio & in verbo & *cognoscam*, non tantum finem & scopum, sed & effectum, cum influxu Dei connexum, denotat.)

§. LX. *Tertia* ratio, a temporis *opportunitate* exercendi judicii in improbos, & ad sui liberationem, in eo sita, quod illi legem Dei penitus infregerint, ipse vero eam ardentè observatam & restitutam cupiat, ac intendat, desumpta est, vers. 126-128. *Tempus agendi est Jehovæ* (judicium pronunciandi & exsequendi tempus opportunum est Jehovæ, quo causam suam legisque suæ vindicet, impios puniendo, & pios remunerando. *Facere*, vel *agere*, absolute positum subinde de judiciali actione adhiberi, notum, & alibi a etiam observatum est. Quod si quis ad id offendant, quod de Jehova in tertia persona fiat mentio, cum mox & ubique eum adloquatur poeta, pro ייחוד recte legere possit ייחוד ut sensus sit, *tempus agendi pro me*, in meum favorem, & ad meam vindicationem, *adeſt*, o *Jehova*: uti I Sam. xiv: 6. *faciet Jehova ייחוד nobis*, inquit Jonathan, quod modo vers. 124. dixerat, *fac cum servo tuo secundum benignitatem tuam*. Quo forte hic respexit in verbo *facere* mihi absolute posito. Ita etiam Ps. cix: 21. *fac mecum secundum nomen tuum*) *infregerunt legem tuam* (ideo tempus opportunum, quo hostes punias & me vindices, *adeſſe* dixi, quod leges tuæ per ipsos omni vigore & observantia destitutæ jaceant, dum ipsi obstinate eas violent, & alios suo exemplo & tyrannide ab earum observantia, & religionis exercitio, abſtrahant: uti sub Saulo contigiſſe constat, sacerdotibus quoque occisis, & ne arca quidem requisita, I Chron. xiii: 3.) *Propterea*, vel *propterea* quod (utrumque enim usum ferunt voces כן-לפי b, & hic admittunt, ut vel *consequens* superiorum, vel eorum *rationem* contineant. Sensus enim esse potest, se *propterea* etiam magis accendi ad legem Dei ardentè amandam & facien-

a Ad Jer. xviii: 23. & Mal. i: 17. b Vid. ad Ps. i: 5.

faciendam, quod adeo nunc enerventur, & violentur, ut Deus non possit non illud vindicare, vel, ideo quoque Deum hostes punire & se vindicare debere, quod, cum leges ejus prostratae jaceant, ipse iis observandis, ac instaurandis totus sit incubiturus,) *diligo praecepta tua prae auro quin purissimo* (quod est *א* ut alibi *a*, notavi) *propterea*, vel *propterea quod*, *omnia statuta universitatis complanavi*. (Sic proprie sonant verba textus Masorethici, quae sensum non admittunt tolerabilem; cum quod *omnia statuta* in genere intelligi nequeant, sed ad Dei debeant referri, tum quod phrasis, *omnia statuta omnis*, seu universitatis, quid sibi velit, plane non pateat. Varie quidem instituunt Interpretes, sed nihil adtulerunt, in quo acquiesci possit. Priori difficultati, quam movi, recte succurritur per antiquas versiones, quae omnes habent *omnia statuta tua*, adeoque legerunt non *מקורי*, sed *מקורך*, quae vera lectio est, facile restituenda ex seq. voce *כל*, cum eadem littera *כ* incipiente. Sed altera difficultas, ex repetita voce *כל* nata, tolli nequit commodius, quam, sicut fecit Chaldaeus, emphasios causa censeatur illud *omne* repetitum, ad universalem obedientiam eo fortius exprimendam, ut sit; *omnia mandata tua*, *omnia* inquam, nullo excepto: qualia non desunt exempla. In quo si quis acquiescere nequeat, sicut vere quid insoliti habet, is, littera *כ* praecedenti voci adjuncta, & ex sequente repetita *כ*, recte legere possit *כ* ut sit, *omnia mandata tua mihi complanavi*. Sed quid sibi *ישרי*, proprie *aequavi*, inde cum *rectum*, oppositum inflexo & curvo, tum *planum*, tumido & depresso oppositum, *feci*; quod utrumque hoc verbo involutum est, hoc loco vult? Equidem, ut aliorum opiniones mittam, vix dubitaverim, quin in verbo *ישרי* respiciatur ad *viam* rectam & planam faciendam, cum quod de *via* passim adhiberi soleat, uti constat, tum mox sequatur, *omnem viam mendacii odi*; adeoque sensus sit, se omnia Dei mandata sibi *complanasse viam*, quam continuo & cum voluptate, sine

impedimentis, calcaret, seu stravisse & sibi parasse in viam planam, adeo ut in via mandatorum Dei propositum fixum habeat ambulandi, tanquam in via plana, normaue agendi recta iusta & æqua. Conf. Ps. LXXXIV: 6. & ibi dicta, ut & Jes. XL: 3. & ibi Cl. Vitringa.] *omnem viam mendacii odio habeo* [omnem *fucum*, seu hypocrisin, omnem falsitatem, seu oris, seu operis, omne vitium & peccatum, abominor, & viam legum tuarum unice mihi tanquam planam, & facilem, præscripsi.

§. LXI. *Decimaseptima* pericopa, vers. 129-136. pergit in lege, ejusque utilitate, extollenda, suoque in eam adfectu testificando, præterea in precibus pro sua illuminatione, constantia, & perfecta liberatione, fundendis, definiens in vehemente sua tristitia explicanda super neglectu & contemptu legis divinæ. *Partes itaque tres sunt. Prima* legis præstantiam, & desiderium ejus cognoscendæ & faciendæ, quo adfectus erat, comprehendit his verbis, vers. 129-135. *Mirabilia sunt ornamenta tua, propterea intuetur emicante oculo anima mea.* [Instituta tua, quæ vera sunt ornamenta & instrumenta felicitatis, reconditi & abstrusi sensus, quam notionem continet vox מְלִאמָה, uti vers. 18. vidimus, plena cum sint, tota anima, seu summo desiderio ea accurate ac studiose contemplor, quod hic est נִרְאָה, uti notavi ad vers. 2. cui vers. 18. respondet verbum אֲבִיטָה.) *Aperitio verborum tuorum* [libera & clara, ore aperto facta, prolatio verborum tuorum, seu eorum promulgatio & institutio: vox enim מִתְּפִלָּה proprie *apertura*, *apertio*, divite sensu hic ore aperto prolationem denotat, uti verbum מִתְּפִלָּה Ps. XLIX: 5. *aperiam ænigma meum*, sicut ibi observavi] *illuminabit, intelligentes faciens simpli- ses* [tanta luce animos simplicium, qui faciles sunt per illecebras mundi deceptu, prudentia & fortitudine ad resistendum orbi, quales dicuntur חֲכָמִים, perfundet institutio legis tuæ, ut *intelligentes* fiant & prudentes, sibi- que a tentatione caveant, & in officio faciendo constantes sint. Conf. Ps. XIX: 8. & ibi dicta]

dicta] *os meum distendo* [quod est *נָעַר*, cujus primaria potestas est in hiatu oris patente] & *auram capto* [quam notionem continet *אָנְחֵלֹ* *anhele*, *auram haurio* a,] *ad tua enim praecepta adspiro* (quam significationem, verbo *אִנְחַל* tribuere liceat ex vicinitate *אִנְחַל* *adspiravit*, spirando adpetiit b, sono ansam praebeante.) Exprimit itaque summum & vehementissimum suum desiderium legis, ejusque instructionis, metaph. ab animante ducta, quod siti quasi enectum ore dispanso hiat, & auram naribus adtrahit, indeque ortum continuum exercitium, quo, ore quasi distento, instar esurientis & sitientis, doctrinam, ad suam consolationem ac directionem, e lege petit, uti Job. xxix: 23. *Exspectabunt tanquam pluviam me, atque os suum deducunt ad pluviam ferotinam.* Ubi vid. Schultens.

§. LXII. *Secunda* pars exhibet preces, quibus in genere constantiam in virtute ac conservationem in statu suo, dein in specie plenam liberationem ab hoste nunc prementem, denique illuminationem Divinam ad praecepta Dei recte cognoscenda, supplicat, vers. 132--135. Preces a. summatim proponit, vers. 132. β. per partes deducit, vers. 133--135. α. Summaria propositio his fit verbis, vers. 131. *Respice ad me, & tenerrimum tuum amorem mihi demonstra, secundum legitimam morem amantium nomen tuum.* h. e. Talem te mihi praestes inspectorem & patronum, talem erga me tenerrimum exseras adfectum, peto & exspecto, qualem sibi promittere & experiri juste & legitime solent illi, qui nominis tui glorificandi studio ducuntur. Hunc existimo sensum esse posterioris membri, *secundum jus*, vel legitimum & justum morem, *amantium nomen tuum*; secus ac vulgo solent Interpretes, qui *secundum jus*, seu *morem*, ad Deum referunt, & de consuetudine agendi, quam Deus tenet cum piis interpretantur: non enim *secundum jus tuum* habetur, sed *jus*, & *cum amantibus nomen Dei* cohæret: *jus* autem *amantibus nomen*

Ff 3

Dei,

a Schultens clav. p. 191.

b Idem ad Har. conf. iv. p. 60.

Dei, ut voces proprie sonant, est jus amantium, vel quod iis competit, ut recte Coccejus, qui prope a mente nostra abest, & hic consulendus est. Tantum observo, non tantum significare poetam, se eodem jure, & legitimo more, quam notionem hic, & alibi, exferit *maro*, uti constat, petere & sibi promittere, quo *amantes* nominis Jehovæ, sed & ut talem, qualem expectare legitimo jure solent amantes Dei, sese sibi præbeat Deus, adeoque *judicium* etiam & *jus* sibi faciat, seque hostum insectationibus eripiat, & plene liberet, uti mox sequitur. Ceterum *amantes nominis* Dei non sunt simpliciter *amantes Dei*, sed & *nominis* ejus, seu *Jehovæ*, Dei veracis, justi et æqui, simul ejus demonstrationis et glorificationis in promissis implendis, et piis beneficiendis.

§. LXIII. β. In propositionis deductione *a*. firmitatem animi & status secundum promissa Dei in genere petit contra omnem qualemcunque violentiam consumentem, ne ejus dominanti imperio subjiciatur & succumbat, vers. 133. *Gressus meos firmos redde per dictum tuum, & ne dominium in me exercere facias, aut sinas, omnem qualemcunque exinationem, vel violentiam consumentem.* Ad quorum intellectum *duobus* tantum opus est observatis, uno ad prius, altero ad posterius membrum. *Prius* habet, poetam non supplicare, ut in legis Dei observantia firmos gressus faciat, vel ei constanter adhærescat, sicut capi solet, sed ut firmo consistat talo, statu fruatur stabili & inmoto, nec violentiæ qualicunque succumbat, vi promissi Dei. *Firmos enim reddere gressus, & non dominari facere violentiam* sibi respondent, seu opponuntur, adeoque firmitatem conditionis, oppositæ ad violentiæ subjectionem, hic supplicat, sese in *promisso* Dei fundans, quod hic, ut sæpe in hoc Ps., per *dictum* Dei intelligendum est. *Posterius* observatum est, poetam in posteriore membro moralem peccati servitutem non deprecari, quæ communis est opinio, sed omnigenæ violentiæ conterentis dominium in se, op-
posi-

posite ad *firmos suos gressus*, ne itaque qualicunque tyrannide opprimatur, & statu suo deturbatus succumbat. Præterquam quod Deo minus apte tribuatur *dominari facere* alicui peccatum, probabile non est, poetam scelerati facinoris dominium, ne illius reum sese agat, tantum & expresse deprecaturum fuisse. Accedit, phrasæ longe rectius in tyrannicam oppressionem, qua quis violenter premitur & consumitur, convenire. Verbum enim *עָלָה* sedem habet in acri & penetrante vehementia, cui resisti nequit, quæ etiam adtenditur Eccles. viii: 4. & Ez. xvii 30., indeque ad dominium cum absoluto imperio transit. Vocis vero *נָא* nativa indoles est in *vacuitate*, & transitive in *exinanitione*, qua res tota exhauritur: unde inter alia transfertur cum ad atrocissima crimina violentiæ, & tyrannidis, quibus alii cruciantur, & exhauriuntur, uti in phrasi, qua scelesti adpellantur *נָא עֲשִׂי* *facientes vacuitatem & consumptionem*, alios plagis conficientes & vexationibus, tum ad *virium vacuitatem*, & transitive ad *consumtionem*, uti Prov. xxii. 8. *qui seminat iniquitatem, metet consumptionem virium*, per poenas excruciantes, & alibi. Quæ recte illustravit Cl. J. W. Schroederus *a*.

§. LXIV. *b*. In specie petit perfectam liberationem ab hoste nunc ipsum insequente, ne ab ipso opprimatur, addita propositi præcepta Dei observandi testificatione; vers. 134. *Redime me ab oppressione hominis, & observabo statuta tua*. Respicitur ad fraudulentas & violentas persecutiones Sauli, epitheto *hominis* in sing. hic & alibi insigniti. *c*. Subjungit felicitatis & prosperitatis petitionem, una cum interna mentis illuminatione ad legem Dei recte intelligendam, & faciendam, vers. 135. *Faciem tuam lucere fac in servo tuo, & doce me statuta tua*. Prius membrum, quod solum illustratione aliqua indiget, plenissimam non tantum denotat, & illustri modo factam, liberationem, uti Ps. iv: 7. xxxi: 17. & alibi, sed & gratiosæ Majestatis divinæ communicationem, quæ tanquam vicarius Dei & ipse effulgescit: quare non di-

a Ad Ps. x: 7.

cit,

cit, *super*, ut alias solet, sed *in* servo tuo. Quam personam ut digne gerat, supplicat gratiam illuminantem & adjuvantem, ad statuta Dei recte cognoscenda & observanda.

§. LXV. Terminat pericopam, quæ *tertia* ejus pars est, in summæ suæ tristitiæ propter publicam & contumacem legis Divinæ violationem declaratione, eo non tantum scopo, ut flagrantem suum erga legem Dei adfectum in genere exprimeret, sed in specie Deum ad judicium exercendum, quo hostes puniat, & se vindicet, permoveret, ex consideratione temporis corruptissimi, a Deo non amplius ferendi, quo per hostes fiebat, ut lex Dei jaceat contempta, & pii summa tristitia propterea sese adfligant, ipse inprimis sese maceraret, totus inflammatus studio legem Dei instaurandi, eoque etiam nomine dignus, qui plena fruatur libertate & prosperitate, ut illud cum successu efficere possit. Verba ita habent, vers. 136. *Rivos aquarum intrant lavatum eunt oculi mei, propterea quod legem tuam non custodiunt.* Nihil hic difficilis, nisi in priore membro: sed quod jam expedivit Cl. Schultens *a*, qui ex verbi *רר* *aquatium* descendere potestate, ac solenni Arabum structura, *oculus aquatium descendit in fletum*, pro eo quod plenius effertur, multo flumine aquarum ora genasque humectare, lacrymarum veluti rivis ac imbribus immersum lavari, nostrum locum & similia alia luculenter illustravit. Tantum observetur, phrasin in posteriore membro *non servare*, esse emphatice pro nihil minus quam hoc, sed palam violare, & *infringere*, uti vers. 126. habuimus, esse sumendam: quod satis usitatum, & alibi ex voculæ *ל* *non* pro *nihil minus* usu observatum est. De scopo verborum cum modo dixerim, nihil addo, nisi ad dicta illustranda conferendos esse versus, vers. 126—128.

§. LXVI. *Decimaoctava* pericopa vers. 137—145. vero suo conspectu, minus animadverso, speciem habet piæ expo-

a Orig. lib. i. c. 6.

expostulationis cum Deo, justo & æquo, poenas & præmia secundum legem suam, violatam aut servatam, dispensante, super hostium tuorum, legem Dei infringentium, forte ad invidiam usque fortunata: & sua, non obstante exacta præceptorum Dei observantia, & fide in promissa Dei, contemta & valde adflicta; sed eo scopo instituta, non ut Deum injustitiæ accusaret, cujus contrarium propterea expresse adfirmat; verum ut eum per moveret ad iudicium, convenienter justitiæ & veracitati suæ, exercendum, in puniendis improbis hostibus, ac se plene liberando: quare in hisce precibus terminat pericopam. Omnes pericopæ partes in hanc hypothesin conspirant, & inde verum, simul facilem, sensum, alias inpeditiorem, acquirunt, ut mox patebit. Respondet fere simili disceptationi, Jer. xii: 1--4. ibi a nobis exposita, & cum ea conferenda est. Constat autem pericopa ex thesios positione, expostulatione ipsa, & conclusione, seu ad scopum adcommodatione, adeoque tres ejus partes sunt. *Prima* generalem thesin, *Deum esse justum & omnia ejus judicia recta*, continet, quam præmittit, cum ut fidem suam hac parte exponeret, & expostulationem suam a temeritate liberaret, ne Deo injustitiam se adscribere velle putaretur, tum ut Deum, quippe justum & rectum in iudiciis suis, hac ratione ad hostes inpios reprimendos, & se vindicandum, compelleret; quare in precibus illis desinit. Conf. Jer. xii: 1. & Ps. lxxiii. ac ibi dicta. Verba ita habent, vers. 137. *Justus Tu es, Jehova! & rectum sunt judicia tua.* h. e. Licet mihi ægre sit, & quandam æmulationem concitet, inpios meos hostes florere, et me, legis tuæ studiosum, cum miseria multiplice luctari, quod cum justitia tua, & rectitudine iudiciorum tuorum, vix conciliari posse videtur; agnosco tamen & confiteor, te talem esse, & judicia tua esse *recta*, seu justa & æqua, sapienti, & rectæ, gubernationi mundi congrua, sed & eo fundamento superstruere ausim spem meam, fore ut ho-

stes meos ulciscaris & me liberes; quod a Te peto. Nihil in verbis obscuri est, aut nostræ opis indigum.

§. LXVII. *Secunda* pars diversam impiorum ac piorum conditionem, justitiæ & rectitudini Dei & judiciorum ejus, ut videtur, contrariam, tanquam materiam querelarum & expostulationis, exhibet *α.* impiorum, *β.* piorum. *α.* Hostes suos, legum Dei violatores, ad invidiam usque florere, non obstante manifesta Dei declaratione, qua cum lege sua observata jus ad prosperitatem constanter copulavit, tradit, & conqueritur, vers. 138, 139. *Præcepisti justitiam ornamenta tua, & firmitatem valde. Stupore & ægritudine me confecit æmulatio mea, quia verborum tuorum oblii sunt hostes mei.* h. e. Cum tu leges tuas, felicitatis instrumenta, constitueris tanquam justii & æqui judicii normam, & prosperitatis justum fundamentum, idque fideliter & valde firmiter, hostes nihilominus mei, legem tuam susque deque habentes, vigeant, & cuncta ex voto agant; tanto stupore & indignatione correptus sum, ut tanquam lethali vulnere confectus jaceam. Cum de vocis *מְאַמְלִית* *æmulationis inflammantis* significatu, quem hic unice præfert, & verbi *נֹכַח* potestate, quæ hic locum habet, sicut in paraphrasi expressi, alibi *a* exposuerim, hostes autem, legum Dei violatores, hic sisti tanquam fortunatos, ex voce *æmulationis*, & serie orationis, facile patescat: verbo tantum observabo, *צַדִּיק* hoc loco normam justii & æqui judicii, nec non *jus* in aliquam rem, denotare, sensumque esse, Deum leges suas præcepisse, & constituisse in talem normam & tale jus; addi vero *firmitatem* & *fidelitatem valde*, seu summo gradu, ut, leges Dei talem habere conspectum & usum justitiæ & juris in perpetuum & inmutabiliter, fortiter adseveraretur.

§. LXVIII. *β.* Longe diversam & contrariam suam sortem, non obstante accurato suo studio legis Divinæ, *duplici* articulo, *uno* vers. 240, 141. *altera*, vers. 142. 143., repræ-

a Ad Ps. xxxvii: 1, lxxii: 3. lxxxviii: 17. & ci: 8.

repræsentat. *Prioris hæc sunt verba, vers. 140, 141. Conflatum est dictum tuum valde* (promissum tuum, instar auri purgati, est fidele, ab omni falso & fucō purum: vid. ad Pl. XII: 8. XVIII: 31.) *illudque servus tuus amat* (animatus illud expetit, & *adspirat*; quod proprie est אהב, hic recte quadrans, ad *desiderium* promissi, ejusque inplementi, exprimendum.) *Exiguus ego sum et spretus* (viribus & dignitate, instar *pueri*, tenuis & debilis, insuper *spretus*, seu per terram *raptatus*, pedibus conculcatus, ac contumeliis obrutus; quam verbi נחמ *emphasin* sæpe observavi. Ceterum etsi in titulo נחמ ad virium & dignitatis exiguitatem respiciat, eo tamen usus videtur, ut ad ætatem suam juvenilem digitum simul intendat:) *mandata tua oblivione non delevi* (nihil minus quam hoc, sed contrarium: quam *emphasin* sæpe adfert לא *non*, & hic omnino exserit.) Sensus, ut ex dictis patet, est, se, non obstante fidelissimo Dei promisso, & sua legis Dei observatione, qua promisso Dei sese non præstitit indignum, esse & manere tenuem, & abjectum, ac conculcatum: quod cum justitia & veracitate Dei vix conciliari posse videbatur: eo enim hic tendit. *Posterior articulus, ejusdem tenoris & scopi, his verbis subjungitur, vers. 142, 143. Justitia tua recto-rigida est in perpetuum* (constans perpetua & immobilis, semper eadem: *recto-rigido* sitam exserit, & *justitia Dei* additur, ad ejus rectum, constantem & inflexilem rigorem adfirmandum,) & *lex tua veritas est* (seu *firma stabilitas*, semper durans, tanquam norma agendi, & felicitatis medium.) *Angustum & arctum premens invenerunt me*, (summe stringente afflictione undiquaque correptus sum) *præcepta tua sunt oblectamenta mea*. Quorum sensus eodem plane redit, quo superioris articuli verba: quare nihil addo.

§. LXIX. *Tertia parte, per modum conclusionis, & adplicationis thesios ad se & statum suum, leges Dei, quas ornamenta & instrumenta felicitatis adpellat, adfir-*

mat esse *justitiam*, seu normam justii judicii, & juris ad vitam fundamentum, in perpetuum, supplexque petit, ut Deus illud distincte se intelligere faciat, eo scopo & eo cum effectu, ut per diversam impiorum florentem, & piorum ac suam adflictam, conditionem non amplius perturbetur, sed consolatione fruatur, & plene liberetur, vers. 144. *Justitia sunt ornamenta tua in seculum, intelligere me fac, & vivam.* Quæ cum ex modo dictis clara sint, nec verba quid inpediti habeant; nihil observo.

§. LXX. *Decimanona* pericopa, vers. 145--152., *judicium* Dei, justum & æquum, quo inprobi hostes sint puniendi, ipse in libertate & prosperitate collocandus, de cujus dilatione proxima pericopa conquestus erat, & quasi postulaverat cum Deo, certo non tantum, sed mox habendum & ante fores esse, declarat, rationibusque confirmat, ex clamore, quo vindicem inclamavit, & nunc cum fiducia inclamabat, Deo sese in primo diluculo diei vindictæ sistens, præterea ex signis propinquitatis judicis, quæ scelestorum consiliorum diuturnitas, & obstinatio, præbebat, cum Dei justitia comparata, denique ex perenni præceptorum Dei stabilitate, quorum itaque violatio vindicanda & observantia remuneranda erat, deductis. Qui pericopæ conspectus, sicut ex omnibus partibus, inprimis vers. 150, 151. sese offert, ita clavim præstat rectæ explanationis ejus. *Partes* itaque, ut ex dictis liquet, *tres* sunt. In *prima* parte declarat, se, sicut antea, ita nunc in primis, idque primo mane, post studiosam veracitatis Dei meditationem de nocte factam, Deum judicem & vindicem toto animo & cum fiducia inclamare, indicio, vindictam Dei esse in propinquo, cum Deus suorum clamores semper audiat, & tunc illi excitari soleant, cum mox exaudiendi sunt. *Primum* membrum paulo generalius est, quo, sese exauditionem & adfluxum Dei toto animo clara voce postulasse, & nunc quoque enixe petere, testificatur, addito fixo proposito statuta Dei observandi, in signum, se non esse

esse indignum, qui votorum compos fiat; vers. 145. *Clamavi toto corde; responde mihi Jehova! statuta tua custodiam.* (Serio, sincere, & summo studio clamavi, & clamo etiamnum, ut mihi, meisque desideriis, adnuas, opemque feras; nec sum indignus, cui succurras, cum statuta tua mihi ratum fixumque sit accurate adtendere & observare. Clamoris, ut videtur, materiam præbent voces, *responde mihi, observabo statuta tua*; cum alias reticeretur, quid clamaverit.)

§. LXXI. *Secundum paulo specialius est, quo Deum servatorem & liberatorem, ad se in statu libertatis ac prosperitatis ponendum, inclamat, eodem, aliis verbis, addito proposito, vers. 146. Inclamo te, serva me, & custodiam instructiones tuas* (magno studio, & cum fiducia, quippe servus tuus et legum tuarum studiosus, te advoco servatorem et patronum meum; dicens, adserere me in liberum felicitatis campum.) *Tertium magis adhuc speciale est, et majorem continet fiduciam, ex meditatione promissorum Dei conceptam, quo citissimam liberationem, mox hoc ipso die faciendam, inplorat, seseque sibi promittere testificatur; instar clientis, qui primo mane sese patrono cum quiritationibus suis sistit, auxilium petens, posteaquam animum de nocte jam confirmasset, et de bona patroni erga se voluntate certiore reddidisset, vers. 147, 148. Officiose compareo in diluculo, & quiritor, (sisto me tibi patrono et vindici clientem oppressum et quiritantem, tuamque vindictam inplorantem, compareo autem coram te officiose, et devote, idque primo diluculo aurore, liberationem cito, et hoc ipso die, vel tempore, efficiendam petens; cum tempus opportunum, instar auroræ et lucis, ante fores sit. Hac omni emphasi donandas censeo voces, quibus poeta utitur. Verbum utique קָרָם absolute positum in Pih. proprie dicit præmittere, dein comparere coram principe, et gratiam ejus inplorare, pro more orientalium, quo id, promisso munere, faciebant. De*

quo alibi *a* dixi, et monuit Cl. Schultens *b*. *Comparendi* significatum amplexus quoque jam est Gejerus. *Diluculi* auroræ mentio fit, ad studium clientis quiritabundi, simul citissimi patrocinii necessitatem, et tempus opportunum, indicandum; non sine adlusione ad *aurora*, et *lucis*, sensum figuratum, pro libertate et prosperitate. De verbo *vociferari*, seu *quiritari*, cum sæpe exposuerim, nihil dico.) *ad verba tua lentus exspecto* (cum fiducia patrocinium tuum inploro, quia in *promissis tuis*, quæ per *verba Dei* solent in hoc Pl. intelligi, spem habeo repositam,) *vigilias* (matutinas, ante diluculum) *præverterunt oculi mei* (evigilavi ante ipsum illud vigiliarum tempus) *ad discursandum in dicto tuo* (ut liberis meditationibus me in promissis tuis, eorumque certitudine, & instante implemento, occupatum tenerem; eaque ratione spem & fiduciam meam alerem, meque tibi in primo diluculo sisterem, bene animatum, & de instante auxilio tuo persuasum.) *Vocem meam pro benevolentia tua audi Jehova! secundum judicium tuum vivere me fac* (hæc mearum precum, quas primo diluculo comparens cum fiducia fundo, summa est: querulas meas voces exaudi, Jehova, & *vitam* mihi concedas liberam, tutam ac prosperam, convenienter adfectui tuo benevolo erga me, & *judicio* tuo justo & æquo, quo improbos, cum mensuram scelerum inpleverunt, punis, & adflictos pios tempore opportuno vindicas.)

§. LXXII. *Secunda* pars instans judicium Dei inde derivat, quod scelerati, destinatum suum consilium ad finem usque jam persecuti, & a lege Dei observanda ad ultimum gradum usque remoti, judicio Dei propinqui sint, & Deus quoque ad illud habendum adsit, vers. 150, 151. in priore membro. *Adpropinquarunt persequentes facinus, a lege tua longe remoti sunt: propinquus tu es, Jehova!* (facinus suum inprobum, destinato consilio, & animo obstinato, quam notionem continet vox נִרְיָ, ut sæpe notavi, tantopere perse-

a Ad Pl. XXI: 4.

b Ad Job. III: 12.

persecuti sunt scelerati, ut mensuram inpleverint, & ad iudicium subeundum pervenerint, a lege tua ad ultimum terminum usque longissime remoti; tuque, Jehova! a iudicio exercendo prope absis. Sceleratorum & Dei *propinquitatem* absolute positam referendam esse censeo ad iudicium, cujus modo facta erat mentio; voce itaque illa ex præced. repetita, & mente intellecta: adeo ut sensus sit, illos, mensura scelerum plena, & legis observantia longissime ad finem usque sprete, iudicio esse maturos, & Deum, qua iudicem, adesse ad illud pronunciandum, ac executioni mandandum. Qua ratione cuncta sunt facilia, & scopo ac nexui orationis congrua. Cum enim scelerum sectatores absolute dicantur *adpropinquasse*, & Deus quoque *propinquus*, modo vero ad *iudicium* Dei provocasset poeta: eo illam adpropinquationem respicere, facile patet.)

§. LXXIII. *Tertia* pars illud ipsum a stabilitate, ac perpetua duratione, præceptorum ac institutorum Dei repetit, cum illa sine hoc iudicio subsistere nequeat: nisi enim Deus tales legum transgressores puniat, & observatores oppressos vindicet, actum foret cum lege Dei. Verba ita habent, vers. 151. in membro posteriore, & 152. *¶*, vel etiam, *universitas præceptorum tuorum est veritas*, vel *firma stabilitas* (firmo quoque talo stant omnia tua præcepta, nullo modo loco movenda, adeoque a te tutanda, & vindicanda, ne inter homines deficiant.) *Antiquitatem* novi de ornamentis tuis, novi quod in perpetuum fundaveris ea (leges & instituta tua, veræ felicitatis ornamenta & instrumenta, probe novi, & animo reconditum habeo, esse & antiqua, dudum viguisse & stetisse, & vim ac autoritatem habitura in æternum, secundum tuam fundatissimam institutionem & ordinationem. Duo tantum notanda habeo, *unum*, vocem *קדמיות* *anterioritatem*, & sic antiquitatem construendam esse cum *קדמיות* *de institutis tuis*, ita ut eorum adtributum constituat, sensusque sit, instituta Dei esse

esse antiqua; præpos. *ex*, *ex* *ex*, *de*, autem hic cum emphasi abundat, ut alibi *a* observavi. Alterum est, in posteriore membro repetendum esse verbum *cognovi*; ut in versione expressi: quod facillimum est.)

§. LXXIV. *Vigesima* pericopa, vers. 153--160. cum præcedente connexa, & ad eam uberius deducendam sub-juncta, *preces* in primis, obiter tantum ibi insertas, & summatim traditas, fusius exponit, & rationibus moventibus a pietate sua, jam satis explorata, ac hostium inemendabili improbitate, Deique justitia, veracitate & gratia, petit, urget. Partes vero tres sunt. *Prima* citissimæ liberationis, & litis cum adversariis decisionis, supplicationem continet, convenienter pietati suæ, & promissis Dei, vers. 153, 154. *Micante oculo intueri afflictionem meam, & extrahere me, quia legis tuæ non sum oblitus* (cum legis tuæ studiosus sim, nec in mediis afflictionibus me inde fuerim passus abstrahi, adeoque me probatum demonstraverim servum tuum: supplex peto, ut tandem finem iis imponas, easque tanquam iudex oculis micantibus intuearis, meque potente manu extrahas. In oculis habet præcedentes afflictiones sub Saulo, easque eo jam esse adductas indicat, ut tempus sit eas finiendi, cum satis exercitus & probatus videri possit, & improbitas hostium requirat *visitationem* Dei, qua iusti iudicis, qui ad *videndum* sese adcingere dicitur, cum tempus opportunum iudicii exercendi adven-rit. De quo verbi *videre* usu egi ad Ps. xiv: 2.) *Litiga litem meam & redime me, ad, vel secundum, dictum tuum vivifica me*, (instar patroni & vindicis mei causam meam age contra litigatores meos, qui me sinistris ac malignis suspicionibus & accusationibus onerant, & tanquam sceleratum infectantur, ac ad necem quærunt, me ab iis ini-quis actionibus liberando, & hostes pudore confundendo; quod & Ps. xxxv: 1. eadem phrasi, ibi explicita, expressit, dicens, *causam meam age contra contententes mecum*; eaque ratione

• Ad Ps. xii: 9.

ratione me liberare, tuto, ac prospere, fac vivere, convenienter promisso tuo: quod hic est *vivificare ad vitam tuam.*)

§. LXXV. Urget preces suas, quæ *secunda* pars est, pro liberatione & felicitate sua ex eo, quod secundum justum & æquum Dei judicium salus non nisi ab improbis sit remota, misericordiæ vero Jehovæ multiplices sint super piis, vers. 155, 156. *Longe remotum quid est salus ab improbis, quia statuta tua non requirunt* (veritas est notoria & generalis, salutem qualemcunque non nisi ab improbis esse alienam, quia statuta Dei a se remonent, ea nec inquirentes, nec consulentes, nec observantes; quod omne involvit verbum *לֹא יִשְׁכַּח*. Concinit sententia Salomonis Prov. xv: 29. *longe remotus est Jehova ab improbis.*) *misericordiæ tuæ spissæ sunt, Jehova!* (nec minus verum & testatissimum est, multas & magnas esse miserationes tuas, quibus ex intimo adfectu bene vis & copiose benefacis piis, & statuta tua requirentibus. Quod mente intelligendum est & addendum ex superioribus per legem oppositionis; sicut Prov. xv: 29. expresse habetur, *& precationem justorum audiet,*) *secundum judicia tua vivere me fac* (ejus cum sint naturæ judicia tua, quibus præmia & pœnas dispensas, ut ab improbis removeatur salus, piis autem copiosa fiat misericordia; hoc nixus fundamento a te submisit, sed fidei quoque, peto, ut me liberum & felicem præstes. *Judicia* itaque Dei sunt, quibus bonis bene, malis male facit; seu improbos salute privat, & pios misericordia prosequitur.)

§. LXXVI. Subjungit, quæ *tertia* pars est, innocentiae & pietatis suæ testificationem & demonstrationem, eo scopo, ut se non ad improborum, a quibus salus est remota, sed piorum, quorum Deus miseretur, classem pertinere, adeoque se jure a Deo supplicasse vivificationem secundum hæc æqua Dei judicia; evincat, vers. 157-159. *Tria* vero profert argumenta, quibus pietatem suam demonstrat. *Primum* inde repetit, quod, a multis & poten-

tibus licet acerrime infestatus, & sæpe ad incitas redactus, nihil ab institutis Dei desciverit, adeoque pietatis suæ sufficientia dederit testimonia, vers. 157. *Spissi* [multi & potentes; quales *כח* adpellari solent] fuerunt *persecutores mei et arctatores mei* [qui me vehementer infestati sunt, & subinde ad incitas redegerunt, uti sub Saulo factum est; quo hic respicitur; adeoque de præterito, non tam præfente, suo statu loquitur] *ab institutis tuis non declinavi* [nullis violentiis, periculis, angustisve, me a legum tuarum studio & observantia passus sum abripi; adeoque tentationes omnes superavi, meque probatum tuum servum præstiti, & virtutem meam, quippe per afflictiones exploratam, fatis adserui. Eo enim verba, ut dixi, tendunt.]

§. LXXVII. *Secundum* a tædio & fastidio disruptente, vel intensissimo, ex prævaricatione transgressorum legis Dei, cum eam viderit, concepto, desumptum est; claro & certo quippe indicio animi leges Dei amantis, & earum studiosi, vers. 158. *Vidi perfidos* (malum in animo occulte foventes, indeque ad perniciem aliorum promentes, cum *matura* est res, & occasio favet; quales sese Saulus & alij erga Davidem quoque præstiterunt. De verbi *כח* originali potestate *fovendi*, indeque orta notione *perfidia*, alibi a dixi,) & *tædio ac fastidio disruptus fui* (ingentem animi dolorem, & averfationem inde concepi, adeo ut disruciatus fuerim, & fere disruptus. De quo verbi *כח* significatu vid. Cl. Schultens b,) *qui dictum tuum non custodierunt* (legem tuam susque deque habuerunt, omnem perfidiam tam severe vetantem, & virtutem ac charitatem & sinceritatem inperantem.) *Tertium* a visitatione & exploratione sui, quam a Deo fieri vult, derivat, cum tale quid petere bonæ conscientia fit manifestum indicium, vers. 159. *Vide me mandata tua diligere, Jehova! secundum benignitatem tuam vivifica me*, (explorando me & intimas meas

a ad Mal. II: 10, & Jer. v: 11. b ad Job. x: 1.

meas adfectiones inspiciendo, videas me mandatorum tuorum esse studiosum. *Videre Dei* hic est explorare, & intuendo cognoscere, ac agnoscere: uti Ps. cxxxix: 23, 24. ubi plura de eo dicam. Ceterum posterius membrum, licet postremo argumento sinceræ pietatis adjunctum, ad superiora, eodem tendentia, etiam respicit, adeo ut, pietate sua tot modis comprobata, eo nixus fundamento supplicet vitam lætam & jucundam a Deo, non ex merito suo, sed gratia Dei. Quæ satis facilia sunt.)

§. LXXVIII. Terminat pericopam eodem modo, sensu & scopo, quo superiorem, his verbis vers. 160. *Caput, sive initium aut summa, verbi tui est stabilitas, & in æternum est universitas judicii justitiæ tuæ.* h. e. Verbum tuum, quo voluntatem tuam nobis declarasti, vel mox ab initio, quo prolatum est, vel totum, est ipsa firmitas, nullo tempore aut modo mutatum, eritque totum quantum justum tuum judicium in æternum; plane sicut vers. 151. habuimus. De ambiguo quid trahit vox *caput*, cum & *summam*, & *initium*, denotare possit: alterutrum enim hic omnino, vel utrumque, obtinere debet, ac potest. Si *summam* veritas, sensus erit, verbum Dei in *summa* sua tota ipsam esse stabilitatem, cui robur addit, quod mox *universitas* judiciorum Dei quoque memoretur. Sed si *principii* notionem adoptemus, dicet, verbum Dei statim, in ipso initio suo, fuisse tale, ita ut illud mutare, aut emendare, non fuerit opus, nec etiam loco moveri potuerit.

§. LXXIX. *Vigesima prima* pericopa, vers. 161.-168. intimas animi sui adfectiones, ex instante rerum mutatione, qua persecutores suos videret punitos, & se plena donatum libertate, quam in præcedentibus pericopis prope adesse declaraverat, & precibus confirmaverat, ortas, & ad eam relatas, exponit, *horroris* circa judicium severum in hostes, *gaudii* exultantis super promisso Dei sibi facto, certæ denique *expectationis* salutis sue; inserta, pro mo-

re, amoris sui erga legem Dei, ejusque observantiæ semper præstitæ, testificatione. *Tres* itaque ejus partes sunt pro triplicis generis *adfectionibus*, quas ordine repræsentat. *Primam* respectu sententiæ judicialis in persecutores suos a Deo latæ, & mox executioni mandandæ, in submissio pavore & horrore animi sitam, his verbis, ut puto, explicat, vers. 161. *Principes me gratis persecuti sunt, & præ verbo tuo pavore horrido correptum est cor meum.* h. e. Horret animus, nec sine pavore sese submittit, dum sententiam tuam condemnatoriam in viros dignitate & potentia eminentes, qui me sine causa, quippe innocentem, summa injuria, contra mea merita, acerrime sunt persecuti, jam pronunciatam, & mox exsequendam, ad animum revoco. Sermo est ellipticus in priore membro, ex posteriore facile supplendus, cum hoc, recte intellectum, pro hypothese habeat, persecutores esse gravi poena adficiendos. Cum enim mox subjungat, se *præ verbo Dei pavore* esse adfectum, haud obscure indicat, sententiam condemnatoriam, causam quippe *horroris*, in principes hosce persecutores esse latam. Sermo, suppleta ellipsi, hac, vel simili, ratione fluere: *principes me gratis persecuti sunt*, ac terribile tuum judicium experientur, cujus causa tremiscit cor meum. *Verbum* itaque Dei, quod ipsi *pavorem* trepidum incussit, aliud esse nequit, ac quo principes persecutores, modo memorati, ferirentur, & condemnati poena gravissima adficerentur. Quem usum judiciale verbum & nomen רַבִּי haud infrequenter habet, sive sit controversiam judiciariam agitare, & litem deducere, sive sententiam condemnatoriam pronunciare; ut Jer. 1: 16. Lu: 9. Ez. xxxvi: 5. & alibi. De quo sæpe egi. Utriusque, & litigationis, & condemnationis, ratio hic recte habetur, cum & supra vers. 154. petierat, ut Deus *suam litem litigaret*. Ceterum, cum ejus causa se pavore & horrore esse adfectum declarat, litis & sententiæ Dei severitatem, ejusque terribilia effecta, simul commiserationis suæ adfectum,

etiam, homini proprium, exponit: sicut Prophetæ subinde quoque fecerunt, etiam respectu gentilium, populi Dei hostium, uti Jes. xv: 5. xvi: 9, 11. Jer. xlviii: 31. & alibi. Interpretes longe aliter in posteriore membro instituunt, sed nihil phrasi & nexui congruum adferunt. De quo hic agere non licet.

§. LXXX. *Secundam* adfectionem, longe diversam, *gaudii* exultantis & victoriosi, ex promisso Dei, mox implendo, adeoque ex bono, quod sibi contingeret, natam, tradit, vers. 162., & ex studio legis divinæ, quo flagrabat, confirmat ac illustrat, vers. 163, 164. Ipsum *gaudium*, quo adfectus erat, cum ejus causa, his verbis profert, vers. 162. *Summopere lætor super dicto tuo, instar ejus, qui multum reperit spoliū.* h. e. Sicut persecutorum meorum, sententia tua terribili puniendorum, respectu pavore & horrore corripior; ita, mei ratione habita, & ad meam sortem respiciens, summo, eoque victorioso, adficio gaudio, ex consideratione promissi tui, mox implendi, orto, quo omni bono copiose fruar, adeo ut meum gaudium, & gradu & natura, haud ab simile sit ejus, qui multo fruitur spolio. Ad cujus paraphrasios intellectum notandum est, 1. pronomen *ego* expresse additum esse, ut se nunc de suo statu agere, oppositè ad principes persecutores, indicaret, 2. *gaudium* intelligi feroculum & victoriosum, quæ vera est verbi *lætor* emphasis, ab *oculo obliquo*, quæ propria ejus est notio, sumpta ansa, adeoque insinuare, statum ejus fore hostibus superiorem, & triumphabundum, cujus causa tantopere lætabatur, 3. *dictum* Dei hoc loco, ut sæpe in hoc Ps., & alibi, esse *promissum* Dei, ipsi factum, nunc implendum; denique 4. comparisonem cum gaudio *invenientis copiosam prædam*, tendere quidem ad summum gaudii gradum indicandum, uti Jes. ix: 2. & supra vers. 14. sed simul insinuare, simile bonum & sibi esse concedendum, cum qualicunque gauderet prosperitate,

H h 3

&

••• Vid. Schultens ad Job, III: 23. & Prov. xxiii: 24.

& libertate, hostibus omnibus superatis, & eorum bonis ad se translatis; sicut Davidi notum est contigisse.

§. LXXXI. Subjungit odium suum cujuscunque falsitatis, & amorem legis divinæ, ejusque signum in diurno suo exercitio, quo Deum propter justas & æquas ejus leges laudavit, cum ut, se gratis & sine causa passum esse persecutionem, demonstraret, tum ut, sese non esse indignum, declararet, qui promissum Dei consequatur, vers. 163, 164. *Falsitatem odi, & averſor valde, legem tuam diligo* (omnem hypocrisin, mendacium, & injustitiam odio habeo, & vehementer detestor, legem quippe tuam, fugiendorum & faciendorum normam, amo, meque ad eam componere gestio. vid. vers. 29; 30.) *Septies de die laudo te propter judicia justitiæ tuæ* (in signum amoris mei erga legem tuam profero quotidianum meum exercitium, quo sæpius de die corusca laude te celebros, quod tam justa dederis & æqua jura. Quæ satis expedita sunt.)

§. LXXXII. *Tertiam* animi adfectionem, in spe & expectatione salutis ac liberatione Dei sitam, una cum ejus fundamento, in pacifica conditione amantium legis Divinæ posito, repræsentat, vers. 165--168. Ubi generalem thesin, fundamenti instar, præmittit, vers. 165. *Pax copiosa amantibus legis tuæ competit & contingit, & non, vel ita ut non, sit tuis ullum offendiculum* (legis tuæ studiosis, eamque accurate & ex animo observantibus, non potest non contingere, solet quoque, ut pace & prosperitate tandem fruantur, omni periculo lapsus & infortunii sublato. Convenit dictum Davidis ad Salomonem. Ps. xxxvii: 37. *Observa integrum, & considera rectum, quod postremum ejus sit pax, &c.* ubi vid. dicta.) Applicat hanc thesin ad se, legis quippe Dei studiosum cultorem, & eo fundamento suam expectationem superstruit, vers. 166--169. *Expecta prospectans ad salutem tuam, Jehova! & præcepta tua fac* (cum præceptorum tuorum studiosus sim observator, adeoque jus ad pacem sine offendiculo, amantibus legis tuæ

tuæ repositam, habeam, salutem illam tuam, seu liberationem meam ab omni qualicunque malo, a Te procurandam, adcurate confidero, adpeto & exspecto, tanquam mihi competentem, & inveniendam. Quam sensus amplitudinem continet verbum *אני*, de quo ad Ps. civ: 27. *monui*, & uberius agam ad Ps. cxlv: 15.) *Custodit anima mea instructiones tuas, easque diligo valde* (cum summopere amem tuas leges, ad felicitatem me instruentes, eas animo continuo conservo præsentem, ut in omni mea conversatione mihi semper præsto sint) *observo mandata tua & instructiones tuas* (ipso facto etiam præsto leges tuas, quas amore complecti, & animo insitas habere, modo affirmavi.) *quia omnes viae meae coram Te sunt* (vel tibi notæ sunt & observatæ, vel tibi curæ cordique, prout cum proxime præcedentibus, vel paulo remotiore vers. 166. *exspectare* salutem Jehovæ, construantur verba. *Posteriore* ratione sensus erit, se & eo nomine sibi promittere liberationem, quod *omnes suæ viae*, quas calcavit, omnia sua fata, a Deo ex amore curentur & dirigantur; quod non nisi in *salutem* suam exire poterit. Quo sensu phrasîs *coram Deo esse* sumitur Ps. lxxxix: 37. Jes. xlix: 16. & alibi, sicut &, quod *Deus nosse dicatur viam iustorum*, Ps. i: 6. & alibi. *Priore* vero ratione, vel sinceritatis suæ in modo data professione erit demonstratio, in provocatione ad Dei scientiam sita, ut sensus sit, me tua præcepta observare ex vero dixi, & tu probe nosti, *quia omnes meæ viae coram te sunt*, tibi probe notæ & exploratæ, uti Ps. cxxxix., vel ratio dabitur, quare præcepta Dei tam accurate observaret, inde petita, quod coram Deo, omniscio & omnipræsente iudice, ambularet; cui itaque vias suas adprobare debeat, & gestiat: sicut in phrasî *coram facie*, aut *oculis*, Dei ambulare.)

§. LXXXIII. *Vigesima secunda*, & ultima, pericopa, vers. 169-176., per modum conclusionis, preces, in superioribus fusæ, supplicat, ut Deo gratæ sint acceptæque,

que, ac fortiantur effectum in se eripiendo, propositum Dei propterea celebrandi repetit, denique preces ipsas, quas protulerat, summatim profert, & recapitulat. Sunt itaque tres pericopæ partes. *Prima* exauditionem precum, supra factarum, continet, vers. 169, 170. *Adpropinquet querula mea vociferatio* (vox enim רנה, cujus proprietas est, a sono ficta, in tremulo & tinnulo, æque ad tristem & querulum, ac lætum sonum transfertur, uti Ps. xvii: 2. cxxlii: 7.) *coram te* (sit admissa, & tibi grata, ut effectum nanciscatur) *Jehova! secundum verbum tuum intelligere me fac* (convenienter promisso tuo, a Te quippe *Jehova*, verace justo & bono, certo certius implendo, me, vel *intelligere fac* coram Te accessisse querelas meas, ut de eo certus consolationem percipiam, vel sapientem me fac & prudentem, ut res meas ita instituam, ut votorum compos fiam. In quo si acquiescere quis nequeat, nihil rectius suppetit, quam ut pro רכני legat רכני *firmum me fac*, in tuto & stabili statu me pone: quod forte cum seq. versu, eodem modo desinente, aptius convenit, etiam supra vers. 5. habuimus.) *Intret supplicatio mea coram te* (penetret in sacrarium tuum, ubi resides, & audire ac benigne recipere soles preces tuorum: quo verbum בוא *introire*, oppositè ad *foras*, ducit; ut sæpe notavi) *secundum dictum tuum* (seu promissum, ut sæpe habuimus) *extrahere me* (ab omni angustia, violentia, & miseria me libera, potente manu tua exserta: sicut sæpe supra oraverat.)

§. LXXXIV. *Secunda* parte propositum Deum, precibus auditis, & liberatione præstita, propterea laudandi, quod sæpe testificatus erat in superioribus, renovat & amplificat, vers. 171, 172. *Ebullient labia mea*, vel *scaturiendo proferent copiose*, *coruscant tuam laudem* (gloriosas tuas perfectiones & virtutes, in legibus & operibus tuis conspicuas, copiosa oratione & carminibus, nobiliore vena fluentibus, celebrabo. Verbum enim נאנץ, proprie *scaturire*

rire cum crepatione, e sono fictum, utrumque comprehendit, de quo ad Pf. cxlv: 7. dicam) *quia docebis me statuta tua* (ut ea in omni complexu, amplitudine & mirabilibus, seu sensu reconditiore, cognoscam, & præstem; quod sicut te facturum esse confido, ita me ad laudes tuas canendas aptum reddet, & excitabit.) *Fluendo proferet lingua mea eloquium tuum* (copiosa oratione & ubere fluxu verborum enarrabo, etiam cantabo, eloquia tua. Origo verbi נַחַשׁ est in *fluendo*, unde inter alia transiit ad fluxum verborum, & cantationem *a*.) *quia omnia praecepta tua sunt iustitia* (æqua, iusta, bona; adeoque quavis laudatione ac celebratione digna.)

§. LXXXV. *Tertia* parte repetit, paulo distinctius, preces, sæpe antea memoratas. *a*. *Prima* petitio, una cum ratione movente exauditionis, his verbis profertur, vers. 173, 174. *Sit manus tua* (seu promte & firmiter sese exferat) *ad mihi opem ferendam* (me sustentando, ne succumbam, & patrocinium præstando, simul perfecte liberando, & omni bonorum copia donando: quæ verbi נָחַם nota est emphasis, origine sita in *copioso fluxu*, & *abundantia*, uti in ubere animalis largiter fluente *b*.) *quia mandata tua selegi* (excerpsi mihi tanquam optima & opima.) *vehementer desidero salutem tuam, Jehova!* (animo æstuante feror in omnem illam felicitatem hujus & futuri seculi, quam tu, *Jehova!* qua talis promissisti, & piis tuis concedis: nulla enim ratio est vocem *salutis* restringendi. De verbo נַחַם supra, vers. 20, 40. exposui.) *& lex tua est summa mea oblectatio* (unica quippe ad hanc felicitatem consequendam via.)

§. LXXXVI. *β*. *Secunda* petitio ita habet, vers. 174. *Vivat anima mea*, (vita fruatur diuturna, læta & prospera) *& laudabit te* (ut laudet, sicut faciet, anima mea; scopum, simul propositum petitionis pium, & sibi salutare, indicat.)

a Vid. Cl. Kuypers Diss. Acad. ad V. T. loca p. 19.

b Rev. Lette ad Jud. v: 23.

cat.) *et judicia tua mihi copiose adfluant* [materiam laudationis mihi abundanter præbeant, meque quovis bono donent, sive *judicia* tua, quibus præmia & poenas dispensas, sive *jura* tua, justa & æqua, a me observanda, & meditatione in succum & sanguinem vertenda. Eum enim verbi $\alpha\gamma$ significatum, in *copioso fluxu* situm, modo observatum, hic adoptaverim.) γ . *Tertia* denique petitione omnia desideria complectitur, & concludit, vers. 176. *Oberravi instar ovis percutis, require servum tuum, quia præceptorum tuorum non sum oblitus.* Aberrant, meo judicio, qui ad moralem aberrationem a via virtutis & pietatis referunt, quia totus Ps. contrarium spirat; ipsum illud *aberrare a lege Dei* a se removet, vers. 110. & mox addit, se præceptorum Dei in ipsa hac oberratione fuisse studiosum: adeoque rectius instituunt, qui de statu calamitoso & periculoso cogitant, quo quis a societate civili & religiosa resectus, domo & opibus excussus, incertis sedibus quaquaversum vagatur, & quibusvis discriminibus vitæ, ac hostium insidiis, est expositus, instar *ovis*, a grege & caula avulsæ, & pastoris cura orbæ, oberrantis, & variis modis facile perituræ. Qui status Davidis fuit tempore fugæ sub Saulo: uti constat. *Ovis* autem $\alpha\gamma$ est, vi verbi, cujus proprietates est in *secando*, scindendo, & ita corrumpendo, quod jam notavit Rev. Abresch *a*, quæ, ut observo, superest, Ezech. vi: 3. & Ps. xxxii: 13. quæ, ut dixi, a grege & caula *resecta*, vagatur sine pastore, ac facile *laceratur* ac perit. Cum autem supplicat, ut Deus ipsum *querat*, liberationem ab hoc statu, & restitutionem plenariam, qua in tuto collocatus, societati civili ac religiosæ redditus, secundum vota vivere, & bonis promissis sub tutela Dei gaudere possit, eum in oculis habuisse, facile patet; nec uberiore explicatione opus habet. Conf. Jer. xxiii. & Ezech. xxxiv.

• Specim. Philol. ad Obad. i. p. 88.

PSALM.



P S A L M. CXX.

1. *Canticum graduum, vel adscensionum. Jehovah, cum in summis eram angustiis, invocavi, & exaudivit me.*
2. *Jehova! extrabe animam meam e labio mendace, & lingua dolosa.*
3. *Quid dabit tibi, & quid adjiciet tibi? o lingua jaculatrix!*
4. *Sagittas herois acutas cum prunis genistarum.*
5. *Vae mihi! quod diverfer Mesech, habitem apud tentoria Kedar.*
6. *Plus quam satis habitavit anima mea cum pacis osoribus.*
7. *Ego ipsa pax sum, sed statim ac loquor, ipsi ad bellum.*

PROLEGOMENA.

§. I.

EX Psalmi inscriptione, quam cum aliis quatuordecim sequentibus habet communem, nihil aliud lucramur, ac fuisse cantilenam popularem & liberiolem, certis numeris minus adstrictam, nec ad musicæ leges adeo compositam, ore etiam magis quam instrumentis canendam. Tale enim odarum genus vox Hebr. שיר exprimere solet, in quo ab alia voce מִזְמֹר, quæ *Psalmum* dicit, carmen numeris alligatum, & majore cum arte compositum, distinguitur. Altera vox חִמְלָה, quæ inscriptione continetur, si-

ve veritas *graduum*, five *adscensionum*, adeo in obscuro jacet, & diversissimis præterea Interpretum conjecturis obscurata est, ut ejus investigatio tædium quidem, nullum vero fructum, parere queat. Vulgata est opinio, 15. gradus, quibus ab atrio mulierum ad illud Israelitarum adscendebatur in Templo 11., originem huic inscriptioni dedisse, acsi a Levitis in illis gradibus cantari fuissent soliti. Sed, præterquam, quod unico Misnæ testimonio *a*, tanquam fundamento, quod nemo nescit quam sit leve, & est præterea sensus loci in hanc rem minus liquidus *b*, innitatur, nec atrium mulierum ab illo virorum diversum, nec totidem gradus demonstrari queunt. Contra, in Templo Ezechielis, atrium exterius 7, & interius 8, habuit *gradus*, qui cum 15 faciant, ad eos gradus hi Ps. rectius referrentur; modo caveatur, ne *Levitis*, tanquam publicis cantoribus, adstringantur; potius populo, quam Levitis, cantandi destinati sunt, in usum privatum magis, quam publicum. Sunt enim *cantilena* liberiores & populares, nec *præcentoris* hic ulla fit mentio.

§. II. Quod Coccejus conjectavit, titulum *ascensionum* ad varias gradationes factorum N. T. esse referendum, quibus Ecclesia Christi ab usque initiis ad perfectionem tenderet; nimis subtile non tantum & remotum est, sed & ab argumento & scopo harum odarum abhorrens, ut ex singularum pertractatione parebit; ne nunc dicam, plures alios Ps. hoc titulo fore insigniendos ex hypothesi Cl. Viri.

§. III. Mihi nihil solidi de titulo dici posse videtur, cum nimis generalis sit. Vox enim *adscensionum* absolute posita ad varia referri potest, ex. gr. ad *tonum* elevatiorem; quemadmodum Psalmi *super Alamoth*, qui est tonus *virgineus*, quæ voces מלחמה & מלחמה *Alamoth* & *Maaloth* non nisi transpositione unius litteræ differunt, præterea ad *animum* erectum, ejusque *elevationes* ad Deum in precibus & medi-

a Cod. Midd. c. 2. & Succ. c. 5.
in disp. ad Ps. cxxxiii.

b Vid. Cl. Vriemoet

meditationibus sacris respici potuit, cum *cogitationes cordis* dicantur *adscensiones*; Ez. xi: 5. Denique adscensiones Israelitarum ad Deum Hierosolymis in Templo colendum hic in censum venire quirent, maxime cum odæ hæ aptissime in Israelitas ad Templum adscendentes quadrent: uti cxxii, cxxv, cxxvii, cxxxiii. & aliæ. Quicquid sit, *cantica adscensionum* esse possunt animi, in Deo erecti, piæ & ejaculatoriæ meditationes eorum, qui Hierosolymam & Templum adscendebant ad Deum ritu præscripto honorandum & colendum, prout cujusque pii & Deo devoti conditio requirebat.

§. IV. Nostro cantico, ut ad ejus *argumentum* progrediar, persona pia & pacifica in scenam prodit, quæ, a calumniatoribus, iisque hypocritis & pacis osoribus, potentissimis diu vexata, loco cedere coacta erat, & incertis sedibus vagari debebat, ut persecutiones violentorum in terra grassantium evitaret. Quo in statu preces, quibus liberationem suam cum calumniantium oppressione petit, ad Deum fundit. Persona, ut ejus lineas paulo accuratius ducam, hic sistitur, 1. pia & pacis studiosissima, vers. 7. 2. atrocissimis calumniis petita, quibus *bellum* concitabatur in ipsam, vers. 2, 7. 3. ab hominibus violentis & summam rei tenentibus, sive dominantibus & grassantibus, adeo ut salva vita & fama in terra sua manere nequireret, vers. 2, 5. 4. Quæque illis violentiis mota, ut diurnas vexationes effugeret, vaga & errabunda huc & illuc discurrere necesse habebat, & latibula quærere, vers. 5. Denique 5. quæ tandem de hostibus suis triumphavit, hostesque *telis* justitiæ Divinæ secundum prædictiones suas vidit oppressos, vers. 3, 4.

§. V. Methodus *verbalis*, qua hoc argumentum exequitur, est concinna & egregia, quæ animi in Deo erecti, & vividi afflictionum sensus indicia præbet. Primo sese in precibus ad Jehovam vertit, ejusque liberationem implorat ex calumniatorum potestate, mox hostes adlo-

quitur, iisque severissimam vindictam denunciatur; inde in acerbissimas erumpit querelas de afflicto statu, in quem per calumniatores & persecutores erat redactus, ut incertis sedibus vagari necesse habuerit. Denique rationem pandit, quæ oberrationes illas suas peperit, nulla sua culpa, sed diuturnis impiorum vexationibus ad id compellentibus. Cætera, *stylus* nihil habet singulare, nisi quod insignioribus figuris, ut luminibus, sit distinctus, & valde emphaticus.

§. VI. Hinc *analysis* sponte sese offert. Post prologum vers. 1., de quo mox, I. *primo* occurrunt preces pro liberatione a labiis falsis & lingua dolosa, vers. 2. II. *Secunda* pars continet denunciationem severissimæ vindictæ hostibus illis infligendæ, vers. 3. 4. III. *Tertia* parte querelæ occurrunt de præsentē oberratione, vers. 5. IV. Cujus rationes, a diuturna vexatione impiorum repetendas, pars *quarta* pandit, vers. 6, 7.

§. VII. Circa *Tempus*, quo canticum a poeta factum est, dubium aliquod oritur ex vero vers. 1. conspectu, num sc. in ipsa illa vexatione compositum sit, an postquam ea esset ereptus. Versus enim primus, vel summam potest continere totius cantici, vel fundamentum exauditionis precum. *Prius* si obtineat, preces seq. ad illas angustias pertinebunt, in quibus fusæ erant, & ex quibus nunc vindicatus erat poeta. *Posterius* si locum teneat, versus primus ad superiores & præteritas angustias respicit, ex quibus ereptus olim, nunc solidum habebat fundamentum, cui novæ preces inniti poterant, de quo suo loco.

A N A C R I S I S.

§. VIII. Altioris est indaginis, & utilioris disquisitionis, verum Pf. *subjectum*, seu *personam*, ejusque *statum*, cui hæc ode convenit, definivisse: unde ejus intellectus cum
maxi-

maxime dependet. Cum *Auctor* Ps. penitus in obscuro sit, & argumentum se ad plures personas transferri patiat, *subiectum* ex mente poetæ determinasse, est longe difficilior. Sunt, qui de *Davide* , vitam vagam metu persecutionis Sauli agente, cogitant, nec adeo male, si canticum rite explicetur. Characteres enim personæ supra positi in Davidem non male quadrant. Fuit ipse vir pacificus, calumniis aulicorum Sauli continuo petitus, & propterea vitam quietam relinquere ac incertis sedibus vagari coactus, qui sensus est versus 5., ut suo loco patebit. Ipse denique insidiatores suos vidit iudicio Divino oppressos, seseque ex angustiis in locum apertum & editum eductum. Obijci quidem solet, Davidem non in tentoriis *Kedarenorum* habitasse, sed speluncis; verum ex prava vers. 5 interpretatione id ortum est, quippe cujus sensus est, Davidem incertis sedibus oberrasse instar *Kedarenorum* in tentoriis habitantium: de quo mox. Illud fortius hanc opinionem oppugnat, quod belli contra hanc personam moti causam & occasionem in primis dedisse dicantur ejus *verba* & *sermones*, quod de Davide minus constat, contra, cum Davidi commercium sermonis intercederet cum Saulo, tantum abest, ut Saulus fortius in ipsum concitatus sit, ut mitiorem semper animum induerit, & ab ipso vexando abstinuerit. Multum fateor imminuetur difficultas, si statuatur, verba *Davidis* innocua in malam partem rapta sæpe ansam dedisse calumniandi, acsi regnum ambiret, quæ causa persecutionis fuit; dein Saulum identidem quidem fuisse mitigatum, sed calumniatores semper acrius instituisse, ita ut, quo magis ipse leniret molli oratione Saulum, illi, in deterius verso sermone, majores nervos ad Saulum incitandum intenderint: quæ verissima sunt. Addi potest, vers. 7^{mum} potius in Davidem adhuc in aula Sauli versantem, quam exulem convenire, ut seq. docebunt. Ergo nulla graviore premitur difficultate, ac quam nomen *Davidis* in titulo neglectum præbet, cum probabili

le minus videatur, ejus nomen oblivioni fuisset tradendum, si eum auctorem habuisset Psalmus. Sed nec ea tanti est, cum non desint Psalmi, titulo seu nomine ejus carentes; qui ipsum tamen autorem habent; ut ex Commentario nostro constat.

§. XI. Videamus, num verior adferri queat hypothesis. Missis, qui de Judæis in exilio Babylonico cogitant, cum nullum ejus criterium occurrat, plura ei contraria, nihil enim de calumniis Judæis tum impactis, nihil de iis tanquam causa persecutionis, nihil de bello contra ipsos moto, ergo, iis missis, aliorum nunc satis recepta opinio, qua Ecclesiæ N. T. fata hic depingi existimatur, sine animadversione prætermitti nequit. Cl. Coccejus, qui varia illius Ecclesiæ fata, quibus ad perfectionem tenderet, sibi hic ob oculos ponit, vers. 1. de Ecclesia per sanguinem Christi ex angustiis & terroribus legis redempta interpretatur; vers. 2, 3, 4. Gentes & Judæos eam petentes calumniis & persecutionibus describi censet, vers. 5. falsi Christiani, alias Antichristiani, repræsentantur. Denique vers. 6, 7. ad reformatos pacis ofores, & pacificos vexantes, transfert. Cuncta hæc, omni quippe fundamento destituta, æque facile rejiciuntur, ac statuuntur, imo longe rectius, cum sint valde remota & longissime quæsitæ, nec phrasibus congrua: quod cuique facile in oculos incurrit.

§. X. Aptius alii, ut Tillius, ad Ecclesiam Christianam in primordiis Evangelii inter Judæos versantem, & a molestissima cum illis cohabitatione separari gestientem, referunt: non adeo male, cum Judæi Christianos variis calumniis, mendaciis, & artibus petiverint, eosque tandem coegerint huc illuc divagari; deinde *sermones* Christianorum, fidem profitentium & adnunciantium, Judæos incenderunt, & belli causæ fuerunt cum Christianis. Denique & Judæi telis judiciorum Divinorum sunt prostrati, & Christiani in libertatem asserti. Sed illud obstat, quod

ea-

eadem ratione ad Christianos inter Gentes versantes accommodari queat, imo & ad pios tempore Antiochi Epiphanis, quando eandem sortem a Syris & impiis Judæorum subire coacti sunt. Nihil hic réperitur, quod huic, vel illi personæ aut tempori, canticum adstringit.

§. XI. Ergo meæ cogitationes ita habent, canticum primo & directè ad ipsius poetæ conditionem respicere; si sit David, cum ipse a Saulo ejusque consiliariis est vexatus, si aliquis prophetarum, ut *Elias* ex. gr., cum a pseudo-prophetis petitus in eundem statum oberrationis & angustiarum est conjectus, si aliquis pius tempore persecutionis Epiphanicæ, cum ipse & socii a Syris & impiis affligerentur ob professionem & pietatem, multis calumniis obruti. Quæ definiri nequeunt. Sed præterea existimaverim, Ps. ad alias similes personas, similesque casus, rectissime, & ex scopo Spiritus, hanc oden in perpetuum piorum usum inspirantis, accommodari, ut ex. gr. ad Christianos, primum inter Judæos dein inter Gentes, hostili in eos animo, degentes, denique ad quosvis alios pios ob confessionem & pietatem suam a popularibus vexatos & agitados, ita ut pacifice inter eos agere nequeant pacis studiosissimi, sed calumniis, aliisque insidiis, in omnium odium & invidiam adducti huc illuc salutis ergo vagari debeant. Quibus omnibus hæ preces, *libera animam nostram*, hæ denunciationes judiciorum Divinorum recte congruunt, nec effectui carent. Distinguamus itaque inter poetæ primam intentionem, & cantici ulteriorem accommodationem, statuamusque, Spiritum mentem ejus ita direxisse, ut Ecclesiæ & piis sequentium temporum exemplum præberet, ab ipsis in similibus casibus imitandum, adeoque Ps., tanquam generale argumentum complexum, cujus perpetuus foret in Ecclesia usus, contemplemur, & explicemus. Qua admissa hypothese, nil temere definietur, & sensum Ps. recte percipiemus, ac ad suos cuique permittemus transferre casus, huic respondentem.

E X P L I C A T I O.

§. XII. Præfatio ita sonat, vers. 1. *Jehovam, cum in summis essem angustis, invocavi, & exaudivit me.* h. e. Mala multa & gravissima cum me undiquaque premerent, & tantum non opprimerent, ad Dominum, Deum Israelis veracem, gratiæ & misericordiæ plenum, toto animo confugi, eumque liberatorem & vindicem inclamavi, ipseque clamores meos audivit, exaudivit, & me liberando ac eripiendo, ipso facto respondit. Versus nihil habet inpediti, quare paucis defungar. 1. Vox *angustia* qualescunque anxietates & pressuras denotat, quæ cum intus excruciant, tum extus valde premunt, & exitum fere excludunt: qualia cum varii generis esse queant mala, & vox generalis sit, nos ab iis restringendis abstinemus; illud tantum notasse contenti, *summas* angustias per formam vocis, quæ n. habet *paragogicum* emphaticum, exprimi. 2. Deus ad preces respondet, sive cum exitum monstrat, adeoque fiduciam ac patientiam inspirat, sive cum reapse eripit, & in libertatem exferit. Quæ sunt facilia.

§. XIII. Illud denique observetur, versum, vel *summam* totius cantici, vel *fundamentum* sequentium precum continere. Priore sensu, connectendus erit cum vers. seq. per *אמר* *dicendo*, acsi diceret. Cum mihi arctum erat, invocavi Dominum, ipseque mihi respondit, *dicendo*, vel hunc in modum locutus cum Deum invocarem, *eripe* &c. Ita *angustia* expriment conditionem, quæ mox explicatur; & canticum post liberationem erit compositum, in gratam præteritæ afflictionis cum læto statu commutatæ memoriam. Sed, si posterius eligatur, nexus hac ratione erit constituendus & supplendus. In angustis præteritis Deum invocavi, & me eripuit, in præsentis itaque, hoc fundamento fretus, me ad eum converto: *eripe* &c. Difficilis et si sit ex his interpretationibus electio, prior tamen oratio

tionem reddit rotundiorē, & faciliorem; nec non ufui Pl., ab afcendentibus Hierof. canere foliti, aptius conuenit. Illi enim non poffunt tanquam huc illuc oberrantes exhiberi, ut hic fit, fed qui liberati grata mente illas anguftias recolunt.

§. XIV. Hoc præmiſſo præloquio, feſe ad Jehovam recta convertit, ab eoque liberationem ex anguftiis his verbis ſupplicat, verſ. 2. *Jehova! extrahere animam meam ex labio mendace, & lingua dolofa.* h. e. graſſante eorum & dominante violentia, qui me calumniis & mendaciis obruunt, & fraudulentis ratiociniis in perniciem dejicere conantur, me, meamque vitam eripe, Tibique potente manu in libertatem aſſere. *Labium mendax & lingua dolofa* hic non Dei, ſed pii hujus reſpectu veniunt, ut ex toto Pl. maniſeſtum eſt, adeoque *faſſiloquium labium* non eſt, quod falſos Deos docet, vel *lingua dolofa*, quæ ſub prætextu verbi Dei falſam religionem inculcat, ſed quibus pii calumniis obruuntur, & fraudulenter evertuntur. *Labium mendax* illius eſt, qui innocentes apertis impetit *mendaciis*, falſisque eum petit testimoniis, quibus eorum fides aut vita falſo accuſatur, illique atrociffimorum criminum palam rei peraguntur. Sed *lingua dolofa* ejus eſt, qui ex occulto tela pernicioſa ejaculatur, & infidias ſtruit, quibus inprovifo alius evertitur. Vi vocis proprie eſt *lingua ejaculatrix*, inde *dolofa*, decepatrix. Radix enim יָעַל *jaculandi* præfert notionem, & a jactu *ſagittæ* ad fraudes ſeſe porrexit, proprie a jactu *ſagittæ*, quæ quis ex occulto læditur. Complectitur itaque *lingua jaculatrix*, quæ ex occulto ferit, qualescunque fraudes, artes ac machinationes, quibus proximo exitium ſtruitur; uti ex. gr. cum aſtu, vel ſub ſpecie amicitie, ex ore ejus quid elicitur, quod in crimen trahi queat, cum verba & actiones ejus in deterioreſ partem rapiuntur, cum multis conſequentibus onerantur ejus opiniones & facta, cum per multas artes immiſcetur negotiis ipſi pernicioſis, cum occultis calum-

niis in odium & invidiam adducitur, cum fraudulentis ratiociniis ipse improbitatis, hypocrisios, malarum machinationum reus agitur; cum denique prætextu studii veritatis & gloriæ Dei proximus ob opiniones & confessiones vexatur, agitur, & in quævis mala præcipitatur.

§. XV. Cæterum, cum a tali labio & lingua liberari petit vir pius, significat *dominium* ejus linguæ in terra sua, ita ut nusquam ab ea tutus sit, nusquam fere reliquum habeat refugium: hoc enim innuitur, cum ad Deum se recipit, & animam suam eripi cupit. Status itaque societatis indicatur, quo linguæ mendaces & dolosæ grassabantur, & summam tenebant, nec piis ac pacificis tranquille in ea licebat agere: quemadmodum cum mendaces & dolosi sunt plurimi, & potentes in terra, quibus resisti nequit. Denique *vita* se incurrisse periculum, & de *anima* sua fere actum esse, indicat, cum eam *eripi* petit. Verbum *eripere* potentem involvit *manum*, qua ad liberandum opus sit. Eripitur anima 1. cum *innocentia* in lucem profertur, & ab omnibus agnoscitur, ac *calumniatores* pudore confunduntur; 2. cum potentes consequitur patronos & defensores, qui ejus causam agunt; 3. cum hostes in perniciem præcipientes aguntur, quam innocuis paraverant, & hi liberati tranquille ac pacifice degunt.

§. XVI. Poeta, posteaquam liberationem a labio mendace & lingua deceptrice in terra grassante, & sibi exitium minante, supplicasset: mox, sermone ad ipsos calumniatores & insidiatores verso, iis severum Dei judicium denunciat, quo quod piis & innocentibus parabant exitium ipsi experirentur, versi 3, 4. his verbis. *Quid dabit Tibi & quid adjiciet Tibi? o lingua jaculatrix! sagittas Herois acutas, cum prunis genistarum, vel arderibus, aut ardentibus genistis. h. e. Væ Tibi, lingua decepatrix! calumniator & insidiator pessime! qui me innocuum telis tuis ex occulto petis, & perniciem mihi machinaris: væ tibi! inquam, Deus, justus judex & oppressorum vindex, quid tibi*

tibi dabit, quid addet? quid Tibi rependet? quid aliud, ac *sagittas viri fortissimi acutas, & ardentis genistas*, seu iudicium severissimum, & inevitabile, quo graves inter cruciatus male peribis? Ex Interpretibus multi *linguam dolosam* vers. 3. pro subiecto habent, & cum *dabit* construunt, hoc sensu; *quid dabit lingua dolosa Tibi*, sc. o calumniator, quid inde ad Te emolumentum? vers. vero *atum* ad linguæ deceptricis descriptionem referunt; eamque cum *sagittis & prunis* ardentibus comparari statuunt. Sed ea interpretatio 1. a genio linguæ abit: nam *lingua* est foem. & *dare* in masc. occurrit, quare *lingua* cum *dare* construi nequit. 2. orationem facit impeditiorem: quid enim hic ad linguæ dolosæ lineas ducendas rediret poeta? & durior ellipsis orationis defectum suppleret, nam mente intelligi deberet ante vers. 4. *lingua dolosa est sicut sagitta* &c. Aliorum itaque interpretatio, quam in paraphrasi & versione expressi, longe est facilior, & structuræ orationis convenientior; secundum quam versus 3^{tius} interrogationem, & 4^{tus} responsum continet; uterque ad iudicii divini denunciationem pertinet.

§. XVII. Sermo dirigitur ad *ipsam linguam dolosam*, quæ quo occultius, eo certius tela perniciofa jaculatur, cujus notitiam supra dedi. Hosce calumniatores & insidiatores quæ maneant mala a iusto mundi iudice, & piorum vindice, infligenda, insigni figura per interrogationem & responsum effert. *Quid dabit Tibi, & quid addet?* sc. Deus, quod ex versu superiore nec non ex vulgata in *jurejurando* formula, ad quam hic respicitur, facile poterat colligi. Formula, quæ poetæ hic in oculis fuisse videtur, habet, *Sic faciat mihi Deus, sic addat.* 1 Sam. xx: 13. xxv: 22. Ruth. 1: 17. quæ & gravissima & perpetua mala comprehendit. Cum autem hic verbum *dare*, & non *facere*, occurrat, mihi ad *mensuram*, ejusque *additamentum*, quod supra *mensuram* adjicitur, & eam superabundantem facit, respici videtur, ut sensus sit: quam tibi Deus dabit remunerationem?

nem? Cæterum, *dare* in malam partem quoque usurpatur, non tantum cum *in manus hostium dedere* denotat, sed & cum absolute ponitur, uti Hof. x: 14. *da ipsis Jibova, quid dabis? da ipsis utrum sterilem* &c. sic hoc in loco: *quid dabit Tibi*, o lingua jaculatrix? & *quid addet Tibi Deus?* quam quantamque Tibi retribuet mercedem? quid amplissima mensura in sinum tuum effundet?

§. XVIII. Respondet poeta, *sagittas* &c. acsi dicat, vis, mercedem, Tibi a Deo retribuendam, exprimam? dabit tibi *sagittas acutas validissima manu emissas*, addet tibi *prunas genistarum*, longe aliter ac Tu tibi promittebas. Res tuas præclare Te instituisse, me telis calumniarum palam & occulte petendo, putabas, adeoque laudem & præmium a Deo fuisse meritum, tu vanis cogitationibus delusus exspectabas forte; utique exspectant, qui alios occidendo Deo se inservire, ejus gloriæ & veritati se litare, putant. Sed mercedem, amplissimam quidem, at longe aliam tibi magis congruam, dabit: *sagittas* sc. *herois acutas*, ut ex lege talionis tecum agatur, calumnias tu jaculatus es in pium, *tela acuta* & *prunæ ardentes* in caput tuum recident; calumniarum fructus perniciosos tu tibi carpes. Versus itaque mala comprehendit, quæ per calumnias suas piis conabantur adferre, sed quæ ipsis evenirent calumniatoribus, & piorum vexatoribus.

§. XIX. Mala figurate proponuntur, sub imagine *sagittarum*, & *prunarum genistarum*; quæ duo ad *dare* & *ad-dere* respicere videntur: dabit *sagittas*, & adjiciet supra mensuram *prunas flammantes*; quo structura orationis nos manu quasi ducit: habet enim illa, *sagittas cum prunis*, sc. merces tua erunt *sagittæ*, sed adjungentur iis *prunæ*, adeoque *sagittas* dabit *cum prunis*. Quæ animadversio omnem adimit difficultatem, & rationem reddit, quare poeta *cum prunis*, & non & *prunas*, dixerit. Primum ergo de *sagittis*, dein de *prunis genistarum* dicamus. Utitur poeta in exitii, ipsis divinitus infligendi, descriptione figura

gura *sagittarum herois acutarum*, cum ut in eadem metaphora, qua vers. præced., ubi de *lingua jaculatrice*, usus fuerat, perseveraret, uti & Pl. vii: 13, 14. tum quia in Script. & apud Orient. est usitatissima *a*, tum quia emphasios est plenissima. *Sagittarum* enim emblemata, Deo judici aptatum, certissimum, severissimum, & inevitabile Dei iudicium ob oculos ponit, quo impios lethaliter ferit, eosque inter multos cruciatus quam citissime & inopinato exspirare facit. In *sagittæ* imagine attenditur *a*. ad *velocitatem*, unde dictum, *sagitta velocius*, & hinc *alata* pinguntur sagittæ. *b*. ad lethalem ictum, *c*. qui ex certa jaculantis destinatione infligitur, unde pro *decreto* Dei usurpatur apud Arab. *b*. *d*. qui multis cum cruciatibus est conjunctus. Quæ cuncta exaggerantur per epitheta *herois* & *acutarum*, quæ hic adduntur. Sagittæ herois, seu viri fortis, sunt, quæ validissima & peritissima manu vibrantur: nec aliud hic intendi existimem. Non enim necesse est, ut de certa aliqua persona cogitemus, etsi vel Deum, vel heroas ab ipso suscitatos, ut Maccabæos, si ad ea tempora referatur, vel Messiam, si Ecclesiæ Christianæ hostes hic in censum veniant, intelligere possimus. *Acute* adpellantur sagittæ, quæ & certo & altissime penetrant, necemque adferunt.

§. XX. Superpondii loco accederent *pruna genistarum*, quæ exitium, a sagittis illatum, longe gravius & intolerabilius redderent. Posteriores vocem *genistas* verti, licet vulgo *juniperum* intelligant: sed *genistam* potius esse, quam *juniperum*, ipsum thema, quod *fungere*, *alligare*, dicit, evincit; unde ad *genistam* transferor, quod fructibus hujus *virgæ*, ad flexum nexumque faciles, firmas præsent dignaturas *c*. Prior vox *hujus* signat non *arbores*, sed *prunas* ardentes & flammantes, a rad., quæ *rubrum* dicit colorem, & intensius urere colore flammante. Cum autem vox ea in statu

a Vid. Schultens ad Job. xx: 24. *b* Idem ad excerpt. ex Hph. p. 6. *c* Schultens ad Job. xxx: 4.

-statu constructo occurrat, voces reddendæ sunt: *cum prunis genistarum*. Sed quid sunt *prunæ genistarum*? nihil aliud, ac *prunæ* ardentissimæ, & strepitantes. Tradunt enim, *genistam* vehementissime *ardere*, & *scintillando stridere*, ac *crepare*. Forte in oculis fuerunt poetæ arida *genistarum* cremia ardentia & flammantia, quæ æque ac tela, & cum iis in hostes mitti solebant, ut *faces*, sicut poeta canit.

Jamque faces & saxa volant, furor arma ministrat.

Metaphoricæ *faces genistarum* iræ Dei sensum, & malæ conscientiæ tormenta, quibus anima cruciatur, exprimunt, quemadmodum *ignis* in Script. S. Chald. vertit cum *carbōibus genistarum accensis in gehenna inferne*. Cæterum hæc *prunæ* flammantes, supra mensuram additæ, excidium hostium, quod *sagittæ* expingunt, cum gravissimis animi cruciatibus, & malæ conscientiæ verberibus, fore conjunctum, significant. In quibus acquiescendum est, cum nihil melius suppetat.

§. XXI. Hoc *væ* in calumniatores suos pronunciato, poeta ad se suumque statum redit, & mox in acerbissimas querelas, ex præsentis suæ conditionis consideratione ortas, erumpit, verl. 5. *væ mibi! quod diverser Mesech, habitem apud tentoria Kedar!* h. e. me miserum! quod peregrinus alieno in solo diversari, idque incertis sedibus nunc huc nunc illuc divagari debeam, haud secus ac si Moschus essem, aut apud Kedarenos habitarem. Verba in virum peregrinantem, & oberrantem, unice conveniunt, & personam ob oculos ponunt, quæ, ut calumniatorum vexationes & insidias effugiat, fixum domicilium deferere, & peregrinantis instar incertis sedibus vagari coacta erat. Huc enim nos manifeste ducunt *tentoria Kedarenorum*, seu Scenitarum, Arabum qui vitam vagam degunt. *Kedareni* ex Ismaele oriundi, a *fusco colore*, deserticulis illis, sole adustis, com-

communi, sic dicti, Plinio *Cedrei*, fedes habuerunt *Nabataeis*, ejusdem originis, proximas in deserto Arabiæ Petrææ, vitam pastoritiam degentes, & vagis utentes sedibus, quod Ammianus tradit de Saracenis: *errant semper per spatia longe lateque distenta, sine lare, sine sedibus fixis*. Quorum non obscura est in Script. S. mentio, uti Jes. XLII: 11. LX: 7. Jer. II: 10. Cant. I: 5. Jes. XXI: 16. Ez. XXVII: 21. Ad vagam hanc vitam, & nihil aliud, poetam respicere, ipsæ voces evincunt: utitur verbo *יָבֹשׁ* *habitare*, unde ipsum *scenitarum* nomen, dein *Kedarenorum* meminit, ut ab ea vivendi ratione maxime notorum in Cananæa, tandem *tentoria* memorat eandem ob rationem. Hinc itaque colligendum non est, nostrum loquentem apud *Kedarenos* in specie fuisse diversatum, sed tantum huc illuc vagatum, quemadmodum *Kedarenorum tentoria*. Sunt qui *barbariem* & *savitiâ* populorum illorum hic in censum venire existimant, sed sine ratione, ut ex dictis elucet.

§. XXII. Sed quid vox *יָבֹשׁ* denotat? Interpretes in varias hic abeunt conjecturas. Misiss Judæis nonnullis, qui *Tuscos*, Italiæ populos, inepte intelligunt, voci *יָבֹשׁ* substituunt *יָבֹשׁ*, ut de exilibus inter Romanos capiant, quemadmodum per *Kedarenos Saracenos* & *Turcas* intelligunt, inter quos nunc exules degunt: alii pro nomine proprio gentis, alii pro appellativo sumunt, venit enim utraque ratione in Script. S., pro populo Gen. x: 2. Ez. XXVII: 13. XXXVIII: 2, 3. ubi *Moschi* intelliguntur, qui *Moschicos* montes, seu quicquid est montium a Phasi usque ad Pontum Cappadocicum occuparunt *a*. Sed cum difficilius sit perceptu, quid hic *Moschi*, longius a Cananæa remoti, nec cum *Kedarenis* conjuncti, sibi velint, alii *appellativum* esse nomen censent, & temporis *protractionem*, quæ vocis est notio, seu diuturnitatem, signari existimant, ut *יָבֹשׁ* dicat *mora* protractum spatium *b*. Consentiunt fere in hanc

L1

men-

a Vid. Bochartus Geogr. f. p. I. l. 3. c. 12. ibid.

b Id.

mentem antiquæ *versiones*, si a Chald., quæ *Asiaticos* habet, discefferis.

§. XXIII. Quod ad me attinet; tutius existimaverim nihil definire: dubius hæreo inter propriam & appellativam vim; *populum* aliquem innui, exigere videtur membrum sequens, ubi *Kedareni* memorantur. Quod si cui arrideat, vel scenitas intelligerem, longum montium tractum inhabitantes, vel continuo *proredientes*, fixis quippe destitutos domiciliis, vel potius, cum nomen generali eo sensu non exstet, Moschos & Kedarenos in genere & ex gr. memorari ad remotiores & propiores scenitas designandos, & vagam oberrationem quaquaversum exprimendam: sicut *Citthæi* & *Kedareni* eo sensu junguntur, Jer. xi: 10.; ut ibi exposui. Sed forte rectius *appellative* accipitur, sive *tempus* protractum, ut aliis placet, sive quid aliud, voci Hebr. congruum, designet. Mihi tandem succurrit, phrasin esse selectam & sublimioris styli, qua poeta dicit, se adeo divagari, ut fere dici queat se *diversari in ipsa ambulatione*. Vox *רחל* absolute, ut hic, posita, nusquam *temporis*, sed plerumque *pedum* protractionem, seu *itum* & *ambulationem* signat *a*. Verbum *רחל* est *diversari*, peregrinari, commorari in diversorio, hospitio. Coniunge *diversari* & *ire*, phrasis, *diversari* apud *profektionem*, vel *in ea*, exprimet continuam ambulationem, ita ut ea *hospitii* & *diversorii* speciem præstet, acsi diceretur: cum alii fixum habent domicilium, in quo *diversari* & *quiescere* queant, mihi in ipsa *protractione pedis* est *diversandum*, & *morandum*, h. e. nusquam mihi mora, nusquam quies, continuus sum & perpetuus erro. Quales phrasæ & in aliis linguis prostant: figura est, quæ dicitur *ὀξύμωρον acuti fatuum*. Ita *desolatione* ædificare Job. iii: 14. & *spes eorum* crepatio animæ. Job. xi: 20. *habitare urbes deletas*. Job. xv: 28. & quæ similia alia sunt, fatis usitata.

§. XXIV. Ultima pericopa, quæ eandem oberrationem aliis.

a Vid. de Dieu ad Jer. v.

aliis phrasibus non proponit, ut vulgo putatur, sed peregrinationis rationem ab hostili civium animo, & pacis inimico, petitam, ita sonat, vers. 6, 7. *Plus quam satis habitavit sibi anima mea cum pacis osoribus: Ego ipsa pax, sed statim ac loquor, ipsi ad bellum.* h. e. Quid mirum, quod vitam solitariam & vagam, quam miseram etiam, prætulerim societati illorum, quanta etiam cum ea cohæreant bona? nil mirum, inquam, cum nimis diu jam versatus fuerim inter homines, qui nihil nisi odia & bella spirant; quibuscum si modo loqui instituerem, statim ac os aperirem, verba etiam innocua & pacifica efferrem: tantum abest, ut pacem sibi persuaderi passi fuerint, ut magis in bellum arserint, quo me opprimerent.

§. XXV. Interpretes passim in ea sunt opinione, eos hic per pacis osores intelligi, qui vers. præced. *Kedarent* fuerant appellati: in quo quin erraverint, vix dubitaverim. 1. Kedareni hic ut *errones* & *vagabundi*, non ut latrones, & hostiliter agentes, citantur; ut supra dixi. 2. De externis hic non queritur hostibus; sed *sociis*, & ejusdem societatis membris, hostiliter secum-agentibus, propter quos dulcem illam societatem deserere debuerat. 3. Rationem hic reddit suæ oberrationis; ceteroquin enim idem sine necessitate repeteret.

§. XXVI. Loquitur itaque de *osoribus pacis*, quos ab incredibili & vefano belli ardore describit, vers. 7., seseque apud eos sat diu habitasse dicit, adeoque tandem coactum certas suas sedes cum incertis & perigrinationibus vagis commutare. *Osorem pacis* num. sing. appellat, sive quod in principem eorum digitum intendat, sive quod *collective* loquatur: utique plures fuisse, eosque dominantes, ex vers. seq. manifestum est. *Osores pacis*, quibus supra *labium* mendax & linguam *jaculatricem* adsignaverat, sunt 1. qui, ab omni pace per pravam indolem abhorrentes, in litibus, rixis, vexationibus, summam collocant voluptatem. 2. qui in specie pietatis & veritatis studiosos odio

habent, omnemque cum iis concordiam ac societatem averfantur, sive quod personarum odio flagrent, sive quod, ambitioni litantes, eos laudari ac florere lividis intueantur oculis, sive quod e re sua non esse intelligant, ut diverse sentientes, & rectius viventes, pace & prosperitate gaudeant, sive quod, nimio propriarum opinionum studio ducti, dissentientes ferre nequeant, sive quod perverso gloriæ Dei & veritatis amore flagrantes, diversarum opinionum & sectarum homines pro veritatis & Dei hostibus habeant, adeoque nihil non sibi in eos licere autument, sive denique, quod Ecclesiæ, vel Reip., interesse, & ad pacem instaurandam necesse censeant, si eos, qui diversam ab iis viam insistunt, vexationibus ad silentium redigant, eosque exterminent, adeoque si per bellum ad pacem grassentur.


§. XXVII. Hi quanto furore in proximum accensi sint, explicat vers. 7. cum dicit, eos de *pace* ne verbum quidem audire tantum nolle, sed & ex ipsis eorum verbis & sermonibus, quam innocuis etiam & bonis, bellum ferre: *ego pax sum*, dicit vir pius, abstracto pro concreto emphasios causa usus; ego summe sum *pacificus*, mitis, lenis, mansuetus, neminem non libenter ferens, qui quicquid possum *pacis* causa ago, patior: sed quid *illi*? adeo a pace alieni, ad bellum proclives & inclinati, ut ne os aperire queam, quin ad *bellum* ruant, sive fidem modeste profitear, sive opiniones, ubi necesse fuerit, prudenter exponam, sive pacem, concordiam, tolerantiam, suadeam, & quibusvis rationibus moventibus approbare institutam, amicitiam etiam ambiam (quem usum verbum רַחֵם eximie præfert, uti alibi a sæpe observavi) sive innocua fundam verba alia, illi ad *bellum* mox, occasione me vexandi per artes, per calumnias, aliasque machinationes, inde extorquent. Illi ad *bellum*, ad *odia* mihi concitanda, ad omnium invidiæ & contemptui exponendum, ad me honoribus,

• Vid. Indices Comment. ad Mal. Pf. & Jer.

bus, opibus, fama, vita, spoliandum, & quæ sunt similia, quæ homines hominibus infligere possunt, mala.

§. XXVIII. Hos inter homines cum diu satis vixero, quid mihi reliquum erat, quam ut eorum societatem fugerem, & in solitudinibus vagarer? diram profecto conditionem! quare *hei mihi!* sed tolerabiliorem *bello*, & belli amantium societate Phrasis est selecta, qua poeta utitur, proprie *multum habitavit sibi anima mea*. h. e. *nimis diu* habitavi: hæc enim vis est vocis Hebr. *א*. Vocula *sibi* cum emphasi abundat, ut Lat. & aliis quoque in usu est. Si majorem velis in hac phrasi emphasin, dicet, habitationem illam fuisse diuturniorem, quam statui & vitæ suæ conveniebat, & utile erat, seque *desiderio*, quod per *animam* exprimunt Hebræi, suo, quo in hanc societatem ferebatur, nimis diu indulgisse, quam decebat, & sibi utile erat.

a Vid. Coccejus in Lex.





P S A L M. CXXI.

1. *Canticum adscensionum. Adtollamne oculos meos ad montes? dicamne, Unde veniet auxilium meum?*
2. *Auxilium meum est a Jehova, qui coelum & terram fecit.*
3. *Non sinet vacillare pedem tuum: non dormitabit custos tuus.*
4. *Ecce non dormitabit, nedum dormiet, custos Israelis.*
5. *Jehova custos tuus est, Jehova umbra tua, ad manum tuam dextram.*
6. *De die sol te non percutiet, aut uret, nec luna de nocte.*
7. *Jehova custodiet te ab omni malo, custodiet animam tuam.*
8. *Jehova custodiet egressum & ingressum tuum ab hoc tempore in perpetuum.*

P R O L E G O M E N A.

§. I.

ARgumentum cantici, a quo recte constituto Psal-
 rum intellectus ut plurimum dependet, non est,
 uti Interpretes, quos inspexi, autumant, consolatio per-
 sonæ adflictæ, & ad incitas redactæ, nulla ipsi, nisi in Je-
 hova, spe relictæ, sed illustris & animosa fiduciæ & spei
 confessio, ac testificatio, quæ certissimum & præsentissi-
 mum

num ac potentissimum sibi adesse protectorem, seque de status felicis, in quo erat, perpetuitate certissimam esse, publice declarat. Interpretes sibi hic fingunt personam, summis angustiis pressam, & omnis auxilii ac consilii fere inopem, sive quod hostibus undiquaque fuerit cincta, & exitum non reperiret, sive quod opus, viribus suis superius, uti est *altissimum montem conscendere*, aggressura foret. Quo in statu volunt, eam fiduciam suam in Jehova collocare, & promissione auxilii Divini *corrobari*, sive Spiritus ipsi hanc consolationem inspiraverit, sive alius introduci censeatur oratione consolatoria eam erigens. Duxit eos in errorem perversus vers. 1mi intellectus. Eum enim acceperunt, acsi persona hæc, de auxilio sollicita, circumquaque oculos flecteret, unde illud veniret, ex quo præterea collegerunt, eam maximis fuisse constrictam angustiis. Sed tantum abest, ut hic versus communi opinioni faveat, ut, si recte intelligatur, eam evertat. Sensus enim est, sibi nequaquam opus esse, ut oculos ad montes flectat auxilii causa, aut anxie quærat, *unde mihi auxilium?* præsidium, cui fidat, & unde status sui firmitas expectet. Qui sensus ex nostra versione sponte elucescit. *Egone ad montes attollerem oculos?* egone quærerem: *unde mihi auxilium?* absit, absit, opus nequaquam est; auxilium meum est Jehova, & de ejus *tutela* sum persuasus. De quo suo loco.

§. II. Deinde, *statum* hujus personæ hic non repræsentari adficiunt & miserum, ut vulgo censetur, illud *a.* evincit, quod ejus hic nulla fiat mentio, nec angustiarum, nec hostium, nec anxie deliberationis. *b.* Inter promissa nullum de *liberatione* occurrit, quod probe notandum, sed omnia in *conservationem* & *status perennitatem* exeunt. *c.* Imo, quod dicitur, *pedem ejus non nutaturum*, nec *sole* nec *luna* eum esse *adurendum*, clare demonstrat, personam hanc ab omni vexatione & persecutione esse, & mansuram, immunem. Hic nulla patet exceptio, nisi quis
Eccle-

Ecclesiam adflictam promissis, in posterum repræsentandis, erigi velit; ita ut nunc quidem sit multis angustiis pressa, sed in statum securum & tranquillum educenda. Sed nihil hic de adflicto statu, nihil de liberatione, reperitur, nulum criterium diversorum temporum; cuncta ad Ecclesiam, vel personam, quæ hic repræsentatur, diriguntur, ipsaque, & non posterius ejus, hæc bona consequeretur. Denique cuncta, quæ vers. 3. &c. occurrunt, eo tendunt, ut *auxilii*, a Jehova expectati, ambitum explicent, adeoque eodem pertinent, quo *auxilii* expectatio.

§. III. Nec *auxilii* vox statum adflictum designat, cum æque ad præsentis status confirmationem referri queat, ac ex miseria *liberationem*, & *illam*, non *banc*, intendi, sequentia promissa, ut modo observavi, evincunt, de quo itidem mox suo loco. Ergo, ut meam opinionem clariore in luce collocem, mihi hic obversatur illustris persona, quam Resp. vel Ecclesia arcte erat conjuncta, recens in statum felicem & gloriosum evecta, quæ cum statum suum non videretur tuitura, hoc in cantico fiduciam & spem suam in Jehova *protectore* suo positam explicat, seseque insignibus hisce promissis, vel ipsa firmat, vel firmari patitur, quod ex *personæ* loquentis mutatione, quæ vers. 3. incipit, dubium est: sed quo sensu capiatur, parum refert. Subjectum Psalmi 1. est singularis quædam persona, & non universus populus, nam & definita persona nominatur, & ab *Israele* distinguitur, cum *custos Israelis* eam dicatur protecturus. 2. Persona haud vulgaris, sed *illustris*, cujus ad populum arcta & singularis erat relatio, quemadmodum, præter alia indicia, evincit, tum quod *custos Israelis* eam sit tuiturus, tum quod *egressus* & *ingressus* ei adtribuatur. 3. Hæc persona in scenam prodit, in *gloriosam* conditionem evecta. Totus enim Ps. in *status* conservationem & perennitatem exit, nihil de liberatione, aut ex miseria educatione reperitur. 4. Denique, quod mihi probabile videtur, in eum statum *recens* erat evecta,
nec

nec eum tuitura videbatur. Ansam mihi hoc opinandi præbuit *a.* quod cuncta promissa circa status *conservationem* versentur, *b.* interrogatio illa, *attolleremne oculos ad montes* &c. & responsum mox additum, *auxilium meum est apud Jehovah*, pro hypothese habere videantur, de statu illo tuendo fuisse dubitatum inter homines illius temporis, & multos sparfos fuisse rumores contrarios. Quod cum vulgo accidere soleat, quando persona quædam *recens* est evecta, nondum confirmata in eo statu, hinc colligi posse censuerim, personam hanc haud ita pridem fuisse in altum sublatam.

§. IV. Argumento in lucem protracto, *methodus*, qua illud pertractatur, verbo est demonstranda. In stylo & structura poetica nihil est difficilis, aut singularis, nisi quod dubium quodammodo sit, num una eademque persona loquatur, an *duæ*; ita ut persona, quæ Psalmi subjectum est, incipiat, altera continuet per modum *responsionis*, orationem. Dubium ex eo oritur, quod, cum persona de se in prima persona fuisset locuta, vers. 1, 2., mox *secunda* persona adhibeatur vers. 3. &c. qua ad aliam flectitur sermo. Quod duplici ratione explicari potest, vel ut eadem persona se alloquatur, suamque fiduciam & spem firmet; vel ut alia persona introduci censeatur, eam promissis luculentis erigens: quod utrumque defendi potest. Forte, cum persona suam fiduciam in Jehova explicuisset, eam Spiritu prophetico correptam fuisse non inepte statuitur; unde personæ mutatio facile explicari potest. Cum enim Spiritus propheticus, qui futuram status confirmationem pollicebatur, a vers. 3. sermonem ipsi inspiraret, recte ad ipsam personam dirigitur oratio. Etsi enim idem loqueretur, loquebantur tamen in eo *duo* principia, alterum *humanum*, alterum *Divinum*: humanus Spiritus prima persona affectionem animi explicabat, Divinus promissis confirmabat: in quo acquiescimus. Nec tamen intercedo, quominus in ode cantanda *duæ* personæ, vel *duo*

M m

chori,

chori, sibi per modum *arrumulas* suis vicibus verba red-
dentes, adhibiti fuisse statuantur, ut diversa loquendi prin-
cipia clarius repræsentarentur: sed quod minus urgeo, nec
multum facit ad cantici intellectum.

§. V. *Partes* Pl. duæ sunt, quæ sese sponte offerunt.
Prior est, in qua persona hæc *spem & fiduciam* suam in Je-
hova protectore suo explicat, adeoque sibi neutiquam
opus esse, ut ad montes, aut ad alia auxilia, respiciat, vers.
1, 2. *Posteriore* parte in hac sua fiducia per luculenta pro-
missa de omnipotente protectione, Divinitus concedenda,
corroboratur, vers. 3—8. cujus specialia membra suo
loco exhibebo.

A N A C R I S I S.

§. VI. Interpretes circa *subjectum* cantici, & hypothesin
ejus interpretandi, in varias scinduntur partes, cum alii de
 Davide in castris versante & hostibus cincto, in specie cum
arcem Tſionis, a Jebusæis occupatam, oppugnare aggre-
diebatur, cogitant, alii ad Judæos exules, & ex Babyl.
exilio reduces, transferant, alii Ecclesiam Apostolicam,
mundum sibi subjecturam, in scenam produci existiment.
Sed *argumenti* Pl. perversus intellectus hosce fluctus con-
civit. Qui ad Ecclesiam Apostolicam, seu Christianam in
principio euangelii, oculos flectunt, præcipue innituntur
vers. 1. *attollo oculos meos ad montes, unde mihi veniat au-
xilium?* quem ita interpretantur: cum *montes*, seu regna
mundi a me superanda, adspicio, measque ad vires atten-
do, unde mihi auxilium? Sed 1. a vera significatione phra-
sios *attollendi oculos ad aliquid* aberrant: illa enim *auxilii*
desiderium & scopum complectitur, non *montis* subjectio-
nem, de quo mox. 2. *Montes conscendere* nec denotat *eos*
occupare, nec eo emblemate utitur Script., ubi de regnis
mundi Ecclesiæ subjiciendis loquitur, verum *montes esse*
compla-

complanandos dicit, ut Zach. iv: 7. Dan. ii: 34. &c. 3. ne nunc dicam, nimis id esse remotum, quod nemo, nisi speciali revelatione, scire posset, vatem hic per *montes* intelligere regna mundi ab Ecclesia subigenda. 4. Denique vert. 5., ubi de *persecutionibus* agi censetur, quomodo Ecclesiæ Christi applicabitur, quæ *solis æstum & lunæ frigus* continuo fere experta est?

§. VII. Aliorum hypothesen etsi sint propiores, & faciliores, quia a sensu literali non abeunt, partim tamen ab argumento cantici discedunt, partim aliis difficultatibus premuntur. 1. Pro militari carmine, in castris canendo, in genere nequit haberi, cum quod ejus nullum sit indicium, cum ea promissa non habuerint Judæi in bello, nec etiam consecuti sint semper eam protectionem. 2. Nec meliore nititur fundamento, quod ad Davidem, arcem Jebusæis erepturum, applicetur: sublestum enim est, quod phrasis *attollere oculos ad montes* ponit, acsi scopum & desiderium exprimeret montem Thionis conscendendi & occupandi; mentio enim fit *montium*, & phrasis dicit aliquo respicere *auxilii inveniendi* causa. Deinde reliqua promissa sunt nimis generalia, quam ut ad unicum eum casum restringi queant. Qua difficultate & ea premitur opinio, quæ oden de *reditu* Judæorum ab exilio Babyl. interpretatur: præterquam quod reduces *iis bonis* semper non sint gavisi, nec pacifice nec secure, nec læte ac prospere, egerint in Cananæa; Illustris quædam persona, & non totus *populus*, hic in scenam prodit, ut supra vidimus, & fundamentum est lubricum, acsi *attollere oculos ad montes* sit Judæorum, in Babylonia oculos Hierosol. versus in precibus vertentium, nec enim illud Judæis Babyloniis tantum convenit, nec *montes* Hierosol. hic intelliguntur: ut mox videbimus.

§. VIII. Quid itaque? mihi ad verum personæ conspectum in hoc cantico, cujus characteres supra exhibui, attendenti, tria occurrunt subiecta, a quibus ode censeretur

potest haud aliena; *David* nimirum recens in regio folio collocatus, *Zerubbabel* dux reducum in Cananæa, unus *Maccabæorum*, in specie *Johannes Hyrcanus*. Hi tres fuerunt Viri illustres, cum quorum statu ille Reip. & Ecclesiæ erat connexus; viri in summam dignitatem evecti, de quibus dubium oriri poterat, num *eam* tuituri essent; qui Deum *protectorem* habuerunt prorsus singulari modo; & hæc bona consecuti sunt per totum, quo in dignitate fuerunt, tempus. Quis vero illorum sit eligendus, & pro hac persona habendus, vix determinari potest, quia *auctor* Ps. est ignotus; si a Davide discesseris, *auctor* Ps. vel *Zerubbabelis* tempore vixerit, vel ipse *Joh. Hyrcanus* fuerit, necesse est, quem, Spiritu Divino ductum, quædam *cantica* edidisse, a Doctis observatum est: cum illud de *Zerubbabele* non constet, censeri potest *Haggai* aut *Zacharias*, ex. gr. hanc oden composuisse, ut huic duci animum adderet; quemadmodum Hag. ii. vers. ult. & Zach. iv. luculenter factum est. Attamen cum conditio Davidis & Joh. Hyrcani, pro altero Davide haberi soliti, fuerit *florantior*, in qua hæc beneficia luculentius sese conspicienda præbuerunt, *alterutrum* pro subiecto Ps. esse habendum existimaverim. Cum autem *auctor* Ps. ignotus sit, adeoque definiri vix queat, cui illorum sit attribuendus; nos *Davidem* pro exemplo potissimum sumemus, & eo scopo hanc oden explicare aggredimur.

E X P L I C A T I O.

§. IX. *Prior* pars, qua *David* fiduciam suam in solo Deo positam exponit, ita sonat, vers. 1, 2. *attollamne oculos meos ad montes? unde veniat auxilium meum*, sc. dicam? *auxilium meum est a Jēbova, qui coelum & terram condidit*. h. e. Egone, qui tot tantaque protectionis & auxilii Divini specimina vidi & expertus sum, in me ab hosti-

hostibus vindicando, & in sublimem hunc statum educendo, egone, inquam, dubius hærerem, & animi penderem, unde status mei firmamentum sit repetendum? mihine opus foret, oculos ad montes & quaquaversum auxilii causa circumvertere, instar eorum, qui, consilii inopes, quo se vertant, nesciunt? nequaquam, absit, absit! certus sum de protectione omnipotentis creatoris coeli & terræ, nec alio protectore indigeo, nullum quæro alium. Oratio non est viri, ad incitاس redacti, cui nihil fere spei supererat, quam in miraculosa Dei liberatione; sed viri summa fiducia præditi, & apud animum suum securi, qui in Divina protectione quicquid ad statum suum firmandum necesse erat, abunde habebat. Schema orationis *a.* indicat, fuisse, qui animum Davidis, in sublime evecti, frangere voluerant, ac si statum illum diu tueri non posset, sed anxius circumspicere deberet, unde auxilium sibi veniret. *b.* præfert aliquam *indignationem*, inde in eos meticulosos, vel male affectos, conceptam: quæ vos cepit dementia me tanquam animi pendentem traducendi, vel status mei conservationem in dubium vocandi? ac si ad montes, & nescio quo, confugere necesse habeam auxilii causa. *Egone ad montes oculos levare debeam* &c. absit, auxilium meum est a Jehova. *c.* Denique oratio est valde *emphatica*, & summam fiduciam ac spem vividissime ac fortissime exprimit, ita ut dubitationi, vel minimæ, nullus relinquatur locus. Imo *d.* auxilium Dei se esse expertum, & eo nixum stare, adeoque sibi opus non esse oculos circumvertere, & opem anxie circumspicere, sed habere præsentissimum præsidium, cujus effecta jam erat expertus, insinuat: ac si diceret; egone necesse habeam auxilium tanquam a me remotum aliunde quærere? qui illud præsentissimum habeo & possideo, nequaquam; est enim mihi ad manus, & sub tegmine Dei tutus dego. Fere eodem, quo Moses, modo Deut. xxx: 11. de *Verbo* Dei loquitur, adeo propinquo, & facili intellectu, ut nemo necesse ha-

beat dicere: *quis ascendet coelum*, aut *trans mare curret* &c. ita hic: auxilium mihi adeo præsto est, ut inepte attollem oculos montes versus, & quærerem, unde mihi auxilium?

§. X. Sensu constituto, paucis ad eum illustrandum defungi potero. 1. Phrasis, *attollere oculos ad montes*, significat, ad eos auxilii causa respicere, & non ad eos superandos, ut illi interpretantur, qui vel montem *Tsionis* in potestate Jebusæorum, vel regna mundi ab Ecclesia occupanda intelligunt; quos supra refutavi. Phrasis eo, quo dixi, sensu & in Script; & apud Exoticos est usitatio, quam ut exemplis necesse habeam confirmare. Vid. Ps. cxxiii: 1. xxv: 1. Jes. xvii: 7. Thren. iii: 41. Job. xvii: 1. 2. *Montes* hic nec *coelum*; ut Musculus, nec montes Templi & *Hierosolymæ*, denotant, ut alii, sed vel loca perfugii in genere, vel *idola*, in montibus coli solita. a. Quia *montes* in genere appellantur, non *montes sanctitatis*, aut Dei, aut *Tsionis*: quæ epitheta adesse debuissent, si recte hic occurrerent. b. Quia poeta per *montes* inania auxilia intelligit, ad quæ respiceretur frustra; opponit enim mox *auxilium* Divinum. Ergo montes sunt, vel *idola*, vel in genere *loca perfugii*, & *præsidii*. Utrumque locum habere potest. Vid. Jes. xvii: 7, 8. Jer. iii: 2, 3. Putem tamen posterius præcipue intendi, & Davidem digitum hic intendere *ad montes*, super quibus vagatus fuerat tempore vexationis Saulinæ; quando animæ ipsius dicebatur, *vagare per montes avicula* Ps. xi: 1. *Attollere itaque oculos ad montes* in genere exprimit, loca perfugii circumspicere; ad quæ te recipias, ut serveris; quod est hominum, quorum res desperatæ sunt, qui nihil amplius habent, quo se tueri queant contra hostes ingruentes. 3. *Tota* phrasis, ut dixi, *interrogative* est capienda, & pro fortissima negatione habenda. *Attollam oculos ad montes?* mihi ne opus est, ut olim, ad montes & latebras respicere; meæne res ita desperatæ sunt, ut ad montes tanquam perfugia ocu-

oculos flectere debeam, mihine nihil suppetit, quo statum tueri possim, sed fuga mihi consulere debeam? Exemplum ejusmodi figuræ proferre supersedeo. Sufficit observasse, responsum, quod mox sequitur, hanc interpretationem extra dubium collocare.

§. XI. 4. Confirmat etiam membrum sequens, *unde veniet auxilium mihi?* vocula enim *יָמָא* satis constanter, uno forte loco excepto, *interrogationem* comprehendit in Script., nec necesse est ab hoc ejus usu hic recedere: modo notetur ellipsis verbi *dicere* satis usitata, & sæpe a nobis observata, ac si plene legeretur: *dicam*, vel *dicamne*, *unde veniet auxilium?* h. e. egone in eam sum redactus conditionem, ut, unde mihi præsidium sit venturum, plane nescius sim? & cum nihil spei supersit, ad *montes* respicere debeam? Egone *omni præsidio*, & *defensore* destitutus, & *spe* vacuus, ad montes me recipere debeam? quæ sicut est aptissima, ita & facillima, interpretatio; quare aliis producendis supersedeo.

§. XII. 5. Sequitur responsum, quo animi sui iudicium & statum in hæc verba exprimit; *auxilium meum est a Jehova, qui fecit coelum & terram.* h. e. tantum abest, ut auxilium anxie & frustra circumspicere necesse habeam, & me ad montes tandem conferre, quod hostes & æmuli de me cogitant; ut *potentissimo* præsidio *fruar* in Deo verace, optimo & potentissimo. *Veracitatem* enim & *bonitatem* exhibet nomen *Jehova*; *potentiam* designat titulus *creatoris coeli & terræ*; utrumque solidissimum fiduciæ & spei fundamentum: nec plura hic sector mysteria. Tantum de voce *auxilii*, & phrasi, *auxilium meum est a Jehova*, verbo dicendum restat. Primitiva potestas verbi Hebr. *יָמָא* est, *copiose fluxit*, *abundavit*, & frequentatur in *ubere animalis largiter fluente*, unde secundario est, *juvare*, *omni copia donare a*, in specie, *alicui rabur & fortitudinem heroicam* sufficere, Jes. XII: 10. Ps. LXXXIX: 20. *posui auxilium super*
beroa,

a Schultens ad Har. p. 110. & Job. IX: 13.

beroa, 2 Chron. xxvi: 15. *mirabiliter adjuvabatur, adeo ut potens fieret.* Utramque ideam hic conjungere possumus, & *fortitudinis, & copiae ac abundantiae.*

§. XIII. Videamus nunc de phrasi, *auxilium meum est a Jehova*; per quam significari existimo, 1. *Robur & copiam* sibi adesse abundantissime a Jehova; ita ut alio oculos flectere non necesse habeat; cum Jehova sibi *vires & omnium rerum abundantiam* concesserit, quibus se statumque suum contra quoscunque facile tueri possit: adeoque se nihil metuendum habere; sed de *status* sui perennitate esse securum. 2. Si quid desit, si aliquo auxilio opus habeat, sibi praesto esse *auxilium*, & copiam in *omnisufficientia* Jehovah *παντοπαροῦς*, cui nixus nihil necesse habeat alia circumspicere praesidia. 3. Addatur, ut dictis uberius lumen adspargatur, formulam esse Arabibus in usu, *non adjutor illis*, qua notatur, *eos esse perditissimae rei & spei*, quos nemo sua cura velit dignari a: huic contraria formula, *Jehova est adjutor ipsi*, signat, ipsius statum esse florentissimum, & spem fundatissimam; Deo, potentissimo protectori, eum curae cordique esse.

§. XIV. Posteaquam poeta, sive David, in sublimem dignitatis & prosperitatis locum evectus, quocum salus Reip. & Ecclesiae Judaicae arte erat conjuncta, fidem & spem, in Jehova collocatam, de status sui perpetuitate, secus ac multi ejus temporis opinabantur, luculenter fuisset testificatus: mox, oratione ad eum versa, in ea expectatione confirmatur, sive Spiritus haec promissa ipsi inspiraverit, adeoque nomine Spiritus se ipse alloquatur; sive propheta aliquis, hanc orationem consolatoriam, seu confirmatoriam, fundens, in scenam producat; quod mihi perinde est. Persona autem, quae hic loquitur. a. Status firmitatem in genere promittit, cum adseverat, *pedem ejus non esse nutaturum*, 1. Fundamenta promissi jacet in vigili custodis Israelis cura, vers. 3-5. 1. Denique status

confer-

a Id. ad Job. xxx: 13.

conservationem tum figurate, tum proprie, luculentius exhibet, vers. 6—8. Quæ vera & facilis est divisio.

§. XV. n. Generalis propositio, quam mox demonstrat, & amplificat, promissum de status, in quo hæc persona erat, continuatione complexa, ita sonat, vers. 3. *Non sinet vacillare pedem tuum*, sc. Jehova, coeli & terræ creator, de quo tanquam auxilii sui auctore modo locutus erat poeta; quod est facillimum. In hac sua fiducia confirmatur per hæc verba, *non sinet vacillare pedem tuum*. h. e. Cavebit Deus, ne de sublimi hac conditione vel minimum dimovearis, ne mole aliqua pressus declines, aut lapsus periculum incurras, contra, quam firmissimum reddet statum tuum, & securum. Negans enim propositio involvit contrariam adfirmantem; ut in vulgus notum est. Phrasis Hebr., ad verbum sonans, *non dabit ad vacillare*, vel *vacillationi*, *pedem Tuum*, non tantum significat, Deum suo iudicio nihil mali, quo de statu deici queat, esse immisurum, sed nec permissurum, ut ab hostibus, aut aliis casibus, tale quid contingat. *Dare* sæpe idem est ac *permittere* Ps. xvi: 10. *non dabis sanctum tuum videre corruptionem*. Sed & hoc tralaticium est. Veniamus itaque in rem ipsam, & sensum phrasios figuratæ exponamus. Sunt, qui *pedem* ad animum feferunt, & de ejus firmitate, in certa *spe*, ac *fide*, sita, interpretantur; ut sensus sit, *fides & spes tua* ne vacillet, & statu gratiæ excidas, Deus providebit. *Pedem* animo attribui, & de fundatissima *spe*, ac animi firmitate, usurpari, ex Ps. lxxiii: 1. aliisque locis, certum est; sed hic locus num eum patiatur conspectum, dubitaverim; cum vir sanctus fiduciam & spem in Jehova luculenter explicuisset ipse vers. 2., adeoque longe aptius in *spe* corroboretur, quam ut de *spei* continuatione certior reddatur. Longe itaque rectius ad *externi* status firmitatem continuandam, & gloriæ ac felicitatis durationem, referimus, cum quod id ad rem faciebat, ut non *vanam*, sed *solidam* esse illam spem, quam expresse-

N n

rat,

rat, perspiciat, tum quod sequentia in statum externum exeant, ut mox videbimus.

§. XVI. Sensus ergo est; eum de folio non esse deturbandum, sublimi e loco non præcipitandum, ne quidem concutiendum statum, in quo erat, ita ut periculum ruinæ incurreret. *Pes nutare* dicitur, cum quis a lapsu parum abest, contra, cujus *firmissimus* est gressus, sine lapsus metu, ejus *pes non nutare* dicitur. Si quis phrasin ulterius velit premendam, *pedem* pro fundamentis & firmanentis status sumere poterit, quibus, ut corpus pedibus, innitur conditio nostra, quibus sustinetur, adeoque ad vires, opes, sapientiam, aliaque regni & status gloriosi firmamenta referre poterit; si torquere adhuc velit, ad bella & prælia, in quibus qui non *nutant*, quorum pedes non vacillant, felices & victores sunt. Sed in generali conspectu acquiescimus, & *status* firmitatem, ac durationem inconcussam, omnique periculo ac metu vacuam, hic promitti existimamus. Quominus tamen ad vitæ actiones, consilia, gesta, casus omnes, quibus *ambulatio* aptari potest, applicetur, non intercedo. Sive itaque quiescat, si ve agat, negotia regni curando, si ve contra hostes moveat, *firmis* insisteret talis, nec spe, nec ausu excideret, sed *solidos* ubique gressus faceret, & prospere ageret.

§. XVII. 1. Insigne & amplissimum sane *promissum*, quod non temere fuisse factum, sed *solido* esse superstructum fundamento, vers. 3-5. demonstratur. *Non dormitabit custos tuus: ecce non dormitabit, nedum dormiet custos Israelis. Jehova custos Tuus est, Jehova umbra tua, ad manum tuam dextram.* h. e. Quam firmissime stes, sine ullo lapsus & ruinæ periculo, ex eo manifestum est, quod *custodem* habeas pervigilem, & tui studiosissimum, in Jehova, creatore coeli & terræ, cui Te fidere testatus es. Nihil hic de *potentia*, sed tantum de *pervigili* cura custodis occurrit, licet utrumque in *custode* requiratur, quia de *potentia* Jehovæ nullum poterat esse dubium, cum sit *coeli & terræ* creator;

tor; sed, num *Jehova* tantam curam ipsius vellet gerere, ut de statu securus esse queat, id erat, de quo dubitari posset. Quare attentissimam custodis curam ostendisse sufficiebat. Illa 1. adfirmatur, vers. 3. fin. 2. confirmatur & demonstratur, vers. 4, 5. 1. Propositio fundamenti status his verbis fit, *non dormitabit custos tuus*. h. e. potentissimum illud Numen tuum tutelare, cui fidis, & a quo status firmitatem exspectas, sicut vere tui *custodem*, ita *pervigilem* agit. Confirmatur, Creatorem coeli & terræ esse *custodem* hujus personæ, sed ad status perennitatem demonstrandam additur, eum *non dormire*. Cum dicit *custos tuus*, respicit sine dubio ad vers. 2. ubi persona illustis dixerat, *auxilium suum esse a Jehova*. Confessio hæc confirmatur; ubi dicitur, *custos tuus*; h. e. Creator ille, cui fidis, est revera *custos tuus*, qui tui curam & defensionem gerit, instar, vel *præsidii*, vel *pastoris*: videtur enim, vel ad milites præfidiarios, qui vallum, turrets, aut arces custodiunt, & ea ratione populi securitatem tuentur, vel ad *pastores* respici, qui excubias gregis agunt, & continua circa eum versantur cura, ne quid mali eveniat, aut quid de grege pereat. Cæterum phrasis, *custos tuus*, est valde emphatica, & peculiarem relationem hujus personæ ad Deum declarat, qua Deus ejus in specie *Numen tutelare* erat, & audire volebat, cujus curam, protectionem, & defensionem in specie agebat.

§. XVIII. De hoc potentissimo custode Davidis traditur, eum *non dormire*. h. e. nec vere, nec etiam externa specie. Etsi enim Deus suorum curam nunquam deponat, nihil quoque ipsum fugiat; nonnunquam tamen ita sese gerit erga eos, ut videatur ad eorum statum minus attendere, vel & *ignorare*, acsi Deus, qua *custos*, dormitaret: de quo queritur Ecclesia Ps. XLIV: 24. *Excitare, quare dormis Jehova? exergiscere, ne rejicias in æternum*. Utrumque illud hic negatur, & Deo quid esse occultum, aut non curatum, & Deum opem, ac *auxilium suum*, sub-

trahere, quod est custodum dormientium: adeoque affirmatur, *a.* Deum ad hanc personam, ejusque statum nunquam non adtenturum, eumque ad animum esse revocaturum. *b.* suo auxilio & protectione ei semper præsto futurum: quæ non sunt difficilia.

§. XIX. 2. Propositio ex eo firmatur, quod custos ejus unus idemque sit ac *custos* Israelis; adeoque nulli obnoxius somno: quod argumentum *a.* exhibetur, vers. 4. *β.* ad subjectum applicatur, vers. 5. Major argumenti propositio, ut cum Logicis loquar, ita habet, vers. 4. *Ecce non dormitabit, nedum dormiet, custos Israelis;* ad verbum, & *non dormiet*: sed, cum *dormire* gravius sit, quam *dormitare*, &, si hoc negetur, illud per se excludatur, emphasis orationis, quæ non solet descendere, sed crescere, nos illud, & *non dormiet*, recte cum Coccejo & aliis vertimus *nedum*, vel multo minus *dormiet*; adeoque indicatur, profundo non tantum somno, sed vel *leviore* Deum non laboraturum esse, verum pervigili & adtentissimo oculo ac animo ejus curam gesturum, illudque nullo non tempore, nullo non casu, ipso facto demonstraturum. Sed vis argumenti est in titulo *custodis Israelis*; quam personam Deus assumpsit & præstitit primum respectu *Jacobi* Gen. xxviii: 15. *Ego tecum sum, ego Te custodiam, quocunque iiveris*, Gen. xlviii: 16. *Angelum Goëlem se ab omni malo redemisse*, agnoscit Jacobus; deinde respectu *posterorum* ejus, seu *feminis* Jacobi, quocum *foedus* erexit ad montem Sinai, quem populum redemit, tulit, portavit omni tempore, Deut. xxxii: 10, 11. Jes. lxiii: 9. Huic titulo & relationi penitus adversatur *dormire* & *dormitare*, quod a *custode* alienum est, & ei vitio vertitur.

§. XX. Sed quid hoc ad hanc personam? quæ demonstratio in hoc titulo ad pervigilem Dei curam circa Davidem, aut ejus similem? Eam repræsentat, vers. 5. *Jehova custos tuus, Jehova umbra tua, ad manum dextram tuam.* h. e. Custos Israelis non dormit, ille est *custos tuus*: ergo non

non dormiet Tibi custos tuus. Vis argumenti in eo sita est, quod *custos ejus* sit ipsissimus *Israelis custos*: quo non tantum, idem Numen tutelare esse hujus personæ & Israelis, indicatur, sed & eandem curam agere ejus ac Israelis. *a.* Idem Deus est, qui *custodem* agit Davidis & Israelis, adeoque nulli somno obnoxius, cum Deus Israelis sit *Jehova*, Deus verax, fidelis, gratiæ & misericordiæ plenus, qui affectum & curam suam nunquam denegat, nunquam remittit. *b.* Sed plus hic latet, sc. eo ipso, quod sit *custos* Israelis, qui nunquam Israeli dormitat, etiam est custos illustris hujus personæ, ad quam eandem habet relationem ac ad Israelem ipsum, adeoque *custodem* ejus agit qua *Custos* Israelis. Hanc emphasin si negligas, argumento nervos succidis. *Custodem Israelis non dormire* quid hoc ad Davidem? nisi eandem ponas Dei ad utrumque relationem, & in ipso totum Israelem censi statuas. Quo ipso persona Davidis in lucem prodit, qua ipse Israelem præfert, cujus salus & conservatio cum ipso arcte erat conjuncta. Quod latius exequi non licet.

§. XXI. Addamus verbum de reliquis epithetis, quibus amplitudo tituli *Custodis* explicatur. *Jehova*, qui generali titulo *custos* hujus Viri appellatur, ejus *umbra* & *ad dextram ejus* esse dicitur. Hæc enim epitheta lubens distinguere; cum quod distinctos præbeant intellectus, tum quod nulla ratio sit, quare *umbra* magis ad *dextram* sit, quam ad utrumque latus: novi quid rationis dari queat, ex. gr. Judæis, ad ortum versis, solis æstum in Austro esse ad dextram; vel militem clypeo finistrum latus habere tectum, sed dextrum apertum. Sed hæc longius quærita sunt. Disjungamus itaque, & seorsim explicemus. *Umbra*, quia æstum, in oriente vehementissimum, *retundit*, & *obtegit*, ne quis ejus insultibus pateat, pro quacunque *protectione*, *tutela* & *præsidio* venit in oratione figurata: ut Num. xiv: 9. *recessit umbra ipsorum*. Jes. xxx. *sperare in umbra Aegypti*. Ps. xci. *In umbra omnipotentis commorari*.

Sic *umbra alarum* memoratur Pf. xvii, xxvii. & sæpe alibi. Num *columna nubis*, quæ Israelis castra obtexit in deserto, poetæ fuerit in oculis, adfirmare nequeo, cum phrasis sit generalis, & figura vulgatissima; ad *æstum* tamen solis, & *Lunæ* frigus, respexisse ex seq. patet, de quo mox. Titulus etiam *custodis Israelis* conjecturam firmare posset, is enim innuit, Deum eandem tutelam præstare huic personæ, quam olim Israeli: sed hoc non urgeo. Sensum ad vers. 6. exponam.

§. XXII. Alterum epitheton habet, Deum esse *ad dextram ejus*, cujus sensum in genere similis phrasis exhibet, Pf. xvi: 8. *quia ad dextram meam est, non movebor*, quæ explicatio nos ad generalem thesin vers. 3. ducit, *non siet pedem tuum nutare*. Jehova itaque *dexter* alicui adest, cum tutela & auxilio suo ipsi præsto est, & cavet, ne labatur, aut declinet. Si quis ulterius velit extendere, *dextra* referri poterit ad quascunque actiones, & præclara facinora, quæ Dei ope & cura felicissime caderent, in specie ad regni administrationem, cujus signum est *sceptrum* in dextra, quæ prosperrima foret, quod ex vers. 8. aliquid roboris acquirit. Quemadmodum enim *umbra* epitheton, vers. 6 & 7., ita *dextra* adesse, vers. 8. censeri potest explicari. Conf. etiam Jef. LXIII: 12.

§. XXIII. 1. Tertia ergo sequitur partis consolatoriae pars, supra positis epithetis enucleatius tradendis destinata, qua a. *Umbra* emblema, vers. 6, 7. b. *Dextra* confirmatio, vers. 8. evolvitur. a. Vers. 6 & 7. ita habet, *De die sol Te non uret, nec Luna de nocte: Jehova custodiet te ab omni malo, custodiet animam tuam*. h. e. Obumbratio Jehovæ te ab æstu Solis, & frigore Lunæ, defendet, quatenus te, animamque tuam, ab omni malo intactum præstabit suo patrocínio. Versus se mutuo explicant, quod enim vers. 6. figurate, id vers. 7. clare & propriis phrasibus effertur: quo nihil est usitatus. Vers. 6. nihil, quoad phrasen, habet, ad quod quis obhærescat. Posterius membrum,

brum, & *Luna de nocte*, est ellipticum, ex antecedente supplendum. Verbum enim *urere* æque *Luna ac Soli* competit; cum *frigus* æque urat, ac *æstus*, idemque verbum de utroque usurpetur etiam apud Exoticos *a*. Cæterum similis ellipsis est Gen. xxxi: 38. *die adurebat me æstus*, & *noctu gelu*, inquit Jacobus. Ad quem cum vers. 4. titulus *custodis* Israelis nos duxerit, & hic ad Jacobum respici, melioremque sortem huic personæ assignari, non inepte statuitur. Frustra itaque hic laborant Interpretes in ellipsi supplenda, quæ adeo propinqua est, & illis etiam regionibus convenientissima; quippe quæ dies habent per æstum solis *calidissimos*, & noctes rursus *frigidissimas*, ut Itineratores testantur.

§. XXIV. Majoris operæ fuerit, sensum *figuratum* recte percepisse; non enim proprie, sed figurate verba esse intelligenda, nemini dubium esse potest. Sole & Luna proprie non aduri, nec ad rem multum facit, nec sine miraculo fieri posset, si quis *Soli & Lunæ* se exponat, nec *custodiæ* promisso comprehenditur, ut ex *Jacobi* historia claret. Primum & generalem existimaverim esse sensum, liberam & immunem futuram hanc personam ab *omni* *genus* malo, *omni* tempore. *Dies & noctes*, quæ quotidiana est temporis divisio, *continuum & perpetuum* tempus signat, uti Ps. xxiii: 4. *interdiu & noctu gravis mihi incumbit manus tua*, seu semper, sine intermissione, Jes. lxii: 6. *Muris tuis imposui custodes, noctes & dies perpetuo non filebunt*, ubi per *non* exponitur. Vid. & Jer. viii: 23. Cum autem *dies æstu*, & *noctes frigore* molestiam creent, & plagam sæpe lethalem adferant, ab omni malo, quod homini insignem noxam infligere potest, hunc virum fore liberum promittitur, cum nec *æstu*, nec *frigore* dicatur adurendus. Quam facillimam interpretationem vers. 7. confirmat, & Ps. xci. illustrat. Quod enim Ps. xci: 5. *non timebis*, dicitur,

a Vid. præter Bochium h. l. Cl. Drakenborch ad Sil. Ital. iv: 68. ubi & alios citat autores.

tur, a *pavore noctis*, a *telo interdiu volante*, illud hic indicatur per *æstum solis*, & *frigus noctis*, non *usturum*. Sed *vers. 7.* *metaphora* exponitur, cum *mox* subjungitur, *Jehova custodiet Te ab omni malo, custodiet animam tuam.* h. e. Te, personamque tuam, ita tuebitur, proteget, & defendet, ut nihil mali, statui tuo adversum & exitiale, te adtingere queat. Agnosco *emphasin* in repetitione *animæ*, sed ad *statum spiritualem* ut referatur, nihil rationis video. Mihi per *Te & animam* videtur & *adscititia* & *propria* persona significari; per hanc erat homo, vir pius, per illam vir illustris, in sublimi dignitate positus: unde sensus emergit, *Jehova cavebit*, ne aut *dignitati*, aut *vita* tuæ, aliquid *mali* eveniat, custodiet *Te*, h. e. personam, quam geris inter homines, imo *animam*, quod plus est, id quod Tibi proprium est, & carissimum. Frueretur regno *florantissimo*, & in eo omnibus bonis, quæ felicem & beatum ipsum reddere possint, quoad animam & corpus. Conf. *Pf. xxiii.* & ibi dicta. Cæterum, quando custodia ab omni *malo* promittitur, de *levioris* & *minoris* momenti malis, vel quæ ab hominis *vita* vix separabilia sunt, non est necesse ut cogitemus, sed de *atrocioribus*, quæ *insigne* damnum aut dignitati aut personæ infligunt. Nec prorsus *intactum* a malo eum nobis ob oculos ponamus, sed non ita afficiendum, ut succumbat, aut multum damni patiatur, sed, si ingruat, liberaretur, & gloriosius resurgeret.

§. XXV. Hac in emblematis explicatione licet acquiescamus, videamus tamen an majus *mysterium* scitari liceat. Sunt, nimirum, qui per *solem & Lunam* intelligunt *potestates* dominantes, & *vexandi* potentia præditas, qua subditis, vel inferioribus, prægraves sunt, adeoque ad *persecutiones*, quas Politici & Ecclesiastici contra pios & veritatis studiosos fuscitant, referunt. Dubito, an recte & solide. 1. Quia, etsi *sol & Luna* in stylo prophetico duas hasce eminentes potestates expingant, nusquam *frigus Lunæ* ad persecutiones, sed tantum *æstus solis* refer-

tur.

tur. Ita Jēf. XLIX: 10. *non esurient, nec sitient, nec percutiet eos æstus & sol*, seu *æstus solis*, nec non c. IV: 6. xxv: 4. ubi, quod not., *æstus & frigus* non conjunguntur, sed *æstus & imber*, a quibus Deus se *umbraculum* præberet suis. Ita & Ap. VII: 16. ubi non noster citatur locus, sed Jēf. XLIX. noster autem nusquam *citatur*, aut ad persecutiones refertur. 2. *Sol & Luna* si potentias persecutrices expingant, quid *dies & noctes* denotabunt? *Reges* quomodo de die, & *sacerdotes* de nocte vexare dicuntur? Ergo in generali sensu, modo prolato, subsistimus. Licet haud difficile foret, *politicas & Ecclesiasticas* has potentias demonstrasse, quæ Judæis temporibus Maccab. graves fuerunt, sed a quibus sub *Job. Hyrcano*, quem hic in oculis habemus, prorsus immunes fuerunt. Illud abs re non fuerit notasse, forte statum Davidis, quo a Saulo vexatus huc illuc divagari debuit, & multa pati, hic in oculis fuisse vati, si David sit, & oppositam pacem, tranquillitatem ac prosperitatem, promitti.

§. XXVI. Posteaquam explicuisset poeta, quomodo Deus sese *umbraculum* exhiberet ab *æstu solis & Lunæ*, quæ usitata phrasis est locis citatis, nunc finit in exponendo, quomodo Deus *ad dextram* ejus foret: huc enim pertinet, vers. 8. *Jehova custodiet egressum & ingressum Tuum ab hoc tempore in perpetuum.* h. e. Omnia tua negotia, domestica publica, togata & sagata, prospere & feliciter faciet succedere; absque ut Tibi, aut gestis, quid sinistri accadat. Phrasis, *egredi & ingredi*, in Script. usitata, si de singulari & vulgari persona usurpetur, *domestica & publica* gesta comprehendit, si de populo, aut illustri ac publica persona, negotia *politica & militaria*, ut *ingredi* sit res regni curare, *egredi* militiæ negotia administrare. Vid. Deut. xxviii: 6. xxxi: 2. I Sam. viii: 20., adeoque explicetur per *omne, quod quis facit* 2 Sam. iii: 25. *Egressus* ille & *ingressus* custoditur, cum cavetur, ne quid infortunii accadat, aut male succedat; ne quid eveniat, quo *turbetur* quis,

quis, & damnum patiat in vitæ suæ negotiis, & muneris administratione. Præterea insinuatur, tempus *pacis & tranquillitatis* fore, quo quis sine metu & periculo *egredi & ingredi* queat. Denique, cum in *saeculum* illa conservatio extendatur, illud non absolute, sed restrictè esse intelligendum, subjectum, cui attribuitur, extra dubium collocat. In *saeculum* ergo est, durante vita, & munere; quamdiu *egressus & ingressus* durat; adeoque per omnem vitam, aut quamdiu aptus foret hic Vir *egredi & ingredi*. Quod latius non extendo.


I M P L E M E N T U M.

§. XXVII. Implementi demonstratio nos detineat, necesse non est, cum sive Davidi, sive Johanni Hyrcano, aut simili, applies, res sponte cuique ex eorum historia in oculos incurrat. David, ex. gr. cum primum in throno esset collocatus, undiquaque hostibus & periculis adeo videbatur expositus, ut, num statum tuiturus esset, multi dubitare potuerint: ab altera parte domus Sauli adhuc per Abnerum defendebatur, ab Israel nondum pro rege agnoscebatur, multi lividis oculis hanc ejus gloriam intuebantur: ab altera parte Philistæi, alique populi vicini, ipsi, ipsiusque regno, imminebant: denique regnum sub Saulo valde erat turbatum, exhaustum & laceratum. Quæ omnia statum Davidis dubium reddebant. Sed tantum abest, ut ipsius animus fuerit commotus, ut de firmitate status persuasus in Deum secure recubuerit. Expertus etiam est cuncta hæc bona, a Deo custoditus, & in omnibus gestis prosperrimus fuit; nullis ab eo tempore persecutionibus aut malis obnoxius secure & tranquille degit; si casum Absoloni excipias: sed ille fuit *brevis* temporis, & cito felicem habuit ac gloriosam *catastrophen*; quo tempore hanc *Dei custodiam* mirabiliter expertus est: sed hæc speciminis ergo dicta sunt.

USUS.

U S U S.

§. XXVIII. Ufus Pf., si promissa cum *votis* commutentur, 1. ad illustriores personas recentes in dignitate & munere pertinet &c. 2. ad Israelitas, tribus festis solennioribus Hierosolymam adscendentes; qui generali promisso gaudebant, se illo tempore ab hostibus non esse invadendos, Ex. xxxiv. 3. Ad qualescunque *pios*, qui se, ex hoc Pf., tutela Dei consolari possunt. Habet ergo hic Ecclesia, habent singula ejus membra, quo se erigere queant, habent firmissima *fiduciae* suæ firmamenta; modo *Jehovae* fidant, & se *tutela* Dei haud indignos gerant &c.





P S A L M. CXXII.

1. *Canticum adscensionum, Davidis. Laetor de illis, qui mihi dicunt: domum Jehovah ibimus.*
2. *Fixi sunt pedes nostri in partibus tuis, Hierosolyma!*
3. *Hierosolyma excellenter aedificata, tanquam urbs, quae sibi coagmentata est uniter.*
4. *Quo adscendunt tribus, tribus Dei, statutum, vel ornamentum, Israel, ad celebrandum nomen Jehovah.*
5. *Quia ibi sedent throni iudicii, throni domus Davidis.*
6. *Petite pacem Hierosolymae, defaecati sint amantes tui; Hierosolyma!*
7. *Sit pax in circuitu tuo, liquida tranquillitas in tuis palatiis.*
8. *Propter fratres & socios meos loquar profecto pacem in te.*
9. *Propter aedem Jehovah Dei nostri quaeram tibi bonum.*

P R O L E G O M E N A.

§. I.

Cum auctor cantici, teste inscriptione, sit *David*; & Hierosolyma hic tanquam metropolis regni Davidici, & sedes religionis, ubi *domus* Jehovah erat, celebretur: illud mihi omnino videtur compositum, quo tempore *David* Hierosolymam in sua non tantum potestate habebat, &

& magnifice exædificaverat, sed & promissum acceperat de stabili regni in domo sua successione, & *Templo* a Filio suo exstruendo Hierosolymis, cui cultus Dei foret alligatus. Sive mox post promissum illud factum, 2 Sam. vii., & arcam foederis, in ejus pignus, collocatam in Tione; sive potius posteaquam sub vitæ finem, concione populi convocata, & de Templo ædificando mandata dedisset, & populi consensum ac vota lætus percepisset: ut narratur, 1 Chron. xxix., quo forte respicitur, vers. i. *Laetatus sum &c.*

§. II. Argumentum Cantici est *testificatio* lætitiæ super Hierosolyma, sede Templi summo cum populi consensu constituta, *gratulatio* & celebratio Hierosolymæ de eo, dein *vota* pro ejus pace & prosperitate concepta, cum *promisso*, se quicquid posset eo esse collaturum, ut Hierosolyma sit & maneat quam florentissima, cum propter *populum*, fratres & amicos suos, quorum salus a prosperitate Hierosolymæ dependeret, tum propter *Templum*; ibi exstruendum.

§. III. Quatuor itaque sunt cantici partes, uti ex argumento proposito facile elucet. I. *Prima* est *gaudii* explicatio super Hierosolyma, sede religionis & regni communi consensu constituta, vers. 1, 2. II. *Secunda* in parte Hierosolymæ, qua metropolis regni & sedis Templi, laudes canuntur, vers. 3—5. III. *Tertia* complectitur *vota* pro pace Hierosolymæ, & omnibus imperata, & a Davide concepta, vers. 6, 7. IV. *Quarta* denique *propositum* Davidis exponit de Hierosolyma magis magisque *beanda* pro viribus, vers. 8, 9.

§. IV. *Scopus* mihi videtur, *populum* confirmare in spe Templi ac regni Davidis perpetui, nec non præparare & excitare, ut Hierosolymam pro sede regni & religionis recipiant, & omni ope ejus pacem & prosperitatem promoveant, cultumque Dei alacres ibi observent. Huc enim directe tendit *mandatum de pace ejus petenda*, vers. 6., & indirecte *laetitiae* suæ *testificatio* super promittitudine & studio

dio eorum, qui Hierosolymam se petere velle *cultus ergo* profitebantur, vers. 1. 2. Cum enim David populo esset, acceptissimus, ejusque exemplum labens sequeretur; his verbis non poterat non excitari, ad cultum Deo Hierosolymis deferendum.

A N A C R I S I S.

§. V. Quæ cuncta ex hypothese Pf. exponendi clariora evadent & certiora, quare ad eam investigandam me adtingo. Interpretes in duas in genere scinduntur partes: alii terrestrem & proprie dictam *Hierosolymam*, alii Spiritualem & mysticam intelligunt, sc. Ecclesiam Christi universalem. Quorum posteriores sicut omni fundamento destituuntur, ita in clarissima litteralis Hierosolymæ criteria, hic confignata, inpingunt. Ea enim hic sistitur Hierosolyma, ad quam *tribus* Israelis, vi fixæ legis, adscendebant, Dei colendi ergo, in qua *domus Dei* erat, & thronus judicii, tribunalia domus Davidis, stabilem tenebant locum. Hisce in casibus si a litterali sensu discedendum sit, verbi prophetici & Pf. interpretatione nihil percipi potest incertius, & quod hominum lusibus magis est obnoxium. Sed nec illi, qui *Hierosolymæ* verum sensum retinent, inter se consentiunt, cum alii *Davidem* hic loqui censeant, alii *Apostolos* & primos euangelii præcones in scenam produci opinentur. Horum est hypothesis, Apostolos hic introduci, cum ad Gentes sese convertabant, calumniam Judæorum a se removentes; acsi odio legis & religionis Judæorum ducti in eam conspirassent, & eam e medio vellent sublatam. Hoc scopo effunderent sese Apostoli in laudes Hierosolymæ, & adfectum suum in eam explicarent, tantumque abesse profiterentur, ut populo suo & urbi patriæ male vellent, ut contra nihil magis in voto haberent, nihil majore studio quærerent, quam ut Hierosoly-

rosolyma vera pace & prosperitate gauderet. Sed 1. & hæc opinio nullo nititur fundamento, nullum hic occurrit apostolorum criterium, nullo patet indicio, personas loquentes *calumniæ* illius repellendæ ergo Hierosolymam celebrare. 2. Hierosolyma hic repræsentatur, quo tempore throni *domus Davidis* in ea vigeant, quod ab Apostolorum temporibus abhorret. 3. Personæ loquentes non tam explicant quid præterito tempore, sed hoc ipso tempore agerent, & quo adhuc delectarentur; ut cultus Dei Hierosolymis perageretur. 4. Denique Templi causa pacem Hierosolymæ quærere in Apostolos, qui cultum ritalem cum Spirituali volebant commutatum, minus apte quadrat.

§. VI. A Davide itaque non est discedendum, nec discessissent forte, nisi in communi hypothesi graves offendifsent difficultates, quibus ea destruitur. Referunt nimirum, qui de David interpretantur, ad illud tempus, quo ipse *arcam* Domini in monte Tſionis collocavit; quo tempore læticiam suam explicuisse volunt super studio populi Jehovam ibi quærentis, & colentis. Sed vehementer obstat, quod cultus Dei tunc temporis nondum fixus fuerit Hierosolymis, ut ex hac opinione sequitur, quia *Tabernaculum* Moſis cum *altari æneo*, aliisque instrumentis, adhuc erat *Gibeone*, ibique sacrificia offerri solebant, quod in initiis Salomonis adhuc obtinuit. Vid. 1 Chron. xvi: 37-- 2 Chron. i: 2—. *Domus* Dei non fuit in emphasi Hierosolymis, nisi posteaquam *Templum* ibi ædificatum est a Salomone.

§. VII. Meæ itaque de hoc cantico cogitationes habent, illud esse compositum, posteaquam, arca Hierosolymam translata, Deus per prophetam declarasset, Hierosolymæ Templum haud diu post a Salomone esse exstruendum, & sedem religionis ibi figendam; & populus promptum declarasset animum, Deum nullo alio loco ac Hierosolymis quærendi, vel, ut supra insinuavi, quum de loco Templi, Hierosolymis mox ædificandi, certior factus omnia eum in finem

nem disposuit & præparavit, & populi vota intellexisset. Hoc tempore & rerum statu David lætus agnoscit hoc in cantico populi studia in Hierosolymam, & ea super re summis eam extollit laudibus, votaue pro diuturna ejus pace & prosperitate concipit. *Hierosolyma* itaque, tanquam iis prærogativis jam beata, ob oculos sistitur, quia mox iis certo certius gauderet, & scopus Davidis est, populum in eo studio erga Hierosolymam confirmare, magis magisque excitare, ut suo tempore illud exacte præstent. Quæ hypothesis ut nihil habet a Davide ejusque tempore alienum, sic cunctis phrasibus egregie respondet: quemadmodum explicatio, quam aggredior, in lucem proferet.

E X P L I C A T I O.

§. VIII. *Prima* Ps. pars, quæ lætitiâ Davidis super studio populi, Deum Hierosolymis, cum Templum conditum esset, quærendi, testificatur, ita sonat, vers. 1, 2. *Lætor de illis, qui mihi dicunt: domum Jehovah ibimus: fixi sunt pedes nostri in portis Tuis, o Hierosolyma!* h. e. Magna me afficiunt lætitiâ, quos nunc audio promittentes, & dicturos haud diu post prævideo, se domum Jehovah, quæ Hierosolymis est, petituros, suosque pedes ibi firmiter esse constitutos, ad sacra obeunda, & judicia tractanda: quorum itaque verba sunt, eruntque, *Hierosolymas ibimus ad Templum Jehovah: in portis tuis firmum accepimus locum, in quo munia obeamus, & judicia exerceamus, Hierosolyma!* Quæ si aliis verbis exprimere velis, dicent; Hierosolymam pro unica religionis sede, & pro supremo tribunali, agnoscimus, & ipso facto demonstrabimus, cum Templum fuerit exstructum, uti nunc *judiciorum* respectu facimus.

§. IX. *David* est, qui loquitur, tum quia auctor cantici est, tum quod persona illustris sit, quæ ad Hierosolymæ pacem

pacem & prosperitatem multum conferre poterat, ut ex vers. 8 & 9. patet. Rationem lætandi ea de re habebat duplicem: *altera* est, quod ipsius familia stabile haberet regnum Hierosolymis, vers. 5., *altera*, quod metropolis regni sui, ab ipso occupata & exædificata, unica foret religionis quoque sedes. *Materiam* lætitiæ præbuit prona populi & procerum voluntas, qua utrumque hoc assumpsit, & se præstiturum esse promisit. Prius ad *religionis*, posterius ad *tribunalium* sedem pertinet. Cum autem *prius* nondum exstaret, *posterius* jam locum habebat, hinc diversitas temporum, quibus hæc duo exprimuntur, repetenda est. *Templum* nondum erat ædificatum, quare fut. tempus adhibetur, *ibimus domum Jēbovæ*, sc. cum fuerit exstructa, tunc eo nos conferemus, & mutuo nos adhortabimur, dicentes, *eamus* &c: sed cum *tribunalia* domus Davidicæ jam vigerent Hierosolymis, præt. tempore utuntur dicentes: *stant firmiter pedes nostri in portis tuis, o Hierosolyma!*

§. X. Prius illud, *domum Jēbovæ ibimus*, nihil habet obscuri: quare verbo suffecerit notasse, *a.* per *domum Jēbovæ* hic intelligi *Templum*, mox post mortem Davidis a Salomone condendum; in quo Jehova sese externo symbolo supra arcam exhiberet præsentem; sacrificia, & preces populi fusciperet, &, ritus religionis acceptos sibi esse, demonstraret. *b.* Phrasis, *ibimus* &c, promptum animum, & fervens studium exprimit; simul complectitur universum religionis exercitium, Templo alligatum. *Ire domum Jēbovæ*, est, eo cultus ergo tendere, quod est facillimum. *c.* Sed majoris est, observasse, *ire* ad *Templum* non esse, ubicunque fuerit, sed restricte ire Hierosolymas ad domum Dei, vel quæ est *Hierosolymis*, aut quæ in medio tui erit, o *Hierosolyma*; oratio enim ad ipsam Hierosolymam dirigitur in fin. vers. 2. quæ adlocutio sese ad utrumque membrum præcedens extendit, ut existimaverim.

§. XI. *Posterius* membrum, *stantes sunt pedes nostri in portis tuis*, refero ad *tribunalia* judicium, cum quod *portis*

alligentur, solebant enim antiquitus in portis urbium erigi, & judicia exerceri, ut ex locis multis in vulgus notum est, tum quod vers. 4 & 5. duo illa eadem ratione conjungantur, ut hic, templum & *tribunalia*. Nec abhorret verbum *stare*, quippe cujus usus est in *præfectoris & imperiis*. ut 1 Sam. xix: 20. Mich. v: 3. Dan. xi: 2, 3, 4. xii: 1. & alibi *stare* dicuntur hoc sensu, qui in sublimem locum evehi aliis præiunt, & populum gubernant, ac judicant. Phrasis, *stantes sunt pedes nostri*, simpliciter non dicit, *stant*, sed majorem involvit emphasin, dicitque, factum est, ut firmam ac stabilem acceperimus præfecturæ & judicii *sedem*. Secundum datam interpretationem iudices & seniores populi erunt, qui hic loquuntur, suumque consensum de Hierosolyma, suprema judiciorum & recturæ sede, exprimunt. Quod si quis ad universum populum extendere velit, *stantes in portis* erunt cives & subditi, leges & judicia in portis Hierosolymæ accipientes. Quæ eodem redeunt.

§. XII. Posteaquam lætitiā suā super hoc populi consensu, & prompto animo religionem Hierosolymis exercendi, & quod eam urbem pro metropoli habiturus esset, exposuisset David, mox ea de causa in laudes Hierosolymæ erumpit, eique quasi has prærogativas gratulatur, *a.* in genere vers. 3. *b.* in specie respectu religionis & tribunalium Hierosolymis fixorum, vers. 4, 5. *a.* Vers. 3tius ita habet. *Hierosolyma excellenter ædificata, tanquam urbs, quæ sibi coagmentata est uniter.* h. e. Hierosolyma est *urbs*, eximie sic dicta, quæ sola hoc nomen in tota terra mereatur; quæque sicut est magnifice ubique ædificata, multis & splendidis ædificiis ornata, ita & firmiter compaginata, apte connexa, & in totius populi *metropolin* erecta, ita ut in ea & per eam universa terra sit *uniter sociata*. Quæ paraphrasis, antequam Hierosolymæ eam adplicem, ex vocibus & phrasibus eruenda & illustranda est.

§. XIII. 1. Hierosolyma hic appellatur *urbs*, non vulgari

gari, sed excellentiore sensu, seu summa emphasi; sensu enim communi nihil magnifici de ea diceretur, cum plures essent in Cananæa urbes. Quare *urbs* hic appellatur, ut *Athenæ* & *Roma*, aliæque Metropoles, quæ hoc nomine solæ superbire solebant; adeoque *urbs* una & sola, eo nomine insignianda, Metropolis totius terræ. Ita Babylon κατ' ἐξοχήν *urbs* solet appellari, ut Jes. xxv: 2. xxvii: 10. xxxii: 19. nec non *Hierosolyma* Mich. vi: 9. 2. De hac urbe duo in ejus laudem prædicantur, unum est, eam esse *exaedificatam*, alterum, *uniter compaginatam*. Prius una hac voce exprimitur, *Hierosolyma exaedificata* sc. est; sed præmittitur n demonstrativum, ut dicitur, quod insignem voci addit emphasin; denotat *exaedificatam illam* h. e. insigniter & splendide ædificatam; ita ut summa emphasi, & sola, dici mereatur *ædificata*. Respicitur ergo ad copiam & splendorem ædificiorum, quibus ornata erat; in specie ad aulam regis, palatia magnatum, tribunalia judicum, splendidissimum Templum; aliaque ædificia sumtuosa & magnifica. Ita *palatia* ejus celebrantur Pf. xlviii: 14. Denique *ornatus*, qui summus erat Hierosolymæ, non erat negligendus, cum ab eo celebretur, Pf. xlviii: 3.

§. XIV. *Posterius*, quod in laudem ejus profertur, est *arcta ejus coagmentatio*, his verbis, *quæ sibi coagmentata est uniter*: sic enim voces esse vertendas, censeo. Verbum Hebr. יחד proprietatem habet in *virgula nectente*, *compaginante*, arctius cohærere faciente; hinc cum ad *ædificii compaginationem* transfertur, ut de *tabernaculo*. Ex. xxxvi: 8. *Fecerunt dein uncinulos aeneos 50., ut conjungeretur tentorium, essetque unum*, tum etiam ad *societates* hominum uniter aptas, ut Gen. xiv: 3. Pf. xciv: 20. & sæpe alibi. Arctam illam coagmentationem adhuc arctiorem reddit *voeula יחד*, quam *uniter* reddidi, peculiarem ejus potestatem secutus, quæ יחד quæ vertitur, *una, simul, pariter*, idem dicit, quod Lat. *uniter*, seu *arcte uniter aptum*; Pf. ii: 1.

Job. x: 8. Pf. LXXXVI: 11. CXLI: 10. ita hoc in loco signat *unitatem*, seu solidissimam coagmentationem, qua res uniter aptæ & nexæ efficiuntur, & quasi *in unum* coalescunt. Habet hæc vocula & alium usum, hic non omittendum, quo *uniter*, *pariter*, dicit *totum quantum*, *omne in universum*, ut Job. vi: 2. Pf. LXII: 10. & IV: 9. *in pace pariter cubabo*, h. e. totus quantus sum: nec illud a nostro loco abhorret; *coagmentata sibi tota quanta* egregium fundit sensum, universam sc. civitatem firma compactione cohære-re. Denique, *sibi*, *coagmentata sibi*, vel abundat, ut apud Lat., & idem est, ac *coagmentata est*, vel etiam ad *partes*, ex quibus constat urbs, referri potest, ut *compaginata sibi* sit, partes suas omnes uniter aptas habet.

§. XV. Hisce in lucem protractis, sensus non est in obscuro. Hierosolyma dicitur *urbs uniter & tota compaginata* a. quatenus *muris & turribus* undiquaque & circumquaque cincta & munita est; *muri* enim & *turres* urbem constringunt, & in unum quasi corpus firmiter compingunt: quod Syro videtur in oculis fuisse, cum sensum magis quam verba hunc in modum expressit, *Hierosolyma munita sicut urbs vallata muro*. b. *preste* est ædificata, & præ ædificiorum copia *arcte* inhabitata; ita ut tota sit *uniter & arcte compacta*, tanquam *corpus uniter aptum*. c. Civitatem constituit *apte* ordinatam, & *arcte* colligatam, in qua omnia cohærent, & in unum conspirant; cum *legibus*, tanquam *nervis & juncturis*, totum corpus in unum est coactum, *civitas & religio* indissolubili vinculo cohærent: quod in nulla verius est civitate ac Judaica. d. Denique addo, Hierosolymam qua *metropolin* uniter *compaginatam* adpellari, quatenus universus populus ejus medio in unum corpus coalescit, vel potius, in eam ut sedem religionis & judiciorum uniter cogitur, ita ut a toto populo uniter inhabitari dici possit, cum omnes ejus sint *cives*, ubicunque etiam locorum degant. Hac ratione Hierosolyma

lyma urbs audit *uniter compaginata*, quæ universum populum in se, & intra se, in unum corpus compingit.

§. XVI. Quo tempore Ps. a Davide est compositus, ipse ad Hierosolymam ornandam & extollendam jam multa contulerat. Tribunalia non tantum in ea erexerat, & sedem regni eam constituerat, sed & superiorem urbem, Tzionem & civitatem Davidis appellatam, muniverat, & undiquaque exædificaverat. Condidiſſe enim traditur urbem *circumquaque a Millone introrsus*, 2 Sam. v: 9. Imo *Jhoab* jam *reliquam urbem* instauraverat. 1 Chron. xi: 8. *Millo* locus Hierosolymæ fuit inter Tzionem & montem Templi. Sed *Salomo*, quicquid ad summum ejus ornatum deficiebat, complevit. Splendidissimum in ea condidit Templum, aulam regiam, palatia alia & tribunalia; præterea *muro* circumquaque cinxit. De eo enim testatur Auctor libr. 1. Chron. ix: 15. eum ædificasse *aedem Jhoabæ*, *domum suam Millonem*, *curum Hierosolymæ* &c. Hæc Salominis opera cum David certo sciret paulo post esse extruenda, ad quæ ipse ingentem omnium rerum apparatus fecerat, cumque de Hierosolyma, sede religionis & regni, clarissima accepisset promissa, a Deo ipsi facta; hinc est, quod ipse lætitiâ suâ de ea re jam testificetur, & Hierosolymam sibi tanquam illis prærogativis jam ornatam ob oculos posuerit; nec non de ejus splendore & bonis, licet magnam partem *futuris* adhuc, loquatur tanquam jam præsentibus. In quo nihil est remoti, & longe quæſiti.

§. XVII. *Religio & judicia*, rite administrata, quemadmodum quascunque urbes felices & celebres reddunt, sic longe felicissimam & celeberrimam constituunt urbem, in qua sola universi populi tribunalia sedent, & religio recte exerceri potest. Quæ ratio est, quare a duabus hisce prærogativis Hierosolyma hic celebretur, vers. 4, 5. Religionis sedem Hierosolymæ alligatam vers. 4. his verbis exprimit. *Quo ascendunt tribus, tribus Dei, statutum*, vel *ornamentum est Israeli ad confitendum nomini Jhoabæ*. h. e. totus

tus populus in 12 tribus divisus, quæ singulæ *tribus Dei* sunt, adeoque æquali jure in regimine & religione gaudent, huc ascendit solenniter ad laudes Deo canendas, & cultum ipsi gratum deferendum; adscendunt autem tribus per fixam legem, & statutum Israeli datum, cujus summa est, ut non tantum Deum solenniter statis temporibus colant, sed *Hierosolymis* id faciant. *Tria* in laudem Hierosolymæ, quoad religionem, memorantur, *a.* Eo sese conferre homines ad Deum colendum. *b.* omnes tribus, quæ Dei tribus sunt, eam pro sede religionis unica agnoscere. *c.* fixam esse legem Israeli datam ea de re.

§. XVIII. *a.* Primum est, religionis studiosos Deum quærere *Hierosolymis*, sive ipsi *adscendant*, sive munera & sacrificia eo mittant: quod utrumque fieri poterat, & ad *Deo confitendum* fiebat. Phrasis, *nomini Dei confiteri*, cunctas veræ religionis partes comprehendit, quicquid *fidei* nostræ de Deo testificandæ peragitur; sive preces ad Deum fundantur, sive laudes ipsi canentur, sive sacrificia & munera offerantur, sive quid aliud a Deo præceptum observetur. Cuncta illa sicut *cultum Dei & religionem*, olim Israeli præscriptam, constituunt, ita *confessio nominis Dei* apte & emphatice appellantur; *α.* quia *fidem & confessionem* suam de Jehova, vero Deo & unico gratiæ fonte; unico Domino & legislatore suo, eo modo publice edebant Israelitæ; &c. *β.* Quia Deo ea ratione gloria *nominis sui Jehova* publice dabatur, cum agnosceretur & celebraretur, tanquam Deus, qui sese gloriosum & virtutibus gratiæ, veracitatis & justitiæ, & operibus magnificis, in populo redimendo, & beando, exhibuerat, & præstaret in posterum. *γ.* Denique quia sese Deo ad omne genus officia obligatos profitebantur, & *foedus* cum Jehova initum identidem renovabant.

§. XIX. *b.* Hoc etsi gloriosum erat Hierosolymæ, homines religiosos Deum ibi quærere, & religione, Deo accepta, defungi posse, attamen gloriosius erat, *omnes tribus*,
eas-

casque tribus Dei, eo sese conferre, ad religionis officia explenda. Respicitur, ni fallor, ad solennia festa, quibus turmatim omnes tribus, seu mares ex toto populo, sese *coram Deo* sistere debebant, secundum legis præscriptum. Quod cum *Hierosolymis* fieri debere affirmatur, ad laudes ejus vix quidem addi potest. Quo fini non tantum *tribus*, sed & *tribus Dei*, appellari censuerim, ut prærogativa Hierosolymæ concessa extolleretur. Cum enim singulæ *tribus*, qua tales, essent æquales, & singulæ, qua *tribus Dei*, jus in locum cultus Dei haberent; Hierosolymæ summæ erat laudi, solam esse electam, ad quam tribus Dei venire debebant, ut Deo cultum deferant. *Tribus* denominatio universum populum complectitur, in *tribus* divisum; sive quia unius arboris erant distincti *rami*, omnes ex *Jacobo* oriundi; sive quia singulæ suprema gubernationis potestate gaudebant, & aliæ ab aliis non dependebant, sed *foedere tantum & societatis lege* secum copulatæ: vox Hebr. enim *sceptrum* denotat, ad quod singulis idem jus erat. *Tribus Dei* cum appellantur, omnibus eandem esse ad Deum, ejusque cultum & favorem, relationem indicatur. Hæ itaque *tribus*, & in specie *tribus Dei*, cum alligatæ sint Hierosolymæ, & ibi cultu Dei defungi debeant; maxime gloriosum censi deberet huic urbi, quæ eo ipso peculiarem ad Deum accepit relationem; per quam *civitas Dei* meruit insigniri, in quam omne *Divinum* omnium tribuum concurrebat, sive propter quod *tribus Dei* vocabantur. Jus enim quod singulæ, qua *tribus Dei*, in religionis sedem tenebant, in unam *Hierosolymam* erat colatum.

§. XX. c. Additur denique, fixum hoc fuisse statutum in Israele, Deum Hierosolymis tantum colendi, ne ambulatoria hæc crederetur prærogativa, aut arbitrio tribuum relicta. Illuc enim tendere voces, *statutum in Israele*, censuerim. conf. Ps. LXXXI: 5, 6. ut sensus sit, *statutum* esse Israeli, tribus Hierosolymam adscendere Dei colendi ergo; hanc

hanc a Deo electam esse urbem, in qua sedem suam collocaret, ubi quæri ac inveniri vellet. Constructio ergo est formanda, ac si voces *statutum Israeli* primum teneant locum: quando oratio facilis fuit. In hoc licet acquiescere possem, addam tamen aliam interpretationem, & his vocibus, & structuræ orationis, forte convenientiorem: secundum quam vox *מִי* non signat testimonium, aut statutum, sed *ornatum*, quicquid instruit & ornat, unde ad instrumenta & ornamenta religionis & vitæ felicioris transfertur, ut *arcam, librum legis, tabulas legis* in arca adservari solitas; & quæ similia sunt cultus & favoris Dei instrumenta, & ornamenta, quæ hoc nomine veniunt, a rad. *מִי*, quæ antiquitus habuit, mobile, *מִי*, inde *מִיָּה*. Quo admisso, ipsa Hierosolyma hic eo nomine & titulo insignietur; tanquam præcipuum Israelis *ornamentum*, & cultus Dei instrumentum; quando cum seq. recte construuntur, *ad nomen Jehovæ celebrandum*.

§. XXI. Altera Hierosol. prærogativa in *judiciis & tribunalibus* ibi positis collocatur, vers. 5. *Quia ibi sedent throni judicii, throni domus Davidis*. h. e. Hierosolyma eo non tantum nomine civitas audire meretur *edificata*, & *sibi uniter coagmentata*, quod unica sit religionis sedes, & eam omnes tribus Dei colendi ergo adire debeant; sed & quia metropolis est regni, & *throni justitiæ domus Davidis* ibi fixi sunt, locumque habeant pacatum, stabilem & perennem. Ex qua paraphrasi, ut id ante omnia observem, elucet nexus cum superioribus, & vis voculæ *quia*, quæ hic retinenda est: nam altera hic datur ratio celebritatis Hierosolymæ, & quare urbs sit, dicique mereatur, *edificata*, & sibi *compaginata*, quia locus est *thronorum justitiæ & Domus Davidis*. a. *Throni judicii*, & *throni domus David*, sunt *throni* in domo Davidis erecti: vox *throni* elegantiae & emphasios causa repetitur; *throni judicii, throni*, inquam, *domus David*, h. e. *throni judicii domus Davidis*, vel in ea, & ei alligati; de quo mox.

§. XXII. Vox

§. XXII. Vox Hebræa, five proprie *suggestum* notet, a rad. כָּסָה, ut sit pro כִּסֵּה, uti apud Chald., Syr. & Arab. h. e. *congeffit*, construxit *a*, five *sedem testam* & *coopertam*, a כִּסָּה, unde cum ה & כָּסָה scribitur promiscue, Job. xxvi: 9. *b*. five potius, utraque radice conjuncta, suggestum elatiorem, & magnifico tapete coopertum, vox, inquam, usu suo non qualemcunque *sellam*, sed supremæ dignitatis & auctoritatis, in specie *thronum* designat, *sedem* regis, cum sese in Majestate sua tanquam *judicem* & *rectorem* populi ostentat; five pro tribunali sedeat, & jus dicat populo, five leges ferat: quam potestatem & hic omnino obtinet, uti facile elucescit. Sed quare *throni* in plur. num? vel excellentiæ causa, ut *supremum* solium, thronum thronorum, supra omnes alios evectum, denotet, vel perpetuæ successionis in familia Davidis significandæ ergo, ut *throni* intelligantur plurium respectu *regum* stirpis Davidicæ, qui continua serie eum insiderent: etsi enim unus idemque sit maneatque thronus Davidis, regum tamen ratione habita *plures* dici possunt: maxime, si verum sit, quod ex Maimon. observat Gejerus *c*, *Solium* regis cum reliquis ejus utensilibus solitum fuisse, cum Rex moreretur, comburi; quod non urgeo.

§. XXIII. Vox *judicii*, quæ thronorum illorum conspectum & usum definit, in phrasi *throni judicii*, *jus* non tantum sensu vulgari sumtum, sed vere & proprie sic dictum *jus* exprimit; adeoque *throni judicii* sunt, de quibus *jus* ad lites decidendas & finiendas, absque ut *appellationi* locus sit, pronuntiatur, nec qualemcunque, sed *justum*, *æquum* judicium, regulis æqui, justi & boni, exacte respondens. Hic enim *character* est throni Davidis; quod egregie confirmatur ex Jes. xvi: 5. *Et confirmabitur in clementia thronus, & sedebit super eo in veritate, in tentorio Davidis, judicans & quærens jus, & promptus ad justitiam.* Unde *jus*,
Qq five

a Schultens clav. p. 249.

b Idem ad Job. xxvi: 9.

c De luctu Hebr. c. 6.

sive *judicium* & *justitia* sæpe conjunguntur; ut *justum judicium* intelligi indicetur, Jes. xxxii. 1. *Ecce in justitia regnabit rex; & ipsi quoque principes secundum judicium principatum gerent.* Qui locus, superiori Jes. xvi. respondens, & ad Hizkiam pertinens, nobis novam suppeditat rationem numeri plur. *thronorum*; regis & *principum* seu procerum, rei *civili* & *judiciariæ* præfectorum, & a rege dependentium; sed *solum* ejus aliquo modo participantium; & e regio sanguine ut plurimum electorum: qualis fuit, ex. gr., tempore Hizkiæ *Eliakim*, in *Sebna* locum evehendus secundum Jes. xxii. ubi ipsi attribuitur *dominium*, *thronus* & regni administratio; &c.

§. XXIV. β. De his *thronis* judicii, & *domus Davidis*, habetur, eos *sedere* Hierosolymis: quæ singularis est locutio, cum non *throni*, sed *reges* & *judices* *sedent* proprie in *thronis*; nec sine ratione tamen pro *sedent in thronis* dixisse videtur Psaltes, *sedent throni*; quia ea locutio videtur magis emphatica: exprimit enim, præter *inseffionem* regum, *stabilitatem* & *prosperitatem* *thronorum*. *Sedent throni* a. cum *insidentur* & *frequentantur*; ut *domus*, *regiones*, *loca*, *sedere* dicuntur, cum *incoluntur*, & *florent*. b. cum *stabilem* & *fixum* habent locum; non *ambulatorium*, modo huc modo illuc transferuntur; quemadmodum contingere solet, quum *metropoles*, vel & *tribunalia* mutantur. c. Cum *continuo* & *perpetuo* durant; oppositè ad *everfionem* *thronorum* & *destructionem*. Sic Gen. xlix. 24. *Et sedebit arcus ejus in vigore perenni*, h. e. *manebit*. d. Denique cum *feliciter* & *prosperè* degunt, ac tranquille manent: quam *emphasin* verbum *sedere* sponte sua suggerit, & in omnibus linguis habet.

§. XXV. His prærogativis Hierosolymam ornatam cum sibi ob oculos poneret David; sicut facere poterat, quod partim jam frueretur, partim mox post mortem ejus gauderet summis illis privilegiis: mirum haud accidit, quod mox in *vota* pro pace & prosperitate Hierosolymæ erumpat,

pat, cum ab ea salus totius populi dependeret. Vota, & aliis iussa, & ab ipso concepta, ita sonant, vers. 6, 7. *Petite pacem Hierosolymæ: defœcati sint amantes tui*, Hierosolyma! *sit pax in arce Tua; liquida tranquillitas in palatiis tuis*. h. e. In hunc dignitatis & gloriæ sublimem locum cum Hierosolyma sit evecta, tamque arcta sit totius populi ad eam relatio, ut nec Deus nisi ibi colatur, nec nisi in ea jus ac iustitia dicatur, & exerceatur; *petite itaque omnes*, qui qualesve estis, *pacem, securitatem & prosperitatem Hierosolymæ*, eamque ei *apprecamini*: quemadmodum mea habent vota, sic & vestra sint, meque præeuntem sequimini: *bene valeant amantes tui*, arx tua & palatia omnia *liquida* sint & defœcata; ab omni miseria, malo & periculo, ab omni penuria & indigentia, pura & immunia. Hæc cum non sint difficilia, pauca notasse suffecerit.

§. XXVI. 1. Ad elegantiam sermonis facit perpetua vocum Hebr. ad se invicem, & omnium ad nomen *Hierosolymæ* alliteratio; quæ linguæ peritis sponte sese in oculos ingerit. 2. *Amantes Hierosolymæ*, quibus liquidissimam apprecatur conditionem, non tam sunt, qui *Hierosolymam*, ut reliqui homines *civitatem patriam*, diligunt, quam qui eam ut *metropolin regni*, & sedem religionis *magni* faciunt, ardeente studio in eam propterea feruntur, & omni ope eum affectum demonstrant ac præstant: quod cum ex præced., ubi Hieros. ab iis prærogativis celebrata est, tum ex seq. manifestum est. Sunt itaque homines, quos *bonos dixeris cives*, & *pietatis ac religionis studiosos*. 2. Prius membrum vers. 7. *sit pax in arce tua*, vel *antemurali*, *propugnaculo* &c: nonnihil difficultatis habet, ob vocis ἡν dubium significatum. Id constare videtur, cum Hierosolymæ attribuitur, & cum *palatiis* jungatur, aliquid denotari, quod *muris* adhæret, vel & ad urbem *munendam* facit, ut manifestum est ex Jes. xxvi: 1. 2 Sam. xx: 15. 1 Reg. xxi: 23. num autem sit *antemurale*, *præmunitio*, προτείχιμα, ut Gr. vertunt, an quid simile, adfirmare nequeo. Forte

in genere pomoerium, tanquam *circuitus* urbis, intelligitur *a*, cum radix חן, proprie *versari*, inde nata sit ulum *circumcundi* in orbem, rotundo cingendi circulo.

§. XXVII. Votis mox addit propositum de *pace & prosperitate* Hierosolymæ pro viribus procuranda, vers. 8, 9 *Propter fratres & socios meos loquar profecto pacem in Te: propter ædem Jehovæ Dei nostri quæram tibi bonum.* h. e. Votis & apprecationibus non contentus, ipso opere me Tibi bene præstabo; pacem, & quævis bona alia, ad Te ornandam, muniendam, opibus accumulandam, statumque tuum stabilem & prosperum reddendum, toto animo & omnibus viribus in Te conferre conabor: idque nec tam *mei* aut *tui* causa, quam in gratiam eorum, qui eandem mecum agnoscunt originem, eosdem majores; quique mihi arcte conjuncti sunt, quorum *salus* in ea Hieros. sita est: metropoli salva & florente, populus universus pace fruitur, & prospere degit. Imò studium *Templi*, in Te erigendi, unicæ cultus Dei in tota terra sedis, me in primis compellit, ut utilitati tuæ studeam.

§. XXVIII. David hic *α.* quid Hierosolymæ sit *facturus* declarat, *β.* quam ob causam. *α.* Phrases, *loqui pacem Hierosolymæ, & qua rere bonum ejus*, haud multum differunt. *Loqui* enim *pacem alicui* est hoc loco eam procurare, uti *benedicere* bona conferre, phrasi ab eo petita, qui *jussu* suo rem sistit, ut loqui nunquam sit irritum: adeoque de *rege* recte usurpatur, qui *pacem* loquendo & jubendo adfert: ita Esth. x. 3. de Mordochæo, qui ibi describitur *secundus a rege, & magnus* inter Judæos; quo in statu dicitur *quæsisisse bonum populi sui, & pacem locutum toti semini suo.* unde nostro loco lux oritur. Sensus ergo est, *verbis & factis* procurabo tibi *pacem*, efficiam omni modo; ut pacifice, sècure & prospere, degas: quod ulterius confirmat altera phrasis, *quærere bonum ejus*; quæ nihil habet difficilis. Tantum observetur, vocem *boni* non esse restringi-


• Vid. Schultens ad Prov. xxxi: 29.

stringendam, sed ad quævis bona, quæ civitatem & populum felicem reddunt, extendendam; adeoque *spiritualia* æque ac *corporalia* complecti, quorum *hæc* opibus & splendore urbem ornant, *illa* sapientiore & meliorem reddunt populum, de urbe scientiæ & virtutis scholam faciunt. Utrumque pro viribus præstitit David; & post ipsum *Salomo*, cui suum hoc exemplum videtur hic proponere imitandum. Quæ cum nemini non nota sint, ex historia Davidis; iis non immorabor.

§. XXIX. β. Verum quid movit Davidem ad Hierosolymæ pacem & prosperitatem toto animo quærendam? illud declarat, cum dicit, propter *fratres & socios meos, propter domum Jehovæ*. i. *Fratres & socii*, seu *amici* Davidis sunt *cives* Hierosolymæ, tanquam metropolis totius regni, sive *incola* sint Hierosolymæ, sive alibi terrarum degant. Cives illi appellantur *fratres* propter unam & communem *stirpem*, erant enim omnes *Jacobi* filii, & ex iis orti; sed *socii* propter vincula ejusdem societatis. *Cives* esse possunt, absque ut sint *fratres*, & vice versa. Sed ubi iidem & *cives* & *fratres* sunt, arctissima inde efficitur conjunctio. Si quis *fratres & socios* alio modo velit distinguere; *fratrum* nomine populus in genere insigniatur, sed *amici* illi ex populo sint, quibuscum arctiore vinculo, vel eorundem studiorum, & animi adfectionum, vel *muneris* aut *conversationis*, erat conjunctus. Horum causa cum se Hierosolymæ saluti studere profitetur, indicat *a.* se *relationibus* suis ad eos convenienter agere, & se benevolum & bonum præstare regem ac pastorem; qui cives suos diligit, & saluti eorum incumbit. *b.* Se Hierosolymæ & populi pacem ac prosperitatem pro una eademque re habere, ita ut, si floreat Hierosolyma, totus populus feliciter agat: unde patet, eam hic ut *metropolin* considerari.

§. XXX. 2. Altera ratio a *Templo* petita est; cujus causa & respectu Hierosolymæ quævis bona conciliaret: quo testatur, quanto in Deum ejusque cultum feratur

studio; quantaque sit *religionis & civitatis* conjunctio; ut propter eam civitas sit bonis ornanda. *Religio* erat a Deo instituta, quæ in regno Davidis vigeat; sine qua resp. salva esse non poterat; quæ nunc demum fixum consecuta erat domicilium Hierosolymis, ubi Templum mox conderetur. Hæc Dei *domus* salva esse non poterat, nisi cum *Hierosolyta*; quare studium religionis ab eo Hierosolymæ erat inseparabile.





P S A L M. CXXIII.

1. *Canticum adscensionum. Ad Te, qui sedes in coelis, attollo meos oculos.*
2. *Ecce! sicut oculi servorum ad manum Dominorum suorum, sicut oculi ancillae ad manum herae suae, ita oculi nostri ad Jehovam Deum nostrum sunt, donec nobis gratiam faciat.*
3. *Miserere nostri, Jehova! miserere nostri: sat enim contumelia satiati sumus.*
4. *Nimum satiata sibi est anima nostra subsannatione insipientium, contemptu superbiorum.*

P R O L E G O M E N A.

§. I.

Argumentum canticum est oratio piorum & fervorum Dei, sed externis gratiae & favoris Dei, Domini & patroni sui, signis carentium, ejusque iram ob peccata sua ferentium: in quo statu tantum aberat, ut commiserationem apud alios invenerint, quæ miserorum aliqua est consolatio, ut eorum irrisiones & insultationes pati debuerint acerbissimas, quæ ipsa nonnunquam afflictione est gravior miseria, & prorsus intoleranda. Hoc in statu constituti fiduciam suam confitentur, in Jehova positam, a qua nondum se esse depulso significant, præterea ardens gratiae Dei

Dei desiderium testificantur, & eam magno cum studio implorant, addita ratione a tranquillorum & intolentium insultatione petita, quæ eam salutem diutius non sinebat differri.

§. II. Illi, quorum confessio & precatio hic exhibetur, *a.* Dei erant *servi & clientes*, ipsius servitio dicati, & ab ipso, ut Domino & patrono, alimenta & defensionem expectantes; *b.* In statu afflictio versabantur, quo & favoris Dei signis destituti, & iræ Dei effecta experti erant: quod quidem hic magis præsupponitur, quam describitur, quia afflicti statum suum miserum aliis æque ac sibi esse notum existimare solent, maxime cum sit miseria publica, & singularis. Tantum eam miseram involutius verbo *gratiam* facere indicasse, contenti sunt. *c.* Eo in statu loco commiserationis omne genus contumelias & insultationes experiebantur, quibus impii, & carnales homines, eorum spem irridebant, & qua verbis qua factis eos contumeliose tractabant. *d.* Hasce irrisiones & insultationes summum jam attigisse gradum, indicant, adeoque non amplius esse ferendas, nec, salva relatione sua ad Deum, ab eo sperni suamque liberationem diutius differri posse. *e.* Hoc fundamento Deum supplices orant, ut piorum spes non amplius eludat, nec *gratiae* ac *favoris* testificationem diutius differat. Rationem, qua Deum ad preces exaudiendas compellunt, ab intolerabili superborum insultatione defumunt, non ac si nil nisi aliorum contemptus paterentur, ut videri posset alicui, sed quia hæ contumeliæ statum miseriæ intolerabilem faciebant, nec amplius sinebant, ut Deus ad suorum *preces & spes* oculos auresque claudat. Ex dictis enim elucet, illos *gratiae* Dei effectis caruisse, & eo nomine aliorum sannis ac insultationibus fuisse expositos.

§. III. Partes cantici duæ sunt, quæ sponte sese offerunt. I. *Prior* est fiduciæ & expectationis gratiæ Dei testificatio, vers. 1, 2. II. *Posterior* comprehendit *preces* inde ortas, & cum ea conjunctas, ut Deus quantocyus succur-

succurrat, & opem ferat, cum hostium insultationes ulteriores moram non permittant, vers. 3, 4.

A N A C R I S I S.

§. IV. Circa hypothesin cantici exponendi Interpretes in duas generales scinduntur partes: alii enim prophetici volunt esse argumenti, alii illud ad præsentem eorum statum, quo tempore ode composita est, applicant. *Priores*, vel de Christianis, qui in medio hostium, præcipue Pseudo-Christianorum versabantur, & eorum irrisiões ac vexationes experiebantur, hæreditatem mundi in fine temporum expectantibus, interpretantur, vel pios, paulo ante manifestationem Messiae, eam præstolantes, & eam ob spem a Phariseis ac Sadducæis sannis excipi solitos, hic loquentes introduci censent. Sed utraque hæc hypothesis lubrico nititur fundamento; cum nullum, vel minimum, hic alicujus prophetiæ reperiatur indicium: adeoque a tempore, quo autor cantici vixit, discedere fas non est. Ex nullo patet criterio, alios hic in scenam produci ac Pf. auctorem, ejusque socios, qui fiduciam suam testantur, & gratiam Dei implorant. Et, si ab auctore cantici sit abeundum, sine ulla ratione Christiani sub jugo Antichristi gementes, quod est longe remotissimum, hic in censum venirent. Rectius, fateor, de piis paulo ante Messiam cogitaremus: sed illos propter hanc spem fuisse a Phariseis & Sadducæis irrisos, ac vexatos, non constat, cum Messiae generalis fuerit eo tempore expectatio. Nec tamen nego, hanc eorum fuisse sortem, qui Phariseorum superbiæ ac superstitioni & hypocrisi, nec non Sadducæorum securitati, cum abjecta spe vitæ conjunctæ, sese opposcentes, veras de *consolatione* Israelis habuerunt cogitationes: quales pauci fuerunt; & in quos ode non male quadraret, si eo tempore censerī posset

Rr

com.

composita, de quo nihil constat; nec probabile est, aliqua cantica, tam fero facta, in canonem redacta fuisse.

§. V. Sensus prophetico misso, de cantici interpretatione certo constaret, si *auctor* ejus fuisset annotatus. Ejus ignorantia fecit, ut alii de Davide, alii de Judæis in exilio Babyl., alii de iis tempore calamitatis Epiphanicæ, cogitarint. *David* hic in censum venire nequit, quod status ejus characteres hic non inveniantur. Quo tempore a Saulo vexabatur, ad *justitiam* Dei magis quam ad *gratiam* provocavit; & *metu mortis* magis quam *contumeliis*angebatur, licet & hæ non defuerint. De fuga coram Absolomo quominus cogitemus, facit, quod brevissimi ea fuerit temporis; cum hic diuturnior *contumelia* videatur insinuari: sunt, qui ad irrisionem filiæ Sauli, uxoris Davidis, cum David coram arca saltaret, respiciunt, sed quod absurdum est, & vix mentione dignum.

§. VI. Quare nihil superest, quam ut, vel de Babylonica, vel Epiphanica afflictione canticum interpretemur: sed num de illa, an hac, difficile est judicatu; cum characteres status loquentium adeo sint generales, ut in utramque conveniant. Si ultima vox, uti nota Masorethica habet, sit dividenda, & vertenda per *superbos Graecorum*, haud spernendum hic haberemus *Syro macedonum* criterium: sed cum illud incertum sit, in eo pedem figere non licet. Ad exilium Babylonicum nos vocat. 1. *diuturnitas* irrisionis, quæ hic innui videtur; etsi de *gravitate* & *copia* insultationum etiam capi posset illud, *multum satiati sumus*. 2. Quod nil nisi *gratiam* implorent, & nil nisi *irrisionem* tranquillorum & superbiorum memorent; argumento, ut videtur, eos, quo tempore ode composita est, alias vexationes non fuisse expertos, ac hostium irrisiones, & insultationes, & gratiæ Dei signis caruisse: præterea in miseriæ illius statum non nisi propter *peccata* sua venisse. Quæ rectius in exilium Babylonicum quadrant. Calamitas enim Epiphanica & alium ac *pænæ* propter peccata inflictæ habuit

habuit conspectum, & nullum intervallum fuit, quo præcipuum malum erat hostium *insultatio*, quod patiebantur.

§. VII. Hæ rationes etsi mentem ad exilium Bayl. inclinent, tanti tamen non sunt, ut in ea opinione secure acquiescere possimus; quare alterutram interpretationem hic locum habere, contenti simus statuisse. Forte Ps. in exilio Babyl. est compositus, & a fidelibus tempore calamitatis Epiphanicæ ad eam applicitus, unde nata forte fuit vocis ultimæ divisio in duas, quæ *superbos Græcorum* ob oculos ponunt. Habeat itaque duos illos casus in oculis, qui hunc Ps. interpretari instituit, & ad utrumque applicet, ut ab errore sibi caveat. Quam viam nos in præsentia tenebimus, ita tamen ut in Babyl. exilium oculos præcipue defigamus.

EXPLICATIO.

§. VIII. Prior pars, quæ *expectationem* liberationis, cum aliqua *fiducia* conjunctam, comprehendit, ita sonat vers. 1, 2. *Ad te, qui sedes in coelis, tollo oculos meos: ecce, sicut oculi servorum ad manum Dominorum suorum, sicut oculi ancillæ ad manum heræ suæ; ita oculi nostri ad Jehovam Deum nostrum, donec nobis gratiam faciat.* h. e. In Te fiduciam colloco, & a Te liberationem ardente cum desiderio expecto, omnipotens & omnisufficiens Deus! qui coelum tanquam thronum insides, & mundum potenter & sapienter gubernas; solus verus Deus: nec ego tantum, sed omnes nos, quorum arcta est, ut servorum & ancillarum ad heros & heras suas, relatio ad Deum; omnes, inquam, nos oculos desiderii & expectationis in Jehovam Deum nostrum defixos teneamus, donec tempus optatum advenerit, quo nobis gratiam peccatorum faciat, & benevolum affectum nos liberando præstet; haud secus ac solent *servi & ancillæ*, qui a Dominorum & herorum *manibus* non

avertunt oculos, donec, vel munera ipsis largiantur, vel tanquam clientes suos, ab aliis oppressos, vindicent.

§. IX. Ad schema orationis recte percipiendum notandum est, auctorem Ps. gestum precantium auspicari, & mox ut reliqui, calamitatis focii, idem faciant, adhortari; quando omnium nomine *preces* fundit, vers. 3. Vult itaque dicere, se non solum, sed *omnes*, seu universum populum in eadem secum conditione positum, idem facere; quare, cum forte videret, socios in eo esse tardiores aut timidiore, eos ad illud secum faciendum per parenthesis adhortatur. Hunc conspectum habet vers. 2. licet passim aliter instituant interpretes; quod suo relinquimus loco. Vocula *הנה* ecce hic vim *admonendi* & *adhortandi* habet ut Ps. cxxxiv: 1. *Ecce benedicite Jehovae omnes servi ejus*: &c; præterea cum verbum *esse* deficiat, vers. 2. habetur enim, *oculi nostri ad Jehovam*, illudque per *sunt*, vel *sint* suppleri queat, posterius hic locum habet, ut ex dictis patet.

§. X. Personam, quam hic respiciunt, vers. 1. quasi digito monstrant, cum dicunt, *tu qui sedes in coelo*; dein vers. 2. nomine suo appellant *Jehovam Deum ipsorum*; ejusque relationes ad se præterea illustant per simile *dominorum & servorum*. Quæ omnia emphasin habent. *a. Sedere in coelo* dicitur qua omnipotens coeli & terræ creator ac *moderator*, cujus thronus est coelum: quo summa ejus potentia & Majestas ob oculos ponitur, opposita ad idola & falsa numina: *Dii qui non fecerunt coelum & terram pereant de terra*: qua formula Jer. x. voluit ut exules inter Chaldæos uterentur, ad ficta eorum numina refutanda. Si quis ulterius phrasin premere velit, referre eam poterit ad præteritam Dei inhabitationem super *arca* Hierosolymis; qua prærogativa cum nunc in exilio essent privati; oculos flectunt *coelum* versus, utpote propriam summæ majestatis sedem. *b. Addunt* mox nomina, cum verum & summum Deum, tum *suum* in specie Deum designantia, ubi

ubi eum appellant *Jehovam Deum nostrum*. Deus est, quatenus unicum est & supremum Numen, omni adoratione solum dignum in toto mundo; *Jehova* est, quatenus est Deus Israelis; quo nomine characteristico & proprio insignitus est, ut a reliquis *Diis* gentium distingueretur, cum promissis & dictis *veritatem* præstare incipiebat. Exod. III. *Jehova Deus noster*, est creator coeli & terræ ac summus moderator, qui a nobis colitur, & nostri peculiarem gerit curam, &c: c. Quas relationes Deum inter & Israellem comparatio cum *Dominis* & *servis* illustrat. Cum enim dicunt, *oculi nostri ad Jehovam*, ut *servorum* ad *Dominos* &c: indicant, sibi easdem esse ad Deum relationes ac servorum ad Dominos suos; adeoque Deum esse *Dominum* suum, qui tanquam populum sibi epos acquisivit, redemit, & ingentibus bonis mactavit; qui eos *curat*, & *protegit*; cui & ipsi quoque ad omnia officia amoris, obsequii &c: sunt toti obstricti.

§. XI. Ad hunc summum coeli & terræ rectorem, Deum & Dominum suum, veracem, æquum & misericordem, *oculos attollunt*, & quidem ut solent *servi* & *ancillae* ad *manum Dominorum* & *herarum*, 1. *Oculi* in aliquem defixi, cum, vel stipis, vel opis & auxilii, petitionem cum summo desiderio conjunctam exprimant, & simul fidem ac fiduciam petentis comprehendant: difficile non est explicitu, quid hic *oculos tollere* significet, flagrans scilicet *desiderium*, quo in liberationem & possessionem terræ suæ ferebantur exules; *fiduciam* in Dei bonitate & potentia positam; denique *expectationem* illius salutis a Deo, secundum ejus *gratiam* & *veracitatem*. 2. Simile *servorum*, ad manum Dominorum respicientium, a *servis* desumptum est, qui a clementia & tutela dominorum suorum unice dependent, ut vivant, ac *secure tutoque* vivant, & aliorum oppressibus & vexationibus eripiantur. Quo sensu phrasis, ad *aliorum manus*, *digito*, respicere, non est aliis scriptoribus

ignota *a*. Hinc est, quod non sine emphasi dicatur, oculos eorum esse ad *manum Dominorum*. *Manu* enim dextra uti solemus in largitionibus, & defensionibus ac liberationibus. Ad eam qui oculos flectunt, se munus, defensionem & ereptionem, petere indicant. Hunc ad modum se oculos in *Jehovam defixos* habere cum dicunt exules; significant, quo *fundamento*, quo *animo*, & *quid* a Deo expectent. *Fundamentum* est arcta eorum ad Deum relatio, quæ est *servorum ad Dominum*. *Animus* est, qui *servos* decet, *modestiae*, desiderii & fiduciæ plenus; animus submissus, & obsequiosus, ad quævis officia Deo præstanda pronus. Id, quod petunt, est, quod Deus *manu* sua efficit, & quævis bona comprehendit, quibus nunc carebant in exilio, & præterea *defensionem* ac *liberationem* a dominio hostium, eorumque insultationibus. Non sine ratione addunt simile *ancillae & heræ* in sing. cum de servis & dominis fuissent locuti, est enim tenerior affectus, & familiarius commercium, inter *heras & ancillas*; magis inter *unam ancillam & heram*, quæ sola est amoris & protectionis heræ objectum.

§. XII. Hæc clarius exprimunt, cum *finem & scopum* respectus ad Jehovam significant, addentes: *donec nobis gratiam faciat*, vel *favorem & benevolentiam* ipso opere demonstret. Verbum *pn* est *ὄνυμα τοῦ πατρὸς ἡμῶν*, a stridulo sono gutturis, quem animantia edunt in signum tenerrimi affectus erga foetus; de quo proprie usurpatur: unde ad *pietatem maternam & interiorem teneritudinem* transfertur, & usu teritur cum in bonis benevolo affectu largiendis, tum etiam a malis & periculis liberando. Priore sensu, Prov. xix: 31. *favet egeno* Gen. xxxiii: 5. *hi sunt pueri, quos pro clementia largitus est Dominus servo tuo*, posteriore, Jes. xxvii: 11. xxx: 19. Mich. v: 15. & alibi. Indicant itaque hoc verbo i. se favoris, & benevoli Dei affectus, signis

a Vid. Doctiss. Anonymus in specimine observ. sacr., symbolis Litterariis Cl. Ikenii tom. iii. p. 11. insertis p. 332. quem amicissimum P. Wesselingium esse, probe novi.

nis & effectis carere, nullo ex indicio patere, se esse Dei populum peculiarem, a Deo redemptum, & in cujus medio Deus habitare consueverat. 2. Se iuste & merito suis signis esse privatos, & in hunc miseriæ statum, quo a Deo videbantur rejecti, delapsos: id enim manifeste innuunt, cum *gratiam* Dei inplorant, & non ad ejus justitiam provocant. 3. Se magno in pristini status instaurationem ferri desiderio, adeoque submisso instar fervorum ad Dei clementiam & benignitatem respicere, ut antiquas largitiones resumat, peccata condonet, & in pristinum statum favoris ac beneficentiæ restituat. Cæterum emphasi non caret, quod se ad Deum respicere testentur, *donec* sibi gratiam faciat: eo enim significant. *a.* Se haud exiguo tempore gratiæ divinæ signis caruisse. *b.* a desideriis & precibus non cessaturos, donec votorum fuerint facti compotes. *c.* Denique *patienter* illud tempus expectaturos, quo Deus optimum & opportunum judicaverit, populo suo veterem reddere favorem. *d.* Postremo, se interea ad nulla alia media respecturos, quibus calamitatibus & exilio eripiantur, sed, idololatria penitus repudiata, & hominum auxilio spreto, Deo adhæsurus esse.

§. XIII. Altera cantici pars, quæ *preces* continet, & *rationes* ad Deum movendum, quibus *preces* urgentur, a contumelia & insultatione superborum desumptas, ita habet, vers. 3, 4. *Fave nobis, Jehova fave nobis: sat enim contumelia satiati sumus: nimium satiata est sibi anima nostra subsannatione insolescentium; contemptu superborum.* h. e. Ad te tollo, Jehova, oculos, attollamus omnes nos; gratiamque Dei quantocyus nobis faciendam in hæc verba imploremus & imploramus: gratiam remissionis peccatorum, liberationis & restitutionis in pristinam terræ & bonorum possessionem, nobis fac, Jehova, fac quam citissime: contemptus enim, qui in nos effusus est, nobisque devorandus datus, tam diu duravit, & tam magnus ac copiosus est, ut eum concoquere, & vix amplius sine reluctatione
ferre

ferre queamus: tam acerbis enim fannis, tanta contumelia, verbis, & factis, ac gestibus excipimur, & excepti sumus, tanto tempore, ab hominibus insolentibus & superbis, in quorum medio versamur, ut intimos nostros sensus penetraverit, & animum ita repleverit, ut nihil amplius recipere, nihil dutius ferre queat, sed respuere coactus sit, si ulterius ingeratur.

§. XIV. Preces, *gratiam nobis fac, Jehova, gratiam fac*, cum ex superioribus satis claræ sint; verbo notasse suffecerit, verbi duplicationem cum vehementiam adfectus & desiderii precantium exprimere, tum festinam exauditionem complecti; acsi dictum fuisset: gratiam fac, fac quam citissime. Quam emphasin ratio, qua preces urgentur, confirmat. Est enim ab insolentium & superbiorum contemptu amplius non ferendo desumta: quæ verbo illustranda sunt. Loquuntur de *fannis* insolescentium & *contemptu* superbiorum; quibus se plenissime ad nausea usque esse satiatis confitentur, & hinc *rationem* petunt, qua Deum ad citissimam liberationem permoveant.

§. XV. *Personæ*, quarum subsannationem experiebantur, appellantur *insolescentes* & *superbi* viri: sic enim voces vertendas & intelligendas esse existimaverim. Prior vox *מאנין* reddi solet per *tranquillos*, quibus cuncta ex voto fluunt; sed majorem habet emphasin, signatque *insolentes*, & aliorum malis imminentes, sive quod opum abundantia & securitas homines efferat, sive quod a radice alia, quæ *strepitus* & *vastationis* intellectum præbet, derivari debeat, nim. a *שאה*, unde *שאן*, & ultima littera repetita *שאן*, quæ vox *strepitum*, *tumultum*, *jaçantiam* & *insolentiam* denotat. Ita sumitur Jes. xxxvii: 29. Zach. i: 15. Altera vox *גאונים* *superbos* & *elatos* designat, si pro una voce habeatur, ut haberi potest, & derivari a *גאה*, unde, ה mutato in ו, & addita terminatione ון, erit גאון, ad formam גליון: sed si dividatur in duas, ut habet nota Masoreth. margin., reddenda erit per *superbos Græcorum*, & non *opprimentium*; ut

Kimchi

Kimchi instituit, כִּמְכִי enim *Græcos* significat in Scriptura S. & hic *Syro-Macedones* designarentur, si *superbi Græcorum* intelligantur, quod recte quadraret, si ad tempora Epiphonica hoc canticum referatur: de quo supra dixi. Mihi probabile fit, antiquam lectionem fuisse כִּמְכִי; sed tempore adflictionis Epiphonicae fuisse insertum, ut ad Syro-Macedon. clarius respiceret: quod tamen conjecturæ limites non excedit. Quicquid sit, *tranquilli insolentes & superbi* sunt primo *Chaldæi*, in quorum medio degebant exules, dein qualescunque alii populi *vicini*, quotquot *Judæis* male volebant, & eorum calamitatibus insultabant; homines opibus & potentia sua elati, & successu rerum suarum inflati; in primis in Judæos, eorumque religionem animati, quo ipso titulo insinuantur Chaldæi Zach. 1: 15.

§. XVI. His attribuitur *contemptus & subsannatio* Judæorum; siue *verbis*, siue *gestibus externis*, siue *factis* fiat, quæ vocum ambitu sunt comprehensa. Ad gestus contumeliosos in specie pertinet vox יָלַל, quæ apud Arab. continet *vibrantem nictationem* ex. gr. *linguæ, oculi &c.* Sed materiam & argumentum subsannationis ac contumeliarum pandamus. *a.* Insultatio illa comprehendit lætitiā super calamitatibus Judæorum, ejusque publicā demonstrationem. *b.* quæ in irrisionem exit, qua miseriis eorum insultabant, &c. *c.* accessit contumeliosa tractatio, qua tanquam servos vilissimos, & mancipia eos exceperunt, & tractarunt, siue eos *vendiderint*, ut est Joel. iv., siue aliis indignis modis tractarint. *d.* Denique statum ipsorum miserum in dedecus religionis, & relationis eorum ad Deum, verterunt; siue *Deum* Judæorum tanquam fictum aut infirmum numen traducendo, siue populum a Deo spretum & repudiatum calumniando.

§. XVII. Hanc insultationem declarant amplius ferendam non esse; cum dicunt, *multum se ea esse satiatis & animam nimium saturatam.* Omnes voces sunt emphaticæ.

S f

a. Mul-


a. Multum stylo Hebr. dicit, *satis*, & *nimum satis*, plus quam satis; pertinetque cum ad diuturnitatem temporis, tum rei copiam & abundantiam. Vid. ad Ps. cxx. 6 *b.* Verbum *satiari* indicat, eos tantam contumeliarum copiam, tamque diuturnam & vehementem devorare debuisse, ut nunc amplius nullam aliam ferre aut concoquere queant; sed respuere & relictari debeant. Met. a ventriculo cibi nimia copia repleto, & alium nauseante ac respuente, petita. *c.* Denique, ubi addunt, *aniam suam esse satiatam*, indicant, contemptus illos ad intimos sensus pertigisse, sibi-que quam molestissime accidisse; ita ut ipse animus per eas contumelias jam fuerit fractus, & eas amplius tolerare nequeat. Quamdiu ignominia spernitur, aut patienter fertur, ad *animum* non penetrat, utique eum non obruit & exulcerat: sed cum *anima* ea dicitur satiata, eam intolerabilem esse & vehementissimam indicatur. Quæ emphasis adhuc crescet, cum observavero, vocem *כי* verti posse per *totam*, hoc sensu: *tota saturata est sibi anima*; tota, quanta est, omnis multitudo ejus. *a*

§. XVIII. Hinc, quod postremo est observandum, *rationem* petunt, ad Deum permovendum, ut quantocyus *gratiam* præstet populo suo afflicto. Quæ ratio multum habebat roboris. *a.* Quia afflicto insultare est *crimen*, a justo mundi gubernatore puniendum. *b.* magis adhuc, quod *insolentes* & *superbi* sint, a quibus illa contumelia proficiebatur, quos Deus ferre non solet. *c.* Judicium Dei ulterius provocabatur per *relationem* ad contemptos, qui erant *populus* ejus, & quorum contumelia cum veri Dei, ejusque cultus, contemptu erat conjuncta. *d.* Denique *gratia* & *bonitas* Dei requirebat, ut afflictos suos servos per intolerandas hasce insultationes non sineret obrui, & de spe ac expectatione sua dejici.

§. XIX. Nihil restaret, quam ut ex-comparatione cum verbo prophetico, & historia populi in exilio Bab., & calami-

a Vid. Schultens ad Job. iv: 14.

lamine Epiphanica demonstremus, Judæos hujusmodi contumeliis fuisse expositos: sed cum illud nemini non notum sit, citasse suffecerit Ezech. xxxvi. 20. de exilio Babyl. nec non Ps. cxxxvii. de eodem. Qbadj. 12. in primis Dan. -ix. vid. & Hof. vii. 16. sed Jes. xxv. 6. Ps. xlii. & lxxxix. de calamitate Epiphanica. Res ipsa etiam illud confirmat; cum illa addictio natura sua eo tendat, ut *contumelia* gentium in populum Judæum effundi debuerit. &c.





P S A L M. CXXIV.

1. *Canticum adscensionum, Davidis. Nisi Jehova, qui noster fuit, dicat quæso Israël.*
2. *Nisi Jehova, qui noster fuit, cum insurgeret super nos homo.*
3. *Tunc vivos nos deglutiissent, ira ipsorum in nos accensa.*
4. *Tunc aquæ inundassent nos, torrens transisset super animam nostram.*
5. *Tunc transisset super animam nostram; aquæ, puta, illæ tumidæ superbientes.*
6. *Benedictus Jehova! qui nos prædam dentibus eorum non tradidit.*
7. *Anima nostra sicut avis evasit e laqueo venatorum: laqueus fractus est, & nos erepti sumus.*
8. *Auxilium nostrum in nomine Jehovæ, creatoris coeli & terræ.*

P R O L E G O M E N A.

§. I.

CAnticum formam gratiarum actionis & celebrationis nominis Jehovæ comprehendit, a populo adhibendam, pro singulari & miraculosa liberatione a truculentissimis & potentissimis hostibus, universo populo Divinitus

nitus concessa, cum ad incitas fuisset redactus, & nulla spes elabendi adfulgeret; ita ut, nisi extraordinario Deus succurrisset auxilio, de civitate & Ecclesia Israelis actum fuisset. Celebratur itaque hac in ode insignis liberatio, *a.* non uni aut alteri, sed universo populo facta, vers. 1. *b.* ab invasionibus hostium *peregrinorum*, eorumque crudelium & populo iratorum, qui totale ejus excidium intendebant, vers. 2, 3, 6. *c.* quæ eo tempore contigit, quo fummas in angustias per hostes esset coniectus Israel; ita ut omnis salutis spes penitus decolasset. *d.* Quæ rerum desperatio cum ab hostium, populo imminentium, viribus & potentia, tum a populi imbecillitate, & timiditate orta fuerat, ut ex comparatione hostium cum belluis, & aquis intumescantibus, & populi cum *avicula*, laqueo constricta, elucet. *e.* liberatio denique sine hominum ope sine populi viribus effecta: ut ex vers. 7. colligitur. Simile enim aviculæ laqueo irretitæ, & per laquei fractionem elapsæ, eo manifeste tendit. De quo in seq. suo loco.

§. II. Hoc argumentum ita exequitur poeta, ut I. confessionem liberationis, viribus suis superioris, & solius Dei ope effectæ, imperet Israeli, vers. 1-5. II. gratiarum actionis formulam præscribat pro miraculosa salute, populo præstita a Deo, vers. 6, 7. III. Spei & fiduciæ in benignissimo ac præpotente hocce servatore positæ testificationem populo injungat, vers. 8.

A N A C R I S I S.

§. III. Interpretes circa elegantissimum hocce canticum explicandum, & ad subjectum accommodandum, in duas partes scinduntur, dum alii *historicum*, alii *propheticum* esse volunt. Priores singularem hanc Israelis liberationem, quæ hic describitur, vel ad omnes extendunt victorias, quas populus inde ab Aegypto usque ad Davidis tempora,

cum in plenissimam libertatem est adfertus, de hostibus, ut Aegyptiis & populis vicinis, reportavit, vel ad Davidis victorias de *Philistæis*, aut Ammonitis, restringunt. De quibus, 2 Sam. VII & X. Sed posterius lineas modo ductas nullo modo præstat: nec enim in tantis angustiis tunc versatus fuit populus, nec solius Dei auxilio, sed iusta pugna, cui Deus adfuit, erepti sunt. Imo quamdiu David præfuit, & hostibus caput suum objecit, ad eas incitas nec legimus Israellem fuisse redactum, nec probabile est; nihil quoque de tam singulari liberatione habet historia Davidis, nec in ipsius tempora convenit *avicula*, laqueo implicitæ, non nisi fracto laqueo ereptæ, comparatio.

§. IV. Nec similis ante Davidem exstitit casus, quo populus tantum non fuisset ab hostibus absorptus, & divina sole ope liberatus; cum sub *judicibus* magis afflictus & in servitutem redactus fuerit, quam plenariæ extirpationis periculum subierit: & per *heroas*, a Deo fuscitatos ac animatos, & prælia, fuerit ereptus. De *Aegyptiaca* persecutione & liberatione forte quis cogitaverit non sine ratione; sed obstat 1. quod emblemata *fluvii & aquarum* in extraneos hostes, eorumque irruptiones, rectius, & stylo prophetico congruentius, quadrent. 2. Quod, nisi de præsentī liberatione intelligatur hæc ode, phrasis, *dicat nunc Israel*, omni emphasi careat. De *Aegyptiaca* liberatione, tanto temporis spatio ante Davidem facta, alio modo locutus fuisset.

§. V. Hisce itaque suo loco relictis, num sensus prophetici patroni quid solidius, in quo pes figi queat, adtulerint, videamus. Oculos ad Ecclesiam N. T. vertunt, ejusque liberationes a variis hostibus, ut Judæis, Romanis, Antichristianis & hæreticis, hic celebrari autumant. Sed a. sine ulla ratione Veteris Ecclesiæ fata spernuntur, & N. T. obtruduntur prophetis: quod si sine certo argumento, & N. T. criterio, fiat, temere fit. In propinquo si sint casus,

casus, quibus prophetia respondet, ad remotiora fas non est eam referre. 3. Persecutionum fidei causa, quem conspectum prætulērunt vexationes Christianorum, nullum hic est indicium, nullus character; omnia emblemata nos ad invasiones exercituum hostilium vocant. c. Si persecutiones Christianorum hic intelligantur, *liberatio* alia esse nequit, ac qua *persecutionibus* finis est impositus, quod per Const. M. factum est. Sed liberatio Ecclesiæ per eum non est plane *miraculosa & Divina*, verum *armis* effecta. Alia mitto.

§. VI. Quid itaque? alterutrum mihi statuendum videtur, vel Epiphanicam, vel Assyriacam oppugnationem, illam sub Antiocho Epiph., hanc sub Senacheribo & ab ea miraculosam liberationem, depingi. In utramque non male conveniunt characteres supra in argumento prolati, sed in *Assyriacam* multo luculentius; cum Epiphanicæ non immediate, sed per Maccabæos & prælia sint ope divina erepti, nec *avicula* tantum speciem, verum heroum prætulerint Maccabæi. Sed ovum ovo non est similis, quam liberatio ab Assyrio huic cantico. Assyrius belluæ instar universum populum tantum quod devoraverat, & ad modum diluvii totam terram fere inundaverat, sola restabat *Hierosolyma*, sed ita obsessa, ut brevi eodem exitio videretur involvenda. Judæi ad summas & inextricabiles reducti erant angustias, nihil spei, non in armis aut exercitu, nisi in solo Deo. Is etiam miraculose populo suo succurrit in media desperatione; & laqueus, sine Judæorum & hominum ope, divinitus fractus est, Assyriis una nocte ad internecionem usque deletis. Quæ historia nemini non nota est. Hiskias de eo tempore dixit, *esse diem angustiae & redargutionis, & probrosæ insectationis, & venisse filios ad collum, sed nullam pariendi vim esse.* Jes. xxxvii: 3. & Jes. viii: 8. de Assyrio: *& pervadet in Judam, inundabit, & transibit, ad collum pertinet.* &c. eodem fluvii exundantis usus emblemate. Imo eodem modo, ut hic, Jes. i: 9. ni-

9. *nisi Jehova residuas nobis fecisset reliquias, vel tantillas, facti essemus ut Sodoma, similes Gomorrhæ.*

§. VII. Nihil est, quod huic opinioni obstat, nisi hoc unum, Davidem pro cantici auctore vi inscriptionis esse habendum, & nullum *prophetiæ* occurrere criterium, sed rei factæ ac præteritæ celebrationem. Quæ difficultas tanti visa est erudito admodum Interpreti Patrick, ut eam opinionem, quæ & ipsi in mentem venerat, seposuerit. Obhæsi & ego ad eam, & varia mihi occurrerunt, ut eam e medio tollerem; quorum hoc solum memorabo, Davidem, verum cantici auctorem, illud in usum Ecclesiæ seq. temporis, quando hic casus accideret, composuisse; ut tunc caneretur. Sive Spiritu prophetico præviderit, quo tempore ille casus exstaret, sive in genere præcognoverit simile fatum aliquando esse eventurum: quod hic perinde est. Posuit itaque sibi singularem Ecclesiæ casum ob oculos, quò ad incitas per truculentissimos hostes, populum Dei invadentes, redacta, ut a totali ruina ne vestigium pedis fere abesset, miraculose a Deo eriperetur. Huic casui, quem aliquo tempore futurum præscire potuit, canticum accommodavit, ut haberet Ecclesia, quibus verbis, & quo modo, laudes Deo accineret. Sed tandem co delapsus sum, ut alterutrum censeam statuendum, vel canticum non esse Davidis, nomine ejus ex superiore cxxij. male repetito, & codici Masorethico inserto, ad quem Chald. versio, ut in alijs casibus, est conformata; utique Gr. & Syr. nomen Davidis ignorant, argumento, in ipsorum codicibus non adfuisse: vel, canticum ad normam alicujus cantici Davidis esse ab aliquo autore, tempore Hiskia, concinnatum, & præsentì tempori adcommodatum; sicut Hiskias Deum *verbis Davidis* laudasse legitur, 2 Chron. xxix. Nec desunt similia exempla in libro Psalmorum: uti ad Ps. xiv. observavi.

EXPLICATIO.

habet, ut existimo, vox אדם *homo*, in phrasi, cum insurgeret in nos *homo*, h. e. gens a civitate Israelis aliena quæque non æqui & iusti legibus, sed sola *libidine* agitur ac agit. Vox *Adam* hanc emphasin præfert, cum opponitur *Israeli*, uti hoc in loco Israel signat populum Dei, iustis legibus adstrictum; sed *Adam* gentes, quæ nihil habent, nisi quod corrupta natura præbet, eique mancipatæ sunt, gentes pessimæ, quæ humani generis corruptionem summa emphasi demonstrant. Sic Adam & filii Adam pro corruptissimis & carnalibus sumuntur oppositæ ad *filios Dei*, Gen. vi: 2, 3, 5. 1 Sam. xxiv: 10. xxv: 29. & *Adam* ac *Israel* opponuntur eo sensu Jer. xxxii: 20. 1 Chron. vi: 29. nec non vulgatissimo forte in loco Hof. vi. *Et illi sicut Adam sc. sunt.* h. e. haud secus ac *gentes* se habent ac gerunt *a*.

§. XI. *b*. *Secundus* gentium harum character est, eas fuisse *superbas* & *truculentas*, & prospera fortuna elatas ac tumidas, quæ nullum ferre poterant populum, qui iis non erat subjectus, aut maiestatem earum adorabat; & sævitia ac crudelitate insignes, quæ in quosvis populos sine discrimine sævire, eosque multis modis vexare, ac trucidare solebant. Quem characterem tum *ferarum* emblemata, tum aquarum *ferocientium* & *superbientium*, clare signat. Prius occurrit, vers. 3 & 6. *tunc vivos nos deglutissent*, quod *ferarum* & *belluarum* est, & benedictus Jehova, qui nos non dedit *praedam* *dentibus ipsorum*. *Posterior* phrasi *superbientium aquarum* involutum est, vers. 5. Vox Hebr. אֲמַיִם vel אֵי, proprie Arabibus teritur in *aquis fervescentibus cum tumore*, vel *tumescantibus cum fervore* *b*: denotat itaque aquas, interno aestu furentes, sesequæ supra ripas effruentes, & quaquaversum magno cum impetu sese diffundentes. Sed emphasin forte habet singularis vocis forma, quæ pro אֵימִים habet, addita terminat קֵימִים, sive a voce

a Vid. comment. noster ad Mal. iiii. 8. Jer. xxxii: & Ps. lxxxviii: 60. *b* Vid. Rev. Hackman ad Gen. xxv.

ce *effervescencia*, superbia, ut sint aquæ effervescencia effervescentes, seu summopere & vehementissime, vel intendendæ significationis ergo: quam potestatem habet terminatio ꝑ apud Hebr. a. Cæterum versus ita vertendus est, *tunc transisset super animam nostram* sc. fluvijs ille ex vers. 4. emphasios enim causa verba repetuntur, ex vers. 3. additur, *aquæ effervescantibus*, h. e. fluvijs aquis æstuantibus tumidus, in nos irruit.

§. XII. c. *Tertius* character est, gentes eas fuisse Israeli valde iratas, ut vers. 3. dicunt: *cum exarsit ira eorum in nos*, proprie *nasus* illorum, h. e. Cum internus æstus in nares prorupit, & fumum flammæque spiravit. Quæ ingentis belluæ vehementiore ira commotæ viva est pictura. Ita de Dracone, Job. xli: 10, 11. *Ex ore ejus facies procedunt, scintillationes ignis profiliunt, e naribus ejus exit fumus, tanquam ollæ sufflatæ &c.* Unde hæc ira gentium in Israellem nata sit, etli non addatur, ex superiore tamen superbiam & ferociam caractere facile elucet. Rex Assyrius, ex. gr. cum præ superbia ferre non posset, ut aliquis se ei opponeret, in Hizkiam vehemente ira concitatus est, quod ejus jugum excutere, & imperio ejus resistere fuerit ausus; maxime quo tempore reliquus Israel jam succubisset, & victricia arma omnes vererentur: quæ ex verbis Rabfaces in historia obsidionis Hiskiam facile colliguntur. Conf. Jes. x: 11.

§. XIII. d. *Quartus* character est incredibilis gentium *aviditas* Israellem destruendi, quam vers. 3. hæc verba exprimunt, *tunc vivos devorassent nos*. h. e. summa cum aviditate & flagrantissimo desiderio; quod nullam patitur moram, nec tempus concedit animal occidendi & ad cibum præparandi, sed quo vivum & crudum, ac totum, deglutitur, ut faciunt feræ famelicæ & rapaces. *Vivos* itaque absorbere nihil aliud hic notare videtur, ac subito, sine mora, & avidissime devorare. Quod quam egregie in

T t 2

Assy.

Assyrium conveniat, nemini non notum est. *e.* Denique quintus est, has gentes fuisset *potentissimas*, tum viribus, quibus resisti non poterat, tum *copia & multitudine*, quacum impetum fecerunt in Israellem. Quam cogitationem suggerunt emblemata *ferarum*, & *aquarum intumescantium fluvii* majoris & capacioris, qualis hic per vocem *fluvii*, quæ habet π emphaticum in fin., intelligitur: quæ fusiore explicatione non indigent.

§. XIV. *f.* Postremo de his gentibus dicitur, eas in Israellem irruisse, terram ejus inundasse, & parum afuisse, quin universum populum penitus delevisent. Huc verba & figuræ tendunt omnes. 1. Phrasis, *cum insurgeret super nos homo*, non simpliciter impetum in populum Dei ob oculos ponit, sed eousque jam proVectum, ut tantum quod eum superasset. *Stare super aliquo* est capiti ejus imminere, & viribus superiorem eum mox subjecturum videri. 2. Cum fluvius pervasurus dicitur *animam*, indicatur, aquas eo jam pervenisse, ut nil nisi *caput*, ubi vita & *respiratio*, quæ proprie est $\psi\alpha\iota$, restaret superandum: quod Jes. viii. 8. ubi de eadem Assyrii expeditione agitur, exprimit per *ad collum jam pervenisse*. 3. Denique emblemata fluvii intumescantis & ripas transeuntis, frequentissime teritur in expeditionibus hostilibus, ingente hominum copia, ac impetu, cui resisti nequit, terras pervadentibus, ac quævis obvia destruentibus, aut secum rapientibus. Quod tralatitium est. Vid. Jes. viii. & sæpe alibi.

§. XV. 2. Hoc in statu cum positus fuisset Israel, sese omnino destruendos fuisse, nisi Deus potente suo auxilio præsto fuisset, adeoque illi soli se acceptam ferre debere suam liberationem, porro significant, cum fatentur, aquas jam ad animam usque intumuisse, idque repetunt, denique cum dicunt, *nisi Jehova*. &c. 1. Repetitio verborum, *tunc fluvius transisset super animam nostram*, indicat, id certo certius fuisse futurum, nisi Deus succurrisset. Sed phrasis, *nisi Jehova* &c. est selecta & emphatica. Sensus est,

est, nisi Jehova fuisset, qui nostrum patrocinium in se suscepit, actum fuisset de nobis. Phrasis, *qui noster fuit*, proprie *nobis fuit*, significat, Jehovam populi a partibus stetit in hac oppugnatione; seque populo praestitisse patronum & defensorem. Deus *alicui* esse dicitur, cum ejus est, ipsi adest, & ei auxilium praebet. Cæterum cum dicunt, *nisi Jehova, qui fuit nobis*, abrupte loquuntur, & præ adfectus commoti vehementia quid reticent; quo ipso magis emphatice loquuntur: nam suppleri potest oratio vario modo, ut *a. nisi Jehova fuisset*, scilicet defensor noster fuisset Deus verus & omnipotens, qui *fecit coelum & terram*, vers. 8: quo declaratur, eos non nisi divina potentia servari potuisse. *b. Nisi Jehova, qui nobis adfuit*, divi: nam suam manum exseruisset, & *immediate* nos eripuisset ac *miraculose*.

§. XVI. Declarat itaque populus hac sua confessione, 1. causam suam fuisse desperatam, 2. non nisi divina potentia se potuisse ab hostibus vindicari, 3. per eam autem potuisse facile: quod indicat oppositio *Jehova & Adami*, seu *hominis*. Erat quidem *homo* nobis superior, attamen *homo*, imbecillis, & nihili faciendus respectu Dei. 4. Denique, se hac potentia esse liberatos & faucibus harum beluarum, & ex mediis aquis, ereptum.

§. XVII. 3. Ad hanc confessionem cum poeta sacer populum adhortatur, *dicat nunc Israel*, indicat, populum ad id esse obligatum; &, si unquam, nunc tempus esse in publicas Dei laudes erumpendi; imo populum ad id esse paratum, & communem hanc esse vocem, qua circumsonat populus, *nisi Jehova* &c: Illud populum omni modo testari, & debere confiteri, & verbis & factis; nomen Dei celebrando, laudes ipsi accinendo, & *oblationes* in ejus gloriam & grati animi signum offerendo; &c.

§. XVIII. II. Nec contentus hac adhortatione psalter, populo formulam praebet, secundum quam gratum animum explicaret, vers. 6, 7. *Benedictus Jehova, qui nos non tra-*

didit prædam dentibus ipsarum. Anima nostra sicut avis evasit e laqueo venatorum: laqueus fractus est, & nos erepti sumus. h. e. Dicat nunc Israel, & nomen Dei in hanc formam celebret: laudes sint Jehovæ, quod nos a truculentis hisce & potentibus hostibus, tanquam prædam a feris; devorari passus non sit, sed, cum nullæ nobis essent vires, quibus nos manibus hostium extricare poteramus, ipse potentiam & consilia eorum disturbaverit, & fregerit, nobisque elabendi dederit occasionem & facultatem; haud secus, ac inbellis avicula, quæ, laqueo constricta, eo fracto, evadit.


§. XIX. Nihil hic occurrit, quod explicatione indiget, nisi *a.* laquei emblemata. *b.* ejus fractio: de quibus verbo absolvam. *a.* *Laquei* emblemata, quo avicula constricta tenetur, hic nihil aliud designat, ac populum ab exercitu hostili undiquaque adeo fuisse obsessum, & in eas redactum angustias, ut propria potentia & viribus eripi non potuerit, sed certo certius in manus hostium venire debuerit, idque mox & e vestigio. Etsi in *laquei* similitudine nonnunquam ad insidias & illecebras respiciatur, earum hic nullam haberi rationem, ex superioribus figuris & Ps. argumento facile elucet. Hic non attenditur, quo modo in eas angustias venerit avicula; sed quantæ illæ sint, & quam ineluctabiles, in quibus versetur populus, similes scilicet illis, in quibus avicula est laqueo constricta. *Venatores* itaque hic sint Assyriorum rex & principes; *avicula* Israel, viribus destitutus, ut fuit tempore Hiskiae; *laqueus* sit exercitus hostilis, tanquam populo capiendi destinatus & aptus, potentia & artes bellicæ, vel quicquid hostes habent & valent, ad alios in potestatem suam redigendos. Hoc *laqueo* irretitus est populus, instar aviculæ, quando ab hostilibus copiis & potentia ita est obsessus, ut nulla super sit elabendi via; & mox in manus eorum sit venturus, ut occidatur & devoretur, aut alio transferatur. Quæ ipsissima fuit conditio Hierosolymitanorum, tempore Senacheribi, & Assyrio-

Affyriorum, qui, ut verbis Chrysoſtomi *a*, quibus hunc caſum deſcribit, utar, *civitatem totam velut ſagena quadam ac rite concluſam tenuerunt.*

§. XX. *b.* Diſtis lucem inſpergit, & inde viciffim mutatur, *fractio laquei*, quæ viam elabendi præbuit populo: qua mirabilis exercitus hoſtilis deſtructio, a Jehova facta, ob oculos ponitur. Cum enim exercitus & potentia Affyriorum, Judæos obſidentium & conſtrictos tenentium, cum *laqueo*, avicula retinente, comparetur, ejus *fractio* nihil aliud ac illam cladem, quæ hoſilem exercitum & vim penitus fregit, expingere poteſt. Sed cum populus *avicula* hic gerat imaginem; *laquei fractio non poteſt non divinitus facta* intelligi. Accedit, verba, *laqueus fractus eſt*, ita hic eſſe poſita, ut mirabilem & ſubitaneam fractionem deſignent: acſi lægeretur: ecce *fractus eſt*, ſine noſtra aut aliorum hominum ope; *fractus eſt*, omnibus ſtupentibus, *fractus eſt* nēſcio a quo. Quo emblemate mirabilis illa Affyriorum clades, quæ eos ad internecionem delevit, viſus coloribus depicſta eſt.

§. XXI. III. Concluſio cantici, *auxilium noſtrum in nomine Jehovæ, creatoris coeli & terræ*, prout ſuppletur per *fuit, eſt*, aut *erit*, agnitionem liberationis, divinitus ab omnipotente & verq̃ Deo conceſſæ, nec non ſpei ac fiduciæ in ipſo poſitæ in poſterum, teſtificationem comprehendit. In quo nihil eſt obſcuri.

a Orat. v contra Judæos oper. t. I. p. 654. ed. nov.



PSALM.



P S A L M. CXXV.

1. *Canticum adscensionum. Qui confidunt Jehovae, sunt sicut mons Tſion, qui non movebitur, sed aeternum manebit.*
2. *Circa Hierosolymam sunt montes; sed Jehova est circa populum suum ab hoc tempore & in perpetuum.*
3. *Quia non recubabit sceptrum impietatis super sorte justorum, propterea quod iusti non sint manus suas admoturi perversitati.*
4. *Benefacit Jehova bonis, & qui recti animis suis sunt.*
5. *Sed eos, qui ad contortas suas vias declinant, perire facit Jehova, operadores scilicet vanitatis. Pax sit super Israele.*

P R O L E G O M E N A.

§. I.

Quemadmodum Jef. xxxiii: 6., cum ad populum, ex afflictione Epiphanica modo liberatum, dicit, & erit stabilitas temporis tui, possessio salutum, sapientia & cognitio, reverentia Jehovae est thesaurus ejus, ei ob oculos ponit, unicam viam conservandi status prosperitatem & felicitatem esse sapientiam, scientiam & reverentiam Jehovae, pietatis & virtutis studium: ita Divinus poeta eundem forte populum hac in ode docet, Reip. fulcimen & robur ac pro-

prosperitatem non esse in montis Tſionis firmitate, ac Hierosolymæ inexpugnabili situ, sed in *Jehova*, ejusque auxilio & benedictione, positam, nec ab eo expectandam esse hanc conservationem & benedictionem, nisi, regno impietatis everſo, justitiæ & virtuti totæ eordē operam dent cives; quia Deus bonis & integris unice favet, impios & hypocritas e medio tollit.

§. II. Argumentum enim cantici est totum διδασκαλικόν *doctrinale*; quo docetur, fidentes *Jehovæ* firmo stare talo, eosque esse Tſionem immobilem, & Hierosolymam inexpugnabilem; præterea eos, qui sub tutela *Jehovæ* sunt, esse *virtutis & pietatis* studiosos; quos *Jehova* suo amore solos complectitur, & favore prosequitur, impiis & hypocritis ab ipso exitio tradendis. Poeta, I. eos immobiles stare declarat, non qui Tſionem inhabitant, & montibus Hierosolymæ cinguntur, sed qui in *Jehova* fiduciam collocant, adeoque non in Tſione & Hierosolyma, sed in *Jehova* esse firmitatem populi sitam, vers. 1, 2. II. Rationem stabilis eorum status repetit a virtutis & justitiæ studio, & odio ac averſatione impietatis, ut evincat, eos tantum rationem habere fidendi *Jehovæ*, & ab eo auxilium & favorem sibi promittendi, qui *ſceptrum impietatis* inter se dominari non patiuntur, vers. 3. III. Denique hujus *rationis* veritatem ex eo demonstrat, quod Deus *bonis* faveat, & *impios* perdat, vers. 4, 5. Quando iv. voto concludit *pactis super Israele*.

§. III. *Scopus* cantici, ut ex dictis sponte sua elucet, est 1. populo Dei veram monstrare viam, qua statum suum firmare & felicem reddere queat, seseque ab oppressi-
bus hostium, quas expertus erat, tutam & liberam præstare; 2. falsa ei eripere præjudicia, quibus a Tſione & Hierosol. eam firmitatem expectabant: quæ per omnia tempora inter Judæos locum tenuerunt. Opposite ad has præjudicatas opiniones, docetur, fiduciam in *Jehova* hanc arcem inexpugnabilem adferre, & eam fiduciam eorum

tantum esse, qui, ab impietate alieni, virtuti & pietati operam dant.

A N A C R I S I S.

§. IV. Investigatione *subjecti*, cui ode adplicanda est, supersedere possemus, cum sit *generalis* argumenti, quod in omnia tempora convenit, nisi aliqui essent ex Interpretibus, qui ad certum tempus illud restringunt, alii ad statum Davidis coram Absolomo fugientis, alii ad Ecclesiam Christi sub Antichristi tyrannide gementem. Qui utrique sese in vers. 3., fundant, illis *sceptrum impietatis* ad Absolomum, his ad Antichristi dominium referentibus: sed utrique & in versus intellectu errant, & a probabili recedunt. Vers. 3. non loquitur de *dominio* alicujus tyranni, Ecclesiam opprimentis, & pios persequentis, sed de ipsa *impietate* regnante; sensusque est; *impietati* locum non esse debere inter *justos*, qui Jehovah auxilium expectare possunt; ut mox videbimus. Deinde, textus discrete habet, *sceptrum* illud *non requieturum in sorte* justorum, cum tamen & Absolomus ad clavum regni federit, & Antichristus diutissime opprimeret Ecclesiam. Denique, cum de auctore Pl. non constet, nec probabile sit eum Davidem esse, & Hierosolyma nihil passa sit, per Absolomi *sceptrum*, ne nunc alia proferam, Absolomi imperium hic nullo modo intelligi potest. Opinio de Antichristo aliis adhuc premittitur difficultatibus. *a.* Nullum hic sese offert *criterium*, distinguens, Antichristo ita proprium, ut in neminem alium conveniat. Si *tyrannus*, qui populum injuste oppressit, intelligatur, Chaldaeus, utique Antiochus Epiphanes, aequae esset posset, ac Antichristus. *b.* Cum firmitas Ecclesiae cum monte Tisionis & Hierosolyma comparatur, rectius in eam Ecclesiam illud quadrat, quae ibi sedem habebat; maxime cum ad praejudicia de eorum locorum

corum firmitate digitus intendatur. c. Denique, ubi subiectum nominatur & in propinquo est, de quo Israelitæ, oden hanc canentes, cogitare non poterant non, nihilque hic occurrit, ab eo alienum: utique sine ratione & temere aliud fingitur.

§. V. Mihi itaque in generali argumento canticæ acquiescendum videtur, quod supra in medium adduxi; licet nullus intercedam, quominus, si quis ita velit, ad Israelem referatur, modo ab oppressione Antiochi, & impietatis dominio inter Israelitas, in libertatem vindicatum; scopusque statuatur, populum liberatum veræ viæ ad stabilem prosperitatem cognitione instruere; quemadmodum Jes. xxxiii. in oculis fuisse modo observavimus. Utique vers. 3. ad *impietatem*, quæ populum eo tempore inundaverat, & fere oppresserat, digitus censeri potest intendi, ut vers. 5. ad *impiorum* extirpationem, eo tempore factam. Confer. visum Zach. v. de *mulere in Ep̄a*, cui nomen erat *impietas*, ad idem illud tempus pertinens, uti ad eum locum demonstrabo. Quo admissio, statuendum erit, canticum eo ipso tempore esse compositum: in quo nihil est absurdi, cum tales plures Psalmi sint. Sed ego hic nihil definiiverim.

E X P L I C A T I O.

§. VI. Fundamentum firmitatis populi, in Jehovahæ protectione situm, & ad fidentes Jehovahæ pertinens, in hæc verba describit poeta, vers. 1, 2. *Qui confidunt Jehovahæ sunt sicut mons Tſion, qui non movebitur, sed æternum manebit. Circa Hierosolymam sunt montes, sed Jehova est circa populum suum, ab hoc tempore in perpetuum.* h. e. Prærogativa montis Tſionis, qua supra reliquos montes superbit, sibi que immobilem statum ac perpetuam inhabitationem promittit, in eo tantum fundata est, & ab eo unice depen-

det, quod incolæ Deo veraci & bono confidant, nec aliunde inexpugnabilitas Hierosolymæ, quam a Jehovæ protectione, est derivanda. Etsi enim Tſion firmo ſtet talo, & æternum cenſeatur inſidendus, Hierosolyma etiam altos ac inſuperabiles habeat in circuitu montes: attamen, niſi populus Jehovæ fidat, & Jehova locum illum ſua potentia & favore protegat ac muniat, vana erit & Tſionis immobilitas, & Hierosolymæ firmitas. Quare, ſi res vero ſuo nomine ſit exprimenda, nec Tſion mons dicendus erit immobilis, nec montibus erit Hierosolymæ ſtabilitas attribuenda, ſed *ſidentes* Jehovæ ille mons Tſion, æternum incolendus, ſunt, & Hierosolyma inexpugnabilis eſt, quia Divina tutela, tanquam montibus ac muris, cingitur.

§. VII. Reſpicit poeta ad præjudicatas Judæorum opiniones, quibus ſtatus ſui fulcimen in ipſo Tſione & Hierosolyma ponebat, acſi & ſitus eorum locorum eſſet immobilis ac inexpugnabilis, nec fieri poſſet, ut regnum Davidis, in eo monte fundatum, & Templum Domini ei alligatum, deſtruerentur. Agnoſcit auctor ſacer has Tſionis & Hierosolymæ prærogativas, & *illum* loco non eſſe movendum, ſed æternam populo præbiturum manſionem, & *hanc* montibus ſanctis ac firmis eſſe cinctam; ſed, hæc vera firmitatis ac perpetuitatis eorum eſſe fundamenta, negat, quippe quæ cum in *fiducia* Jehovæ, tum in ejus protectione, eſſe poſita declarat. Duo itaque agit poeta, *α.* agnoſcit Tſionis & Hierosolymæ munitiones, & firmum ſtatum. *β.* Veras ejus rei cauſas & rationes exponit.

§. VIII. *α.* Concedit, Tſionem non eſſe loco movendum, ſed æternum incolendum, ut & Hierosolymam per montes ſuos eſſe firmam. Ita enim poſterius verſ. 2. & prius verſ. 3. membrum eſt capiendum; quod ex verſ. 3. clarius elucet. *Hierosolyma*, dicit; *montes ipſi in circuitu*, h. e. ad Hierosolymam quod attinet, verum eſt, *montibus* eam eſſe undiquaque cinctam, montibus, & per *ſanctitatem*

tatem suam, a Dei inhabitatione repetendam, & per firmitatem instam, munitissimis. Eadem ratione vers. 2. est intelligendus, ut ex membro priore vers. 3. modo memorato colligitur; acsi legeretur, ad montem Tſionis quod attinet, *non movebitur, sed in perpetuum sedebit*, sedemque præbebit Israelitis, tum quod mons ipse munitissimus, tum regni Davidis sedes sit. Quæ cum quoad litteram facilia sint, nos non detinebunt.

§. IX. β. Atenim licet hæc admittat vir sanctus, a communi hominum ejus temporis opinione circa veram firmitatis *causam* & *fundamentum* longe alienus est. Cum enim illi munimentis illis fiderent, poeta docet, *Jehovam* ipsum esse status urbis & populi firmamentum, & se talem præstare iis, qui *ipsi fidunt*. Hoc scopo poeta, *a.* personas definit, ad quas illa firmitas pertinebat, *b. causam* ejus tradit, *Jehovæ protectionem*, & ita confirmat, quod dixerat, *identes Jehovæ* immobiliter stare: acsi diceret; qui *Jehovæ confidunt* loco non movebuntur, quia *Jehova* est *circa populum suum*. Versus itaque *primus* immobilem fidentium Jehovæ statum depingit, & vers. *secundus* ejus firmitatis *causam* pandit.

§. X. Immobilis reip. status *fidetibus Jehovæ* vindicatur, & non simpliciter Tſionis incolis: quod ut emphatice exprimeret, dixit, *fideles* illos esse *Tſionem illum immobilem & perennem*. Hanc enim emphasin habet particula *similitudinis*, *sicut mons Tſion*: quippe quæ non tantum in genere comparat *identes* illos cum *monte*, sed simul involvit, eorum proprie esse, quod monti solet attribui, eorumque causa *Tſioni* illud robur competere. Nisi hac ratione capias, comparatio erit nimis levis; cum *fidetium* illorum status sit longe firmitior *monte Tſionis*, ut alibi Jes. LIV. *montes recedent &c. sed non benignitas mea*. *Fidentes* itaque *sicut mons* idem est, ac fidelibus id vere ac proprie convenit, quod *monti Tſioni* attribui solet. Quod enim hic pro immobili habetur & perpetuum incolendo; id hi

vere sunt, & Tſioni non niſi eorum reſpectu & cauſa competit. De monte Tſionis promulgatur & creditur, eum nec loco ceſſurum, nec incolis eſſe privandum: ſed id & fidentibus Jehovæ proprium eſt, & eorum cauſa Tſioni conceditur. Particulam *ſimilitudinis*, ſicut, ipſam rei veritatem exprimere, notius eſt quam ut demonſtrari debeat. Sed rei veritatem hic non niſi *emblematicè* ſiſtit, quare *ſimilitudinis* vis proſus non perit. *Fidentes* vero *Jehovæ* ſunt non tantum, qui certo a *Jehovæ* expectant illud bonum, & in eo etiam ſecure acquieſcunt, ſed & qui ſolido fundamento nixi id ſibi promittunt, & ſe fiduciæ ſuæ convenienter gerunt, ut *fiducia* illa ex tota eorum vita & actionibus eluceat. Solido fundamento id faciunt, qui animo pio, & virtutis ac legis divinæ ſtudioſo, id agunt, quorum adfectus cum Deo ſunt uniti, & qui animo toto ipſi adhærent. Fiduciæ convenienter vivunt, qui ſeſe ut populum Dei decet gerunt, digne ſtatu communione Dei, in quo ſunt. Quare fidentes & populus Dei ac juſti & integri in hoc cantico alternantur, ut in ſeq. videbimus.

§. XI. Sed quæ *ratio firmitatis* eorum, nullo impetu frangendæ? illam poeta pandit, verſ. 2. cum dicit, *Jehovam eſſe circa populum ſuum*, quod munimentum longe firmitus eſt *montibus*, qui *Hierofolymam cingunt*. Montes quidem, tanquam *muri*, urbem ambiunt, & eam reddunt firmiſſimam; ſed absque Jehovæ protectione eſſet, nihili illud munimentum foret æſtimandum: longe firmiore gaudet populus Dei, ſine quo ipſa Hieroſolyma, montibus licet cincta, non foret *tuta*. Sensus ergo eſt, veros Hieroſol. montes, qui eam inexpugnabilem conſtituunt, eſſe *Jehovæ* tutelam. Ita Jeſ. xxvi: 1., de temporibus Maccab. primo ſenſu agens, Eccleſiam introducit loquentem, *urbs roboris nobis. Salutem poſuit muros & antemurale*. Affine eſt, quod Hieroſolymæ promittit Deus, Zach. 11. *Et ego ero ipſi, ait Jehovæ, in muram igneam circumquaque*, & Jeſ. xxvi: 4. *fiduciam ponite in Jehovæ, uſque & uſque, quia*
Jab

Joh Jehovah est rupes feculerum, Jer. III. 23. *Certe in Jehova Deo nostro consistit salus Israelis*. Vid etiam c. XVI. 12, 13 & ibi dicta.

§. XII. Ceterum ne cui aqua hæreat in eo, quod *Tsion* perpetuo dicatur *mansurus*, & Deus circa populum in *æternum*: not. 1. phrasin stylo V. T. se non ulterius, quam ad finem Oecon. V., extendere, adeoque indicare, usque ad eum terminum occultum, & decreto Dei definitum, statum Ecclesiæ Vet. *perpetuo* esse duraturum, nullo exilio aut calamitate, qualis fuerat Epiphan., intercipiendum. Quæ notissima est *æternitatis* significatio, ubi Vet. Ecclesiæ applicatur. 2. Phrasin ad *fidentes* Jehovah restrinigi, & ejus veritatem inde suspendi: a qua conditione si discesserit populus, divino patrocínio amplius non gaudeat, ut vers. 5. diserte declaratur.

§. XIII. Sed quid causæ est, quare *fidentes* Jehovah, sub ejus tutela, adeo tuti sint, sibi que stabilem sedem ac prosperam promittere soli queant? illud poeta a *pietatis* & *virtutis* studio, quo flagrant, repetit, vers. 3. *Quia non recubabit sceptrum impietatis super sorte justorum; propterea quod justi non sint manus suas admoturi perversitati*. h. e. Fidentes Jehovah hoc patrocínio divino fruuntur, quia, qui in Jehova vere fiduciam collocant, iidem *justitiae* sunt tenaces, qui *perversitati* non patrocinantur, adeoque fieri non potest, ut impietas inter eos stabuletur, eorumque terræ gravius incubet. Hypothesis poetæ est, quam præsupponit, eosdem esse *justos*, qui *Deo* *fidunt*, nec posse hæc duo separari. Quo posito, adserit, eos non posse patrocinari non tantum injustitiæ, sed obviam ei ituros: unde colligit, fieri non posse, ut *impietas* in terra ipsorum caput exerat, & stabilem sedem inter ipsos consequatur. Quamdiu enim justi maximam partem in civitate constituunt, & penes eos est summa imperii, metus non est, ut *impietatis* thronus ibi erigatur. Membra ita coherent, ut posterius sit causa prioris; quod versiq. nostra indicat.

Vox

Vox Hebr. *יָנֹחַ* propterea subinde est propterea quod, uti constat. Phrasis *mittere manus in perversitatem* dicit, eam apprehendere, sibi ut rem ad se pertinentem vindicare, ejus patrocinium fuscipere, quod non est difficile. Sed phrasis plus in recessu habet, & contrarium involvit, sc. justos, contra, omni ope eam esse oppugnatu- & destru- cturos: quo nihil est vulgatus. Ceterum cum poeta adferit, *justos* id non esse praestituros, sed contrarium, in *justorum* titulo & qualitate se fundat, &, tale quid a *justis* esse *sperandum* & *expectandum*, indicat: cum nihil sit a *justis* alienius, quam ut *perversitati* patrocinium praebere- nt. Simul eos admonet, ut statum & titulum *justorum*, quo gaudebant, probe tueantur, quippe sine quo nec *fidentes* *Jehovae* esse, appellarive, queant. Hoc est, quod poeta hic *fundamenti* loco sternit, licet non expresse dicat, ut ex nexu patet. *Justi* ergo & *fidentes* iidem sunt, illique intelliguntur, qui *pietati* student et virtuti; quales fuerunt Maccabæi, *Chasidaorum* titulo noti, quos hic primo loco in oculis forte habuit.

§. XIV. Hinc derivat poeta, *sceptrum impietatis* inter eos *dominari* non posse; h. e. impietatem non esse inun- daturam terram, nec thronum ibi habituram. *Sceptrum impietatis* alicubi *requiescit*, cum dominium exercet, & dominans impietas sedem tenet firmam. Novi, Interpre- tes *tyrannum* aliquem impium, in terra grassantem, passim intelligere: sed cum phrasi nostra interpretatio est con- junctior, & seq. membrum alteram opinionem omnino re- futat; cum sensum tolerabilem tum non admittat, de quo instituti ratio vetat plura addere. Nexus inter membra ex nostra opinione spon- te elucet; modo notetur, *sortem justorum* esse terram, quam tenent justis, in qua *primas* ob- tinent. Justis ergo omni ope nitentibus, ne *impietas* lo- cum inter se obtineat, fieri non potest, ut id efficiatur. In oculis fuit viro pio, id, quod de *Maccabæis* legitur, eos *impios* quaquaversum e terra eliminasse, ut libri Maccab- enar-

enarrant, & emblema visi Zach. v. prænunciat. Conf. PC. ci., & facile elucescet, qua ratione pii operam dare queant, ut impietati & impiis nullus in terra sua locus sit.

§. XV. Sed quis nexus inter protectionem Jehovæ, & pietatis studium? hunc enim nexum poetæ oratio pro hypothefi habet, cum dicit, *quia non requiescet*, &c. Ratio ea si sit solida, oportet, Deus non nisi iustis patrocinetur. Id quod vers. 4 & 5. exponunt in hæc verba. *Benefacit Jehova bonis, & rectis animo; sed eos, qui ad contortas suas vias declinant, perire faciet Jehova operarios iniquitatis.* h. e. Quod rationem, quare fidentes Jehovæ firmum in ipso habeant præsidium, a pietatis eorum studio petii, illud in rei & Dei natura est fundatum. Hæc enim constantissima est providentiæ ejus regula, cui non magis quam sibi renunciare potest, Deum bonis & rectis se benevolum & propitium præstare, perversos & contortos in viis suis male perdere, tanquam patratores iniquitatis; quare nemo nisi pius & iustus Dei patrociniū expectare, nemo consequi potest. Cum hoc sensu nihil sit simplicius, nihil facilius, uno alterove observato circa phrasēs defungar.

§. XVI. 1. *Boni*, vi vocis, sunt, qui in suo genere perfecti sunt, excellunt, humani generis itaque ornamenta, & præcipuum decus, in quibus humana natura se exferit, qualis vere est, qui per consequens sunt humani, honesti, hominum amantes, & justitiæ studiosi ac virtutis: præterea, qui ad principium creationis redierunt, quando omnia bona erant in oculis Dei. *Boni* ergo, qui scopo creationis & fini, cui destinati sunt in terra, respondent. Sed cum ad eum gradum homini nunc non detur ascendere; hinc addit, 2. *recti animis*, h. e. sinceri, qui toto animo eo tendunt, in id incumbunt, &, ut uno verbo dicam, pietatis, justitiæ, & veritatis cum maxime sunt studiosi: quod latius non licet deducere. 3. His opponuntur, qui *contortis viis insistant*, & *iniquitati dant operam*. Quæ duo epitheta superioribus respondent, ut

Xx

contra.

contraria: *contortarum* viarum sectatores *rectis*, & operatores iniquitatis *bonis* opponuntur. Ultima itaque verba; *operatores iniquitatis*, explicationis gratia adduntur, ut *contortorum* illorum lineæ fortius ducerentur: quare non verto, cum *operatoribus*, ut passim, sed *operatores illos*, sic *נֹר' יִזְכֹּר* dictos, quæ vis est particulæ *נֹר*, usum particulæ *זִכְרֹנִי* præferentis *a*. *Operatores nibili*. Sic enim vox Hebr. *נִבְלִי* proprie signat, in specie *nibili moralis*, sunt, qui ea agunt, in quibus nihil boni & solidi inest; inde iniquitatis & injustitiæ studiosi, homines pessimi, & humani generis pestes, proximi *osores*; qui tantum abest, ut *recti* essent *animis*, ut sint *contortissimi* & *perversissimi*, quod hic dicitur, *declinare perversitatibus suis, perversissimis*: quæ emphasis est in duplicatione ultimarum litterarum vocis Hebr., quæ de *viis curvis* & *ambagiosis* usurpatur, Jud. v. & *serpente sinuosa volumina versante* Jes. xxvii. Intelliguntur consilia & opera prava, perniciofa, veritati, justitiæ & rectitudini, e diametro contraria, eaque varia, prout libidine sua agitantur. Phrasis Hebr. videtur vertenda, qui *se inclinant*, vel *declinant* a via regia, multis *tortuositatibus*, varia via perversa incedentes. 4. Hos adfirmatur Deus *perditurus*, vel *ire* aut *abire* facere in perniciem: quam vim habet verbum *ire*, ut Lat. *perire*, *abire*, imo, etsi rarius, ipsum *ire*, vel verbum Hebr. sumitur Job. xxvii: 22. *tollet eum turbo; & ibit.* *b*

§. XVII. Votum, quo canticum concluditur, *pax super Israele*, eo tendit, ut, quod facile adparet, omnem prosperitatem, cum firma status perennitate, Israeli, sese talem, qualem descripserat, gerenti, a Deo esse concedendam, sese desiderare, petere, simul prædicere, significaret, præterea omnes, qui bene ipsi cupiunt, vovere debere, hac formula adhibita, inculcaret. Quæ nihil habent, quod nos moretur.

a Vid. Bangius coel. Orient. p. 143.
ad Pf. xxxix: 14.

b comm. noster



P S A L M. CXXVI.

1. *Canticum adscensionum. Quando restituit Jēbova captivitatem Tſionis, eramus instar somniantium.*
2. *Tunc, implebitur os nostrum risu, & lingua nostra jubilo: tunc, dicent inter gentes; magna ipsis præstitit Jēbova.*
3. *Præstitit utique Jēbova nobis magna, & hilares fuimus.*
4. *Reduc, Jēbova! captivitatem nostram, sicut torrentes in plaga australi.*
5. *Qui serunt lacrymantes, lætos inter clamores metent.*
6. *Qui itat cum fletu gerens tractum seminis, is veniet cum jubilo mergites suos gestans.*

P R O L E G O M E N A:

§. I.

ARgumentum Cantici est lætitiæ & spei, quam restitutio captivitatis Tſionis in integrum concitaverat reducibus, testificatio, & pro ea restitutione precatio. Posteaquam reduces explicuerant & summum suum gaudium, quo per Tſionis reductionem ex captivitate fuerant adfecti, & spem suam, quam conceperant de summa rerum suarum prosperitate, fore, ut gentes ipsæ confiteri deberent, Deum magna & præclara in populo instaurando patrasse facinora; mox ad preces pro captivitatis restitutione se-

convertunt, eamque propria & emblematica oratione implorant. Quæ duæ argumenti partes, cum altera alteram destruat, qua ratione in concordiam sint redigendæ, non una est Interpretum opinio. Alii *priorem* partem, tribus primis versibus comprehensam, pro vaticinio habent, & futuræ redemptionis annunciatione: sed præteritum tempus, quo poeta utitur vers. 1, 3. id non permittit; ne alia adferam. Alii itaque de *diversa*, & diversi temporis, restitutione censent poetam loqui, alia præterita, alia futura; alii de ejusdem restitutionis diversis periodis & gradibus: quod postremum mihi cum vero videtur conjunctius; quia nullum occurrit diversarum instaurationum criterium, nec sine urgente ratione eandem plane phrasin in eadem orationis textura de diversis licet interpretari rebus. Videri alicui posset, quod mihi in mentem venit, fateor, vers. 4to non occurrere *preces*, sed ejusdem rei continuatam narrationem, nec vertendum esse *reduc*, sed *reduxit*, quando omnis difficultas evanesceret. Sed, quamvis textus Hebr. id pati queat, obstat tamen tum particula *tunc* vers. 2. quæ indicat, eos, qui hic in scenam producuntur, de præterita sua lætitia & spe, non de præsentis statu, loqui, adeoque statum præsentem præterito non respondere; tum fut. tempus, quo poeta vers. 5 & 6. utitur, quod in *preces* rectius convenit.

§. II. Sint itaque duæ diversæ cantici partes, quarum alia de præterita, alia de futura restitutione agit, vel potius de ejusdem instaurationis diversis articulis & gradibus, alio præterito, alio futuro. Quæstio superest, quas captivitatis reductiones in oculis habuerit poeta. Interpretes hic in diversa rursus abeunt; alii de Aegyptiaca cogitant & Babylonica, alii de redemptione spiritali per Messiam in initiis & fine N. T., alii de *Babylonica* & futura reductione Israelis in terram suam, quam novissimo tempore futuram credunt. Sed nulla harum opinionum se tueri potest.

1. Aegyptiaca nusquam venit, nec venire potest, nomine
reductio-

reductionis captivitatis, cum populus e terra sua non fuerit violenter in Aegyptum translatus, multo minus *captivitatis Tſionis*, quæ tunc nulla erat. 2. *Spiritualis* per Christum *redemptio* hic sine ulla ratione obtruditur, & contra usitatissimum phrasios, *reducere captivitatem Tſionis*, significatum: ea enim phrasi, vel Babylonica, vel Epiphanica redemptio, sed illa passim, insigniri solet, ut nemini non notum est. 3. Ultima Judæorum translatio in terram Cananæam, de qua cogitat non nemo, sicut nullo nititur fundamento solido, ita nimis est remota, quam ut immani saltu a Babylonica ad eam proflire censeretur possit poeta; phrasibus, *reduc captivitatem nostram*, sine ulla ratione ad eam restringitur.

§. III. Nos itaque ad ejusdem reductionis diversas periodos hic oculos flectimus, & vers. 4. de continuatione ac consummatione ejusdem instaurationis interpretamur, sive illa sit *Babylonica*, sive *Epiphanica*: quod quodammodo dubium est. 1. In *hanc* rectius quadrare videtur tum *somniantium* emblemata, tum phrasis, *Deus magna præstitit. Somniantium* conditio, quam reduces sibi aptant, haud obscure innuit, liberationem illam sibi nec opinantibus accidisse, & fere incredibilem fuisse visam: quod a reducibus, qui certas de ea habebant prædictiones in manibus, videri posset paulo alienius: dein, cum Deus majora longe præstiterit Maccabæis, quam reducibus ex Babele, & phrasis, *Deus magna fecit*, sit valde emphatica, utique non sine ratione de *Maccabaica* quis cogitaverit liberatione. Sed de *Babylonica* longe usitatissima phrasis est, a qua discedere sine urgente necessitate non licet. Verum quidem est, & *somniantium* emblemata, & phrasin, *magna præstare*, in *Maccabaica* tempora quam aptissime convenire; sed a statu reducum ex Babele quoque non abhorret; ut mox videbimus: maxime si observavero, phrasin eam ex *spe* reducum magis fuisse ortam, quam ex præsentis exulatus statu, in initio reditus: de quo in explicatione dicemus.

§. IV. Nostræ itaque rationes habent, oden esse compositam a pio aliquo viro inter reduces, sive Ezras fuerit, sive alius aliquis propheta; quo tempore *spes* reducum, quas in principio conceperant summas, coeperunt concidere, vel labefactari, statu reip. & Ecclesiæ valde *tenui* & *dubio*, & populo in magnis angustiis ac discriminibus versante; uti ex Haggæo, & historia Ezræ ac Nehemiæ notissimum est. Hoc rerum statu divinus poeta oden composuit in usus piorum, ut & in spe confirmarentur, & formulam haberent precandi pro redemptionis ulteriore consummatione. Quo fini *κ.* lætitiâ populi enarrat, quam super ea reductione demonstraverat, & *spem* Ecclesiæ testificatur, quam de summa sua prosperitate conceperat, fore, ut Deus *magna* faceret, ut vere *facere* inceperat, vers. 1—3. 1. Hæ piorum spes cum frustra cadere nequeant, & tamen præsens populi conditio iis minime responderet, preces ad Deum fundit pro *reductione* uberiore; easque preces eam in formam redigit, ut simul certam earum exauditionem insinuet, & post *nubila phœbum* futurum indicet, vers. 4--6. Eo enim collineat fut. tempus, quod poeta adhibet, vers. 5, 6. vertendum, & *optative* & in fut., satores *metant* & *metent* &c. Cæterum, quod non erat negligendum, ipsa emblemata, quibus poeta utitur, *tenuem* & *dubium* populi statum, in quo eo tempore versabatur, haud obscure ob oculos ponunt: ut in seq. observabimus.

E X P L I C A T I O.

§. V. Prior pars, quæ adfectionem populi erga redemptionem ex captivitate Babylonica, quam in principio habuerat, comprehendit, ita sonat, vers. 1--3. *Quando restituit Jehovab. captivitatem Tſionis, eramus instar somniantium: tunc, implebitur os nostrum risu, & lingua nostra jubilo*

jubilo. Tunc, dicent inter gentes, magna ipsis præstitit Jehovah: præstitit utique Jehovah nobis magna, & hilares fuimus. h. e. Redemptio ex captivitate, & in terram nostram reductio, cum ea primum contigit, nobis visa est incredibilis, mox magnam lætitiā concitavit & ingentes spes; quod utrumque somniantibus proprium est: in principio credere vix potuimus, Deum nos patriis laribus redditurum, & in terra nostra pedes figere concessurum esse; dein, cum ab illa incredulitate, quam & rei difficultas, & nostrum desiderium, in nobis produxerat, ad nos rediissemus, mox in alium delapsi sumus adfectum, quo, extra nos quasi rapti, nobis omnia præclara & magnifica e vestigio promissimus: tunc enim communes mox erant voces; nil nisi lætitiā & gaudium nobis est decretum; risu & jubilo os & lingua replebuntur; imo tunc erat; quævis præclara & magnifica nobis a Jehova concessa prædicabunt de nobis gentes vicinæ, ad quarum notitiā res nostræ venerint. Nec sine omni ratione hæc & similia nobis promissimus: cum Deus vere magna nobis præstiterit, nos liberando, & in terram nostram reducendo, &c.

§. VI. Iota 1. adfectiones populi erga concessam redemptionem in genere depingit, vers. 1. dein 2. eas respectu spei, quam conceperat, latius deducit, vers. 2. Denique 3. spei fundamentum proponit, vers. 3. 1. Vers. 1. comprehendit & beneficium in populum collatum, & ejus adfectionem inde mox ortam. Beneficium est reductio captivitatis Tſionis, h. e. captivorum, ex manu hostili ereptorum, restitutio. Id enim phrasī Hebr. proprie & stricte dicit; ut innumera loca docent. Deut.-xxx: 3. Ps. xi: 4-7. Lxxxv: 2, 5. Jes. xxx: 18. & alibi sæpe. Continetur itaque hac phrasī, a. Tſionitas fuisse ab hostibus subjugatos, b. in alias terras transportatos, c. hostium manibus ereptos, & d. propriis laribus redditos. Quo beneficio gavisi sunt, cum, regno Babylonico per Cyrum destructo, & licentia in patriam revertendi a Cyro concessa; ipsi salvi

in

in Cananæam redierunt, & stabiles ibi fixerunt sedes, manusque rebus instaurandis admoveere coeperunt. Hoc ipso tempore quo fuerint animo, poeta per *somniantium* emblema depingit. *Fuimus*, inquit, instar *somniantium*. h. e. res nobis primo visa est *incredibilis*, dein mox quævis præclara nobis promissimus. *Somniantes* sunt & qui sibi videntur *videre* quæ non vident, vel non sunt, & qui sibi videntur *habere*, vel habituri, quæ non habent. Cæterum cum dicunt se fuisse *instar somniantium*, duo significant; *a.* se præsentem suum statum pro *somnio* habuisse, *b.* circa *futuram* conditionem vere quid de *somniantibus* habuisse. Prius signat *incredulitatem*, posterius *delusionem* aliquam. *Somniantes* enim sunt, vel qui se somniare putant, vel qui vere *somniant*; utrumque sibi adplicant. *Præsentis* liberationis respectu sibi somniare videbantur, quatenus vix oculis fidere audebant, tanta erat ipsorum admiratio, tanta lætitia. Et si prophetæ rem eam prædixerunt, pii etiam inter ipsos eam expectarunt, attamen vix præ rei difficultate eam certo sibi promittere, & in eo secure acquiescere audebant; &, cum res præstaretur, præ vehementer desiderio, vix credere potuerunt, rem sese ita habere: plane eodem modo; quo Apostoli erga *resurrectionem* Christi, licet a Domino sæpe prædictam, adfecti fuerunt. Sed, cum dicunt, se fuisse *instar somniantium*, simul indicant, se vere quid de *somniantibus* habuisse, sibi mox plura & majora pollicendo, & de statu suo cogitando, quam rei veritas patiebatur. Uti somniantes, imaginatione delusi, objecto cupito frui videntur, & eo delectari, licet ab eo longe absint; quod *evigilantes* cum dolore experiuntur: sic reduces lætabantur, ac si jam summam prosperitatem et stabilitatem rerum suarum essent consecuti, a qua adhuc longe erant remoti; quemadmodum progressu temporis per ipsam experientiam didicerunt, & hoc ipso tempore, quo ode composita est, experiebantur: quare comparatione inter præsentem suam conditionem tristem,

&

& expectationem, quam in initio reditus habuerant, instituta, diffiteri non poterant, se tunc a *somniantium* statu non longe abfuisse. Quæ latius non exsequor; verbo addidisse contentus, emblemata eodem fere sensu occurrere Jes. xxix: 8. ubi de hostibus, Hierosolymam obsidentibus; habetur, & *futurum est, ut quemadmodum somniat famelicus, & ecce edit, sed ubi expergiscitur, ecce vacua est anima ejus; &c. sic se habet multitudo militantium adversus montem Tisionis.*

§. VII. 2. Pergit poeta ad *somniantium* opiniones, & voces enarrandas, quid initio de felicitate & prosperitate sua senserint, & quam præclara sibi promiserint, vers. 2. in hæc verba, *Tunc &c.* Prius membrum declarat *lætitiā*, quam ex opinione de prospero suo statu conceperant, dein *expectationem* lætitiæ semper duraturæ: quam duplicem habet potestatem phrasis, *tunc implebatur*; & particula *tunc*, cum fut. constructa, præteritum involvit, & de fut. usurpatur; utrumque hic locum tenet: *tunc implebatur*, *tunc* erat, & communes omnium voces ferebant, *implebitur*; quem sensum omnino habet membrum *posterius*, *tunc, dicent inter gentes &c. tunc* in omnium nostrorum ore erat, profecto *inter gentes dicent*: quando omnia facilia sunt. Explicat poeta opinionem populi de summa prosperitate, qua mox mactarentur; cujus respectu gentibus in ore dat, magna Deus *præstitit huic populo*; restituit non tantum captivum, sed & in longe florentiore statu collocavit, ac antea habuerat. Hoc cum *inter gentes* esse dicendum adserit, eas intelligit *gentes*, ad quarum *notitiam* res Judæorum venirent, & simul innuit, illud ad quas-cunque gentes ex spe & opinione populi esse dimanaturum.

§. VIII. 3. Nec sine omni fundamento talia sibi pollicebantur reduces, cum Deus jam inceperat præclare cum populo agere, & populus *lætitiā* erat perfusus; unde mirum non est, eum tam præclara expectasse: quo tendit;

vers. 3. *magna nobis præstitit Jehova, & fuimus lætati*. h. e. nec sine ratione tam præclare de statu nostro sentire videbamus, tum quod Deus vere nobis magna præstitisset, seu præstare incepisset, unde *spem* conceperamus haud vanam, uti nobis videbatur, fore ut Deus mox talia præstare pergeret; tum quod *cor nostrum* præ *lætitiâ* exultaret, omnibus curis & anxietatibus enodatum; cujus effectus esse solet, sibi quævis bona *polliceri*. Nihil hic difficile.

§. IX. 1. Hac spe, quam instar somniantium conceperant, cum sese aliqua ratione excidisse evigilantes experirentur, propter tenuem suam & periculi plenam conditionem præsentem; sese ad preces conferunt, & ulteriorem rerum suarum instaurationem implorant, his verbis, vers. 4—6. *Reduc Jehovab captivitatem nostram; sicut torrentes in australi plaga: qui serunt lacrymantes, lætos inter clamores metant: qui itat cum fletu gerens tractum seminis; is veniat cum júbilo, mergites suos gestans*. h. e. Plenissimam nos adeptos esse rerum nostrarum instaurationem, falso opinati fuimus in initio: quantum enim ab ea adhuc sumus remoti, tristis nos edocet experientia, cum sumus instar plagæ australis aridi & sicci; & lacrymantes potius quam gaudentes rebus nostris instaurandis incumbamus; haud secus ac qui inter lacrymas semina sua projiciunt in terram, de futura messe incerti. Quo in statu ad Te, Jehova! vi nominis tui Deus *verax*, qui fidem dictis præstas, nos vertimus, teque supplices precamur, ut captivitatem nostram altera vice reducas; sumus enim manemusque *servi*, & captivi, licet in terras nostras reducti, nostraque conditio perseverat esse misera & deploranda; fac, ut nobis in hac siticulosa terra oriantur *torrentes*; nosque *bonis* abundemus, & consolatione fruamur: eveniat quæso nobis, quod agricolis & satoribus accidere solet: qui, etsi lacrymantes ferant, tamen jubilantes *metunt*, manipulosque in horrea deferunt læti; ita & nos, qui inter *lamenta* & *metus* manus admoveamus rebus instaurandis, fructum laborum

rum nostrorum carpiamus uberrimum, & læti eo fruamur: imò spes est, ut illud nobis æque ac agricolis contingat; cum hæc tua sit mundum gubernandi ratio, ut post lacrymas veniat gaudium, labores præmio & mercede compensentur: quare & nos tanquam tristes satores metamus, imò *metamur* læti. Quæ emphasis est fut. temp. in verbis *metere*, & *centro* cum júbilo, uti enim in precibus *optative* sumitur, sic tacitam boni eventus *spem* comprehendit: quod verbo notasse suffecerit.

§. X. Paraphrasis, quam paulo prolixiorem dedi, nesciunt, scopum, ac sensum hujus pericope in tam clara luce collocavit, ut pævis desungi queam. Poeta, posteaquam lætitiæ & spem populi in initio reditus explicuisset, censori posset nimis abrupte ad *preces* se convertisse, cum de *presente* statu luctuose sileat. Sed de eo, utpote quem omnes experiebantur, necesse non erat loqui; & abruptus ille transitus majorem habet emphasis, nobisque animam exhibet luctu oppressum quasi: præterea emblemata *serentium* illud jam innuerat, & seq. emblemata clarius adhuc indicant: eo enim manifeste collineant exempla *torrentium in austro*, & *serentium* inter lacrymas. Australis plaga, cum sit arida & seca pot. nullo calore & æstu, sic sit *torrens* destituta, *miserentium* præbet conspectum nec nisi in spe bonæ æolis solacium habent *sates*, qui omnia sua bona proficiunt, nec de *fructu* certi sunt. Haud absimilis erat Judæorum conditio sub dominio Persarum in initio: unde etiam *aridi* & *languinos* appellantur, nec non *servi*, & *inopes*; qui felicitatem, haud secus ac *viatores* in austro *torrentes*, desiderabant & expectabant; nec aliter laborabant quam *serentes* inter lacrymas, sola spe futura prosperitatis, tanquam messis, se *lactantes*.

§. XI. Emblemata, a rebus notissimis desumpta, & stylo plano ac simplici proposita, nostram operam non requirunt. De *torrentibus in austro* vid. Job. vi: 15. nec res est ignota. In *serentium* & *metentium* emblemate nihil non

planum; nisi quod phrasis *ferre tractum seminis* videri possit insolentior. Respicitur quidem in *tractu seminis* tum ad *julcos* protractos & longos, tum ad sparsionem seminis, quæ *tractim* fit: sed *ferre tractum seminis* vix ferri potest: rectius legeretur *trahens* & spargens *semen*, uti Am. ix: 13. & verbum *ferens* ex seq. huc a librario translatum statueretur; quo LXX & Lat. confirmant. De *scopo* emblematum ex dictis facile constat. Tantum itaque de phrasi, *redus captivitatem nostram*, uno verbo. Supra dixerant, *Deum reduxisse* captivitatem, hic denuo id precantur: unde manifestum est, phrasin nostro versu quidem ad eandem pertinere *reductionem*, sed ejus ulteriorem *perfectionem* comprehendere, non tantum respectu eorum, qui in exteris adhuc oris degebant, licet sua culpa ibi manerent, exilium patriis laribus præferentes, sed inprimis status adflati, inopis & servilis, respectu, qui faciebat, ut vix *pro reductione* in patriam haberi posset: ea enim *reductio* ambitu suo complectebatur *libertatis* & pristinae felicitatis restitutionem: quare rerum collapsarum instauratio hac eadem phrasi venire solet in Script. S. uti Job. XLII: 10. ubi Jehovah dicitur *reduxisse captivitatem Jobi*. h. e. infortunium ejus cum pristina prosperitate commutasse. Eodem sensu sumitur Ps. LXXXVI: 8, coll. vers. 1. qui Ps. nostro cantico respondet. Ceterum de precum exauditione & implemento non opus est dicam, cum nemini non ex historia notum sit, plenos *torrentes* Judæis esse concessos, & uberriam *messem*, temporibus Maccab. quo etiam Ps. LXXXV. respicit.



PSALM. CXXVII.

1. *Canticum adscensionum, Salomonis. Nisi Jehova edificaverit domum, frustra laboraverint edificantes: nisi Jehova custodiat urbem, in vanum vigilaverit custos.*
2. *Vanitas vobis, qui mane surgitis, sero quiescitis, & cibum dolorum sumitis! solidum dat dilecto suo in somno.*
3. *Ecce hereditas Jehovæ sunt filii, merces fructus ventris.*
4. *Quales sagittæ in manu herois sunt, tales filii juventutis.*
5. *Felicem virum! qui pharetram suam iis impleverit, neque pudefient, quando cum inimicis in porta disceptabunt.*

PROLEGOMENA.

§. I.

Sapientissimus & ditissimus regum Salomo, posteaquam & experientia & attenta consideratione perspexisset, nihil nisi vanum in vita & laboribus hominum residere: in hanc sententiam tandem concludit, nihil melius esse homini in hac vita, quam curas & labores moderari, partem cum lætitia frui, & Deum timere, ejusque præcepta observare: quo, quicquid in libro Ecclesiastis disceptatur, collineat. Similis fere argumenti & scopi cum hoc sit

canticum; nulla ratio est a Salomone, cui ejus compositionem attribuit inscriptio, discedendi: nec tutum fuerit, aut inscriptionem aliquam sine urgente ratione in dubium vocare, aut alium litteræ 7 adfingere sensum, ac quæ *auctorem* denotat; nisi omnes inscriptiones velis esse incertas. Deinde, si Psalmorum collectores ex ingenio & judicio suo *titulos* produxissent, nulla foret ratio, quare tot Psalmos sine titulo reliquissent. Sit itaque hoc canticum *Salomonis*, cujus genio & statui recte convenit; uti ex *Ecclesiaste*, quocum conferri potest, multisque similis argumenti *proverbiis*, patet.

§. II. Explicat itaque Salomo, ut argumentum cantici enarrem, falsam veramque viam domus & civitatis firmandæ & beandæ. Falsam docet esse eam, quæ in solis hominum laboribus & curis est sita, cum molimina hominum, nisi Deus faveat, vana sint, & homini inutilem adferant defatigationem. Huic opponit veram viam, & rationem, quæ minus habet curarum & laborum, & certiorum successum; *favorem* sc. & benedictionem Divinam; quæ dilectis Dei & bona suppeditat, & latum eorum concedit usum, filios quoque familiarum præsidia & fulcra dat, tanquam pietatis præmium, secundum promissa Veteris Fœderis; sub quo Salomō vixit, & cui hoc canticum in specie est accommodandum.

§. III. Scopus est, homines a nimis laboribus & anxiiis curis abstrahere, pietatem vero & fiduciam in Jehova inspirare. Quo canticum manifeste tendit. Cum enim homines, felicitatis & stabilitatis domus suæ cupidi, per propria molimina id adsequi non valeant, sed Divino indigeant favore, qui ad minores etiam labores bonæ fortunamentibus distribuit; officium ipsorum erat, modum ponere laboribus & curis, Dei vero favorem querere, vitam moresque ad ejus voluntatem componendo, & ei fido. De quo Ps. cxviii. ex professo agit, huc propterea aptissime subjunctus.

§. IV. Duæ

§. IV. Duæ sunt cantici partes, quarum *altera* falsum medium status firmandi, *altera* verum continet. Prior, vers. 1, 2. usque ad ultimum membrum, *posterior* inde usque ad finem: quæ facillima est analysi; cujus ratio sponte sua ex ipsa pertractatione elucescit.

A N A C R I S I S.

§. V. Ad quam antequam pergam; verbum de hypothesi Cantici exponendi est monendum. Interpretes in generale ejus argumentum, modo propositum, fere consentiunt, nisi quod aliqui hic de *Templo*, a Salomone condito, in specie cogitent, & de Hierosolyma; sed sine ratione; cum in genere de hominibus domum suam stabilire conantibus loquatur; nec vox *domus*, sine emphasi, aut epitheto, occurrens, ad Templum referri aut restringi potest. Sed hoc leve est. Longius abeunt ex Recentioribus illi, qui Psalmos passim cum Prophetiis confundunt, & ad Ecclesiam N. T. referunt. Illi opinantur, hic *edificationem & propagationem Ecclesiæ* adscribi soli Deo, & *vanos labores hominum* irrideri, *sibi adsumendum gloriam Ecclesiæ edificandæ*. Illis itaque *dilectus Dei* est Christus, *somnus*, ipsi datus, est *mors*, filii denique *juventutis* sunt *fideles*, quos Pater filio dat, qui illis tanquam sagittis utitur ad hostes Ecclesiæ debellandos. Somnia dicerem, nisi Interpretum auctoritas impediret; nunc hypothesin dicam nullo fundamento innixam; & a Cantico alienam. Domus in genere posita quomodo Ecclesia esse potest? Filii hic quales occurrunt, cum *fructus ventris* appellentur, vir, cujus illi sunt, *prædicatur beatus*, quia sine illis statum contra hostes tueri non posset: quod qua ratione in Christum quadret, non video. Denique cum *Deus dilecto suo somnium* dare, vel potius in *somno*, dicatur, quis hic de morte Christi

Christi cogitaret? Sed mittamus hæc, & in generali argumento, supra prolato, acquiescamus.

E X P L I C A T I O.

§. VI. *Prior pars, quæ vanitatem laborum, qui sine auspiciis Dei suscipiuntur, demonstrat, ita sonat, vers. 1. 2. Nisi Jehovah ædificaverit domum, frustra laborarint ædificantes: nisi Jehovah custodiat urbem, in vanum vigilarit custos. Vanitas vobis, qui mane surgitis, sero quiescitis, & cibum dolorum sumitis. h. e. Frustraneus est, & optato successu carebit, omnis labor, quanta etiam cum sapientia, quantisque viribus, susceptus, quem homines familiaræ aut civitati condendæ & firmandæ impendunt, ita ut in longum ævum prospere sese habeat: nisi Jehovah, Deus summus & bonus, velit, curet, & faveat. Quæ si vera sint, ut sunt verissima, puræ vanitati vos inservire necesse est, qui a primo mane usque ad longam vesperam vos defatigatis, vosque omni quiete & recreatione fraudatis, ut familiam, vel civitatem, quam prosperrimam & diuturnam reddatis, favore Dei neglecto, & legis ejus nulla habitatione. Poeta, α. generalem thesin proponit, vers. 1. β. eam mox ad operatores illos, qui sibi & laboribus suis fidunt, applicat, vers. 2.*

§. VII. α. Thesis habet, irritum esse laborem, qui Deo nolente, vel non favente, suscipitur ab hominibus ad familiam, vel civitatem, condendam aut conservandam. Membra vers. 1. elegantiae causa divisa ita coherent, ut *condere & vigilare ad domum* æque ac civitatem pertinent: quo nihil in stylo poetico & prophetico est usitatus. Apte conjunguntur *domus & urbs*, quia hæc ex domibus constat; nec altera sine altera esse, aut florere, queat, ubi homines in societates coiverunt. Quod clarius evadet, cum observavero, hic non tam de *domibus & urbibus*, quam

quam de *familiis & civitatibus* agi, tum quod hominum cura & labor circa has imprimis versetur, tum quod in seq., ubi de *pluribus*, tanquam fulcris domus, loquitur poeta, hoc clare indicetur. Robur addit usitatus loquendi modus in Script. S., quo *domus* non tantum pro *familia* frequentissime sumitur, sed *ædificare domum*, ubi de Deo usurpatur, numerosam & in longam ætatem durantem familiam concedere denotat: uti Exod. 1: 21. ubi Deus Israelitis fecisse dicitur *domos*, seu numerosam sobolem. 2 Sam. vii: 11. Deus Davidi promittit, se ei *domum facturum*, seu semen in longam posteritatem, quod mox vers. 27. *ædificare domum* appellatur. Ita Ruth. iv: 11. Lea & Rachel dicuntur ædificasse *domum Israelis*, seu peperisse liberos, per quos familia ejus est constituta & propagata. Deut. xxv: 9. sic fiat viro, qui non ædificaverit domum fratris ejus, 1 Sam. ii: 35. Suscitabo tibi sacerdotem fidelem, & ædificabo ei domum stabilem, Prov. xiv: 1. Sapiens mulier ædificat domum suam. h. e. familiæ prospiciet, et educandis liberis in spem familiæ operam dabit.

§. VIII. Loquitur nunc de *domo condenda et civitate conservanda*; et affirmat, ei operi frustra insudare homines, si Deus non faverit. *Domus* ædificatur, *a.* per *liberos*, qui familiam constituunt, *b.* per *opes*, quibus sustentatur, *c.* per *dignitates*, quibus illustris evadit. Quæ si sint copiosa et stabilia, diu duratura, domus *firmiter* ædificatur et *conservatur*: quæ faciles habent explicatus. Quæ si ad *civitatem* transferantur, comprehendunt, *a.* plures familias in unum corpus redactas, *b.* certis legibus devinctas, *c.* potentia et opibus munitas, et prosperas: quæ quoque non sunt difficilia. Quare ad *propositionem* poetæ pergamus, quæ habet, *ædificatores domus & custodes urbis* operam ludere, nisi Divinus favor succurrat. *Ædificatores* sunt *parentes* familiarum respectu, sed *civitas*, *conditores urbi*, qui *societates* fundant, & in certas leges coire faciunt. *Custodes* in familiis sunt omnes, qui ei prospiciendæ & sustentandæ

operam dant, in civitatibus quotquot rei publicæ præ sunt, & bono civitatis invigilant; cum allusione ad *vigiles*, qui in custodia positi ad *mala* avertenda, & urbem conservandam intenti sunt. *Custos*, sive exempli causa nominetur, sive metaphorice sumatur, omnes eos comprehendit, qui pervigili cura bonum publicum procurant. Horum omnium, sive conditorum, sive custodum, *inanes* cum dicit esse *labores* & *curas*, nisi Deus iis adsit, non ea poetæ mens est, *labores* esse plane inutiles & minus necessarios; cum non absolute, sed restricte loquatur; *inanes* esse dicens, si Deus iis non adspiret; nec Deus *sine mediis*, aut *causis* secundis, mundum administrat: quod est tralaticium. Requirit poeta labores, curas & vigiliis; sed ea omnia *sola* non sufficere adserit, contra, *sola* si sint, ea declarat *inania* & *irrita*, h. e. optato carcere successu; nec producere *effectum*, cui destinata sunt, multo minus *durabilem* effectum. Utrumque *denotat vox κιν*, cuius proprietas videtur, secundum Cl. Schultens *a*, in *vagâ* & *vana instabilitate* esse sita, opposita ad *firmitatem* ac *veritatem*; sed forte rectius, quæ Cl. Schroederi est observatio, in *tremulo motu*, quo quid *micat*; unde vanitatis notio, quæ *micantem* quidem habet speciem, sed nihil *solidi*; quare vers. 2. ei *firmum* & *solidum* opponitur, ut puto. Inde ad quodvis *malum*, qua morale, qua physicum, transferatur: utique comprehendit etiam *infortunia*, *arumnas* & *calamitates*, ut Job. vii. 3. Ps. lxxxix. 48., quæ notio hic non est excludenda.

§. IX. Sed quæ ratio irriti *effectus*? vel quid deest *moliminibus* humanis, quare in vanum recidunt? supremus & *ædificator* & *custos*; qui nisi ædificaverit domum, & urbem *custodierit*; nihil proficient vires & labores hominum. Ita enim poeta adfirmat, *nisi Deus* &c: h. e. nisi & permittat, & curet, seu faveat: *a*. Deo *nolente* nihil effici poterit, &, si quid effici finat, mox destruetur; uti per se clarum

a Ad Job. xv. 31.

clarum est; cum omnia sint in ipsius manu, ipsique mille suppetant media & modi, quibus opus in nihilum redigitur: quod explicatione non indiget. *b.* Sed plus requiritur quam nuda permissio, si operi responsurus sit effectus: oportet Dei cura, favor & benedictio, accedat, non ea tantum cura, qua omnia conservat, & omnibus vires sufficit ad agendum, nam & sine ea ne operari quidem possunt ædificatores, nec vigilare custodes, quod tamen hic ponitur, sed specialis favor & benedictio, qua Deus efficit, ut familiæ condantur, corditæ floreant, & diu vigeant: tum mala & incommoda benigne avertendo, tum bona ut abunde adfluant, curando, tum ut ædificatores & custodes cuncta prudenter agant efficiendo, tum denique omnia status præsidia abunde suppetitando, &c.

§. X. Hæc si vera sit thesis, ut est verissima, in relatione Dei, ut rectoris mundi, & hominum ab eo dependentium, nec non in foedere Dei cum Israele fundata; & mille ac mille exemplis comprobata; vanitati oportet ii inserviant, qui sine Deo ad talia opera sese adcingunt: quare poeta, hac hypothese jacta, orationem ad eos vertit, eamque vanitatem ipsis denunciat, vers. 2. *Vanitas vobis* &c. In verbis nihil difficile; tantum observetur, 1. phrasin *tardare sedere*, vel *quiescere*, hic non esse *diu sedere*, ac si de iis agatur, qui *sellam* laborum insident, sed *sessionem* diu differre; ut ex præced. membro, & ipsa phrasi, manifestum est. *Surgere* & *sedere* sibi opposita sunt, ut *laborare* & *quiescere*, sic *matutinare surgere* & *tardare quiescere* designat mature capeffere labores, & fero deponere; adeoque a primo mane ad ultimam vesperam, ut vix *quieti* tempus superfit. Vid. Ps. cix. 23. 2. *Panem dolorum comedere* est, ut equidem opinor, nihil aliud ac magna cum *sollicitudine*, & anxias multas inter curas, quæ animum *cruciant*, & constringunt, vesci, ut solent homines avari, qui bonis corradendis inhiantes se fere inedia macerant, & non nisi anxie quid consumunt: egregie hanc in rem Prov. x: 21.

*benedictio Jehovae ditat, nec secum adfert cruciatum, seu animi constrictionem; h. e. liberum ac copiosum concedit usum; secus ac avari, qui suis sudoribus divitias congregant, facere solent. Vid. hac de re Eccles. iv. 8. vi. 2. & alibi. Radix proprie significat firmiter vinxit, arctius strinxit a. Unde ad curas, anxietates & sollicitudines, transfer-
tur.*

§. XI. Intelliguntur itaque homines *a. avari & ambitiosi*, qui nil nisi opes & honores in animo, & oculis, habent. *b. suis consiliis & laboribus unice fidunt, & ab iis, nulla Dei, ejusque favoris, aut legis habita ratione, cuncta expectant. c. adeoque rei familiari aut publicæ toti intenti sibi nec somnum aut quietem fere concedunt, nec liberalem bonorum usum, contra, multis curis & sollicitudinibus se continuo macerant. Hos, & horum similes, vanitati incumbere, pronuntiat Salomo, tum, quod ipsi laborum fructu careant, quiete, tranquillitate, & usu bonorum sese frustrantes, multisque curis compungentes, tum quod domos suas perennes reddere nequeant, sive liberis destituantur, sive liberi sint perversæ indolis, & malæ frugis, sive familiæ aut brevi dispereant, aut malis & infortuniis justo Dei judicio tradantur.*

§. XII. Huic perversæ viæ familiæ condendæ & conservandæ opponit veram, quæ *piorum* est, et in favore Dei sita, vers. 2. fin., 3—5. his verbis, *solidum dabit dilecto suo in somno. Ecce hæreditas Jehovae sunt Filii, merces fructus ventris: quales sagittæ in manu herois sunt, tales filii juventutis: felicem virum! qui pharetram suam iis impleverit, neque pudifient, quando disceptabunt cum inimicis in porta. h. e. Longe aliter agetur cum dilectis Dei, et ipsius amantibus; quippe quibus stabilem et perennem ædificaturus est domum, absque ut illi aut laboribus, aut curis, se necesse habeant consumere; dabit iis rem solidam quasi in somno: idque in pietatis ipsorum præmium, vi foederis*

ris cum ipsis erecti. Sunt enim filii *haereditas* Dei, sive bonum, quod ipsis a Deo foederato, & benigno Patre, contingit; adeoque præmia virtutis: nec qualescunque liberos ipsis dabit Deus, sed qui domum tutari & firmare possunt, vera familiæ fulcra & præsidia, quibus domus tuta redditur, & inconcussa: filios inquam virtutis plenos & fortis animi, haud absimiles *sagittis* a fortissima manu vibratis, quibus resisti nequit. Tales si familia habeat præsidēs & defensores, nihil sibi metuendum habebit ab hostibus & iniquis iudicibus; sed oppressiones a se arcēbunt & auctoritate & fortitudine sua. Hunc virum, quem Deus hoc beneficio coronat, merito dixerim felicem; quippe firmissimo præsidio cinctum, oppressionibus superiorem.

§. XIII. Pericopa α. thesin proponit, vers. 2. β. illam confirmat & illustrat, vers. 3-5. α. *Thesis* est, *solidum dabit dilecto suo in somno*, sc. Deus. h. e. perennem & firmam domum dilectis suis concedet Deus sine multo ipsorum labore aut cura. Vocula ך, quæ particulæ solet habere usum, quem & hic retinent Interpretes, sive *sic*, sive *utique*, *profecto*, vertant, hic nominis habet potestatem, quæ propria est & prima, unde in particulam degeneravit. Ita de domo sua loquens David, 2 Sam. xxiii: 5. negat illam esse ך. ם, seu *non firmam*; videtur enim interrogative capiendus locus. Sic & alibi denotat *verum & rectum* Ex. x: 29. 2 Reg. xvii: 9. Jes. xvi: 6. Est itaque elegans oppositio inter ם & ך. quemadmodum inter anxios & continuos labores hominum Deo non fidentium, & inter *somnum* dilectorum Dei: quibus Deus daturus est *in somno*, ut vox est reddenda, h. e. quasi in somno; seu sine multis laboribus & curis. Locutio videtur esse proverbialis, cuius & apud Gr. & alios populos vestigia deprehenduntur. Nec omnis, sed nimius & anxius labor hic excluditur; præterea insinuat, piis nonnunquam nec opinantibus ea bona contingere; ita ut ad eos agmine q. facto sponte concurrere

currere videantur. Sed qui illi sunt, quos Deus illo favore maectat? veniunt nomine *dilecti Dei*; in sing. sed collective pro dilectis sumendo: licet posset esse, ut Salomo se ipsum in oculis habuerit, tanquam illustre exemplum; unde pii colligere poterant, quanta benevolentia Deus pietatem prosequatur. Salomo sicut in *somno* promissum accepit, ita κατ' ἐξουσίαν nomen *dilecti Dei* tulit 2 Sam. xii: 24, 25. Sed quo & *pii* in genere veniunt, ut Ps. cviii: 7. Deut. xxxiii: 12. nec immerito, cum Deus *amantes* sui amet, & *amantes* Jehovah sint, qui legem Dei observant, quorum summa est *amor Dei ex toto corde*. &c. Sic in Decalogo promissit, se benefacturum in mille generationes *amantibus* sui. Ex. xx. ubi *amantes Dei & observantes præcepta* ejus alternantur.


§. XIV. β. In thesi illustranda, a. Masculæ sobolis, sed virtutis plenæ, originem & causam demonstrat, vers. 3, 4. b. In ea domus esse fulcrum & tutamen quærendum, arguit, vers. 5. a. Cum domus sine liberis firma & perennis esse nequeat, & modo dixisset, Deum illam stabilitatem concedere dilectis suis; apte ad thesin confirmandam subjungit, filios probos & strenuos esse beneficium, quod Deus ex foedere in præmium pietatis dispensat: quod vers. 3. proponit, dein vers. 4. respectu qualitatum filiorum explicat. Vers. 3. habet, *filios & fructum ventris*, seu filios naturali lege nasci solitos, (ne quis hic mysticum sensum captaret, additur *fructus ventris*) esse *hereditatem* *Jehovæ* & *mercedem*. h. e. mercedem foederalem, vel testamentariam; bonum, quod vi foederis datur in præmium observantiæ legis. *Hereditas* & *merces* conjunguntur, ut se invicem explicent, & verum conspectum hujus boni præbeant. *Merces* adpellatur, ut de conditione prævia cogitaremus, quæ est observantia legis & studium pietatis, sed *hereditas*, ne *mercedem*, quæ gratiam excludit, intelligamus: adeoque *merces* intelligitur *gratuita*, qualis est *foederalis & testamentaria*. Sensus ergo est, filios, licet naturæ

turæ lege natos, a Deo concedi in pietatis remunerationem, vi foederis & testamenti. Respicitur ad promissum foederis Sin. de longevitate & longa posteritate eorum ex Abrahamidis, qui foederis conditionibus steterant.

§. XV. Sed, quæ *hereditas Dei*, & *merces* dicenda est, posteritas non qualescunque comprehendit filios, verum *strenuos & virtutis plenos*; bonam & laudabilem sobolem; quæ de favore Dei erga familiam alicujus testari potest; quo tendit, quod poeta vers. 4. habet; *quales sagittæ in manu herois, tales sunt filii juventutis* sc. quos Jehova tanquam hereditatem & mercedem donat: quæ verba ex vers. super. sunt supplenda; sine quibus oratio nec cohæret, nec faciles admittit explicatus. Comparatio inter *filios juventutis*, cum in flore ætatis genitos a parentibus, opposite ad *filios senectutis*, tum in flore ætatis positos, & *sagittas*, easque non *jacentes*, sed in manu jaculatoris, non qualiscunque, sed *herois*, adeoque *sagittas* ad feriendum paratas & instructas, quibus nihil resistere potest; eo simpliciter tendit, ut bonæ & laudabiles qualitates filiorum ob oculos ponantur; & in specie tales, quæ filios reddunt domus *praesidia firma*: ne hic de ignavis, fatuis, rem familiarem aut dissipantibus, aut prædentibus, cogitaremus, sed filios strenuos, diligentes, ad domum tutandam aptos & paratos, virtutis plenos, & pietatis studiosos, intelligeremus. *Sagittæ in manu herois* sunt, *a. unitæ* inter se, *b. penetrantissimæ & irrisistibiles*. Aliud mysterium in heroa non est quærendum.

§. XVI. *b.* Quare hoc in primis emblemate utatur poeta, vers. 5. exponit: ubi *felicem prædicat virum talibus sagittis instructam domum habentem*; ratione addita, quod per tales filios domus constituatur tuta ab oppressoribus & oppressionibus. Huc enim tendit, quod dicitur; non *pudefient*, quando *disceptabunt cum inimicis in porta*. h. e. nemo eos audebit, nemo eos poterit, opprimere; tanta eorum erit auctoritas, tanta virtus: adeoque domum tutabuntur &

& in tuto collocabunt. Respicitur tum ad tribunalia, in portis erigi solita, tum ad frequentes oppressiones, de quibus ipse Salomo in Eccles. & Proverb. sæpe conqueritur. Hic cum filios non esse *pudefiendos* adseritur, sensus est, nec juste nec injuste causa casuros; non *juste*, quia virtutis tenacibus nihil ipsis imputari ex vero poterit, quod domus aut bonorum ruinam secum traheret, non *injuste*, quia tantis pollerent viribus, ut hostium insultibus & machinationibus essent superiores: merito ergo *felicem* domum, talibus præidiis munitam!



PSALM.



P S A L M. CXXVIII.

1. *Canticum adfensionum. Beatum omnem timentem Jehovah! qui in viis ejus incedit.*
2. *Laborem manuum tuarum quia comedes, beate tibi & bene tibi sit.*
3. *Uxor tua sicut vitis frugifera intra domum tuam sit, filii tui instar olearum novellarum circa mensam tuam sint.*
4. *Ecce profecto sic benedicetur viro, Jehovah timent.*
5. *Benedicat tibi Jehovah e Tsione, & bonum Hierosolymae videas omnibus vitae tuae diebus.*
6. *Videasque filios filiorum tuorum. Pax sit Israeli!*

P R O L E G O M E N A.

§. I.

Argumentum *cantici*, cujus auctor in obscuro latet, non tam est beatorum fructuum timoris Dei & pietatis recensio, & demonstratio, quam *nuptiarum* benedictio, qua conjugibus quævis felicia hoc fundamento, ventur, quod *pietatis* hoc sit præmium: quemadmodum non tantum ex persona secunda patet, quæ poeta, post generalem thesin in persona tertia propositam, mox utitur, vers. 2. sed ex eo inprimis firmatur, quod duo postremi versus *benedictionem* & *adprecationem* manifeste comprehendunt.

dant. Generali thesi, ut argumentum paulo plenius ob oculos ponam, loco fundamenti, jacta, vers. 1., quæ *beatum prædicat timentem Jehovah*, qualiscunque sit, sine discrimine: oratio vœtiva mox vertitur ad certam personam; qua ipsi, utpote *timenti Jehovah*, & sub ea conditione, vovetur, ut labor manuum ipsi feliciter succedat, & eo lacte utatur, fruatur; uxori concedatur mira *fertilitas*, multaque ex ea nascatur soboles, eaque virens vegeta, & bonæ frugis, vers. 2, 3. Quando generalis thesis repetitur cum majore adseveratione vers. 4. certo certius talem virum benedictione divina gavilurum esse, eaque thesi nova & directa benedictio superstruitur, vers. 5, 6., qua poeta ipsi adprecatur, ut Jehovah, qui Tsione sedem habet, & ibi colitur, verus Israelis Deus, in ipsum ea conferat bona, quæ foedus Deum inter & Tsionitas promittit, ipse gaudeat diu *beneficiis* Hierosolymæ factis, videatque denique longam posteritatem. Quam adprecationem claudit votum *pacis super Israele*.

§. II. Dux ergo sunt *generales* cantici partes, quarum altera est alterius repetitio & confirmatio: utraque *præmittit* eandem thesin *generalem*, bene esse viro, cujuscunque sit ordinis aut status, qui Deum secundum præscriptum ejus sincere colit: cui thesi innititur *benedictio*, quam utraque pars complectitur; sed prior *bona*, quæ voventur, præcipue continet, posterior addit *causam* in benedictione Dei sitam. Prior pars tres priores, & posterior tres posteriores versus implet: quæ facillima est divisio.

A N A C R I S I S.

§. III. Circa duo quæsitæ, a quibus cantici intellectus pendet, scinduntur Interpretes: alterum est, num corporæ & temporalia bona, an *spiritualia* & *æterna* intelligantur? alterum, num omnibus Ecclesiæ temporibus hæc pieta-

pietatis præmia distribuantur, an *certum* tempus hic intendatur? Quod ad *prius* attinet: equidem non negaverim nomine *beatitatis* & *benedictionis* ex Tſione spiritualia comprehendendi bona, sed ita ut, quemadmodum in promissis foederis Sinaitici, terrestria directe & primo loco, coelestia indirecte & mystice. Utique bona hic expresse memorantur terrestria, ut *laborem manuum comedere*, videre nepotes suos, foecunditas uxoris, & sobolis læta seges: quæ non nisi violenter ad spiritualia rapiuntur. Deinde fructus eorum bonorum ad hujus vitæ terminos restringitur, vers. 5. cum *coelestia* sint *aterna*. Denique *bonum Hierosolymæ* videre, nos ad pacem, abundantiam, & prosperitatem metropolis regni Israelitici ducit. Ergo primo & directe intelligamus externa bona, quæ Deus ex foedere Sin., quæ externo & literaliter, distribuebat Israelitis, foedus observantibus, quæque erant seminis multiplicatio, & proveniunt Cananæ latus & pacificus usus. Deinde illa bona consideremus, cum favore Dei juncta, ex eo orta, & de eo testantia: denique tanquam signa & pignora coelestium ac spiritualium ea contemplemur, respectu eorum ex populo, qui externi non tantum, sed & gratiæ foederis interni leges observarent. Qua ratione is instituamus, & proprietatem sermonis retinebimus, & de emphasi vocum *beatitatis* & *benedictionis* nihil detrahetur.

§. IV. Quod ad *alterum* quaesitum de *tempore*, cui hæc benedictio convenit, attinet: illud in genere adfirmare mihi posse videor, Veteris oeconomiae limites hic non esse transiliendos, tum quod externa promissa ei sint alligata, tum quod benedictio ex Tſione, bonum Hierosol., pax super Israele, cogitationes desigant in veterem oeconomiam; nisi gravis ratio obstet, quæ hic nulla est. Nullum enim N. T. occurrit criterium, multo minus status gloriosi in fine temporum; de quo non nemo cogitat. Sed illud in disquisitionem mitti posset, convenienter canticum in omnia æque tempora V. T., an in *certum* tempus rectius? &

quale tunc? Qui animum ad illud adverterit, facili negotio percipiet, tempus hic præsupponi, in quo Resp. Israelitica non tantum obtinebat, sed & florebat, pace & prosperitate gavisâ, ut vel ex phrasi, *frui bono Hierosol.* videre est. Tempus innuitur, quo piis licebat labore manuum sine metu frui; quò singularis obtinebat *foecunditas*, & populi multiplicatio. Quæ faciunt, ut, si Salomo non fuerit auctor, quod non est improbable, maxime cum hujus & superioris cantici sit magna convenientia, nullum tempus cantici argumento censuerim accommodatius, si a Salomonis discesseris, quam quo post persecutionem Epiphanicam, & rerum omnium instaurationem, Judæi alta pace & summa prosperitate gavisî sunt; in primis sub Johanne Hyrcano. Vid. Zach. viii. & conf. *historia Maccabæica*. Mihi verbo tetigisse iussit.

§. V. Ergo, ut tandem concludam, prope absum ab ea opinione, quæ hoc canticum habet esse λόγος ἐπιδαλμωρ, *scriptum in laudem, doctrinam & consolationem eorum, qui versantur in conjugio, aut id vitæ genus ingressuri sunt*: quæ verba sunt *Mollerî*; vel potius canticum inserviisse censuerim *benedictioni nuptiali*, qua nuptiæ initiabantur, & novis nuptis quævis felicia vovebantur. Si de ritibus *nuptialibus* antiquis quid accuratius constaret; forte specialius hic quid definiri posset. Sit itaque, quod hic iussit, *benedictionis* formula, qua novis nuptis, vel sponsis, benedici poterat, vel solebat. Huc enim omnia nos vocant; ut ex seq. tractatione elucescet.

E X P L I C A T I O.

§. VI. *Thesis* generalis, quæ priori parti tanquam fundamentum subternitur, ita habet, vers. 1. *Beatum omnem timentem Jehovæ, qui in viis ejus incedit!* h. e. Sicut notissima, ita certissima est veritas, in Dei natura & ejus relationi-

tionibus ad homines fundata, multisque modis comprobata, eum, qualiscunque sit, in quocunque statu aut conditione positus, felicem & beatum dicendum & prædicandum esse, qui Dei, qui sese Israeli revelavit, ducitur *reverentia*, eamque in actionibus suis, voluntati & virtutibus Dei convenienter instituendis, constanter demonstrat, & explicat. Thesis est, ut universalis vocula *omnis* extra dubium collocat, generalis, quæ nullam patitur exceptionem, nullam restrictionem; insolubilem nexum complexa inter *timorem* Jehovæ, ipso facto comprobatum, & *felicetatem*; quam per consequens omnes, hiscè qualitatibus præditi, sibi adplicare possunt & debent; cujuscunque sint loci & status, sive Judæi, sive gentiles, sive nupti sive innupti, sive liberi sive servi, divites pauperes, publicæ privatæ personæ. Nullo cum statu externo vera felicitas est conjuncta, sed ea ab amore & timore Jehovæ, Dei Israelis, sola & tota dependet, in hac vita & post eam. Nec mirum; cum sine favore & benedictione Dei nulla vera felicitas, sine timore Dei nullus ejus favor sit; sed sicut, cui Deus benedicit, is non potest non esse beatus; ita qui ipsum vere & sincere *timet*, non potest non ejus favore frui; tum quod Deus *amet* sui amantes, utpotè fini, quem in homine creando intendit, respondentes, & perfectionum ac virtutum suarum specula & adoratores, ac præcones; tum quod Deus per *promissa*, cultoribus suis facta, se sponte obstrinxerit; quæ non potest non, cum sit *Jehova*, Deus verax, præstare.

§. VII. Cæterum quid per *beatitatem* intelligatur, quid sit *Jehovam timere*, & *in viis ejus concedere*, cum nemini non notum sit, verbo absolvam. *Timentes Jehovæ* mihi sunt, qui ipsum pro vero & summo Deo, rectore & iudice supremo universi, omnisque boni largitore liberalissimo, agnoscentes, eo erga ipsum adfecti sunt animo, quem illa Dei *gloria* requirit, & *fides* in Deum producit, si sit sincera & vera; adeoque qui Majestatem ejus sub-

misse adorant, judicia ejus metuunt, ipsum offendere ve-
 rentur, ejus gloriæ & voluntatis rationem submisse habent
 in omnibus actionibus. Verbo, sunt, qui Deum amant,
 ut superiorem, ut Dominum, ut judicem, salutisque auto-
 rem. *Timor* enim non excludit amorem, sed involvit,
 verum *amoris* nonnullas qualitates exprimit; nec enim est
timor servilis, verum *filialis*, non coactus, sed spontaneus
 & lubentissimus, qualem creatura debet creatori, filius
 Patri, subditus Domino. Cujus *timoris* character & effectus
 est, *in viis Jehovæ incedere*. h. e. actiones, per quas, con-
 tinuo exercitas, homo ad scopum suum tendit, quare sub
 figura *ambulationis* veniunt, actiones, inquam, suas virtuti-
 bus & legibus Dei conformes præstare; ita ut tum eas *vir-
 tutes*, secundum quas, ut normam suam, Deus mundum
 regit, & ipse incedit, exprimat in vita sua, tum *leges*, a
 Deo datas, observet debito modo. Utrumque per *vias*
 Dei significatur; quippe quæ & *normam* agendi, quam
 Deus observat, sive virtutes sanctitatis, justitiæ, bonitatis
 comprehendat, ut Exod. xxxiii & xxxiv. & *præcepta*, ho-
 minibus per solennem legislationem, qualis Israelitis con-
 tigit, data, quæ *viarum* Dei nomine passim veniunt, tum
 quod a Deo præscripta sunt, tum quod Deus secundum
 eas, vel observata, vel neglecta, populum suum judicat.
 Cæterum *timor Jehovæ* & *vias* ejus *tenere* conjunguntur,
 quia alterum sine altero consistere nequit; *timor* Jehovæ
 rectus non est, si *via* Dei negligantur, nec hæ observari
 possunt, ita ut Deus in eo acquiescat, nisi Dei habeatur
 respectus, & ex principio *timoris* Jehovæ oriuntur. Ni-
 hil hic quidem expresse de *fide*; sed ea præsupponitur, cum
impossibile sit, Deo *sine fide* placere; qui enim ad Deum acce-
 dit, credere debet, ipsum esse, & esse remuneratorem *queren-
 tium se*. Heb. xi. Denique *beatitas*, quæ omnibus Dei
 ita *timentibus* attribuitur, *terrestria* & *coelestia* bona com-
 prehendit; cum vox generalis sit, & amplæ potestatis;
 quæ, nisi aliunde restringatur, omnem beatitatem invol-
 vit.

vit. Hic tamen primo & directe *tetrastis* felicitas, sed cum favore Dei conjuncta, ut vox *benedictionis* indicat, & ipsa vox *beatitudinis* continet, intelligitur: ut ex seq. manifestum est.

§. VIII. Hoc fundamento jacto, poeta sermonem vertit ad virum aliquem, quem præsупponit Jehovahm timere; eique *beatitudinem* illam adprecatur, tum respectu prosperitatis, tum felicitis sobolis, ex foecunda matre nascituræ. De *priori* vers. 2. in hæc verba loquitur. *Laborem manuum tuarum quia comedes, beate tibi, bene tibi;* sc. sit. Etiam dubium mihi non sit, quin *votiva* sit oratio; nonnihil tamen difficultatis residet in constructione, *quia comedes*; si vocula *3* non ex fine præcedentis vocis irreperit, cum *LXX* non legerint. Varia illud expediendi via patet, quam speriam. Versio data si retineatur, *emphasis* statuenda est, non in *comedere*, sed *labore manuum*, & *laborem manuum comedere* officium continebit homini injunctum; hoc sensu: quia, vel eum, tibi laborandum sit, & victus manibus comparandus; cedat tibi hoc *felicitas* & *pulchre*, sive, labor manuum cum tibi sit comedendus, id tibi contingat, ut eum laborem ipse læte comedas. Hac ratione digitus intendetur ad id, quod *Adamo* injunctum est, Gen. iii. & a Judæis, maximam partem *Agricolis* &c. exerceri solebat. At enim, cum phrasis, *laborem manuum comedere*, passim pro bono, & benedictione, occurrat, oppositæ ad maledictionem, qua ipse *laborare*; alius *labore manuum* ejus *vesci*, dicitur, secundum eam potestatem reddi possunt verba, *laborem manuum tuarum ut mihi comedas; beate tibi & bene tibi sit.* Scilicet vocula *3*, ex *3* & constata, idem est ac *ut*, *ut*, *sicut*, *mihi*; *mihi* cum *emphasi* superflua: quo sensu vehementiorem *adseverationem* continet, & utique profecto æquipollet. Ergo, *ut mihi comedas*, est, cum aliqua fiducia tibi voveo, ut *laborem manuum comedas* & prosperissime agas. Vidi de ea vocula *3* potestate Cl. Schultens a

& de *adseverandi* Jef. xv: 1. XLIX: 18, 19. ut Gen. iv: 23. 24. & alibi. Votum itaque, quicquid de interpretatione sit, pro hypothese quidem habet *laborem manuum*, sed continet prosperum ejus successum, & bonorum, ita parturum, lætum & jucundum *usum*, ita ut ipse fruatur *labore* suo, seu laboris fructus carpat, & ipsi in eo *bene* sit, seu læte vivat, secure & pacifice degat; bonaque cum conscientia, ab anxiiis curis liber.

§. IX. *Familia* respectu vovetur huic viro, ut foecunda sit ejus uxor, & læta liberorum seges ipsi nascatur, vers. 3. *Uxor tua sicut vitis frugifera intra domum tuam sit; filii tui instar olearum novellarum circa mensam tuam.* h. e. Uxor tua Te foecunditate sua exhilaret, & filii tui floreat, vigeantque in conspectu tuo. Nihil hic difficile; cum *vitis* & *olearum novellarum* emblemata, ad uxoris fertilitatem & prolem inde natam, in spem parentum educandam, quæ lætitiæ & jucunditatis plenissimam præbet materiam, exstingendam sint propinqua, nec longe arcessita, nec difficilia intellectu. Quare illud unum observo, cum uxor dicitur *vitis in lateribus domus*, & filii *oleæ novellæ circa mensam*, voces, in *lateribus domus* & *circa mensam*, non ad *vitis* & *olearum* emblemata esse referenda; ut multi faciunt, qui propterea se implicarunt, & fatigarunt; sed ad *uxorem* & *filios*: illa dicitur in *lateribus domus*, seu intra domum se *vitem* præstare, hi *circa mensam* sese ostentare instar *novellarum olearum*. Uxor *lateribus domus* inclusa repræsentatur, ut bonæ *matris familias* & *uxoris* character exprimatur, & mulier *dux*, & *domisæda* ob oculos ponatur. *Filii* *circa mensam* collocantur, ut florens vigenque eorum status, nec non felix & pacifica *domus* conditio, insinuaretur.

§. X. Altera cantici pars, quæ prioris est haud inanis & superflua, sed emphatica repetitio, non sine insigni varietate, eodem modo decurrit. *Thesis* eadem repetitur & confirmatur vers. 4., eaque nova superstruitur benedictio,

Etio, vers. 5. 6. *Thesis*, vers. 4. ita sonat. *Ecce profecto sic benedicetur viro Jehovæ timenti*. sc. omni viro sine crimine, ut est vers. 1. Voculæ *ecce profecto*, id enim hoc etiam versu designat, thesi confirmandæ, & fortius adstringendæ, inserviunt. Verbum *benedicere* nos ad fontem *felicitatis*, vers. 1. memoratæ, ducit, in sola Dei *benedictione* situm. Denique particula *sic* emphasi non caret, sive ad præcedentia, sive sequentia respiciat. *Priore* modo si capiatur, *sic* dicet ea ratione, quam modo memoravi, *benedicetur*, illa bona a favore Dei consequetur: posteriore modo significare potest *formulam benedictionis*, ut sit benedictio Jehovæ super ipso hac formula pronuntiabitur; *benedicat Tibi Jehova ex Tsione*. &c. Utraque potestas conjungi potest.

§. XI. Ipsa Benedictio ita habet, vers. 5, 6. *Benedicat Tibi Jehova ex Tsione, & bonum Hierosolymæ videas omnibus vitæ tuæ diebus: Filios filiorum tuorum videas. Pax sit Israeli!* Offert sese nobis hic, 1. Auctor & fons bonorum, quæ supra voverat novis nuptis, *Jehova*, ejusque *benedictio ex Tsione*, scilicet sede figurata Majestatis, ubi sese externo symbolo præsentem demonstrabat, ubi externis ritibus colebatur, & a quo loco tum Deus Israelis, tum veri Israelitæ foedere Deo juncti, denominabantur. Significatur itaque hac formula, *a.* Auctorem bonorum illorum esse Deum Israelis, *b.* fontem ejus *favorem*, *c.* fundamentum *foedus* inter Deum & populum initum, cujus symbolum erat inhabitatio Dei supra *arcam*. 2. Præter hæc memoratur *conditio*, sine qua bonis illis frui vix poterant Israelitæ, a quo tempore *Hierosolyma* & sedes religionis & metropolis regni electa est; sc. *prosperitas Hierosolymæ*; quo verba tendunt, & *videas bonum Hierosolymæ*, h. e. floreat, pacifice & prospere agat, Hierosolyma, Tuque in ea felicitate partem habeas. *Bonum Hierosolymæ* ut ex Ps. cxxi: 9. & aliunde patet, comprehendit quicquid conditionem urbis *florentem*, & *felicem*, reddere potest,

est, adeoque pacem & securitatem, opum abundantiam, religionis haud interruptum exercitium; civitatis bene ordinatum & justum regimen; & quae sunt alia ad *civitatis* prosperitatem pertinentia. Hoc bonum *Hierosol.* memoratur, quia inde totius Reip. salus dependebat, & cives sine eo felices esse non poterant. Illud bonum *videre* est, tum in pacifico & floreante loco degere; tum partem & sortem in ea prosperitate habere, & bonis illis pro parte sua frui.

§. XII. 3. Præter fontem & conditionem prærequiritam hic offendimus *diuturnitatem*, cujus ultimus terminus ponitur *vita*, sed non nisi *dū dilatus*. Prius indicant voces, *omnibus diebus vitae tuae*, posterius; *videas filios filiorum tuorum*: ergo & interrupta prosperitas per totam vitam, & longevitas hic vovetur, una cum familiae duratura felicitate. Nihil in phrasibus difficultatis. Quare 4. ad votum super Israele pergo. *Pax super Israele*, sit, sit, & sit in perpetuum, de quo voto plus una vice supra egimus ad Ps. CXXII & CXXV. quare verbo suffecerit notasse; hoc voto omnes superiores adprecationes & benedictiones comprehendendi summam, & concludi. Pax super Israele, nimirum & in universam, & in singulis ejus membris; & super civitate tota, & singulis civibus. Ita Deus benedicit *Israeli*; ita *floreat* universitas populi, ea prosperitate gaudeant omnes ex populo. Antea ad certam personam restringerat poeta benedictionem, hic ad omnes & totum populum extendit, adeoque quam aptissime in generali voto desinit.





P S A L M. CXXIX.

1. Canticum adfensionum. Multum angustarunt me ab adolescentia mea, dicat nunc Israel.
2. Multum angustarunt me ab adolescentia mea; etiam minime percellerunt mihi.
3. In dorso meo iterant aratres, prolongarunt falcis fusi.
4. Jehovah iustus persequitur tora inprobos.
5. Pudore suffusi retrocedent omnes afores Tionis.
6. Erunt instar herbarum telicorum, quæ, antequam e culmine emerferit, exarescit.
7. Quaque messor manum suam non replet, nec sinum suum qui manipulos colligit.
8. Quique non dicunt transeuntes benedictionem Jehovah super vobis: benedicimus vobis in nomine Jehovah.

PROLEGOMENA.

S. I.

Canticum est congratulatorium, quo poeta Israeli partim gratulatur triumphum de omnibus hostibus, qui unquam populum impugnaverunt & adflixerunt, reportatum; partim osoribus Tionis, si qui sint, vel oriantur, pudorem, & vanitatem moliminum contra Tionem denunciat. In priore parte Israellem adhortatur ad lætitiæ & gloriationem super calamitatibus omnibus tandem superatis,

tis, & ad lætam superiorum malorum recordationem, piamque Divinæ gratiæ, per quam malis omnibus eluctati fuerunt, confessionem. In *posteriore* Israellem reddit certiorum de inanibus hostium conatibus, si quos contra eum suscipere, eosque pudore confusos retrocessuros, ac brevi cum contemptu & maledictione publica evanituros esse, instar herbæ tectorum; quæ repente exoritur, repente occidit, vel quæ omni firmitate & succo destituta flaccescit, & nulla pollet vi resistendi.

§. II. Partes itaque in duas sese sponte sua dividit ode nostra: quarum *prior* adhortationem continet ad lætitiā & gloriationem super hostibus devictis & malis omnibus finitis, quæ a primo reip. tempore ad hoc tempus usque varia & gravia passus erat Israel, vers. 1-4. *Posteriore* in parte populo promittitur, fore, ut osiores Sionis, qui superint, pudore suffusi, & viribus destituti, in posterum jaceant, & evanescant, vers. 5-8.

A N A C R I S I S.

§. III. Interpretes in ea passim sunt opinione, Israellem in hoc cantico repræsentari in gravissimo periculo & mediis in malis, quibus videbatur succubiturus, possum, adeoque oden esse argumenti *consolatorii*, & eo collineare, ut populo ex superiorum temporum, quibus varie pressi semper evaserant, recordatione animus adderetur, & spes fieret de hostium subitaneo excidio, sui que & ex his oppressionibus redemptione. Hinc alii ad exilium Babyl., alii ad alios Israelis status calamitosos referunt. Sed longe a scopo & argumento cantici aberrare mihi videntur: Israel enim hic occurrit, tanquam quem hostes per omnia tempora frustra opprimere erant conati, qui nunc gloriari poterat, se cunctis calamitatibus esse ereptum; cujusque osiores nunc cum pudore recederent, & nihil virium haberent

berent Israeli resistendi, aut aliquid contra eum moliendi. Phrasis, *dicat nunc Israel*, hanc hypothesein omnino requirit: est enim acsi diceret; nunc, nunc tandem, ille alluxit dies, quo Israel in gloriabundas eas voces erumpere queat: multum me affligerunt per omnia tempora, sed non praevaluerunt mihi, & Jehova funes impiorum ita amputavit, ut tandem *finem imposuerit* oppugnationibus hostilibus: deinde phraſes, *ararunt in dorſo meo*, & *prolongarunt sulcos*, summas illas oppressiones, quas populus a Chaldaeis & Syris passus est, omnino indicant, & illud, *amputavit Jehova funes impiorum*, ea ratione expressum est, ut *finis* infestationum haud obscure innuatur. Denique *osores* Tſionis, qui restarent, hic in scenam prodeunt, ut succo & viribus privati, qui nihil firmitatis haberent, nihil fructus proferrent, aut *utilitatis* adferrent, adeoque qui sponte evanescerent.

§. IV. Mihi itaque vix dubitandum videtur, quin ode fuerit composita, quo tempore Israel per Maccabæos in libertatem erat adſertus, ejusque res ita firmatae erant, ut ab osoribus suis nihil amplius metuendum haberent; adeoque quo in statu *triumphalem* oden canere poterant; multa per omnia tempora perpeſſus sum mala, ab hostibus inflicta, sed nunc tandem evaſi, & superavi omnia; & osoribus meis nil nisi ignominia & pudor facierum est relictum; quorum conamina erunt omnia irrita. Scopus itaque cantici est, Israeli formulam suppeditare, ad quam triumphum caneret, seu το ἐπινικιον epinicium carmen triumphale in manus tradere; quo phrasis, *dicat nunc Israel*, manifeste tendit: idem enim est ac, gloriatur, confiteatur, *cum* nunc: quod dictum per priorem cantici sese porrigit partem, & hanc oden ab Israele esse accinendam praecipit. Quo ipſo, ut illud ad firmandam hypothesein addam, impletum est, quod Jef. xxvi: 1., de tempore *Simonis Etnarchae* & Joh. Hyrcani praedicatur. *Illo tempore cantabitur cantilena haec, vel similis, in terra Judae.* Odis

enim, tunc temporis cum solus, & huc modum occurreret.

EXPLICATIO.

§. V. *Præ* canticæ pars, quæ calamitates & liberationes præteritas recenset, cæcis in duas *actiones* dividit adolescentiæ & viriditatis; quibus multa gravia passus erat Israel. De adolescentiæ ætate hæc in modum canit, vers. 1, 2. *Adi. cum angustiarum me ab adolescentia mea, dicit nunc Israel, multum angustiarum me ab adolescentiæ mea; etiam minime præviduerunt mihi. h. e. Hinc in modum canit nunc Israel, letus & gloriosus: per totum adolescentiæ meæ tempus, antequam status meus firmatus est in Canaan, & in regnum evasi gloriosum, multas passus sum & continuas, easque gravissimas, infestationes, quæ me sæpe ad incertum redegerunt: hoc verum est, sed & illud simul verissimum; me, hostium violentiis pressum, non fuisse oppressum, & plane superatum; sed, contra, identidem re-surrexisse, donec firmiorem & fortioram atque ætatem virilem.*

§. VI. Sermo exhortatorius dirigitur ad *Israel*, isque excitatur ad letitiam & gloriationem de superiorum temporum malis superatis publice testificandam, quam emphasis habent verba, *dicit nunc Israel*, h. e. caneret, celebraret, canit; quemadmodum *Jes. xlv: 9. Et dicetur illi iste, ecce Deus noster hic est, quem expectavimus, & qui nos salvavit hic est Jehova, quem expectavimus, laetemur & gaudeamus salute ejus. Ps. cxlv: 6. robur terribilium operum eorum dicent, seu enarrabunt.* Particula *et* potestatem habet coniuncti, & tempus esse opportunum, quo laudes Deo canantur, indicat; *dicit nunc*, dicit *quæso*, dicit *in æge*. Sed in quam formam voces efferret Israel? & quid cantaret? illud reliqua verba comprehendunt; mul-
tum

tum angustarunt me &c. quorum sensus est, Israelem tempore adolescentiæ quidem varie & continuo fuisse coarctatum, sed non oppressum, quia gloriosum identidem resurrexisse. Gloriationis enim materia non tam foret infestatio multiplex, sed irritus ejus effectus; quare præcipua emphasis ponenda in ultimis verbis, vers. 2. *etiam non prevaluerunt mihi*. Vocula *etiam* eo tendit, ut utrumque illud connectatur, & populum fuisse sæpe oppugnatum, & identidem liberatum; deinde simul indicat, ne adolescentiæ quidem tempore, cum vires essent imbecilliores, populum potuisse superari: *etiam* est in ipsa quoque juventute.

§. VII. Ceterum sermo fit de infestationibus hostilibus, quas populus prius reip. temporibus subierat frequentissimæ & gravissimæ; antequam firmum & stabilem consecutus esset statum sub Davide. *Juventus* populi, ab infantia & virili statû distincta, tempus intermedium expingit, inter primam terræ Canaanæ occupationem, & regnum a Davide firmatum. Israel in Aegypto natus crevit, in deserto in temp. formatus, & juvenilem cepit ætatem degere cum sedes fuit in Canaan; quæ duravit usque ad regnum erectum & stabilium sub Davide; quando censeri potest virilem ingressus ætatem. Tempus itaque intermedium, & juvenutis, figendum est sub *Judiciis*: in quod exacte quadrat, quod hic de *angustationibus* traditur, earumque eventu. Quam varie, quam vehementer, quam sæpe, Israel fuerit eo tempore agitatus, vexatus, infestatus, summis angustis constrictus; sed qua ratione non succubuerit, & identidem vindicatus ac in libertatem adsertus, nemini non notum est. Tantum notetur, 1. repetitionem, *multum angustarunt me &c.*: emphasis augere, & continuo repetitas infestationes signare. 2. Phrasin, *non prevaluerunt mihi* non tantum indicare, populum non fuisse extinctum, & plane oppressum, sed præterea ob oculos ponere felicem & gloriosum perpetuum illius lustræ exitum, quem sub Davide habuit. *Non prevalens* est nihil minus quam

quam praevalere; contra, *praevaluisse* populum, & de hostibus ac eorum oppugnationibus tandem triumphasse. Vercula * sæpe est *nihil minus*, & magnam habet emphasin, quæ omnia contraria simul complectitur: uti sæpe observavi.

§. VIII. Hinc transit poeta ad graviores infestationes, quas populus, durante virili ætate, perduraverat, donec tandem omnibus malis & periculis sit ereptus, uti erat tempore compositi cantici. Verba ita sonant, vers. 3, 4. *In dorso meo ararunt aratores, prolongarunt sulcos suos: Jehova justus praefecit lora impiorum.* h. e. Quam sortem primis reip. temporibus subieram, eadem, sed majore gradu, me, in regni formam redactum, ferit; missus sum sub jugum; me lacerarunt & contumeliosissime tractarunt hostes; in quo statu satis diu detentus sum: sed & ex eo me vindicavit Jehova, judex justus, & vindex populi sui oppressi, adeo ut tandem *finis* sit meis malis & oppressiombus impositus; nihilque mihi in posterum ab hostibus metuendum sit, quamdiu steterit hæc respublica. Agitur hic de malis, quæ in virilem populi ætatem inciderunt; ut tum series cantici, tum emblemata *arationis* & *jugi* innuit: adeoque quæ populo sub Regibus & deinceps evenerunt. In specie obversatæ fuerunt poetæ ob oculos calamitates omnium dirissimæ, Assyriaca, Babylonica, & Syro-Macedonica, uti ex emblemate, mox explicando, patebit. Ultimam vero Syriacam, seu Epiphanicam, hic excludi non debere, ex eo etiam confirmatur, quod *mala* populi hoc tempore fuisse finita haud obscure insinuetur per verbum *amputare*: uti mox observabo.

§. IX. Comparatio, ab agro, in quem aratrum inducitur, & in quo longi ac alti ducuntur sulci, petita, nobis expingit. *a.* populum fuisse ab hostibus subjugatum, & in *servitutem* redactum, *b.* laceratum, profcissum, fusque deque versum, & totum eversum ac dissectum, *c.* contumeliosissime instar mancipiorum tractatum; ac convitiis profcis-

proscissum. *Arare dorsum* alicujus est, *convitiis* & contumeliis proscindere, ut Jes. L: 6. *tergum meum dedi percussoribus*. Sed propius huc accedit, & ejusdem est amplitudinis, quod Jes. LII: 23. habetur, & pono illud (poculum tremoris) in manu eorum, qui te molestia adfecerunt, qui dixerunt animae tuae: demitte te, ut transeamus, & posuisti tergum tuum ut terram, & tanquam plateam, transeuntibus. h. e. libidini principum & populorum in abjectissimis quibusvis servitiis & injuriis obsequiosum. Negligenda non est elegantia & emphasis orationis in voce, quam *fulcos* vertunt, & recte; sed litteræ textuales nos simul ducunt ad *afflictiones* & *vexationes tyrannicas*; quæ hac radice comprehensæ sunt. Ex. III: 7. Ps. IX: 14. Job. XXX: 13. Denique d. cum *fulcos*, & tyrannicas oppressiones, *prolongasse* dicuntur *aratores*, significatur, populum quam diutissime in abjecto & deplorabili illo statu fuisse, licet magis minusve gravi & difficili.

§. X. *Liberationem* ex omnibus illis malis, vers. 4. repræsentat: *Jehova justus refecuit lora impiorum*. h. e. dominio & tyrannidi ipsorum in nos finem imposuit. In voce Hebr., quam *lora* reddunt, ad *lora* respicitur, quibus aratro junguntur boves, ut & ad *machinationes implicatas ac violentias hostium*. Vox Hebr. denotat proprie *funes contortos* densiores, figurate nequitiam implicatam. Mich. VII: 3., *Lora* itaque *impiorum* signant eorum *potentiam, dominium, tyrannidem, nequitiam & violentiam*. Hæc lora Deus dicitur *præsecuisse*, ita ut *finiverit*, adeoque *amputasse* in *perpetuum*, absque ut unquam resarcirentur. Radix Hebr. *ꝑꝑ* *præsecare*, pro derivato habet vocem Hebr., quæ *finem* denotat; adeoque *præsecationem finalem* egregie exprimit. Epitheton *justi*, quo Jehova hic insignitur, & unde hæc *liberatio* repetitur, ad *injustitias*, in hostium dominio conspicuas, respicit; & simul nos ad *promissa* populo facta in foedere Sin. ducit. Deus vi *justitiæ* suæ has calamitates populi sui finiret, a. quia *iniquissimam & tyranni-*

tyrannicam innocentium tractationem, qua justus mundi iudex, ferre semper non potest. Vid. Hab. i: 13. *b.* quia cum per promissa Dei populus aliquid *juris* in ea acquisiverat, *justitiae* erat, qua cuique suum tribuitur, populum in eum evehere statum, in quo *promissis* frui poterat.

§. XI. Ex dictis, ni fallor, manifestum est, afflictionem Epiphanicam hic omnino comprehendere, & ut *finitam* sibi; tum quod ad illud usque tempus populus perfecta libertate non fuerit gavitus, sed post Chaldaeos primum Persis, dein Græcis, mox Syris, vel Aegyptiis, subiectus, & varie vexatus, tum quod ante finitam illam calamitatem funes impiorum nequeant dici *amputati finaliter*, post eam omnino, & usitato prophetarum stylo. Ita Jes. LII: 22. *non pergas de eo amplius bibere* Thren. IV: 22. *Iniquitas vestra* (poena ejus) *consummata est, filia Tſionea, non perget te captivam abducere*, Jer. XXX: 8. *non amplius ut servo utentur ipso alieni*. Joel. II: 19. *non tradam vos amplius in praebrum inter gentes*. Am. IX: 5. *Et non diruentur amplius de terra sua*. Zach. IX: 8. & alibi sæpe. Verum quidem est, Judæos postea a Romanis fuisse subjugatos, & plenissime everfos, sed hoc nullo modo obest; quia tunc temporis complementum consecuta erat æconomia Judaica; ad quem finem, & non ultra, extendenda sunt prophetarum ejusmodi *promissa*, de quo sæpe ad Zachariam, si *commentarius* meus in lucem prodierit, disseram, sicut ad Jerem. feci.

§. XII. Hoc cantico epinicio, quod Israeli in ore datum erat, absoluto, poeta resumit sermonem, & finem ac consummationem tyrannicarum oppressionum ex eo confirmat, quod *osores Tſionis*, viribus in posterum destituti, sint decubituri, nullo negotio superandi, vers. 5-8. *Pudore suffusi retrocedent omnes osores Tſionis. Erunt instar herbarum temporum, quae, antequam e culmo emerſerit, exarescit: quaque messor manum suam non replet, nec sinum suum, qui manipulos colligit: quique non dicunt tranſeuntibus benedictionem Jehovae super vobis: benedicimus vobis in nomine Jehovae. h. e.*

Mate.

Materiam gloriationis, quam nunc habet Israel, non minuit, quin adauget, quod adhuc supersint, qui Tſionem lividis oculis intuentur, & hostili erga eam sunt animo: certum enim est, eos, si quid forte moliantur, cum ignominia esse retrocessuros; cum *viribus* sint privandi, & instar graminis testorum subito & sine magno labore exaritari: quam sortem subibunt, quotquot benedictionem Jehovah super Israele non agnoverint, celebraverint, & ei in nomine Jehovah non benedixerint.

§. XIII. Loquitur de *osoribus Tſionis*, quique benedictionem Dei super Israele non pronunciant, quum pertransierint. Hac enim ratione cenſeo orationem cohærere, ut vers. ultimus cum vers. 5 connectatur; & verius intermedii 6 & 7^{mus} subjungantur; quando oratio prono alveo fuit, & facilem fundit sensum; quem cæteroquin difficulter extuderis. Ex nostra opinione textus ita est intelligendus: pudeſcent omnes osores Tſionis, erunt instar foeni testorum; &c: & *qui non dixerint* &c: vel ut *qui non benedixerint vobis* Tſionitæ! & illi erunt *pudore suffusi*, &c. Osores Tſionis sunt tum *impii* & *profani* ex Israele, quorum tunc haud exigua fuit copia, qui Tſionem volebant destructam, & cum gentibus commixtam, tum *vicini populi*, qui Reip. Judaicæ male volebant; & nullam ei nocendi prætermittebant occasionem. Hisce adjunguntur *prætereuntes sine benedictione*; quod animi *invidi* & *hostilis* erat indicium. Significatur enim *a*. tanta & tam clara favoris Dei erga Israelem hoc tempore exſtare indicia; ut in omnium oculos, ad quorum notitiam res Judæorum venirent, sese ingererent, *b*. adeoque eam benedictionem a transeuntibus esse prædicandam & celebrandam; *c*. eos, qui eo officio non sint defuncturi, hostili fore animo erga Tſionem; *d*. denique eos, cum volentes nolentes prosperum illum statum Israelis adſpicere deberent, *pudore* esse suffundendos, & male a Deo Israelis multandos. Cum hoc tempus foret, quo veritatem suam etiam habe-

ret, *benedictio eris, & benedicientibus tibi benedicetur, maledicentibus tibi maledicetur*; quod Abrahamo promissum est Gen. xii. & ad Israelem transfertur Num. xxiv: 9. Ceterum, quod hic præsupponitur, *prætereuntium* hoc fore officium, quo multi etiam defungerentur, &, qui hac parte officio deessent, eos hostilem animum erga Tſionem gerere; illud de temporibus Maccabaicis prædictum est a Prophetis. Jcf. xxv: 3. clare prædixit, Jehovah hoc tempore a *populo valido & civitate gentium fortium esse celebrandum & metuendum*: ut & vers. 7. *velum gentibus impositum respectu religionis Jud. esse abolendum & opprobrium populi Dei auferendum*, vers. 8. adeoque gentes non amplius *maledicturas*, sed contra *benedicturas*. Vid. quoque Ez. xxxvi: 35--. Jerem. vero & Zachar. *poenas* Gentibus infligendas, quæ huic officio deessent, addiderunt, ille cap. xii: 16. *Si didicerint vias populi mei, ut in nomine meo jurent; dicendo, vivit Jehova, sicut docuerunt populum meum jurare in nomine Baal, illi ædificabuntur in medio populi mei; sed si non obedierint, delebo gentem banc*. ubi vid. comment. noster. Zach. xiv: 17. diserte Deus interminatur gentibus, quæ festum Tabernaculorum neglexerint celebrare, *pluvia penuriam*. Eundem plane in modum poeta noster adfirmat, eos, qui terram Israelis sine hac *benedictione* pertransierint, divinum judicium non esse evitatu-ros. Quid emphasios habeat illud *trânseuntes*, docebit Augustus apud Suëtonium, ubi Cajum nepotem laudat, *quod Judæam prætervebens, apud Hierosolymam non supplicaverit*. Plura non addo.

§. XIV. His *osoribus Tſionis*, & qui odii, invidiæ, ac contemptus, ergo populo Dei benedicere recusabant, denunciat poeta *pudorem facierum*, & instans excidium: cum dicit, *pudeſcent & retrocedent; erunt instar herbarum subito exarescentis &c.* Indicatur, a. eos, qui antea insultaverant Judæis, & eorum excidium spe præceperant, nunc, cum eos victores, & periculis superiores, viderent, pudore & igno-

ignominia suffundendos esse, *b.* nec illud tantum, sed & *retrocessuros*, & sese Judæis esse submissuros, utpote ipsis resistendis in pares. *c.* Denique, nisi hostilem animum exuerint, & benedictionem in populum pronunciarint, eos *instar graminis testorum esse exarituos*, seu viribus, flore & prosperitate, destituendos, & in vilem ac miseram conditionem esse redigendos. Emblema desumptum est ab *herba*, seu *gramine viridi* in tectis sponte oriri solito (erant enim *testa* domuum plana, uti notum) sed, cum succo careat & terræ profunditate, ac æstui solis expositum sit, brevi exarescere solito, antequam e *culmo suo emergat*: hæc enim vis est verbi Hebr. *וְהָיָה* hoc in loco, quod hic *intransitive* sumitur pro *emergere*, *evaginari*; antequam se *evaginet*, vel *evaginetur*, est, antequam e vaginulis suis sese evolvat, & succrescat. Additur, *messorem* ea herba manum suam non implere, nec sinum suum *collectorem* manipulorum, vers. 7. quo innuitur. *a.* nihil causæ esse, quare demeteretur & colligatur, cum jam, antequam ad messem apta sit, exaruerit. *b.* nihil inde *utilitatis* redundare ad *messorem*; cum sit herba immatura & flaccida. *c.* Nullo labore eam demeti posse, cum nihil habeat resistentiæ, quippe *culmo* carens; adeoque nec manum messoris, nec sinum collectoris implens. Quem conspectum hoc emblema præfert Jes. xxxvii: 27. *Ideo incolæ earum* (sc. urbium, quas Deus Senacheribo tradiderat vastandas) *breves habuerunt manus, consternati fuerunt & pudore suffusi: effecti sunt ut herba agri, ut herba tenera viridis, ut gramen testorum, & ut seges tacta uredine, antequam excreverit in culmum*, h. e. incolæ fuerunt *viribus orbi*, & nulla polluerunt vi resistendi.


§. XV. Hinc facile elucet, quo collineat hoc emblema, five ad ipsos hostes, five ad molimina eorum contra Israellem referas. *a.* Moliminum hostilium respectu si emblema capias, sensus erit, hostes, si quid contra Israellem tentaturi sint, tantum abesse, ut prosperum sint habituri

.....

Ccc 3

succes-

successum, ut, contra, licet vana spe se lactent, & aliquam speciem præferant, instar graminis tectorum sint sine magno labore repellendi, & devincendi, absque ut quid efficiant, & aliud ac pudorem facierum inde reportent; molimina ergo in nihilum recident, & nihil utilitatis adferent, exaritura instar graminis tectorum &c. *b.* Ad ipsos *hostes* si attendas, sensus erit, eos 1. esse *debilitandos*, viribus & opibus privandos, ita ut nihil, vel parum, in ipsis supersit vigoris & resistentiæ. 2. eos sine multo labore esse subigendos. 3. nec longo tempore ad id opus esse, sed *subito* futurum. 4. Statum ipsorum fore *abjectum* & *contumeliosum*, adeo ut nemo illos sibi vindicare velit, nemo in eo aliquid operis ponere; haud secus ac germini tectorum arefacto contigit, quo nec messor nec collector manum impleat, utpote nullius usus.



PSALM.



P S A L M. CXXX.

1. *Canticum adscensionum. Ex profundis inclamavi te, Jehova!*
2. *Domine! exaudi vocem meam, sint aures tuæ adtentæ ad vocem supplicationum mearum.*
3. *Si iniquitates retinueris, Fab! Domine! quis consistet?*
4. *Quia tecum est condonatio, ut timearis.*
5. *Exspectavi Jehovam, expectavit anima mea, promisso ejus tenacissime adfixus sum.*
6. *Anima mea Dominum, plusquam vigiles matutinum, vigiles matutinum, observant.*
7. *Exspecta, Israel! Jehovam, quia apud Jehovam benignitas, & multiplex redemptio.*
8. *Et ipse redimet Israellem ab omnibus iniquitatibus ejus.*

P R O L E G O M E N A.

§. I.

AUctor cantici, quisquis sit, quod plane incertum est, preces suas e profundis factas a Deo tandem exaudiri petit, ejusque exauditionis brevij faciendæ spem sese fovere certissimam declarat, quia fieri non possit, ut Jehova peccatorum semper sit memor, sed aliter fieri nequeat, quin ea, propter quæ in profundis versabatur, ipse & populus Israel, condonet. Qua spe erectus, sese animo com-

posito

posito Deum exspectare, & promissis ejus tenacissime fide-
re; & majore quoque desiderio ac fiducia auroram libera-
tionis exspectare, quam vigiles nocturnos mane, testifica-
tur. Imo totum populum mox ad eandem exspectationem
excitat, & de favore Dei ac redemptione sua quam certissi-
mum reddit; quia apud Deum est multiplex redemptio.

§. II. Persona, ut ejus statum, & ita cantici argumentum,
paulo plenius enarrem, hic occurrit, *a.* quo ad statum
externum, posita 1. in profundis *calamitatibus*; vers. 1.
2. ortis ex *peccatis* gravissimis, quæ Deus his poenis ulcisce-
batur, vers. 3, 4. 3. quas ipsa cum toto populo Israele
habebat communes, vers. 7, 8. *b.* Quod ad *statum* inter-
num adinet, persona hic repræsentatur tanquam, 1. malo-
rum & peccatorum sensu vividissime tacta, 2. quæ Deum
jam aliquandiu supplicaverat, vers. 1. & nunc supplicio-
rum exauditionem orabat, vers. 2. 3. hoc tempore lucu-
lentam spem conceperat, fore, ut Deus peccata, malorum
causas, condonaret; 4. quare hac spe animata suam proximæ
liberationis exspectationem exponit, & Israellem ad ean-
dem spem & exspectationem adhortatur, eum de instantē
liberatione & remissione peccatorum certiolem reddens,
vers. 5. fin.

§. III. Hinc *partes* cantici facile elucet. Cum enim
precum exauditionem inplet, & se de peccatorum re-
missione certum esse testetur, eoque fundamento & ipse
exspectet redemptionem, & populum ad eandem exspectatio-
nem excitet; canticum sese sponte sua in quatuor partes
scindit. I. In *prima* preces a Deo exaudiri orat, vers. 1,
2. II. In *secunda* se de *peccatorum remissione* esse certum
declarat, vers. 3, 4. III. *Tertia* continet exspectationem
redemptionis, vers. 5, 6. IV. *Quarta* denique exhortatio-
nem Israelis ad eandem spem & exspectationem, vers. 7, 8.

A N A C R I S I S.

§. IV. Interpretes circa duo quæsitæ scinduntur in partes; alterum est de *argumento* cantici, vel statu personæ loquentis: alterum de *tempore*, cui hæc ode convenit. 1. Prius quæsitum habet, num *spiritualis*-an *corporea* & *externa* sit calamitas, in qua hæc persona fuerit versata. Sunt, quæ est vulgatio sententia, qui sibi hic ob oculos ponunt gravem aliquem peccatorem poenitentem, & vivido peccatorum & reatus sensu adfectum, & propterea prostratum; qui a Deo remissionem peccatorum ex sola Dei gratia petit, & ejus sensum a Deo patienter expectat. Alii externam calamitatem, sed ex peccato graviore ortam, intelligunt, cujus liberatio a remissione peccatorum dependebat. Quod ad nos attinet, etsi res aliquomodo dubia videri, & in utramque partem disputari, queat: posterior tamen opinio sese mihi magis adprobat. 1. Quia phrasis *ex profundis*, & vero suo significato, & usu, nos ad externa mala, quibus quis fere obruitur, potius ducit, quam ad *profundum* peccatorum *sensum*: de quo mox. Quia animum non præfert in hac ode contritum, & dejectum, sed erectum ac spei plenum, & de proxima liberatione certum: ergo *profunda* ad animum non possunt referri; nisi quis velit, personam jam fuisse *profundis* ereptam; quod a toto cantico abhorret. 3. Quia eandem conditionem cum toto Israele habebat communem; ut ex fin. liquet: quod cum hypothesi, quam oppugno, nullo modo consistere potest; uti in omnium oculos occurrit.

§. V. Quod ad *alterum* quæsitum adinet; 1. Sunt, qui lugentes Iſionis paulo ante Messiae adventum hic in scenam produci opinantur, tanquam calamitates sui temporis, in depravatione doctrinæ & morum sitas, deplorantes, & redemptionem spiritualem per Messiam expectantes. Sed a, talia hic intelligi videntur mala, in quæ ob peccata in-

Ddd

ciderat

ciderat populus, & quorum duratio a peccatorum retentione dependebat: uti ex vers. 3 & 4. patet. *b.* Populus hic occurrit tanquam *Dei timens*, & a peccatis, quæ tanta mala pepererant, alienus, adeoque in eo statu positus, ut *redemptionem & remissionem* peccatorum expectare, & sibi promittere possit. Huc enim ducimur, quod hinc ratio remissionis petatur, vers. 4. quodque nulla *resipiscentiæ* fiat mentio, quæ omitti non poterat, si populus esset adeo corruptus, & de redemptione Messiae, quæ eam habet conditionem, ageretur, argumento, populum in statu *resipiscentiæ* versari; denique quod de *Israele* in genere sine ulla restrictione agatur, cui redemptio spiritualis non convenit.

§. VI. 2. Nos itaque, missis aliis, qui de Davide, graviore reatu obstricto, cogitant, quod nullo nititur fundamento, maxime probabile censemus, oden ab aliquo Propheta, sive sit Habakuk, Daniel, aut alius ejus temporis, esse compositam in exilio Babylonico, & quidem cum illud ad finem vergeret, & eo tendere hoc canticum, ut piorum expectatio, remissionis peccatorum & instantis redemptionis, in publicam lucem ederetur. In hanc hypothesis omnia criteria conveniunt. Mala erant gravia, universo Israeli communia, ob sola peccata ipsi inflicta. Populus per exilium ad saniores mentes redactus erat, & Jehovam, repudiatis idolis, ceperat revereri; adeoque in eo erat statu, ut promissam redemptionem sibi polliceri posset. Denique fuerunt eo tempore, qui continuas pro illa liberatione fuderunt preces, quique tandem & ipsi spe fuerunt corroborati, & populo eandem fecerunt. Ex quibus non nisi duos memorabo; quia de illis id omne, quod dixi, & in hanc oden perfecte quadrat, constat, *Danielem* puta & *Habakukum*. Illius oratio Dan. ix. huic cantico adeo similis est, ut nequeat esse similior. *Hunc*, quem eodem vixisse exilio omnino existimem, haud dissimiles preces fuisse, & quod not., in specula quasi constituisse, ad expectandum Dei responsum, illudque impetrasse,

trasse, & de proxima liberatione certiore fuisse factum, quemadmodum Daniele, ex toto libro elucescit.

E X P L I C A T I O.

§. VII. *Prima cantici pars, quæ precum exauditionem supplicat, ita sonat, vers. 1, 2. Ex profundis inclamavi te, Jehova! Domine! exaudi vocem meam; sint aures tuæ intentæ ad vocem supplicationum mearum.* h. e. Sæpe te inclamavi, Deus verax, & gratiæ plenus, tuamque opem & auxilium imploravi ad populum liberandum, & ex profundo hoc miseriorum barathro, in quo cum toto Israele versor, eruendum. Nunc tandem, Domine! cujus nos sumus peculium, & quem solum agnoscimus & colimus Deum & Dominum, nunc tandem aures ad has meas, & populi, preces adverte; easque exaudias, & a Te exaudiri demonstras: quod cum aliqua fiducia a Te supplico, cum tempus liberationis esse ante fores mihi sentire videor. Pericopa complectitur petitionem precum præteritarum, sæpe fusarum, & tacite involvit *fiduciam* precantis; quemadmodum ex nexu cum seq. colligi potest. Nexus enim hac ratione est instituendus, ac si legeretur. Exaudias, Domine! preces meas, quas pro Israele fundo, idque fidenter oro; exaudies, scio & confido; fieri enim non potest, ut tu peccata in perpetuum retineas, ne condones timen- tibus tui; cum huc collineat condonatio, ut Tui timor & reverentia in omnium animos sese insinuet: de quo mox. Hac ratione prono fluit alveo oratio, cæteroquin abrupta, & intricatior.

§. VIII. Declarat itaque poeta, sese *Jehovam e profundis inclamasse*, & nunc cum fiducia petit, ut *Deus exaudiat*. Prius pertinet ad tempus præteritum; ut ex verbo *clama- vi* patet, & ex eo confirmatur, quod nulla hic memore- tur precum *materia*, quæ sequi debuisset, si prologus hic

exfaret precum præfentium. Refpicitur itaque ad preces, fæpe & continuo a piis fufas pro populo in mediis *calamitatibus*: quarum argumentum, ut fatis notum, præmittitur; & ex voce *profundorum* facile colligitur, qua ftatus exprimitur, in quo pofitus cum populo preces emiferat pro eo. Vox *מְפֹרָשׁ* in aliis locis, in quibus reperitur, cum *aquis* conjungitur, ut Pf. Lxix: 3, 15. Jef. Li: 10. nec forte inepte quis conjectaverit, *מְפֹרָשׁ* effe contracte pro *מִן מַעְמָק*, vel potius *מִן מְפֹרָשׁ* uti Jef. Li. duabus vocibus in unam conflatis. *Profunda*, metaphora a profundo aquarum petita, ftatum expingunt depreffum, periculofum, & malorum molè oppreffum, &, fi premere velis, in medio populorum hoftilium, quo quis ab hoftibus undequaque cinctus fub eorum dominio jacet gemebundus. Aquæ & *malorum* quorumvis, quæ exitium adferunt, & *populorum* hoftilium, alios inundantium, & opprimentium, gerunt emblemata, ut nemini non notum eft. Hoc in ftatu, in quo populus fuit tempore exilii Babylonici, in medio populorum hoftilium, qui eos detinebant oppreffos, & quali abforptos, hoc inquam in ftatu miferorum adflicto, & exitiali, *clamaverat*, ut alter Jonas, in corde maris, voces emiferat claras, fed querulas, & opem implorantes; clamaverat ad *Jehovam*, feu Deum fuum: nam hoc nomen eft Deo, tanquam Deo Israelis, proprium; Deum ergo *foederatum*, fed vi ejusdem nominis *veracem* & *fidelem* in promiffis præftandis; quæ de gratia ejus teftantur & favore erga populum fuum. Unde patet, quam apte hoc nomine hic infignitur Deus.

§. IX. Has preces ut Jehova nunc tandem exaudiat, fupplicat cum aliqua fiducia, verf. 2. *Domine! exaudi vocem meam: fint aures tue intentæ ad vocem supplicationum mearum.* h. e. ftridulos meos fonos, ex tenerrimo meo adfetu editos, eoque tendentes, ut ad commiferationem, & gratiam nobis faciendam, commovearis. Quæ omnia comprehendit vox Hebr. *וּמִן אֲמִתּוֹ* ambitu fuo. Verbum eft *וּמִן*

מִן אֲמִתּוֹ

αὐτοπροκείμενον, a stridulo gutturis sono fictum, eo in specie quem animantia edunt, ad tenerrimum adfectum erga foetus exprimendum. Unde ad gratiam & misericordiam translatus est. Continet itaque, 1. argutum & flebilem sonum ex gutture editum, ut Ps. xxviii: 2. 2. intimi adfectus indicium, quo ferebatur in populum, ejusque redemptionem. 3. eo scopo, ut similem adfectum in Deo excitaret. Quo ipso indicat *a.* Deum ejus esse naturæ, & eas esse inter ipsum & populum relationes, ut similis adfectus, sed θεοπροπῶς, expectari possit ab eo erga populum. *b.* Opus esse Dei *gratia & misericordia*, si preces sit exauditus: cum a peccatorum *remissione*, quæ gratuita est, redemptio populi dependeat. Ceterum, cum petat, ut Deus *audiat*, & *aures* ejus *intente* ac aperte sint, humano more de Deo loquitur; nihilque aliud intendit, ac ut Deus, quò ad hoc usque tempus sese quasi *iratum* & a populo aversum demonstraverat, ac si *aures* ejus essent obstructæ, nunc ipso facto ostendat, se populo bene velle, & clamores ejus sibi esse gratos & acceptos; adeoque nunc tandem opem ferat, & populo gratiam faciat. Quæ latius exsequi, nihil adinet: tantum de titulo *Domini* uno verbo. *Domine!* cum dicit, *exaudi vocem* meam; indicat, *a.* Deo esse supremum in se jus & dominium, adeoque se *submisisse* ea petere, *b.* esse tamen se Dei peculium & populum, adeoque cum fiducia supplicare.

§. X. Hujus *fiduciæ* mox edit confessionem, & ejus fundamenta tradit, vers. 3, 4. *Si iniquitates retinueris* *Jab!* *Domine: quis consistet? quia Tecum est condonatio, ut timearis*, h. e. Fiducia mea, qua precum exauditionem exspecto, in eo fundata est, quod fieri nequeat, salva decencia, & scopo creationis, ut peccata hominum continua serves memoria, & perpetuis persequaris poenis; hoc enim si feceris, quomodo eris *π*, Deus *decentissimus & pulcherrimus*? & qua ratione homines tunc statum suum tuebuntur, inque Tui cultu erunt constantes? hæc cum fieri ne-

queant; certus sum, & te esse ad condonandum pronum, & condonaturum nobis peccata; cum condonationis finis sit cultus & observantia tui: quem finem cum in nobis adsequeris; utique nobis poenitentibus, & gratiam tuam ambientibus, iniquitates non amplius imputabis, sed condonabis, & pristini tui favoris restitues indicia & effecta.

§. XI. Duo sunt pericopæ membra, alterum *negans*, alterum *adfirmans*. Prius per interrogationis modum est expressum, & fortissime negat; quæ interrogationis notissima est potestas. Sed interrogatio, vel *una* hic constitui potest, vel possunt *duæ*. Una vulgo admittitur secundum datam versionem; quæ hunc fundit sensum. Si Te peccata perpetuo ad animum revocare deceret, utique actum foret cum toto genere humano; quod cum fieri nequeat, salvis tuis virtutibus, salvo scopo creationis; quam certissimum est, te peccata retenturum non esse. Sed forte rectius, utique elegantius & majore cum orationis emphasi, *duas* distinguimus interrogationes, *an tu retinebis iniquitates, Jah? Domine quis consistet?* Qua ratione tum potestas nominis *n* servatur, tum apte nomina *n* *Jah* & *Domine* dividuntur, ut fecerunt Masorethæ. Versus itaque *gtius* duas habet partes, quarum utraque rationem continet, quare Deus retinere nequeat peccata: *prior* provocat ad *decentiam* Dei, *posterior* ad *scopum* Dei in homine creando.

§. XII. Prior pars, quæ habet, *tunc iniquitates retinebis, n?* rationem, quare id fieri nequeat, fundat in *decentia*, seu *pulchritudine* Dei, quam nomen *n* exprimit; ut probabile est, & vulgo censetur *a*. *Decentia* Dei sita est in harmonia & concentu virtutum & perfectionum; ita ut nulla sit virtus, qua Deus careat, nec virtutum alia aliam lædat aut obscuret. Sicut itaque *sanctus* & *justus*, ita & *bonus* & *clemens* est; adeoque ut se justum peccatorum vindicem, sic & *clementem* eorum condonatorem præstet, necesse est; imo,

a Vid. ad Pf. Lxviii: 5.

imo, si salva sanctitate fieri queat, *clementiam* exercere Deo quammaxime convenit. Ex quo colligendum videtur; Deum non esse ejus naturæ, ut *peccata simpliciter retineat*. h. e. animum ulciscendi nunquam deponat, semper puniat peccata, & poenas perpetuo infligat, de quo mox. Adjungamus *alteram* mox rationem, a scopo creationis petitam; *Domine! quis consistet?* h. e. sicut *decentia* tua non permittit, ut retineas peccata; ita nec relatio tua ad homines, quorum creator & Dominus es: excideres enim scopo creationis, & nullos haberes in mundo cultores: nemo enim *consisteret*, seu statum suum tueretur, in vita maneret, & tibi serviret; nomenque tuum celebraret; quod dicitur, *stare coram Domino*; & mox per *revereri* Jehovah explicatur. Quare nulla ratio est amplitudinem verbi, *consistere*, restringendi. Ceterum hypothesi dicti est, totum genus humanum esse corruptum, & sub reatu; ut Ps. cxliii. *nullum vivum erit justum coram ipso*. Ratio vero, ob quam *retentio peccatorum* possibilis non est, petita est ab eo, quod fieri nequeat, ut nullus hominum consistat, ut omnes pereant, mox excendantur, adeoque nullus sit Dei cultor, nullus, qui ejus favore beetur. Ratio est, quia Deus *terram frustra non condidit, sed ut inhabitaretur ab hominibus, Dei reverentibus* Jes. xlv: 18. Ps. lxxxix: 48. Quo scopo excideret, si peccata retineret, & nec toleraret peccatores, nec iis ignosceret. Deinde, cum experientia doceat; homines consistere, non mox excindi; quod fieri deberet, si Deus summo semper rigore uteretur: hinc facile elucet, Deo non esse propositum, *peccata retinere*.

§. XIII. Quod mox directe adfirmat, cum subjungit, *apud Deum esse condonationem, ut timeatur*. Vocula *quia* hic potestate pollet adseverandi, & recte vertitur, *utique, profectio*, ut sæpe alias: negationi enim recte adnectitur adfirmatio contraria. Phrasis, *apud Te est condonatio*, et si simpliciter dicat, Deo esse talem animum, tale propositum, quod hic sufficit; attamen, quod hic addi potest, *simul*

simul innuitur, *causam* condonationis esse apud Deum, scilicet *mediatorem & reconciliatorem*; qui Deum placare & peccatoribus reconciliare potest; quam placandi vim vox Hebr. comprehendit. Sed quid sibi vult illud, ut *timearis*? putem *rationem* indicari, quare Deus condonet, nec non *finem* condonationis, quo sponte sua tendit; & præterea insinuari, se in eo esse statu, ut condonationem sibi promittere queat, quia Deum *reveretur*; adeoque in se habere & *rationem*, & *finem condonationis*: acsi diceret: cum tu propterea remittas, & eum in finem, ut peccatores tui ducantur *reverentia*; egoque in me illum adfectum deprehendam; utique mihi polliceri queo hoc bonum. Ceterum, eam esse rationem, quæ Deum ad condonandum movet, & eo collineare ipsam remissionem peccatorum, sponte sua elucet; modo, quid sit *timere Deum*, intelligatur. Eo non indicatur horror, & metus, quippe quem non clementia, sed severitas producit; sed *reverentia* cum amore conjuncta, & ex eo orta; qua quis Deum, tam clementem & benignum, offendere veretur; sed contra ejus favore se dignum præstat; gratum animum testificando, & Deum amando ac colendo. Hoc Deum ad ignoscendum movere aptum natum est, tum quod Deum *deceat* propterea condonare, tum quod sine hac clementia *scopum*, propter quem hominem creavit, adsequi non potest. Huc sponte sua tendit *condonatio*, hunc producit effectum, quod ea ingens sit beneficium, quodque solius Dei sit condonare; adeoque ipse merito *timendus* est, qui peccatorem *servare* potest & *perdere* &c.

§. XIV. Posteaquam Divinus cantici auctor preces suas, suorumque sociorum in exilio Babylonico sæpe pro liberatione populi suas, tandem exaudiri a Deo supplicasset, fiduciamque suam, qua peccatorum remissionem, unde ea liberatio pendeat, sibi promittebat, explicuisset, ejusque fundamenta monstrasset, quæ summa erat superioris cantici partis: nunc certissimam liberationis spem, quam
conce-

conceperat, clare & emphatice exprimit, totumque populum ad eandem spem & expectationem excitat, eique redemptionem & remissionem peccatorum promittit. Quæ summa est *quatuor* ultimorum versuum, quorum duæ sunt partes, *altera* expectationis ipsius poetæ testificationem continet, vers. 5, 6. *altera* adhortationem Israelis ad hanc ipsam expectationem, vers. 7, 8.

§. XV. Expectationem suam, eamque fundatissimam, his verbis depingit poeta, vers. 5, 6. *Expectavi Jehovah, expectavit anima mea; promisso ejus tenacissime adfixus sum. Anima mea Dominum plusquam vigiles matutinum, vigiles matutinum observant.* h. e. Precum, a Jehova exaudiendum, & peccatorum remittendorum, tantam concepi fiduciam, ut coram universo populo in hæc verba haud verear erumpere. Expectavi, & exspecto Jehovah, Deum veracem & misericordem, servatorem & redemptorem nostrum; idque facio animitus intento cum desiderio, & summa fiducia, innixus verbo & promisso ejus quam firmissime; ita ut, comparatione cum vigilibus nocturnis instituta, Jehovah majore desiderio & certitudine præstoler, ut matutinum liberationis tempus nobis adlucescere faciat, quam solent aut possunt vigiles *mane, imo vigiles mane.*

§. XVI. Antea Deum fuerat adlocutus, nunc sermonem flectit ad Israelem, utique de Deo in tertia persona loquitur, & mox ad Israelem sese vertit. Ratio mutatae personæ in eo est sita, quod quanta cum fiducia liberationem exspectet in publicum proferre hoc cantico intendat. Fiduciæ cum major adseveratio dari nequeat, quam cum quis eam coram ipso Deo confitetur, hinc est, quod supra Deum sit adlocutus. Expectationem suam exponit, *a.* respectu objecti. *b.* fundamenti & modi. *a.* Id quod exspectabat partim nomine *Jehovæ & Domini*, partim emblemate *matutini* temporis ob oculos ponit. *Jehovam* cum se exspectare dicit, indicat, 1. se a vero Deo Israelis, & supremo omnium Domino, aliquid sibi promittere, quod

nomine illo dignum erat. 2. se ipsum illum, ut servatorem & liberatorem suum, praestolari: ut Jes. xxy: 9. *ecce Deum nostrum: hic est, quem expectavimus, ipse servabit nos.* Sed ut materia expectationis vividius & elegantius exprimeretur, adhibet notum illud emblemam *temporis maturini*; quo liberatio ab exilio passim depingi solebat. Sicut enim *nox*, ad populum & civitatem relata, ejus destructionem, ita *dies* ejus statum prosperum, & mane per consequens ejus *instaurationem* denotat. Unus hic sufficit Jes. xxi: 11, 12. locus, qui in rem nostram est egregius. *Est, qui ad me clamat ex Seir. Custos quid de nocte, custos quid de nocte? respondit custos; venit mane & etiam nox.* h. e. Judæis, qui una cum Idumæis erant in exilio, adfuit liberationis & lætitiæ *dies*; sed Idumæis, a quibus hæc interrogatio fingeatur oriri, adhuc eadem destructionis nox incubat. Hoc mane Judæis exoriturum, quin poeta in oculis habuerit, cum emblemate vigilis nocturni utitur, vix dubitari potest; erat enim illud hæc in re usitatum, & præter modo citatum locum sunt plura alia similia, ut Jes. xlv: 7. Tisph. i: 15. Am. v: 18. Jes. xv: 9. sed est & alius Jes. locus, qui forte huc quoque pertinet, c. viii: 20. *ad legem & statutum, nisi secundum hoc verbum loquatur, non erit ipsi aurora: qui tamen sublimiorem etiam habet intellectum.*

§. XVII. b. Fundamentum expectationis jacet in phrasi, verbo ejus tenaciter adhærep. h. e. promisso ejus, ut Ps. lvi: 5, 11. *in Jehova verbum laudavi, Deo confidi, cxix: 49. memento verbi ad servum tuum, in quo me sperare fecisti; & ibi sæpe, denique, Ps. cxlvii: 19. Verba sua notificat Jehobo, statuta & judicia sua Israeli, seu promissa & præcepta: quo sensu Ap. dicit *verba oracula Dei* fuisse Israeli commissa. Respicitur hic ad liberationis promissum, sæpe a Prophetis Israeli nomine Dei factum; quod ubique recurrit apud Prophetas: cui Daniel innixus preces fuderat pro redemptione populi ab exilio, Dan. ix. Hoc verbum erat certissimum*

tissimum fiduciæ & expectationis fundamentum, quia erat promissum *Jehova & Domini*, seu veracis & omnipotentis Dei & domini totius terræ, cui nec potentia nec fides deerat ad promissa implenda.

§. XVIII. c. Sequitur *modus* expectationis, quem phrasēs vers. 5. exprimunt, & emblemata vers. 6. expingit: cuncta in firmissimam & intensissimam expectationem exeunt. Huc 1. tendit *διπλοῦν duplicatio* illa, & vers. 5. *expecto, expectat anima mea*, & vers. 6. *præ observantibus mane, observantibus mane*: quæ duplicationes, satis frequentes apud sacros & exoticos scriptores, magnam habent emphasin, uti nemini non constat: nec sine emphasi additur, vers. 5. *expectat anima mea*, h. e. animus, vehemente desiderio & tota anima mea. 2. Eodem collineant verba *expectare*, quæ duo adhibentur, vers. 5., quorum prius *ἵπ* est, *recta linea* petere, animo in scopum defixo recta expectare & contendere; continet enim *linea recta* intellectum: posterius *ἵπ* vi originis continet *patientem* & diu *protractam* expectationem: radix enim proprie dicit, *incidit in lutum*, vel terram molliorem, ibique luctans moras trahit, & patientiam exercuit, unde transit ad expectationem patientem, & multa lentitudine præditam: occurrit hic in Hiph. & verti potest, *lentavi moras ad verbum tuum*, seu ad promissum tuum patienter expectavi, verbo tuo tenacissime affixus. Præsupponitur liberatio jam diu protracta, duraverat enim exilium jam fere 70 annos, dein involvit patientiam, & intensissimum desiderium, nulla mora frangendum, adeoque summam fiduciam verbo Dei innixam.

§. XIX. 3. Eandem fundit sententiam, vers. 6. *anima mea ad Dominum præ observantibus mane*. Phrasēs sunt ellipticæ; ex verbo *observare* facile supplendæ; integra oratio ita haberet: *anima mea Dominum observat, plusquam qui mane observat*, sc. vigilēs nocturni, qui matutinum: tempus summo cum desiderio, & patienter donec alluceat, opperiantur. Coccejus, ut. duplicationem videt.

reddit, præ *excubitoribus matutinis observantibus matutinum*, eosque hic intelligit excubitores, qui ultimæ sunt vigiliæ, cum *aurora* haud procul est. Quod licet in mentem nostram egregie quadraret, qui canticum censemus compositum sub finem exilii, cum vigiles jam ad ultimam venissent *vigiliam*, subscribere tamen non ausim, quod phrasis Hebr. non permittat, & *duplicatio* hic emphasios causa capetur: accedit, versu præced. patientem & diu protractam expectationem fuisse indicatam. Comparatio itaque instituitur inter pios exules, qui diu & patienter in animo & oculis habuerant promissam liberationem, & jam proxime ab ea abesse videbantur, & inter vigiles nocturnos, qui mane opperiantur, ut a molesta statione dimittantur: sed ita instituitur, ut hos ab illis in eo vinci indicetur; dicit enim poeta, se plusquam vigiles expectare; h. e. majore desiderio, fiducia, & patientia. Hæ cum sint *vigilum* & *excubitorum* notæ adfectiones, eas in primis adtendi existimaverim; ita tamen, ut comparatio præterea involvat similem vigilum & Judæorum statum in exilio respectu præsentis status servitutis & miseriæ, quem *nox* expingit, & *futuri* status instaurationis reip. & sacrorum, cujus emblema est *aurora* & *mane*; quemadmodum supra observavi. Ceterum negligendum non erat, Habak. c. II. eam *vigilis* & *excubitoris* personam sibi aptare; quod huc egregie quadrat, cum ipse hoc eodem tempore exilii vixerit; ut equidem opinor.

§. XX. Hunc animum, fiduciæ & patientiæ plenum, cum eo scopo publice profiteretur, ut suo exemplo reliquis civibus animum adderet: hinc apte sermonem ad Israël vertit, eumque ad similes adfectiones excitat, vers. 7, 8. *Exspecta, Israel, Jehovaham, quia apud Jehovaham benignitas, & multiplex redemptio. Et ipse redimet Israellem ab omnibus iniquitatibus ejus.* h. e. Meo exemplo excitatus Tu, o Israel! ne animum despondeas, ne liberationem nostram in dubium voces, aut Dei potentiæ ac voluntati diffidas;
e con-

ē contra animum sumas, & Deum liberatorem fidenter expectes: ipse enim sicut studio benefaciendi flagrat, ita facile liberare potest; cum mille sint ipsi modi nos his malis extrahendi, imo confidas eo plenius, quod ipse sit ille Deus, qui Israelē sicut ab his peccatis, quæ tanta mala nobis pepererunt, ita suo tempore ab *omnibus iniquitatibus* redempturus est. Verba sunt ipsius poetæ, & ad universum populum, sed in primis pios Dei veri cultores, diriguntur. Sunt qui hæc verba a choro quodam per modum *diversitas* ad ipsam illam personam, quæ superiorem edidit confessionem, directā pronunciari, vel pronunciata censerī, volunt: sed 1. eo perversa illos compulit opinio de subjecto & tempore cantici; acsi anima sensu peccatorum adfecta, & consolationem anhelans, hic introduceretur, quam hæc verba consolarentur, quod supra refutavi. 2. Longe facilius & aptius statuitur, personam eundem animum, quem ipse spirabat, toti populo inspirare velle. 3. Valde incommode nomen *Israelis* ei aptatur; cum illud nos ad populum in genere ducat. 4. Denique persona loquens in hoc cantico plena erat fiduciæ, & de se falsa erat, se expectare *Jehovam*; adeoque minus recte ad eum præstolandum excitaretur.

§. XXI. Verba continent 1. officium, ad quod Israelē adhortatur poeta, 2. rationem moventem, seu fiduciæ & expectationis fundamentum. 1. Adhortatio pro argumento habet *patientem expectationem Jehovæ; tenaciter Jehovam præstolare, o Israel.* sc. Jehovam Deum veracem, qui dictis semper fidem præstat, Deum benignum & *servatorem ac liberatorem.* Ceterum, cum ex supra dictis omnia hic sint facilia, illud tantum observabo, non sine ratione nomen *Israelis* hic adhiberi: quippe quod eo tendit, ut populus, vi *nominis* illius se ad patientem & tenacem præstolationem esse obligatum, crederet. Jacobus enim hoc nomine fuit insignitus, cum *luctatus* fuisset cum Deo, suæque fidei ac spei luculentissimum dedisset specimen; nec non

beneficentiam inpetraſſet. Hunc patrem ut ea in re imite-
tur populus, hoc titulo teſte inſinuat.


§. XXII. 2. Ratio movens *a*. proponitur verſ. 7. *b*. no-
va instantia urgetur verſ. 8. *a*. Propomitur his verbis:
quia apud Jehovaham eſt benignitas, & multivaria apud ipſum
redemptio. h. e. & voluntas & potentia populum a quibus-
vis malis vario modo liberandi. Voluntatem exprimit vox
benignitatis, quæ vera ſua emphati ſignat enixum ſtudium
largiſſime *benefaciendi*; metaphora ducta ab *ubere*, cujus
lac continuo confluit & manat, uti primigenia vocis pote-
ſtas indicat. Cum autem dicitur, eſſe *apud Jehovaham*, indi-
catur, Jehovaham & ejus eſſe naturæ, & hanc habere *volunta-*
tem, hoc propoſitum, gratiam & benevolentiam exercendi.
Additur, & *multiplex apud ipſam redemptio*, ſeu liberatio
copioſa & varia, quam populo ſuo multis vicibus olim præ-
ſtitit, & nunc præſtare poteſt, nec uno ſed *vario modo*.
Multiplex enim dicitur redemptio, tum quod multis vicibus
ſuerit demonſtrata, tum *variis modis & viis* effici queat.
Sed cum *redemptionis* vocabulum comprehendere ſoleat li-
berationem ex quacunque ſervitute interveniente & ſoluto
pretio, quod *λυτρον* adpellatur, adeoque idem fere dicat,
ac Gr. *λύτρωσις* & *ἀπολύτρωσις*; interpretibus nonnullis anſa
data eſt, de ſpirituſuali redemptione Meſſiæ cogitandi, & can-
ticum ad eam transferendi, ſed ſine ratione ſolida, cum
& Aegyptiaca liberatio hoc nomine veniat, Ex. viii: 19.
Deut. ix: 26. Mich. vi: 4. nec non *Babylonica* Jer. xxxi:
xi. Hoſ. xiii: 14. ita etiam de ſua liberatione ab omni an-
guſtia adhibet David, 2 Sam. iv: 9. An itaque *pretii* no-
tionem hic perdit verbum redimendi? poſſit quidem hoc
ſtatui, ſalva verbi poteſtate originaria; cum ea ſita ſit in
vi erumpendo, unde ad liberationem captivi tranſiit, *ruptis*
catenis, *a* & *intervallum* eſt Ex. viii: 19. ubi *ruptura*
in re continua exiſtit. Sed non neceſſe eſt, eo devenia-
mus; tum quod inſigniores populi Dei liberationes, quæ
ſedem.

2 Vid. ad Pf. xxxiv: 23.

redemptionem Aegyptiacam secutæ sunt, ejus sint *consequen-*
tia, & ab ea ut fonte & prima causa derivandæ; illa vero
 pretio sanguinis agni typico est effecta; tum etiam quod
 beneficium redemptionis Messæ, suo tempore represen-
 tandum, considerari soleat tanquam fundamentum, causa
 & scopus, omnium liberationum Ecclesiæ præcedentium,
 ut ex multis indiciis constat. vid. Jes. i: 27. vii: 14. quare
 liberationes Babyl., Epiph. & Messæ sæpe conjunguntur,
 etiam eadem phrasi involvuntur, ut Hof. xiii. Redemptio-
 nis itaque Aegyptiacæ & Messæ respectu quævis aliæ eo-
 dem nomine & verbo quam aptissime insigniuntur.

§. XXIII. b. Accedit, *instantiam* rationis moventis, mo-
 do memoratæ, nos ad spirituales Messæ redemptionem
 manifeste ducere, vers. 8. *Et ipse redimet Israel* ab om-
 nibus iniquitatibus ejus, sc. non illa tantum condonabit pec-
 cata, quæ mala illa produxerant, & propter quæ tam diu
 duraverant, quem sensum primo intellectum, tantum ab
 est ut exclusum velim; ut ex vers. 3, 4. facile elucet: sed
 & suo tempore plenissimam redemptionem ab omnibus pec-
 catis efficiet, universo populo offeret, & vero Israeli reap-
 se adferet: ipse enim *populum suum servabit ab omnibus pec-*
catis; ut de Jesu Christo discrete dicit Angelus, rationem
 nominis Jesu reddens Matth. i. Ad hanc redemptionem
 quare poetam ultimo respexisse censeam, hæ mihi sunt
 rationes. 1. Quia nexus orationis sibi hac ratione egregie
 constat. Dixerat, apud Jehovam esse *multam redemptionem*;
 subjungit, ut id confirmet, & *ipse redimet*; quid facilius
 hac paraphrasi: quod adfirmavi de multiplici redemptione
 apud Jehovam, nemini mirum accadat, cum notum sit
 Israeli, ipsum illum populo suo longe excellentiorem pro-
 curaturum esse redemptionem. Conf. Jes. xxv: 9. 2. Quia
 vocum emphasis hunc sensum requirit. *Et ipse*, seu ille
 est, certus, illustris, & qui a populo expectatur; Jes. xxv:
 9. *Ecce Deus noster hic est, quem expectavimus, ipse nos ser-*
vabit. Sic discipuli, *speravimus, quod ille ipse esset, qui re-*
demtu-

demturus sit Israelem, Luc. xxiv. 21. Præterea & ipse redimet *ab omnibus peccatis*: quod est criterium redemptionis Messiae, teste Apostolo Aët. xiii: 38. Tit. ii: 14. 3. Quia sanctorum & prophetarum constans est mos, redemptionem Messiae tanquam *rationem* illustrium liberationum considerandi, quemadmodum modo observavi. 4. Denique quia illam *redemptionem* sancti in oculis & animo habuerunt, & spe anticiparunt. Sic de Anna traditur Luc. ii: eam de Christo esse locutam *omnibus, qui expectabant redemptionem Israelis*.



PSALM,



P S A L M. CXXXI.

1. *Canticum adscensionum, Davidis. Jehova! cor meum non fuit elatum, nec oculi mei sublimes, & non incessi in rebus me majoribus, & mihi occultioribus.*
2. *Si non complanavi & compescui animam meam instar lacte depulsi apud matrem suam; instar ablactati anima mea in me.*
3. *Exspecta, Israel! Jehovam a nunc & in aeternum.*

P R O L E G O M E N A.

I.

ARgumentum cantici est sincera ac seria viri pii confessio, coram Deo quippe edita, qua ipse intimas animi sui adfectiones erga mirabilia, quæ in Deo, & operibus, in primis providentiæ ejus, insunt, publice exponit, eo scopo, ut totus Israel hinc exemplum capiat imitandum, & soli Deo discat, animo pio & modesto, confidere, absque ut nimis curiose vias Dei, earumque rationes, rimetur, ac de iis temere judicet. David, quem inscriptio nos pro autore habere jubet, in hac ode declarat, se eo fuisse, & esse, erga Dei consilia & molimina animo, ut vanæ & curiosæ scientiæ fastu deposito, ac murmure carnali contra vias providentiæ Dei compresso, ipse modesto, & sedato ac composito animo, sese voluntati Divinæ submiserit, ipsique res suas plenissima cum fiducia com-

Fff

miserit.

miserit. Quam confessionem eo scopo in publicam proferre se lucem indicat, ut Israel exemplum suum per omnia tempora imitetur, in Jehova sperando nunc & in perpetuum.

§. II. Quod ad *tempus & statum* Davidis adinet, quo hanc oden composuit: etsi argumentum nimis sit generale, quam ut de eo certi & accurati quid dicere queamus; a vero tamen mihi prope abesse videtur, eum post gravissimam aliquam superioris temporis luctam, five cum fugeret coram Saulo, five, quod malim, coram Absolomo, in feliciore & tranquilliore conditione positum hoc canticum fecisse, eo scopo, ut Israel hinc erudiretur, quam adfectionem in similibus casibus spirare debeat, si Deo sese adprobare, & ab eo adjuvari ac eripi velit. Respicit 1. ad statum calamitosum suum, & animum suum, quem tunc habuit, exponit: quemadmodum ex phrasibus elucet, quibus animi adfectiones exprimit, & confirmatur ex officio sperandi, ad quod Israellem adhortatur. 2. Sed hoc tempore, calamitatibus ereptus, in feliciore versabatur conditione: quod ex *scopo* cantici, quem *adhortatio* ad spem & fiduciam, ad Israellem directa, pandit, colligere mihi posse videor. Cum enim suo exemplo Israeli inculcare velit, quo animo esse debeat, ut votorum evadat compos, & malis, si forte in ea inciderit, eripiatur, cum ratione conjunctius est statuere, Davidem ad suum exemplum majore cum fructu & emphasi provocare, posteaquam malis suis esset eluctatus, quam cum eorum pondere adhuc premere-tur, de eventu incertus.

§. III. *Partes* cantici duas sunt, in quas sese sponte sua dividit. I. *Prior* est sincera confessio modestiæ, abnegationis & subjectionis Providentiæ Divinæ: quas animi adfectiones tempore *calamitatum* suarum habuerat, vers. 1, 2. II. *Posterior* comprehendit adhortationem Israelis ad similes animi adfectiones, per quas statum suum tueri, & a Deo liberationem consequi possit: quod suo exemplo iis persuas-

persuadere conatur, vers. 3. In quo *scopus* cantici situs est. Hac ratione si partes digerantur, duabus personis, sive duobus choris loquentibus, quorum alter confessionem nomine piorum in statu afflictio ederet, alter consolaretur nomine Spiritus S., opus non est. David enim confessionem eo scopo edens, ut suo exemplo disceret Israel, se modeste & pie gerere tempore afflictionis, aptissime primo explicat suum statum & animi adfectiones, dein Israellem ad similes adhortatur.

A N A C R I S I S.

§. IV. Cum ex nullo criterio de *tempore & statu* Ecclesiæ Israeliticæ quid certi colligi possit, nos etiam in generali hypothesi acquiescimus, & ulteriore disquisitione aut refutatione aliarum opinionum, omni ratione carentium, superfedemus. Etsi enim adhortatio ad Israellem, & scopus confessionis Davidis, pro hypothesi habere videatur conditionem *calamitosam*: attamen hinc non sequitur, in ea tunc fuisse conditionem Israellem; cum adhortatio sit generalis, quæ ad omnia tempora se porrigit; *nunc & in perpetuum*; hoc sensu. *Spem* ponat Israel in Jehova, quoties in difficilia illa tempora inciderit, quæ tenebras offundunt viis providentiæ Divinæ; in quibus has animi adfectiones præferre debet, ut Deo gratus sit, & liberationem sibi promittere queat.

E X P L I C A T I O.

§. V. Prior cantici pars continet seriam & sinceram explicationem modesti, compositi, & se abnegantis animi, quem David præterito tempore calamitatis habuerat, per modum *confessionis* Deo propositam, vers. 1. 2, alloquitur

tur enim mox *Jehovam*, vers. 1. Qui proponendi modus eo tantum tendit, ut Israel, in cujus gratiam hanc animi adfectionem in publicum edit, eo certius intelligeret, hanc veram & Deo gratam fuisse sui animi dispositionem. Ac si diceret; ut certo scias, Israel! eo me fuisse tunc temporis animo, eoque me Deo approbasse; ecce! coram Deo illud declaro, & Deo non verebor confiteri, *Jehova! cor meum non fuit elatum* &c. Explicat autem animi sui habitum *κ. phrasibus negantibus*, vers. 1. *2. affirmantibus*, vers. 2. *κ. Negans sermo ita sonat*, vers. 1. *Cor meum non fuit alti-frons; nec oculi mei sublimis: & non fui versatus in rebus me majoribus & mihi occultioribus.* h. e. Nullam animo habui, nullam externis signis demonstravi, superbiam aut fastosam arrogantiam, sive de meritis & viribus nimium præsumendo, iisque fidendo, sive nimis excelsa mihi temere promittendo, iisque dignum me censendo, sive in occultas providentiæ Dei vias & rationes me nimia curiositate ingerendo, aut de iis arroganter quid statuendo: sed, contra, me cum virium & meritorum abnegatione tenui modestum & contentum; meque divinæ curæ commisi, ac providentiæ ejus submisisse subjeci.

§. VI. Hanc paraphrasin; qua sensus amplitudinem complexus sum, illustremus ex phrasium potestate, quibus hic utitur poeta. 1. Loquitur de *corde alti-fronte*, & *oculis excelsis*: quæ duo conjungenda sunt, cum utrumque ad *superbiam & fastosam arrogantiam* pertineat; illud sicut in animo residet, hoc quemadmodum externis signis cum aliorum, ut se inferiorum, contemtu, ostentatur. *Cor elatum* proprie *alti-frons*, quod amplum habet & *editissimum frontispicium*, eoque se procul conspiciendum præbens, quam emphasin habet vox Hebræa *גבה*, designat animum sublimia cogitantem, excelsa de se præsumentem, & magnas concipientem spes; adeoque animum tumidum, fastosum, superbum & arrogantem, sive judicio nimium & temere fidat, sive meritis suis superbiat, sive nimis
magna

magna audeat, five sibi nimis multa & magna polliceatur. *Oculi elati*, vel *sublimes*, hominem depingunt, qui, animo fastoso præditus, nullo non indicio eum palam prodit, alios, ut se inferiores, ex alto despicit, & insolenter tractat. Utraque phrasis hominem pingit *superbum*, seseque superbe gerentem; eoque sensu satis nota & vulgata, uti Prov. vi: 17. xvi: 5. xxi: 4. Pl. ci: 5. 2 Chron. xxxii: 25.

§. VII. David itaque his phrasibus significat, se in statu calamitoso suo 1. ad vires & merita sua non respexisse, nec secundum ea iudicasse, nec iis fidisse, aut superbiisse; 2. se non nimis magna sibi esse pollicitum; erexisse se quidem promissis Dei, sed in eo se non fuisse nec temerarium, nec arrogantem; utpote promissa sibi nec temere, sed solido fundamento adplicuisse, nec supra & præter ea spes suas extendisse. 3. adeoque se nec de providentiæ Dei rationibus in sinistram partem iudicasse, nec perversa & damnanda media adhibuisse, se ulciscendo, aut in aliorum jura involando, nec contra Deum se extulisse aut murmurasse. 4. contra, se cum abnegatione sapientiæ, meritorum ac desideriorum suorum, demissum & modestum tenuisse, & voluntati Divinæ subjecisse; suique liberationem non a meritis & viribus suis, sed unice a potentia & gratia Dei expectasse.

§. VIII. 2. Addit, *se non fuisse versatum* in rebus *se majoribus*, & *sibi occultioribus*, h. e. captum suum longe superantibus, cogitationes & ideas suas longe transcendentibus. Quod Pl. cxxxix: 6. exprimit: *mirabilior est scientia tua, quam a me capi possit, sublimior, quam ut eam attingere queam*. In his cum neget se versatum fuisse, proprie *ambulasse*, imo grandioribus passibus grassatum fuisse, metaphora desumpta ab eo, qui per præruptos montes, vel rupes, graditur, non sine præsentissimo lapsus ac ruinæ periculo, indicat, se 1. cogitando & intelligendo in tales res sese non immisisse, 2. multo minus audaces adsumsisse hypotheses ad talia mysteria explicanda, & intellectui

suo subjicienda. 3. adeoque intra modulum suum se continuasse, & Deo ea reliquisse, gloria obsequii & subjectionis contentum. Expromit ergo animi adfectum erga *mirabilia & magna* illa, qualem Apostolus requirit, cum vetat *se ingerere in ea, quæ non vidit* Col. II. & jubet, *non sapere supra ea, quæ decet sapere, sed sapere ad sobrietatem & modestiam.* Rom. XII.

§. IX. Sed quæ sunt illa *majora & mirabilia*? mirandæ, ni fallor, providentiæ Dei viæ & rationes. Etsi enim plura sint, & esse possint, in Deo, ejusque natura & operibus mysteria, ad quæ pertingere non datur; statui & scopo Davidis tamen mihi videtur convenientius, ea ad opus *Providentiæ* restrinxisse, cum hic intimum animi adfectum, quem in afflictione sua habuerit, & Israellem in simili casu induere velit, exprimat. Possunt itaque ea *mirabilia* referri ad nexum & harmoniam operis providentiæ, ad *finis*, & *causas* ac *media*, quare, quo fini, & per quæ media Deus illa omnia agat, sive respectu totius populi, sive singulorum hominum, tum piorum tum impiorum. In specie Davidi hic videntur animo fuisse obversata, partim mala præsentia, quibuscum luctantur pii, partim promissa magnifica, piis & pietati facta. In quibus illud mirabile occurrit. 1. quare impietas videatur de pietate, mendacium de veritate, injustitia de probitate & innocentia, triumphatura? 2. quomodo veritas promissorum sibi constituta sit? 3. qua via pii sint eripiendi? & quomodo hoc fieri possit. 4. quæ sit judiciorum divinatorum *ratio*? In his & similibus cum se *incepisse* negat, utique ob oculos ponit, se non tantum sibi ab audacibus & Deo injuriosis cavisse hypothesibus, iisque temere jactis, ad ea arcana explicanda, sed ne quidem se iis cogitationibus ac meditationibus tradidisse, verum spe ac fide se lactando ad leges providentiæ sese pie composuisse, persuasione illa implicita contentum, *omnia Dei opera esse majestatem & gloriam.*

§. X. 1. Quam piam animi affectionem mox agente phrasi,

phraſi, verſ. 2. in hæc verba exponit. *Niſi complanavi, & compeſcui animam meam inſtar lacte depulſi apud matrem ſuam; inſtar ablactati anima mea in me.* h. e. Adfectus meos, ſive carnales ſive naturales, qui in calamitoſa illa mea conditione me ad perverſum de Dei providentia judicium, ad temeraria dicta, ad murmuraciones, aliaque ſimilia, facile excitare, & tranquillitatem mentis, in Deo acquieſcentis, perturbare potuiſſent, adfectus, inquam, illos ita per gratiam Dei compeſcui, ſedavi, rectæ rationi & fidei ſubjeci, ut in poſterum de rectitudine viarum Dei perſuaſus, & in fide potentiæ, veracitatis ac bonitatis, Dei firmatus, me ad omnes providentiæ Dei leges compoſuerim, meaque omnia curæ Dei commiſerim, animum meum in patientia poſſidens, & pace ac tranquillitate gaudens; haud ſecus, ac infans, qui, lactis deſiderio depoſito, tranquilluſ & ſecurus recumbit in gremio matris, abſque ut *uberum* nimius adpetitus, ut ante ablactationem, tempeſtatem ciet amplius in mente, & irrequietum reddat, aut ploratus & lamenta producat. Hanc veriſſimam animi mei fuiſſe adfectionem, ſumma cum adſeveratione teſtor; acſi juratus coram Deo. Hanc enim præfert emphafiſ formæ propoſitionis, quæ ſententiam per apoſiopoſin abruptit: *niſi ſedavi* &c. hac vel ſimili ratione ſupplendam: *niſi* ... ego Deo mentiar, gratia ſim indignus, iram eius incurram &c. quarum abruptarum locutionum uſus eſt, quam fortiffime adſeverare, quaſi cum juramento. Uti ſatis notum eſt. V. Pf. cxxxii: 5.

§. XI. Loquitur de *anima ſua*, h. e. adfectibus & deſideriis ſuis, hoc nomine ſatis notis in Script. S. Proprie *van* dicit *flatum*, *ſpiritum*, a rad. *reſpiravit*, inde pro *ſtatu* ſuperbo, & *adpetitu anbelante* uſurpatur. Hic in ſpecie adfectus curioſitatis, ſeu nimium occulta ſciendi deſiderium, ſuperbiæ, & nimiam de ſe ſuisque meritis præſumptionem, denique gloriæ & bonorum hujus vitæ adpetitum, designat. Imo & naturalia deſideria, quibus mala quævis averſamur,

famur, & bona cupimus, hic non excluduntur, ut mox patebit. Hanc *animam* suam dicit *æquasse* se, & ad *silentium* *redegiſſe*, met. petita a rebus *planæ ſuperficiæ*; ſive ab *aqua* nullis ventis agitata; aut aëre ſilente ſine tumultu ac ſtrepitu ventorum, de quo vox מִמַּי uſurpatur, 1 Reg. xix: 12. Quibus verbis indicat, 1. conditionem ſuam ejus fuiſſe naturæ, ut apta nata ſit *adfectus* illos ſuscitare, & ingentem in animo concitare tempeſtatem, magnos ſtrepitus & murmura, adeoque fuiſſe ſtatum illum deſideriis ſuis, inprimis adfectibus, adverſum. Qualis eſt ſtatus adfectionum, calamitatum, & quarumvis miſeriarum, qui nec pietati, nec virtutibus Dei moralibus convenire videtur. 2. Hoc in ſtatu ſe compescuiſſe & æquaſſe *animam*, ſibi, ſuiſque adfectibus & deſideriis, renunciando, curioſitati ſibylam ponendo, ſuperbiam domando, & deſideriis frænum injiciendo; adeoque ſibi a temeritate res ſibi occultiores rimandi, ab audacia temere de Deo ejusque viis judicandi, a murmurationibus, ſibi ſollicite caviſſe, ſeſeque ſubmiſſe Deo ejusque curæ commendafſe. 3. Denique ſe ea ratione & via tranquillitate & pace eſſe gavifum, & in Deo cum plena animi fiducia acquieviſſe, de ejus potentia & bonitate ſecurum.

§. XII. Pium & abnegationis ſui ipſius plenum animum illuſtrat eleganti emblemate *infantis ablactati*: quod ab Interpretibus paſſim minus, quin male, intellectum eſſe, mirum accidat. Cogitant in hoc emblemate, vel de infante lactis materni avido, & propter ejus carentiam plorante ac fatiſcente, vel qui totus a cura & miſericordia materna dependet. *Posterius* quidem non eſt alienum, ſed infanti lactenti æque ac ablactato convenit, adeoque rationem emblematis tollit; *prius* eſt alieniſſimum a ſcopo poetæ, quippe qui animum ſedatum & compoſitum hoc ſimili illuſtrare vult; a quo infans uberum deſiderio flagrans longe eſt remotus. Eſt, qui ad pios tempore perſecutionis Antichriſtianæ, vi a puro Dei verbo avulſos, & ejus adpe-

adpetentissimos, refert: sed de *animo*, qui *desideriis renunciat*, & de *ablactato*, non de *lactente*, loquitur. *Infans ablactatus* est, qui lactis materni desiderium deposuit, seseque in gremio matris tranquillum tenet, ejus misericordiae se committens. Cum autem *lac* maternum sit vehementioris desiderii, etiam maxime naturalis, objectum in infante: pulchre expingit *cupiditatum & desideriorum* nostrorum objecta, sive per se sint vitiosa, sive bona, licita, & statui nostro congrua, quo referre liceat vitam, valetudinem, commoda, patriam, parentes, amicos &c: quæ *naturalia* sunt; nec non honores, opes, voluptates & delicias, denique aliorum bona & jura, quæ vitiata sunt naturæ cupiditates, &c. huc etiam pertinet nimia curiositas, ambitio, & ingens suarum facultatum præsumtio, ac ingenii & judicii fiducia. Hæc qui avidè adpetunt, nec sine iis a murmurationibus, aut perturbationibus mentis, se abstinere possunt, sese infantibus *lactentibus* præstant similes; contra, *ablactati* qualitates præstant, qui vitiosa & illicita non adpetunt, *licita* non nisi moderate, & si providentiæ ita visum fuerit, iis renunciant, se abnegando, ac voluntati Divinæ submittendo: quod est *odio habere patrem* &c. Christi causa, *oculos eruere, manus præcidere*, si offendant. In specie huc pertinet, curiositati, audaciæ & præsumptioni sui ipsius, modum ponere; nec nimium inquirendo in rationes providentiæ, multo minus *carpendo* eam, nec ad audaces hypotheses provolando, aut judicando, Deum debere secundum suos adfectus carnales, & præjudicia, mundum aut Ecclesiam gubernare.


§. XIII. Denique ut *infantis* emblemata magis premam, 1. sicut in infante, qui a *lactis* desiderio abstractus est, nullius rei superest adpetitus, nulla curiositas, ambitio nulla, nulla sui præsumtio; ita pietatis est, modestiam & sanctam simplicitatem in rebus divinis spirare, nec sese ambitione aliisque adfectibus finire abripi, aut ad temeraria, & se sublimiora audenda, incitari. 2. Sicut infantis conditio exi-

Ggg

git,

git, ut sese arcte apud matrem teneat, viribus non fidat, nec sui sit dominus, sed matris curæ & directioni morem gerat; eique fidat: ita pietas jubet, estque hoc masculæ pietatis proprium effectum. 3. Sicut *infans* ineptus est ad parentum gubernationem percipiendam &c. ita nos sumus respectu Dei.

§. XIV. Hanc animi adfectionem cum David in calamitatibus spirasset, & per eam sese Deo adprobasset, nec non salutaria ejus effecta expertus fuisset: jure merito Israel suo exemplo admonet, ut spem collocet in Jehovam, *nunc* & in *perpetuum*, vers. 3. Cujus adhortationis sensum cum Ps. cxxv: 7. explicuerimus, sequentia suffecerit observasse. 1. Objectum adhortationis cum adpellatur *Israel*, non qualescunque ad hanc spem excitari, sed quorum sunt *promissa*, quique Israellem imitati se iis non præstant indignos. 2. Expectationem illam ad superius Davidis exemplum esse conformandam, adeoque cum animo se abnegante, & modesto debere esse conjunctam. 3. Hoc animo Israellem esse debere, quoties in ejusmodi afflictiones aut pericula inciderit. 4. Denique certum esse populum Dei de salutari ejusmodi expectationis fructu, adeoque animum non debere despondere; sed sub *spe contra* Deo fidere. Continet enim adhortatio tacitum *promissum* de felici eventu.





P S A L M. CXXXII.

1. *Canticum adscensionum. Recordari Jehovæ Davidi, omnis afflictionis, vel beneficentiæ, ejus.*
2. *Quod juravit Jehova vovit, Heroæ Jacobi.*
3. *Si intravero tabernaculum domus meæ, si conscendero lectum mihi stratum.*
4. *Si somnum oculis meis concessero, dormitationem palpebris meis.*
5. *Donec invenerim locum Jehovæ, habitacula potenti Jacobi.*
6. *Ecce audivimus illud in Epbrata, invenimus illud in agris sylvæ.*
7. *Veniemus ad habitacula ejus, adorabimus ad scabellum pedum ejus.*
8. *Surge, Jehova! ad quietem tuam, Tu & arca roboris tui.*
9. *Sacerdotes tui induant justitiam, & pii tui letum edant sonum.*
10. *Propter Davidem servum tuum ne avertas faciem uncti tui.*
11. *Juravit Jehova Davidi sincere & irrevocabiliter: e fructu ventris tui collocabo in throno tibi.*
12. *Si observaverint filii tui foedus meum, & instructionem meam, quam eos edocui, etiam filii ipsorum in perpetuum sedebunt in throno tibi.*

Ggg 2

13. Pro-

13. *Profectio elegit Jebova Tſionem, expetiit ſibi eſſe habitationem.*
14. *Hæc erit requies mea in perpetuum, hic habitabo, quia deſideravi illam.*
15. *Annona ejus benedicendo benedicam, pauperes ejus ſaturabo pane.*
16. *Et ſacerdotes ejus induam ſalute, & pii ejus latas voces edent:*
17. *Ibi exſplendescere faciam cornu Davidi, diſpoſui lucernam uncto meo.*
18. *Hoſtes ejus induam ignominia; & ſuper ipſa effloreſcet corona ejus.*

P R O L E G O M E N A.

§. I.

INter alias, longe præclariffimas, regni Salomonici prærogativas, haud infimum locum tenuit, quod, cum duæ primariæ tribus, Ephraim & Juda, mutuis æmulationibus paſſim fuerint diviſæ, & totum populum in partes diſtraxerint, *Israelita* in ſingulariſſimam prærogativam & metropolios regni, & Templi, fixi divinæ majeſtatis domicilii, Judæ conceſſam, pronis animis conſenſerint ſub Salomone; ſeſeque & regni, & *arca*, quæ diutiſſime inter ipſos *Silunte* fuerat, prærogativa privari æquis animis tulerint. Davidi non, niſi poſt præcedentes contentiones, ſeſe ſubjecerunt; *arcam* Tſionem transferri paſſi ſunt; tum quod & ipſi eam diu poſſederant, tum quod ſpes non-dum decolaverat, fore, ut vicibus verſis ea aliquando ad ſe rediret; cum, quamdiu *arca* in Tabernaculo reſideret, fixum

fixum non habeat locum. Sed, *Templo* a Salomone Hierosolymis condito, hac spe prorsus frustrati, haud injuria videri potuissent justam murmurationis habere materiam, vel potius, ut rectius loquar, æmulationi antiquæ novum videretur pabulum futurum, quo in triste & funestum schisma discederetur. Sed felicitati regni Salomonici adnumerandum est, quod, vetere æmulatione missa, juri suo, quod prætere potuissent, renunciaverint, & in Hierosolymam, tanquam regni & religionis sedem, consenserint: cujus consensus David suis in totum populum meritis jecit fundamenta, & cui robur addidit Salomonis sapientia & autoritas; sed ad quem promissum Dei de regno Davidis domui adligando, & Templo ab ejus filio ædificando, inter Israelitas vulgatum, eos præcipue compulisse videtur.

§. II. Qua de re quicquid sit, illud constat, Israelitas & concessisse hoc privilegium tribui Judæ, & suo consensu illud confirmasse: quod ut publice fieret, sicut pacis publicæ intererat, ita aequalitas tribuum, quarum aliæ aliis non erant subjectæ, requirebat. Ceterum consensum suum reliquæ tribus, in specie Ephraimitica, publice demonstrarunt, Hierosolymam adscendendo ad Templum dedicandum, & festum initiationis celebrandum, ut historia docet, ut & publicis monumentis eum consignando. Inter quæ monumenta & hoc nostrum canticum locum tenere autumo. De quo paulo accuratius differendum est.

§. III. Qui in hoc canticum mentem oculosque defixerit, is 1. nullo negotio deprehendet, argumentum ejus pertinere ad solennitatem dedicationis Templi Salomonis: cujus historia exstat. 1 Reg. viii. 2 Chron. v, vi. quod adeo manifestum est, ut nulla indigeat demonstratione. Quid? quod ipsa verba a Salomone usurpata, 2 Chron. vi: 41, 42. hic repetantur, vers. 8, 9. *Surge Jebova &c.* 2. Nec illud difficili negotio percipiet adtentus cantici lector, argumentum ejus esse *confessionem* publicam, cum voti, quod David de Templo ædificando fecit, Deo grati,

ac reapse nunc per Divinam gratiam impleti, tum *consensus* in hanc Dei & religionis sedem, quippe quem explicant promittendo, se Deum in hac æde esse adoratu-
 ros & quæsituros, vers. 7. nec non agnoscendo, esse hanc *quietem* Dei stabilem vers. 8. denique repetendo & votis suis prosequendo *promissum* Dei, per *Nathanem* Davidi factum, de regni perennitate in ejus domo, & Hierosolyma a Deo in sedem religionis, & metropolin civitatis electa, vers. 11. ad fin. 3. Tandem & illud, licet minus obvium, ipsum non effugiet, eos, qui hanc edunt confessionem, esse *Israelitas*, qui Ephraimitarum & septentrionales oras Cananæ inhabitant: quippe quod ex vers. 6. sponte elucet, licet ab Interpretibus minus observatum. Verba, *ecce audivimus illud in Ephrata, invenimus illud in agris sylvæ*, connectenda sunt cum vers. 2. *quod juravit Jehovæ &c.* & hunc fundunt sensum. Quod David Deo vovit de Templo ædificando, illud in Ephrata & usque ad Libanum, quaquaversum per regiones, quæ Judæ sunt ad septentrionem, & *audivimus*, & reapse *deprehendimus* esse impletum; sive, quod idem est, Templum esse ædificatum, nobis nunciatum est, & de ejus dedicatione edicta ad nos delata sunt, quibus excitati huc venimus. De quo sensu mox plura.

§. IV. Ex dictis de *scopo* cantici, & *hypothesi* illud interpretandi, clare constat, sc. illud eo tendere, ut Israelitarum consensus in sedem fixam religionis, fundatus in promisso Dei & meritis Davidis de universo populo, publice ederetur, & totus populus hac parte in unum corpus coalesceret. Ad quam normam interpretatio cantici est instituenda. Quæ hypothesis adeo facilis est, & ex cunctis partibus adeo elucet, ut sponte sua sese mox in omnium oculos ingerat. Quare ad ejus explicationem me sine mora adcingo. De *auctore* cantici nihil memoravi, quia nihil, quod affirmem, habeo; nisi quod *David* pro *auctore* non sit habendus, licet non desint, qui de eo cogitant, quod

quod sit Davide posterior, nam tempore dedicationis Templi est compositus, ut ex dictis patet. Sed a quocunque sit factum hoc canticum; de *scopo* ejus dubium superesse non potest. Eo enim collineat, ut Israelitæ consensum suum in Hierosolymam, unicam religionis sedem, publice testificarentur. Si conjecturæ aliquis locus sit, opinarer, canticum publice fuisse ab Israelitis cantatum in festo dedicationis, mox post preces, a Salomone fusas; cum illi tempori non tantum sit accommodatissimum, sed & verba ex illis precibus desumpta, surge *Jehova* &c. eo nos ducere videantur.

§. V. Partes generales, in quas canticum se patitur dividi, sunt sequentes. I. Summa totius odes, vers. 1. II. illius deductio specialis, quæ comprehendit. *a.* agnitionem *voti* Davidici de Templo ædificando, Deo grati & impleti, vers. 2-6. *b.* Propositi de Deo eo in loco colendo explicationem, vers. 7. *c.* Votum pro stabilitate & prosperitate cultus Dei ea in æde, vers. 8-10. *d.* Promissi Davidi facti repetitionem & agnitionem, vers. 11-18.

E X P L I C A T I O.

§. VI. Summa cantici his verbis emphatice exprimitur, vers. 1. *Recordari Jehova Davidi omnis afflictionis, vel beneficentiæ ejus.* Sic ad verbum sonant Hebræa, quorum sensus est amplissimus, quem hac, vel simili ratione proferre poteris. *Recordatus* est *Jehova*, & *recordabitur*; idque ut faciat precamur, in gratiam Davidis, & promissorum ipsi factorum, vel omnia mala, quæ propter studium Dei & veritatis passus est, & omnes labores, quos ipse pro gloria Dei & bono Ecclesiæ Israeliticæ exantlavit, hos & illa benedictionibus ac bonis compensando; vel omnes beneficentias & gratias ipsi promissas, & concessas.

cessas. Est enim quid ambigui in ultima phrasi, *omnis afflictionis ejus*, vel *gratiæ ejus*. Prius verbum Hebræum in Pyhal. passim denotat; sed *posteriolem* significationem etiam admittere potest. Radix nū proprie dicit *fluere*, פָּעוּס, unde tum *dicere*, *respondere* & *benefacere* fluxit, tum *humilem* esse, depressum, afflictum &c. Utrumque in hunc locum non malè quadrat. Si *afflictionum* & *laborum* idea servetur, sensus erit, Deum recordari *miseriarum*, quibuscum luctatus fuit, & *laborum*, quos subiit David, pro causâ Dei; ipsi ex gratia abunde rependendo, & laborum suorum fructus tanquam præmia ipsi concedendo, quæ erant, quod votorum compos fiat, seu regnum suum sit perenne & prosperum, & religio Dei, in regia sede sua fundata, floreat vigeatque in perpetuum. Hoc sibi in votis semper fuisse, eo cuncta studia certamina & conamina sua collineasse, ipse aperte profitetur, Ps. xxvi: 8. xxvii: 4. & votum ejus, de quo mox, satis indicat. Horum laborum & malorum Deus *recordari* dicitur, cum ea compensat bonis & præmiis, sive, cum concedit & efficit, ut David ea consequatur, quæ intendit, & quo tetendit in laboribus suis; regni sc. & religionis in eo perennitatem & prosperitatem. In quo sensu nihil est, quod carpas. Addamus tamen verbum de alia verbi significatione, quæ *beneficentiam* comprehendit, qua quis aliorum *votis* respondet, & eorum necessitatibus abunde sufficit; ut Eccles. x. & Hof. ii. Hoc sensu veritas licet, *omnes beneficentias ejus*, quibus nimirum ipse a Deo mactatus, & largiter *irrigatus* est. Quæ interpretatio robur accipit ex i Chron. vi: 42. *Jehova* ... *recordare beneficentiarum*, vel *gratiarum Davidis servi tui*, qui locus nostro est parallelus, nec non ex Jes. Lv: 3. ubi *fideles*, vel *certa*, *Davidis gratiæ* memorantur; utrobique occurrit vox רַחֵם, haud absumilis potestatis, ac est nostra, & exprimit *gratias* Davidi factas, sive regni ejus perennitatem & prosperitatem, præcipue in Messia, omnis gratiæ fonte. Quo etiam respicitur in nostro canticò vers.

17. Harum vero *gratiarum* Davidis Deus dicitur *recordari*, cum sese memorem promissorum, Davidi factorum, reapse demonstrat, sive cum sese *veracem* præstat in implendis promissis.

§. VII. Conjungamus utramque ideam; & statuamus, vocem hanc, quæ de ambiguo quid trahit, esse consulto captatam, ut simul de *afflictionibus* & laboribus Davidis, simul de *gratiis* ipsi factis, cogitarem; quippe quæ cum laboribus cohærent, ut fructus & præmia eorum gratuita: nec Deus afflictionum ejus alio modo *meminisse* dicitur, quam eas ejusmodi *gratiis* compensando, se seque memorem promissorum, ipsi factorum, præbendo. Ceterum phrasis Hebræa, memento *Davidi* omnium afflictionum, vel gratiarum ejus, ut proprie sonat, est selecta & emphatica: dativus casus, *Davidi*, dicit in gratiam & commodum ejus, vox enim *Davidi* hic cum emphasi abundat, ut in phrasi Lat. *memento mihi bujus*, vel *illius* &c. Sic Exod. xxxi: 13. *memento Abrahamo, Isaaco, Jacobo, eorum, quæ jurasti ipsis*. Lev. xxvi: 45. *recordabor iis pacti antiquorum*. Ps. cxix: 49. *memento verbi servo tuo, super quo sperare me fecisti*. Sed negligenda non erat, ultimo loco, amplitudo sensus, quam constructio *recordari Jehovæ* comprehendit. Verbum enim *recordari* occurrit in *infinitivo*, & construitur cum *Jehovæ*; quod emphasios causa factum est, ut de *præterito* & *fut.*, simul *imperativo*, cogitarem: quos usus habet infinitivum in Script. S. idem ergo est, ac si legeretur; *recordatus est & recordabitur*, idque ut faciat, optamus & precamur. Præteritum hic excludi non potest, quod *votum* Davidis per gratiam Dei impletum de Templo ædificando hic memoretur, ut mox videbimus, quodque Salomo in oratione dedicatoria Templi ædificati, diserte Deo gratias agat, quod *Davidis* recordatus fuerit Deus, efficiendo, ut Templi ædificatio feliciter ad exitum fuerit adducta. 2 Chron. vi. *Futurum* cum optatione conjunctum, sequentes cantici partes omnino requirunt; ut inspicienti patebit.

Hhh

§. VIII. Ma-

§. VIII. Manifestum itaque est, *primum* versum totius cantici *summam* continere. In eo enim versatur canticum, ut tum votum Davidis impletum agnosceatur & celebretur, tum omnes confiteantur, se in ea æde Deum culturos, tum ut omnium vota pro implendis reliquis promissis Davidi factis explicentur. Deductionis itaque *a. prima* pars continet Ephraimitarum confessionem de voto Davidis, Deo grato & impleto, respectu ædificationis Templi, vers. 2-6. *Quod juravit Jehova .. -- illud ecce audistimus in Ephrata, invenimus in agris sylvæ.* h. e. Templum, quod David Deo vovit, esse ædificatum, & instiandum, publicis edictis nobis per omnes regiones Ephraimiticas, usque ad Libanum, est *notificatum*, & a nobis *acceptum*. Sic enim voces construendæ sunt, quando apte cohæret oratio. Interpretes passim vers. 2. reddunt, *qui juravit* &c. & vers. 6. tum ad arcam referunt, *varieque* explicant. Sed oratio sic redditur difficilis & intricata, cum secundum nostram versionem cuncta pronò alveo fluant. Quod juravit & vovit de Templo ædificando, illud, ecce! percepimus, audivimus & deprehendimus, esse impletum, notitia hujus rei ad nos in *Ephrata*, ac usque ad *agros sylvæ*, perlata.

§. IX. Videamus *a. de voto Davidis*, vers. 2-5. *β. de implemento ejus*, publice annunciato, vers. 6. *a. Votum Davidis non est nudum*, sed juramento confirmatum, dicitur enim *jurasse Jehova, & votum fecisse Heroi Jacobi.* h. e. votum fecisse cum summa & fortissima adseveratione sive juramento, quo Deum testem & vindicem invocavit sinceritatis suæ in vovendo. Titulus *fortis Jacobi*, quo Deus hic insignitur, ab ipso Jacobo profectus Gen. XLIX: 24., & inde vulgatoris usus factus, ut ex Jes. I: 24. XLIX: 26. aliisque locis patet, Deum hic ob oculos ponit, tum ut *potentissimum*, qui perjurum gravissime punire potest, & quocum nemo contendere auit, tum ut Israelis *vindicem* & adsertorem fortissimum, qualem & Jacobus ipsum erat expertus, & omnes ejus posterius, in specie David,

qui

qui hoc heros & propugnator sæpe gavisus & gloriatus est: talis heros Jacobi & merebatur, cui Templum ædificaretur, & perjurum non ferret.

§. X. Sed quid vovit? quæ juramenti & voti materia? illud verba sequentia aperiunt, vers. 3-5. *Si intravero tabernaculum domus meæ, si conscendero lectum mihi stratum: si concessero somnum oculis meis, dormitationem palpebris meis: donec invenerim locum Jehovæ, habitacula potenti Jacobi.* sc. puniar, peream, & gravissimo reatu obstrictus censear: qua ratione abruptam juramenti formulam esse suppleendam, ad Ps. præcedentem jam observavi; & est tralaticium. Nihil hic difficile: quare uno, alterove observato defungar. 1. *Locus Jehovæ & habitationis magnifici Jacobi* significat *locum habitationum Jehovæ, qui est magnificus Jacobi.* Divisio vocum est elegantiam sermonis adscribenda. *Locus* vero *habitationum* dicit *a.* sedem fixam, & stabilem, opposite ad *tabernaculum*, loca sæpe mutans, ut hucusque factum fuerat, *b.* sedem magnificam, aliquatenus respondentem *Majestati heros Jacobi*, palatium regium, & splendidum. Quare *habitationes* in plurali memorantur, ut illustre & amplum domicilium, multis mansionibus præditum, significetur.

§. XI. 2. Phrasis *invenire* locum, sicut ardens studium Davidis, quo omni ope id quæsivit, pro hypothese habet, ita non simpliciter significat locum aptum & Deo gratum designare, sed & rem perficere; ita ut sedem fixam & magnificam Deo comparaverit. *Invenire* enim etiam denotat, adsequi, præstare, efficere. Sic manus dicitur *invenire oſores*, quos sibi subijcit, Ps. xxi: 9. & *invenire* est *præsentem sistere*, uti Deus *inveniri* dicitur, cum præsens offertur alicui. 3. Denique, cum dicit, se nec *domum intraturum*, nec *somnum capturum*, donec tale palatium Deo stiterit, *a.* in genere indicat, quanto in id feratur studio; ita ut omnia etiam vitæ necessaria huic operi postponere paratus sit. Locutio est hyperbolica, quæ fervens studium,

dium, & firmum propositum rei, quam citissime perficiendæ, significat: cujus sensus huc redit, Ne *intrarem quidem domum* &c. si res mei esset arbitrii, si fieri posset, tanto ducor studio &c. Sed in specie indicat, i. indignum esse, se stabilem sedem, post tot tantosque labores & errores, consecutum, & firma pace ac tranquillitate gaudentem post tot certamina feliciter peracta, Deo, heroi suo, & horum bonorum largitori, relicturum sedem erraticam: adeoque se domum suam tranquille inhabitare non posse, innuit, antequam fixum, Deoque dignum, domicilium invenerit. Sensus est, intrare non possum, ut tranquille inhabitem domum, antequam id perfecero. Hoc ipsum est, quod Nathani dixit, 2 Sam. vii: 2. *ecce ego incolo domum cedrinam, & arca Dei inhabitabit aulæ.* 2. Et illud hic involutum latet, tempus nunc esse opportunum de stabili Dei sede cogitandi; tum quod Deus populo concesserit securam & stabilem terræ Cananææ inhabitatorem, ante quam fixa sedes *arcæ* non magis conveniebat, quam in deserto, tum quod Tſionem perpetuam regni sedem consecutus fuerat; ante quod tempus Deus sedem capeſſere non poterat, utpote metropoli regiæ domus Davidicæ adligandam: quo pertinet phraſis *תנ"ך tentorium domus meæ*, quæ ad Tſionem, arcem Davidicam, ducit, uti Jeſ. xvi: 5. uti Cl. Commentator obſervavit, & 1 Sam. xvii: 54. cui propria vocis poteſtas etiam concinit; quippe in *laxo, relaxato*, ſita, collata Arab. *لم*, unde ſedis notio fluxit, ubi quies capitur, & relaxatio itineris, tum denique, quod regnum eo ſcopo domui Davidicæ erat adfixum, ut Templum Dei ædificaretur.

§. XII. Hoc votum etſi nuſquam legamus a Davide ipſis hiſce verbis prolatum; attamen ipſi, ejusque ſtudio in religionem, & propoſito domum Jehovahæ ædificandi, adeo eſt conſentaneum, ut, ſi non fuerit ab ipſo diſertis verbis conceptum, ſimile quid ab ipſo fuiſſe proſectum, facile colligi potuerit, quod hic abunde ſufficit. Licet fieri potuerit,

rit, tale quid a Davide fuisse enunciatum, quod, litteris, quæ supersunt, non consignatum, per ora sanctorum volitaverit. Quid? quod hæc verba nil nisi paraphrasin contineant dicti Davidis, 2 Sam. vii. modo interrogative legatur, ut debet. *Egone domum cedrinam incolerem, & arca aulæ?* absit, absit. Qua de re quicquid sit, illud constat, Davidem voti non fuisse factum compotem, nisi per *Salomonem*; cui hoc privilegium, ut notum est, a Deo concessum fuit, ut *Jehovæ* ædificaret domum, attamen *a. Deus* adprobavit, & inplementum promisit, *b. locum* domus designavit, 1 Chron. xxii: 1. 2 Chron. iii: 1. *c. Typum Templi descripsit*, & *ad id præparavit omnia*, 1 Chron. xxii. Perfectum a Salomone fuisse, Israelitæ his verbis agnoscunt: vers. 6. *Ecce audivimus illud in Ephrata, invenimus illud in agris sylvæ.* Quæ verba de voto impleto, & Templi exstructione peracta, esse intelligenda, *a. nexus* cum superioribus evincit. Voto memorato mox subjungitur, *audivimus, invenimus*, sc. quod David se *inventurum* voverat; quo nihil est aptius. *b. Particula ecce*, quæcum hic versus incipit, in rem effectam nos ducit. David *vovit, ecce rem perfectam!* *c. Subjungitur mox, vers. 7. Intrabimus habitacula ejus*, argumento, illa esse erecta. *Ecce*, dicunt, *audivimus illud, proprie illam* sc. *rem.* foemin. enim apud Hebr. pro *neutris* sumuntur, uti in vulgus notum est: vel ad vocem *habitacula* referri potest; solent enim adfixa foemin. sing. ab orientalibus subjungi pluralibus masc. & foemin. Ceterum *audire & invenire* exprimunt rei præsentis certum nuncium. *Invenire* est rem quæsitam consequi, & possidere; David quiescere noluit, donec *inveniret*, nos *invenimus*; sc. fixum *Jehovæ* domicilium adepti sumus. Sed addunt, *audivimus*, ut indicarent, se nondum oculis, sed auribus percepisse, & deprehendisse, per *nuncios* nimirum ad eos emissos, quibus hac de re certiores facti, & ad festum *dedicationis* invitati sunt.

Respicitur ad *nuncios* a Salomone quaquaversum directos, ut ex 2 Chron. vi. notum est.

§. XIII. Sed ubi hæc perceperunt? in *Ephrata* & *agris sylvæ*. h. e. in locis propinquis, & remotis, cultis & incultis. Est hic quid facile, est difficile intellectu. Per *agros sylvæ* equidem vix dubitaverim, quin agrestes & incultæ non tantum regiones intelligantur, sed in specie digitus ad montem Libani intendatur, quod jam vidit Chaldaeus. Sic Jes. xxxii: 19. & *grandinabit in descensu sylvæ*, & Jes. x: 34. *Et defringet perplexa sylvæ ferro, & Libanus cadet.* Sunt multa alia loca, in quibus nomina *sylvæ* respicitur ad Libanum, ut Ez. xxi. Zach. xi. Jer. xxi. &c. *sylvæ* itaque *נַחַל הַלְבָּנוֹן* sic dicta *Libanum* & *Antilibanum* designat. *Agri sylvæ* sunt regiones illi subjectæ; quod non est difficile. Sed quid erit *Ephrata*? nomen est antiquissimum *Bethlebemi*, ut constat ex Gen. xxxv: 19. xlviii: 7. Unde *Bethlebem Ephrata* Mich. v. Sed *Ephraimita* etiam adpellatur *Ephrateus*, Jud. xii: 5. Posset quoque pro loco *fertili* & *frugifero* sumi; quæ vocis est significatio, & unde tractus Bethlemiticus hoc nomen hausit. Adplicemus hæc ad nostrum locum. 1. Si *Bethlebem* intelligatur, sensus erit; primum nuncium quidem esse delatum *Bethlehemum*, civitatem Davidis, cui hæc prærogativa competebat, quod familia Davidis inde esset orta; præterea *Bethlebem*, eam ob rationem exempli gratia nominata, in genere, vel loca *vicina* signabit, vel tribum *Juda* &c. *Agri sylvæ* loca quævis remotissima, & totius regni Ephraimici ditione, usque ad extremos fines. 2. Si *Ephrateos* intelligere placeat; eodem recidet sensus: audivimus inter *Ephrateos* usque ad ultimos fines. 3. Si denique *agros fertiles* intelleris, hisque opponas *agros sylvæ*, sensus erit, per quæcunque loca nuncios penetrasse, culta & inculta; adeoque per totam terram Cananæam quaquaversum.

§. XIV. Votum Davidis, quod de Templo ædificando

do Deo fecerat, summo Numini fuisse adprobatum, & gratum, & nunc reapse adimpletum, adeoque Templum fuisse ex voto, Deo accepto, & ita secundum voluntatem Dei, a Salomone exstructum, posteaquam Israelitæ agnovissent, & eo ipso se in hanc ædem, ut stabilem ac unicam religionis sedem, consentire testati fuissent, quæ summa est præcedentis pericopæ, nunc ulterius profitentur, *a.* sibi firmam fixumque esse propositum Jehovah ea in æde quærendi & adorandi, vers. 7. *Veniemus ad habitacula ejus; adorabimus ad scabellum pedum ejus.* Sic enim rectius quam *veniamus, adoremus, vertimus.* Verba enim non tam mutuam cohortationem, quam *propositi* explicationem continent, quod cum *scopo* & argumento cantici conjunctius est, & verba futuri temporis directe dicunt. Profitentur itaque Israelitæ, *a.* se Templum pro *habituaculo* & *scabello pedum* Dei habere, & habituros esse semper, *b.* nec negligentes se fore in Deo hic colendo, sed statis vicibus hic venturos, saltem festis solennioribus; ut lex jubebat, & hic *adoraturos*, seu cultum Dei ex præscripto legis exercituros. Totus enim cultus *adorationis* nomine hic venit, quod ea præcipuam ejus partem faciat, & sacrificia ac oblationes sine suppliciis non fierent, imo supplicationes essent *reales*, sive gratiarum actionum, confessionum, petitionum, & precum, sive pro peccatorum remissione, aut quibusvis bonis, signa & fundamenta typica. Quare Templum *אֵלֶּיךָ יְהוָה* domus precationis adpellatur Jes. lvi: 7. qui locus sublimiorem tamen habet sensum, sed in typico fundatum. Conf. Ps. xcvi. & in primis preces Salomonis, cum Templum initiavit: in quibus *precum* hic fundandarum tantum meminit, easque ut Deus ibi exaudiat, petit. Quo etiam facit & phrasis, *supplicare ad Templum*, de iis usitata, qui Deum Israelis ibi venerabantur quocunque modo. Ceterum Templum hic tum *habituaculorum* nomine, de quo ad vers. 5tum dixi, tum *scabelli pedum* ejus venit; quod hic verbo est explicandum. Dubium mihi non est, quin popu-

populari hac phrasi, θειοτερῶς; intelligenda, respiciatur ad *arcam*, supra quam thronus Dei in *nube*, vel inter *Cherubinos*, Divinæ majestatis sede typica & externa, residebat: cujus respectu ipsa *arca* pro *scabello* pedum erat habenda. Sic diserte 1 Chron. xxviii: 2. ubi David declarat, sibi animo fuisse *domum quietis* ædificare *arcæ foederis* & *scabellum pedum Dei*. Nec tamen prorsus spreverim, Templum ipsum hoc nomine *scabelli pedum* Jehovæ insigniri, ut Jes. lx: 13. ubi *locus sanctuarii* & *pedum* alternantur. Ez. xliii: 7. Ps. xcix. & alibi: cujus rei rationem non tam ab *arca* repetierim, quam a relatione terræ ad coelum, quippe quæ distinguuntur respectu in habitationis Dei, ut *thronus* & *scabellum* pedum; Jes. lxvi: 1. Deus enim populariter censetur *coelum inhabitare* & *terram*, sed *illud* ut superiorem locum & thronum, *hanc* ut infimum Majestatis & gloriæ divinæ instrumentum ac suppedaneum. Cum autem in *terra* Templum sub Oecon. V. esset verus locus & unicus; in quo Deus ab Israelitis coli & quæri vellet; hinc recte pro *scabello pedum* haberi potuit; ut a sede celesti distingueretur. Denique quum Israelitæ hic dicunt, *se adoraturos esse ad scabellum pedum Dei*, nemo illud ita intelligat, ac si ipsum *scabellum* adorare velint, quod & a modo Dei colendi sub V. T., & a phrasi ipsa, alienum est; aliud enim est, *scabellum* adorare, aliud *ad* illud; hoc enim locum adorationis non objectum designat; locum adorationis vero, vel in quo, vel versus quem, sc. facie & oculis eo versis. Utrumque admittit præfixum, utrumque hic locum habere potest. Si *ad* & *versus* reddas, tum per *scabellum* erit *arca* intelligenda; si *in*, de Templo capi potest, ut Ps. xxx. in *monte sanctitatis* adorare. Etsi vero *ad* & *versus* Templum etiam adorari possit, illud tamen absentibus rectius quam præsentibus competit; ut 1 Reg. viii: 44, 48. *orabunt Te via civitatis bujus*, & *domus*, cujus adorationis versus Hierosol. & Templum illustre est in *Daniele* exemplum, nec non in Judæis exilibus. Hic autem

tem Israelitæ tanquam Hierosolymæ præsentis & in Templo occurrunt; dicunt enim, se *venturos*, quare ad Templum hic dici nequeunt adorare, sed, vel in Templo, vel ad arcam, prout scabellum pedum, vel de Templo, vel de arca exponitur.

§. XV. Huic propositi sui, de Deo Hierosolymis in Templo colendo, explicationi adjungunt, 1. votum pro continuatione & stabilitate in habitationis Dei, ut & pro signis favoris Dei hic præstandis, vers. 8, 9. *Surge Jehova ad quietem tuam, Tu & arca roboris tui, sacerdotes Tui induant justitiam, & pii Tui lætum edant sonum.* Vix dubitaverim, quin Israelitæ hic ad preces Salomonis, 2 Chron. vi., quibus ædem consecravit, respiciant; & verba vers. 41, 42., quibus rex preces finivit, inde desumant, suæque faciant, eo scopo, ut sua vota se cum voto Salomonis conjungere indicarent: ac si dicerent. Quod Salomo, cum arcam in Templum transtulit, vovit, ut locus stabilis Dei quietis sit Templum, Deusque ibi rite & cum fructu colatur in perpetuum: illud nos similiter votis nostris expetimus, eoque ipso testatissimum volumus nostrum consensum in hanc religionis sedem; nihil magis in votis habentes, quam ut Deo hæc sedes perpetuo placeat, ejusque sui beneplaciti signa det, & effecta. Cum itaque dicunt, *Surge Jehova*, non indicant, arcam nondum in Templo esse collocatam, ut verba continere videntur, sed Salomonem iis verbis suo æque ac aliorum nomine esse usum; seseque illud *surge Jehova* Salomonis etiam suum facere.

§. XVI. Votum his versibus comprehensum duplex est, alterum pro stabilitate, & perennitate quietis Dei in ea sede, vers. 8., alterum pro cultu ibi rite & læte defungendo, vers. 9. Prius, *surge Jehova* &c: idem dicit, ac, sit hic locus quietis Jehovæ & arcæ sedes stabilis & tranquilla. Phrasis desumpta est a solenni formula, qua Moses in deserto uti solebat, cum arca se moveret ante castra ad locum quietis monstrandum, & cum illa alicubi pedem figeret.

Arca loco se movente, dicebat: *surge Jehova & inimici tui dissipentur*, cum confisteret; *revertere Jehova ad myriades Cbiliadum Israelis*, Num. x: 35, 36. Huc respiciens dixerat Salomo, cum arca in Templum transferebatur, *surge Jehova ad requiem tuam*, verba Mosis paulum immutans convenienter statui rerum præsentis. Tempore Mosis *arca* locum continuo mutabat, &, cum loco moveretur, precabatur, ut *hostes* a facie ejus dissipentur, eoque facto rediret ad exercitus Israelis. Sed hic orat Salomo, ut *surgat Jehova ad requiem suam*. h. e. ut sese loco moveat ad capeßendũ stabilem *quietis* locum: eo ipso indicans, 1. nullos restare *hostes* debellandos, sed populum circumquaque profunda frui pace, & tranquillitate; adeoque *arcam* nunc *quiescere* posse. Quæ solius regni Salomonis erat prærogativa, quare ante illud tempus *Templum* exædificare non licebat, ne quidem tempore *Davidis*: quia *domus* quietis Deo & arcæ non nisi tempore publicæ & stabilis *quietis* populi & reip. conveniebat: ut diserte 1 Chron. xxii: 9. 2. *Templum* esse fixam & stabilem religionis sedem, oppositæ ad *tabernaculum*, loca continuo mutans, ut est, 2 Sam. vii: 6. quare domus *quietis* Dei adpellatur Jes. lxvi: 1. 1 Chron. xxviii: 2. Hæc indicat cum dicit *surge Jehova ad requiem tuam*; est acsi diceret: quod antè dici solebat, cum Jehova hostes debellaret, & locum populo quæreret, illud ego nunc alio scopo profero, qui & pace alta gaudeo, & Deo stabilem sedem acquisivi; quare *surge Jehova*, & *capeße locum quietis*; tempus nunc est opportunum id faciendi. Sed verba non hoc tantum significant, verum & votum cum precibus conjunctum comprehendunt, quo supplex petit Salomo, 1. ut Deus in hac *æde*, tanquam sede religionis, acquiescat; eamque, tanquam domum fixam, sua præsentia, seu gratiæ & favoris signis, repleat, 2. ut sit, maneatque domus Dei in *perpetuum*, vers. 14. 3. ut Deo ibi *quiescere* liceat, absque ut opus sit denuo ad *hostes* deprimendos *exire*, vel, quod idem est, ut

ut populus, & metropolis regni Hierosolyma, perpetua pace & prosperitate fruatur. Ceterum, cum distincte dicitur, *tu & arca*; hinc supplendum esse notetur dictum Mo-
sis, *surge Jehova, tu sc. & arca*, ne quis illud perverse de
arca, ac si nomine *Jehovæ* insigniatur, intelligat: quod fa-
cillimum est. *Tu & arca*, est arca cum symbolo præsen-
tiæ tuæ super ea. Sed quare *arca roboris Dei*? 1. quod po-
tentissimæ majestatis sit sedis symbolica, 2. quod *roboris* Dei
multa data fuerint per *arcam* indicia & effecta: utique Deus
ex hac majestatis suæ sede, sese invicto robore, & vi om-
nia subigente, esse præditum, sæpe demonstravit: ut in de-
serto, surge Jehova, *dispergantur inimici*, & Cananæ oc-
cupatione. 3. Addere liceat, quod super arca illud sit,
quod populus respicere queat, & debeat, tanquam *status*
sui firmissimum & unicum robur; nimirum *gratiam & justi-*
tiam Dei, per *operculum* arcæ, τὸ ἱλαστήριον depictam, Rom.
III: 25. quo sensu habetur, Jes. XLV: 24. *in Jehova sunt*
justitia & robur, & Prov. XXVII: 5. *nomen Jehova est tur-*
ris robusta, eo confugiet justus. &c: quod ex vers. seq. ali-
quid roboris acquirit, ubi vovetur, ut *sacerdotes induant*
justitiam.

§. XVII. Adjungitur vers. 9. *alterum* votum pro cul-
tu Dei coram arca, vel in Templo, rite & læte a mini-
stris sacris exercendo; *sacerdotes tui induant justitiam, &*
pii tui læta sonent. Quibus verbis, a. indicatur, domum
quietis Dei esse locum cultus ac religionis, ubi Deo sunt
sacrificia offerenda & preces fundendæ, vel eo dirigendæ.
b. Vovetur & supplicatur, ut cultus ibi exercendus Deo
placeat, & cum favoris divini signis conjunctus sit. *Sacer-*
dotes & pii sunt quævis personæ *Deo sacrae*: nec enim per
pios alii intelliguntur ac per *sacerdotes*, nisi quod *piorum*
titulus paulo sit generalior, sese ad omnes Deo sacros ex-
tendens, & *sacerdotum* qualitates exprimat: quæ ratio est,
quare *sacerdotibus* adjungantur *pii*, tum ut de quibusvis
Deo consecratis cogitaremus, tum ut personarum Deo sa-

crarum qualitates, quas præstare debeant, significarentur. Et si pii passim de quibusvis *sanctis*, pietatis & charitatis studiosis, intelligantur, quod non spreverim; mihi tamen rectius videtur, personas sacras hac voce designari, quod cum priore versus membro aptius cohæret. Nec inusitata est hæc vocis *pii* restrictio: sic Aaron eximie insignitur, Deut. xxxiii: 9. & Christus qua sacerdos Ps. xvi: 10. ut & in genere personæ sacræ Ps. l: 15. *congregate mihi pios meos, qui foedus mecum pangunt super sacrificio*. Ita ὁ ἅγιος Græcis usurpatur. Sint itaque *pii* personæ Deo sacræ, in specie, si vis, *Levitæ*, quorum erat, carmina sacra Deo inter sacra accinere; quo verbum, *latos edere sonos*, referri potest. *Piorum* titulus personis sacris datur, tum quod sint Deo ejusque cultui *devotæ* & consecratæ, benignitatis & favoris Dei peculiaria objecta; חסיד enim proprie est, *benignitate adfectus*, tum quod peculiari modo *pietati* & *benignitati* studere, seu *succo* interiore virtutis & charitatis manare debeant: quæ vis vocis est.

§. XVIII. *Sacerdotes*, vovetur, ut *justitiam* induant, *pii ut lata sonent*. 1. Prius passim ad *virtutes morales*, æquitatis, veracitatis, sanctitatis & justitiæ, quibus sacerdotes & personæ Deo sacræ ornatæ esse debeant, referri solet. Quod licet verum sit, nec hic exclusum velim; primo tamen & directe intendi, non autumaverim; a. quia, *beneficium* in pios sacerdotes & viros sacros conferendum hic intelligi, *votum*, & sequens membrum *pii laetentur*, exigit. b. quia vers. 16. diserte per *salutem* explicatur. c. Ad datur, *justitiam* & *salutem* stylo script. V. T. tanquam bona vicina conjungi solere, ut Jes. xli: 13. *adpropinquare facio justitiam meam -- -- -- & salus mea non cunctabitur*, xlv: 8. *aperiat se terra, & fructificet omne genus salutis & propullulet justitiam*, ci: 8. *Et justitia mea in aeternum erit, & salus mea in omnem generationem*, ib. vers. 5. *propinqua est justitia mea: exiit salus mea*, nec non vers. 6. *denique lxi: 10. Induit me vestibus salutis; pallio justitiæ*
amici-

amiciuit me, & Pl. xcix: 2. notificavit Jēbova salutem suam, coram oculis gentium revelavit justitiam suam. d. Nec illud nihili est, 2 Chron. vi: 41. unde, hæc verba desumpta sunt, haberi, sacerdotes tui induant salutem, & pii tui laetentur bono. His rationibus motus intellexerim per justitiam, qua sacerdotes tanquam vestibus ornandi ex hoc voto forent, 1. omnium bonorum, qua corporis, qua animi, abundantiam & adfluentiam: quæ quam apte nomine salutis veniat, nemo ignorat, nisi cui propria vocis p^{ro} potestas, in amplitudine, laxitate & spatio, sita, ignota est. Ita Job. v: 4. longe aberant filii ejus a salute, seu, omni bonarum rerum copia. Sed quare justitia adpellatur? ex eo vocis usu, quo benignitatem & beneficentiam denotat, unde ad eleemosynas transfertur, sic pro bonorum abundantia venit, Jes. xlv: 8. Addi potest, justitiam hic pro effectis & signis justitiæ & veritatis Dei sumi: quo sensu indui justitia dicet, eam publice præferre & ostentare per omne genus bona, quæ de ea testantur.

§. XIX. 2. Sed hic non subsisterim; verum scholæ sanctorum convenientius interpretarer justitiam de beneficio remissionis peccatorum, & juris ad communionem Dei, hoc nomine insigniri solito, quod ex virtute justitiæ Dei profluat. Deus enim qua justus & æquus judex jure remittit peccata, intercedente victima, quæ has virtutes Dei illustrat. Quod nemini nostrum aut ignotum, aut dubium, existimem. Adplicemus modo ad sacerdotes: quo fini illi, tanquam intercessores, vi muneris & nominis, considerandi sunt, qui pro populo apud Deum intercedunt, & virtute victimæ, ac oblationis, favorem Dei, salva ejus justitia, imo ex ipsa, impetrant. Hi itaque dicuntur justitiam induiti, quum sese Deo hac in re comprobant, & jus ad beneficia, favoris Dei signa, consequuntur. Sacerdotes sunt justitia vestiti, cum jure ad bona gratiæ pro se & populo, cujus personam gerunt, gaudent: quæ ipsa bona nomine salutis veniunt: qua ratione hæ vo-

ces recte junguntur. Ceterum illud addatur, quo dicta confirmari & illustrari possunt, sacerdotes, victimas pro peccato offerentes, peccata populi dici portare; tanquam qui in communionem victimæ, peccatis onustæ, veniant: quare, postquam litaverint, recte dici possunt *justitia* præditi. Quo, sed excellentiore, sensu Dominus noster *peccatum & justitia* dicitur pro nobis factus. Quod enim ipsi vera emphasi convenit, in *sacerdotes* non nisi *typice & umbratili* sensu quadrat, uti notum est.

§. XX. 2. Veniamus ad posterius, quod Levitarum in primis respectu vocetur, hac phrasi expressum, *laeta sonent pii tui*, proprie *tremulum & tinnulum* sonent. Pertinet enim verbum *קָנַן* ad nomina *קַנְיָנָה* a sono efficta; est autem in *קָנַן* *tremulus*, & in *תִּנְנִיל* *tinnulus* sonus. Inde ad *laetitiam*, in qua *tremulus & tinnulus* sonus inesse solet, transfertur, & de lætis cantibus usurpatur. Quod huc egregie quadrat. Vovent itaque his verbis, ut personæ sacræ omne genus *laetitia* gaudeant, & Levitæ in specie non nisi læta carmina, nunquam *lugubria*, cantent; adeoque Resp. & Ecclesia floreat, & sacra in Templo cum lætitia, & signis favoris Dei, peragantur; oppositæ ad illud, quod Joel. 1: 13. præcipitur, *accingite vos sacco & plangite sacerdotes, ejulate ministri altaris, pernoctate in saccis: munus enim farreum, & libamen sunt exclusa aede Dei vestri.* & c. 11: 17. *Inter porticum & altare stent sacerdotes, ministri Jehovæ &c.*

§. XXI. Votum Davidis pro ædificando Templo Hierosolymis cum agnovissent Israelitæ esse impletum per Salomonem, suumque propositum Dei ibi colendi testificati essent, nec non vota & ipsi nuncupassent pro prosperitate Templi, & cultus ibi exercendi; quæ superiores cantici partes fuerunt: tandem subjungunt repetitionem juramenti, quo Deus Davidi juraverat perpetuam regni in familia ejus successionem, modo filii ejus insisterent vestigiis Davidis, nec non Hierosolymæ & Iisionis, tanquam regni & religio-

religionis unicæ sedis, firmum ac prosperum statum. Quæ promissa Davidi facta eo scopo memorant, tunc ut se huic promisso adfentiri testarentur, adeoque familiam Davidis pro sola regia, & Hierosolymam pro unica regni & religionis fede, habituros, tunc ut votorum suorum pro urbis & Templi prosperitate, modo factorum, *fundamentum*, in hisce promissis Davidicis positum, explicarent, adeoque se de implemento esse persuasos significarent.

§. XXII. Promissum Davidi factum hic profertur duplex, *alterum* de regno in domo Davidis perpetuo, vers. 11, 12. *alterum* de Hierosolyma unica religionis & regni sede, vers. 13--fin. Præmittitur scopus & ratio, quare ea promissa proferantur, ut Deum ea ratione ad vota sua exaudienda & permoverent, & certo permovendum esse, adeoque vota sua implenda, indicarent, vers. 10. his verbis. *Propter Davidem servum tuum, ne avertas faciem uncti tui.* h. e. preces a Salomone, uncto tuo, modo suas pro domus hujus perennitate & felicitate ne repellas, sed impleas propter gratiam, in qua Tecum fuit David servus tuus, & propter promissa, ipsi facta. Vota sua modo verbis Salomonis expresserant, eoque ipso se precibus Salomonis adfentiri indicant: has preces a Deo exaudiendas esse, nunc cum petant, eo ipso votorum suorum implementum supplicat: quare aptissime orant, ut Deus precibus Salomonis adnuat. Sunt, qui per *unctum* Dei hic intelligunt *Davidem* ipsum: sed 1. tunc prius membrum, *propter Davidem servum tuum*, per se stare, nec cum seq. connecti posset: oratio enim offenderet, si una serie legeretur, *propter Davidem ne avertas Davidem*. 2. Phrasis, *ne avertas faciem*, nos ducit ad *preces*, ut 1 Reg. 11: 20., quibus vultum ad eum, quem supplicamus, convertimus; quæ si respuantur, vultus cum pudore & ignominia sese avertere cogitur. *Preces* vero, quæ hic in censum venire possunt, non sunt *Davidis*, sed *Salomonis*, tum quod post mortem Davidis ode sit composita, tum verba ex precibus Salomonis

monis desumpta præcesserint, vers. 8, 9. 3. Denique hæc ipsa verba, licet aliter ordinata, finiunt preces Salomonis 2 Chron. vi: 42. *Jehova Deus, ne avertas faciem uncti tui, recordare benignitatum Davidis servi tui*: quæ verba prorsus eundem sensum fundunt, quem nostra, *propter Davidem* &c: dubium vero non est, quin *unctus Dei* in precibus Salomonis sit ipse *Salomo*, qui precatus erat.

§. XXIII. Orant itaque Israelitæ, 1. ut Deus exaudiat preces Salomonis, quibus ipse Templum modo initiaverat. Illud enim phrasis, *non avertere faciem* precantis, indicat, ut modo observavi. Sed addatur, phrasin *avertere, retroire facere*, faciem, non simpliciter *repulsam* completi, sed *ignominiosam*; qua quis certa sua spe excidit, vel *spes eum pudefacit*, uti est Rom. v. adeoque tacite innuitur, Salomonem summa cum fiducia orasse; nec posse *repulsam* pati, nisi Deus pudore velit adficere eum, qui ipsi tam pie, & solido fundamento, confidit: quod cum fieri nequeat, se cum fiducia id supplicare, *ne Deus avertat faciem ejus*, indicant. Eo etiam tendit titulus *uncti Dei*, quo Salomo hic insignitur: eo enim significatur, ipsum singulari Dei gratia & favore regem esse factum, & Davidi in regno successisse: talis personæ faciem avertere quomodo Deus posset? 2. Orant hoc scopo & animo, ut votorum suorum complementum in eo esse fundatum indicent, quod Deus exaudiat preces Salomonis. 3. Votorum implementum & precum exauditionem non a se, suisque meritis, sed a gratia Dei, qua ipse *Davidem* persecutus est, derivant, & in eo fundant; cum dicunt *propter Davidem servum Tuum, ne avertas faciem uncti tui*. h. e. Propter Davidem, qui fuit intimæ tuæ admissionis minister, per quem tot tantæ egisti in bonum populi Tui, & cui tam præclara fecisti promissa. David hic profertur, tanquam persona, quæ quid habeat, quo Deus ad preces præstandas flecti queat, ut ex phrasi *propter Davidem* patet. Illud in Davide non fuit aut personæ ejus dignitas, aut meritorum pondus, quale

quale quid nec in ipso fuit, nec ipse unquam iactavit, nec Script. memoravit; sed *gratia* Dei, qua ipsum ut pium suum servum est profecutus, & promissis luculentis cumulavit: ut mox vers. 11. declaratur. Quod alias nomine *benignitatum Davidis* venit, 2 Chron. vi & Jes. lv. &c.

§. XXIV. Promissa, quæ hisce precibus mox subjunguntur, sunt *duplicis* generis, ut supra observavi, alia ad regni perpetuitatem, alia ad regni & religionis sedem Hierosolymam pertinent. *Prioris* generis, vers. 11, 12. ita sonant. *Juravit Jehova Davidi sincere, & irrevocabiliter: e fructu ventris tui collocabo in throno tibi. Si observaverint filii tui foedus meum & præceptionem meam, quam eos edocui: etiam filii ipsorum in perpetuum sedebunt in throno tibi.* Promissum hic venit nomine *juramenti*, ejusque *sinceri & irrevocabilis*: id enim voces significant, quæ proprie sonant, *juravit Deus veritatem, a qua non recedet.* h. e. juramentum fidele & immutabile ipsi fecit. Quale quid etsi in historia non legamus a Deo fuisse prolatum; licet *promissi* Davidis fiat mentio 2 Sam. vii., attamen simile quid fuisse in visione Davidi revelatum, ex Ps lxxxix. constat. Ceteroquin posset omne Dei *promissum* propter *certitudinem* suam appellari *juramentum*: *dona enim Dei sunt poenitere nescia.* Sed videamus de *materia* promissi, vel juramenti; quæ complectitur continuam & perpetuam successionem regni in domo ejus; modo filii se ea non præstent prorsus indignos; quod non facient, si *foedus & præceptiones* Dei tenuerint. I. Bonum est successio regni in familia Davidis, eaque perpetua, quod exprimitur his verbis vers. 11. *e fructu ventris tui collocabo in throno tibi*, sc. non unum aut alterum ad breve tempus, sed continuo & perpetuo: quæ emphasis in eo latet, quod non dicitur, *fructum ventris tui collocabo, nec e fructu aliquem*, sed in genere *e fructu ventris collocabo*, quæ elliptica loquendi ratio est capta, ut de continua & perpetua successione cogitaremus: *e fructu ventris*, sc. sine ulla limitatione aut restrictione,

positam in folio: quod clarius indicatur, vers. 12. ubi in fin. dicitur, *in perpetuum sedebunt in folio tibi*. Voces enim *in perpetuum* cum præcedentibus cohærent & sequentibus, sive & ad præceptorum Dei observantiam, a posteris præstandam, & ad *sessionem* in throno pertinent, adeoque connectunt promissum cum conditione; quod studio est factum, ne non separanda separaremus. Ceterum cum *perpetua* promittitur successio, ea, si ad externum regnum Davidi respicias, non est prorsus illimitata & æterna intelligenda, sed ad durationem oeconomiae Veteris restringenda; ut *perpetua* sit, quamdiu duratura sit ea dispensatio externa & legalis, cui adstricta est, & convenit forma regiminis Davidici, de quo supra egi ad Pf. cxxv.

§. XXV. 2. Adjungitur conditio; *si observaverint filii tui foedus meum, & præceptum meum, quod edocui eos*. Vox *וְיִשְׁמְרוּ* est numeri sing. pro usitatioe *וְיִשְׁמְרוּ* ut recte est a nonnullis Rabbinis notatum: quæ verba complectuntur sinceram & plenam observantiam *foederis Sin.*, omniumque ejus legum, in specie quæ ad reges eorumque officia pertinent; ut sunt, quæ ad religionem institutam tuendam & ornandam, nec non ad populum juste & æque gubernandum, requiruntur. Hæc conditio uti diserte expressa est, 2^a am. vii. Pf. lxxxix., sic ex natura regni Davidici sua sponte sese offert. Regnum enim Davidis superesse censetur, cum talis sit regni forma & administratio, quæ eam Davidici regni ob oculos sistere & renovare potest; adeoque cum in familia ejus non tantum continuatur, sed & juste ac pie gubernatur, quemadmodum sub Davide: cæteroquin *folium* Davidis, licet in ipsa domo ejus sit, non amplius locum haberet, cum ejus thronus sit sedes justitiæ, æquitatis, & pietatis. Præterea semen Davidis non illi tam dici merentur, qui secundum carnem ipsius posterii sunt, quam qui ejus imaginem præferunt, sicut filii Jacobi, Israelis, ea emphasi adpellantur. Quod si itaque a paternis vestigiis deficiant, eo titulo, ac prærogativa ei adnexa,

adnexa, tanquam filii degeneres quoque excidant, necesse est. Denique regnum Davidis est regnum *servi Dei*, in quo ad clavum sedet non rex pro arbitrio agens, sed supremi numinis *minister*, qui secundum ejus leges gubernat, & in quo regno lex Divina suprema lex est: ita ut Deus sit maneatque *Rex*, & ejus *ministri* sint, qui throno insident. Ex quibus manifestum est, regiam Davidis domum regni prærogativa ipso jure excidere debere, si a foedere & statutis Dei desciscat. Quod etiam experientia comprobavit.

§. XXVI. Hæc licet recte sese habeant, putem tamen paulo penitius in hanc pericopam intrandum esse, ejusque partes ita distinguendas, ut *prior* vers. 11. absolutum contineat promissum, in Messia certo certius & ultimo implendum, & *posterior* vers. 12. de posteris Davidis sibi continuo successuris intelligatur sub conditione obedientiæ, legi divinæ præstandæ. Utique promissum vers. 11. nullam habet expressam conditionem, & *juramento* insuper est sancitum; cum illud vers. 12. ab expressa conditione suspendatur. Deinde cum vers. 12. *filii & filii filiorum ejus* memorentur, & vers. 11. simpliciter dicatur, *ex ventre tuo ponam in solio tibi*, videmur vers. 12. ad plures, si continua successione excepturos, duci, & vers. 11. ad unam singularem & eximiam personam ex lumbis Davidis adstringi. Nescio an nimis subtile sit, phrasin, *fructum ventris*, retulisse ad filium ex virgine Davidicæ stirpis oriundum; quod nonnullis Patrum *a* jam in mentem venit, nec sine omni rationis specie. Vox enim *venter*, in phrasi *fructus ventris*, de utero satis constanter usurpatur; & phrasi ipsa significat *liberos ex utero profectos*; quo præterea facit, quod patrum respectu dici soleat non *fructus uteri*, sed *lumborum*. Memorat quidem Job. xix: 17. *filios uteri sui*, sed, si pro *בטן* non sit leg. *בטן uteri ejus*, relate ad

Kkk 2

uxo-

a Vid. Irenæus adv. Hær. l. III. c. 18. & Augustinus ad h. l.

uxorem, cujus uterum appellat suum. Hac ratione *fructus uteri Davidis* foret filius ex *utero* aliquo stirpis Davidicæ oriundus, adeoque Messias ex virgine Davidicæ nasciturus: sed de eo quicquid sit, res ipsa, sive expositio modo memorata, non est spernenda, secundum quam vers. 11. Davidi absolute promitteretur, ex fructu ventris ejus aliquem, *נאן יִהְיֶה* sic dictum, & in Ecclesia notum, in ejus throno esse collocandum; quicquid etiam de filiis aliis Davidis, & posteris ejus, sibi longa serie successuris, fieret. Hoc promisso, certo certius implendo, præmissio, subjungitur apte aliud de regno externo Davidis in familia ejus propagando, sub conditione, si posterius foedus Dei observarent. Quod si contingeret, ut futurum esset, posteros Davidis sese suis criminibus ea corona indignos præstare, exciderent quidem ipsi ea prærogativa; attamen verum & certum maneret, Davidi in solio esse collocandum *e fructu uteri ejus filium* Davidis, qui solium illud teneret in æternum. Conf. Ez. xxi. 2 Sam. vii. Ps. lxxxix. & ad eum comment. noster, unde dicta egregie firmanur.

§. XXVII. Sed quo tendit promissi de regni successione perpetua in domo Davidis commemoratio? quid hoc ad Templum & Hierosolymam religionis sedem unicam? Scopus Israelitarum, ni fallor est, 1. Gratiæ, quam David apud Deum habuit, illustre specimen proferre, quod sane excellentius hoc promisso dari non poterat: ut ipse David 2 Sam. vii. gratus agnoscit. Preces propter Davidem esse exaudiendas oraverant, vers. 10. quare nunc apte declarant, quanta in gratia fuerit David apud Deum. 2. Promissi de regni successione hic meminisse videntur, ut publice profiteantur, se regno Davidis adhæsurus, & reges ex ejus domo pro regibus totius populi esse agnituros. 3. Sed regni Davidici mentio huc cum maxime quadrat, quia metropolis ejus erat Hierosolyma, foretque in perpetuum; quare promissum de regni Davidis perpetuitate simul *Hie-*

rosoly-

rosolymae conservationem & prosperitatem complectebatur.
Vid. Ps. cxxii.

§. XXVIII. Quod ut clarius elucesceret, mox addunt promissum de ipsa Hierosolyma, tanquam sede religionis & regni, ejusque felici conditione, vers. 13.- fin. In qua pericopa «. occurrit summa promissi, ab Israelitis proposita, vers. 13. 1. ipsa promissi verba, vers. 14.-fin. Vers. 13. continet verba Israelitarum, quibus de Deo loquuntur, cum vers. 14. & seq. verba ipsius Dei complectantur, quare vers. 13^{ti}um recte pro summa promissi sequentis habemus. «. Verba vers. 13. ita habent. *Profecto elegit Jebova Tzionem, expetiit sibi esse habitationem.* h. e. Tzionem esse voluit tum regni metropolin, tum cultus sui sedem. Prius nomine *Tzionis* latet involutum. Cum enim civitas esset Davidis, ibique regia ejus: *Tzionis* electio comprehendit domus Davidicæ, tanquam *regiæ* familiæ, ad probationem & constitutionem, una cum ipsa *civitate*, cui domus regia adfixa erat, adeoque familiæ ejus, in qua regni successio perseveraret, & Hierosolymæ tanquam metropolios electio exprimitur, quod ex vers. 17. confirmatur, de quo postea. *Posterius* membrum ad sedem religionis Hierosolymæ, vel in monte Tzionis, figendam pertinet: verba sunt emphatica; *expetiit sibi eam habitaculum* sc. fixum & stabile, oppositè ad *tabernaculum*, loca subinde mutans: quo *Templum* eo in loco ædificandum designatur; de quo ad vers. 5. dixi. Quod vero *Tzioni* hoc assignetur, in eo nihil est difficultatis, cum eo nomine etiam mons *Moria*, tanquam pars ejus, in quo Templum fuit conditum, comprehendi sæpe soleat. Conf. Ps. lxxviii: 68. & alibi sæpe. In verbo *expetiit* latet, Templum ibi secundum voluntatem Dei esse conditum, & locum illum fuisse Deo valde *gratum*, idque externo signo a Deo patens factum: ut est 1 Chron. xxi.

§. XXIX. Summam promissi de Hierosolyma, perpetuæ religionis & regni sede, cum exhibuissent Israelitæ; nunc

ipsa verba, quibus Deus illud protulit, repræsentant, & religionis, & regni, respectu. *Prius* vers. 14—16. *posterius* 17 & 18 continetur. Verba, quibus Deus pollicitus erat, Hierosolymam fore unicam & perpetuam cultus Dei sedem, eoque nomine prosperrime acturam, ita sonant, vers. 13—16. *Hæc erit requies mea in perpetuum: hic habitabo, quia cupii illam. Annona ejus benedicendo benedicam: pauperes ejus saturabo pane. Et sacerdotes ejus induam salute; & pii ejus lætas voces edent.* Quibus verbis, haud difficilibus intellectu, significatur, *a.* Hierosolymæ fore *Templum* Dei, quod ipse externo præsentiaæ suæ symbolo honoraret, & ubi cultus religiosus, populo præscriptus, solum exerceretur, fore autem ibi sedem religionis fixam & stabilem; nec pro brevi tempore, aut interruptis vicibus, sed continuo & in perpetuum; quamdiu illa oeconomia staret. Quæ prærogativa Hierosolymæ ab ipsa Dei *electione* originem haberet, *quia ipse eam expetii*, addit Deus. Hic sensus est vers. 14. ex superioribus, ubi singula, quæ hic occurrunt, exposui, satis clarus; quare nihil addo. *b.* Significatur, Hierosolymæ conditionem eo nomine fore prosperrimam, eamque quibusvis bonis hujus vitæ abundaturam, vers. 15. *annona ejus benedicam.* h. e. Curabo, ut proventus Hierosolymæ sit copiosissimus, ibique, quicquid ad vitam sustentandam, & læte agendam, est necessarium, summa copia reperiatur. Vox Hebr. proprie de *venatione*, nec non *piscatione* usurpatur, sed inde ad *viaticum*, *commeatum*, & quemvis proventum ac annonam, transfertur, transitu haud longe remoto, cum ex *venatione* ac *piscatione* passim delicatiores cibi compararentur. Sic pro *viatico* venit Jos. ix. & pro omni *cibo* Neh. xiii. & alibi. Lxx verterunt *ῥέσων*: pro qua voce cum irrepressisset vitio librorum *ῥέσων*, Vulg. reddidit *viduam*; incogitantiaæ Interpretis inligne specimen! Additur, *pauperes ejus satiabo pane*, h. e. tanta erit alimentorum copia, ut vel pauperes & egeni, quorum tempore caritatis anno-

næ miserrima solet esse conditio, abundantissime habituri sint, unde ad satietatem usque edant. Ceterum *panis* nomine quævis alimenta venire, uti in oratione Dominica, tralatitium est. *c.* Denique indicatur, cultus sacri exercitium ibi fore ex voto, vers. 16. *Et sacerdotes ejus induam* &c. h. e. faciam, ut sacerdotes omne genus bonis abundant, & externis demonstrabo signis, eorum sacrificia mihi esse grata; sive ad remissionem peccatorum, sive ad alia bona impetranda offerant; eos votorum compotes reddam; *prii*, seu *Levite*, & in genere quævis personæ Deo sacræ, læta semper accinant *carmena*, nunquam *lugubria*. Quæ cum ad vers. 9. supra sint exposita, ea hic tetigisse suffecerit.

§. XXX. Veniamus itaque ad *posteriores* textus partem, quæ Hierosolymam ob oculos ponit, tanquam florentis & perpetui regni in domo Davidis sedem, vers. 17, 18. ubi *a.* promissum absolute proponitur, vers. 17. *b.* ex diversa & opposita hostium sorte illustratur, vers. 18. *a.* Absoluta propositio ita habet. *Ibi exsplendescere faciam cornu Davidi, disposui lucernam unctio meo* h. e. Regnum Davidis in familia ejus, eo in loco, splendidum erit mea cura, & prosperrimum. Duæ occurrunt, quæ regnum expriment, phrasæ metaphoricæ, altera *cornu*, altera *lucernæ*: de *cornu* dicitur, illud splendidum futurum, de *lucerna*, eam a Deo esse dispositam, utrumque Davidi, ut unctio Dei, adsignatur, & Hierosolymæ ut sedi & loco adligatur. Hoc filum sequamur in expositione. *a.* Duplex regni metaphora sese hic offert, altera a *cornu*, altera a *lucerna* petita. Prior nos ducit ad *cornua* animantium, quibus ea propria sunt. Etsi enim hæc vox de *radiis* solis, iisque splendidis & coruscis, etiam usurpetur, indeque ad quævis *corusca* transferatur, eo tamen hic digitum non autumaverim intendi, tum quod vox *rp cornu* notare soleat, tum quod *cornu* sit usitatissimum regni Majestatis & potentiae emblemata, ut ex Daniele, & aliunde notum est. Cornua,
cum

cum animantia iis superbiant, eaque in altum surgant, & denique robur animantium in iis situm sit, hinc tum ad excellentiam & dignitatem, tum ad potentiam, tum etiam ad superbiam, ut in phrasi *sumere cornua, ad tollere cornua*, ut Ps. LXXV. & alibi, expingendam adhibentur. Potentiam & excellentiam exprimunt, Ps. LXXV. fin. in specie, qua *hostes* feriuntur & prosternuntur, ut Deut. XXXIII: 17. Ps. XLIV: 6. Zach. II. in viso 4. cornuum. Cum denique regia Majestas, & summam dignitatem ac gloriam, & invictam potentiam comprehendat, hinc pro regia *Majestate* sumi solet emblema *cornuum*: ita 1 Sam. II: 10. *Jeboas dabit robur regi suo, & exaltabit cornu uncti sui* Dan. VII. *Decem cornua sunt decem reges.* Ez. XXIX: 21.

§. XXXI. Alterum emblema est *lucernae*, a Deo in usum & gloriam Davidis instructæ; desumptum, ut puto, a tentoriis & cubiculis, quorum luminaria lucent: ita Job. XVIII: 6. *Lumen in tentorio ejus obtenebrescet, & lucerna ejus super ipso restinguetur.* Sic & Jer. XXV: 10. *perire in ipsis faciam lumen lucernae.* Cui oppositum est, quod Job. XXIX: 3. reperitur, *quum splenderet ista ejus lucerna super caput meum.* Solet autem imago *lucernae*, quæ in tentoriis supra capita sedentium suspensa erat apud Oriental., usurpari pro *splendidissima* domus fortuna, & in specie personis, istam fortunam sustinentibus; & ad seram posteritatem propagare aptis, ut Jobi commentator ad loca citata demonstravit. Huc respicitur, cum David ipse appellatur *lucerna Israelis*, 2 Sam. XXI: 17. & regiae Majestatis successio in domo Davidis hac ipsa phrasi repræsentatur, ut 1 Reg. VI: 36. *Filio ejus, dicit Deus, dabo tribum unam, ut semper sit lucerna Davidi servo meo coram me Hierosolymis.* Sic & 1 Reg. XV: 4. & 2 Reg. VIII: 19. *noluit Deus disperdere Judam propter Davidem servum suum, quemadmodum dixit ei, se daturum ipsi lucernam & filiis ejus omni tempore.* Quæ verba repetuntur, 2 Chron. XXI: 7. Huc etiam facit, quod David Ps. XVIII: 29. gratus confitetur, postquam

quam in regno tranquille degeret, *quia tu lucere fecisti lucernam meam* &c.

§. XXXII. *Lucerna* itaque domus, & populi, ejus lætum ac prosperum statum expingit, & in specie personam illustrem ob oculos ponit, quæ illum statum adfert, vel sustinet. Quo vel ipsum *lucis* emblema nos ducit, quippe quo gloria, prosperitas, & lætitia solet depingi; uti notum est. Ceterum emblemata *cornu* & *lucerna* conjunguntur, ut de potentissima simul ac splendidissima & prosperrima cogitaremur conditione; nobisque personam illustrem ob oculos poneremus, quæ fortitudine & benedictione vestita populum beare, & in felici statu tueri possit, absque ut hostes eum turbare queant, vel audeant. Quales Majestates sunt cum *cornua* per summam excellentiam & potentiam omnia vincentem & prostermentem, tum *lucernæ*, quatenus & ipsæ sunt felicissimæ ac gloriosæ, & populus per ipsas in prosperrima conditione collocatur, & positus conservatur, absque ut aliquæ tenebræ eum apprehendere queant.

§. XXXIII. Videamus nunc quid de *cornu* & *lucerna* hic habeatur. *Cornu*, dicit Deus, se facturum, ut *exsplendescat*, & *lucernam* se *disposuisse*. Verbum *non* proprie *splendescere*, *exsplendescere*, sedem habens in *nitore* & *splendore*, sed usu exprimit *efflorescere*, soletque usupari de *germinibus* & *satis*, quæ non tantum e terra prodeunt, sed in lætam & altam segetem excrescunt, splendidamque præbent speciem. Hic cum *cornu* construitur, quod *efflorescere* dicitur, quod germinibus & *satis* proprium est, ut attributa quædam feminis Davidis, emblemate germinis non comprehensa, ob oculos ponerentur. Miscentur itaque duæ metaphoræ in hac phrasi, altera *germinis*, altera *cornu*, & loco germinis dicitur *cornu* exoriturum, & in altum surrecturum. Quod itaque Jer. xxiii & xxxiii. *germen*, quod Davidi effloresceret, adpellatur, illud hic *cornu* nomine insignitur; ut *originis* ex Davide cogitatio non tan-

tum fuscitaretur; sed *personae* simul noticia præberetur, quæ ex Davide oriretur. Ut itaque *germinationis* verbum nos ad ortum tenerum ex Davide, sic nomen *cornu* ad personæ illustis & potentissimæ ortum ducit. Cum itaque Deus hic promittit, se *efflorescere facturum cornu*, quæ eadem phrasis occurrit Ez. xxix: 21., declarat, 1. habiturum hoc semen ex Davide initia, & ortum, 2. fore personam Majestatis & potentiæ plenissimam 3. magna gloria vestitam; ita ut *exsplendescere* dici queat.

§. XXXIV. *Alterum* verbum, de lucerna usurpatum, quod ejus instructionem ad lucendum comprehendit, nihil habet singulare aut difficile. *Parare* lucernam est, quicquid ad lucendum est necessarium ei suppeditare; quo indicatur, Dei curæ & favori esse adscribendum, quod talis persona fuscitetur, quæ, felici & glorioso in statu posita, populum redderet felicem & beatum. Sed cum Deus hic præterito tempore utatur, dicens, *paravi*, digitus intenditur ad firmum Dei propositum, & promissum Davidi factum, & certitudo eventus significatur, per quam est, ut id, quod futurum est, jam *existere* dici, utique existimari possit, qua *præteriti* temporis emphasi nihil est in verbo Prophetico vulgatus: sed de fut. etiam capi potest, cum præter. temp. verbum, futuro temp. subjunctum, ejus indolem sequi soleat.

§. XXXV. Sed cui hoc cornu erigeretur, & hæc lucerna accenderetur? textus habet, *Davidi & uncto Dei*, h. c. Davidi, regi meo, vel qui a me rex designatus, & in regnum immissus, est. Titulus enim *uncti Dei* hic ad Davidem pertinet, quia lucerna passim Davidi dicitur accendenda in Script. S., ut loca citata docent. *David & unctus Dei* hic ob orationis elegantiam separantur, cum in utroque versus membro conjungi debeant. Sensus ergo est, Davidi, uncto Dei, cornu esse fuscitandum, & lucernam paratam: quo sequentia indicantur. 1. Domum Davidis cum ipso non interituram, sed post ipsum superfuturam
2. eam-

2. eamque non obscuram, aut infirmam, sed illustrem ac potentem futuram, 3. imo regia Majestate & potestate fulgentem. 4. eaque splendidissima, prosperrima & potentissima. 5. quam tueretur & præferret persona ex Davide orta. 6. quæ populo *cornu* & *lucerna* præstaret, tum eum quam celeberrimum efficiendo, tum quævis prospera in eum conferendo, tum denique firmissimum robur & præsidium ei præbendo. 7. nec pro brevi tempore, sed in perpetuum: quod, ut loca supra citata, & alia multa, ut 2 Sam. vii. &c. evincunt, ita hic occulte involutum jacet. Cum enim absolute *cornu* & *lucerna* Davidi promittatur, nulla temporis, vel termini, addita mentione, sine restrictione illud capiendum esse, res ipsa evincit. 8. Denique hæc omnia *propter Davidem* esse futura; sed eo, quo ad vers. 10. explicui, sensu. Id enim phrasis *Davidi* comprehendit, quæ idem dicit, ac in *gratiam Davidis* &c.

§. XXXVI. Additur postremo *loci* definitio, ubi hæc repræsentarentur, cum dicitur, *ibi efflorescere fasiam*, sc. Hierosolymæ; ut ex nexu orationis cum vers. 13. manifestum est. Quo significatur, 1. regni Davidici perpetua successio, quippe quod in Tsione erat fundatum. 2. Hierosolymæ etiam continuatio tanquam *sedis* regni, ejusque stabilitas perpetua. 3. Summa celebritas & prosperitas, nunquam interitura, quippe in qua *cornu* staret, & supra quam immediate luceret *lucerna*; undeque gloria & prosperitas ad totum populum emanaret. 4. Quam etiam ob causam *Templum* Dei in ipsa conderetur, & conditum staret in perpetuum, ac floureret. Deus enim hunc locum quietis suæ elegit propter Davidem, ejusque thronum ibi stabilitum, quod ex nexu cantici facile elucet.

§. XXXVII. Illustratur luculentum hoc promissum ex opposita sorte hostium Davidis, vers. 18. *Hostes ejus induam ignominia: & super ipsum florescet corona ejus.* In priore membro nihil est difficultatis. *Hostes* Davidis hoc in loco sunt, qui hostili sunt in domum, & regnum in domo ejus,

animo, quique omni ope adnituntur, ut, vel regnum Juda destruat, vel ad aliam domum transferatur, vel denique accidatur, & imminuatur aut debilitetur: adeoque quotquot sese huic Dei promisso sint opposituri, five extranei, five cives, fuerint. Hi hostes Davidis, eoque nomine ipsius Dei adversarii, induerentur ignominia tanquam veste; argumento, eos totos fore in ea, totos coopertos & obritos, & propterea omnium oculis, ac contemptui & ludibrio, expositos; ut qui vestem induti in publico comparent. Vox Hebræa נִשְׁבָּח, quam per ignominiam reddunt, proprie in perplexitate teritur, & usurpatur de aridis multo strepitu & tumultu inter se confusis, instar stipularum in vento: ad animum translata exprimit animum perplexum, pudore, ignominia, consternatione & desperatione, confusum. Indicatur itaque, 1. hostium sonatus, & molimina contra domum Davidis fore irrita. 2. Unde præter pudorem nihil referrent. 3. ipsis exitiosa, quæ ipsos præcipientes dant in statum ignominiosum, & perplexum; unde nullum invenirent exitum.


§. XXXVIII. Longe alia foret fors domus Davidicæ, in qua diadema regium perpetuo floreret: quo posterius membrum tendit, & super ipsum florebit corona ejus. LXX. habent sanctitas mea, five ad significationem separationis & consecrationis, quæ in voce נִשְׁבָּח est, respexerint, five laminam auream Pontificis Hebr., cum inscriptione sanctitatis Jehova, in oculis habuerint. Utique sunt, qui ad laminam illam hic alludi volunt, quia ea & פָּרָח & נִשְׁבָּח adpellatur. Ex. xxix, xxxix. Lev. viii. & alibi. Sed, cum David hic non ut Pontifex, sed rex, repræsentetur; laminæ Pontificali locus esse nequit. Corona radiata, quæ, foliis suis in orbem expansis, similitudinem floris expansi referebat, & propterea nomine פָּרָח insigniebatur, non fuit insigne regium, sed sanctitatis & consecrationis Deo, quare insigne sanctitatis adpellatur. Hic de insigni regio agitur; adeoque vox נִשְׁבָּח hic diadema & coronam regiam designat, ut
1 Sam.

1 Sam. 1: 10. 2 Reg. xi: 12. Pf. LXXXIX: 40. De hac corona adferitur, & *florabit*, vel *nitescet* & *splendescet*, utramque potestatem præfert verbum פָּרַח, quippe quod proprie *nitorem vibrantem* in origine sua continet; cujus vestigia supersunt in Script. S. Cant. 11: 9. *emicans de cancellis*. Ez. 1: 7. & *scintillantes* ut *species æris tersi*, & derivatum pro *scintilla* occurrit Jes. 1: 31. Ab hoc *nitore vibrante* ad *florem* facili transitu se exporrexerit hæc vox; quem usum passim in Script. habet.

§. XXXIX. Uterque significatus hic locum reperire potest satis commodum. Prior si obtineat, vertenda sunt verba: & *splendescet corona ejus*, splendorem Majestatis & gloriæ vibrabit: quod Pf. xxi: 5. per *coronam auream* capiti Davidis, vel Salomonis, *impositam* exprimitur. Sensus itaque est, regnum Davidicum per *coronam*, insigne regni, expressum, fore gloriosissimum, & felicissimum, opposte ad hostes ejus, pudore & consternatione confundendos, & in vilem ac miserum statum præcipitandos. Sed posterior si placeat, & *florabit corona ejus*, sensus erit, coronam nitorem, & vigorem, emissuram instar *floris* nitentis, opposte ad *florem marcidum* & *arefactum*; cui hostes forent similes, quippe, instar stipularum aridarum in vento, confundendi pudore & consternatione: quam vocis נָחַל dixi esse potestatem. Sic Jes. xxviii: 1. memoratur corona fastosa ebriorum Ephraimi, & *flos marcidus decoris ornamenti ejus*, quo in loco adluditur ad ferta & corollas, & virentibus floribus contextas, quas Veteres in epulis & computationibus imponere solebant capitibus. Quod forte & nostro loco adplicari posset, si usus verbi *florere* sit premendus; ut sensus sit, Davidis domum semper læte & prospere acturam; instar eorum, qui corollis virentibus cincti laute & hilariter agunt, opposte ad hostes, pudore & ignominia vestiendos &c.

§. XL. Nihil restat, quam ut de *implemento* promissi verbo moneam; cum ei obstare videatur, tum coronæ Davidicæ

vidicæ obscuratio aliqualis per regnum Israelis post Salomonem erectum, tum coronæ ablatio a domo Davidis post exilium Babylonicum, tum denique ipsius regni Judæ destructio, & sceptri ablatio per Romanos. Quæ difficultates ut e medio tollantur, *duo* observanda sunt, *unum*, promissum, quoad carnale Davidis semen, esse conditionatum, a legis observantia, quam reges domus Davidicæ præstare deberent, tanquam conditione, fuspendum; quod vers. 12. ipsis verbis adseritur, & ex historia scissi regni Salomonici, exilii Babyl. & aliunde, clarum est. Illa enim fata diserte a regum & populi defectione, tanquam causa, derivantur. *Alterum* est, promissum, de regno Davidis perpetuo, ultimum suum implementum habere in *Messa*, ex Davide oriundo, ad quem regnum Davidis, sed alia sub forma, devolveretur in æternum. Quæ ex supra dictis, & ad Ps. LXXXIX. satis elucescunt.





P S A L M. CXXXIII.

1. *Canticum adscensionum, Davidis. Ecce quam bonum & quam jucundum! sedere fratres etiam una.*
2. *Instar olei boni, uberis & suavis, super caput, descendentis super barbam, barbam Aaronis, quod defluit juxta vestes ejus.*
3. *Instar roris Chermonis, qui defluit super montes Tisonis. Profecto ibi praecepit Jehova benedictionem & vitam in perpetuum.*

P R O L E G O M E N A.

§. I.

Læta & solennia inter tempora, quæ in regnum Davidis inciderunt, præcipuum haud uno nomine illud meretur locum, quo, totius populi per universam Cananæam ordinibus Hierosolymam solenniter convocatis, sub finem regni ejus, ipse rex, & ordines, totum populum repræsentantes, in unum coacti, magnifica dona ac munera lubentes lætique Deo ad Templum condendum, & sacra ordinanda, obtulerunt, Deumque pro tantis bonis, unde ea dona excerpta erant, solenniter celebrarunt, Salomonem & Zadokum publice *unxerunt*, illum Regem, hunc Pontificem; denique læta coram Deo convivium celebrarunt; omnesque, etiam ipsi Salomonis fratres, *Davidis*

dis filii, Salomoni fidelitatem & subjectionem jurati promiserunt. Hunc solennem & illustrem totius regni conventum, qui 1 Chron. xxviii, & xxix. describitur, eumque ultimum sub Davide, & omnium celeberrimum, si hujus cantici verbis, vel similibus, summatim hoc cantico comprehensus, dixerō, vel a Davide fuisse dimissum, vel a populo concelebratum, cantico a Davide eum in finem factō, ac populo in ore tradito; nihil aut improbabile, aut paradoxum, me proferre, is, ni fallor, concefferit, qui ad *argumentum* ejus, & singulas partes, animum advertet.

§. II. Characteres utique, ex quibus de hypothesi hanc oden explicandi, judicium ferendum est, mihi sese offerunt sequentes. 1. *Primus* est, πανηγυριν panegyrim aliquam fratrum hic celebrari, & non simpliciter incolatum aut cohabitationem concordem. Phrasis enim *sedere in uniter* non tam de *concordia*, quam de *conventu* concordē usurpatur, ut mox adfirmabo. Eo etiam nos ducit simile ab inauguratione Aaronis desumptum: quo respicit emblemata *unctionis* ejus, uti constat. 2. *Secundus* est, conventum hic intelligi *universalem* totius populi, vel ejus delegatorum: quod ex fratrum nomine, & emblemate roris Hermonis in montes Tzionis defluentis, colligo. Emblema cogitare nos de totius Cananæ civibus jubet, & fratrum adpellationem cum nulla adsit ratio restringendi, eousque est extendenda, quousque vocis usus inter Judæos vulgaris patitur; adeoque omnes Jacobitas comprehendat, necesse est: quo facit, quod David in oratione, solenni illo in coetu habita, omnes omnium tribuum ordines *fratres* suos adpellet. 1 Chron. xxviii: 2. 3. *Tertius* habet, in hac panegyri solennem aliquam inaugurationem fuisse factam, quæ ad summum totius populi regimen spectabat; qualis olim fuit *Aaronis*, postea regis & Pontificis, ex quo *regnum* obtinuit inter Israelitas. Huc nos emblemata *unctionis* Aaronis ducere videtur; utique hæc ad illud

Ind emblemata eligendum occasionem præbuisse videtur; cuius cæteroquin ratio difficulter panditur. 4. *Quartus* fert, in hac panegyri singularis benedictionis Divinæ, qua universo populo benedixerat Deus, specimina fuisse data; & in specie a toto populo in Hierosolymam collata, quæ spem faciebant benedictionis in perpetuum duraturæ. Hoc mihi colligisse videor ex vers. 3tio, tum quod Deus ibi *præcepisse* dicatur in præterito *benedictionem & vitam* in æternum; tum quod *ros* Hermonis dicatur defluxisse in *montes* Thionis; *ros* sc. munerum, a Divina benedictione ortorum, in Metropoli & sedem religionis collatorum. De quo mox plura. 5. *Quintus* denique character est, talem totius populi intelligi conventum, qui ut pulcherrimum & jucundissimum præferebat conspectum, sic constantis omnium Jacobidarum unionis, & mutæ communionis, cum insigni prosperitate conjunctæ, in perpetuum duraturæ, spem haud vanam præbebat: quod ex initio & fine cantici sponte sua elucet: quare tetigisse suffecerit.

§. III. Hi characteres, si probabili ratione consignati sint, quin ad modo memoratum nos ducant conventum; equidem dubitare nequeo, cum in nullum alium, in illum exactissime, quadrent omnes. Fuit illa panegyris solennis omnium totius populi Jacobidarum ordinum; in qua Salomo & Zadok, ille rex, hic Pontifex, publice sunt uncti & inaugurati, nec non amplissima munera, quæ de singulari benedictione Divina testabantur, quam David propterea publice celebravit, in Hierosolymam & Templum collata sunt, denique mutæ communionis vincula arctissime constricta sunt; omnibus, ne ipsis fratribus Salomonis, proprie dictis, exceptis, ut diserte adnotatur, c. xxix: 24., in regni & religionis unitatem consentientibus, *Salomone & Zadoco* communi consensu unctis & initiatis. Hunc conventum tam splendidum, tam salutarem toti populo, eumque ultimum, a Davide cantico aliquo concludi, quid mirum, quid paradoxum in eo? Videtur autem eo

scopo hæc pauca verba protulisse, ut omnibus in ore mænerent; & celebritas panegyris in recente semper memoria conservaretur: quod unitati Israelitarum & mutæ communioni concordi conservandæ admodum conducebat.

E X P L I C A T I O.

§. IV. Hæc hypothesi jacta, ad explicationem, ei adcommodandam, nos mox adcingamus; missis, & suo loco relictis, Interpretum opinionibus variis, magis minusve probabilibus: ne plus justo prolixior sit tractatio. Occurrit hic I. Propositio, vers. 1. II. Ejus illustratio tum figurata, tum simplex vers. 2, 3. I. *Propositio* emphatice, & cum adfectus demonstratione facta, ita habet, vers. 1. *Ecce, quam bonum & quam jucundum! sedere fratres etiam una.* h. e. Ecce panegyrim, vere jucundam, & salutarem; fratrum titulo unice congruam, in qua quotquot *fratres* sunt, sese tales vere demonstrant. Hæc enim emphasis est voculæ *etiam*, fratres sedere *etiam* una; quod idem est, ac eos sese fraternæ relationi convenienter gerere, quippe quæ amicam & intimam requirit societatem, ejusque exercitium, in communi *conventu* eorum & *concordi* coactione conspicuum. Loquitur poeta *a.* de *Fratribus* *β.* eorum *conventu* solenni & concorde. *γ.* De quo pronunciat, esse hoc *quam optimum* & *jucundissimum*.

§. V. *a.* *Fratrum* titulus, præter propriam notionem, nemini non notam, comprehendit vulgatissimo usu unius stirpis & originis progeniem, adeoque tum Abrahamidas, tum *Jacobidas* omnes; sed, cum prior respectu etiam *Esauitæ* comprehendantur tituli hujus ambitu, qui & *fratrum* nomine veniunt in Script. S., hic ad *Jacobi* posteros restringimus; hoc titulo passim insigniri solitos in Script., ut in vulgus notum est, non tam ejusdem religionis & societatis, vel reip. respectu, quam originis; licet alium respectum exclu-

exclusum nolim. Etsi enim *fratres* proprie sint vi unius originis & communis stirpis; attamen cum unius societatis & religionis accesserint vincula, nexus fraternitatis arctius fuit constrictus. Religionis communio itaque non effiebat *fratres*, sed colligabat: quare proselyti hoc nomine venire non solent; nec etiam *fratrum* titulus, in sola cognitione *Spirituali* fundatus, occurrit in Script. V. T., nisi forte uno alterove loco apud Prophetas, ubi de N. T. agitur, ut Jes. LXVI: 20. Fratres itaque hic sunt non proprie dicti tantum fratres, nec soli Sacerdotes & Levitæ, licet exclusos nolim, cum filii Davidis expresse memorentur in ultimo illo conventu, sed in genere omnes Jacobidæ, tum quod nulla adsit restringendi ratio, tum quod usus vulgatissimus hujus vocis ita jubeat.

§. VI. β. Horum fratrum panegyris exprimitur phrasi *sedere una*. Interpretes, vel de concorde sessione, vel de inhabitatione concorde in terra Cananæa interpretari solent; sed rectius de *conventu in unum* capimus, & ad Comititia totius populi referimus, ita tamen ut *concordiam* non exclusam, sed cum maxime inclusam velimus, re ipsa id exigente. Ad comitia nos ducit vox *una*, quæ absolute posita nusquam nisi de *uno* loco occurrit, vel saltem nisi *loci* conventus intellectus comprehendatur. De sola concordia hominum, diversis in locis degentium, nusquam reperias. Sed an unius Cananææ habitatio non sufficit usui, vel emphasi hujus phrasios? non existimaverim; 1. quia illud tanti non erat, nec adeo extolli merebatur. 2. Quia una in terra animis valde divisi & disjuncti habitare potuerunt, & habitarunt aliquando. 3. Phrasis *habitare uniter* arctiorem involvit societatem, quam est *terra* longe lateque extensæ communis habitatio, maxime hoc in loco, ubi additur, *etiam una*; quo quam arctissima societas fraterna designatur. Ergo oportet vocula *una*, vel de sola *concordia*, vel de *conventu* in unum intelligatur. Prius cum repugnet vocis usui, posterius hic statuendum est: quo sensu

etiam occurrit Ps. 11: 2. *Principes consularunt uniter*, seu, in unum coacti, xxxi: 14. & xli: 8. *una contra me mustant*, h. e. junctis capitibus, & in circulis hominum; sic de societate inita, quæ loci communionem involvit, 1 Chron. xii: 17. *Si veneritis ad mei auxilium*, dicit David, *erit mihi animus ad unitatem*, h. e. eo ero animo, ut vos in numerum meorum militum & sociorum adsumam in unum corpus. De habitatione conjuncta, unitis tentoriis, reperitur Gen. xii: 5, 6. xxxvi: 6, 7.

§. VII. *Sedere*, vel *habitare*, itaque fratrum una sequentia complectitur, ut ideas paulo distinctius explicem. 1. Totius populi *comitia*, quibus quotquot *fratres* sunt, ex una stirpe orti, in unum coacti sunt, & conventum mutuum celebrant, societatis colendæ & bono publico consulendi ergo. 2. Conventum *concordem* & fraternum; in quo fratres sese vinculo illi convenienter gerunt. 3. Conventum *tranquillum* & *securum*; quam emphasin habet verbum *sedere*, sine metu, sine sollicitudinibus; cum cuncta sunt tuta & pacifica, ut Mich. v: 3. 1 Reg. xxi: 30. *Et sedebant tres annos*, & *nullum erat bellum* &c: sic & 2 Reg. xiv: 10. 2 Sam. vii: 1. 4. Denique conventum *Ordinum*, & primorum populi, qui una de summa rei deliberant, quorum est *sedere*: uti notum est.

§. VIII. γ. De celeberrimo hocce conventu Fratrum testatur David, eum esse *quam optimum* & *jucundissimum*, ad præsentem experientiam provocans: cum dicit; *ecce, quam bonum* & *quam jucundum est*. Vocula *ecce* non tantum adtentionem excitat, & bonitatem rei adaugere, sed in rem præsentem ducit; & rei præsentis, quæ digito monstratur, notâ est; adeoque, ad veritatem dicti demonstrandam, provocatur quisque ad rei præsentis contemplationem. Videte, quotquot de jucunditate & utilitate fratrum conventuum non satis persuasi estis, videte hunc *conventum*, quam bonum, quam amoenum. Testatur autem David, non tantum *bonum* & *jucundum*, sed
opti-

optimum & jucundissimum esse, uti adverbium *non quam*,
o quam, evincit. *Utilitas & jucunditas* istius conventus
 has ob rationes videtur celebrari. 1. Quia *fraternus* ani-
 mus in eo erat conspicuus, & pax ac concordia fraterna
 in eo elucebat; Deo & hominibus gratissima, & ad *bonum*
 publicum utilissima & necessaria. 2. Quia *felicitatis* tem-
 porum illorum erat certissimum argumentum; quod om-
 nium tribuum unio hinc enitescerebat, quodque publicæ
pacis & securitatis erat indicium. Commoratio ordinum
 totius populi, in unum coactorum, de utroque testabatur;
 eratque in primis maximum regni Davidici bonum, quod
 tribus, antea adeo divisæ, nunc tam amice conspirarint.
 3. Quia mutuae *communione* omnium tribuum luculenta hic
 data erant specimina, ejusque in perpetuum duraturæ cer-
 ta erant hic jacta fundamenta; tum quod in unum Regem
 & Pontificem consenserant, Salomone & Zadoko hic so-
 lenniter unctis, tum quod *munera* sua largissime in Hiero-
 solymam & Templum contulerant. Quæ duo, ut ultimo
 conventui fuerunt propria, 1 Chron. xxviii, xxix: sic
 hic præcipue intenduntur, ut ex *similitudinibus* mox elu-
 cebit. 4. Denique, quia prosperitatis populi, & bene-
 dictionis Divinæ super toto populo, clarissima hic exhibita
 erant testimonia in *muneribus* collatis: ut David solenni
 gratiarum actione & prece indicat. 1 Chron. xxix. quo
 respicitur in emblemate *roris*, & in nuda oratione, qua
 Deus *benedictionem* ibi *præcepisse* dicitur. 5. Postremo quia
 hic conventus luculentam spem præbebat ulterioris bene-
 dictionis Divinæ in perpetuum, ut vers. 3. innuitur.
 Ex hoc enim conventu talis populi conditio elucebat, in
 qua Deus sibi complacere poterat, qualemque Deus secun-
 dum Vet. Oeconom. requirebat.

§. IX. II. Quæ omnia ex propositionis illustratione,
 tum *emblematica*, tum *simplice*, clariora evadent. *. Duo
 hic adhibet emblemata poeta, alterum *olei*, quo Aaron,
 cum inauguraretur, unctus est, alterum *roris* Hermonis:

sed quæ emblemata in majus auget, vel hyperbolica oratione proponit, ut sæpe in visis prophetarum fieri solebat, ad rem Spiritualem & plenius & fortius depingendam. Hinc est, quod oratio intra naturalia, & propria figurantium rerum effecta & adtributa non maneat, sed ulterius sese efferat; quod non nisi extraordinarie & miraculose in rebus illis naturalibus locum habere posset. Oleum non tanta copia fuit effusum in faciem Aaronis, cum inauguratus est, ut per vestimenta ejus usque ad extremas & infimas partes defluerit; sed acsi id fuisset factum, David hyperbolice loquitur, ut rem emphatice exprimeret. *Ros Hermonis* sese per Cananæam nunquam ita expandit, ut in montes Tſionis defluerit; sed id fingit poeta in sublimi oratione; ut rem Spiritualem vividius expingeret. Verum illud non erat in emblemate secundum ordinarium cursum; sed per Dei providentiam erat possibile, & in re Spirituali verissimum foret; quare id adsumit, acsi ita contigerit; in quo nihil est absurdi, nihil a stylo sublimi alienum, nihil ab hyperbolica Prophetarum oratione abhorrens; ut multis demonstrari posset exemplis, si opus foret: sufficiat illud unum, quod occurrit Joel. iv. fin. *destillabunt montes musto, & colles diffuent lacte, & fons ex domo Jehovæ exibit, & irrigabit vallem Sittim*, sic & Am. ix. 13. Ps. xviii, lxxii. & ubique. Ad hæc si adtendissent Interpretes: multo labore, in emblematum natura explicanda, supersedissent; de quo postea.

§. X. Prius emblema ab oleo in caput effuso, & in specie in caput Aaronis, tempore inaugurationis ejus desumptum est, sed hyperbolice propositum, acsi in *barbam* ejus non tantum defluerit, sed per omnes ejus *vestes*. Duplicem hic in primis committunt errorem Interpretes nonnulli, unum, quod posterius *defluere* cum *barba* construant, alterum, quod superiorem vestis aperturam per *os* vestium intelligant. Sunt, qui, cum dicitur, *quod descendit super oram vestium, ad barbam* eousque demissam referunt; nimia

mia accentuum religione ducti, ut videtur. Sed immerito, cum accentuatio id non exigat, &, si vel postulare, ejus ratio hic habenda non foret. Accentus maximi distinctivi in voce, *super barbam*, hæc est ratio, ut indicaretur, duo hic occurrere olei emblemata, alterum generale, alterum speciale i.e. unguenti unctionis Aaronis: quæ ratione voces *sicut oleum* &c. repetendæ sunt ante voces *super barbam Aaronis*. Sed hac subtilitate missa, & accentuum auctoritate, non nisi humana & fallibili, suo loco relicta; posterius verbum *super* ad *oleum*, & non *barbam*, esse referendum, dubitari non debet; tum quod in re fluida usurpetur hoc verbum, tum quod hic de oleo & rore occurrat, tum denique quod defluxus hic extraordinarius per vestium longitudinem totam intelligatur. Quod postremum cum multis secus videatur, qui alter Interpretum error est, de eo pressius agendum est.

§. XI. Cum textus habet *super os vestium*, multi, vocem illam *oris* nimium prementes, intelligunt *oram* in summo vestis circa pectus & humeros, sive supremum *orificium tunicae & pallii* Pontificis. Sed *a*. valde impropria & insolita dictio est, oleum defluere *super aperturam* vestis; quare non *super vestem*? Vox enim *aperturam* vestis dicit, a *limbo* circa eam distinctam. *b*. Defluxus *super os vestium* ulteriorem gradationem continet; adeoque sese ultra *barbam* extendere debet, sed *barba* & *ora* vestis cohærebant. *c*. Phrasis Hebr. *וּבְיָדָיו* solet usurpari pro *juxta*, ut sit *juxta*, vel *secundum* vestes: quemadmodum *Jes. xix: 7. juxta fluvium*, *Ps. cxli: 7. juxta inferos*, aut mortuorum regionem. *Prov. xxii: 6. instrue puerum secundum viam ejus*. *Lev. xxvii: 8. secundum illud, quod adsequitur manus voventis*. Ita hoc in loco *secundum, juxta, vestes ejus*, ita ut oleum a capite per *barbam* defluat *juxta vestes*: & quidem secundum omnem *mensuram* earum, quo tendit vox *וּבְיָדָיו*, qua poeta studio est usus &c. Quæ ut stylo Hebr. est congrua oratio, sic in hunc locum apte quadrat; cum profundis-

profusissima olei effusio totum corpus metiens, & usque ad infimas vestium partes descendens, intelligenda sit. Nihil difficultatis in eo est, quod simile quid in Aaronis unctione locum non habuerit; cum exaggeretur hic olei effusio, ad rem spiritualem vividius exprimendam, ut modo notavi.

§. XII. Videamus nunc, quo collineet emblemata, & quid ob oculos ponat? 1. In genere quidem eo mihi tendere videtur, ut *jucunditas*, & *celebritas* fraterni conventus quam vividissimis coloribus depingeretur. *Oleo* nihil præstantius, in primis *unguento* inaugurationis Aaronis, ex pretiosissimis aromatibus composito; quo nihil fragrantius & jucundius est: quam bonæ *fragrantiae* notionem adfert etiam usu suo vox *naa*, quare lætitiæ, & celebritatis aptissimum emblemata, etiam usitatissimum; ut in *oleo lætitiæ* Ps. XLV. Jes. LXI. & alibi sæpe. *Diffusio* olei per *vestes* lætitiæ dispersionem per totum populum, & conventus famam longe lateque disseminandam, exprimit. 2. Sed, ut ad specialiora descendamus, emblemata nos ducit ad præcipuam istius conventus *solennitatem*, quæ altera quasi erat Pontificatus inauguratio, in eo sita, quod tum Templi ædificatio fuerit solenniter decreta; donariis eum in finem largiter collatis; tum Pontificatus ad veram lineam Aaronis, cui hoc munus a Deo erat adligatum, reductus in *Zadoko* uncto & inaugurato. Hucusque sacerdotium fuerat *Tavernaculo* adstrictum, quo inauguratio Aaronis tendebat, sed nunc *Templo* longe splendidiore modo adligaretur; quo *Zadoki* ducebat inauguratio. Deinde, Aaronis familia in duos filios divisa, *Eleazarum* & *Ithamarum*, ille, ut natu major & legitimus hæres muneris Paterni, successit; sed post quatuor successiones Pontificatus est in *Eli* ad *Ithamaridas* translatus, mansitque usque ad *Abjatharum* ultimum ejus lineæ, quando ad veram & legitimam lineam *Eleazaris* rediit in *Zadoko*, in hoc illustri conventu solenniter

a. Vid. ad Jer. vi: 20. & Ps. LIX: 32.

ter uncto. 1 Chron. xxix. Quæ quasi altera erat *Aaronis* inauguratio, qua ejus pontificatus, qui ad illegitimam lineam deflexerat, ad rectam familiam translatus, quasi renovatus, & altera vice solenniter institutus est, maxime cum in *Pinebaso* hæc linea solenni Dei promisso fuisset confirmata. Num. xxv: 12, 13. Sed hæc renovata inauguratio longe *splendidior* & illustrior fuit, ac prima Aaronis, tum quod cultus sacer per Templum & alia multo inceperit esse gloriosior sub Salomone, tum quod populus & regnum in longe florentiore statu hoc tempore fuerit, quippe pace, divitiis, potentia & amplitudine longe celeberrimo & prosperrimo. Quo respectu Aaron hoc tempore censeretur potest tam largissime unctus, ut ad talos fere defluerit unguentum.

§. XIII. 3. Sed paulo penitius in personam *Pontificis*, qua *sacerdotum* capitis, & totius populi centri, penetremus, eumque nobis ob oculos ponamus tanquam vinculum unionis omnium filiorum Jacobi, & fontem omnis benedictionis, ad populum derivandæ. Pontifex enim, quo totum sacerdotium comprehenditur, universum populum repræsentabat, ut *duo lapides* super humeris, & 12 in pectorali ostendebant, eumque in sua persona in unum corpus, vi *religionis*, uno in loco & unius personæ sub auspiciis, exercendæ, compingebat, nec non auctor erat, ut favor Dei, & quævis bona, inde orta, sese ad totum populum extenderint; totaque illa Oeconomia duraret, & floreret, quippe in religione illa fundata. Pontifice itaque vigente, & feliciter agente, totus populus in summo flore sit, necesse erat. Ex quo conspectu explicandum est visum Josuæ Pontificis Zach. 111. ut alio tempore ostendam. Quo etiam respicitur Ps. cxxxii. ubi sacerdotes dicuntur vestiendi *salute & justitia*. Hoc oculo si Pontificem contemplemur, haud difficulter detegemus, *unctionem* ejus, eamque profusissimam, exhibere imaginem *unionis* totius populi in unam Ecclesiam, & regnum sacerdo-

cerdotale uniti, ut & *favoris* Dei erga populum, tanquam fontis omnium bonorum, cum per sacerdotium tanquam canalem quævis bona ad populum redundarint. Cum itaque in hoc *conventu*, ut in rem præsentem veniam, factorum modus & ratio esset definita, omniumque votis firmata, ipse Pontifex unctus: facile videmus, quo scopo hoc emblemate usus fuerit poeta; ut, ad celebritatem conventus extollendam, in omnium oculos ingereret, quanta bona inde ad universum populum profluerent, bona scilicet mutue unitatis & benedictionis Divinæ, præterea universos adhortaretur ad unionem hanc conservandam, & se tali sacerdotio dignos constituendos, ut oleum a capite Pontificis ad usque ultima membra defluat. *Unctio* itaque Pontificis, 1. totius populi in Pontifice consecrationem in *regnum sacerdotale* repræsentat. 2. *Oleum* exhibet quicquid ad populum exhilarandum & glorificandum facit. 3. Olei defluxus juxta vestes expingit bonorum illorum communicationem cum omnibus, etiam remotissimis a loco sacerdotii, adeoque per universam terram. 4. Denique tacite insinuat, Hierosolymam, ubi ille conventus fuit habitus, esse unicam regni & religionis sedem, adeoque observandam tanquam causam unicam omnis benedictionis, eoque nomine ab omnibus, qui reip. sibi que bene velint, esse devote adeundam; cum oleum inde ad quasvis partes, etiam remotissimas, unice defluat.

§. XIV. Ultima, eaque omnium illustrissima, totius regni comitia sub finem regni Davidis, in quibus, Salomone & Zadoko, illo rege, hoc Pontifice, solenniter unctis, muneribusque ab Ordinibus totius populi in sacros usus, & Templi constructionem, largiter collatis, solida perpetuæ unionis Israelitarum & reliquarum tribuum jacta sunt fundamenta, præclara quoque benedictionis Divinæ producta sunt specimina, quæ perpetuæ benedictionis spem præbebant: hæc, inquam, comitia cum David in priorē cantici parte a jucunditate & utilitate celebrasset, nec non elegan-

elegante emblemate unctionis Aaronis in Pontificem illustrasset, quoad restitutionem Pontificatus in recta Aaronis familia, domo sc. Eleazari, hacce in panegyri factam, in Zadoko, & totius populi utilitatem a Pontificatu, & sacerdotio, derivandam; mox alterum addit emblemata, haud minus illustre, itidem in majus auctum, & hyperbolice propositum; roris, nimirum, *Hermonis, qui defluit in montes Iſionis*, vers. 3.

§. XV. Quod emblemata antequam explicem, de sensu *litterali*, haud una difficultate laborante, quædam præmittenda sunt. Mons *Chermon*, seu *Hermon*, in Script. occurrit tanquam limes *septentrionalis* terræ Israeliticæ Transjordanensis, uti *Arnon fluvius terminus australis*, Deut. III & IV quo respicitur Ps. LXXXIX: 13. *Aquilonem & austrum creasti: Tabor & Chermon exultant in nomine tua*, licet & illud alio referri queat. Extendit autem sese ille mons versus *Libanum*, cum quo nonnunquam commiscetur: vid. Jos. XI: 3. coll. Jud. III: 3. Habuit multos vertices, quasi totidem montes, quare *omnis mons Hermon*, vel totus mons multorum collium, memoratur Jos. XIII: 11. Horum verticum unus erat maxime insignis *Paneadi* imminens, & *mons Panius* dictus Eusebio *a*, memoratur, quem Jos. *b*, *verticem montis* dicit in *sublimitatem infinitam elatum*; juxta quem *fontes* esse *Jardenis* fluvii scribit. Hunc verticem proprie *Hermonem* fuisse dictum, crediderim; cum vox, ut ex Arab. lingua patet, denotat *prominentem montis verticem*, ubi finitur, & refecatur, ἀποτομώτατον τῆς ὄρους editissimum montis præcipitium adpellat *Arrianus c*, unde totum illud montanum nomen accepit. Præter hoc montanum, num aliud temporibus antiquis fuerit in Cananæa, hoc nomine insignitum, mihi non constat. Recentioribus quidem temporibus hoc nomen tulit mons haud procul a *Tabor*, ut ex Itinerariis patet; sed *a*. de antiquitate no-

Nnn 2

minis

a H. E. I. VII. c. 17. *b* B. J. I. c. 16. *c* Exped. Alex. M., I. 1. p. 5.

minis non constat: profertur quidem Epist. *Paulæ ad Marcellam*, inter Hieronymianas, ubi *Hermonim* occurrit, qui conspici posset e Galilæa; sed nihil vetat, altissimum illum Hermonis verticem intelligi, ut recte a Clerico *a* est observatum. *b*. Illud constat, nusquam in Script. S. alterius montis hoc nomine fieri mentionem, ac qui modo a nobis est descriptus. Quare sine ratione de alio hic cogitant haud procul a *Tabor*, de quo mox.

§. XVI. Præter montem *Hermon* occurrunt *montes Tſionis*, numero plur., uti *montes sancti*, Pf. LXXXVII: 1. licet unus tantum mons fuerit eo nomine notus, sive per excellentiam *montes* dicatur, ut sæpe alias plur. num. eam ob causam pro sing. usurpatur, sive ad duos colles respiciatur Tſionem & Moriam, cui Templum fuit inædificatum; sive denique *montes Tſionis* idem sit ac *montes Hierosolymæ*, quæ voces sæpe permiscuntur, sive *montanum Tſionis*, & circa Tſionem intelligatur. Quacunque ratione capiatur, mihi perinde est; modo hinc non colligatur, alios montes ac eo nomine notos intelligi, de quo mox. Illud verbo notetur, *montanum Tſionis* fuisse illustre, tum per *civitatem Davidis* ibi positam, tum per *Templum* eo superædificatum; cuius rei respectu *Deus eum montem elegisse*, & *ibi habitare*, dicitur Pf. CXXXII: 13. & alibi sæpe. Plura de hoc monte dixisse, nihil adtinet.

§. XVII. Videamus, quid de his montibus proferat canticum. Hermoni adtribuitur *ros*, qui *defluere* dicitur in *montes Tſionis*: sic enim verba vertenda sunt, & intelligenda. *Sicut ros Hermonis*, qui *defluit in montes Tſionis*. Sunt, qui particulam jungentem, & per ellipsin præmitti volunt relativo *qui*, ut sit, *sicut ros Hermonis*, & *qui* &c.; sed 1. sine ratione solida. Distantia montium Hermon & Tſion illos eo adegit, cum ros ex Hermone usque ad Tſionem pertingere nequeat, nec illud naturæ rei conveniat. Sed, quanti sit illud faciendum, & qua ratio-

ratione expediendum, mox patebit. 2. contra *nexum* orationis, qui connectit rorem Hermonis & Tſionis: nisi enim poetæ in animo fuisset, rorem Hermonis defluere in montes Tſionis, longe alia ratione mentem expressisset, sc. sicut *ros* Hermonis & Tſionis, vel, qui descendit in *Hermonem* & *Tſionem*. 3. contra usum relativi *qui*, quippe quo ad eundem *rorem* ducimur. 4. denique contra phrasim usum vers. 2., ubi de eodem *oleo* ex barba Aaronis per omnes mensuras ejus defluente usurpatur.

§. XVIII. Sed hæc interpretatio nos gravissimæ difficultati implicare videtur, ex eo natæ, quod, cum montes illi 100 milliarum spatio distent a se invicem, prorsus fieri nequeat, rorem ex Hermone defluere in montes Tſionis. Quæ difficultas Interpretibus crucem fixit, & nonnullis quoque ansam præbuit, vel particulam & inferendi, de quo modo vidimus, vel alios montes vicinos admodum intelligendi, per *Hermonem* sc. montem Galilææ, vicinum monti Tabor, & per *Tſionem* montes, colles, vicinos haud procul a *Sione*, urbe tribus *Iſſaſchar*, quæ memoratur Jos. xix: 17. ut Cl. Relandus opinatur *a*. Sed 1. nusquam *Hermon* nisi in limitibus Septentrionalibus Cananææ occurrit in Script., ut modo observavi. 2. nusquam etiam *montes Tſionis* alii ac Hierosolymis. 3. Nec omnis tollitur difficultas, cum *ros* ab uno monte non defluat in alterum. 4. In textu non occurrit *Sion*, cum *w*, ut Jos. xix. sed *Tſion*, cum *s*, nec littera *κ*, ut Jos. xix. hic adest: adeoque sine lectione mutata subsistere nequit hæc opinio. Quod si vocem *Tſionis* commutare liceret cum voce *Sionis*; intelligerem potius ipsum montem *Hermonem*, ut sit; sicut *ros Hermonis*, scilicet, qui coelitus super totum illud *montanum* defluit. Montanum enim illud nomine *Sionis* fuisse insignitum, ex Deut. iv: 48. constat. Simile quid Ill. Grotio videtur fuisse in animo.

§. XIX. Sed hinc mihi nata est cogitatio, silentio non

Nnn 3

premen-

COMMENTARIUS.

premienda; *montes Tſionis* esse forte in genere *montes siccus & aridos*. Utrique & nomen *Tſion*, & emblemata *roris*, in hanc opinionem recte conveniunt. Ut *Jes. xxxii: 2.* emblemata petuntur *a rivis aquarum in arido & sicco*: sic hoc loco recte a *rore supra montes aridos*, quo nihil est aptius. Deinde vox *Hebr. ror* æque pro *arido* in genere, ac monte *Tſione* in specie usurpatur, tantum est leve discrimen in punctatione; pronuntiatur enim *רֹר* cum *siccitatem* dicit, & *רֹר* cum *montem illum* signat. Hoc si admittatur, vox plur. *montes* faciliores habebit explicatus. Ne autem orationis structura scrupulum injiciat, not. 1. verbum *defluere* non respicere ad *Hermonem*, ac si inde delaberetur, sed ad *coelum*, cui *roris* destillatio ubique attribuitur in *Script. S.* ut *Dent. xxxiii: 13, 28.* ac si legeretur: *sicut ros Hermonis, qui coelitus defluit super montes aridos.* 2. Membra ita coherere, ut posterius sit prioris explicatio & illustratio; hac ratione: *sicut ros Hermonis*, scilicet, vel, id est, *sicut ros qui de coelo in montes siccus defluit.* *Ros Hermonis* est, qui in eum montem defluit, quo ille totus tectus est; ros autem *Hermonis* est ros *montium aridorum*, adeoque *sicut ros Hermonis* idem est ac *sicut ros*, qui defluit in *montes aridos.* Mons *Hermon* ergo hic tanquam *ros* *ἕρως* *mons aridus* occurrit, coelitus humectari solitus: quod in *Hermonem* in *Galilæa* aptissime quadrat, cum ros ibi magna copia descendere soleat, teste *Maundrello*, sed in *Hermonem* ad *limites Cananæ Septentrionalis* non nisi *humidi nivis* respectu, quo totus, quemadmodum *Libanus*, est tam æstate quam hyeme obtectus, quare eximie *mons nivis* adpellari solet. Licet autem nomine *roris* quemvis humorem coelestem comprehendere, ut *Dent. xxxiii: 13, 28.* *Zach. vii: 12.* Posset etiam haud inepte cogitari, duo hæc membra, elegantiae causa disjuncta, hac ratione conjungenda esse, ac si legeretur, *sicut ros qui descendit super Hermonem, super montes aridos.* Quo nihil est vulgati.

§. XX. Sed

§. XX. Sed hæc mittamus, & acquiescamus in simpliciore orationis structura, & de *rore Hermonis defluxuro in montes Tſionis* interpretemur: nec offendant locorum distantia, aut effectus naturæ leges migrans; quia sermo est hyperbolicus, quo emblemata in majus, rei figuratæ causa, augetur, quemadmodum ad vers. 2. observavi. Conferatur nunc emblematica descriptio Ecclesiæ Apostolicæ in Tſione fundandæ; Jes. 11: 2. ubi *mons domus Jehovah constabiliendus*, dicitur, *in vertice montium*, & *erigendus supra colles*: haud absimili ratione, ros Hermonis hic hyperbolice ob oculos ponitur, tanquam qui totam Cananæam pervaderet, & in montes Tſionis deflueret. In quo nihil est absurdi, modo rei figuratæ hoc conveniat, de quo nunc dispiciendum est.

§. XXI. Comparatio inter panegyrim totius populi, seu comitia regni solemnia, Hierosolymis, & inter *rorem Hermonis* super montibus Tſionis, instituta, ut dextre caplatur, & in omni complexu suo ob oculos ponatur; operæ pretium fuerit, a. observasse, *Hermonem* hic memorari, tanquam limitem septentrionalem Cananææ, adeoque complecti totum populum, cis- & transjordanensem, versus septentrionalem Judæ plagam: quemadmodum Ps. cxxxix: 6. sub nomine *agrorum sylvæ*, sive *Libani* ut ibi vidimus. Ros Hermonis itaque est ros totius tractus septentrionem versus usque ad extremos terræ Cananææ limites, cis & trans Jordanem; b. attendisse ad *usum* emblematis, ex *roris*, ejusque effectorum, populari conspectu eruendum. Emblemata enim naturalia non philosophice sed populariter sunt tractanda; si quis sensum eorum in Script. S., & vulgari usu loquendi, penetrare velit.

§. XXII. Hac ratione emblemata *roris*, a. expingere solet *jucunditatem* & *laetitiam*, quatenus & *lucidi* ac jucundi est adspectus, & vim habet refrigerandi & refocillandi in calidis regionibus & temporibus: quo sensu *river aquarum in terra*

terra arida occurrunt, Jes. xxxii. ita benignitas, seu studium religionis, comparatur, propter *jucundam* quam præfert speciem, *rori matutino*, Hof. vi. Hoc quam apte huc quadret, ex dictis sponte sua elucet. Conventus totius populi Hierosolymis, qui de unione omnium Israelitarum testabatur, & pacis ac securitatis erat indicium, lætissimi erat adpectus, & ingentem lætitiā ac consolationem adferebat, in primis *Hierosolymae*, fedi totius regni, ubi confluxerat populus. Erat itaque instar *roris* super *montibus Tſionis*, ex Israelitarum terris orti. *b.* In *rore* adtendi solet ad guttularum immensam copiam, & *compactionem* earum, ita ut multæ guttulæ unam rem constituere videantur. Unde est, quod *ros* multitudinem & densissimam copiam signare soleat, ut 2 Sam. xvii: 12. *Erimus ipsi*, sc. cum toto populo coacto ipsi superveniemus, *sicut cum ros cadit super terram*. Huc etiam intenditur Ps. cx., ubi immensa discipulorum Christi copia cum *rore* comparatur, in phrasi, *ros juventutis tuæ*: quo in loco simul respicitur ad lætissimam & vegetissimam multitudinis partem; quam Orient. *rorem*, ut Lat. *florem delibatum*, appellant. Quod si ad animum revocemus, sponte sua sese nobis offert summa *frequentia* Israelitarum, & quidem lætissimæ eorum partis, Hierosolymis, & hoc tempore, & post futura. Erat itaque hic conventus instar *roris* ex terris Israelitarum super Hierosolymam *cadentis*.

§. XXIII. *c.* Ros, cum sit medium, quo terra foecundatur, & facies terræ renovatur, præcipue in aridis terris, usitatissimum solet esse omnis *abundantiæ* emblemata: ita Deut. xxxiii. Hof. xiv. *ero tanquam ros Israeli*, Zach. viii. Job. xxix: 19. *ros pernoctabit in ramo meo*, & alibi. Hoc oculo si emblemata hic intueamur, facili negotio detegimus, 1. omnium bonorum copiam per totam terram Cananæam expingi, 2. eorumque bonorum liberalissimam collationem in Hierosolymas; quo factum fuit; ut Hierosolyma quasi revixerit, & insigniter floruerit.

Quod

Quod in hunc conventum egregie convenit, tum quod dona & munera ab omnibus totius populi ordinibus fuerint in eo largissime exhibita, tum quod, Hierosolyma omnium consensu sede regni & religionis constituta, decimæ, primitiæ; aliaque dona in usus sacros, ab Israelitis copiose ad eam sint deferenda. Quam apte itaque *ros Hermonis* dicitur in *montes Tſionis defluere*. *d.* Denique *ros*, qui *coelo* delabitur & sine ope humana accidit, tanquam *donum* Divinum, quod de supremi numinis favore erga homines testatur, consideratur, eoque nomine imaginem præfert *benedictionis* Divinæ; uti in locis citatis, Deut. xxxiii. & alibi. *Ros* itaque *Hermonis*, ut benedictionem Dei super toto populo, sic *roris* illius delapsus super montes Tſionis repræsentat sortem, quam Hierosolyma haberet præcipuam in ea benedictione populi; tum quod effecta & fructus benedictionis eo deferrentur, tum quod *signa* favoris Dei erga populum hic ostenderentur, & exhiberentur, Deoque *grates* hic publice agerentur a toto populo: qua ratione *ros Israelis* in montes Tſionis deflueret. Hujus benedictionis Divinæ & signa in his comitiis fuerunt conspicua, & publica facta est celebratio, ut ex 1 Chron. xxix. constat: quam apte itaque cum *rore* Hermonis super montes Tſionis comparatur hic *conventus*. *e.* Addi postremo & illud potest, *roris* emblema usurpari de studio religionis, ejusque exercitio, tum quod cultus Dei sit *coeleste* quid, tum quod pulchram præbeat speciem, tum quod ex multis partibus coadunatis sit compositus, tum denique quod civitati & Ecclesiæ vitam, florem, & veram consolationem ac refrigerium adferat. Ita Hof. vi. *benignitas* Israelis comparatur *cum rore*. Nihil ad hunc locum est accommodatius. Hisce enim in comitiis Hierosolyma est religionis sedes constituta, & in Templum, ibi condendum, omnes consenserunt, studiumque religionis in donariis, largissime manu offerendis, ostenderunt: ab hoc itaque tempore religio, a toto populo Hierosolymis unice exercenda,

cenda, recte dicitur speciem præbere *roris Hermonis*, seu terrarum Israelis, defluentis supra montes *Tzionis*.


§. XXIV. Subjungitur huic emblematicæ illustrationi nuda & simplex explicatio utilitatis, a fraterno illo conventu expectandæ, his verbis: *profec̃to ibi præcepit Jēbo-
va benedictionem & vitam in perpetuum*. Nihil hic difficilis, modo verbo notetur, *ibi* pertinere ad *panegyri*n fraternaliam, ut ex argumento cantici & nexu orationis patet, *præcipere* vero hic & *sistere*, & *promittere*, denotare, intenditur enim futurum æque ac præsens, ut ex phrasi *in perpetuum* liquet. vid. Lev. xxv: 21. *Præcipere* Dei est proprie rem repræsentare, & dein se facturum polliceri. In vocibus *benedictionis* & *vitæ* respicitur ad promissâ foederis Sinaitici, quæ & vitam longævam, & jucundam ac prosperam, omniumque bonorum abundantiam comprehendunt, his nominibus passim insigniri solita. Vid. Deut. xxx: 19. & ubique. Quousque sese phrasis *in seculum* porrigat, cum de promissis Sinaiticis agitur, supra sæpe observavi, quare hic nihil addam.

§. XXV. Sensus itaque est. 1. Signa favoris Dei, & *benedictionis* ejus effecta, fuisse in hoc conventu conspicua; ita ut de eo vere dici queat, Deum *ibi præcepisse*, præsto stitisse suam benedictionem: quod ex *utilitate* & *jucunditate* ejus, vers. 1. demonstrata, sponte sua elucescit. Præterquam quod hic conventus de pace & prosperitate regni testaretur, bonorum a Deo in populum collatorum præclara specimina in donis, ab ordinibus regni Deo consecratis, sunt præbita, & Deo propterea publicæ *grates* sunt actæ. 1 Chron. xxix. 2. Præterea significatur, Deum huic conventui adligasse suam benedictionem in perpetuum, eumque tanquam thesaurum constituisse, ex quo quævis bona identidem depromerentur, & in universum populum redundarent. Id enim emphasis phrasios, *ibi præcipere*, complectitur. Respicitur ad Templum eo in conventu decretum, & sacra ibi cum sacerdotio ordina-

dinata, ut supra sæpe observavi &c. 3. Denique indicatur, in hoc conventu, tanquam lucidissimo speculo, conspici, qualis esse, seseque gerere debeat populus, si *benedictionem & vitam* consequi velit in perpetuum. In hoc enim conventu populus, *a.* sese unitum & concordem, *b.* veræ religionis studiosum, demonstravit, & *c.* consensum in domum Davidis, ut regiam, & Templum Hierosol., ut unicam religionis sedem, publice est testatus. Hoc animo si esse pergeret populus, utique fieri non posset, quin omne genus bona, vi foederis Sin., in eum confluerent.

§. XXVI. Hactenus in *litterali* sensu hujus cantici explicando versati fuimus. Sed nihil vetat, quominus ad regni Davidis & Salomonis antitypon extendamus cogitationes, easque defigamus in illud tempus, quo Messias, persona Davidis deposita, & peccato ac satana debellato, paceque ac spirituali benedictione impetrata, adsumere incepit personam *Salomonis*, sive, ut clarius loquar, quo *rex & pontifex* Ecclesiæ solenniter unctus est, ut in hisce comitiis factum est. Quod tempore *Pentecostis* contigisse, quando Spiritus in Apostolos est effusus, Petrus ipsis verbis docet. Act. 11. Sit itaque *conventus* Apostolorum, qui hisce *comitiis* respondeat, & *unctio* Aaronis exhibeat *Spiritus S.* effusionem, oleo a capite Christo ad inferiora etiam membra descendente: nec longe quærenda erit convenientia. *a.* Apostoli, ut fratres, in unum coacti fuerunt. *b.* totum populum, seu 12. tribus repræsentarunt, 12. etiam numero Apostoli. *c.* Actum est de Ecclesia ædificanda, & omnia eo in conventu ad id sunt præparata. *d.* Christi in coelis uncti in regem & Pontificem effecta consecuti sunt, & indicia in *oleo* Spiritus ad ipsos defluente, unde quoque ad infimas totius corporis Christi partes deflueret. *e.* Constitutus etiam est hic conventus omnium benedictionum thesaurus, & tanquam in imagine expinxit qualitates *Ecclesiæ*, quæ benedictionis fieret particeps. *f.* Denique lectissima totius mundi pars, eaque

numerofissima, multa benedictione Spirituali mactata, *ros Hermonis*, seu mundi & Gentium, huc deflueret; seu gloriam & dona sua conferret in hanc novam Hierosolymam, tum communionis cum hac Ecclesia *matre*, tum *grati* animi testificandi ergo: prorsus quemadmodum *munera* Hierosolymam detulerunt Israelitæ, uti est Jes. LXVI. Posset quoque de Christo, qui in Galilæa est educatus, & versatus, ut & de Apostolis, viris Galilæis, in *roris Hermonis* emblemate cogitari, qui in Tifione resederunt. Sed hæc perstrinxisse suffecerit.



PSALM



P S A L M. CXXXIV.

1. *Canticum adscensionum. Ecce! benedicite Jehovah omnes servi Jehovah, stantes in domo Jehovah. In ipsis noctibus, seu in jubilationibus,*
2. *Ad tollite manus vestras in sanctum, & benedicite Jehovah.*
3. *Benedicet Tibi Jehovah e Tsione, qui fecit coelum & terram.*

P R O L E G O M E N A.

I.

Argumentum cantici est Tsionitarum', cujuscunque ordinis & status, primo personarum sacrarum, dein reliquorum omnium civium, in unum coactorum, utique praesentium, exhortatio ab illustri persona, seu duce & praefecto, facta, ad Jehovah, Deum Israelis, bonum & veracem, dignis laudibus publice & laete celebrandum, eique gratias agendas, in eo fundata, & ex eo educta, quod Jehovah, supremus Mundi rector, qui coelum & terram creavit, potentissimus & optimus, Tsionem inhabitans, inde populo Thonæo sit benedicturus, uti in praesentia singulari modo fecerat, omnia bona in eum conferendo. Cum exhortationi ad Jehovah benedicendum subjungat poeta, *Jehovam e Tsione benedicturum* esse, exhortationem suam in eo esse fundatam, & inde repetitam, quod Deus quævis prospera sit concessurus populo, clare

indicat. Sunt, qui canticum volunt esse *dramaticum*, quo diversæ personæ sistuntur loquentes, aliæ benedictionem Jehovah inperantes, aliæ benedictionem, a Jehova faciendam, pronunciantes, seu voventes & adprecantes, sive prior sit ductor Levitarum eos excitans ad officium recte faciendum, & posteriores sint Levitæ ductori benedictionem Divinam optantes, sive prior sit populus, a sacerdotibus benedictionem Dei petens, & posterior sacerdos, eam pronuncians. Sed, præterquam quod diversarum personarum, uti nonnulli recte observarunt, nullum sit indicium, & una eademque persona utrumque, adhortari scilicet alios ad Deum laudandum, illisque benedictionem vovere, præstare possit, maxime si, quod nos in argumenti propositione fecimus, benedictionis Divinæ adprecatio consideretur tanquam adhortationis fundamentum, & ratio movens; *prior* persona nec Levitarum ductor esse potest; cum omnes servi Jehovah sine discrimine excitentur, ut & reliqui cives, nullumque sit indicium deductionis Levitarum ad ædem sacram, nec etiam, imo multo minus, populus, benedictionem a sacerdotibus petens, cum Jehovah celebratio tantum injungatur personis sacris.

§ II. Præterea, ad verum cantici conspectum recte percipiendum, *duo* notari velim. *Unum* est, populum, ex personis sacris & civibus reliquis constantem, hic representari in unum coactum, tanquam in comitia: cujus indicium in eo est, cum quod sermo ad præsentem dirigatur, tum vocula *ecce* in principio rem ob oculos sistat, uti Ps. præcedente habuimus, tum denique benedictio ei in sing. promittatur, vers. 3. *benedicet tibi* &c. *Alterum* habet, statum populi Israelis, seu Tſionitarum, fuisse pacatum, prosperum, quo multiplice benedictione Jehovah fruebatur, & gauderet in posterum. Cujus indicium est sicut in vocula præmissa *ecce*, ut mox patebit, ita in eo, quod omnis status Tſionitæ excitentur ad Deum laudandum, eique

que gratias agendum, ejusque exhortationis ratio a benedictione Divina, ipsis assignata, repetatur.

§. III. Qui characteres licet in varia populi Israelis tempora convenient, uti Davidis & Salomonis, Josaphati, Hizkiae, & Maccabæorum, Simonis ac Joh. Hyrcani; nullum tamen eo videtur aptius, quo David, sub finem regni, sacris ordinatis, & omnibus ad Templum, a Salomone condendum, ac ordines sacerdotum ac Levitarum, præparatis; comitia totius populi Hierosolymis celebravit, quibus munera & dona largissime sunt ab ipso & primoribus oblata, Salomo quoque & Zadock solenniter uncti sunt & inaugurati. Quam hypothefin, 1. hujus & superioris cantici comparatio egregie commendat. Utrumque enim cum *הנה* *ecce*, particula rem præsentem ob oculos sistente, incipit, & in *benedictione* populi a Jehova terminatur: 2. luculenter illustrat & valide confirmat, quod David 1 Chron. xxix: 20. orationem & preces hac ipsa adhortatione, ad totum coetum directæ, concluderit, & *dixit David universæ concioni, benedicite, age, Jehovæ Deo vestro, & benedixit totus coetus Jehovæ, Deo patrum ipsorum &c.*

§. IV. Quibus admissis, de *autore*, tempore & scopo cantici facile judicatur. Idem enim, qui præcedentis, *autor* erit David; eodem etiam *tempore*, quo illustria illa comitia habita sunt, quibus superius canticum adplicui, compositum; eo denique *scopo*, ut populus cum Sacerdotibus & Levitis ad Jehovam pro concessis beneficiis celebrandum excitaretur: sicut factum tunc fuisse, modo ex 1 Chron. vidimus. Plusquam probabile itaque est, canticum hoc superioris esse adpendicem & clausulam, eoque tendere, ut populus ad Deo, pro benedictione a Deo inpetrata, & expectanda, gratias agendas publice excitaretur, & hac formula in posterum uteretur inter sacra, in memoriam illustris hujus eventus, & ad se invicem

ad

ad Deum laudandum, & digne tanto favore agendum.

E X P L I C A T I O.

§. V. Hypothefi cantici explicandi jacta, ad *partes* ejus paucis illustrandas, cum pluribus non fit opus, perge. Sunt autem, ut ex dictis patet, *duae*; *prior* exhortatoria ad Deum celebrandum, verf. 1, 2. *posterior* promifforia, ad officium injunctum urgendum, verf. 3. *Prior* ita habet verf. 1, 2. *Ecce! benedicite Jehovahae omnes servi Jehovahae, consistentes in domo Jehovahae; in ipsis noctibus, vel in jubilationibus, ad tollite manus vestras ad sanctum, & benedicite Jehovahae.* h. e. Ecce tempus est opportunum, & ratio movens, Jehovahæ Deo Israelis, veraci & bono, laudes accendi & gratias agendi! vos itaque, qui praesentes adestis, & omnia hæc Jehovahæ beneficia in populum collata coram oculis habetis, cujuscunque sitis ordinis & status, officium hoc Jehovahæ præstate; vos, servi Jehovahæ, in domo Jehovahæ stantes, sacerdotes & Levitæ functiones sacras in æde ejus obeuntes, in laudes Dei erumpite, vos quoque cives reliqui, quicunque sitis, manibus coelum versus sublati, jubilate & benedicite Jehovahæ.

§. VI. Cum honorificus titulus *servorum Jehovahae*, de sacerdotibus & levitis satis usitatus, & phrasis *standi in domo* Jehovahæ pro functionibus eorum sacris, cujuscunque sint naturæ, satis nota sit, mox etiam, Ps. sequente recurret; *benedictionis* Jehovahæ notio, omnem laudationem, celebrationem & gratiarum, actionem involvens, abunde illustrata, adeoque nostra opera hic non requiratur; *tria* tantum proferam observata, minus vulgata. *Primum*, ad voculam cantico præmissam *non ecce* pertinens, habet, eam adtentioni excitandæ non tam inservire, quod in tali orationis serie, ubi officium inperatur, insolentius est, quam

quam ipsum officium, quod sequitur, commendare ab oportunitate temporis, & rationem moventem ac incitantem, tanquam præsentem, ob oculos ponere: adeo ut eundem hic usum habeat, quem ad Ps. cxxxiii: 1. observavimus, idemque sit, ac si plenius dictum fuisset: *ecce!* videte & ad animum revocate vos, qui præsentés adestis, quam debitum & opportunum sit officio, ad quod vos exhortor, defungendi; quanta sit, & futura sit, super vobis benedictio Jehovæ. Respicit enim hæc vocula ad verbum *tertium*, & cum eo quoque cohæret, facitque ad populum eo magis inflammandum, ut in Jehovæ benedicendo strenuus sit ac copiosus. *Ecce* itaque est, *ecce* nunc tempus est id faciendi, *ecce* quam magna & multiplex est Jehovæ super vobis benedictio! *benedicite ergo Jehovæ &c.*

§. VII. *Secundum* observatum, ad vers. 2dum illustrandum, duplex est, *alterum* circa personas, ad quas adhortatio dirigitur, *alterum* circa sensum, in primis respectu vocis *שׂרפ* *sancti*. Sermonem excitatorium ad eosdem, ac vers. 1., adeoque *servos Jehovæ stantes in domo Jehovæ*, verti, uti communiter statuitur, non autumaverim, sed ad alios quoscunque præter personas sacras, cum ut inelegans & inutilis repetitio vitetur, tum quod reliqui cives, in comitia coacti, excludi nequeant, iisque idem officium Deo benedicendi recte conveniat; in primis quia David toti coetui dixerit, *benedicite Jehovæ*, 1 Chron. xxix: 20. ut modo vidimus. Quod vero ad sensum verborum adinet, notari velim, *sanctum* hic rectius de coelo capi, & *manus eo ad tollere* respicere ad gestus precantium ac benedicientium, simul ardens studium benedicendi & subjectionis testificationem complecti. *Sanctum* intelligi, quo manus tollantur, & non manuum qualitatem, ut nonnulli capiunt, ad earum *puritatem* referentes, structura sermonis edocet, cum non habeatur, *tollite manus sanctitatis*, sed *manus vestras sanctum*, pro, per facillimam ellipsin, *ad sanctum*; & usitata satis sit phrasis, *tollere manus ad sanctum*.

atum, uti 1 Reg. viii: 38. Pf. xxviii: 2. & alibi. Etſi vero de ſanctuario terreſtri, in Tſione erecto, quod Deus inhabitare cenſebatur, capi poſſit, & debeat, ut paſſim ſolet, cum eo ſeſe in precibus & laudationibus Dei vertere ſolent, ſicut 1 Reg. viii. & alibi traditur; *coelum* tamen excluſum nolim, ſicut Pf. xxviii: 2. *manus ad tollere ad adiutum ſanctitatis Dei*; ubi vid. dicta, cum Deus mox ſiſtatur, verſ. 3. *creator coeli & terræ, qui e Tſione benedicit*, adeoque thronum habet in coelo, & ſcabellum pedum in terra, ſeu Tſione. *Manus vero tollere ad ſanctum*, qui geſtus erat precantium & celebrantium Jehovah, uti conſtat, ſicut ſinceritatem & ardorem, neceſſarium ſancti huius officii requiſitum, ita fidei & ſubjectionis confeſſionem, qua Deo *manus* quaſi dantur, ipſeque verus Deus, & ſummus Dominus, omnis boni largitor liberaliſſimus, & omniſufficiens, agnoſcitur, comprehendit. Quibus, quippe facilibus, non inmoror.

§. VIII. Sed quid ſibi vult vox *in noctibus*, ut vertitur, in ſin. verſ. 2di? cui illuſtrandæ *tertium* inſerviet obſervatum. Ad excubias Levitarum in domo Jehovahæ reſſeri, ſicut ſolet, & ſtructura orationis poſtulat, vix poterit, cum nec de ſolis Levitis, ſed *omnibus ſervis Jehovahæ* hic agatur, nec phraſis *ſtare* in domo Jehovahæ ad ſolas excubias reſtringi queat, nec, quid emphaticos habeat, & quo tendat, adpareat. Quid, ſtationem *in noctibus* ſpecialim memoraviſſe, adtinebat? ſi continua & perpetua ſtatio indicaretur, ut volunt, *interdiu* æque ac *noctu*, dictum fuiſſet: niſi *nox* ſit *νυχθήμερον*, uti apud Arab. & Job. iii: 6. ſed id rarius in Script. S., & ne ſic quidem multum ad rem faceret. Nec ſatiſfaciunt, qui cum benedictione Jehovahæ, a ſervis Dei faciendâ, conſtruant; cum *nocturnæ* benedictionis & laudationis Jehovahæ mentio huc minus quadret, utique ſine ratione & emphati fieri videatur: ne dicam, cum *ſtatione* propius cohærere, & a *benedictionis* adhortatione longius diſtare; niſi quis, uti Lxx fecerunt, ver-

versuum distinctione missa, cum sequentibus construi velit.

§. IX. Mihi nihil aptius videtur, quam vocem בָּהִלִּים sumere pro בְּהִלִּים, a radice הָלַל, & vertere in *jubilationibus*, ac cum seq. jungere, ut sit, *in jubilis tollite manus vestras ad sanctum, & benedicite Jehovah*. Quem sensum, rei & scopo congruum, nemo forte spreverit, modo vox Hebr. eum admittat. Parum difficultatis adfert litteræ ה defectus, cum in ipsa punctatura בְּהִלִּים pro בְּהִלִּים lateat; nec desint similia exempla. Sed הִלִּיהָ pro *jubilatione* nusquam occurrit, quod sciam, fateor; sed cum הִלִּיָּהוּ pro *laudationibus* in usu sit, quare הִלִּיָּהוּ, a sing. הִלִּיהָ, vigente lingua non obtinuerit, nulla ratio est; cum forma satis sit analogica, & in aliis vocibus obvia, uti ex gr. in עִלִּיהָ a עלל, חֶן a חננה, לֶבֶן a לבנה, פֶּלֶל a פליה, שָׁן a שנייה, עָלָא & pluribus aliis, quæ sunt formæ קָפָא. Sensus itaque erit, cives posse & debere manus ad Deum, in coelo & Tſione degentem, cum jubilis, lætis, gloriabundis & triumphabundis, vocibus elevare, ac Jehovah ea ratione laudare, & celebrare, eique gratias agere. David hoc ipso tempore dixit, 1 Chron. xxix: 13. *confitemur nos tibi, וְמִחִלִּים læti ac jubilantes celebramus nomen magnificæ tuæ excellentiæ*.

§. X. Posterior cantici pars, rationem moventem officii benedicendi Jehovah, modo injuncti, a benedictione Jehovah, qua gauderet populus Tſionis, derivatam, complexa, his verbis apte subjungitur, vers. 3. *Benedicet tibi Jehovah e Tſione, qui fecit coelum & terram*. h. e. Cum tibi, popule Tſionis! quævis bona, favoris sui signa & effecta, ex adfectu benevolo, sit largiturus, uti voveo & promitto, Jehovah, Deus Israelis, isque verax & bonus, qui Tſionem elegit sedem suam, ibique *præcepit benedictionem & vitam*, omnipotens iste & omnisufficiens universi creator, & rector supremus, videtis vos omnes, quam opportune, & solida ratione ductus, vos ad Jehovah benedicendum exhortatus sim, quamque necessarium, & debi-


tum, sit officium illud, quod injunxi. Verba votum non tam, quam promissum benedictionis divinæ super populo Tſionis continent, quare in fut. occurrit verbum *benedicet* tibi, & manifeste ad vers. 3^{ium} canticum præcedentis, *quia ibi præcepit Jehova benedictionem* &c. respiciunt, eoque tendunt, ut hoc promisso superior adhortatio ad Jehovam celebrandum tanquam necessaria, debita & tempeſtiva, urgeretur, & animis altius inprimeretur: uti supra observavi, & sponte sua ex ſtructure canticum in oculos incurrit.

§. XI. Cum supra ad præcedens canticum de *benedictione*, Tſioni adſignata, expoſuerim, titulus *Jehovæ*, & *factoris coeli ac terræ*, nihil difficultatis habeat, aut moræ injiciat, de voce *e Tſione*, & ſing. num., quo poeta, dicens *benedicet tibi*, utitur, paucis abſolvam. Vox *e Tſione* multum, reſpectu conſtructionis, de ambiguo trahit; poteſt enim cum *Jehova*, verbo *benedicere*, & pronomine *Tibi*, connecti. *Jehovæ*, quocum proxime cohæret, ſi adnectatur, relatio ejus ad Tſionem, quam arctiſſima, ob oculos ponetur; adeo ut *Jehova e Tſione* ſit Tſionita quaſi, qui ſedem fixit Hieroſolymis in monte Tſionis, ubi colit, undeque benedicere, & denominari vult: ſicut Pf. ſequenti, verſ. 21. *benedictus ſit Jehova e Tſione habitans Hieroſolymis*, videbimus. Quod ſi cum verbo *benedicere* conjungatur, ut facile poteſt, ſenſus erit, Jehovam in Tſione theſaurum quaſi bonorum ſuorum recondidiſſe, & inde ea eſſe in totum populum collaturum; quatenus, ut Pf. cxxxiii: 3. habuimus, *ibi præcepit benedictionem*; ſicut Pf. cxxv: 1: 5. *benedicat tibi Jehova e Tſione, & videas bonum Hieroſolymæ*: ubi vid. dicta; & Pf. xx: 3. *Mittat auxilium tuum e ſancto, & e Tſione fulciat te*. Denique ſi vox *e Tſione* ad perſonam referatur, cui benedictio Jehovæ promittitur, ut ſit, *tibi*, qui es *e Tſione*, vel Tſionita, benedicat Jehova: benedictio ad populum Tſionis reſtringetur, ſimul unusquisque de Tſione, ſeu civis Tſionis, tanquam metropolis regni & Eccleſiæ, comprehendetur; adeo ut

e Tſio-

e Tſione sit cum populus, acsi haberetur *populus Tſionis*, tum unusquisque de Tſione, cui jus civitatis ejus competit. Nihil vetat, ut amplior sensus sit, statuere, ambiguitatem studio esse captatam, ut omnia hæc comprehenderentur, quippe connexa, & huc recte quadrantia. Jehova enim Tſionita recte dicitur Tſioni benedicere e Tſione.

§. XII. Ex quibus, quam apte poeta loco *vobis* dixerit *tibi* benedicet, elucescit; siue distributive, ut dicitur, capiatur, pro *cuique* vestrum, quos ad Jehovæ benedicendum excitavi, quod jam occupatum est, siue ad populum Tſionis, collective sumtum, respiciatur, voce *e Tſione* ansam præbente. Est utique numerorum permixtio hoc in casu satis usitata & facilis, ut de populo modo in plur., modo in sing., mentio fiat: quod hic eo rectius admittitur, quia populus in unum coactus, adeoque tanquam *unitus*, hic, ut supra vidimus, consideratur.





P S A L M. CXXXV.

1. *Hallelujah. Celebrate nomen Jehovæ, celebrate servi Jehovæ.*
2. *Qui statis in æde Jehovæ, in atriis domus Dei nostri.*
3. *Laudate Jah, quia bonus, nomini Jehovæ psallite, quia jucundum est.*
4. *Quia Jacobum elegit sibi Jah, Israellem in peculium suum.*
5. *Ego novi, magnum esse Jehovam & Dominum nostrum præ omnibus Diis.*
6. *Quicquid vult Jehova, facit in coelo & terra, in aquis & omnibus abyssis.*
7. *Exastuare faciens, vel facit, vapores elatos ab extremitate terræ, fulgura ad pluviam facit; produciens est (produciunt) ventum e thesauris suis.*
8. *Qui percussit primogenitos Aegypti, ab homine ad bestiam.*
9. *Misit signa & portenta in medium Aegypti, vel tui, o Aegypte!*
10. *Qui percussit gentes multas, & occidit reges multos potentes.*
11. *Sichonem regem Emorbæorum, Ogum regem Basanis, & omnia regna Cananæ.*
12. *Et terram eorum dedit hæreditatem populo suo Israeli.*
13. *Jeho-*

13. *Jehova est nomen tuum in perpetuum, Jehova est memoriale tui in ætatem & ætatem.*
14. *Quod judicaturus sit Jehova populum suum, & de servis suis condoliturus.*
15. *Idola gentium aurum sunt & argentum, opus manuum hominis.*
16. *Os ipsis est, nec loquuntur, oculi ipsis, nec vident.*
17. *Aures ipsis, nec auribus percipiunt, etiam vacuitas soliditatis spiritus in ore ipsorum.*
18. *Instar eorum erunt, vel sint, fabricatores eorum, quicunque in iis fiduciam reponunt.*
19. *Domus Israelis benedicite Jehovæ, domus Aaronis benedicite Jehovæ.*
20. *Domus Levi benedicite Jehovæ, timentes Jehovæ benedicite Jehovæ.*
21. *Benedictus sit Jehova e Tsione, inhabitans Hierosolymam.*

P R O L E G O M E N A.

§. I.

Argumentum cantici est seria adhortatio, ac adfectuosa excitatio, Israelitarum omnis ordinis & status, omniumque Dei timentium in medio eorum, ad Deum quovis modo laudandum, & lætis vocibus celebrandum, ratione movente petita a Dei bonitate, & Israelis electione in peculium, nec non formula Deo confitendi ac laudes dandi suppeditata, qua uti, vel ad quam, tanquam normam, sese componere possint, quæ varia continet potentia & bonita-

bonitatis Dei specimina, mundo & populo Dei præstita, & olim & nunc, & in perpetuum continuanda; præterea vanitatis idolorum & idololatriæ confessionem & demonstrationem, una cum eorum exitio, qui ei fuerint dediti. Poeta incipit cum hac adhortatione, & in ea desinit, rationes moventes verbo tantum memorat, sed in formula laudandi suppeditanda prolixior est, quippe quæ maximam & præcipuam cantici materiam constituit: ut sequens tractatio docebit.

§. II. Quod argumentum ut recte intelligatur, notandum est, 1. Populum, ad quem sermo dirigitur, distribui in domum Israelis, Aaronis & Levi, ac profelytos, *timentes Jebovæ* dictos, nulla mentione regum aut principum facta, argumento, summam rerum hoc tempore penes ministros sacros in rep. & Ecclesia fuisse, & profelytos haud exiguo fuisse numero inter Israelitas. 2. Representari præterea populum, tanquam ab omni idololatria alienum, uti ex formula Deum laudandi, quæ ipsi præscribitur, manifestum est, cum Deus in ea celebretur, tanquam solus Deus, supremus rector universi, & Ecclesiæ fervor ac vindex potentissimus, *idola* diserte tanquam vana prostituantur cum eorum cultoribus. 3. Denique populum hic sisti, tanquam Hierosolymis religionem exercentem, pace & prosperitate gaudentem, & cum publica idolorum translatione gloriose ac miraculose in libertatem vindicatum a Deo. Præterquam quod nulla aut calamitatis aut periculi fiat mentio, *a.* excitatio ad jubilationem, & laudationem Dei, illud pro hypothesi habet. *b.* Ratio quoque movens, a bonitate Dei, & electione Israelis in peculium, petita indicat, populum hoc tempore utriusque signa & effecta experiri. *c.* Formula denique laudationis Dei haud unum ejus status præbet indicium, in vindicta ab Aegyptiis sumpta; populorum hostilium trans & cis Jordanem subjugatione, & Cananæ divisione inter Israelitas in perpetuam possessionem, in
nomi.

nominis Jehovæ continuata demonstratione per populi vindicationem, nunc etiam facta, & in posterum facienda, denique in idolorum & idololatrarum prostitutione. Quæ omnia postea in clariore luce collocabo.

§. III. Quæ criteria qui debite adverterit, is profecto mecum non dubitaverit, quin canticum unice in tempora Maccabaica, in specie Simonis Ethnarchæ, conveniat, læta quippe illa & prospera, quibus populus in plenissimam libertatem adsertus pacifice & prospere degit, nova specimina bonitatis & potentiæ Dei, similia antiquis, quibus ex Aegypto eductus, & in Cananæ possessionem immissus est, luculenter expertus, & vim nominis Jehovæ semper durantem novo specimine intuitus est; idola & idololatras quoque vidit publice prostitutos. Quæ ex Pf. cxv., nostro aliqua ratione simili, confirmantur: uti ex dictis ad eum Pf. liquet. Sunt, qui ex vers. 14. *quia judicabit Jehova populum suum* &c: colligunt, populum hoc tempore in gravi calamitate & oppressione fuisse versatum ab hostibus, ita ut opus habuerit *vindicatione* Dei. Sed, si ad nexum verborum cum præced., & verum eorum conspectum, attendatur, longe aliud hinc colligendum est, populum nim. vim perpetuam nominis Jehovæ & nunc sensisse, & experturum in posterum, adeoque & nunc fuisse vindicatum, & postea, si in similem calamitatem inciderit, esse vindicandum. De quo suo loco.

§. IV. Ex quibus de *occasione & scopo* Pf. facile judicatur. *Ansam* præbuit præsens populi, recenter in libertatem vindicati, conditio læta & prospera, quæ omnes excitare debeat ad læta cantica Deo accinenda, & omnium ora in ejus laudes solvere. *Scopus* est, populum partim in fide Jehovæ, veri & supremi Dei, Dei Israelis, & spe in eum reponenda, confirmare, quo cuncta tendunt, ut facile patet, partim excitare ad Deum debite glorificandum, tantquam præcipuam gratiarum actionum & cultus Dei partem, partim denique instruere vera ratione & modo illud

faciendi, formula quoque eum in finem tradita; quæ argumentum Pf. fere totum absolvit, vers. 5—18.

§. V. *Structura* Pf. cum nihil habeat singulare, stylus quoque planus & facilis sit; mox ad *analysin* pergo. Partes Pf. quatuor sunt. I. *Prima* est adhortatio in specie ad sacros ministros, actu ministrantes in Templo, directæ, ut Deum laudent, ratione ducta a bonitate Dei, & speciali electione Israelis in peculium, vers. 1—4. II. *Secunda* continet formulam cantici laudatorii, qua uti possint, & populo præire in Deo celebrando, vers. 5—18. cujus membra postea recensebo. III. *Tertia* repetit exhortationem, sed latius extensam ad omnis status & generis homines inter Israelitas, vers. 18, 19. IV. *Quarta* continet clausulam, qua Deus benedicitur a poeta, vers. 21.

E X P L I C A T I O.

§. VI. Cum investigatione hypothesios Pf. exponendi opus non sit, cuncta enim recte in tempus, supra definitum, quadrant, nec ratio ulla est ab eo discedendi, aut ad Novam Oeconomiam cum nonnullis oculos flectendi; *expositionem* instituere adgredior. *Prima* pars comprehendit. 1. adhortationem servorum Dei ad eum celebrandum vers. 1, 2. 2. ejus rationes moventes, vers. 3, 4. 3. Adhortatio ita sonat, vers. 1, 2. *Hallelu-Jah. Celebrate nomen Jehovah, celebrate servi Jehovah, qui statis in æde Jehovah, in atriis domus Dei nostri.* h. e. Vos, servi Jehovah! ad quos præ reliquis sermonem meum exhortatorium dirigo, qui rebus sacris in Templo, sive æde ipsa sive atriis, fungimini, Sacerdotes itaque & Levitæ, actu ministrantes, magno cum ardore, corpore vibrato, & voce elata, laudibus celebrate magnificum & gloriosum nomen Jehovah, Dei nostri, seu Deum, qui sese nominis sui Jehovah demonstratione reddidit illustrem. Præmittitur inscriptio
Pf

Pf. voce הללויה *Hallelujah*; quippe quæ non partem ejus, sed titulum præfert, ut ex variis Pf., eo titulo insignitis, liquet, & in antiquis versionibus recte observatum est *a*. Unde liquet, quam precario mysterium Trinitatis a nonnullis quærat in *trina*, ut putant, repetitione verbi הללו *laudate*. Dirigitur autem adhortatio unice ad servos *Jebova*. Quod enim modo in genere dictum erat, *laudate nomen Jebova*, illud mox restringitur ad *servos* ejus, verbo הללו elegantiae tantum & emphasios gratia repetito, idem enim est, acsi simpliciter haberetur, *laudate servi Jebova nomen ejus*; ut Pf. cxiii: 1. *laudate servi Jebova*: ne autem alios ac ministros sacros, eosque actu in Templo servientes, intelligeremus, poeta mox addit, *qui stant in aede Jebovae, in atriis domus Dei nostri*. h. e. qui ministerio sacro funguntur in præsentem, sive *Sacerdotes*, sive *Levitae*, quorum alii in ipsa æde, ex sancto & sancto sanctorum constante, alii in atriis ministeria obibant. Quibus verbum *stare* adtribuitur ad functiones eorum exprimendas. *b*. Ex quo colligere licet, canticum, quod vers. 5. incipit, ab ipsis publice esse in Templo inter sacra canendum. Vid. ad Pf. cxiii. Vult itaque poeta hac exhortatione, ut ministri sacri præeant in canendo ad laudes Dei, & dein succinant reliqui omnes, vel eorum exemplum imitentur, vers. 19-- *Est* autem adhortatio ad *laudandum nomen Jebovae*. h. e. Deum respectu earum virtutum & relationum ad populum, quæ nomine *Jebova* comprehensæ sunt, quasque nunc etiam singulari modo demonstraverat. Vid. ad Pf. cxii: 1. Hanc enim nominis *Jebova* emphasin hic esse attendendam, egregie ex vers. 13. elucescit, de quo postea.

§. VII. 2. Rationes moventes, quibus adhortatio urgetur, duæ proferuntur, *a*. prior a bonitate & amoenitate Dei, & laudis ejus, derivatur, vers. 3. *β*. posterior a beneficiis

Qqq 2

a Vid. ad Pf. cxii--cxiii. 199 & Gejerus ad Pf. cxxxiv.

b Vid. Braunkus select. l. p.

neficio electionis Israelis in peculiarem Dei populum,
 vers. 4. *a. Prior ita habet, vers. 3. Laudate Jah quia
 bonus; nomini Jehovae psallite quia jucundum est. h. e. Ce-
 lebrandi Jah, & nomen Jehovae psalmis laudandi, & ratio-
 nem & materiam habetis in bonitate Dei, & amoenitate
 nominis istius; adeo ut & excitari per illam debeatis, &
 inde materiam laudandi ac canendi sumere possitis. Duo
 sunt versus membra, alterum his verbis continetur, lau-
 date Jah quia bonus est, alterum vero hisce, psallite nomini
 Jehovae, quia jucundum. Vulgo Jehova connectitur cum
 praeced., sed debet cum seq., ita ut sit; Jehovae psallite
 nomini ejus, quod est, stylo orientali, idem ac, psallite
 nomini Jehovae: rationes sunt, 1. quod usitata phrasis sit,
 laudate Deum, quod bonus, & non, quod bonus Jehova: vid.
 Ps. cxxxvi: 1. cvi: 1. cvii: 1. & alibi. 2. quod minus
 recte fluat, laudate Jah, quia bonus Jehova, nomen Je-
 hova additum, ubi dictum erat, laudate Jah, nescio
 quid incommodi habeat. 3. quod & alibi occurrat, psallere
 nomini Jehovae, ut Ps. vii: 18. & psallere Jehovae, Ps.
 xcvi: 5. praeterea modo habuimus, vers. 1. laudate no-
 men Jehovae. Ceterum, quod tantum notandum habeo,
 voces, quia bonus est, quia jucundum, duplici ratione capi
 possunt, & de ratione movente, & de argumento lauda-
 tionis ac cantus: priore modo erit sensus, rationem habe-
 tis, quae vos ad laudandum & canendum excitet, in boni-
 tate Dei, & amoenitate nominis ejus sitam; laudate, quia
 bonus est; dignus propterea est, qui celebretur, & non
 potest non vobis quoque illud esse utile & jucundum: quod
 addo, quia verti quoque possunt voces, bonum est, jucun-
 dum est, ut Ps. cxlvii: 1. Laudate Jah, quia bonum est
 canere Deum nostrum, quia laus ejus jucunda decora est. Post-
 eriore vero modo verti possunt verba, laudate Jah, quod bo-
 nus est, psallite nomini Jehovae, quod jucundum est, h. e. sit,
 haec materia laudationis & cantationis vestrae, Deum esse
 bonum, & nomen ejus suave. Hanc veritatem, hasce vir-
 tutes*

tutes & relationes Dei, & olim & nunc demonstratas in gratiam populi, deducite carmine in honorem Dei, & celebrate. Digitus videtur simul intendi ad solenne, & usitatum in re læta canticum, quod incipiebat verbis: *bonus Jehovah, in seculum benignitas ejus*; cujus frequens est mentio. Conf. Ps. cxviii & cxxxvi. 1 Chron. xvi: 34. 2 Chron. vii: 3. xx: 21. & alibi. Ceterum cum nomen *Jehova* appellatur יהוה, simul respicitur ad liberalitatem donandi, quæ sese uberrime exserit, adeo ut nomen illud יהוה nuncupetur, quatenus fons est omnis boni: usurpatur enim apud Arab. pro largiendo & liberaliter impertiendo a.

§. VIII. β. *Posterior* ratio, ab electione Israelis in populum peculiarem, his verbis profertur, vers. 4. *Quia Jacobum elegit sibi Fab, Israellem in peculium suum.* h. e. cum Deus Israellem olim elegerit, sibi que adseruerit, populum peculiarem, a gentibus separatum, illudque hoc etiam tempore luculenter demonstraverit: sicut vestri in primis officii est, Deum laudibus extollere, ita rationem inde habetis, quæ vos excitet ad illud agendum, simul materiam abundantissimam laudationis. Verba respiciunt ad populi liberationem ex Aegypto, & formationem in populum peculiarem ad montem Sinai, ubi כלה *peculium* Jehovah factus est, de qua voce dixi ad Mal. iii: 17. Sed, cum hic illud beneficium repetatur, Israellem & hoc tempore tanquam talem fuisse publice demonstratum, indicatur, ut facile cernitur. Habent vero hic conspectum & *rationis moventis*, & *materia* cantici laudatorii, uti modo observavi. Sed *ratio* movens duplicis est generis; altera continens *officium*, Israeli; tanquam peculiari populo, incumbens, altera *beneficium* singulare, quo excitari debeat ad Deum celebrandum: adeo ut sensus sit, laudate Deum; quia vos hoc cum maxime decet, cum sitis populus Dei peculiaris, cujus est, Deum, patronum & Dominum, celebrare

• Vid. Schultens ad Har. conf. vi. p. 193.

brare, præterea rationem habetis id faciendi, a singula. Si hoc beneficio, quo mactati estis, defumtam.

§. IX. *Secunda* Pl. pars comprehendit canticum, quod in laudes Dei a servis ejus cani vult, summatim propositum, vers. 5--18. In quo *a.* occurrit propositio generalis vers. 5. *b.* deductio ejus specialis, vers. 6--18. *a. Propositio* ita sonat, vers. 5. *Ego novi magnum esse Jehovam, & Dominum nostrum præ omnibus Diis.* h. e. Sit hæc cantici summa, ab unoquoque vestrum canendi: certissime ego persuasus sum, Jehovam esse magnum, & illustrem, solum verum Deum esse Dominum nostrum, omnibus sic dictis Diis longe superiorem, ita ut nihili sint respectu Dei. Interpretes vulgo censent, novam rationem moventem hic exhiberi, vocula *quia*, quacum incipit versus, *quia ego novi*, inducti. Sed illa vocula sæpe, ut Gr. *ὅτι*, abundat, vel orationem simpliciter inchoat; aut cum emphasi profecto; *sane a.* Nova si hic occurreret tantum ratio movens, superflue forent voces, *quia ego novi*, & rectius fluere oratio, si sequeretur; *quia magnus Jehova.* Præterea, cum poeta servos Dei excitasset ad Deo canendum, probabile utique est, ipsum etiam formulam cantici iis tradidisse; quemadmodum & simili in casu alibi fit, ut Pl. cxi--cxiii. cxlvii. &c. Denique formulam cantici, a servis Dei canendi, hic tradi, ex eo firmatur, quod vers. 13. sermo ad Deum vertatur; argumento, canticum esse, quod Deo canitur. Poeta itaque non est, qui loquitur, cum dicit, *ego novi*, sed unusquisque ministrorum sacrorum, quos ad Deum cantu celebrandum excitaverat: quos nunc introducit id facientes. Quod clarius foret, si præmisisset, *dicite*; ut Pl. cxviii: 2--4. Sed illud verbum, *אמרו*, sæpe per ellipsin retinetur, mente supplendum *b.* Apte vero iis hoc in ore dat, *ego novi*, quia ministri sacri erant, quorum erat cum adseveratione loqui, ad majorem aliorum, quibus præire debebant, convictionem. Formula

a Vid. ad Mal. i: 11,

b Vid. ad Mal. iiii: 10.

la autem usitata est *adseverationis*, quæ rem certissimam & testatissimam esse significat, sive a Deo, sive hominibus usurpetur. Vid. Exod. III: 19. Job. XIX: 25. Exod. XVIII: 11. Summaria doxologiæ propositio est, *magnus est Jehova, & Dominus noster præ omnibus Diis*. h. e. Opibus & robore absolute magnus est, & præpotens summo gradu Jehova, Dominus noster; estque relate ad Deos & dominos omnes alios, quoscunque & qualescunque, iis incomparabiliter major; adeo ut nihili sunt, comparatione cum Jehova instituta. Verba, elegantiae ergo divulsa, hac ratione sunt ordinanda. *Magnus est Jehova, Dominus noster, & magnus est præ omnibus Diis*. In priore membro adpellat *Jehovam*, in posteriore *Dominum nostrum*, variationis causa, & utrobique *Jehovam Dominum nostrum* vult intelligi. Deinde, non dicit, *magnus Jehova, Dominus noster, præ omnibus Diis*, sed, *Jehova & Dominus noster*; ut indicaret *duo* de Jehova, Domino suo, se prædicare, alterum absolute, alterum comparate. Denique cum in posteriore membro *Jehovam* adpellat *Dominum* & reliquos *Deos*, elliptice loquitur, & utrobique *Deum & Dominum* comprehendit, ut plena sit oratio; *Deus & Dominus noster est magnus præ Diis & Dominis omnibus*; uti I Cor. VIII: 5, 6. Prius itaque membrum, absolute propositum, *magnus est Jehova*, declarat, *Jehovam*, quod proprium est Dei Israelis nomen, esse omni modo & parte, ac κατ' ἔξοχὴν *magnum*, quod Ps. xcvi: 4. dicitur, *magnus & laudandus valde*; adeoque summo gradu, & solus magnus; cui epitheton *magni* unice & absolute ac summo gradu competit, quatenus & opibus suis dives est, & viribus validus, omnisufficiens & omnipotens: quod utrumque involvit vox גדול; cujus radix proprie dicit, *implicari multis filiis, & sic densius intorqueri*; unde inter alia ad *opes & vires* transiit, ut opibus & viribus validum ac magnum denotet. Posterius membrum, comparative expressum, *Dominus noster præ omnibus Diis*, concisa & elliptica oratione

tione, significat, Jehovaham esse Deum & Dominum Israelis, eumque reliquis Diis & Dominis longe majorem, ut ne comparatio locum habeat. *Magnus*, ea enim vox supplenda est ex præced., *præ Diis*, est iis longe major, ut ne simile quid supersit: Conf. Ex. xv: 11. Pl. LXXXVI: 18. xcvii: 9. & alibi: ubi etiam de *Deorum* titulo dixi.

§. X. *b.* In *propositionis* deductione, seu amplificatione & demonstratione, *a.* magnitudinis Dei specimina proferuntur, vers. 6--15. *β.* idolorum vanitas in lucem proferitur, vers. 16--18. *α.* Specimina, quæ ex. gr. citantur, respiciunt *a.* ad orbem in genere, vers. 6, 7. *b.* ad populum Israelis in specie, vers. 8--15. *a.* Relate ad orbem universum, vers. 6, 7. his verbis: *quicquid vult Jehova facit in coelo & terra, in aquis & omnibus abyssis; exæstulare faciens est*, vel facit, *vapores elatos ab extremitate terræ, fulgura ad pluviam facit, produciens est*, (produciunt) *ventum e thesauris suis*. *h. e.* Quam magnus sit Jehova, Deus & Dominus noster, reliquis sic dictis Diis & Dominis incomparabiliter major, vel inde elucescit, quod ipse sit supremus & absolutus coeli & orbis terraquei Dominus & rex, qui pro beneplacito cum iis agit, & majestatem suam demonstrat ac vindicat per imbrem, fulgura & ventos; quibus judicia sua exercet, & vel remuneratur, vel punit: quorum nihil est, quod agere possunt Dei & domini sic dicti. Conf. Pl. cxv. Jer. x: 13. Li: 16. & alibi. Nihil hic difficile, nisi in vers. 7. non recte intelligi solito; sed cujus verba jam alibi illustravimus ad Jer. x: 13. ubi eadem occurrunt, & observavi, *primum* membrum aquarum effusionem e nubibus in terram, quam late patet, complecti, adeo ut vox *וַיִּפְּחֵם* dicat *vapores elatos*, conflatosque in nubes, verbum *וַיִּפְּחֵם* sit *exæstulare faciens* sc. est, quod idem ac exæstulare facit, *ab extremitate terræ* est ab una ad aliam, adeoque per totam terram; ut mox in *secundo* membro, *fulgura ad pluviam facit*, seu præter imbres, & cum iis, fulmina & fulgura ejaculatur; *tertium* rursus

rursus membrum, *educens*, proprie emicare faciens, scilicet est, *ventum e thesauris suis*, quibus quasi conclusi erant, inde ad beneplacitum Dei emitti soliti.

§. XI. *b.* Alia specimina, ad Israellem spectantia, *a.* producuntur nonnulla antiqua, ad populum ex Aegypto liberandum, ac in Cananæam introducendum, pertinentia, vers. 8-12. *β.* indicatur, ea beneficia esse durabilia in perpetuum, & identidem, ubi opus fuerit, renovanda, sicut nunc expertus erat populus, vers. 13, 14. *α.* Prioris generis proferuntur duo, *alterum* ad populi ab Aegyptiis vindicationem, *alterum* ad ejus introductionem in Cananæam pertinens; quare utrique præmittitur *pro* *אני*. Prior pericopa ita habet, vers. 8. 9. *Qui percussit primogenitos Aegypti ab homine ad bestiam; misit signa & portenta in medium mibi Aegypti, vel tui, o Aegypte!* Utrumque enim sensum admittit vox *בְּתוֹכִי*, quæ esse potest *pro* *בְּתוֹכִי* *in medio mibi*, littera *כ* inserta, ut in *אני* *pro* *אני*, forma per *כ* aucta; sic & Ez: xvi: 53, *בְּתוֹכָהֶן* *pro* *בְּתוֹכָן* *ex* *הֵנָּה* *in medio earum*, sed etiam *pro* *בְּתוֹכָן* cum *בְּתוֹכָן* paragogico, *in medio tui, Aegypte!* uti communiter solet accipi, excepto Syro, qui vertit, *in medio Aegypti*. Nihil hic obscuri. Necis primogenitorum expressa fit mentio, quod *ultima* fuerit plaga, & omnium atrocissima, quæ dimissionem populi Israelis produxit; reliquæ plagæ generali phrasi memorantur nominibus *signorum & portentorum*, quod fuerint *miraculosæ*, & cum Majestatis Dei Israelis signa, tum Aegyptiorum ac reliquorum hostium destructionem *portenderint*.

§. XII. *Posterior* pericopa 1. regum Cananæorum, trans & cis Jordanem, prostrationem ob oculos sistit, vers. 10, 11. *Qui percussit gentes multas, & occidit reges multos & potentes; Sichonem regem Emorhaorum, Ogum regem Basanis, & omnia regna Canaanis.* Quæ ex historia sacra satis nota sunt. Regum illorum excidium memoratur, quod fuerint illustres & validi, & Israel in eorum terras fuerit immissus. 2. Quod mox subjungitur, & alteram pericopæ

partem facit, vers. 12. *Et terram eorum dedit hereditatem, hereditatem populo suo Israeli.* Quæ etiam satis plana sunt. Repetitio vocis nræ possessionis hereditariæ, si ad solam sermonis elegantiam non sit restringenda, censeri potest facta, cum ad duplicis regionis, trans & cis Jordanem, quæ modo memorata erat, hereditatem referri, tum etiam continuam possessionem, a parentibus ad liberos identidem transcurram, &, si interrupta sit, reddendam, designare possit.

§. XIII. β. Quod posterius mox clarius & expresse memoratur, vers. 13, 14. *Jehova est nomen tuum in perpetuum, Jehova est memoriale tui in ætatem & ætatem; quod iudicaturus sit Jehova populum suum, & de servis suis condolebitur.* h. e. Quod Jehova olim præstitit Israeli, & in ejus gratiam egit, illud se in perpetuum facturum esse promissit, nomine *Jehova* sibi adsumto in perpetuum, ut sit signum memoriale suum in omnes generationes; cujus virtute Deus hostes populi identidem iudicabit, & hereditatem populi interruptam restituet; sicut hoc etiam tempore demonstravit. Hic scopus & sensus est verborum, ab Interpretibus non perceptus. Continent verba *antecegens & consequens*; prius vers. 13., posterius vers. 14. Prius, fundamenti & principii instar, præmittitur, sermone jam directe ad Deum verso, uti in cantico, quod Deo canitur, facile fieri potest; & situm est in ipsis Dei verbis, quibus declaravit, *Jehova* fore nomen suum perpetuum & memoriale; *Exod. III: 15. hoc est nomen meum in seculum, & hoc memoriale mei in ætatem & ætatem.* Quo sicut *Hos. XII: 6.* respicitur, *Et Jehova Deus exercituum, Jehova memoriale ejus;* & *Pl. CII: 13.* ubi vid. dicta; ita & nostro loco, uti ipsa verba indicant, quæ itaque non vertenda sunt, o *Jehova, nomen tuum in perpetuum, o Jehova, memoria tui erit in omnes ætates*, uti Interpretes instituerunt, sed, ut feci, *Jehova, Jehova est nomen tuum in æternam, Jehova est memoriale tuum in omnes ætates:* plane
ut

ut in locis citatis. Emphasis orationis est in nomine *Jehova*, & sensus, illud nomen a Deo esse adsumtum, ut duraret in perpetuum, adeoque Deus se semper Israeli præstiturus sit *Jehovam*, Deum *veracem*, justum & æquum, ac bonum in gratiam Israelis. Quam vim & emphasin supra etiam indicavit poeta, quum dixit, *Laudate nomen Jehovo, psallite nomini Jehovas*, uti observavimus. Digitum itaque manifesto intendit ad id, quod Deus ipse de hoc nomine declaravit, quum Israelem educturus esset ex Aegypto, Exod. III. quo Deus populo sese obstrinxit ad populum in hæreditate Cananææ tutandum, & promissorum implemento beandum in perpetuum, usque ad finem Oeconomie V. Hinc deducit, Deum *populum suum semper judicaturum esse, & de servis suis condoliturum*. Quæ verba itaque conspectum habent *consequentis*, ex præmissis antecedentis fluentis, & in eo fundati; siue vertantur, quod, siue *quare*, quam ob rem, *judicabit Jehova populum suum &c.* Ex quo manifestum est, non agi hic de vindicatione, quam Israel hoc tempore expectabat, cum ode est composita, sed quam Deus sese ab eo tempore, quo nomen *Jehova* adsumsit, semper in posterum præstiturum esse declaravit; adeoque generale consequens nominis *Jehova* adoptati continent, quod ab eo tempore semper demonstratum est, & hoc ipso quoque tempore, quo Ps. factus est, adparuit verum esse, & in posterum manebit. Quod consequens ut magis penetraret in animos, & fidem ac spem populi corroboraret; poeta non suis, sed ipsius Dei verbis usus est, quæ occurrunt in celeberrimo illo cantico Deut. xxxii: 36. ubi explicita sunt in comm. Cl. Vitringæ ad illud; quare hic nihil addo, præter interiori potestatem verbi *amr*. Radix *amr* apud Arab. frequentatur in gemitu graviore, cum *vehementia e pectore educto*, adeoque videtur esse *ἰσχυρὰ*, ut Lat. *gemere*, hinc cum *by* vel *ba* constructum dicit *adgemere* alicui, inde *condolere*, & *consolari*, in Niph. proprie in suspirationem agi,


suspensionem aliorum participare, & recipere, five consolari; in Hithp. semet in suspensionem agere, &c.

§. XIV. β. Magnitudini Dei celebratæ, & variis specimenibus demonstratæ, apte subjungitur *vanitas* idolorum, & *miseria* idololatrarum, ad illustrandam quoque propositionem, Deum esse magnum *præ Diis omnibus*, vers. 5. eo aptius, quod vanitas illa hoc tempore fuerat comprobata per gloriosam Israelis vindicationem sub Maccabæis ab idolis, & idololatriis, cum horum prostitutione & excidio. Verba ita habent, vers. 15-18. *Idola gentium argentum sunt & aurum, opus manuum hominis. Os ipsis est, nec loquuntur, oculi ipsis, nec vident, aures ipsis, nec auribus percipiunt, etiam vanitas soliditatis spiritus in ore ipsorum. Instar eorum erunt, vel sint, fabricatores eorum, quicumque in iis fiduciam reponunt.* Quæ verba Ps. cxv. cum jam habuimus & illustravimus, nihil superest, quod hic moram injiciat, nisi in ultimo membro, vers. 17., quod verti, *etiam vacuitas soliditatis spiritus in ore ipsorum*, secutus Cl. Schukens a, qui videndus est. Significatur, nullum penitissime in iis esse spiritum, qui se per os exferit; nihil itaque motus vitalis; tantum abest, ut loquerentur, viderent, aut audirent; mutis itaque animantibus longe inferiora: quare *etiam*, quin etiam, præmittitur. Sed negligendum non est, vocem *etiam* quoque *nasum* significare, & LXX Interpretes in edit. Alex. supplevisse ex Ps. cxv. *nasus ipsis est, nec odorantur, manus ipsis, nec adtrestant, pedes ipsis, nec incedunt*, quando sequitur, *vacuitas soliditatis spiritus in ore ipsorum*. Quibus si aliquid tribuendum sit, nec tamen culpa in librariorum conjicienda, statuendum est, poetam voce *etiam* esse usum, ut reliqua, quæ silentio involvit, supplerentur, quod facile fieri poterat ex Ps. cxv. in vulgus noto; ac si dixisset *nasus*; sed quid plura proferre necesse est, sufficit dixisse, *nullum in ore esse spiritum*. Ceterum quo hæc vanitatis idolorum, & idololatrarum exitii,

exitii, commemoratio spectet, facile patet, & ad Ps. cxv. fusius exposui.

§. XV. *Tertia* Ps. pars, quæ exhortationem repetit, sed latius extendit ad omnis status homines inter Israelitas, his verbis comprehensa est, vers. 19, 20. *Domus Israelis, benedicite Jehovæ, domus Aaronis benedicite Jehovæ, Domus Levi benedicite Jehovæ, timentes Jehovæ benedicite Jehovæ.* Quæ nihil moræ injiciunt. De *timentibus Jehovæ*, epitheto profelytorum, dixi ad Ps. cxv. *Quarta* denique Ps. pars, quæ, per modum *conclusionis*, benedictionem Dei, vel ejus formulam continet, in qua poeta desinit, & adhortationem finit, habet vers. 21. *Benedictus sit Jehova e Tsione, habitans Hierosolymam;* ubi nihil not., nisi hoc unum, *Jehovam de Tsione*, esse Jehovam Tsionitam, qui ibi sedem habet, ut mox exponitur. Particula *in* genitivum format, ut Jer. XLVI: 25. Ammon *in* de No. sic & alibi a.

a Vid. Boot. Anim l. II: 1. Schult. ad Prov. XXVI: 7.





P S A L M. CXXXVI.

1. *Halleluia. Celebrate Fervorem, quia bonus est, quia in aeternum benignitas ejus.*
2. *Celebrate Deum Deorum, quia in aeternum benignitas ejus.*
3. *Celebrate Dominum Dominorum, quia in aeternum benignitas ejus.*
4. *Eum celebrate, qui solus facit magna mirabilia, quia benignitas ejus in aeternum.*
5. *Qui fecit coelum intelligenter, quia in aeternum benignitas ejus.*
6. *Qui dissipavit terram supra aquas, quia in aeternum benignitas ejus.*
7. *Qui fecit luminaria magna, quia in aeternum benignitas ejus.*
8. *Solem, ut dominaretur diei, quia in aeternum benignitas ejus.*
9. *Lunam & Stellas, ut dominarentur nocti, quia in aeternum benignitas ejus.*
10. *Qui percussit Aegyptum in primogenitis ejus, quia in aeternum benignitas ejus.*
11. *Et eduxit Israel e medio ipsorum, quia benignitas ejus in aeternum.*
12. *Manu forti & brachio exserto, quia benignitas ejus in aeternum.*

13. *Qui*

13. *Qui secuit mare algosum in partes, quia benignitas ejus in aeternum.*
14. *Et transire fecit Israellem per medium ejus, quia in aeternum benignitas ejus.*
15. *Et excussit Pharaonem & exercitum ejus, quia benignitas ejus in aeternum.*
16. *Qui populum suum ambulare fecit in deserto, quia benignitas ejus in aeternum.*
17. *Qui percussit reges validos, quia in aeternum benignitas ejus.*
18. *Et occidit reges magnificos, quia in aeternum benignitas ejus.*
19. *Sichonem regem Emorhaeorum, quia benignitas ejus in aeternum.*
20. *Et Ogum regem Basanis, quia in aeternum benignitas ejus.*
21. *Et dedit terram ipsorum haereditatem, quia in aeternum benignitas ejus.*
22. *Haereditatem Israeli seruo tuo, quia in aeternum benignitas ejus.*
23. *Qui in humilitate nostra recordatus est nostri, quia in aeternum benignitas ejus.*
24. *Et potenter vindicavit nos in libertatem ab hostibus nostris, quia in aeternum benignitas ejus.*
25. *Qui panem dat omni carni, quia in aeternum benignitas ejus.*
26. *Celebrate Deum vocerum, quia benignitas ejus in aeternum.*

PROLEGOMENA.

§. I.

Argumentum Pf. est generalis adhortatio ad Jehovah, Deum & Dominum supremum, laudandum & celebrandum propter bonitatem & liberalitatem ejus, ac præclara, inde fluentia, & de ea testantia, opera, cum Creationis tum Providentiæ, partim & præcipue specialis respectu populi Israelis, partim generalis respectu omnium hominum, productis utriusque singularibus speciminibus, in primis, quæ Israeli contigerunt, in ejus liberatione ab Aegyptiis, ductione per desertum, introductione, deletis hostibus, in hæreditariam possessionem Cananæ, & vindicatione ab oppressoribus in ea, statusque pacati & prosperi productione. Cum Jehovah, Deum Deorum, & Dominum Dominorum, injunxisset celebrandum ob bonitatem & benignitatem, sese in recensendis operibus Dei, ex eo fonte ortis, & ejus signis, diffundit, & primo opus creationis recenset respectu insignium ejus partium, coeli, terræ, & luminarium expansi, dein sese ad opera Providentiæ vertit, & præclara beneficia, miraculose in Israelem collata, usque ad præsens tempus in medium profert, quibus Aegyptiaca servitute eductus, in deserto clementer & liberaliter habitus, & in Cananæam introductus est, nunc autem, hostibus prostratis, pace & prosperitate mactatus erat. Quando generale bonitatis providentiæ Dei specimen in *omni carne* alenda subjungit, & in adhortatione ad Deum laudandum finit repetita.

§. II. Ad cujus argumenti conspectum recte percipiendum *tria* tantum notanda habeo, quæ argumentum Pf. suppeditat. I. *Primum* est, Israelem proprie dictum intelligendum esse, qui hic ad Deum celebrandum excitatur,

tur, & præcipua bonitatis Dei signa & effecta consecutus est. Præterquam enim quod *Israelis* nomen, & *servi* Dei epitheton, eo ducat, opera Dei in ejus gratiam præstita, quæ hic memorantur, illud extra dubium collocant: uti facile cernitur. 2. *Secundum* est, Israelem hic repræsentari tanquam ex humili, abjecto & afflictio, statu recenter liberatum, & hostium potestati ereptum, adeoque in statu pacato & prospero versatum. De quo sicut adhortatio ad Dei laudes canendas satis testatur, expressa commemoratio hujus liberationis, vers. 23, 24., nos dubitare non sinit. 3. *Tertium* est, Israelem hic in scenam produci, tanquam de solius Jehovæ, Dei & Domini sui, divinitate, ac supremâ Majestate, persuasum, & ab omni idololatria alienum. Hanc enim habet hypothésin adhortatio ad eum directa, qua excitatur ad Jehovam, quem pro solo vero Deo habebat, laudandum, tanquam Deum coelorum, Creatorem, & supremum rectorem universi.

§. III. Duo tantum sunt tempora Oecon. V., nobis ex historia nota, in quæ Ps. omni emphasi convenit, plura, quibus aliqua ratione adcommodari potest. Quoties Israel singulari liberatione ab hostibus gavisus est, & Deus Israelis sese magnificum in ejus gratiam præstitit, excitari potuit ad Deum hoc cantico celebrandum, ut tempore Josaphati, Hizkiæ, reditus ex Babylonico exilio in Cananæam, &c. quo postremo tempore videtur quoque hoc, vel simili cantico usus, Ezr. III: II. sicut prædictum quoque erat Jer. XXXIII: II. Sed nullum horum est, quod omnibus criteriis plene satisfacit; vel enim non satis ab idololatria purgatus fuit populus, vel ab hostium dominio & metu non plene liber; uti tempore reditus, quo *tenues* adhuc & servi fuerunt; secus ac hic traditur, vers. 23, 24. *Duae* autem periodi, quas innuo, in quas omnes lineæ exacte & emphatice quadrant, sunt altera Salomonis, altera Simonis Ethnarchæ & Joh. Hyrcani Maccabæorum: uti mox in oculos incurrit. Sed quænam earum sit eligenda, vix
S ff def.

definiri potest. Videtur mihi probabile, Pf. priore tempore esse compositum, & posteriore quoque solenniter usurpatum. Ratio est, quod formula illa, quæ singulis versibus identidem repetitur, *quia bonus est, quia in æternum benignitas ejus*; tempore Davidis & Salomonis introducta est, & ab eo tempore in usu esse coepit; præterea tempore inaugurationis Templi prima vice, quantum constat, solenniter adhibita, uti nostro Pf. per antiphonias; de quo mox; cujus clarum exstat indicium 2 Chron. v: 13. Quæ ipsa solennitas videtur ansam præbuisse vati alicui, quicumque fuerit, hoc canticum, alternatim canendum, componendi. In qua hypothese lubentes acquiescimus.

§. IV. Ex quibus cum de *scopo* Pf., ejusque *usu*, facile constet, esse nimirum, ut Israel formulam habeat Deum in hac & similibus aliis solennitatibus privatim & publice laudandi; ad *structuram* Pf., quæ quid singulare habet, pergo, Cum singulis versibus subjungatur, *quia benignitas ejus est in æternum*, probabile videtur, quæ vulgata est hypothesis, Psalmum esse antiphonicum, quo cantori ab aliis accinitur, adeoque ad singulas sententias hac formula, *quia benignitas ejus est in æternum*, adclamatur: quæ itaque distichon intercalare constituit, quod *קדש* dicitur, quo alter chorus ad singulas propositiones accinebat, iisdem continuo vocibus repetitis. Quale cantandi genus antiquitus fuisse usitatum, nemini non notum est. Quid? quod ipsam hanc formulam eum in finem fuisse adhibitam, ex Ezr. iii: 11. liquere videatur. Cum enim dictum esset, sacerdotes & Levitæ cantores fuisse constitutos, ut Jehovam, ex instituto Davidis, *laudarent*, sic pergitur: & *responderant*; alii aliis, in *laudando Jehova, quia bonus, quia in æternum benignitas ejus*: digito forte in hoc ipsum canticum intento. Ceterum verius ille intercalaris, continuo repetitus, docet, hymni argumentum & scopum in eo præcipue esse situm, & eo etiam tendit, ut animis illud altius infigatur, & singulas sententias ad illud demonstrandum

dum facere ostenderetur. Obtinebat autem ejusmodi quid in idyllis veterum potissimum. De quo vid. Doctiff. Lowth, de poeti sacra Hebræorum optime meritis *a*. Est cetera stylus planus & facilis.

§. V. *Partes* Pf. tres sunt generales. I. *prima* Deum laudandum a variis nominibus & titulis describit, vers. 1—3. II. *Secunda* ejus opera, tanquam materiam laudationis, recenset, præmissa generali propositione, vers. 4., *n. creationis*, vers. 5—9. 1. *providentiae*, *a. specialis* erga Israel, vers. 10—24. *β. generalis* erga totum mundum, vers. 25. III. *Tertia* repetit, per modum *conclusionis*, adhortationem generalem, vers. 26.

EXPLICATIO.

§. VI. *Prima* pars his verbis profertur, vers. 1—3. *Celebrate Jehovah, quod bonus est, quia in æternum benignitas ejus. Celebrate Deum Deorum, quia in æternum benignitas ejus. Celebrate Dominum Dominorum, quia in æternum benignitas ejus.* h. e. Jehovah, Deum vestrum, eumque supremum Deum & Dominum, cui quicquid in universo excelsum, & potestate præditum, subjectum est, agnoscite, confitemini, & laudibus palam extollite coram omnibus, ad id per benignitatem ejus largissime & in æternum sese exerentem excitati, indeque sumpta materia. Hanc enim duplicem potestatem habet *quia*, qua & rationem moventem, & materiam ac argumentum, denotat; ut ad Pf. superiorem habuimus, & observavimus. Significatur vero his verbis, *quia bonus est, quia benignitas ejus in æternum.* 1. virtutem hanc in Deo esse summam, 2. eamque largissime & in æternum a Deo demonstrari, & exferi in hominum, in primis Israelis commoda, 3. Deo maxime gratum & gloriosum esse ab ea laudari, 4. officium etiam

Sff 2

omni-

a Præf. XIX & XXIX.

omnibus hoc faciendi incumbere; maxime quo tempore Deus singularia ejus dedit specimina, 5. nec verbis tantum & Psalmis, sed & opere ipso, sese huic bonitati convenienter gerendo, eamque imitando: quæ est *realis* celebratio. Insignitur autem Deus tribus nominibus, *Jehovæ*, *Dei Deorum*, & *Domini Dominorum*, partim ad arctam ejus ad populum suum relationem, quam nomen *Jehova* involvit, Dei Israelis proprium, inculcandam, partim ad summam ejus excellentiam, potentiam & potestatem, supra omnia exprimendam, qua, quicquid vult, potest, adeoque bonitatem suam sicut libere, ita potenter exserere: quare etiam magis celebrandus est, quod, cum tanta sit ejus Majestas, verenda & metuenda, bonitate tanta sit præditus, & ab ea maxime celebrari velit. Tituli enim *Dei Deorum* & *Domini Dominorum*, cum in genere excellentissimum & summum Deum & Dominum exprimunt, sicut Hebræis substantivum se ipsum regens superlativam format sententiam, ut *canticum canticorum*, *coeli coelorum*, &c. quo etiam plur. *Dei* & *Domini Deorum* ac *Dominorum* tendit; tum in specie, relate ad sic dictos & Deos & dominos, sive sint Angeli, sive idola, sive homines Majestate aut dignitate excellentes, Deum & Dominum supremum, *ex quo*, *per quem*, & *ad quem sunt omnia*, quocumque comparati omnes illi sunt nihili faciendi, significant. Verum, licet uni personæ divinæ hæc epitheta censerī possint data; ut sensus sit, Jehovam, Deum Israelis, esse Deum Deorum & Dominum Dominorum, sicut Moses Deut. x. 17. eum adpellat, cum tamen aliunde constet Deum tanquam *triunum* fuisse antiquis notum, nihil vetat statuere, digitum ad hoc mysterium intendi, sicut & alibi in trina repetitione nominis Jehovæ aut Dei fit, de quo alibi solet disputari; quod & ex eo roboratur, quod tres distinctæ sint sententiæ, quæ singulæ formulam laudationis habent subjunctam; & Jacob in benedictione filiorum Josephi simili ratione instituat. Gen. XLVIII. 15, 16.

§. VII. In

§. VII. In *Secunda* parte Pf., qua opera Dei, bonitatis exuberantis signa & effecta, recensentur aliqua, n. generalis occurrit propositio, vers. 4. *Eum celebrate, qui solus facit magna mirabilia; quia benignitas ejus in æternum.* Generalis est propositio, quæ mox per partes aliquas deducitur, qua Deus celebrandus sistitur, tanquam potentissimus, simul bonus, qui *solus facit magna mirabilia*, omnium creaturarum cognitionem & vires superantia, eaque illustria & stupenda, sed quæ bonitati ejus simul testimonium præbent, quippe inde orta. Hoc enim oculo ea hic considerari vult poeta; ut facile adparet: non itaque ad nocendum simpliciter, aut potentiam ostentandam, sed ad benefaciendum. Nihil hic obscuri: habuimus etiam simile effatum Pf. LXXII: 18. & alibi. Hic tantum additur, ad magis elevanda mirabilia Dei, epitheton *magnorum*, nam *magna* adpellantur mirabilia: quo epitheto insigniuntur, quod *multa* sint & *valida*, seu efficacia, quibus resisti nequit, simul *connexa*, quæ systema multis partibus, tanquam filis, contextum, & firmum efficiunt. Quod vox נִרְאָה proprie dicit, cujus proprietas est, *implicari multis filis*, & sic densius intorqueri: uti alias est observatum.

§. VIII. 1. In speciali deductione. n. opera *creationis* memorantur, vers. 5-9. ordine a Mose observato, Gen. I. a. Primum est *expansi formatio*, vers. 5. *qui fecit coelum intelligenter, quia in æternum benignitas ejus.* Respicitur ad *expansum*, a Deo formatum *secundo die*, quod Moses expresse dicit fuisse *coelum* adpellatum; cujus etiam meminit David Pf. XIX: 2. ubi adpellat *opus manuum ejus*; sicut hic verbum נִרְאָה adhibetur, quod emphatice notat *perficere*, rei veram suam formam dare; & differt a נִרְאָה Vid. Jes. XLIII: 7. & ibi Vitringa. Alibi adhibetur verbum נִרְאָה *extendere* Jer. X: 12. Jes. XLII: 5. & נִרְאָה sensu *secundario dilatandi*, Gen. I. Additur *in sapientia*, vel *intelligentia*, ad sapientem expansi dispositionem, de sapientia Dei testantem, exprimendam; sed quæ vox, licet hic tantum occurrat,

currens, sese ad sequentia quoque extendit opera. Conf. Prov. iii. 19. Jer. x: 12. *b. Secundum est, terræ firma constitutio supra aquas, vers. 6. Qui constipavit terram supra aquas, quia benignitas ejus in æternum.* Verbum *pp* hic propriam exserit suam virtutem, qua dicit *tundere, calcare*, & tundendo *constipare* pede, uti verbo notavit quoque Cl. Schroeder *a*, alias quoque *dilatare, expandere* denotat; & eo sensu de *caelo*, seu expanso usurpatur, Gen. 1., verum de *terra* adhibitum, ejus firmam & pressam constitutionem significat, ut & Jes. xlii: 5. ubi vid. Cl. Vitringa. Additur *supra aquas*, quatenus, aquis in voragines collectis, terra locum & situm superiorem accepit. Conf. Ps. xxiv: 2, & ibi dicta.

§. IX. *c. Tertium opus, vers. 7-9. 1. generatim proponitur, vers. 7. Qui fecit luminaria magna, quia in æternum benignitas ejus. Lumina, ornn, alias ornn, adpellantur a propria aestuandi, sive aquarum, sive aliorum fluidorum, potestate, quatenus lumen manere & fluere dicitur, quod etiam in *nn* obtinet; & sol, luna ac stellæ intelliguntur, ut sequentia docent, ita dicta, quod lucem per orbem spargant, sive in se habeant, sive aliunde mutantur, quod perinde est; quo eodem sensu relativo magna lumina dicuntur, quatenus & multiplicem lucem fundunt, & validam ac penetrantem: absque ut magnitudinis corporum, majoris minoris, habeatur ratio; cui ipsa vox Hebr. etiam non favet, cum, ut supra dixi, copiam & robur vox *nn*, non magnitudinem stature, denotet. 2. Speciatim deducitur, luminibus illis nominatim per partes expressis, vers. 8, 9. Solem, ut dominaretur diei, quia in æternum benignitas ejus; lunam & stellæ, ut dominarentur nocti, quia in æternum benignitas ejus. Vox *nn*, vers. 8. in sing. sed vers. 9. in plur. occurrit, quod vers. 8. Soli tantum tribuatur, sed vers. 9. Lunæ & stellis: constructur utrobique cum *nn*, sive genitivum formet*

a Ad Jes. iii. p. 380.

& cum emphasi redundet, ut sæpe alias, adeoque idem sit, ac *in Gen. 1: 16.* sive *imperii solis & lunæ objectum designet*, & idem sit, ac *in diem, & noctem.* Imperare autem dicuntur lumina coelestia *diei & nocti*, quatenus *diem* constituunt, & *noctem* illustrant, idque efficaciter, vi q. premente & inprimonte; quæ propria est verbi *וַיַּשְׁלֵחַ* potestas.

§. X. β. Altera pars deductionis comprehendit operâ providentiæ, a. specialis, respectu populi Dei, vers. 10-24. b. universalis, respectu mundi, vers. 25. a. Particularis hujus providentiæ opera recensentur *quinque præcipua.* 1. *Primum est liberatio populi ab Aegyptiorum dominio, cum signis potentiæ, bonitatis & justitiæ, conjuncta, vers. 10-12. Qui percussit Aegyptum in primogenitis ejus, quia in aeternum benignitas ejus: & eduxit Israellem e medio eorum, quia in aeternum benignitas ejus: manu forti & brachio exserto, quia benignitas ejus in aeternum.* Nihil hic obscuri. Conf. dicta ad Ps. cxxxv: 8, 9. 2. *Secundum est quo, mari rubro scisso in partes, Israel secure illud transiit, Aegyptii vero, eum persequentes, undis suffocati sunt, eaque ratione Israel perfecte liberatus est; vers. 13-15. Qui secuit mare algosum in partes, quia in aeternum benignitas ejus; & transire fecit Israellem per medium ejus, quia benignitas ejus in aeternum: et excussit Pharaonem & exercitum ejus in mari algofo, quia benignitas ejus in aeternum.* Quæ etiam nostra non indigent opera: tantum notetur *emphasis verbi וַיַּשְׁלֵחַ*, cujus proprietas est in *agilitate excusfa*, ac in motum expromta; unde inter alia usus excrevit, quo dicit, *sedibus, opibus, mente, etiam vita excuti.* Hic vero indicat. 1. Aegyptios mente consternatos, & in præcipitem fugam præ metu aquarum fuisse actos. 2. Curribus excussos, & violenta nece adfectos. Ita Job. xxvii. 14. *horum anima morietur וַיַּשְׁלֵחַ cum excussione, xxxviii: 13. ut adprehendas alas terræ, & excutiantur improbi ex illa.* Conf. Ex. xiv: 25, 27. ubi verbum *וַיַּשְׁלֵחַ* quoque occurrit.

§. XI. 3. Tertium est, quæ sub Dei ductu horridum alias,


alias, & infrugiferum ac siticulosum, desertum Arabiæ secure & sine ullius rei defectu peragrarunt; vers. 16. *Qui ambulare populum suum fecit in deserto; quia in æternum benignitas ejus.* Pauca sunt verba, sed quæ plus dicunt, quam ad primam speciem videtur; quod aliunde suppleendum, hic, tanquam notum, reticetur. Significatur enim, eos 1. singulari Dei, tanquam pastoris, ductu gavifos esse, 2. per horridum desertum ductos, nec tamen 3. cum aliquo suo incommodo, Deo eos tutante, & iis omnia necessaria mirabiliter & benigne suppeditante, ita ut *benignitas Dei in eo singulariter fuerit conspicua.* Conf. *Jes. LXIII: 13, 14.* *Jer. 11: 6.* *Pf. LXXVIII: 52, 53.* & alibi. Novum autem & distinctum bonitatis specimen hic memorari, ex littera & præmissa elucescit. 4. *Quartum* est, quo, regibus, trans & cis Jordanem, profligatis, in eorum terras immissus est populus, vers. 17--22. *Qui percussit reges validos, quia in æternum benignitas ejus; & occidit reges magnificos, quia in æternum benignitas ejus; Sichonem regem Emorraeorum, quia in æternum benignitas ejus; Ogum regem Basanis, quia in æternum benignitas ejus; & dedit terram eorum hæreditatem, quia in æternum benignitas ejus; hæreditatem Israeli servo suo, quia in æternum benignitas ejus.* Quæ tota pericopa cohæret, & unum continet opus conexum; ut ex structura sermonis elucescit. Nihil habet, hic notandum. Conf. *Pf. cxxxv: 10, 12.* Tantum observetur, generali titulo regum validorum & magnificorum quoque comprehendi reges Cananææ, diserte expressos *Pf. cxxxv.* hic itaque mente intelligendos.

§. XII. 5. *Quintum* est, quo Deus populum, in statu depresso & abjecto positum, identidem visitavit in gratia, donec eum perfecte, omnibus vinculis ruptis, liberavit, sicut hoc tempore, vers. 23. 24. *Qui in humilitate nostra recordatus est nostri, quia in æternum benignitas ejus; & potenter vindicavit nos in libertatem ab hostibus nostris, quia in æternum benignitas ejus.* Respicitur vers. 23. ad varias vicissitu-

ciffitudines *servitutis* & *liberationis* sub Judicibus, & vers. 24. ad perfectam liberationem sub Davide, quam verbum *panis* adportat; quod proprietatem habet in *frangendo*, *effringendo*, unde secundaria orta est significatio potenter extrahendi, & in libertatem vindicandi, effractis q. omnibus carceribus & vinculis. Conf. Thren. v: 8. Nihil etiam hic obscuri.

§. XIII. *b.* Ad generalem Dei providentiam spectat, vers. 25. *qui panem*, vel cibum; *dat omni carni*, quia in *aeternum benignitas ejus*. Nulla ratio est restringendi ad homines, minus ad Judæos: generalis est phrasis, qua Dei universalis conservatio exprimitur, quæ sese ad omnia animantia ac homines extendit. Conf. Ps. civ: 27, 28. cxlv: 15. cxlvii: 9. *Omnis caro* est omne animatum, homines & bestię Gen. vi: 1. & alibi; *panis* est quicquid alit & sustentat, etiam animantia, ut Ps. cxlvii: 9. Quæ universalis conservatio hic consideratur tanquam signum & effectum *benignitatis* Dei, qua Deus, sc̄se erga creaturas suas bene esse adfectum, demonstrat. Conf. Ps. lxxv: 10. Act. xiv: 17. & alibi.

§. XIV. *Tertia* pars Ps. repetit generalem adhortationem per modum conclusionis, vers. 26. *Celebrate Deum coelorum*, quia in *aeternum benignitas ejus*. Deus coelorum adpellatur, quod sit supremus, qui in sublimi habitat, & omnia moderatur, ac inde, tanquam e thesauro, pluviam & quævis bona emittit &c. Quæ satis plana sunt.





P S A L M. CXXXVII.

1. *Ad fluvios Babelis, ibi sedimus, etiam flevimus, cum recordati sumus Tſionis.*
2. *Super salicibus in medio ejus suspendimus citharas nostras.*
3. *Quia, vel quamvis, ibi petierint a nobis, qui nos captivos abduxerunt, verba cantici, & qui longe nos projecerunt, dicentes, cantate nobis de canticis Tſionis.*
4. *Quomodo canticum Jehova caneremus in terra peregrina?*
5. *Si tui obliviscar, Hierosolyma! obliviscetur anima mea dextrae meae.*
6. *Adpacta erit, sitque, lingua mea palato meo, si non adscendero Hierosolymam, summum, caput laetitiae meae, vel ad caput laetitiae meae.*
7. *Recordare, Jehova! filiis Edomi diei Hierosolymae, qui dixerunt, nudate, nudate, usque ad fundamentum in ea.*
8. *Filia Babelis vastatrix vastata erit, sitque: beatum! qui rependerit tibi maleficium tuum summum, quo cumulaſti nos.*
9. *Beatum! qui prebenderit & excusserit parvulos tuos ad petram.*

PROLEGO-

P R O L E G O M E N A.

§. I.

Argumentum Pf. est descriptio celebrationis diertum jejuniorum solennium, causa Tſionis, & in ejus memoriam, institutorum in exilio Babylonico, a piis exilibus factæ, quibus flumina Babelis adire solebant, ibique sedere lugentes, & e ſalicibus ibi suspendere citharas suas, seseque mutuo in abſtinentia a carminibus ſacris & lætis, non obſtante Babyloniorum blanda tractatione & invitatione ad læta carmina canenda, confirmare; præterea ſinguli declarare conſueverant, ſe Hieroſolymæ ardente ferri deſiderio, tanquam ſummi & capitis lætitiæ ſuæ, & propterea tamdiu cantui ſacro renunciaturos, & mutos ſeſe hac parte præſtituros, quamdiu carere debuerint Hieroſolymæ, & ſacrorum, ei adnexorum, exercitio; denique fidem, ſpem & amorem ſuum explicare ſoliti erant, per imprecationes cum iis, qui præ reliquis lætitiæ ſuam demonſtraverant ſuper excidio Hieroſolymæ, nominatim Idu-mæis, tum deſtructoribus Hieroſolymæ Babylo-niis, quibus totalem deſtructionem denunciaverunt, ſpiritu prophetico ducti, & votis ſuis expetiverunt. Narrat poeta in hoc cantico, qua ratione ſeſe pii exules ſolennibus diebus, in memoriam Tſionis deſtructæ institutis, geſſerint, quibus ſignis luctum expreſſerint, qua formula ſeſe in abſtinentia a lætis carminibus confirmarint, deſiderium & amorem ſuum erga Tſionem expectoraverint, hoſtibus vero & deſtructoribus imprecati fuerint.

§. II. Ad genuinum cantici conſpectum recte percipiendum, notandum eſt, 1. Judæos exules, ſed pios, in regione Babylo-niæ degentes, hic in ſcenam produci ſentes, & loquentes per totum Pf. Quod licet in priore parte Pf.

ab omnibus agnoscatur, in posteriore tamen a nonnullis negatur, qui putant, Judæos Hierosolymæ jam versantes introduci, vers. 5. & seq. quia eam adloquuntur. Quæ hypothesis, præterquam quod sublesto nitatur fundamento, cum sermo ab absentibus æque ac præsentibus ad metropolin quoque destructam verti possit, ut facile patet, r. nexui orationis repugnat; quippe qui exigit, ut iidem, qui in antecedente, loquantur in consequente: nullo mutatae personæ indicio sese offerente. 2. Emphasi & vero significatui verbi *oblivisci* vers. 5. non convenit; quod in absentes rectius quadrat. 3. a vero sensu phrasios, *si non adscendero Hierosolymam* vers. 6., aberrat, ut suo loco patebit. 4. cum imprecatione, Idumæis & Babylonis facta, conciliari nequit, cum illos adhuc non fuisse punitos indicet. De quo etiam postea. β. *Exules* hic describi, tanquam solennes jejuniorum & luctus dies in memoriam Tſionis celebrantes in Babylonia. Quo nos manifeste ducit, quod *juxta fluvios* Babelis sedisse & flevisse dicuntur, *quum recordarentur Tſionis*. Phrasis *sedere & flere* non de habitatione, sed statu solennis luctus intelligenda est; nec alio referri potest, quod *juxta fluvios* id fecerint, & citharas e *salicibus* ibi *suspenderint*, ut mox patebit: denique, quod additur, *quum recordabamur Tſionis*, manifeste indicat, illud factum esse in *memoriam Tſionis*, nunc destructæ, adeoque tempore statō, quod in ejus memoriam erat institutum. Quemadmodum eo sensu Paulus vult, ut *Christi ex mortuis suscitati essent memores Christiani*, 2 Tim. 1: 8. De quo etiam mox plura. γ. Præterea dīpingi horum dierum celebrationem ab iis factam mox ab initio destructæ Hierosolymæ, & deinceps continuatam. Mentio *diei* Hierosolymæ, vers. 7. clare indicat, ejus excidium jam tunc fuisse factum: quo etiam epitheton Babyloniorum, quo *abactores* Judæorum, vers. 2. & *vastatores* vers. 8. adpellantur, clare ducit. Sed, mox a tempore destructæ Hierosolymæ incepisse hos dies, arguit imprecatio Idumæis

Idumæis facta, quæ pro hypothefi habet, illos nondum fuisse punitos; quod paucis annis post excifam Hierofolymam factum effe, ex Iosepho constat.

§. III. Quod vero ad *tempus* compositi Pf. adtinet; licet Judæi hic repræsententur in Babylonia exules, dies solennes destructæ Hierofolymæ luctu celebrantes, ipse tamen Pf. eo tempore non est factus; uti jam vidit & observavit Muſſius, & Musculus, sed cum populus aliquo numero jam rediiffet in Cananæam, & sacra incepiſſent inſtaurari; ratio est, quod de *loco*, ubi federant & fleverant; loquantur tanquam remoto, & de luctus demonstratione tanquam præterita. Dicunt enim, non *hic* juxta fluvios Babelis, sed *ibi*, nec *sedemus* ac *flemus*, sed *ſedimus* & *flevimus*, verſ. i. Factus itaque est Pf. in memoriam ejus status eo ſcopo, ut oblivioni non traderetur populi conditio & adfectio in exilio Babylónico erga Hierofolymam. Videtur autem Pf. compositus haud diu post reditum ab exilio, quum imprecatio Edomo & Babeli fieri ſolita ab exulibus nondum plenum ſuum effectum ſortita eſſet, ita ut & hoc ipſo tempore adhuc fieri potuerit. Quæ ratio videtur, quare ejus expreſſa fuerit facta mentio, & Pf. compositus ad eam renovandam, ac populo injungendam, ut, ſicut in exilio fecerat, nunc etiam in eo pergeret; donec pleniffimum habeat effectum. Præterea, cum ſcopus Pf. eſſe videatur reduces magis excitandi ad ſtudio religionis Hierofolymæ, exemplo exulum in exilio, ob destructam urbem, & ceſſationem religionis, lugentium, & deſiderio ejus flagrantium, de quo mox; probabile est, Pf. fuiſſe compositum, quo tempore illud ſtudio valde erat remiſſum inter reduces; adeoque temporibus Haggæi & Zachariæ: in quæ cuncta quadrant quam aptiſſime, ut ex eorum libris & hiſtoria liquet. Accedit, eos ipſos, qui in exilio luxerant, & exercitium religionis Hierofolymæ tantopere expetierant, præſupponi adhuc ſupereſſe; cum dicant, *juxta fluvios Babelis ibi ſedimus & flevimus* &c. ſcilicet

cet nos ipsi, qui nunc in Cananæa sumus, & tantopere tepidi ac segnes in religionis & Templi studio. Improbabile itaque non foret, Zachariam, aut Haggæum, aut alium ejus temporis prophetam, hoc carmen condidisse; utique *Davidi*, aut *Jeremiæ*, ut Cod. Gr. est insertum in titulo Pf., neutiquam convenit; ut ex dictis facile patet.

§. IV. *Occasionem* Pf. præbuisse videtur præsens populi Judæi in Cananæa & exilio Babylonico conditio & affectio, qua in teporem religionis ac studii Hierosolymæ, ac sacrorum ibi exercendorum, inciderat haud exiguum, ita ut sua magis, quam Dei, in Cananæa curaret, & in exilio manere mallet, quam sedes transferre in patriam; adeoque *scopus* est, cum reduces ad rem religionis ardentius argendam, tum exules ad regionem Babylonicam deferendam, & patriam repetendam excitare, argumento ducto a studio ardente, quo ante in exilio fuerant affecti erga Hierosolymam, nec non imprecatione Babyloniis facta; a quo nimis censeri debeant degenerasse, si reduces, & votorum compotes facti, ejus parvam habeant rationem, & exules in Babylonia manere mallent, cui sciebant excidium totale imminere, & antea illud inprecari fuerant. Quo etiam pertinet monitum Dei apud prophetam Zach. II: 11. *Heus Tſion! eripitor, habitatrix filiae Babelis.* Hunc in finem aptissime coram oculis exponit poeta, qua ratione antea luxerint causa Tſionis, & desiderium ejus expectoraverint, Babeli etiam denunciaverint excidium, quod sequeretur, sicut ex parte jam inceperat: ac si diceret; in memoriam revocemus, qualiter in exilio fuerimus affecti erga Tſionem ab altera, & Babelem ac Edomum ab altera parte, quantopere ejus desiderio fuerimus lati, & hujus excidium expetiverimus, & quo nunc finis animo, longe diverso, cum re optata potiri queamus; tepidi partim sumus in Cananæa, & partim in exilio manere malumus: quam illud est absurdum, & a pristina nostra alienum adfectione!

§. V. *Stru-*

§. V. *Structura* Pf. nihil habet difficilis, multum elegantia & emphasios: modo in plur. modo in sing. loquuntur, ad singulorum adfectiones explicandas, modo in genere loquuntur, modo Hierosolymam adloquuntur, & Babelem. *Stylus* quoque planus est, nudus & simplex, sine multis figuris, una aut altera, sed facillima, excepta. *Partes* Pf. duae sunt generales, quarum *altera* repræsentat quid fecerint, ad luctum significandum, solennibus diebus jejunii causa Tſionis institutis, vers. 1-3. *altera* exhibet quibus verbis summatim expresseſſerint, tum desiderium suum, quo in Tſionem ferebantur, vers. 4-6. tum vota sua contra Edomum & Babelem, vers. 7-9.

EXPLICATIO.

§. VI. Investigatione hypothesios Pf. exponendi cum opus non sit, nimis enim clarum est, quam ut in dubium vocari possit, Judæos in exilio Babylonico hic repræsentari, nec audiendi sunt, qui, ut Kimchius, vers. 7. ad exilium Romanum digitum intendi autumant, aut reduces in scenam produci, vers. 5-- quod supra refutavi, aut de mystica Babele, seu Antichristianismo, cogitant, cujus nulla se offerunt vestigia, mox ad explicationem pergimus. *Prior* Pf. pars exhibet, n. quid facere fuerint soliti solennibus diebus luctus causa Tſionis in tractu Babylonico, vers. 1, 2. 3. qua ratione sese ab eo non passi fuerint per Babylonios abstrahi, vers. 3. n. *Prius* his verbis exprimunt, vers. 1, 2. *Ad fluvios Babelis ibi sedimus, etiam flevimus, cum recordati sumus Tſionis: super felicibus in medio ejus suspendimus citbaras nostras.* h. e. ad fluvios, seu alveos Babelis progressi, ut sacra nostra faceremus, luctui palam & acerbè indulſimus, quo tempore Tſionis commemorationem fecimus, musicis nostris instrumentis, ad lætitiæ demonstrandam adhiberi solitis, palam & in omnium conspectu

spectu suspensis de salicibus, in signum omnis lætitiæ missæ & abnegatæ. Sensus enim non est, exules habuisse sedes fixas juxta fluvios Babylonis, seseque in iis luctui dedisse, omni lætitia seposita, licet passim ita accipiantur verba; quod nec veritati rei, nec verbis convenit: Judæos juxta fluvios habitasse tantum, nullo constat indicio; contra, eos agris colendis & vineis operam dedisse, indicatur Jer. xxix. & alibi, multo minus eos in sedibus suis continuo sedisse lamentantes, cum satis bene in exilio tractati sint, & multi ibi manere maluerint deinceps, quam patrios lares repetere. Verba quoque hanc interpretationem non admittunt, sed manifeste indicant, eos ad fluvios secessisse solennibus diebus ad lugendum super sorte Tſionis, quibus omni lætitiæ renunciante palam & in omnium conspectu sese luctui dederunt, in fortis Tſionis commemorationem: uti ex Zach. vii: 3, 5. & aliunde eos fecisse manifestum est. Quo omnia verba haud obscure nos ducunt. 1. Quod *juxta aquas* sederint, indicat, eos ibi habuisse loca conventus; uti proseuchæ deinceps ad maria & fluvios fuerunt. Act. xvi: 13. a. 2. Ipsa structura orationis, *ad fluvios Babelis ibi sedimus*, indicat eos, non ibi habitasse, sed eo secessisse ad lugendum. Non enim simpliciter dicunt, se *juxta fluvios sedisse*, sed *ad fluvios ibi sedisse*. h. e. eo profectos ibi sedisse: ceteroquin enim frustranea fuisset particula *ibi*. Vocula *by* itaque usum suum retinet, quo motum ad locum denotat, & verbum *ire*, *sedere*, aut simile per ellipsin intelligitur. 3. Cum dicunt se *sedisse & luxisse*, non de habitatione, sed gestu lugentium se loqui, manifeste indicant. Est autem lugentium proprium *sedere*, ut mox observabo. 4. Ipsum illud, quod mox subjungunt, *in recordari nostro Tſionis*, sedendi & lugendi tempus haud obscure ad solennia commemorationis Tſionis tempora restringit; ut sensus sit: quum Tſionis

memo.

a Vid. autores a Cl. Wolfio cur. Phil. ad Act. I. c. citati.

memoriam solenniter & publice recolimus, *luctui* nos dedimus. Denique 5. cum, ad lugendum sese conferentes, citharas palam & in conspectu omnium, quod phrasim *in medio Babelis* dicit, sese de *salicibus suspendisse* adfirmant, & mox subjungant, Babylonios a se læta & sacra petiisse carmina Tſionea, *clare* significant, se solennia & publica *luctus* tempora in oculis habere, nec continua, sed ſtata, & nota, ac tranſitoria; niſi quis abſurde velit, eos omne tempus in exilio triviſſe lugendo & ſedendo, & *citharas* ibi ſemper fuiſſe expoſitas.

§. VII. Relegamus, hac jacta hypotheſi, verba, &, ubi opus fuerit, illuſtremus. *Ad fluvios Babelis* (ſcilicet progreſſi; quippe ubi profeuchæ erant, loca publica orationis & lectionis, ſeu exercitii ſacrorum, quantum loca exilii permittebant. Varios fuiſſe Euphratis alveos circa & infra Babelem, varia etiam flumina fuiſſe in territorio Babylonico, quorum hic ratio haberi poteſt, ſatis conſtat ^a. Videntur autem ad aquas habuiſſe ſua oratoria, ſicut de ſequentibus temporibus manuſcriptum & ſatis obſervatum eſt; ut ſupra notavi; & aliqua etiam occurrunt indicia tempore exilii Babylonici. Utique Ezechiel *viſum* ſuum primum vidit, cum *in medio exilium* exiſſet *ad fluvium Cbebar*, Ez. 1: 1. tempore itaque conventus ſacri: ſic & Danieli contigit Dan. x: 9. cum jejunio & luctui vacaret ad fluvium *Chiddekel*; ſicut in viſione etiam ad fluentem *Ulat* fuit transportatus cap. viii: 2.) *ibi ſedimus etiam flevimus* (h. e. iſthic loci, vel ſedentes quoque, flevimus, vel ſedentes copioſe, lacrymis jugiter adfluentibus, flevimus, quod idem eſt, ac luctum omni modo, eumque magnum & acerbum, quibusvis ſignis demonſtravimus: *ſedere* itaque hic eſt *lugentium*, & obſtupefactorum; ut Ezr. ix: 3, 4. Jeſ. xlvii: 1. Ez. viii: 13. Job. ii: 13. Thren. ii: 10. 2 Sam. xii: 16. ubi dicitur *cubare in terra*, ſedere in *pulvere* & *cinere*; uti ſolebant moerentes & adſiſti. Quo ſenſu

Vvv

ſedere

^a Vid. Bochart. Phal. l. i. c. 8.

federe etiam Lat. in usu est *a*. Vocula vero *b* etiam hic cenferi potest propriam suam vim exlerere, qua rad. ejus adhibetur de puteo abundante, aqua jugiter adfluente; unde & מִן הַמַּיִם Heb. i. pro vigore inexhausto, sese semper innovante, & ad fortiozem impetum excitante *b*. Copiosam itaque & indefinentem plorationem eleganter adfert hæc particula addita.)

§. VIII. *In recordari nostro Tſionis* (h. e. quo tempore memoriam Tſionis, ante florentis, vel existentis, nunc destructæ, solenniter coluimus. Non enim simplex *recordatio* intelligitur, quæ perpetua erat, & continuum produxisset luctum, sed publica & solennis, quæ per jejunia & luctum celebrabatur. Quo sensu *sabbati observatio* dicitur *commemoratio* liberationis ex Aegypto. Deut. v. 15. & *Pascha* quoque Ex. xiii: 3. ne alia memorem. Accedit, verbum quoque sumi pro *commemoratione*, Jer. iii: 2. Job. iv: 7. & apud Arab. Ceterum qua ratione Tſionis memoria, & commemoratio, per luctum debuerit fieri, quam iusta fuerit lugendi ratio, ut exponam, opus non est:)

§. IX. *De salicibus in medio ejus suspendimus citharas nostras* (h. e. ad fluvios ploratum propter Tſionem progressi, reliquimus instrumenta musica, lætitie inservientia, & coram omnium oculis otiosa exposuimus; sicut solent, qui de arboribus suspendunt, in signum, se iis non usuros amplius. Non dicunt, se *ibi* suspendisse, sed *in medio ejus*, sive Babelis, adeoque significant, se secum non sumuisse, ut alias in lætis festis solebant, sed palam, inspectante tota Babele, ea missa fuisse, argumento, se non læta, sed tristia festa celebraturos juxta fluvios. Respicitur ad *salices* ad ripas fluviorum, in Babylonia copiosas, quare *valleys salicum* adpellatur, Jes. xv: 7. & *salices apud rivos aquarum* memorantur, c. XLIV: 4. & *salices vallis*, Job. xl: 22. Lev. xxiii: 40; nec non ad morem, quo citharoedi, a cando cessantes, organa musica ad parietem, vel arborem

a Vid. Amama et Bochini ad h. l. *b* Schultens ad Prov. xii: 2.

§. X. 2. Addunt se ab hoc proposito & instituto la-
gendi in oratoriis suis non passos fuisse abstrahi a Babylo-
niis, petentibus, ut in exilio, æque ac antea Hierosolymis,
hilariter agerent, & eadem cantica canerent, vers. 3.
Quia, vel quomodo, ibi petierunt a nobis qui nos captivos ab-
duxerunt verba cantici, & qui longe nos projecerunt latitiam;
Vvv 2 dicen-

a Vid. Boethius ad h. l. b Vid. la Cerda ad Virg. eccl. vii.
p. 132. c Reland. de Nannis Samarit. diff. vi. d Boe-
hart. Can. l. II. c. 7.

dicentes, *cantate nobis de canticis Tſionis*. h. e. in lugendi instituto, & Tſione hac ratione commemoranda, constanter perfeveravimus, non obstante quod Babylonii, qui nos captivos abduxerunt, & longe a patria removerunt, postulaverint, aut enixe rogarint, ut, Tſionis obliti, nos ad hilaritatem pristinam reciperemus, & sacra nostra iisdem canticis celebraremus, nos exhortati, ut, deposito luctu, cantica Tſionis adhiberemus, in eorum saltem gratiam, & ad eorum oblectationem. Hic sensus est, ut opinor, verborum, & hac ratione cum superioribus cohærent: quod Interpretes non perspexerunt. Cum dixerant, sese solitos fuisse publice solennibus & statis diebus procedere ad fluvios, ut ibi plangerent, citharis coram omnium oculis suspensis, Babylonios, conventus eorum sacros permit- tentes, significant voluisse se ab eo instituto abstrahere, & ad sacra læte ac hilariter exercenda, quemadmodum Tſione fecerant, excitare; ratione etiam inde petita, quod ipsis hoc gratum foret; sed se constanter in eo opere perseverasse, nec se dimoveri passos esse. Vocula itaque *quia*, hic exserit usum, haud infrequentem, quo *quavis*, non obstante quod, denotat. De quo pluribus dixi ad Gen. ix: 6. *Quia* enim, seu rationis redditio, huc non quadrat: & coactum est, quod ab Interpretibus est adlatum; *quavis* vero egregie, ut exposui. Cum vero dicantur captivatores & abactores suos *petiisse* cantica læta Tſionis, idque ut *ipsis* canant, *canite nobis*; significant, eos liberum religionis exercitium sibi reliquisse, uti vere fecerunt Babylonii, sed voluisse tantum, ut non amplius causa Tſionis lugeant, verum iisdem canticis, quibus antea Hierosolymis, uterentur, & hilariter agerent; professos simul hoc ipsis gratum fore, & Judæos hac ratione demonstraturos, se in exilio humaniter ac benigne tractari. Animo itaque illudendi, & sacra Tſionis carmina irridendi, ac ad usus profanos adhibendi, illud non introducuntur dixisse, ut vulgo putatur; sed eo, quo dixi, scopo; nullum enim
illusio.

illusiois aut contemptus indicium hic occurrit, nec in seq., ubi huc respiciunt Tſionitæ exules, aliud adferunt ad hoc postulatum recusandum, quam se in terra aliena hujusmodi canticis uti non posse. Petierunt itaque Babylonii, ut læta & sueta Tſionis carmina usurparent, etiam *ibi*, quo secesserant, in oratoriis suis sacris; loco luctus & lamentorum: quam emphasin habet vocula *ibi*, scilicet ubi Judæi sua sacra celebrabant, & nunc luctui se dabant; respicitur enim ad *ibi*, vers. 1. *ibi sedimus* &c. Addunt, ut eos permoveant, sibi gratum fore; cum dicunt, *canite nobis de canticis Tſionis*. h. e. aliqua eorum, sacra & læta, in Templo cantari solita; *canite nobis*, h. e. in gratiam nostram ut nobis placeatis, vel etiam ad delectationem nostram: nisi forte illud *nobis* abundet, ut alias *mibi*, apud Lat. & Gr. Nihil hic præterea difficile, nisi in verbo חללי, quod varias admodum peperit, hic non recensendas, versiones & interpretationes, magis minusve probabiles; sed Syr. & Gr. veriore[m] produxerunt soli; *ille vertit abducentes nos*, & *hi* eodem modo *ἐν ἀνὰ γυναικας ἡμῶν*. Radix est חלל, sed חל, unde in Pih. חלל, quæ eadem est ac חל, in Script. obvia, litteris ח & ל secum permutatis, ut in חלל & חלל, חלל & חלל, & aliis a. Radix vero חל dicit Arab. *longus fuit & longinquus*, unde in Hiph. potestas *elongandi*, seu in longinquum projiciendi; & in Pih. litteris geminatis חלל Jef. xxii: 17. Jer. xvi: 13. ne alia memorem. Confirmat hanc interpretationem convenientia cum præcedente titulo, quo Babylonii adpellati fuerunt חללי *captivatores nostri*, qui in captivitatem abduxerunt.

§. XI. In altera cantici parte, מ. rationem reddunt, quare a lætis & sacris illis canticis abstineant, & Babyloniorum postulato satisfacere nequeant, vers. 4. ג. desiderium, quo in Hierosolymam & cultum ibi exercendum ferantur, ardentissimum exponunt, vers. 5, 6. ג. denunciant Edomo & Babeli, per modum imprecationis & voti,

Vvv 3

exci-

excidium, vers. 7-9. 1. Rationem abnegati usus cantorum Tſionis in exilio hanc dant, vers. 4. *Quomodo canticum Jehovæ in terra peregrina caneremus?* h. e. qua ratione possemus, quam apte & opportune illud faceremus, carmen Jehovæ coram accinere, in ejus, tanquam Dei Israhelis, laudes, animis lætis, & modo hilari, dum in terra peregrina versamur, in exilio, loco sacrorum cum omnibus instrumentis, & ritibus ibi exercendis, exclusi, & orati? Respiciunt quidem verba ad Babyloniorum postulata, ut facile adparet, sed non sunt ad eos directa, acsi iis hoc responsum coram dedissent, reliqua enim, quæ uno tenore sequuntur, & cum his verbis connexa sunt, illud non permittunt, cum imprecationem etiam contineant Babeli factam; sed verba sunt ad se mutuo facta, quibus se invicem in eo proposito firmant, ut a lætis illis carminibus Jehovæ canendis abſtineant, & in luctu solenni continuant: acsi dicerent; cum ad lugendum processimus, & Chaldæi nos ad luctum deponendum & hilaria sacra adhortarentur, dicentes, *canite nobis &c.*: nos eo tempore nobis invicem diximus, ut nos in eo proposito corroboraremus, *quomodo caneremus &c.* Rationem itaque proferunt, qua eo tempore usi fuerunt ad instituta sua defendenda, & se mutuo in iis confirmandos.

§. XII. Explicemus nunc verba, & verum eorum conspectum pandamus. *Canticum Jehovæ* hoc loco est carmen sacrum non simpliciter, sed lætum & jucundum, quale Babylonii expetierant, non itaque *lugubre*, ad tristitiam induendam, vel augendam, 2. Jehovæ coram accinendum, adeoque in loco, quo præſens est, adeoque non in exilio, sed Hierosolymis, ubi residet, seu sese præſentem exhibet populo suo; quemadmodum *coram Jehovæ* quid fieri dicitur, quod in loco sacro fit, & a *facie Jehovæ fugere* Jonas, quum terram Cananæam deseruit. *Carmen Jehovæ* canere itaque est, ei coram accipere, opposita ad *terram peregrinam*, ubi Jehova sese præſentem non exhibet. 3. Denique

nique *canticum Jehovæ* est, quo ipse hoc suo nomine laudatur, tanquam Deus Israelis, qui vim istius nominis demonstrat in populo suo tutando, & prospero reddendo. Conf. dicta ad Ps. cxxxv: 13. *Terra peregrina*, proprie *peregrinitatis*, est enim נֶכֶדֶץ vox subst., & אֶרֶץ *terra* est in statu constructo *a*, est, quæ & Jehovæ & populo ejus peregrina est, simul Israeli calamitosa & dura, adeoque, 1. respectu Dei, tanquam Jehovæ, quatenus ibi sese præsentem non sistit, nec secundum præscriptum suum colitur, sed *idola* potius, *Dei peregrini* dicta, 2. *populi*, quatenus ibi in exilio versatur, terra promissa orbatus. 3. Denique respectu *felicitatis*, quatenus multiplicem calamitatem adferebat populo Dei; quæ nomine *peregrinitatis* etiam venit, quatenus est res insolita, & odiosa: uti Job. xxxi: 3. Obadj. 14. & alibi. Forma orationis cum particula interrogante *quomodo*? significat, eos a se id impetrare non posse, nec debite & apte facere posse: *quomodo canemus*? est, quomodo illud nobis conveniret, qua ratione illud debito modo faceremus? adeoque nec nos illud decet, nec statui nostro convenit, nec sicut oportet illo officio defungi possumus. Ratio est, 1. quod in statu calamitoso sumus, & luctuoso, cui læta carmina non congruunt, 2. quod Jehovæ canere non possumus, qui nos abdicavit, & in hac terra peregrina præsentiam suam non demonstrat, 3. quod laudes ejus, tanquam Dei nostri, canere non queamus in hoc statu, quo non favoris, sed iræ ejus signa experimur, ipsum tanquam liberatorem, & omnis boni largitorem, respectu nostri celebrare non possumus. Sed, ut ad scopum loquentium propius veniamus, non tantum significatum volunt, ejusmodi canticis, qualia definivi, se nunc uti non posse, verum longe alia se decere, quibus luctum suum exprimunt, uti nunc diebus solennibus in memoriam Tſionis faciebant; quod expresse quidem non dicunt, sed mente intellectum volunt, *tanquam dictorum consequens*,

a Vid. Coccejus in Lex.

quens, sponte sua inde sese offerens; acsi dixissent: ad fluvios Babelis sedimus lugentes, citharis iuspensis, vel abdicatis, nec a Babyloniis nos ad cantica Tsionis læta adduci passi sumus; verum in luctu solenni constanter perreximus; nobisque invicem diximus, *quomodo cantica Jebovæ caneremus in terra peregrina?* quod illi a nobis postularunt; quomodo non pergeremus in solenni luctu? uti fecimus, quum illud statui & adfectioni nostræ longe sit convenientius. Ex quibus omnibus manifestum est, illos aberrare, qui nimis superstitiosam opinionem exulibus hic adtribuunt, acsi *cantica Jebovæ* in genere non liceret metu^r pollutionis canere in terra peregrina: cujus hic nullum occurrit indicium.

§. XIII. 1. Certissimum suum propositum Tsionis celebrandæ in exilio summa cum adseveratione singuli piorum expromunt, & desiderium flagrantissimum, cum bene fundata spe conjunctum, Tsionis videndæ, coram fruendæ, & religionis ibi exercendæ aliquando, declarant, vers. 5, 6., prius vers. 5. posterius vers. 6. Prius hæc verba comprehendunt, vers. 5. *Si obliviscar tui, Hierosolyma! obliviscetur anima mea dextræ meae.* h. e. tantum abest, ut unquam dimoveri a Tsione in luctu commemoranda, & ad læta cantica Tsionis in exilio canenda, in signum oblivionis Tsionis, adduci patiamur, ut singuli nostrum profiteri audeant, sibi æque impossibile esse Tsionis memoriam deponere, ac dextræ suæ, tam caræ & propinquæ, quæ Tsioni sacramentum dixerunt, oblivisci. Quæ paraphrasis sicut nexum, ita sensum, cum in luce posuerit, nihil superest, quam ut sensum e verbis eruamus. Cum in sing. sermo fiat, indicium est, singulos se ita animatos esse profiteri. Quæ ratio sing. num. adhibiti plane sufficit; absque ut aliam fingamus personam loquentem. Quod antea communiter num. plur. dixerant, illud nunc, ubi propositi sui firmitatem exponunt, singulis recte in ore datur. Sermo præterea ad ipsam vertitur Hierosolymam, adfectus

testan-

testandi ergo, & ut sinceritas dictorum magis elucesteret. Quo nihil est, maxime in stylo poetico & oratorio, vulgarius. Declarant, sibi certum fixumque esse, Hierosolymæ nunquam, quamdiu in exilio fuerint, *oblivisci*, sed ejus debitam semper celebrare memoriam, abstinendo a carminibus Tſionis extra eam in terra peregrina canendis, quod signum foret oblivionis Tſionis, & luctus ac tristitiæ quibusvis signis sese solennibus diebus publice dando, ut nunc faciebant. Quod recte *non oblivisci* Hierosolymæ dicitur, ut facile patet, & satis observatum est. Confirmant certitudinem propositi & constantiam suam ex eo, quod non magis obliviscerentur Hierosolymæ, quam *anima sua dextrae suae obliviscatur*: quo declarant, 1. sibi æque curæ cordique esse Tſionem, ac *dextram* sibi, 2. non magis fieri posse, ut ejus oblivio se capiat, quam ut anima sua dextrae suae obliviscatur; denique 3. se Tſioni renunciando non minus reos fore gravissimi criminis, quam si perjuros sese præstitissent. *Dextra* hic memoratur tanquam res carissima, & proxima, quæ oblivioni dari nequit, simul tanquam signum *juramenti*, dextra elata facti, quo se fatetur Tſioni obstricta; quod a Cl. de Dieu jam est observatum, adducto Ps. cXLIV: 8. ubi *dextra* pro *juramento* summi videtur, ubi vid. Schultens, qui & huic loco adplicuit. Quod vero ad constructionem *אני לא שכחתי ימי ימי* *obliviscetur dextrae meae*, nihil mihi videtur commodius ellipsi vocis *אני* animae; ut sit, *obliviscetur anima mea dextrae meae*, h. e. *obliviscar ipse ego dextrae meae*. Simili ratione & alibi *anima* subintelligitur, ut Ps. xvi. אמרת *dixisti* sc. *anima mea*, & 2 Sam. xiii: 39. Alii aliter instituunt, quos mitto. Observo tantum *imprecationis* conspectum, cui hic communiter locus datur, addi posse; hac ratione. Si *obliviscar tui, Hierosolyma!* si fieri hoc posset, poterit etiam *anima mea dextrae meae oblivisci*; quod vix poterit: sed si hoc etiam fiat, si tam fiam negligens, tantoque reatu me obstringam, *obliviscatur anima mea dextrae meae*. h. e. perdat

dat anima mea *dextram*, nec ea amplius utatur. Quo sensu *oblivisci* aliquando sumitur, pro non amplius *habere*, ejus non esse compotem &c. a. Sic terra dicitur *oblivisci cultoris*, quæ nullum habet cultorem, adeoque deserta jacet. Jer. xxiii: 15. Thren. ii: 6. Ps. cii: 5. Forte, ut hoc dictis addam, pro *חננה* legi posset *חננה*, vel *חננה*, littera per sequentem deleta, & verti, *obliviscatur mei dextra mea*, seu me destituat, & omni usu privetur, uti mox de lingua palato adfixa traditur. Robur addit versio Syr.

§. XIV. *Posterius*, quo desiderium Tſionis coram videndæ & fruendæ exprimunt, simul fundatissimam spem, fore ut votorum compotes fiant, declarant, his verbis continetur, vers. 6. *Adpacta erit, sitque, lingua mea palato meo, si non commemoravero te, si non ascendero Hierosolymam, summum, caput lætitiæ meæ, vel ad caput lætitiæ meæ.* h. e. Tantum est Hierosolymæ fruendæ, & cultus ibi exercendi sacri, tamque ardens desiderium, ut, si compas non fierem, instar arescentis, & siti languescantis, perire mallet, vel deberem, seu omni solatio orbus fatiscere; tam certa quoque spes ejus felicitatis me tenet, ut, si mihi non contingeret, ad perpetuum stuporem & silentium me damnatum velim. Res, quam desiderabant, & expectabant, exprimitur verbis, *recordari Hierosolymæ, & ad eam ascendere*, quæ se mutuo explicant, adeo ut *recordari* sit antecedens, & *ascendere* consequens, vel *recordari* in eo situm, quod *ascendant* Hierosolymam, ad cultum ibi exercendum, quemadmodum in Decalogo Ex. xx. *recordemini sabbati ad sanctificandum illud. Recordari Hierosolymæ, & ad eam ascendere* itaque est, acrem vigentemque semper habere cogitationem Hierosolymæ, quæ vis est verbi *רָא*, cujus sedes est in *vigore acris*, eamque continuo demonstrare per solennem aditum Hierosolymam, quod tribus vicibus, seu festis, ab omnibus Israelitis fieri debebat,

• Conf. Castalio.

bat, & a piis solebat; quod verbo *אָרָא* *ascendere* quoque exprimi solet, uti constat. Ipsa etiam profectio exulium in patriam cum Zerubbabele hoc verbo insignitur Neh. xii: 1. cujus & hic ratio haberi potest. Nec obstat constructio, *אָרָא יְרוּשָׁלַיִם עִירָא*, cum verbum *אָרָא* *ascendere* sine præp. *ad locum*, sed ea subintellecta, haud infrequenter eo sensu veniat; uti Prov. xxx: 4. *עִירָא שְׁמִים* Jer. xxvi: 6. *Surgetis* *וְעִירָא צִיּוֹן* & *ascendamus Tſionem*; plane ut hic. Hof. viii: 9. *אֲשׁוּרָא* *ascenderunt in Assyriam*. Sed quid sibi volunt voces *עַל רֶאשׁ שְׂמֹחִים*, quæ subjunguntur? possunt vel Hierosolymæ elogium continere, vel scopum adscensus. Priori ratione verti debent, *summum caput lætitiæ meæ*; vocibus, *summum, caput*, per adpositionem ad rem exaggerandam conjunctis; ut sit, *summum lætitiæ meæ, caput lætitiæ*; voce *עַל* æque cum *lætitia* constructa ac *עַל*, & pro nomine, uti proprie est, summo, quando dicit *summum* uti alias sæpe. Sic *עַל* *summum iræ meæ*, Jer. xxxiii: 31. & 2 Reg. xxiv: 20. Ps. cxv: 1. *summum benignitatis*, *summum*, caput libri Jes. xxxiv: 17. Jer. xxxvi: 11. & alibi. Vox vero *עַל* denotat *summam*, & præcipuam rem; ut *caput myrrhæ*. Ex. xxx: 23. *caput verbi tui*, Ps. cxix: 163. *caput vocatorum*, 1 Sam. ix: 22. & alibi ut Cant. iv: 14. *capita aromatum*, & Ez. xxvii: 22. Posset etiam *עַל* summi pro re ipsa, ut *caput lætitiæ*, sit ipsissima lætitia; quemadmodum *caput viri* pro viro a, nec non *robur capitis mei* pro robore meo Ps. lx: 9. Sensus ergo erit, Hierosolymam, ad quam adscensurus esset, esse *summum lætitiæ suæ*. Sed posteriore ratione scopus adscensionis indicatur, vocula *עַל* pro *עַל*, ut sæpe alias, summa, & sensus erit; *si non adscendero Hierosolymam ad caput lætitiæ meæ*, scilicet Jehovah ibi colendum; quod caput lætitiæ suæ declarat esse; uti David Ps. xxvii: 4. & cxxii: 1. & vir pius Ps. lxxxiv. Similis constructio est Jer. xxxi: 6. *Ascendemus Tſionem ad Jehovah Deum nostrum*. Posset denique

Xxx 2

ipsa

• Vid. Schultens ad Ps. cxxxix: 17.

ipsa Hierosolyma intelligi, & *h* cum adscendere construi; hac ratione: *si non adscendero Hierosolymam*, scilicet ad *caput laetitiae meae*. Ceterum Interpretes longe aliter instituunt, reddere soliti, *si non adscendere fecero*, extulero, *supra caput laetitiae meae*, & varie exponunt; quos suo loco relinquo. Non attenderunt ad usitatam phrasin, *adscendere Hierosolymam*, nec perceperunt exules hic explicare desiderium & spem adeundi Hierosolymam, & Deum ibi colendi.

§. XV. *Desiderium & spem* his verbis declarant, *adpactis erit*, sitve, *lingua mea palato meo*, *si non recordatus fuero*. &c. h. e. Tanto flagro ejus rei *desiderio*, ut siti & moerore marcescere malim & debeam, nisi ea potiar; tanta etiam me ejus rei tenet spes, certa & fundatissima, ut quicquid mihi carum est, ipsam vitam, interponere, & periculo capitis contendere ausim, me ejus compotem futurum; vel, ut me ad æternum stuporem & silentium damnatum velim, si id non fiat. Structura orationis desiderii & certissimæ expectationis declarationem admittit; ut in paraphrasi exposui: si *desiderio* adcommoetur, sensus erit; linguæ palato adpactionem & optarim, & experiar, si non cupito fruar; tanto in illud feror *desiderio*. Sed si ad *expectationem* referatur, sensus erit: linguæ adpactionis sub periculo contendere, & adseverare ausim, me potiturum esse, tantopere de eo persuasus sum. Utriusque declaratio huc recte quadrat, & ex seq. ulterius confirmatur, ut mox dicam. Phrasis vero adpactionis *linguæ palato* male a nonnullis restringitur ad abstinentiam a cantu læto; cum majore longe emphasi & polleat, & in Script. veniat; hic etiam debet. Solet autem adhiberi, i. ad statum summe miserum & afflictum denotandum, quo quis omni consolatione orbis, & profunda tristitia adfectus, simul desperabundus & cruciatibus enectus jacet, morti proximus; met., ducta a sitibundo, & præ siti arido & emarcido, ut Thren. iv: *adhæret lingua latentis palato præ siti*. Sic Ps. xxii: 16.

Exaruit

Exaruit sicut testa vis mea, & lingua adhaeret faucibus meis, utique in pulverem mortis depones me. 2. ad animum stupefactum, & ne verbum loqui ausum, summo pudore confusum, & metu perculsum exprimendum, ut Job. xxix. 10. & apud poetam.

Obstupuit, steteruntque comae, & vox faucibus haesit.

§. XVI. 1. Huic desiderii & certissimae expectationis testificationi aptissime subjungitur praedictio destructionis Edomi & Babelis per modum imprecationis Edomi, & celebrationis destructoris Babelis, vers. 7 & 8. *Recordare Jebova filiis Edomi diei Hierosolymae, qui dixerunt, nudate, nudate usque ad fundamentum in ea. Filia Babelis vastatrix vastata erit, sitque; beatum! qui rependerit tibi maleficium tuum summum, quo cumulasti nos: beatum! qui prebenderit & excusserit parvulos tuos ad petram.* Quae verba non nudam imprecationem Edomi, & generalem laudationem destructoris Babelis, ut putatur, continent, sed certam praedictionem utriusque destructionis, cum piorum approbatione conjunctam, & votis eorum, aliter non implendis, respectu liberationis & prosperitatis suae, respondentem. Cujus indicium est. *a.* in nexu cum praeced., ubi certissimam suam expectationem reditus in patriam, & rerum ac religionis instaurationem significaverant. Quam certitudinem hic confirmant, praedicendo hostium destructionem. *b.* in ipsis verbis vers. 8, 9. quibus satis indicant, se de eventu certos esse, cum quod Babeli per anticipationem jam tribuant epitheton *destructae*, tum quod, tanquam de eventu certi, beatum jam praedicent destructorem Babelis. Addatur 3. imprecationem ea ratione justiore fieri, & minus culpabilem, si praedictionem magis quam imprecationem censeatur continere, & *imprecatia* simpliciter sit judicii Divini, quod Edomo eveniret, approbatio tanquam necessarii & justii. Quid? quod 4. verbum *וְאֵי* aequae possit

possit pro infinit. capi constructo, ac imperat; ut *recordari Jehovae* vertatur, & per *recordabitur Jehova* exponatur: ut solent saepe infinitiva.

§. XVII. Prophetica imprecatio, seu praedictio imprecatoria, respectu Edomitarum, ita habet, vers. 7. *Recordari Jehovae Filiis Edomi diei Hierosolymae, qui dixerunt, denudate, denudate usque ad fundamentum in ea. h. e.* Quod Idumaei tempore calamitatis Hierosolymae, a Chaldaeis obsessae & oppugnatae, laeti & gloriabundi secum & palam dixerunt, volentes & cupientes, ut Hierosolyma funditus extirparetur, prostitueretur, & omnium ludibrio exponeretur: illud ipsis cedet & cedat in propriam perniciem a Jehova, Deo Israelis; iudice justo mundi, & vindice populi sui, grave hoc crimen visitante & puniente, adeo ut ipsis illud lege talionis eveniat. In verbis parum est nostrae curae relictum. *Recordari Dei* est, quo ipse, tanquam Iudex, sibi notum, in recente memoria, curae cordique esse facinus demonstrat, adeo ut puniat, & paria referat, seu illud infligat, quod aliis inflictum volebant, vel infligi letabantur. Phrasis vero *recordari Dei* significat, Deum recordaturum, & secundum vota populi sui facturum esse: uti modo observavi. *Recordari filiis Edomi diei Hierosolymae*, ut verba habent, est calamitosi temporis Hierosolymae, quo destructa est, recordari in poenam facinoris Edomitarum, tunc commissi. *Dies* alicujus subinde in malum pro die calamitoso sumitur ^a. Quod facinus mox subjungitur, his verbis: *qui dixerunt* (laeti, gloriabundi, & insultantes) *denudate, denudate usque ad fundamentum in ea. h. e.* eam totam, & quicquid in ea est, destruite & complanate, ut pura & nudatissima sit vastitas, ad fundamentum usque; praeterea a collo ad nates eam nudate, seu prostitute, desolate, & ludibrio exponite. Duplex enim met. hic locum habere potest, altera ab edificio, quod solo

sequa-

^a Vid. Schultens ad Job. xix: 15. & Diss. nostrae select. ad Gen. vi: 3.


æquatur, & in plenissimam redigitur vastitatem, ipsis fundamentis nudatis, ut est Ez. xiii: 14. Mich. i: 6. & alibi altera a matrona, quæ, vestibibus detractis, a collo ad nates usque omnium oculis exponitur nuda ad ludibrium & prostitutionem publicam; quod & verbo *nudare*, & voci ניר *pro natis*, fundamenti nomine notis, recte convenit, modo suppleatur, in phrasi *usque ad fundamentum, a collo ad nates*: quemadmodum Hab. iii: 13. *denudando fundamentum*, seu nates, *usque ad collum*. Quo indicatur status humilis, abjectus, & ignominiosus. Conf. etiam de Babele Jes. xlvii: 2, 3. & ibi Commentator. Ceterum digitus intenditur ad prophetias de excidio Edomi factas Jes., Obadj. & Jer. ac Ezech. satis notas, & indicatur, Edomitibus hoc iudicium certo esse eventurum, simul esse iustum, & ad populi Dei prosperitatem consummandam necessarium; cum quod hostes essent infensissimi, tum quod hæreditatem populi Dei inhiabant, sicut tempore exilii Babyl. partem Judææ australem occuparunt; inde Idumæam postea dictam. Quando vero implementum hæc denunciatio imprecatoria nacta est, alibi exposuimus; contingit per varios temporum articulos, initio facto a Nebucadnezare, haud diu post Hierosol. deletam, & colophone imposito per Maccabæos: adeo ut & in principio exilii, quo Ps. respicit, his verbis in summa emphasi uti potuerint exules, Esauitis nondum humiliatis; & deinceps quoque usque ad terminum, modo memoratum.

§. XVIII. Prædictio poenæ, Babylonis infligendæ, his verbis fit, vers. 8, 9. *Filia Babelis, vastata illa! beatum illum, qui rependerit tibi malescium tuum, quo nobis maleficasti: beatum qui prebenderit & excusserit parvulos tuos ad petram*. Quæ verba Babelis destructionem partim clare & aperte, partim tacite & teste prædicunt. Directe id faciunt prima verba, *filia Babel vastata illa*. h. e. titulus tuus aliquando certo certius erit, quo insignieris, *vastata illa*. Eam jam tunc fuisse vastatam non indicatur, sed epithe-

epitheton ipsi simpliciter imponitur, in signum certitudinis rei, aliquando futuræ, adeo ut per anticipationem ei jam nunc dari posset, licet adhuc floreat, & firma sit. Alii active sumunt, & vertunt, *vastatricem*; quod de Dieu defendit, & ex Chald. illustrat; recte, cum & Arab. ea forma in usu sit, & Jer. iv: 30. ita occurrat, ut ibi observavi: sed pass. notio huc recte quadrat, ut exposui; tantum censeretur de ambiguo quid trahere hoc epitheton, & utrumque act. ac pass. conjungi, ut sit *vastatrix vastata*; quemadmodum habetur Jes. xxxiii: 1. Teste insinuat hęc vastatio, quum *felix* pronunciat, qui eam intulerit Babeli; quippe quo præsupponitur, illud futurum esse, & indicatur, illum præclarum opus præstiturum, quod meretur, ut prospere degat, & res ex voto ipsi succedant. Formula videtur esse, qua ultori & vindici injuriarum, ac liberatori, quævis felicia adprecabantur: qua cum hic exules utantur, simpliciter significent, qui hoc effecerit, habendum & celebrandum esse, tanquam justii judicii Dei executorem, & populi oppressi liberatorem. Vid. Jes. xlv. fin. Qua ratione nihil in eo est, quod culpandum sit. Repetitur formula, ad indicandum, non unum fore, sed plures, qui successive hoc efficerent: uti etiam per articulos varios Babel destructa est. De quo alibi ad Jer. l. l. egimus; & differuit, post Bochartum, Cl. Vitringa ad Jes. Ipsa vero destructio vers. 8. generali phrasi *retributionis* designatur, & vers. 9. proverbiali locutione fortius exprimitur. *Beatum illum*, vers. 8., dicunt, *qui rependerit tibi maleficium tuum, quo nobis male fecisti*: sic enim verbum *malum* capiendum est, quod proprie dicit *recondere*, *fovere ad maturitatem*, unde *maturare* in bonum & malum; adeo ut & dona ac munera contineat, in caput alicujus cumulata forte ad animum duriores emolliendum, & etiam *maleficia* fota, ac ad *maturitatem*, ut puniantur, adducta, uti i Sam. xxiv: 8. Jes. i: 9. Jer. l: 6. & alibi. Addunt; *beatum! qui prebenderit & excusserit parvulos tuos ad petram.*
h. e.

h. e. prehenfos & ad petram allifos quaffaverit, ac vita privaverit. Vid. de verbo $\gamma\alpha\iota$ Cl. Schultens *a*. Videtur proverbialis fuiſſe locutio, ex immani more ſæviendi in ipſos tenellos a victoribus ſævis nata, ad indicandum totale excidium ſine ſpe inſtaurationis. Quod hic tantum intenditur, abſque ut ſævitia illa adprobetur, aut ad litteram in tenellis executioni eſſe mandandum velint, qui hic loquuntur; licet ſimile quid futurum eſſe prædixerit Jeſ. c. xiii: 16. & Chaldæi quoque ejus criminis ſeſe reos præſtiterint in deſtruenda Hieroſolyma.

a Orig. l. i. c. 3.





P S A L M. CXXXVIII.

1. *Davidis. Celebrabo te toto corde meo, coram, o Deus, tibi psallam.*
2. *Adorabo ad palatium sanctitatis tuæ, & celebrabo nomen tuum super benignitate tua & veritate tua, quia magnificasti supra omne nomen nomen tuum dicto tuo.*
3. *Die calamitoso invocavi te, & respondisti mihi, & elatum me facies, in anima mea robur est.*
4. *Celebrabunt te, Jehova! omnes reges terræ, quum audiverint dicta oris tui.*
5. *Et recta serie procedent cantantes in viis Jehovæ. Quia magna est gloria Jehovæ.*
6. *Quia excelsus est Jehova, & demissum videbit, & alii frontem elatum procul cognoscet, vel cognoscere faciet.*
7. *Si in medium angustia ivero, vivificabis me, super nasum hostium meorum inmittes manum tuam, & servabis me dextra tua.*
8. *Jehova pro me absolvet, Jehova! benignitas tua est in æternum, opera manuum tuarum ne remittas.*

P R O L E G O M E N A.

I.

Argumentum Cantici est celebratio & glorificatio nominis Dei, illustri modo inter homines manifestati, partim a viro pio, qui hic loquitur, nunc & in posterum

rum semper facienda super gratiæ & veritatis Dei signis & effectis, quæ & antea in sui conservacione & liberatione expertus erat, & nunc in magnificis promissis consecutus recentia, *partim* ab omnibus regibus terræ, quum promissorum & gloriæ Dei notitiam acceperint, facienda, una cum fiduciæ, inde ortæ, testificatione, qua certo confidebat, se in quibusvis angustiis esse conservandum, ab hostibus nihil timendum habere, & statum suum prosperum ulterius esse consummandum. Incipit vir pius, & illustri in loco positus, cum propositi sui declaratione, Deum coram, & versus palatium sanctitatis ejus, publice glorificandi propter gratiæ & veritatis signa, quæ & nunc adeptus erat, & antea in sui vindicatione ac exaltatione expertus. Dein, spiritu in sequentia tempora ductus, prædicat, Deum per orbem ab ipsis terræ regibus esse agnoscendum, colendum & celebrandum tanquam summum & gloriosum rectorem ac servatorem mundi, qui humiles extollit, & superbos deprimit. Desinit denique in spei, bene fundatæ, testificatione, fore, ut vel in mediis angustiis securus esset, & ab hostibus tutus, ac opus a Deo inceptum videret ad finem perductum.

§. II. Ad cujus argumenti verum conspectum facit, *α.* Personam, quæ hic loquitur, singularia & magnifica gratiæ & veritatis Dei signa fuisse consecutam, & expectare alia ac majora, secundum promissâ Dei ipsi facta, vers. 2. *β.* eam in specie Dei curam in sui conservacione & exaltatione fuisse expertam, vers. 3. *γ.* præterea nondum omnibus angustiis & periculis esse superiorem, nondum omnes hostes habere subjectos, opus Dei denique in ipsa inceptum nondum ad finem esse perductum, attamen se illud certo futurum esse confidere & expectare, vers. 7, 8. *δ.* Denique promissâ sibi facta talia esse, ut omnes reges terræ inde materiâ accepturi sint, & rationem habituri Deum glorificandi; quod etiam futurum esse prævidit in Spiritu, & prædixit, vers. 4, 5.

Yyy 2

§. III. Hæc

§. III. Hæc qui debite adverterit, & Davidem pro auctore Pf. habuerit, quod per inscriptionem, quæ Davidi attribuit, necesse est, argumento etiam Pf. in neminem aptius quadrante, dubitare vix poterit, quin eo tempore Pf. factus sit, quo, calamitatibus & periculis ereptus, & in regno Israelis ac Judæ confirmatus, luculenta a Deo illa promissa accepit de regno in domo sua confirmando, Templo a filio ejus ædificando, & Messia ex ipso oriundo, cuius regnum per orbem propagandum & in æternum duraturum esset. Huc omnia tendunt criteria, modo producta; ut facile cernitur. Expertus tunc erat, quod vers. 3. dixit, se, quoties Deum in tempore angustiarum invocaverit, exauditum esse, & nunc firmum stare & animosum: sed cum nondum omnia regna hostilia haberet subiecta, nec opus suum, aut Dei in se, ad summum gradum & finem esset perductum, ei recte conveniunt eo in statu, quæ vers. 7 & 8. habentur. Denique eo tempore tanta gratiæ Dei & favoris accepit indicia in promissis sibi & domui factis, ut & ipse habuerit Deum glorificandi propter gratiam & veritatem, & dicta Dei, materiam, & regibus terræ etiam inde ansa fuerit idem faciendi præbita, in primis respectu Messiarum ex ipso orituri. Ex quibus de occasione Pf. simul facile constat. Conf. 2 Sam. vii.

§. IV. *Scopus* Pf., quantum ex argumento ejus colligi potest, est 1. gratum suum animum pro conservatione & exaltatione sua, seu beneficiis acceptis, nec non pro ingentibus promissis, sibi nunc factis, palam demonstrare, Deum glorificando, & studiose colendo in perpetuum, vers. 1.-3. 2. Promissorum illorum verum conspectum, & consequentia in mundo, dum reges & quicunque religiosi Deum propterea suo tempore celebrarent, in lucem proferre, vers. 4.-6. 3. Denique spem & fiduciam suam inde ortam, sibi angustias qualescunque, aut hostiles invasiones, nihil nocituras, & promissa certo implenda esse, publice testificari, vers. 7, 8. *Structura* Pf. nihil habet singularis aut

aut difficilis. Continuum est ad Deum adloquium, nisi ubi verba cantici, a timentibus Dei canendi, profert summum, vers. 5, 6. quibus de Deo sermo fit. *Stylus planus est & facilis*, sed adfectuosus & emphaticus. *Partes Ps. tres sunt.* *Prima* est, qua se Deum publice glorificaturum & culturum esse, propter luculenta beneficia & promissa, declarat, vers. 1-3. *Secunda* exponit promissorum naturam & effecta, quatenus regibus & quibusvis religiosiis aliis ansa præberetur Deum glorificandi propter ea, vers. 4-6. *Tertia* continet spei, & fiduciæ in quibusvis periculis & casibus, & exspectationis status sui perficiendi testimonium, vers. 7, 8.

E X P L I C A T I O.

§. V. Cum Ps. in Davidem, & tempus, quo compositum esse diximus, recte quadret, nullumque fidelium N. T. hic loquentium occurrat indicium, etsi vers. 4. ad regnum Messiae digitus intendatur, quod a Davide recte fieri potuit, ut mox patebit, ulteriore disquisitione hypotheseos Ps. exponendi opus non est; maxime cum Interpretes, uno alterove excepto, hic satis conveniant; quare mox ad explicationem pergo. In *prima* parte. *κ.* in genere declarat se Deo coram publice esse laudes daturum ac cantaturum, vers. 1. Dein *α.* materiam & rationem ejus tradit, vers. 2 & 3. *κ.* Prius his verbis, vers. 1. *Celebrabo te toto corde meo, coram, o Deus! Psallam tibi.* h. e. sincere, & flagrante adfectu, te quovis modo, etiam cantu, laudabo ac celebrabo, o Deus, nec jam e longinquo, ut olim in exilio, sed *coram*, in loco præsentiæ tuæ. Interpretes solent *גור coram* cum *אלהים Deo* construere, & vertere *coram Diis*, per quos alii intelligunt angelos, alii Reges & judices, alii idola: sed unus Interpretum Gr. rectius vertit, ut est in Hexapl. Montf., *παρρησία* Des *αἶσω* et *πα- lam,*

lam, & fiducialiter, o Deus, canam te; quam constructionem & interpretationem Clericus quoque præferre videtur, licet *coram principibus* verterit: nobis ea cum maxime placet, ob has rationes. 1. Quia communior interpretatio, si sensum fundat tolerabilem, omni emphasi caret; quam nostra habet egregiam; ut mox dicam. 2. Quia, ubi Deum laudare instituit, epitheton *Dei*, ita absolute positum, ad creaturas adplicitum, haud parum offendit, nec ratio patet, quare eo hic usus fuerit. 3. Improbabile est, virum pium objectum laudationis silentio involvisse, quod fecisset, si hic non nominet: cui robur addit, quod vers. 4., ubi de regibus Deum laudaturis agit, eodem modo, quo nos hic volumus, Deum expresse adpellet, *celebrabunt te, o Jehova! omnes reges terræ*, plane ut hic: *celebrabo te, coram, o Deus, psallam tibi*. Ceterum phrasin nostram interpretationem sicut admittit, ita emphasin addit. Et si מנני *coram* habere soleat adjunctum, quocum construatur, occurrit tamen etiam absolute pro *coram*, maxime מנני *e regione*; etiam, si sequatur, quo referatur, ut hic, *psallam tibi coram*, pro *coram te psallam tibi*. Sic Deut. xxviii: 66. *Erit vita tua suspensa tibi מנני e regione, seu coram te*. Proxime nostro loco convenit Ps. cxvi: 14. *Vota mea Jehovae solvam מנני coram, age, præsente omni populo*, quod est לכל עמי. Quod vero ad emphasin orationis, quam vox מנני *coram* adfert, adtinet, ea sese facile offeret ex oppositione præteriti & præsentis status Davidis, nec non ardente desiderio ejus, quo in domum Dei ferebatur, quod Ps. xxvii. & alibi expectoravit, cujus nunc compos erat factus, arca in Tſionem translata. Declarat itaque, se Deum cantu celebraturum, & quidem, non ut antea in exilio, sed, quod unice ipsi in votis fuerat, in loco præsentiae Dei, seu *coram*; quæ insignis ejus erat felicitas, ut in paraphrasi expressi.

§. VI. ב. Propositionem mox deducit, eam exponendo, & amplificando, vers. 2, 3. his verbis: *Adorabo ad pala-*

palatium sanctitatis tuae & celebrabo nomen tuum, super benignitate tua & super veritate tua, quia magnificasti supra omne nomen nomen tuum dicto tuo: die calamitoso invocavi te, & respondisti mihi, formidabilem & elatum me facies, in anima mea robur est. Quibus verbis *a.* explicatius tradit, quod modo dixerat, se *coram* Deum laudaturum esse; quum dicit, se adoraturum & laudaturum esse *ad palatium sanctitatis Dei*, h. e. oculis ad ipsam Dei domum coelestem fixis Deum humillime & devote esse laudaturum. *Palatium sanctitatis Dei* est coelum, quo, Jehovam *coram* in domo Dei adorantes, animi & oculi elevabant sancti, uti Salomo, 1 Reg. viii. fecit, De quo ad Ps. v: 8. exposui. *Adorare & laudare* conjunguntur, ut indicetur, Deum esse devote ac pie celebrandum; convenienter Majestati, & sanctitati Dei, & secundum præscriptum ejus. *β. Materiam & rationem* celebrationis Dei *a.* in genere explicat, cum dicit, celebrabo *nomen tuum super benignitate & veritate tua*, scilicet causa virtutum gratiæ & veracitatis, in promissis dandis ac implendis partim demonstratarum, partim præstandarum. Quæ non sunt difficilia. *b.* In specie 1. respectu promissorum, nunc factorum, his verbis: *quia magnificasti supra omne nomen nomen tuum dicto tuo.* h. e. promisso, mihi & populo nunc facto, nomen tuum omni alio nomine in coelo & terra excelsius ac gloriosius fecisti, meum quoque in eo nomine tuo fore supra omne nomen demonstrasti. Verba sunt concisa, simul emphatica, & studio formata, ut plus indicarent, quam mox adparebat. Ad sensum *verbalem* eruendum facit, notasse, 1. in vocibus על-כל *supra omne latere nomen* עם, quod ex concurrentia ejusdem vocis deficit, adeoque legendum esse, עם-כל על-כל *supra omne nomen, nomen tuum*; sicut phrasis Paulina habet Philipp. ii: 9. nescio an hinc petita. 2. vocem שם *nomen tuum* cohærere cum verbo מרלחה *magnificasti*, ut sensus sit, Deum magnum fecisse & illustrare *nomen suum*. 3. Denique in voce שמות *deesse* ב, adeoque

que verti debere *verbo tuo*, scilicet; *magnificasti nomen tuum supra omne nomen*: quo nihil est facilius, aut usitatus. Quod vero ad sensum *realem* adinet, notandum est, 1. *verbum*, seu dictum Dei hic esse *promissum* ejus; quod non est ignotum, aut insolitum: vid. Pf. xii: 8. xviii: 31. & sæpius cxix., in specie, quod hoc tempore Davidi erat datum de regno in domo ejus firmo futuro, Templo Hierosolymis ædificando, & Messia ex ipso nascituro, cujus regnum foret æternum. 2 Sam. vii: 13-16. Deinde 2. in voce *per nomen tuo* illud locum habere, quod in illis solet, quibus *Tikkun sopherim* correctio scribarum adnexa est, quo indicatur, stylum alio verti, ob certas rationes, quam nexus & scopus orationis requirebat. Convenienter feriei sermonis David dixisset, *magnificasti super omne nomen meum dicto tuo*, sed ejus loco, ut Deus glorificaretur, dixit *nomen tuum*, ad indicandum, *nomen Dei* esse in suo nomine verius magnum factum, quam *suum* nomen. Sensus itaque huc redit, *a. nomen* Davidis per promissum ipsi datum 2 Sam. vii., quo respicitur, esse magnum factum, supra omne nomen in terra; quatenus ipsi regnum perpetuum in domo sua continuandum, & æternum in Messia, filio ejus futuro, est promissum. Quod ipsum quoque disertis verbis de Davide traditur, 2 Sam. vii: 9, 21. *b. verum* eo ipso, & verius, *nomen ipsius Dei esse magnum factum*; uti 2 Sam. vii: 22, 26. diserte traditur, cum quod Deus sese eo demonstravit summum Deum, gratia & potentia illustrissimum, unicum rectorem & servatorem mundi, tum quod regnum Davidis esset Dei regnum, cui ipse ut minister interserviebat, ita ut Dei nomen in ipso glorificetur, Templo in ejus honorem ædificato, & vera religione restituta &c. tum denique quod in Messia, filio Davidis, ipsum *Dei nomen* foret, quod de Angelo Jehovæ dixit ipse Jehova, Ex. xxi: 21. & *glorificatum* est; ut satis constat.

§. VII. 2. *Secundum* bonitatis & veritatis Dei specimen, specialem laudis Dei materiam & rationem, hæc verba

verba continent, *in die inelamavi, & respondisti mihi*, h. e. tempore periculoso & calamitoso auxilium & liberationem imploravi, & opem mihi præstitisti. *In die* est tempore adfecto, & periculi pleno; quem usum vox *dies* subinde habet, uti vidimus ad Ps. cxxxvii: 7. hic omnino debet, ut ex verbis additis manifestum est. Respicit ad tempora præcedentia, quibus varie fuit adfectus, & agitatus; & specialem bonitatis ac veritatis Dei celebrationis materiam ac rationem quærit in eo, quod Deus sibi clamanti semper adfuerit, & opem præbuerit. Fut. itaque cum, conversivo in וְתִשָּׁבֵעַ & respondebis mihi præteritum involvit; ut recte a Gejero & aliis observatum est. 3. *Tertium* earundem virtutum effectum, speciali laudatione dignum, in eo situm, quod regnum ejus foret elatum, tumidum, & formidolosum hostibus, ipseque magna animositate & confidentia præditus, hæc verba exhibent, *formidolosum & elatum facies me; in anima mea* est, eritque *robur*. h. e. regnum meum reddes gloriosum & terribile hostibus, & anima mea erit fiduciæ & robore plenissima: loquitur in fut., & ad statum suum & regni respicit gloriosum, formidabilem & firmum. Verbum מַחֲזִיק proprie dicit, *terreri & terrorem incutere*; unde derivatum מַחֲזִיק *formidolosam & tumidam molem* denotat, sive monstrum marinum Joh. xxvi: 12. sive formidolosas species, quibus mentes percelluntur, & in admirationem rapiuntur, opes, sceptræ, folia, & quicquid splendidum est in rebus humanis Ps. xc: 10. sive imperium magnum, potens & formidolosum, quo sensu pro Aegypti epitheto venit. Ps. lxxxvii: 4. Jes. li: 9. De quibus omnibus vid. Schultens a. Significat itaque David, se hostes suos esse prostraturum, subjugaturum, & regnum habiturum splendidum, pomposum, & formidabile, quod cunctis admirationem, etiam timorem incutiet; quod eventus comprobavit, uti notum est. Addit, *in anima mea robur*, scilicet, est, eritque,

Z z z

ut

a Ad Prov. vi: 3.

ut significet, se non amplius, ut antea nonnunquam, *timere*, sed animosum esse, & fiduciæ plenum; talemque in posterum quoque se præstiturum. Potest enim æque *erit*, ac *est*, suppleri, quod utrumque hic recte admittitur. Vid. Pl. xxvii: 1-3. & ibi dicta.

§. VIII. *Secunda* Pl. pars, quæ promissi, Davidi facti, & felicitatis ejus, ac regni consequens, a Davide in Spiritu prævisum, continet, in eo situm, quod omnes reges terræ Deum celebraturi, ipsique & alii quicunque in viis Dei processuri, Deo sint cantaturi, quod gloria ejus sit magna & ipse superbis resistat, humilibus det gratiam, his verbis exhibetur, vers. 4-6. *Celebrabunt te, Jehova! omnes reges terræ, quum audiverint dicta oris tui; & recta serie procedent cantantes in viis Jehovæ: magna est gloria Jehovæ: excelsus est Jehova, & demissum videbit, & altifrontem elatum procul cognoscet, vel cognoscere faciet.* h. c. ad summam Dei gratiam & veritatem, in primis promissum mihi factum de regno meo æterno in filio Messia, cum animum confero, spiritu prophetico prævideo, quod & opto, regna terræ omnia, præeuntibus regibus ipsis, Deo gloriam nominis ejus datura, quo tempore dicta oris ejus, seu promissa ejus, intellexerint, & receperint, adeo ut veram religionem, & modum vivendi a Deo præscriptum, sint amplexuri, & ei insistentes, hanc, vel similem, in formam cantaturi: *magna est gloria Jehovæ in tota terra, excelsus est Jehova solus, & a nobis longe remotus, qui humilibus dat gratiam, & superbos deprimat.* Quæ paraphrasis nexum & sensum verborum cum in sat clara luce posuerit, paucis defungi potero observatis. Locum hic inveniunt verba, tanquam superiorum consequens, a Davide, Spiritu Dei adflato, prævisum, & ita prædictum, una cum votorum suorum confessione. Celebraverat ipse gratiam & veritatem Dei, & earum virtutum specimina, sibi vel præstita, vel præstanda recensuerat, inter quæ erat singulare illud promissum de Messia ex ipso orituro, & regno

regno ejus in æternum duraturo per orbem; cui gentes & reges terræ sese per consequens submitterent: uti a Jacobo Gen. XLIX. in benedictione Judæ, & antea Abrahamo a Deo erat manifestatum, ac promissum. Quorum consideratio ipsum, spiritu prophetico accedente, impulit, ad optandum, simul prænunciandum, Jehovaham esse a regibus terræ celebrandum, quo tempore promissa Dei ad ipsorum notitiam pervenerint. Quod ex parte quidem, & sensu exiliore, factum est tempore Salomonis, ad quod digitus intenditur, ut Ps. LXXII., sed longe verius & illustrius sub Messia; quo hic omnino respicitur, ut ex *omnium regum terræ* mentione, nec non plenaria gentium ad Deum conversione, vers. 5. manifestum est, & ex aliis Ps., satis notis, confirmatur.

§. IX. Hac hypothesei jacta, & nexu verborum cum præcedentibus monstrato; nihil superest, quam ut paucis eorum sensum explicem & illustrem. Continent verba *α.* propositionem, vers. 4. *β.* ejus deductionem & amplificationem, vers. 5. 6. *α.* Propositio ita sonat, vers. 4. *Celebrabunt te, Jehova! omnes reges terræ, quum audiverint dicta oris tui.* Quæ verba & voti, & prædictionis conspectum recte ferunt; cum verti possit verbum יִירִי & *celebrent & celebrabunt*: quod utrumque hic recte admittitur. Declaratur vero, 1. Jehovaham *esse celebrandum ab omnibus regibus terræ*, h. e. per omnia regna, regibus præeuntibus, veram Jehovahæ confessionem & glorificationem locum habituram, & non tantum per Cananæam. 2. illud tunc futurum esse, *quum audiverint dicta oris Dei*, h. e. promissa gratiæ, eorumque implementa, ipsis innotuerint, ita ut receperint, & in fide ac spe sese iis submiserint. *Dicta oris Dei* sunt promissa ejus, ut vers. 2. habuimus; sed quæ gentibus materiam & rationem Dei laudandi præberent, adeoque ad ipsos etiam pertinentia, & ipsis salutaria; promissa itaque *gratiæ & salutis*, ut ex eodem versu 2do quoque colligi potest, in specie Davidi facta de Messia, rege

& servatore mundi: ut supra vidimus. Hæc promissa cum *audituri* dicantur reges terræ, præsupponitur, ea ipsis esse *adnuncianda*: quod præcipue per euangelium, a Christo & Apostolis promulgatum, factum est. Conf. Rom. x. Hoc facto reges terræ dicuntur *audituri*, & *obedituri*; quod etiam comprehenditur verbo *audire*, uti notum, & ex *celebratione*, ab ipsis facienda, manifestum est.

§. X. β. Propositionis deductio ita habet, vers. 5. 6. & *recta serie procedent cantantes in viis Jehovæ* dicendo: *magna est gloria Jehovæ; excelsus est Jehova, & humilem vir debet, & altifrontem elatum de longinquo cognoscet, ac cognoscere faciet.* Quibus verbis, ad propositionem uberius explicandam, *a.* celebrantium Dei qualitates, & modus celebrandi accuratius describuntur, in priore membro, vers. 5. *b.* formulæ exhibentur canticorum, quibus uterentur in Deo celebrando, vers. 5. in membro altero, & vers. 6. *a.* Characteres morales eorum, qui Jehovam laudarent, & modus, quo id facerent, his verbis continentur, vers. 5. & *recta serie procedent cantantes in viis Jehovæ.* h. e. *audient* non tantum & admittent promissa Dei, qui Deum laudaturi sunt, uti modo declaravi, sed &, quod ambitu verbi *audire* etiam comprehensum est, *vias* a Deo præscriptas, quibus promissa adnexa sunt, tenebunt, & iis studiose incedent; eaque ratione Deum quovis modo celebrabunt, etiam solenni & publico cantu, uti in processibus fieri solet. Viderunt quidem nonnulli Interpretes, phrasin, *cantare in viis Jehovæ*, non esse capiendam pro *cantare vias* aut *de viis Jehovæ*, uti aliqui acceperunt, phrasi & usu Script. vetante, sed pro *cantare in viis Jehovæ incedentes*, adeoque præscriptum Jehovæ in vita & moribus tenentes, verbo *ambulare* subintellecto, verum non observarunt, illud ipsum verbo *in*, quod hic occurrit, esse comprehensum, adeo ut duplicem vim hic exierat, & *recta procedendi*, & *cantandi*, quam utramque habet. *Primaria* radice potestas est in *proensione* & *processione* per li-

neat

neam rectam, quæ etiam cognatis radicibus ψ & $\psi\alpha$ inest unde reliqui usus fluxerunt, inter quos est *cantandi*, sive a choreis recta serie dispositis & procedentibus, sive a *carmine* æqualiter dispositis lineis rythmice conscripto *a*. Indicatur itaque, eos, qui Jehovam laudarent, *vias* ejus simul observaturos esse, & ad ejus præscriptum vitam & actiones esse conformaturos, sive sint reges terræ, sive alii cujuscunque fortis & conditionis; potest enim illud, *incedent cantabunt*, ad reges modo memoratos referri, etiam latius extendi; cum, nemine nominato, in genere dicatur, cantaturos esse *incedentes in viis Jehovæ*. I'hrahis vero *incedere* recta, ambulare in viis Jehovæ, cum sit trita satis & nota, moras non nectam in ea explicanda.

§. XI. *b. Formulam* aliquam cantici sequentia mihi continere videntur, vers. 5, 6. *Magna est gloria Jehovæ; excelsus est Jehova, & submissum videbit, & altifrontem elatum e longinquo cognoscet, & cognoscere faciet*. Possent quidem verba censi *rationem* moventem comprehendere, qua incitarentur regna terræ ad incedendum in viis Jehovæ & cantandum, *quia magna erit gloria Dei* in terra, & Deus humiles in gratia, superbos in ira respicit; quæ propria est & maxime usitata vocolæ γ *quia*, quæ præmittitur, significatio; nec repugno, quominus hic locum quoque illud teneat: attamen eo inclino, ut quoque, & præcipue, pro summaria cantici materia habeantur, cum, quod illud proxime præcedentibus rectius congruat, quibus dictum erat, eos esse *cantaturos*, tum quod persona hic mutetur, & non ad Deum, ut antea, sermo vertatur, sed de Deo fiat in tertia persona; cujus ratio facilius est, si hic ipsum canticum summatim tradatur. Accedit, haud infrequenter ejusmodi formulas canticorum Ps. inferi; uti sæpe vidimus, proxime etiam Ps. cxxxv: 5-- Nec obstat

Zzz 3

vocu-

a Vid. Cl. Schroeder ad Jes. 111. cap. 5. & dignus ejus discipulus Mestinge in disputatione sub ejus auspiciis de *authenticis* quorundam *Cetubin* p. 15.

vocula *quia*; cum illa sæpe sit inchoativa orationis, uti l. c. & alibi sæpe. Ceterum, cum *bis* occurrat illa vocula, & vers. 5 & 6., existimaverim duplicem hic memorari formulam, *alteram*, qua gloriæ Dei magnitudo in genere celebraretur, *alteram*, qua æqua & sapiens gratiæ & justitiæ Dei distributio laudaretur.

§. XII. *Prior*, quæ habet, *magna est gloria Jehovæ*, proxime convenit formulæ Seraphicæ Jes. vi: 3. *plena est gloria ejus tota terra*, & in genere exprimit claram & diffusam ac copiosam virtutum Dei, qua Jehovæ, seu gratiæ, justitiæ, veritatis, & potentiæ ac sapientiæ, per illustria opera manifestationem: quæ exiliore quidem sensu facta est tempore Davidis exaltati & Salomonis, cujus causa regina Schebæ venit Hierosolymam, audita fama Salomonis, *ad nomen Jehovæ*, seu propter *gloriam* Jehovæ tunc manifestam factam 1 Reg. x: 1. ac deinceps, quum populus ex Babylonico exilio in patriam rediit, & instauratus est, maxime sub Maccabæis; quo respicitur, Hab. ii: 14. *replebitur terra cognitione gloriæ Jehovæ*: sed vera sua emphasi, & summo sensu, sub Messia, ejusque regno; ut est Jes. vi: 3. xl: 5. & alibi; nec non in cantu angelico, Luc. ii: *gloria Deo in excelsis*. Quæ, tanquam nota, non exsequor latius. Sufficit, ex dictis patescere, quam apta hæc sit cantici, per regna terræ canendi, materia, & formula summaria.

§. XIII. *Posterior* formula his verbis profertur, vers. 6. *Excelsus Jehova & submissum videbit, & vel at, altifrontem elatum e longinquo cognoscet, vel cognoscere faciet*. Quibus æqua & justa gratiæ & justitiæ dispensatio, naturæ & relationibus Dei & hominum congrua, simul summa evangelii & oeconomix gratiæ, qua humilibus dat gratiam & superbis resistit, luculenter ob oculos ponitur, & gloriæ Dei manifestationi per orbem, modo celebratæ, recte subjungitur, cum ea in illa dispensatione clarissime demonstretur; simul homines doceantur, qua via ejus participes fieri

fieri possint, & excitentur ad modestiam induendam ac superbiam vitandam. Continent verba normam & regulam, secundum quam Deus in genere præmia & poenas distribuit, quamque in specie tenet in oeconomia gratiæ. Cujus & alibi in Script. frequens est mentio: ut 1 Sam. II. in cantico Hannæ, Jes. II: 11, 17. LVII: 15. LXVI: 2. Ps. CXIII: 4. &c. sæpe alibi; & in N. T. Jac. IV: 6. 1 Pet. V: 5. & alibi: nec desunt similia effata apud Gentiles *a*. Adparuit etiam hoc tempore, quo Ps. est compositus, in Davide & Saulo ac hostibus, & deinceps in Judæis liberandis, ac tumidis hostibus deprimendis. Quibus non necesse est immorari. Superest tantum, ut interpretationis nostræ ratio detur, & emphasis eruatur. Sunt, qui *duo* versus membra, tanquam sibi respondentia, & ejusdem sensus, accipiunt, adeoque *posterius* vertunt, & *sublimis*, scilicet Deus, *e longinquo cognoscit*, sicut in *priore*, *altus Jehova & humilem videt*. Sed 1. rectius fuit secundum nostram versionem oratio: si enim alteram intendisset poeta, dixisset in posteriore membro, *elatus & e longinquo videt*; non, & *elatus e longinquo videt*. 2. Cum in *priore* membro dixerat, Deum videre *humilem*, rectius per oppositionem subjungit *elatum*, cum quod Deum adpellaverit *nr. excelsum*, nec necesse habeat addere *elatum*, tum quod מָגֵן ita absolute superbum & inflatum denotare soleat, & de hominibus usurpari, tum quod præf. 1. & repetitum indicet, phrasēs *humilem videre*, & *elatum cognoscere*, sibi respondere, & opponi. Accedit, pleniorē sic fieri sententiam, qua Deus excelsus dicitur *humilem videre*, & *elatum cognoscere*, sicut alibi, *humilibus dare gratiam & resistere superbis*.

§. XIV. Continet itaque versus *antecedens*, & *consequens*. *Antecedens* est, Deum, vel *Jehovam*, Deum Israelis, veracem, bonum & justum, ens supremum, mundi rectorem, judicem & servatorem, unicum, esse *excelsū*, scilicet

a Vid. Cl. Vitringa ad Jes. II. & Obf. f. l. III. c. 15.

licet *supra omnes gentes, supra coelum* Pf. cxiii., & *solum* excellum Jes. ii: ii. natura, adtributis, & operibus; quique *altum* inhabitat & *sanctum* Jes. lvii. Occurrit autem hoc antecedens hic tanquam fundamentum & ratio consequentis, simul tanquam quid, quod non obstat, quominus consequens illud locum teneat: hac ratione Jehova est *excelsus*, & propterea tantum abest, ut non videat & cognoscat homines, quod eo non obstante facillime potest, ut, quia excelsus est, videat cum adprobatione *humilem*, & cognoscat cum detestatione & ira *elatum*; ut solus sit & manifestetur excelsus; Jes. ii. *Excelsus est Jehova* itaque dicit, *licet* talis sit, tamen videt, imo *quia* talis est, *humilem videt*, &c. *Consequens* memoratur duplex, sed oppositum, & *videbit humilem*, & *altifrontem elatum e longinquo cognoscet*. Vocula connectens, & utrique propositioni præmissa, indicat utramque, sibi oppositam, esse veram, & *altitudini* Dei congruam. Prior est, Deum *videre humilem*, seu submissum, & modestum, qui nihil sibi, omnia Deo tribuit, de se, viribus & meritis, abjecte, de Deo præclare sentit, non sibi, sed Deo fidit, seseque erga Deum submisit, & reverenter habet & gerit in omnibus. Qualem David se ipse profitetur 2 Sam. vi: 22. & Salomo *beatum* prædicat, Prov. xvi: 18. & glorificandum, c. xxix: 23. Dominus etiam *pauperem spiritu & mansuetum* Matt. v. Verbum vero *videre* non est simpliciter *cognitum* habere, sed approbare, curare, & benevole tractare. *Videre* itaque est *prospicere*, & curare; quo sensu ad *providentiam* Dei denotandam adhibetur, præterea in bonum & salutem, ac cum adprobationis & delectationis demonstratione, Jes. lxvi: 2. quo sensu *non videre* dicitur *iniquitatem*, Hab. i: 13. Quæ satis trita sunt.

§. XV. Posterior ita sonat, & *altifrontem elatum e longinquo cognoscet & cognoscere faciet*: quod utrumque admittit singularis forma verbi *ראה*, potest enim esse fut. in Kal &

& Hiph. *a*, & huc recte quadrat: ut mox patebit. Vox נִנּוּ in origine *convexum*, *convexitate* elatum, signat, altifrontem, inde superbum & impudentem; & *cordi*, *spiritui* ac *naso*, tribuitur; ut *altifrons cordis*, qui convexa superbia elatus est, & *convexitas nasi* pro fastu tumido, quo nasus in coelum quasi erigitur *b*, adeoque hominem pingit, qui de se, viribus & potentia, magnifice sentit, sibi adplaudit & fidit, jus & fas naso suspendit adunco, nec Dei nec hominum rationem habet, sed ex alto despicit. Hunc Deus, qui excelsus est, dicitur *cognoscere*, quatenus non tantum *novit*, sed cum indignatione, & in ira, seu iustitia visitat, ac punit poena quoque exemplari. Quod est *cognoscere* Judicis; uti notum. Quare pro *punire*, in specie poena adficere exemplari, sumitur: ut Jud. viii: 16. Ps. xiv: 3. Jer. xvi: 21. Hof. v: 9. Job. xxi: 19. ubi vid. Schultens. Sed simul Deus dici potest eum *cognoscere facere*, eum sentire & experiri faciendo, quemadmodum *cognoscere* pro sentire, experiri, sumitur, Jos. xxi: 4. Jes. xlvii: 10. Job. xv: 23. simul *notum* faciendo in publicum exemplum & spectaculum, tanquam exemplari poena adfectum. Sed quid est מִרְחֹק *e longinquo*? Tripliciter summi potest, 1. respectu Dei, altum & sublime inhabitantis, qui, licet longe remotus videatur, tamen *e longinquo*, ex alta sua sede, eum cognoscit. Conf. Ps. cxiii. 2. respectu communionis Dei, a qua longe remotum superbum illum cognoscet, & puniet. Conf. Ps. lxxiii: 27. oppositè ad *humilem*, quem Deus *videt*, nim. e propinquo, quod rectè verbo *videre* censetur comprehensum; ut sit *coram* videre. Denique 3. respectu hominum remotorum, & procul a superbo habitantium, quibus Deus ipsum exemplariter puniendo *notum* faciet, tanquam exemplum iustitiæ Divinæ, cujus fama per orbem volitat.

§. XVI. Ter.

a Schultens Gr. p. 470.
& Schroeder ad Ps. x: 4.

b Id. ad Prov. xvi: 5, 18.


§. XVI. *Tertia* PL pars, fidei & spei in Deum repositæ, qua se in posterum esse conservandum, ab omni angustia & hostium ira liberandum, & felicitatem suam consummandam esse, confidebat, testificationem, tanquam æterum gratiæ sibi præstitæ, & promissi sibi facti, consequens, adeoque apte superioribus subjunctam, continet, vers. 7, 8. his verbis: *si ivero in medium angustiarum, vivificabis me, super nasum hostium meorum immittes manum tuam, & servabit me dextra tua. Jehova absolvit pro me; Jehova! benignitas tua est in æternum; opera manuum tuarum ne remittas.* Quibus *α.* confidentiam suam exponit, vers. 7, & 8. in primo membro. *β.* ejus fundamentum tradit, vers. 8. *α.* Duo sunt, quæ magna cum fiducia se expectare declarat, *alterum*, se nullis angustis, nullis hostibus succubiturum, sed eripiendum esse, vers. 7. *alterum*, omnia ad statum suum perficiendum, & promissa implenda, esse a Deo facienda, vers. 8. *α. Prius*, vers. 7. continet liberationem ab angustis quibusvis, & hostium invasionibus: quas distincte memorat; *priores* his verbis, *si ivero in medium angustiarum, vivificabis me.* Loquitur conditionate, *si ivero*; significans, sibi de eo non certo constare, sed fieri posse, imo prælagire animum tale quid futurum; quemadmodum factum est. Exaggerat præterea casum, *si ivero in medium angustiarum*, adeo ut, scilicet, undique ab ea cinctus fuero, nec rima pateat elabendi: *confidentiam* denique exprimit verbo *vivificabis me*, scilicet, consolando & corroborando in mediis angustis, ne animo despondeam, & in vita conservando, ac liberando. Quod non est difficile. Expertus illud est tempore pestis, qua Deus regnum ejus adflixit, fugæ coram Absolomo, etiam aliis in casibus, ut post commissum adulterium & homicidium. Quæ satis nota sunt. Præter has angustias memorat hostium impetus, a Deo reprimendos; quum subjungit; *super nasum hostium meorum injicies manum tuam, & servabit me dextra tua*, h. e. superbiam & ferociam hostium, mihi male

male volentium, & me invadentium compescere, retundere & refranabis, meque in plenissimam libertatem & securitatem adferes, potente tua manu exserta. Nihil hîc difficile, aut ex historia Davidis non notum. Phrasis, *mittere manum in nasum* alicujus, ut verba verti debent, non est Orientalibus insolita, dicitque, superbiam & ferociam, ac iram compescere, & retundere.

§. XVII. *b. Posterius*, quod eventurum esse confidit, his verbis exprimit, vers. 8. *Jehova absolvet pro me*. h. e. quicquid ad meum statum perficiendum pertinet, Jehova mihi præstabit, quicquid mihi promisit, actu etiam faciet, & implebit: nulla enim ratio est restringendi phrasin generalem, ad omnia, quæ promissa erant, aut ad statum consummandum faciebant, sese extendentem. De verbo *pro me* hoc sensu, & simili phrasi dixi ad Ps. LVII: 3. Ceterum non dixit *absolvet pro me*, ut ante & post, Deum adlocutus, sed *Jehova pro me absolvet*, ut indicaret, sese fiduciam suam in nomine *Jehova* collocatam habere, & sibi persuadere posse illud futurum esse. Ration non est, in sermone ad Deum subinde personam mutari, & quasi de Deo institui; sive idem sit, ac *Jehova tu es, qui absolvit pro me*, sive, animæ meæ dicere possum, *Jehova pro me absolvet*.

§. XVIII. *β*. Fundamentum fiduciæ duplex hæc verba continent, vers. 8., *Jehova, benignitas tua in æternum, opera manuum tuarum ne remittas*, h. e. fiducia mea, quam significavi, in eo sita est, quod *tua*, o Jehova! *benignitas* duret in æternum, absque ut unquam te poeniteat; nec non, quod *opera manuum tuarum* nec possis, nec soleas, missa facere, sed quæ incepisti, ad colophonem perducere. Generalis veritas est, *Deum opera manuum suarum non intermittere*, adeoque latissime extendenda, sed quam David sibi adplicat, respiciens ad *opera* illa Dei, quibus sibi hucusque prospexerat, & se in regno collocaverat, ac firmaverat; quæ opera negat abrumpenda esse, absque ut ad complementum suum adducantur. Verbum *pro* proprie

prie dicitur res, quæ *flaccida* est, & succo ac vigore consumpto pendula; unde ad manum transfertur, quæ flaccescit, vel torpet, nec non animi impetum, qui residet, & in Hiph. pro *remittere*, missum facere, ac permittere, sumitur. Quæ huc facile adplicantur. Tantum not. emphasis vocalæ ה in phrasi הן הן *ne remittas*, qua dicit, *abstine*, ut hoc facias, fieri non potest, ut permittas. Vocula ה subinde usum ה non induit, & *negationem* dicit, sed fortorem, quæ simul prohibet. Vid. ad Ps. xxxiv: 6. l: 3.





P S A L M. CXXXIX.

1. *Præcentori, Davidis Psalmus. Jehova, quum subtilissime explorasti me, & cognosces.*
2. *Tu nosti quiescere meum & surgere meum, distincte intellexisti cogitationem meam e longinquo.*
3. *Iter meum & mansionem meam ventilasti, & omnes vias meas periclitatus es, seu in discrimen probationis vocasti.*
4. *Quia, vel profecto, non est verbum in lingua mea, ecce! nosti, Jehova! totum illud.*
5. *Retro & ante coarctasti me, & super me posuisti manum tuam.*
6. *Refecta est scientia a me, altior est, quam ut eam capere possim.*
7. *Quo irem a Spiritu tuo? & quo a Facie tua aufugerem?*
8. *Si coelum, me connectendo, adtigero, ibi Tu es, sique straverò inferos, ecce Te!*
9. *Adtollam alas auroræ, habitabo in extremitate maris.*
10. *Etiā ibi manus tua deducet me, & adprehendet me dextra tua.*
11. *Et, vel si quoque, dixero, utique caligo me involvet exitio, & vel etiam, nox circa me erit lux.*
12. *Etiā tenebrae non obtenebrabunt prae te, & nox sicut dies lucebit, sicut caligo sicut lux.*

558 C O M M E N T A R I U S

13. *Quia tu possides renes meos, contextuisti me in utero matris meae.*
14. *Celebrabo te, propterea quod vibrabiliter refectus sum, mirabilia sunt opera tua, & vel quod, anima mea vivit, diligitque, enixissime.*
15. *Non est persona mea tibi occultata, ex quo factus sum in abscondito, acupictus sum in terrae inferioribus.*
16. *Circumvolutionem meam vident oculi tui, & libro tuo inscribuntur omnia ista, dies observantur, nec est in iis singularis, vel nec unus inter eos est non observatus.*
17. *Et mihi quam ponderosae & pretiosae sunt cogitationes tuae, o Deus! quantae earum summae!*
18. *Numeremne eas? plures sunt quam arena: exiguorum, adhuc Tecum sum.*
19. *Quod si occideris, Deus! inprobum, & viros sanguinum, recedite a me.*
20. *Qui loquuntur te ad scelus destinatum, vel obsecrant tibi contumaciter & scelestè, tollunt iram tuam, distici tui.*
21. *Nonne esores tui odio haberem? Jehova! & in iis, qui in te insurgunt, fastidio & tardio disrumperem?*
22. *Consummatione odii exorsus sum eos, inimici facti mihi.*
23. *Subtilissime explora me, Deus! & cognosce per meum, proba me, et cognosce intimas meas affectiones.*
24. *Et vide, sitne via strictionis in me? et deduc me in via aeternitatis.*

PROLEGO.

P R O L E G O M E N A.

§. I.

Argumentum Ps., haud uno nomine excellentis & utilissimi, est viri pii, Dei & omnis virtutis studiosi, sed calumniis obruti, & variorum criminum suspecti aut accusati, ut hypocrisios, ambitionis, & sanguinis innocui effusi, oratio apologetica ad Deum, ~~supremum~~ iudicem, directa, qua, in signum bonæ conscientiæ, ad innocentiam suam demonstrandam, sese ejus inquisitioni & iudicio submittit, ad eum, tanquam idoneum testem & iustum iudicem, quippe omniſcium, omni præsentem, conservatorem & arbitrum mundi, iustum & æquum, provocat, suæque pietatis, & puritatis ab istis sceleribus, varia producit, & ipsi Deo in signum sinceritatis exponit, ac deducit, specimina, in eo sita, quod sub oculis Dei versatus, & variis modis ab ipso probatus & exploratus sit, Dei omniſcientiam & omni præsentiam, providentiam accuratam, iustam & æquam, qua omnibus adest, omnia curat, præmia & poenas ex æquo & iusto dispensat, peccatores punit, & iustis ac piis remuneratur, semper ex animo agnoverit, ejusque vivido semper sensu intimo adfectus, & eam sæpe cum admiratione ac profunda reverentia contemplatus fuerit, ac adoraverit; seseque a peccatorum & impiorum societate alienissimum professus fuerit, & reapse præstiterit, sicut etiamnum palam confiteri & declarare ausit; eoque fundamento expectat & petit, ut Deus ipsum in *via mundi* deducat in perpetuum, nec cum impiis auferat e medio. Incipit poeta cum provocatione ad examen & iudicium Dei, & ad illud mox in principio provocat. Effundit dein sese in descriptione omniſcientiæ, omni præsentæ, & providentiæ Dei, qua *physicæ*, ut dicitur,

tur, qua *moralis*: quam ita instituit, ut ubique insinuet, vel declaret, se toto animo, per omnem vitam suam, eam cum intima persuasione agnovisse, sæpe contemplatum & admiratum esse, suasque adfectiones & actiones ei conformasse, adeoque coram Deo, inspectore et iudice, ambulasse integrum & sincerum; a sceleribus, et impiorum consortio separatum, quin hostem eorum, qua talium, implacabilem. Quando eandem provocationem ad Deum, testem & iudicem, ejusque inquisitionem repetit, &, uti inceperat, desinit, addita prece, ut Deus se in viam deducat instar pastoris in perpetuum.

§. II. Ad verum argumenti *conspectum* pertinet, 1. virum, qui hic loquitur, esse vera Dei tanquam omniscii, omnipræsentis, & boni ac justii conservatoris, Rectorisque mundi, cognitione probe imbutum, & fide in ipsum, qua talem, præditum, simul ejus admiratorem, & cultorem sincerum, nec non omnis veri & justii studiosum, ab omni hypocrisi, ab omni facinore pravo alienum, quin peccatorum, seu scelestorum, qua talium, hostem acerrimum. Quæ ejus qualitates sese sponte ubique offerunt. 2. Eum variis modis fuisse a Deo exercitum & exploratum, sed semper talem deprehensum. Quo mihi pertinere videntur verba, vers. 3 & 5. ut suo loco dicetur. 3. Ipsum tamen illum fuisse graviorum criminum, in specie ambitionis, hypocrisis, & sanguinolentiæ, suspectum habitum, & reum actum, odio quoque in homines, seu proximum, ipsi imputato, ansa ex separatione ejus a peccatoribus arrepta. Hujusmodi calumniis ipsum fuisse pettum, provocatio ejus ad Deum, testem & iudicem, extra dubium ponit, & passim recte observatum est: sed, crimina memorata ipsi fuisse imputata, colligere mihi posse videor ex pericopa, vers. 18—22. qua se ab istiusmodi peccatoribus alienissimum profitetur; simul agnoscit, se eos odisse, non qua homines, sed scelestos. De quo postea suo loco. Eodem etiam tendere videtur, quod Dei iudicio submit-

submitat, num in ipso sit *via strictionis*: de qua itaque suspectus erat. 4. Ipsum nondum publice a Deo esse iustificatum, sed haberi adhuc & tractari tanquam eorum criminum reum. Quo nos manifeste ducit provocatio ad Deum, & petitio justificationis. 5. Denique, ipsum de omniscientia, omnipræsentia, & providentia Dei universali & particulari, non eo tantum scopo, ut putatur, disferere, ut pateat, ad Deum sese recte provocare, quippe idoneum testem & iudicem, cui omnia sua interna & externa molimina probe nota erant, sed etiam, & præcipue, ad innocentiam, & puritatem adfectionum ac actionum, demonstrandam, argumento ducto a fide sua in Deum, qua talem, & vita sua ei conformi; quippe, qui de ea veritate intime, Deo teste, fuerit sitque persuasus, & sese in ea meditanda, ac laudanda, sæpe occupatum tenuerit, simul a Deo varie tentatus talis deprehensus sit; ut modo observavi. De quo etiam facile constat, quod non simpliciter de Deo, qua tali, differat, sed addat, se Deum, qua talem, cum admiratione, submissione, & celebratione, esse contemplatum, vers. 6., & 14. præterea, Deum renes suos *possidere*, vers. 13., & *cum evigilaverit, adhuc cum Deo esse*, vers. 18., denique se a *peccatoribus* abhorrere, vers. 21, 22.

§. III. Quæ qui ad animum retulerit, & Davidem pro autore Ps. habuerit, de quo inscriptio dubitare vetat; ei nobiscum nullum aptius tempus, quo Ps. est compositus, forte in mentem veniet, quam quo coram Saulo fugit, nec tam in principio, quam in progressu, vel quum extra ditionem Sauli se recipere paratus esset: uti eum fecisse constat. Sunt, qui de tempore fugæ coram Absolomo cogitant. Sed, præterquam quod nullo indicio prodatur, se regem esse, aut favoris Dei tam manifestum signum accepisse; significat haud obscure, 1. se nullius criminis sibi esse conficium; quod secus se habuit tempore Absolomi. 2. se aliqua cum specie accusari potuisse hypocrisios, am-

bitionis, sanguinolentiæ, & confortii cum peccatoribus; quare sese tantopere coram Deo defendit, & ad eum provocat, & crimina illa a se, in primis commercium cum sceleratis, tanta cum emphasi orationis, quæ fere modum excedit, removet, vers. 19-22. Quæ in tempus Sauli rectius quadrant, quo sacra videri poterat violasse, panem sacrum, ut traducebatur, sumendo, in Majestatem regiam peccasse, regnum ambire, vitæ Sauli insidiari, socios circa se habere, qui malæ famæ erant, 1 Sam. xxi: 2. minus vero in tempus Absolomi, quo tot jam dederat pietatis & virtutis specimina, & favoris Dei acceperat, tam feriam & notam egerat adulterii & homicidii poenitentiam, & remissionem nactus erat. 3. Denique se adhuc in via esse ad felicitatem suam; *oberrare* adhuc debere, nescium sæpe quorsum; uti innui videtur, vers. 7 & 24. de quo postea. Nec tamen in principio exilii, sed quum illud aliquandiu durasset, forte quum ad externas terras fugere in animo habuit, Ps. conjecerim esse factum, *cum* quod varie se a Deo jam fuisse exploratum, & excussum, indicet, vers. 3, 5. *tum* quod indicare videatur, vers. 7-- se in alienas & peregrinas oras tendere velle, in quibus videri posset a *facie Dei* esse remotus; de quo postea; *tum* denique quod, inter Philistæos versatus, videri, vel traduci, potuerit tanquam Dei & populi ejus desertor, hominumque scelestorum, sanguinolentorum, & hostium Dei, socius: quo respicit tam studiosa & adfectuosa apologia, qua se ab ejusmodi precatoribus testatur quam maxime abhorrere, vers. 19-- in specie etiam a *via strictionis*, vers. 24. qua aliis molestia creatur, & bona ipsorum spoliatur.

§. IV. Videtur itaque David, variorum criminum aliquandiu calumniose suspectus & reus habitus, & eo prætextu persecutionem Sauli & sociorum passus, easque suspensiones & accusationes nunc, ad gentes hostiles se conferens, renovaturus & confirmaturus, ut videbatur, *hanc sui defensionem composuisse*, ut ipse cum sociis in bonæ
conscien-

conscientiæ testimonio solatium quæreret, & sese palam apud omnes, ad quorum notitiam canticum quaquaversum divulgatum venerit, excusaret & defenderet, denique ut in posterum pro monumento innocentiae suæ inserviret apud omnes. Quem in finem, simul ut salutaris illa de Dei omniscientia, omnipræsentia & providentia, doctrina magis divulgaretur & inculcaretur, qua nihil est ad pietatem & virtutem efficacius, traditus postea Psalmus est *præcentori*, ut inter sacra cantaretur: uti docet inscriptio.

§. V. *Structura* Ps. sita est in continuo ad Deum adloquio, quo sese Dei inquisitioni & iudicio, respectu innocentiae suæ, submittit, certa cum fiducia absolutionis a Deo impetrandæ, rationibus petitis a Dei perfectionibus, & providentia iusta & æqua, semper a se agnitis, & vitam moribusque ad eas conformatis. *Stylus* est haud difficilis, sed emphaticus & adfectuosus, ut tractatio docebit. *Partes* generales tres sunt. I. *Prima* continet provocationem ad Dei inquisitionem & iudicium; ut innocentiam suam patefaciat, vers. 1. II. *Secunda* comprehendit prolixam enarrationem, seu confessionem, omniscientiæ Dei, & suæ probationis a Deo factæ, dein omnipræsentiae, & denique providentiæ bonæ & iustæ in homine creando, & præmiis poenisque dispensandis, suæque separationis ab omnibus peccatoribus: quæ eo scopo instituitur, ut, se ad Deum recte provocare, tanquam testem & iudicem idoneum & legitimum, non tantum, sed & suæ innocentiae testimonium cum fiducia expectare posse, patefaciat, cum coram Deo, qua tali, semper ambulaverit, & a peccatoribus, qua talibus, abhorreat, vers. 2--22. Cujus pericopæ partes specialiores suo loco tradam. III. *Tertia* exhibet provocationis repetitionem, per modum conclusionis, & addit preces pro Dei benevola, & sollicita, deductione in via sua, vers. 23, 24.

&, ut illud fiat, simul vovet & optat. 3. Denique directè declarat fiduciam suam, qua, instituto judiciali scrutinio, quam exactissimo etiam, persuasus est, sese a Deo esse agnoscendum, & absolvendum a criminibus impactis, & innocentiam suam divino comprobendam esse testimonio. Ceterum verba, quibus utitur, sunt selecta, & emphatica: quorum prius, יָדָע, *limatissimum*, subtilissimum, ad quasvis minutias usque, scrutinium denotat, a primaria *tenuandi, attenuandi*, ad summam exilitatem usque, potestate a. *Posterius* vero, *cognoscere*, hic peculiarem, nec inusitatum, exferit significatum, quo denotat *adprobationem* judicis, ejusque publicam declarationem, seu manifestationem ipso factam opere: uti Ps. I: 6. *Deus novit viam justorum*, xxxvii: 18. *novit dies integrorum*, Am. iii: 2. *tantum vos novi ex omnibus familiis terræ*. Sic non *novisse* est non adprobare, sed reprobare; ut Ps. ci: 4. *malum non cognoscam*. Matt. vii. *non novi vos*, dicit Christus iudex in ultimo judicio operatoribus iniquitatis. Hos. viii: 4. *regem fecerunt, & non ex me, principes, & non novi*. Hoc sensu hic sumendum esse verbum *cognoscere*, ex eo manifestum est, quod tanquam consequens *scrutini* judicialis divini, cui omnia per se nota sunt, occurrat, & mox jubungatur, Deum omnia habere notissima; & propterea eum esse aptum judicem, qui examen non instituit ad cognoscendum, sed ad iudicium absolutorium, vel condemnatorium, justificandum. Ipsum quoque *scrutari* Dei idem est ac *cognoscere*, quo sensu *scrutari* dicitur *corda & renes*, quatenus tam accuratissime novit, quam qui limatissime & scrupulosissime explorat. *Cognoscere* itaque Dei, tanquam consequens *scrutini*, aliud esse nequit, ac *adprobare*, & *adprobationem* manifestare.

§. VIII. *Secunda* pars Ps. varias repræsentat *rationes*, quibus hæc persuasio, & certa expectatio justificationis a Iudice supremo, superstructa erat, desumptas partim a

Judi-

Judicis omniscientia, omnipræsentia, & providentia iusta & æqua, partim a fide ejus in Deum, qua talem, ipso facto demonstrata, per adfectiones & actiones congruas. Quæ, sicut Deum idoneum esse judicem, ita ipsum loquentem demonstrabant justificatione judiciali dignum, quippe qui sub oculis Dei coram ipso omnes suas actiones instituerit, intimo sensu scientiæ, omnipræsentia & providentiæ, Dei adfectus, totam conversationem ei reddiderit consentaneam. *κ. Prima ratio, a Dei omniscientia, & probatione sui insuper accedente, a se agnita & credita, petita, vers. 2-6. hoc ordine in medium adfertur, ut*
α. Dei scientiam & sui probationem exponat, vers. 2-5. β. eam a se fuisse cum admiratione adsumtam declaret, vers. 6. a. Prius illud a. proponit, vers. 2, 3. b. deducit & confirmat, vers. 4, 5. a. Proponit 1. omniscientiam Dei, vers. 2. 2. probationem sui, vers. 3.

§. IX. 1. Perfectam & accuratam Dei scientiam, qua totam suam conversationem, & intimas suas cogitationes, plenissime novit, his verbis vers. 2. exprimit: *Tu nosti quiescere meum & surgere meum; distincte intellexisti cogitationem meam e longinquo.* h. e. totam meam conversationem, sive domi sive foras, sive quid agam sive quiescam, sive vigilem sive dormiam, *nostti*, ipsas meas cogitationes, & volitiones, quæ me delectant aut sollicitum reddunt, accuratissime intelligis, quin intellexisti longe antequam in me fuerunt; earum præscius ab æterno: es itaque aptissimus testis & iudex, quem nihil mei latet; a quo, me explorante, etiam propterea adprobationem & justificationem mihi promitto, quia coram te, tanquam tali, ambularim, intima tuæ hujus scientiæ persuasione adfectus. Qua paraphrasi & amplissimum sensum, & scopum ac nexum, verborum expressi, adeo ut nihil amplius requiratur, quam ut *sensum* ex verbis ipsis eruam. *Duo de Dei scientia, vel tria adfirmat, Deum scire quiescere & surgere suum, distincte intelligere ipsas cogitationes, idque e longinquo.*
 Verba

Verba *sedere*, vel *quiescere*, & *surgere*, hic latissime totam hominis conversationem & vitam denotant, qua 1. vel domi residet, vel foras ambulat; prius per *sedere*, aut *quiescere*, posterius per *surgere* intelligi potest; quippe quod alibi per *exire* & *intrare* exponitur, Jes. xxxvii. 28. *sedere tuum*, inquit per prophetam Deus Assyrio, & *egredi tuum*, & *venire*, seu intrare, *tuum novi*: ubi *egredi* & *ingredi*, phrasi satis nota, conversationem publicam coram oculis hominum significat; adeoque *sedere* domesticam vitam. 2. qua quis vel agit quid, vel cessat; operi faciendo incumbit, vel quiescit. *Surgere* enim est operari, quatenus quis ad operandum surgit; & *sedere* est quiescere, etiam dormire a. Ut Ps. cxxvii. *matutinare surgere* & *tardare quiescere* est, mature capeffere labores, & sero deponere, adeoque a primo mane ad ultimam vespem, ut vix *quanti* tempus superfit.

§. X. *Secundum*, quod Deo adtribuit, est, quod *cogitationes* hominis *distincte* percipiat, sive intimas animi actiones, quæ animum pascunt, sive sint deliberationes, sive velleitates, & desideria, sive proposita, sive qualescunque cogitationes, etiam sollicitum & anxium reddentes; quæ animo intime adsunt, quibusque familiariter utitur, & discurrit ac latius vagatur. Vox יָדָע turbas aliquas concivit, dum communiter negetur, Hebræis pro *cogitationibus* in usu esse: quare alii ad Chald. יָדָע pro יָדָע confugiunt, alii, ut Gussenius, ipse etiam Schultens ad h. l., *socium* interpretantur, ut & vers. 17.; quod posterius nollem factum, cum oratio hoc versu plane langueat, & omni emphasi careat, si socium suum Deo esse *distincte* cognitum simpliciter dicat: quam quæso emphasin haberet illud יָדָע *distincte* cognoscis? nec addere tanti erat, Deum socios Davidis cognoscere, qui ipsius Davidis *quiescere* & *surgere* sciebat: minus quadrat, quod e *longinquo* socium cognoscat: de vers. 17. postea videbimus. Sed opus non est radi.

a Schultens ad h. l.

radicem Chald. et Syr. ܠܚܝ , a ܠܚܝ Hebr. *ortam*, ut putatur, huc advocare : cum Hebr. ܠܚܝ *pascere*, & pascendo *discurrere* ac *vagari*, quem utrumque usum habet, facile ad cogitationes & actiones mentis se transferri patiatur. Vox ܠܚܝ , inquit ipse Cl. Schultens *a*, a juvenilibus suis observationibus ad h. l. discedens, *ut amicos & sodales notat a pascendo, compascendo, ita substantive adfert cogitationes, agitationes mentis, a ܠܚܝ pascendo sic dictas, quibus mens veluti pascitur, & quibus discurrit. Amplissimam obtinet, ita pergit, ditionem in dialectis Aramæa ac Arabica, ad curas & sollicitudines etiam se extendens. In quibus acquiesco. Tertium, quod de Deo proficitur, est, eum præsentia non tantum cognoscere, sed & futura contingentia, quæ est ejus præscientia, adeoque actiones & cogitationes nostras Deo esse notas, longe antequam existant; quod voce ܠܚܝ *e longinquo* exprimitur, ad utrumque membrum præcedens, *cognoscere, sedere & stare*, ac *distincte intelligere cogitationes*, referenda. Significat itaque, Deo hæc omnia esse nota longe ante, imo, ut alibi Script., Act. xv. *ab æterno*: quemadmodum *e longinquo & a diebus antiquis* eodem sensu conjunguntur, Jes. xxxvii: 26. sic & Jes. xxv: 1. *consilia e longinquo* sunt diu ante sumpta, quæ ab eventu longe distant. Alias quidem *e longinquo* ad locum respicit; sed hic non potest; quia Deus hic repræsentatur non longe a nobis remotus in coelo, sed *omnipræsens*, ut mox sequitur.*

§. XI. 2. Perfectæ Dei scientiæ, qua omnia sua norat, addit *probationem* sui, a Deo factam, non ut ipse cognosceret, sed ut experimentum caperet innocentiae & virtutis, eamque publice manifestaret, vers. 3. in hæc verba: *iter meum & mansionem meam ventilasti, & omnes vias meas periclitatus es.* h. e. quocunque iverim, ubicunque recubuerim, qua ratione me ibi in omnibus meis viis habuerim, ac gesserim, tu, ô Deus! accuratissime explorasti, &

Cccc

earum

earum rerum experimentum cepisti; id quod semper agnovi, & me huic sensui convenienter gessi; ita ut me excutiendum tibi commiserim, & mei experimentum dederim. Indicat 1. se variis in locis fuisse versatum, modo iter faciendo, modo stationem & mansionem ponendo: quo etiam referri potest verbum *ventilare*, quod de dispersione per varia loca quoque usurpatur, ut sensus sit, *ventilasti iter & mansionem* meam, modo huc modo illuc me dispergendo. 2. sæpe in ejusmodi circumstantiis fuisse, quæ *temptationis* habuerunt conspectum, quæ intimæ mentis affectiones sese manifestare debuerunt, sintne *bonæ*, an *malæ*? 3. Deum, exploratoris instar, ad omnia eâ accurate adtendisse; denique 4. se illud probe agnovisse, & se explorandum dedisse, eaque ratione egisse, ut periculum sui dederit ac experimentum; seu sub oculis Dei exploratoris fuisse ubique versatum. Duo sunt versus membra, quæ eodem tendunt, & se mutuo explicant. Prius verti, *iter meum & mansionem meam explorasti*, proprie ventilasti, excussisti, h. e. exactissime inspexisti & explorasti, met. sumta a frumento, quod *ventilatur* & *excutitur*; ut Lat. *ventilare*, *excutere*, etiam sumitur. Radix enim manifeste est כח, quæ proprie dicit *stringere*, *stringendo distrabere*, inde *ventilare*, quum ventilabro grana excutiantur, & a paleis repurgantur. Alii solent aliter instituire; sed sine fundamento. Voces vero, quas reddidi *iter* & *mansionem*, nihil habent difficilis. Tantum notetur כח non Chald. more, ut putatur, *accubitus* denotare ab Hebr. קח, sed a rad. Hebr. קח proprie, ut apud Arab., *quadrata forma consedit*, aut *cubuit*, significare *mansionem*, seu longiorem commorationem, cui hic recte locus datur, cum *inimici* opponatur. Posterius membrum reddidi, *omnes vias meas periclitatus es*, seu in *discrimen* probationis vocasti, secutus Cl. Coccejum, qui ad Job. xxii: 21. & in Lex. verbi Hebr. נסו vim & usum recte enucleavit; qui vid. sed adda-

addatur Schultens *a*, qui observat, verbum proprie notare *rapueras*, nam *12^a* est *rapulas*, unde *partim* existit *recondere in cellam promptuariam*, partim *expromere* in usum & utilitatem aliorum. Unde *periclitandi*, & in discrimen probationis veniendi usus facile oritur, quod quis ita expromat vim & virtutem suam, in suam & aliorum utilitatem.

§. XII. *b*. Propositionem porro deducit, & confirmat, 1. respectu omniscientiæ Dei, vers. 4. 2. probationis suæ, vers. 5. 1. *Prius* his verbis, vers. 4. *Quia non est verbum in lingua mea; ecce nosti, Jehova! totum illud.* h. e. Quod dixi, te scire ipsas meas cogitationes, etiam e longinquo; illud repeto, & inde confirmo, quod, antequam mea cogitata eloquar, tu, Jehova! omnia ea cognoscas; non ergo ex me audire necesse habeas, sed ipsa illa inspicias. Quæ ratione vocula *quia* usitatum significatum retinere potest, vel etiam pro fortiore adseveratione sumi, ut sit, *sane, profecto*, uti sæpe alias. Quod huc etiam recte quadrat. Sensus vero non simpliciter est, Deum, statim ac verbum in lingua est, & profertur, cognoscere, sed & ante scire; adeo ut verbum nondum sit in lingua, quæm Deus totum illud cognitum habeat, quid, qualeve sit verbum illud, in omnibus suis circumstantiis, in toto complexu. Significat itaque, Deum omnia sua *dicta* habere perspecta, etiam antequam proferantur, adeoque scire, num aliquid iniqui, & perversi animi indicium, ex ore emisit, quare condemnandus foret: quam ob causam se a Deo justificandum esse indicat. Sic Ps. xvii: 3. *cum exploraveris animum meum, inviseris me nocte, conflaveris me instar metalli, nihil invenies: capi stravi, ne transgrediatur os meum.* 2. *Posteriorius*, cujus modo memini, ita sonat, vers. 5. *Retro et ante coarctasti me, et posuisti super me manum tuam.* h. e. manu q. mihi imposita undiquaque quam arctissime me obsedisti, ita ut nihil tantum meorum te latuerit, sed & me per va-

Cccc 2

rias

rias angustias probaveris & exercueris. Respicit haud obscure ad varios modos, quibus a Deo exploratus sit, ut vers. 3. habuimus, quos inter præcipue memorat *angustias*, quibus fuit undiquaque pressus, manu Dei graviter ipsi incumbente, ut Ps. xxxii: 4. alio in casu fatetur, & quasi impetum in ipsum faciente. Quo verba & phrasés omnino ducunt. Alterum enim *nx*, proprie *stringere*, *arctare*, denotat stringentem arctationem ad summum usque discrimen *a*. *Alterum*, seu posterius, *nw* proprie est, *poni*, *disponi*, certo ordine, unde ad *rete* transfertur, quod apte disponitur, & impressionem hostilem, studio factam & undiquaque ambientem; Vid. Ps. lxxiii: 7. lxxiii: 18. lxxxiii: 12. & Jes. xxii: 7. & alibi.

§. XIII. β. Hanc Dei perfectam scientiam a se semper fuisse agnitam, & vitam suam ad eam conformatam, etiam cum admiratione celebratam, in manifestum suæ innocentiae & pietatis signum, his verbis subjungit, vers. 6. *Refecta est scientia a me, altior est, quam ut eam capere possem.* h. e. admirabundus eam Dei scientiam contemplatus sum, & firmiter credidi, licet captum meum longe superantem. Non enim simpliciter scientiae mirabilitatem extollit, multo minus cum aliqua incredulitate, sed tanquam materiam & rationem Dei celebrandi, adeoque de qua persuasus fuit, & est, hic memorat, uti vers. 14. expresse declarat, & eo scopo, ut, se Deum, tanquam talem, semper in oculis habuisse, & coram ipso ambulasse, ad innocentiam suam demonstrandam, significaret. Res ipsa, quæ habet, scientiam illam Dei, & præscientiam ejus, supra descriptam, cogitationibus & perceptionibus nostris esse longe superiorem, cum satis vulgata & nota sit, de verbis aliquid tantum monebo ad versionem nostram illustrandam. Radix *wa* proprie est, *scindere*, *findere*, & quidem altius adacto cuneo, inde aliquid magno molimine producere, & extundere, & ita *mirabile* aut *portentosum* in bonum aut malum agere.

• Schroeder ad Ps. x: 1.

agere. Propria potestas in phrasi nostra adtenditur, ubi habetur *מִיָּמִי נִלְמַדְתִּי רֵפְעִיתָ עָלַי* *refecta est a me*; seu captu meo, & longe mirabilis ac stupenda. Alterum membrum, ejusdem sensus, habet, *יִשְׁבְּלִמִּי* *est, non capiam ipsam*. h. e. longius super me evecta est, quam ut meo captu eam adtingere, aut adsequi possim. Radix enim *יָכַל* & *כִּל* proprie denotat *capacitatem* tenentem, continentem, recipientem aliquid; unde ortus est usus *valendi, praevalendi*; *posse* enim & *valere* nihil est aliud, quam *capacem esse*. Proprietatem hic recte adtendi, facile adparet. Nec sine emphasi adhibet formam *futuri* in verbo *אֲכִיל* *continebo*; cum significet, se nec ante, nec nunc, non tantum, sed nec in fut. unquam eam comprehensurum esse.

§. XIV. ב. *Secunda* ratio justificationis suae a Deo, instituto examine judiciali faciendae, petita est a Dei *omnipraesentia*, qua non tantum in medio populi sui, in terra Cananaea, sese intellectu & voluntate, seu cura sua effiace & favorabili, praesentem sistit piis, sed ubique terrarum per totum universum, firmiter a se credita, sibi que ad consolationem suam & fiduciam adplicita, quum ad terras peregrinas propositum habebat aufugere; eo scopo in medium adducta, ut demonstraret, tantum abesse, ut illud in praerudicium pietatis suae rapi possit, quod ab hostibus fiebat, ut fidem & pietatem suam, qua Deum credidit ubique praesentem, & sui curantem ubivis locorum, & ipsi fiderit, ac pie eum coluerit, in eo etiam patefecerit, adeoque a Deo, teste & iudice omniscio & aequo, justificandus sit. Hunc existimaverim esse sensum & scopum pericopae, vers. 7—12. minus recte intelligi solitum. Non enim simpliciter significat, Deum ubique esse praesentem per hoc universum, ita ut nemo ipsum latere, aut sese ejus manui eripere possit, sed in specie. 1. Deum favorabili sua cura ubique terrarum, & non in Cananaea solum, sibi adesse. Quo nos omnino ducit, quod vers. 7. dicat se nusquam ire aut fugere posse, quin *spiritus & facies Dei*

ipsum comitetur, seu Deus per spiritum ducentem, paventem & consolantem, ac angelum faciei totantem & omni malo eripientem, sibi addit; nec non quod vers. 10. adfirmet, manum & dextram Dei se ubique *ducere*. De quo postea. Accedit, Dei scientiam præcedente pericopa facis fuisse adsertam, adeoque nostram pericopam, si nihil aliud sibi velit, minus fuisse necessariam. 2. Se itaque ad exterarum oras non aufugere, ut aut manum Dei vindicem effugeret, aut cultui veri Dei Israelis renunciaret; quod ipsi imputare posse, vel velle, visi fuerant hostes, ut est I Sam. xxvi: 19. *sin homines te*, inquit Saulo, *incitent, maledicti sint coram Deo, quia expulerunt me hodie, ne maneam in possessione Jeboræ, dum mihi dicunt, ito cultum Deos alienos*; sed salva fide in verum Deum, salva pietate, & cum fiducia in Deum reposita, quia Deum credit ubique adesse sua cura præsentem, et confidit, suo spiritu & sua facie se esse tutaturum, ducturum, & consolaturum: adeoque se rationem habere hoc ipso exspectandi justificationem sui a Deo, qui suis ubique, & non tantum in Cananæa, adest sua cura & gratia. Ex quibus simul patescit, nos tempus Ps. recte fixisse, quo paratus erat in peregrinas terras proficisci, & quare verbis fut. temp. utatur, *quo ibo*, aut *irem*, &c. quia nondum se eo contulerat, sed mox conferret.

§. XV. Hac jacta hypothese, pericopam explicare adgre diamur. Continet *α*. propositionem, vers. 7. *β*. ejus deductionem & amplificationem, vers. 8—12. *α*. Propositionis his fit verbis, vers. 7. *Quo irem a Spiritu tuo? et quo a facie tua aufugerem?* h. e. tantum abest, ut ea me ceperit insania, qua crederem, me tuum conspectum & manum vindicem effugere posse, eoque scopo me ad exterarum oras conferrem, ut intime persuasus sim, & certissime confidam, Te cum spiritu et facie tua me ubique locorum comitaturum esse, adeo ut æque in oris exteris, ac in Cananæa, licet terra præsentiae tuæ, spiritus tuus sua instructione

tionem & consolationem, & *vultus* tuus sua protectione & liberatione, mihi ubique sit adfuturus. Cujus cum sim animi, quod tibi probe notum est, tantum abest, ut innocentiae meae inde praëjudicium crearetur, ut hinc etiam rationem petere auserim, propter quam a te absolvendus & justificandus sim. Huc enim collineare pericopam dixi. Indicat itaque his verbis, *a*. sibi nihil magis optabile, magis curae cordique esse, quam ut *spiritu* & *facie* Dei fruatur, tantum abesse, ut se iis eripere velit. *Quo irem a spiritu tuo etc.* itaque est, quo me conferrem, ut opem & solatium consequerer, spiritu & facie tua privatus? quo aufugerem ad mala vitanda, si tuus Spiritus & vultus me non comitaretur? Non enim simpliciter dicit, *a te*, omniscio & omnipræsente, sed *a spiritu* & *facie tua*; ut indicaret, se longe aliud quid, quam nudam scientiam ac praesentiam Dei, in animo habere; quod nomine *Spiritus Dei*, & *faciei ejus*, solet in Script. exprimi, & in schola sanctorum erat notum. *Spiritus* enim denotat in Deo personam illuminantem, sanctificantem & consolantem, *facies* Dei, vel favorem Dei tutantem & vindicantem ab omni malo, ac omne bonum adferentem, vel personam in Deo, id facientem, titulo *Angeli Jehovæ*, vel *faciei ejus*, insigniri solitam. Quod tanquam notum hic adsumere liceat. Expressa *Spiritus* & *faciei* Dei mentio, & styli Script. collatio, nos dubitare non sinit, quin hoc, quod dixi, in animo habuerit David; qui de *Spiritu* Dei, tanquam omnis ornatus & perfectionis in rerum natura Ps. xxxiii. omnis scientiae, virtutis & consolationis, hominum, causa Ps. li. 14. & alibi, loqui solet.

§. XVI. *b*. Innuit præterea, se in terras peregrinas aufugientem, ut proposuerat facere, & mox executus est, videri posse, & accusatum iri ab hostibus, ac si Deo Israelis, ejusque communioni & cultui, renunciaret. Cum dicit, *quo ibo, quo fugiam*, se longe abiturum esse indicat; sed, cum addit, *quo a spiritu tuo & facie tua*; haud obscure

scire insinuat, illud in sinistram hanc partem rapi, & traduci posse, ac si ipse Deo nuncium misisset, & ejus favore & ductu in posterum foret orbus. Quod etiam specie non carebat, cum Dei favorabilis præsentia una cum cultu ejus censeretur terræ Cananæ adligata. Quo diserte respicitur 1 Sam. xxvi: 19. loco modo citato, nec non quod Jonas *a facie Dei* dicatur aufugiturus in oras peregrinas, Jon. i. ne plura congeram in re nota. c. Denique declarat, sibi longe aliam sedere mentem, & persuasissimum esse, Deum *spiritu & facie* sua sibi adfuturum, quocunque iverit, & aufugerit, adeoque nec a fide & pietate ea ratione desciscere, nec metuere privationem Dei curæ ac ductus per *spiritum & faciem* suam. Conf. Ps. xxiii: 4. *Etiamsi iverim in vallem umbra mortis, non timebo malum, quia tu mecum; sceptrum tuum & sciplo me consolabuntur.* Qualia ubique prostant.

§. XVII. β. In deductione propositionis per omnia universi loca, & varios status, it, & Deum ea ratione sibi ubique fore præsentem profitetur; quo fidei & spei suæ luculentam simul edit confessionem, omni animadversione dignam; non itaque oratorio stylo & hyperbolico, ut accipi solet, loquitur, sed fidem & spem simpliciter, at emphatice, exprimit: ut docebit tractatio. a. Incipit a *coelo & inferis*, altero beatitudinis consummatæ loco, altero animarum a corporibus separatarum, ut vulgo credebatur, receptaculo usque ad consummationem omnium, & fidem ac spem suam in hæc verba declarat, vers. 8. *Si coelum me connectendo adtigero, ibi tu es, sique stravero inferos, ecce te!* h. e. Quod si aut coelo mihi contigerit adseri, aut apud inferos recumbere debeam, quod utrumque mihi eveniet, certo persuasus sum, utrobique Te cum *spiritu & facie tua* mihi adfuturum, quo solo etiam ibi delectari, & beatum me censere, possum. Plane sicut Ps. lxxiii: 25-- *Quis mihi in coelis? et tecum nihil volupe habeo in terra: Abstumta sit caro mea; et, vel at, cor meum quod addi-*
net,

net, *petra cordis mei et portio mea Deus est, vel es; in æternum.* Oratio non est hyperbolica, sed fidei & spei vera ac nuda declaratio, tantum emphatica & adfectuosa, qua sibi faciendum tribuit, quod sibi tantum contingeret, & eventurum credebat, ita ut cum *coelo se connectere, & inferos, seu in inferis, sternere lectum*, sit in coelum recipi, & in inferis recumbere, instar dormientis in lecto. Quæ forma loquendi nihil habet obscuri, aut insoliti. Prius membrum est, *si me cum coelo connexuero, ibi tu es.* h. e. in coelum ubi fuero adsumtus, tua ibi præsentia cum spiritu & facie tua fruar ad meam beatitatem; præterquam ne coelum quidem *desiderem*, ut modo ex Ps. LXXIII. vidimus. Ita etiam fidem & spem suam David explicat, Ps. XVII: 15. *Ego in iustitia videbo faciem tuam, satiabor, cum exigilavero, imagine tua, nec non Asaph, Ps. LXXIII: 24. consilio tuo duces me, et post gloriam adsumes me.* Verbum vero Hebr. *po* non est proprie *adscendere*, sed, ut ex Arab. patet, *conferere, connectere*, atque una serie adpingere; hinc propius *admovere*, sese cum disitis conferendo, ac connectendo per gradus insertos, ex. gr., & intervenientes; & ita denique, si loco sublimiori adplicetur, *ascendere*, sed per *gradus*. Ex quo simul elucescit, quam apte & emphatice dicat, *si me adnexuero coelo*, eo per gradus adscendero; indicat enim se per gradus, per mortem & inferos, eo venturum esse; quare, quod *alterum* membrum est, mox subjungit; *et sternam inferos*, pro & *si* vocula *et* ex præced. repetita, *sternam lectum meum in inferis*; eadem loquendi forma, quam modo habuimus, qua *sternere* dicitur, quatenus ibi *sterneretur*, seu tanquam in lecto recumberet, secure & quiete. Radix proprietatem habet in *fidendo*, inde *stravit* humi pro fidere fecit; & *stravit lectum*; unde *pro stratum lectum* signat. Vox vero *אֲדַם* *adms inferi* de loco & statu animarum, a corporibus separatarum, adhiberi solet, uti Ps. XVI. *animam meam non derelinques*, inquit Messias, in inferno &c. De quo

alias egimus prolixius: alibi David Ps. xxm: 4. dicit, *ſe non metuere malum, ſi in regionem mortis iret, quia Deus cum ipſo*. Sicut itaque modo fidem de coeleſti inhabitatione, ita nunc de tranquilla animæ manſione, donec in coelum adſumatur, exponit; quo in utroque loco & ſtatu Deo gaviſurus erat præſente cum favore & gratia ſua.

§. XVIII. *b*. Hanc fidei & ſpei confeſſionem præmiſit, ut eo magis pietatem ſuam adfirmaret, & ſe jure merito de Dei favorabili præſentia per totam terram eſſe perſuaſiſſimum, ſignificaret. Quod mox ſubjungit, verſ. 9, 10. *Adtollam alas auroræ, habitabo in extremitate maris*, (pro ſi extulero, ſi habitavero; vocula \square ſi ex præced. repetita; ut facile cernitur), *etiam ibi manus tua deducet me, et adprehendet me dextra tua*. h. e. Ubicunque terrarum fuero, ſive etiam in ultima orientis aut occidentis plaga, quam longiſſime a terra promiſſionis remotus, certiſſimus ſum, & confido pleniffime, o Deus! me tui Spiritus & faciei ſuſtentatione & fida deductione, inſtar paſtoris, gaviſurum eſſe. Ponit caſum, non acſi contingeret, ſed ſi vel accideret, in ſummo gradu, ut eo fortius fidem & pietatem in terra peregrina, quam peteret, exprimeret, *his verbis: ſi extulero alas auroræ, habitavero in extremo maris*. h. e. ſi ibi fuero, ubi alæ auroræ efferuntur, ſi ſedes, vel tētoria, fixero ad extremam maris oram: quæ poetica eſt extremarum terræ partium ad ortum & occaſum deſcriptio, ex. gr. facta, ut de omnibus plagis, & quibusvis locis, remotiſſimis etiam, cogitaremus. *Posterius* membrum de ultima plaga occidentali recte paſſim intellexerunt Interpretes cum *mare magnum*, ſic absolute *mare* dici ſolitum, ſit ad *occaſum Carianæ*, & *extremum* ejus pro fine terræ ad occaſum accipi ſoleat: quare \square *mare occidentem*, etiam *aſtrum*, denotat. Quæ, tanquam ſatis nota, moram non injicient. Sed *prius* membrum minus recte ſolet expediri, cum exponitur, ſi mihi *ſumerem alas auroræ*, vel tam ceſſanter ab ortu ad occaſum moverer, quam ſol totum hæmiſphæ-

misphærium percurrit, & sedes in extremo maris, ita si gerem. Quæ expositio ferri nequit. 1. quia *celeritas* motus huc nihil facit, nec ratio dari potest, quare hic memoratur; dissita tantum loca in censum veniunt & remota. 2. membra versus non sunt connexa, sed divisa; ac si haberetur, si *elevavero alas auroræ, si habitavero*. Sumere alas auroræ & habitare in extremo maris unam & connexam sententiam fundere nequeunt. 3. Phrasis, *ad tollere alas auroræ* pro sibi sumere, & volare celerrime ab ortu, est insolita & dura. Ex mea sententia phrasis exprimit habitationem, vel commorationem in loco, ubi *ad tolluntur ala auroræ*, vel incipit dies. *Ala auroræ* adscribuntur, ut *soli & nocti*, stylo poetico, satis noto, quatenus radios suos citissime & quaquaversum spargit, & omnia involvit: sic *alarum solis* Mal. III. & *venti* Ps. XVIII: II. CIV: 3. & alibi fit mentio. Vocem *an* significare *auroram* constat, sive quod *tenebrosus* sit crepusculum, quo oritur, sive *candeat* intensius, robore cum igneo; collata radice *an*, quacum jam comparavit Cl. Vriemot *a*: radix enim *an* *obscuritatem* & nigredinem, *an* vero *candorem* intensiorem, seu rubicundum denotat *b*. *Attollere*, seu *efferre*, quod proprie est *an*, *alas auroræ* est efficere, ut aurora oriatur, & alas suas spargat ad currendum, seu volandum. Verum cum David hic sibi tribuat *efferre alas auroræ*, nihil aliud indicare videtur, quam præsentiam suam, ubi alæ illæ elevantur; adeo ut si *extulero* idem sit, ac, si *mihi eleventur* alæ; si ibi sim, ubi efferuntur, & pandere se incipiunt: quemadmodum *locus & tempus* aliquid facere dicitur, quod in eo sit; sic homo, quod ipso præsentis sit: qua ratione Indus, stylo populari, dici posset *solem* oriri facere, et Hispanus *occidere*; quatenus in eorum terris censebatur oriri et occidere. Simili fere ratione modo dixerat, si *me connexuero coelo, et stravero in inferis*, uti modo

Dddd 2.

do

a Ad dicta Classica. *b* Schult. ad Israh. p. 4. & Bochartus H. p. I. l. II. .c 12.

do expolui. In quo si quis acquiescere nequeat, cum sit locutio paulo insolentior, posset vertere, *extulero & intulero me ad oras auroræ*, hoc sensu: si me ad extremas orientis oras, ubi aurora oritur, contulero, vel ad eas sublatus & delatus fuero. Verbum *נָשָׂא* aliq. reciproce, vel passive sumitur, pro efferre se, vel efferri, ut in Lex. videre est, & auferre, ac inferre involvit. Sic Deut. xxviii: 49. *feret Jehova super te gentem*. Ex. x: 13. *ventus orientalis sustulit & adtulit locustas*: qualia plura sunt exempla. Vox vero *נָשָׂא* etiam *oram* denotat, ut *alæ terræ* pro ejus oris & extremitatibus, nec non *alæ vestis*, ac similia, ubique obvia; & facilis est præf. & ellipsis, adeo ut *efferre & adferre se oras auroræ*, sit *ad eas*. Addam adhuc LXX viralem versionem, *ἐν ἀναλάβῃ τὰς πτέρυγας μὲν κατ' ἑρζεον*, sic enim legi debet, ut Alex. cod. habet, & non *ἐρζεον*, si *adsumfero alas meas diluculo*, ut Vulg. vertit, vel *versus*, ad diluculum; hoc sensu: si sumtis q. alis volavero ortum versus, ubi aurora oritur. Pro *נָשָׂא* legerunt punctis mutatis, *נָשָׂא*, & *נָשָׂא* acceperunt pro *נָשָׂא*. Quod non adeo spernendum est, nec tamen placet, quia *alæ* potius dixisset, quam *meas alas*, nisi pro *נָשָׂא* acceperis, aut paragogicum, & reddideris, *alæ mibi*; sed ne sic quidem ferenda videtur phrasis.

§. XIX. Hoc casu posito, cujus simile Davidi contigit, nunc ad ortum, nunc ad occasum & austrum, in peregrinis oris, versanti, declarat fidem & spem suam in Deum, pastorem & ductorem ac defensorem suum ubique terrarum, vers. 10. *etiam ibi manus tua deducet me, & adprehendet me dextra tua*, h. e. ibi quoque, ubicunque fuero, quam longe etiam a Cananæa remotus, persuasissimus sum, o Deus! *dextram tuam*, seu potentissimam tuam curam benevolam, me adprehensum, tanquam tuum peculium, esse ducturam, & tutaturam, instar pastoris oves suas. Hac ratione membra versus divisa sunt ordinanda, ac si haberetur: *ibi manus tua dextra me adprehenderet & duceret*.

h. e.

h. e. adprehensum duceret. Verba sunt emphatica, quæ eum, quem expressi, sensum involvunt. Radix *נחם* proprie *stringendo pressit*, ejusmodi adprehensionem dicit, quæ manu injecta fit, qua quis aliquem, sive aliquid, tanquam peculium, & possessionem, sibi vindicat, unde *נחם* *possessionis*. Alterum verbum *נחם* est pastoritium, præsertim in numerosis gregibus, dicitque longo & recto tractu egit pecus; quod *minare* dicitur *a*. Conf. etiam infra, vers. 24. Ex quo manifestum est, non de cognitione Dei tantum, sed & actiosa cura, nec in malum, sed bonum fumi: quo *manus*, eaque *dextra*, quoque tendit, ut facile cernitur. Conferri omnino debet Ps. xxiii. *Jehova pastor meus est, nihil deficiam, in pascuis herbidis me recubare faciet* --- *deducet me per semitas æquales propter nomen suum, etiam quum in valle umbra mortiferæ ivero, nihil mali metuam, quia tu mecum; pedum tuum et scipio tuus illa me consolabuntur* &c.

§. XX. c. Tertia pars deductionis addit, Deum, sicut in locis diffitis, ita & in tenebris noctis, & non tantum de die, adfuturum suo spiritu & vultu præsentem, ita ut tenebræ a Deo non occultent, nec exitium adferant, sed in lucem vertant, vers. 11, 12. *Et, vel quum, dixero, utique caligo me involvet exitio, et, vel etiam, nox lux circa me erit: etiam tenebræ non obtenebrabunt præ te, et nox sicut dies lucebit, sicut caligo sicut lux*. h. e. Nec magis, quam loca diffita, tenebræ, alias periculosæ, & formidolosæ, mihi nocebunt, quia lucem & salutem adferent, quia nulla, quam densa, caligo, nulla nox, quam obscura, tuam notitiam aut curam mihi auferet, quum caligo & lux tui respectu unum idemque sit, *lux* idem ac *caligo* hac parte. Ponit rursus casum, sicut modo a locis diffitis, ita nunc a tenebris desumptum, quæ exitium adferre, vel metum incutere, soleant; his verbis: *et dicam, caligo me involvet exitio* h. e. & *si dixero*, scilicet apud animum meum

Dddd 3

fi

si mihi obreperet ea cogitatio, tenebras mihi exitium subitum adlaturas esse. Non adfirmat, talem cogitationem in se orituram, vel locum habituram esse; sed ponit tantum casum, si tale quid animo sibi occurreret: particula *אם* si ex præcedente repetita, quod facilius est, quum ex concurrentia earundem litterarum in *אמר* censeretur deficere: uti sæpe contingit. Sic *אמר* erit pro *אמר*, quem usum subinde etiam ipsum præf. *et* habet. Quod est vulgatum. Indicatur tamen, possibilem eum casum esse, & sæpe alias contingere, ut tenebræ metum incutiant, quatenus periculo & insidiis magis exponunt, præterea hominem aliorum auxilio privant, adeoque Dei notitiam & præsidium etiam tollere videri possent, sicut homines minus bene instructi, & male sani, quoque censuerunt. Sed *caligo* quoque figurate sumi potest pro summo discrimine, & inextricabili malo; ut frequenter alias: quod utique hic simul intenditur, ut ex verbo *אין*, recte intellecto, manifestum est; quod verti, *involvet me exitio*: de quo mox. Utrumque, & proprio & figurato sensu, huc apte quadrat: sicut modo contra dissita loca se munierat, ita nunc etiam contra tenebras, & mala in illis locis sibi obventura qualiacunque. Radix vero *אין* proprie non est *centerere*, vel simile quid, ut putatur, sed *super imminere rei*, in primis hostiliter, & insidias struere; & denotat malum lethale, quo quid subito involvitur & perimitur, tanquam a venatore ex insidiis captante *a*. Nox vero ea ratione super imminere & invadere lethaliter dicitur, quatenus in ea & ejus occasione illud fit: sic *dies* quid facere, quod in ea fit, de quo supra monui: sed si figurate accipiat pro malo, sensus in facili erit.

§. XXI. Hoc casu posito, in quo dici posset, eum esse exitio involvendum, adeoque & ipse videri posset dicturus præ metu, *utique caligo me exitio involvet*, fidem & spem suam profitetur, qua persuasum se esse dicit, caliginem fore

a Schultens ad Job. ix: 17.

fore lucem circa se, quatenus Dei notitiam & curam non poterit auferre. Hac ratione enim verba, quæ alias vix a tautologia inelegante liberari poterant, cohærent, ut 1. nullum damnum inde sibi creandum, potius liberationem orituram, esse declaret. 2. ejus rationem reddat. 1. *Prius* his verbis continetur, *et nox lux circum me*, scilicet erit: h. e. caligo, quæ mihi immineat, & exitium adlatura videatur, tantum abest, ut id effectura sit, ut lucem sit paritura, adeoque caligo omnem vim perditura, & in lucem reputanda. Quam emphasin habet præf. *et*, pro *etiam nox lux erit*. h. e. caligo mihi non nocebit, etiam *illustrabit*: non nocituram esse non expresse dicitur, sed per id, quod majus est, intelligendum præbetur: acsi plene habeatur: nox caliginosa non erit *nox* mihi, *lux* potius erit *circa me*; quod idem est ac, nullo me adficiet damno, sed multum proderit, quum splendore me circumfundet, & salutem ac prosperitatem mihi procurabit; ita ut *tenebræ* mihi *lux* sint futuræ, qua circumfulgendus sim. Quæ *lucis* figurata significatio satis nota est.

§. XXII. 2. *Posterior*, quod prioris continet illustrationem & confirmationem, ita habet, vers. 12. *etiam tenebræ non obtenebrabunt præ te, et nox sicut dies illuminabit, sicut tenebræ, sicut lux*. h. e. Verum esse, quod dixi, & me jure illud expectare posse, vel inde elucescere potest, quod tenebræ, etiam cumulatissimæ, & continuo ingravescentes, *tenebras*, aut horrorem, non tantum mihi adferre nequeant, præ lucida & efficace tua præsentia, sed & contra in luce collocent; adeo ut tuæ præsentia, & curæ respectu prorsus perinde sint *caligo et lux*. Verba rationem reddunt superioris dicti, illudque confirmant & amplificant. *Tria* vero sunt versus membra, quorum *duo* priora, alterum *negative* alterum *positive*, per modum rationem reddendi superioris effati, declarant, tenebras, easque magnas, non tantum nihil nocere, sed & contrarium habere effectum, & illustrare, vi præsentia Dei benevo-

læ

læ & efficacis. Memorat 1. *tenebras & noctem*, quæ voces tanquam ejusdem sensus alternantur, variationis ergo, non qualescunque, sed magnas, & summo gradu obscuras; quam emphasin adfert vox, vel vocula, ם, quæ in origine *adglomerationem*, *adaccumulationem*, & *abundantiam* aquæ continuo adfluentis, denotat, de quo ad 1. f. cxxxvii. & alibi dixi, adeoque cum ם *tenebris* constructa de summis, & adaccumulatis tenebris, quæ crassissimæ sunt, & quasi *palpabiles*; ut in libro Ex. adpellantur, recte sumitur, & emphasin orationis reddit majorem. Has tantas tenebras 2. negat *obtenebrare*, seu *horrorem* incutere ullum. Quod utrumque verbo ם est comprehensum; habet enim radix in origine *borridam asperitatem*, *aculeis erectis pungentem*, adeoque *tenebras* denotat, quæ crassissimæ sunt, & ipsæ horreant, seu hispidum quid & asperum præferant, & horrescere faciant *a*. Sic Ps. cv: 28. *misit borrentes tenebras, et fecit horripilari*; quod respicit ad effectum in homines, qui gravissimo terrore inde horripilabant. Eadem ratione & hic, adaccumulatæ tenebræ horrentes non horrebunt, nec horrescere facient, nihil tale erunt, aut efficient, quale solent crassæ tenebræ noctis. Nec hoc tantum, sed 3. addit, eas instar diei & lucis *illustraturas esse*, quum subjungit, *et nox sicut dies lucescet, et illuminabit*, longe secus, ac Deus Am. v: 8. *auroram* dicitur *vertere in umbram mortis*, et *diem ut noctem* facere *horrescere*: quod modo dixerat, *noctem esse lucem circa se*. De quo ibi dixi. 4. Cujus mirabilis effecti causam indicat voce ם *præ te*, cum seq. æque ac præced. construenda; acsi bis legeretur, hac ratione: *etiam*, seu *abundantia tenebrarum non horrescet aut horrescere faciet præ te*; *præ te et nox sicut dies lucebit, ac illuminabit*. Causa indicatur istius effectus in Dei actiuosa præsentia quærenda, adeoque ם non est simpliciter *a te*, acsi tantum indicaretur, Dei respectu non esse tenebras, quo a Deo absconderent, ejusque

a Schultens ad Job. iix: 4.

ejusque notitiam tollerent, sed *prae te*, seu *propter te*; vi & causa praesentiae tuae omnipotentis & favorabilis, cui unice acceptum ferendum est, quod tenebrae solitum non habeant, quin contrarium proferant effectum. *Præ te* est, quia tu ibi es; tuæ praesentiae causa; ut vers. 8. vel *dextra tua me adprehendes & duces*; ut vers. 9. habuimus, & explicuimus. Quæ vocolæ ex p̄ satis nota est significatio. *Tertium* membrum, per modum conclusionis, habet, *tenebras & lucem* esse respectu Dei, ejusque curæ, unum & idem; nihil interesse, sive sit *caligo*, sive *lux*, proprie, vel figurate pro malo & bono, sumpta, quippe cui utrumque adscribendum est, Jes. XLV: 7. ubi *formare dicitur lucem & creare tenebras, facere pacem & creare malum*, quique de *tenebris facit lucem*, & de luce *tenebras*; malum in bonum, & bonum in malum vertens. Est itaque generalis conclusio, qua declaratur, cuncta dependere & dirigi a Deo, adeoque nihil timendum, quin fidentum esse, *in mediis etiam tenebris*, ut est Jes. L: 10. Ps. XXIII: 4. & alibi.

§. XXIII. 1. *Tertia* ratio justificationis suæ, a Deo, instituto examine judiciali, certo faciendæ, inde petita est, quod Deum, tanquam qui se in utero formaverit, & in servum jam tum destinaverit, & concinnaverit, eoque nomine jus in omnes suas intimas adfectiones habeat, semper agnoverit, sincero complexus fuerit amore, & cum gratiarum actione celebraverit; ex quo cum cura Dei erga se & favor, tum pietas sua & innocentia ab omni facinore pravo clarissime elucescebat. Hic sensus & scopus est pericopæ, vers. 13, 14. In qua rursus occurrit, α. propositio, vers. 13. β. ejus deductio & illustratio, vers. 14. α. Propositio ita sonat, vers. 13. *Quia tu possides renes meos, contexuisti me in utero matris meae*: h. e. Justificationem tuam mihi certo promitto, quia sicut jus in meas intimas adfectiones, omnesque vires meas, acquisivisti, ita etiam actu tibi eas vindicasti, et tenes occupatas, quum

E e e e corpus

corpus artificiosissime mihi contextum parasti, et formasti in servitium tuum, in utero matris. Vocula *quia* vulgatum suum usum retinere potest, si ad argumentum et scopum cantici referatur, et, rationem hic novam justificationis suæ a Deo ab ipso reddi, statuatur; ut in paraphrasi expressi. Robur addit, quod expresse dicatur *tu*, ut vers. 2. quo respici potest. Cohærent autem *duo* versus membra hac ratione, ut *prius* sit *posterius* consequens, simul adjunctum: *posterius* enim habet, Deum corpus ipsius artificiose contexuisse in utero matris, et *prius*, Deum eo ipso jus et proprietatem acquisivisse in adfectiones ejus intimas tanquam dominum, cui omnia sua debeat, simul Deum ea ratione se formasse, ut intimas suas adfectiones Deo ab ipsa pueritia consecraverit, & possidendas, ac regendas, dederit. *Posterius* membrum, ordine *prius*, tanquam antecedens, ad sapientissimam corporis structuram, a Deo in utero formatam, respicit, & ita sonat: *contexuisti me in utero matris*. h. e. corpus meum artificiose, omnibus partibus secum connexis, concinnasti, & in usum mentis aptasti; vel, ut verbis Job. x. 11. ubi de eadem re agitur, exprimam, *cutem & carnem vestuisti me, & ossibus ac nervis contexuisti me*: ubi idem verbum *כס*, proprie *texere*, *praetexere*, pro *praetegere*, usurpatur. Ubi vid. Cl. Schultens. Respicitur itaque ad artificiosissimum contextum corporis, omnibus partibus coadunatis, & ad mutuum usum concinne dispositis; quod mox adpellatur *acupunctum in terrae inferioribus*, vers. 15. *Prius* vero membrum, ordine *posterius*, cum *consequens*, tum *adjunctum* hujus contexturæ corporis, a Deo factæ, ob oculos ponit, his verbis, *tu acquisivisti renes meos*. h. e. me ea ratione formando in utero matris, jus acquisivisti in omnes meas intimas adfectiones, quæ tibi eo ipso debentur, quod sis meus formator; nec hoc tantum, sed ipso facto etiam eas tibi vindicasti, me ita formando, ut eas tibi a pueritia consecraverim, meque tibi servum præstiterim obsequiosum.

sum. Phrasis, *acquirere*, & acquirendo *possidere*, *renes*, non simplicem notitiam intimarum cogitationum, sed adfectionum vindicationem, & possessionem denotat, ut ex usu *renum* figurato facile constat. *Renēs* enim expingunt intimas animi adfectiones, & alte infixæ ac occulta desideria; cum sint & maxime *occulti* *renes*, adipe involuti & obtekti, unde nomen כליה a כלה, vel כלא *complicare*, *involvere*, & concupiscentiæ ac libidinis sedes. Quæ *renum* significatio vulgatissima est. Conf. Pl. xvi: 7. Li: 8. Job. xix: 27. Jer. xi: 20. & alibi. *Acquirere*, & acquirendo *possidere*, *renes*, quod verbum נָקַח denotat, cum *jus* acquisitum in hasce adfectiones hominis, *tum* actualem possessionem earum, comprehendit: ita ut sensus sit, Deum sibi jure eas vindicare posse, & actu etiam tenere; adeoque Deo deberi, tanquam summo Domino & Bono, nostras adfectiones, & eas quoque Deo esse dicatas, & devotas. Quorum *alterum* consideratur tanquam *consequens formationis* corporis, cum Deus per eam sibi hoc jus acquisiverit, & Dominus factus sit, & se summum hominis bonum, cui nostræ adfectiones adligatæ sunt, comprobaverit; *alterum* vero formationis adjunctum ex singulari Dei gratia ortum, quatenus formationi corporis addiderit gratiam regenerantem & sanctificantem, per quam intimæ adfectiones ad Deum directæ sunt. Quod Jobo etiam in animo fuit, quom formationi corporis sui subjungit, c. x: 12. *vitam & benignitatem fecisti mecum, & visitatio tua custodivit spiritum meum*, ubi vid. Coccejus & Schultens.

§. XXIV. β. In *propositionis* deductione confirmat & amplificat in primis membrum *prius* versus præcedentis, *Deum acquisivisse & possidere renes suos*, dum declarat, in signum intimarum suarum adfectionum, Deo sacrarum, se Deum solere celebrare super mirabili hac sua separatione, & reliquis Dei operibus mirabilibus, ex certa & clara notitia, quæ animam adfecit: his verbis, vers. 14. *Celebrabo te, propterea quod vibrabiliter refectus sum, mirabilia sunt*

opera tua, et, vel quod, anima mea novit, diligitque enixissime. h. e. Renes meos a te possideri, inde manifestum est, & ejus indicia continuo dedi, quod, ex intima persuasione, experientia, & flagrante adfectu, solitus fuerim tibi confiteri, teque celebrare propter mirabilem & stupendam meam separationem a massa cum matris in utero ejus, tum reliquorum hominum per sanctificationem, & destinationem ad servitium tuum, nec non propter mirabilia tua opera reliqua in natura & gratia, quorum tot specimina & ipse expertus sum. Qua, licet fusiore & liberiori, paraphrasi cum nexum, scopum, & sensum verborum exposuerim; verba & phrasas illustrasse, & ad datam paraphrasin adcommodasse, suffecerit. Duo hic de se declarat, *alterum*, se Deum solitum fuisse laudare propter separationem suam coruscā & stupendam, & reliqua Dei opera mirabilia, *alterum*, se ex animo bene instructo, & vivo eorum sensu adfecto, id fecisse & facere. *Prius* itaque membrum continet *celebrationem Dei*, ab ipso factam, & faciendam, *posterius* vero ejus *principium* & fontem. *Prius* actuositatem ejus comprehendit, & ejus rationem ac argumentum. *Actuositatem* suam declarat in eo sitam esse, quod Deum *celebret*; docens, *laudabo te*, h. e. feci illud, & faciam semper, seu hæc mea est sueta occupatio, quam tenui hucusque, & tenebo in posterum. Quam emphasin hic, ut sæpe alias, habet forma fut., quæ consuetudinem denotat, & se ad præteritum ac futurum extendit: ceu in vulgus notum est. Rationem & materiam laudationis memorat duplicem, scilicet *separationem* sui coruscā, & *mirabilia Dei opera*. Voces enim, *mirabilia sunt opera tua*, cum præcedentibus cohærent, & a particulis *propterea quod* quoque pendent, ut sensus sit: *laudabo te propter quod tremendum in modum resectus*, seu separatus sum, & *propter quod mirabilia sunt opera tua*. Qua ratione oratio recte fluit, & sensus sibi apte constat. Intelligit vero per *resectionem* suam *coruscā* & *tremendam*, non tantum

tum conceptionem & nativitatem suam, qua a massa matris resectus fuit, sed & ejus singulare & stupendum consequens & adjunctum, quo a reliquorum hominum communitate fuit *resectus* per electionem et sanctificationem ad singularem prærogativam et dignitatem *servi* Dei: quem admodum Jeremias dicitur *sanctificatus* a Deo *antequam utero exiret* c. 1: 5. & Paulus *ab utero matris separatus* a Deo ad apostolatam, Gal. 1: 15. Quam emphasim phrasis omnino requirit, et verbum נִפְלִי, et epitheton נִרְאָה. Verbum נִפְלִי non est, ut accipi solet, *mirabilis* sum, vel factus aut formatus sum, aut in admirationem conjectus, vel ea adfectus sum; quæ huc non quadrant, nec verbum aut epitheton additum fert, sed proprie *resectus* sum, inde *separatus* sum, in specie tanquam Deo charus, et ad eximiam sortem destinatus. Radix פִּלָּה, hic admittenda; et non פִּלָּא, licet in origine ejusdem valoris, proprie significat *secare*, *refecare*, inde *separare*, in specie partem eximiam et nobiliorem; Ex. xxxiii: 16. נִפְלִינוּ *resecti sumus ab omni populo super terra*, scilicet inde *separati* et excerpti, tanquam *peculium* Dei: unde transiit ad *eximium*, præ aliis charum, et in pretio habitum, quod ab aliis *separari*, et quasi *refecari*, solet. Hujusmodi *separationem* sui hic in oculis habuit David, naturali *resectioni*, seu conceptioni et nativitati additam ex singulari Dei gratia, cujus hoc ipso verbo meminit, Ps. iv: 4. Scitote, quod *Jehova refecuerit*, seu separaverit, aut adseruerit, *sibi pium*, devotum & eximium *servum*: quæ in primis *celebrari*, tanquam singulare beneficium, merebatur, & cui epitheton etiam vera emphasi convenit, voce נִרְאָה. *vibrationibus*, seu *tremoribus*, pro vibrantissime, seu terribilissime, expressum. Vox enim illa hic, ut sæpe fit in Script., adverbialiter sumenda est, quod est tralaticium. Radix יָרָא proprie dicit *vibrari*, & tremulo quasi motu agitari, unde ad *timorem* ac *tremorem* transit, & quidem *majorem*, qui quatit & concutit. Sic נִרְאָה *verendus*, *tremendus* adpellatur, proprie, cui ad-

tremiscitur corpore vibrato. Ex quo haud obscure elucescit, hoc epitheto, *resectioni & separationi* sui a Deo addito, indicari *partim* magnitudinem beneficii & operis Dei, *partim* summam status excellentiam inde oriundam: adeo ut, *vibrabiliter & terribiliter secretus* sum, sit stupendo Dei opere, & favore in eo elucescente, & ad statum tremendum, cui omnes adtremiscere debeant, *separatus* sum, simul ad Deum *verendum & colendum*.

§. XXV. Altera ratio & materia Deum celebrandi generalior est, & opera Dei cum *natura* tum *gratia*, ut adpellari solent, comprehendit, his verbis: *mirabilia sunt opera tua*, scilicet, sive in genere qualiacunque, sive in specie erga me, & mihi hucusque præstita. In quo nihil est, quod moram injicit; quare ad *principium*, ex quo hæc celebratio, a Davide instituenda, fluxit, pergo, his verbis expressum, ut opinor, *& anima mea novit valde*: quæ, per voculam *&* connexa cum verbo *laudabo te*, hunc fundunt sensum. *Celebrabo te* propter separationem meam & opera tua, nec ore tantum, & temere, sed & *animo* probe instructo, sensu beneficii & operis tui vivide adfecto, ac flagrante enixoque adfectu. Adjungit itaque has voces, ut indicaret, se Deum scienter, & propria edoctum experientia, ac enixissimo studio laudare. *Anima mea*, dicit, *sciens est*, vel *novit valde*, h. e. cognoscit, sentit, & diligit summopere & enixe. Quam sensus amplitudinem habet verbum *noscere*, quod pro *scire*, *experiri*, & *amare*, sæpe sumitur; hic autem eo majore jure admittit, quod non simpliciter dicat, se *scire*, sed *animam* suam *scire*, & quidem *valde*, seu enixo studio. *Anima* novit, cum quid sentit, & experitur, & intimo adfectu complectitur; cui *adfectui*, vel amoris, etiam proxime convenit illud *valde*, quod proprie est *enixo*, & intenso studio ac usu. Radix enim *נא*, unde vox vel vacula *נאם*, proprie est, *flexit, incurvavit*, unde orta est notio *viri-
rium*

rium omni nifu contendendum , cum corporis curvamine , summi nifus indicio , ut Lat. *valde a valido a.*

§. XXVI. 7. *Quarta* ratio justificationis suæ petita est ab accurata Dei, tanquam rectoris & judicis mundi, observatione ac inspectione hominum, eorumque actionum & fatorum, ut suum cuique tempore opportuno tribuat, in primis suæ personæ & casuum omnium, a se credita, & cum admiratione, intimoque adfectu, semper considerata, argumento innocentiae, pietatis, & fiduciæ in Deo repositæ. Qui mihi scopus & sensus videtur pericopæ, vers. 15--18. In qua sese offert. *a.* descriptio accuratæ Dei inspectionis & observationis tanquam justi & æqui judicis, qua Deum repræsentat suam personam & fata studiose observantem, a quo tempore in lucem prodiiit, vers. 15, 16. *β.* declaratio intimæ suæ adfectionis & actuositatis circa hanc Dei gubernationem, vers. 17, 18. *α.* In priore parte. *a.* de persona sua, vers. 15. *b.* de factis, casibus, fatisque suis, vers. 16. agit. *a.* Personam suam, cum omnibus facultatibus & viribus suis, Deo esse accurate perspectam, a quo tempore inter homines fuit, his verbis declarat, vers. 15. *Non est persona mea tibi occultata, a quo factus sum in abscondito, acupictus sum in terræ inferioribus.* h. e. Persona mea, cum omnibus viribus & facultatibus meis, tuam judicalem non fugit notitiam aut adtentionem, quippe a quo in abditissimis locis, inferiore universi parte, fuerim mirifice & artificiose formatus. Duo sunt versus membra: quorum *prius* judicalem personæ Davidis cognitionem adtribuit Deo; *posterius* eam adstruit ex consideratione formationis ejus a Deo in utero matris. *Prius* habet, *non latet te persona mea.* h. e. nihil minus quam hoc, sed penitissime est cognitum tibi quicquid sum, habeo, & valeo. Quæ voculæ negantis *non* potestas, qua *nihil minus* dicit, & contrarium involvit, satis vulgata est. Cum vero dicit, *non occultum,* sed

a Schultens ad Job. 11: 13.

sed *notissimum* esse Deo, non nudam notitiam intendit, sed *judicalem*, quam Deus qua *judex* universi habet, & secundum quam homines gubernat & judicat, præmia poenasque dispensat. De quo ex seq. versu clare constat, ut mox patebit, & usus verbi כחך, ac phrasios לא נכחך מן, etiam testatur. Verbum proprie denotat subito actu delere, & obliterare, ut quod pulvere tegitur, & cujus vestigia delentur; unde ortæ sunt duæ notiones secundariæ, altera *celandi*, seu occultandi, altera vero penitus *abolendi*, & e medio tollendi, quarum prior hic obtinet. Phrasis vero *occultari a Deo*, ut proprie sonat, usu suo ejusmodi denotat occultationem, qua Judici cognitio causæ subducitur, vel ab ipso sponte obliteratur. Conf. Ps. Lxix: 6. Hos. v: 3. 2 Sam. xviii: 13. Sensus itaque est, Dei judicis notitiæ accuratæ nec subduci posse, nec ab eo obliterari, aliquem, aut aliquid. Sed quid est, quod Deum latere negat? exprimit illud voce עמי, quæ verti solet, vel *os meum*, sive *essa* mea; vel *vis*; sive robur meum: quod posterius præferendum est, cum punctaturæ & scopo prius illud minus congruat, ut Gejerus jam observavit, qui tamen minus recte intelligit de foetu in utero, ut sensus sit; quicquid virium habet embryo, sive in corpore, sive in anima, Deo accurate notum esse. Quod 1. omni emphasi caret, cum mox dicat, *se a Deo esse factum*, & supra jam vers. 13. dixerat, se in utero matris esse prætextum a Deo. Hunc factorem non latere vim embryonis, quid dixisse adtinebat? 2. Minus illud ferendum est, quia de judiciali cognitione agitur, cui præmiorum & poenarum dispensatio aptatur: *in utero*: vero cum est infans, *nec bonum nec malum facit*. Rom. ix. Denique 3. foetui in utero non solet *vis* aut *robur* adtribui. Ansam erroris dedit posterius membrum, quo formatio foetus in utero describitur, minus recte cum superiore comparatum, acsi utroque in membro de embryo ageretur, cum *posterius* membrum, vero suo conspectu, vel rationem contineat, quare Deo adscribenda sit

fit *cognitio hominis*, quia eum in utero formavit, vel ad hominis, tanquam imbecillis creaturæ, notitiam aliquam tradendam ducat: de quo mox. Mihi itaque עַיִן denotat ipsam hominis personam cum omnibus ejus viribus & facultatibus, quibus pollet; sive ad vim & robur agendi attendatur, sive ad excellentiam hominis; quem posteriorem usum quoque habet עַיִן a. Sive compacti, solidi, & omnibus numeris pleni, ratio habeatur: proprie enim radix dicit, *compactus*, *stipatus* fuit, uti Jes. xxxiii: 15. עַיִן עַיִן *stipans oculos*, & pro numero solidato, quia os adhibitum est in summis computandis b, invaluit. Utique pro re ipsa, ipsa rei essentia, omnibus partibus prædita, sumitur, ut Gen. vii: 13. xvii: 23, 26. Ex. xii: 17. נֶעֱצַם הָיָה הוּא *hoc ipso die*. Ex quibus sensus surgit amplissimus, qui habet, Deo, tanquam æquo & justo judici, non esse occultum universum hominis complexum, quid sit, quid valeat, quantique sit æstimandus; quæ, quales & quantæ, sint ejus facultates & vires; verbo, quid qualeve sit homo, omnibus suis numeris plenus, & perfectæ ætatis.

§. XXVI. *Posterior* versus membrum, licet facile constet de hominis formatione in utero agere, quid sibi hic velit, & quo tendat, minus perspectum est. Sensus iste sese ex verbis & phrasibus sponte offert. Dicit vir sanctus, se esse *factum* in *abditō*, & *acupictum* in *inferioribus terræ*. h. e. formatum, & variis partibus concinne contextum, instar operis phrygionici, in occulto loco, & penetrati matris, seu utero, nec in sublimi universi loco, verum infimo, seu terra. Quæ cum plana sint & facilia, ab aliis abunde illustrata, verbo tantum observo, *inferiora terræ*, vel simpliciter esse *terram*, coelo contradistinctam, quæ populariter sumta infimum universi locum tenet, vel ad terræ locum humiliorem & depressoerem, montibus & collibus contradistinctum, respici: de quo utroque

a Schultens ad h. Ps. vers. 17.

b Id. ad Job, xxi: 23.

que usu vid. Cl. Vitringa *a*; *prior*e sensu terra litteraliter, sed *posterior*e figurate pro statu humili sumenda est. Indicat itaque, se a Deo esse in abdito loco, hominum oculis inpervio, nec in coelo, sed terra, etiam humiliore statu, esse formatum, & concinnatum. Sed quid sibi hoc vult, & quo tendit? alterutrum, existimo, vel utrumque: *alterum* est, quo ratio redditur accuratæ Dei cognitionis, & inspectionis judicialis, inde petita, quod a Deo formatus sit; cui itaque totus, quantus quantus, non potest esse occultus, quique non potest non ad totum suum complexum, qua judex, attendere; cum frustra non sit tam concinne factus a Deo, sed ut Deo rationem debeat actionum suarum. Quo fin. ante *et* ellipsis est admittenda præf. *et* ex voce præcedente; ac si legeretur *et* *ex quo*, & versio instituenda, ut feci; *non est persona mea occulta a te*, seu tibi, *a quo factus sum* &c. h. e. cum a te factus sim, non potest compages mea te latere, non potest non tibi esse cognita, & inspecta. Sed, quod *alterum* est, censerique quoque possunt hæc verba addita ad infirmitatem & vilitatem hominis denotandam, cum, quam artificiose etiam factus, terrestris sit & infimæ sortis creatura, cujus nullæ sunt vires insitæ, nulla dignitas est propria; *caro* itaque & *sanguis*, non spiritus, vilis non sublimis creatura, in *terra inferioribus* facta. Qua ratione verba, sine ellipsi, recte cohærent: *non latet te mea substantia, qui factus sum in abdito, & acupictus in inferioribus terra*. h. e. quæ, quantæque sint meæ facultates & vires, scilicet quantæ sunt creaturæ terrestris, & vilioris, te non latet, qua judicem, qui, æquus & justus, hujus meæ conditionis rationem habebis in judiciali examine. Hoc enim scopo de Dei cognitione loquitur, & suam simul infirmitatem ac vilitatem memorat. Quemadmodum & alibi fit; ut Gen. vi. 3. Ps. LXXXVIII: 38, 39. ciii: 14. Jes. LVII: 16. Non male fecerimus, si utrumque sensum conjunxerimus, hunc in modum:

a Ad Jes. XLIV: 23. in not.

dum: *quid virium habeam te non latet, qui, et a quo factus sum* &c. h. e. cum a te factus sim, totum mei tibi non est incognitum, & cum in *terra inferioribus* acupictus quasi sim; quam infirmus & vilis sim, te non latet, qui tanquam iudex ejus rei rationem habebis.

§. XXVII. b. Actuositatis & factorum suorum respectu, relate ad Deum rectorem & judicem universi, in hæc verba, superioribus apte subjuncta, loquitur, vers. 16. *Circumvolutionem meam vident oculi tui, et libro tuo inscribuntur omnia ista, dies observantur, nec est singularis in iis, vel nec unus inter eos; scilicet est, qui non observatur.* h. e. Sicut totum virium, & facultatum ac meritorum meorum, complexum habes, ut modo dixi, perspectum; ita totam meam conversationem, omnia mea gesta & fata, quibus involutus sum, exacte inspicis, accurate mente recondis, dies quoque, quibus quæque eveniunt, studiose observas, instar speculatoris, ne uno quidem exemto; ita ante egisti, agis nunc, & ages in posterum; eo scopo, ut omnia suo tempore in iudicium adducas, & mihi, aliisque, quod æquum & justum est, retribuas. Utitur, ut illud in antecessum observem, verbis & præter. & fut. temp., ut omnes temporum differentias complecteretur, & Deum ita semper instituisse, ac instituturum in perpetuum indicaret. Verba proprie habent, *viderunt oculi tui, & inscribuntur illa libro, et observabuntur dies*; sed præteritum involvit fut., & futurum continet præteritum; quod non est in difficili. Majoris est, genuinum verborum intellectum & scopum pandisse; quem Interpretes mihi non videntur adsecuti. Solent enim referre verba ad initium formationis hominis in utero, vertentes primum membrum, seu *חֲבִלָּה*, vel *informe*, vel *embryon* meum, vel simile quid, & hunc dant sensum, Deo ante esse descripta, & constituta, vel quæ foetum, ejusque formationem, constituunt, vel quæ ei deinceps evenient. Cujus hypothesis unicum fere fundamentum est, informem molem

foetus, seu massam rudem, voce עֲלִי intelligi, a rad. עלם *convolvit*, quatenus *utero matris* sit involuta, & ipsa quid *glomeratum*, quod evolvendum est. Ferri id posset, si de hoc usu aliunde constaret. Rabbinis quidem in usu est pro massa, vel materia informi; sed inde ad usum antiquum concludere non licet. In Script. occurrit radix significatu *convolvendi*, circumvolvendi, ut de veste convoluta ad modum *verberis* compliciti, 2 Reg. 11: 8. & derivatum pro *volumine vestium*, vel vestitu involvente, Ez. xxvii: 24. Videtur proprie esse, *strinxit*, stringendo compliciti in formam rotundam, & cognationem habere cum עָלָה & עָלָה, ut recte Avenarius; quibus *volvendi in orbem* potestas primaria inest; unde ad volutationem, circuitum, circumambulationem, & alia transit a. Quibus nixus reddidi *circumvolutionem meam viderunt oculi tui*, nec de glomere in utero matris concluso intellexero, sed figurate cum de tota conversatione & circumambulatione hominis, qua nunc huc nunc illuc volvitur, tum de fati & casibus, quibus implicatur, & constringitur; adeo ut *convolutio mea* sit, *partim* qua circumvolvo me, quæque me implicitum & districtum tenet, *partim* qua, tanquam veste, involvor, & constringor; verbo itaque tota mea conversatio, oberratio, actuositas omnis, nec non omnia mea fata, omnesque casus. Obstat quoque vulgatæ interpretationi, & nostræ robur addit, 1. quod *informis* molis in utero mentio plane superflua sit, nec emphasin habeat ullam, maxime cum jam antea suæ formationis in utero expresse meminerit; conversatio vero & factorum vicissitudo huc aptissime quadret: cum enim modo de persona sua, ejusque viribus & dotibus, egisset; opportune subjungit gesta & fata, oculis Dei judicis exposita, quorum utrorumque, & virium & gestorum, ratio habenda est in iudicio. 2. quod in seq. mox *omnium illorum* inscriptio in libro, & *dierum observatio*, memoretur, quæ ad informem

in

a Vid. comm. noster ad Mal. 1: 7.

in utero molem non nisi coacte & sine emphasi, ad actiones & casus hominis aptissime adcommo-
datur; uti facile cernitur: maxime cum *præscientia*, seu *prædeterminatio*, Dei non intelligenda sit, sed actualis observatio, inspectio & cognitio, qua Deus actiones & vicissitudines hominum, cum existunt & fiunt, tanquam iudex futurus, advertit, & mente recondit. Quem sensum & phrasen requirunt omnes, & nexus ac scopus postulat: ut mox patebit.

§. XXVIII. Relegamus, hac jacta hypothesi, verba, & ubi opus fuerit, illustremus. *Circumvolutionem meam viderunt oculi tui* (h. e. testis oculatus es, o Deus! omnium eorum, quæ volvo; & quibus involvor; omnium actionum, conversationum & factorum meorum, inspector, & accuratissimus cognitor. Respicitur ad oculos Dei rectoris & judicis universi, qui *perambulant totam terram*, Zach. iv: 10. & alibi; & exacta Dei cognitio indicatur, qua omnia nostra acta, gesta, & accidentia, habet perspecta. Modo de persona sua, Deo cum omnibus viribus & dotibus nota, egerat; nunc idem de actionibus & fatiis suis aptissime adfirmat; cum & virium ac dotium, & actionum ac factorum, ratio habenda sit in iudicio Dei, de quo hic agitur. Eo etiam aptius *circumvolutionem* suam adpellat David, cum in exilio adhuc versaretur, & quaquaversum volveretur & vagaretur: quemadmodum Ps. lvi: 9. *vagationem meam numerasti tu, posita est lacryma mea in utero tuo.* &c.) Sequitur, *Et libro tuo hæc omnia inscripta sunt*, vel inscribentur, scilicet, ut antea, ita post continuo. (h. e. vides non tantum, quicquid ago & fero, sed & in commentarios quasi refers, in perpetuam memoriam, donec, tempore iudicii adlucescente, *libri tui aperiuntur*, & cuique reddas secundum opera. Respicitur manifeste ad commentarios regum & iudicum, quibus bene meritorum nomina & facta, ut compensarentur, inscribebantur Esth. vi, xii. nec non impiorum nomina & facinora, ut punirentur; Jes. lxxv: 6. Dan. vii: 10. Ita & Mal. iiii: 17. *adit Jabo-*

va & audiuit, & conscriptus erat liber memorialis coram Jereboam &c. ubi vid. dicta. Notæ etiam sunt *δ.φθίται* Jovis a. Non itaque de præscientia aut prædeterminatione Dei æterna hic agitur, sed de judiciali observatione actionum & factorum hominum in tempore; eo scopo, ut cuique suo tempore secundum ea rependatur. Nec alio sensu phrasidis ea figurata de Deo in Script. V. T. sumitur, ne quidem Ps. LXIX: 29. *deleantur e libro vitarum, & cum justis non scribantur.* h. e. morte adficiantur violenta & infami, eaque ratione catalogo viventium expungantur, Ex. xxxii: 33. nec locum inter justos, sed improbos, habeant in libro tuo memoriali, qui malorum & bonorum comprehendit catalogum, quibus præmia assignata sunt & poenæ. Obstat insuper receptæ sententiæ, & nostræ pondus addit, quod in fut. dicatur, *scribentur ea omnia*, argumento, inscripta non tantum esse, sed adhuc etiam inscribenda. Ceterum voces, *omnia ista*, pertinent manifeste ad modo memoratam *circumvolutionem*, constructione non ad vocem, sed rem significatam adcommodata, adeoque *omnia* ea comprehendunt omnia facta & fata, per *convolutionem* significata. Quod satis tritum est & facile.)

§. XXIX. Additur denique, *dies observabuntur, nec est eximius in istis*, vel *nec unus est inter eos*, scilicet qui non observabitur, de quo mox. (h. e. facta & fata, sicut Deo sunt inspecta & libro memoriali inscripta, ita quoque *tempora* singula, quibus illa contigerunt, omnia, ne uno quidem excepto, observantur a Deo, & mente reconduntur. Hunc enim verborum existimem esse genuinum sensum, minus recte perceptum, quod verbum *נצח* male ad radicem *נצ* formare retulerint, cum sit a rad. *נצר*, sensu *inspiciendi, advertendi, & observandi*. Præterquam quod magis regulariter, secundum punctaturam, *נצר* constituatur radix, *formandi* notio hic admitti nequit, cum phrasidis, *formabuntur*, vel formati sunt, *dies*, sensum non fundat tolerabi-

a Vid. amicissimus Valckenaer ad Herod. l. v. c. 50.

lerabilem, ne quidem, adhibita ellipsi pro *dies*, quibus *formabuntur*, minus, quia non de decreto, sed actuali observatione actionum & casuum hominis, ut vidimus, agitur. Nostra vero versio, *observantur dies*, inspiciuntur, advertuntur, & verbo, & nexui egregie convenit. Radix נצח, cui cognata est נצח, proprie dicit *inspicere*, secundario tantum *custodire*, *servare*, ut Lat. *tueri*; unde etiam in malum pro *observare* & *insidiari* sumitur. Jer. 1v: 16. Deus vero נצח־עין adpellatur נצח *observator hominis*, quod oculum vigilem habet & vindicem, intentum in homines; uti Prov. xxiv: 12. egregie & in rem nostram, *an non librator cordium, ille intelliget*, & נצח *qui observat animam tuam ille cognoscit*, & *retribuet homini secundum opus suum*? Job. vii: 20. *peccavi, quid faciam tibi*, נצח־עין *observator hominis*? ubi vid. Schultens. Quod verbum eo sensu restituerim quoque Ps. xxxiii: 15. pro נצח; si liceret; *qui observat pariter cor ipsorum, qui distincte intelligit omnia opera ipsorum*. Observari autem a Deo dicuntur *dies*, quatenus cum ad tempora & opportunitates, hominibus ad agendum concessas, tum ad actiones eorum in iis, attendit, ut iudicium suum iis adtemperet. Quæ magni momenti est veritas, huc adprime quadrans; ut facile adparet: quare plura non addo. Ne autem cogitaretur, non omnes dies ea ratione a Deo observari, sed aliquos esse exceptos, quibus homini liceret impune agere, Deo non attendente, vel curante, subjungit, & *non unus in illis*, scilicet, vel eximius est nullus inter eos, nullus singularis, hoc numero dierum, qui observantur, exemptus, vel, non unus est, qui non advertitur, & observatur: quo utroque modo, sed qui eodem redit, voces expediri possunt. Priore ratione vox נצח unus pro *eximio*, singulari, dierum reliquorum, modo memoratorum numero exempto, sumenda est; sicut subinde fit; uti notum: *posteriore* vero locutio est elliptica, ex præcedente supplenda; ut feci. Occurritur itaque vanæ hominum opinioni, qua
putant,

putant, nonnullos *dies* a Deo inobservatos posse transigi, quibus licet, quod libet.)

§. XXX. β. Adfectionem & continuam suam occupationem circa memoratas, aliasque Dei respectu hominum, cogitationes, in signum pietatis suæ erga Deum, & innocentiae vitæ ac morum, his verbis subjungit, vers. 17, 18. *Et mihi quam ponderosa & pretiosa sunt cogitationes tue, o Deus, quantæ earum summa! numeremne eas? plures sunt quam arena: evigilavero, adhuc sum tecum.* h. e. quamvis peccatoribus grave admodum sit, & neglectui habeatur, tibi cuncta mortalium esse nota & observata, mihi tamen profecto nihil est desiderabilius & gratius, quam te talem esse, imo & has & omnes alias cogitationes tuas sicut magni facio, ita admiror magis, quam percipiam & eloqui possim: sunt enim mihi & ponderosiores & numerosiores, quam ut capere, aut recensere, queam; adeo ut noctes diesque meditationibus, & intimis animi adfectionibus amoris & spei, tibi adhærescam. Cum de nexu & scopo horum verborum ex dictis ad vers. 14. facile pateat, verbo tantum emphasin voculæ, & , in voce, & *mihi*, pandam. Videtur & adversandi & adseverandi vim hic, ut sæpe alias, habere; ut sit, simul *dt*, simul *utique*, profecto. Adversativa vis respicit ad peccatores, cogitationes illas Dei averfari solitos, quibus se tacite opponit, & quorum mox meminit, ut se longe aliter esse adfectum, ac ab hostibus traducebatur, demonstraret. Conf. PL LXXIII: 27, 28. Loquitur vero de *cogitationibus* Dei, quas adfirmat imperceptibiles & innumerabiles sibi esse, attamen summe desiderabiles, & æstimabiles, adeo ut se noctes atque dies occupatum teneant. *Cogitationes* Dei, voce רעך, & non *amicos* Dei, quod post LXX etiam aliis placuit, ipsi quoque Schultens ad h. l., intelligi, quæ vulgarior quoque est hypothesis, sequentia extra dubium collocant; cum in *amicos* Dei non quadret, eorum numerum esse majorem arena maris; nec ratio sit, quare immensa multi-

multitudo eorum hic memoraretur expresse; si vel tanta eorum esset copia. Errandi animum præbuit, quod, vocem Hebr. de *cogitationibus* adhiberi, male inficias iverint; uti ad vers. 2. vidimus. *Cogitationes Dei* itaque sunt, de quibus loquitur vir pius; sed non quas ipse de Deo habebat, quod Gejero non displicuit, sed quæ Deo ipsi insunt; ut seq. ostendunt: in proprias enim de Deo cogitationes non convenit, eas esse numerosiores arena maris, nec enarrabiles. Sed quæ sunt illæ *cogitationes Dei*? directe quidem & proxime, quibus Deus omnia, quæ ad personam hominis, ejusque facta & fata, pertinent, habet perspecta, & mente reposita, nec non singulis secundum statum & merita destinat præmia & poenas. De qua *scientia Dei*, tanquam mirabili, & supra captum creaturæ, supra quoque vers. 6. locutus erat: attamen nihil vetat, quominus latius extendamus ad omnes Dei cogitationes & volitiones, omnesque *vias* ejus, relate inprimis ad homines, sive singulos, sive in societates, civiles aut Ecclesiasticas, coactos, adeoque mundum, ejusque regna & respublicas, & Ecclesiam, seu populum Dei: quarum, occasionem præbente mentione status & actionum suarum, Deo notarum & observatarum, recte hic meminisse potuit: quemadmodum vers. 14. *opera Dei* adjungit mirabili suæ separationi: Deus Jes. LIV: 9. de iis eum in modum quoque fere loquitur: *sicut coeli terra sunt altiores, ita viæ meæ vestris, & cogitationes meæ vestris sunt sublimiores.*

§. XXXI. Hasce Dei cogitationes declarat, 1. *sibi esse ponderosas & pretiosas*, h. e. graviores quidem esse quam ut capere, aut ferre, possit, attamen summæ æstimabiles & delectabiles. Quem utrumque significatum habet verbum כִּי, *priorem* proprium, & *posteriolem* translatum. Proprietas enim sita est in *gravitate*, cujus indicia adhuc supersunt in reliquiis linguæ Biblicæ, ut 1 Reg. v: 17. VII: 7. *lapides ponderosi*. Jes. XXVIII: 26. *gravitas fundatissimi*, sc.

Gggg

ædificii.

ædificii. Pf. XLIX: 9. CXVI: 17. Prov. XXV: 17. alibi *a*. Hinc facile ad gloriam, & pretium transiit, ut Hebr. כְּבֹרָה. Sensus itaque est, *cogitationes* illas Dei, *a*. sibi esse quam *gravissimas*, adeoque viribus animi sui longe superiores; quas animo complecti & continere nequeat, uti vers. 6. expresse declaraverat. Particula exaggerandi, *quam graves mihi sunt*, summum exprimit gradum, & tacite indicat, comparatione instituta cum viribus mentis, eas esse graviores; quod mox de *numerositate* addit expresse; hic vero mente intelligendum vult. *b*. Esse tamen eas, quam graves etiam, sibi summopere pretiosas, seu æstimabiles & delectabiles, magis etiam quam eloqui possit; adeo ut sibi valde gratum sit & acceptum, Deo omnia sua esse *nuda & aperta*, nec non Deum esse tam sublimem & gloriosum; insuper se omnibus Dei viis & cogitationibus respectu hominum summum ponere pretium, maxime delectari: licet ex *parte* tantum. & per *speculare*, eas cognoscat & intueatur. I Cor. XIII.

§. XXXII. 2. Addit, eas esse plures numero, quam ut vel summas earum animo complecti, aut ore enarrare possit, his verbis: *quam multæ sunt summæ earum! recenseremne eas? plures sunt pulvere*. h. e. Maximus est cognitionum Dei numerus, longe major quam vel summam calculare mente oreve queam; quippe *pulverem* terræ longe superantes. Nihil hic nobis relictum est notandum: de verbo enim *רַב*, quod *multitudinem* continet, & voce *רִאשִׁית*, quæ proprie *capita*, dein *summas* denotat, satis constat, & ab aliis observatum est, præter emphasin & significatum verbi *רַב*, quod *enarrare* hic non tantum denotat, sed & mente recensere. Proprie dicit *pulverare*, inde *calculare*, numeros inire quam exacte, more arithmetico, quo id in pulvere super tabula fieri solebat antiquitus: de quo dixi ad Pf. LXIV: 6. Ex quo simul clucescit elegantia sermonis, cum verbo *רַב* addatur comparatio

a Vid. Schultens ad Prov.

ratio cum *pulvere*. Sensus itaque est, cogitationes Dei esse innumerabiles; quarum ne summæ quidem recenseri queant, aut mente aut ore.

§. XXXIII. Mente de cogitationibus Dei explicita, subjungit, *evigilavero, & adhuc sum tecum*. h. e. tam pretiosæ mihi sunt cogitationes tuæ, tanta earum capior dulcedine, ut mentem, cum omnibus facultatibus ejus, tibi adligatam, & devinctam, teneant noctes æque ac dies, adeo ut me eo in statu somnus occupet & deserat; tanta præterea est earum præstantia, perceptionibus major, & copia innumerabilis, ut continuam præbeat per omne tempus meditationis materiam. Voces structura sua indicant, virum pium cum Deo fuisse antequam expergisceretur, simul eo in statu fuisse, cum somno fuit correptus; adeo ut expergefactus in eo esse perrexerit: quod alias dicitur, *noctes atque dies meditari legem Dei* Ps. 1: 2. *recordari Dei super strato, in vigiliis meditari Deum* Ps. LXXIII: 7. & quæ alibi similia occurrunt. Cum enim non dicit, *evigilavero, sum tecum*, sed *adhuc sum*, utique indicat, se ante somnum fuisse, nec eo quasi abruptum fuisse; mente per ipsam quietem in eo manente, & diurnas cogitationes ac adfectiones revocante, ut sit in somniis. Sed quid est, *esse cum Deo*? & quo tendit hoc loco? Phrasis indicat cogitationum & intimarum animi adfectionum fidei, spei & amoris, adplicationem ad Deum, tanquam Ens gloriosum, Dominum supremum & summum Bonum; quæ tres sunt Dei ad nos relationes, omnium adfectionum & actionum piarum fundamentum. Conf. Ps. LXXIII: 23, 28. & ibi dicta. Eo autem verba collineant, ut, quam vera sint modo prolata, cogitationes scilicet Dei perceptione & recensione nostra superiores, simul viro pio esse summe pretiosas & delectabiles, demonstretur; quippe cujus rei clarum & certum in eo erat indicium, quod, sicut continuam præbebat meditandi materiam, ita animum & omnes ejus adfectiones in Deum trahebat, & ipsi devinciebat; Deo

renes suos possidente, uti vers. 13. dixerat. Ex quo præterea, quod in hoc Pf. intendit, pietas & virtus ejus enitescibat.

§. XXXIV. 7. *Quinta* ratio justificationis ejus in examine & judicio Dei, desumpta est ab odio erga improbos & hostes Dei; ex quo concludit, se in judicio Dei cum illis non esse damnandum & e medio tollendum, vers. 19-22. Cujus pericopæ, & eo nomine accuratiores tractatione dignæ, quod pessimus possit ejus esse abusus, *a.* sensum, *β.* verum conspectum & scopum pandam. *a.* Duæ sunt pericopæ partes, quarum in *altera* improborum characteres ducit, & judicium, iis infligendum, sibi non esse noxam adlaturum declarat, vers. 19, 20. in *altera* rationem suæ liberationis ab hoc judicio repetit ab odio suo erga improbos, vers. 21, 22. In *priore* parte, *a.* occurrit propositio, vers. 19. *b.* ejus deductio, vers. 20. *a.* *Propositio* ita sonat, vers. 19. *Quod si occideris, Deus! improbum, & viros sanguinum; recedite a me.* h. e. Posito, te violenta cæde e medio tollere; quod utique facies, improbum, & cupiditatibus pravis agitatum, nec non viros cædis reos ejusque adpetentes, magna cum fiducia, quo tempore istud exercebis judicium, iis dicere possum, dicamque, a meo consortio discedite, nihil mihi vobiscum est commune, vos seorsim, me salvo, judicio Dei involvamini. Loquitur 1. de judicio mortis in improbum & viros sanguinum, quo illi morti dantur: *viri enim sanguinum*, per particulam conjunctivam &, manifeste cum improbo connectuntur; a quo non sunt divellendi; uti passim fit. *Improbus* est, qui variis cupiditatibus pravis agitatur, simul importunus est, qui exagitur ipse & exagitat alios: proprietas enim est, uti constat, in irrequieto motu, & exagitatione. *Viri sanguinum* sunt, qui sanguinem aliorum sitiunt, & eum effundunt pro libidine; sanguinolenti & homicidæ. Quod non est difficile. Nomina sing & plur. numeri conjunguntur, ut de omnibus & singulis cogitemus.

mus. Judicium mortis intelligitur, in quo Dei vindicis manus conspicitur; non ergo qualiscunque mors, sed violenta & singularis, quam Deus, justus mundi iudex, infligit, quocunque modo fiat: sed 2. loquitur *conditionate*, ita tamen, ut id futurum esse indicet. Dicit enim, *si occides*, h. e. posito te id facturum, quod ponere licet, quia justitiæ & viis agendi, quas tenes, illud convenit. Sunt qui *optative* capiunt, pro *utinam* occideres; sed, præterquam quod ille usus particulæ *si* rarius sit, sine ratione hic admittitur, & temere adgravatur vir pius, ac si optaret cædem peccatorum: quod ne quis suspicaretur, expresse dixit *si*, conditionata usus particula. 3. Addit denique, illud judicium sibi non esse infligendum, quo Deus improbos & homicidas punit; sed se tunc ab eorum consortio esse separandum; quum, sermone ad eos verso, subjungit, *recedite a me*; quod idem est, ac, *a me discedent*; ut Chald. & Syr. reddiderunt, sive legerint *מו*, sive sensum expresserint. Figura enim est Rhetorica, qua id quod futurum est per modum adlocutionis ad eos exprimitur, in signum adfectus commoti, & fiduciæ, qua res adferitur: ac si plenius haberetur, *si occides*, o Deus, *improbum, & viros sanguinum*, tunc iis magna cum fiducia dicam, *recedite a me*, & soli ac seorsim puniamini, me salvo. Phrasus enim hoc loco non denotat *communione* dissolutionem, aut animum a peccatoribus alienum; sed *sortis* diversitatem in judicio, de quo hic agitur, qua improbi occiderentur, sed ipse salvus foret, illis a se sejunctis; uti in judicio Korachi & Abirami Num. xvi: 28. *Dixit Moses coetui, recedite a tentoriis impiorum horum*, &c. Declarat ergo id eventurum, quod Ps. xxvi: 9. orat, *ne colligas cum peccatoribus animam meam, & cum viris sanguinum vitam meam* &c. Sed indicat quoque hac formula, & orationis schemate, sibi nihil cum iis fuisse in vita & moribus commercii, nihil communis; adeo ut sensus plenus sit: sicut a me in conversatione & actionibus longe recessistis,

o improbi! ita & nunc in iudicio & poena recedite. Conf. Pf. xxvi: modo citatus.

§. XXXV. In deductione propositionis aliæ pravæ qualitates improborum & sanguinolentorum, quæ ad Deum respiciunt, in medium adferuntur, his verbis, vers. 20. *Qui loquuntur te ad scelus destinatum* (vel obstrigillant tibi, contumaciter & scelestè) *tollunt in vanum, hostes tui.* h. e. haud parum adgravat improbos & sanguinolentos, & iudicio divino reddit digniores, quod professionem & cultum tui nominis cum sceleribus suis non tantum conjungant, sed & inde ansam scelerum adripiant, iisque obtendant; insuper in vanum & mendacium te, seu nomen tuum, proferant, temere, vel falso, jurantes; adeoque vero nomine *hostes* tui sint, seseque tales præstent. Verba haud una laborant ambiguitate, quæ sensum reddit magis dubium. De quo antequam dicam, in genere observandum est, verba eo tendere, ut improborum, modo memoratorum, pravæ qualitates ulterius explicentur, quæ ad Deum respiciunt, adeoque, eos excidium magis mereri, manifestum fieret. Cohærent enim verba per relativum *qui* cum superioribus, quo clare ducimur ad ipsos illos improbos, modo descriptos: maxime cum nullo indicio constet, aliorum lineas hic duci. Continent vero verba delineationem impietatis erga Deum, sicut superiora improbitatem erga homines; quare iis recte censerì possunt subjuncta, ad improbitatem eorum adgravandam, & iram Dei eo magis justificandam. Duo vero impietatis crimina recensentur, *alterum*, quo Deum loquebantur ad scelus, *alterum*, quo nomen Dei in vanum sumebant; quando, conclusionis per modum, ipsis titulus *hostium Dei* jure merito datur. Hac enim ratione verba cohærent; ut in versione expressi, & nunc explicare adgredior.

§. XXXVI. *Prius* impietatis signum, primo membro comprehensum, ambiguitate aliqua laborat, quam adfert verbum *וַיִּשָּׁאֵר*, cujus radix potest statui & *non dixit*, *locutus*

tus est, & מרה acriter strinxit, proprie manum ducentis, inde retractavit vehementer, & refractarium se præstitit, seu obstrigillavit. Priore radice admissa, est pro אמר, ut alias plene & regulariter habetur, subinde, sed raro, defective, ut hic, omissa littera א. posteriore vero punctari debet, ימרו, exacerbarunt te obstrigillando. Priori favet punctatio recepta, & communi Interpretum calculo robur accedit; sed posteriori litteræ magis conveniunt, & adfixum personale in tempore finito; quod verbo אמר nusquam alias, sed מרה frequenter additur. Confirmat insuper quinta versio Gr., quæ habet, παρωτρυναν σε exacerbarunt te. Dabo utriusque verbi explicationem, & electionem relinquam liberam. Radice אמר loqui adsumta, vertenda sunt verba: loquuntur te scelestæ, vel ad scelus destinatum; sic enim rectius, quam, ut alii, loquuntur de te, vel contra te scelestæ. Proprie enim dicit, loquuntur te, & sensum fundit elegantiorum ac ampliorem. Loqui, vel dicere, Deum est, cum fidem & spem suam in Deum profiteri, tum Deum adnunciare, & de ipso differere, tum denique quocunque modo alio Deum celebrare, ipsum colendo, & cultum ejus promovendo ac vindicando. Dicere enim & verbaliter & realiter capi potest, & dicere Deum est eum profiteri, ac colere. Sic Deut. xxvii: 17. dicere fecisti Deum hodie, ut sit tibi Deus &c, seu hoc ipsum profiteri & demonstrare fecisti, Joh. viii: 27. ignorabant, quod Patrem ipsis diceret, h. e. eloqueretur, & indicaret. Ps. cxlvi: 12. gloriam regni Dei loqui est, proferre, & de ea differere: unde & θεολόγος est ὁ λεγων τὸν θεον qui loquitur Deum. Sed dicere Deum מרה est scelestæ, & ad scelus, Deum profiteri: adnunciare & colere, utrumque admittit vox Hebr.; præf. enim ל periphrasim facit adverbii, ut notum est, sed & finem ac exitum denotat; adeo ut verti possit, scelestæ, & ad scelus perpetrandum. Significatur itaque, improbos illos, i. esse hypocritas, sive directos, sive magis indirectos, seu religiosos sceleratos, qui vel fingunt

fungunt fidem & religionem, ut alios fallant, vel sibi ipsi imponunt, Deum ore *confitentes* & facto *abnegantes*: quales dicuntur *labiis honorare Deum* & cor ab eo habere alienum. Jes. xxviii: 13. & vivis coloribus depinguntur, ac severe perstringuntur Pl. l. & Jes. i. ne alia loca memorem: *operatores iniquitatis*, qui Christo dicunt, *Domine, Domine*, nec faciunt voluntatem Patris. Matt. vii. 2. Ipsa fide & religione abuti ad peccandum, & scelera patranda; sive zelum religionis obtendant pravis facinoribus, sive falso & pernicioso zelo ducti putent se *Deo gloriam dare*, alios persequendo, & necando. Joh. xvi: 2. Quæ amplam præbent exspatiandi materiam, quam tetigisse hic suffecerit. Sed, si radix טרה, & punctatio יקריר, adoptetur, vertenda sunt verba, *qui obstrigillando tibi contumaciter resistunt, & destiato consilio, & ad scelus faciendum*. h. e. qui Dei præceptis & monitis sese audacter, & animo deliberato, opponunt, ut quævis scelera committant: adeoque, non tantum improbi & sanguinolenti sunt, sed & legem Dei, ac adhortationes, sibi probe notas, spernunt, ac violant, proterve, superbe & contumaciter. Eam enim potestatem habet verbum טרה, ut sæpe alias observavi, & vox ליטמה, quæ & *destinato* animo, & ad *scelus*, Deo resistere indicat. Vox enim Hebr., a propria *alligandi*, *firmius revinciendi*, in specie, *capistro*, potestate transiit ad cogitationem fixam, quam quis cum animo suo destinavit, & unde avelli nequit, tam in malum, quam bonum, imo *aggressionem* rei apertam, seu facinus ipsum, comprehendit, seu cogitationis & decreti executionem. Homines ergo sunt, sicut improbi in alios, ita impii in Deum, & refractarii, qui jus & fas pedibus conculcant, dicuntque quasi Deo, sive animo, sive opere, *recede a nobis, non enim delectamur cognitione & agnitione tui*.

§. XXXVII. *Posterius impietatis signum*, his verbis prolatum, *tollunt in vanum*, duplicem continet ambiguitatem, alteram in verbo נטו, alteram in phrasi ipsa. Verbum ita for-

formatum est, ut pro part. & præt. pl. sumi queat, adeoque verti, vel *sublatum* in vanum, vel *tollunt* in vanum. Licet enim regulariter magis sit particip., potest tamen pro præt. pl. haberi, sive sit per litterarum transpositionem pro נשא, sive littera נ sit paragogica; aut ex scriptione veteri ad indicium syllabæ longiuscule protrahendæ a. Sic הלכא *iverunt*, אכא *voluerunt*, ipsum nostrum ינשא *portabuntur* Jer. x: 15. & alia. Partic. cum locum vix ferat, & sensum commodum fundat, præt. plur. eligimus cum interpretibus longe maximam partem: phrasis enim, *dicunt te scelestè prolatum in vanum*, nimis dura est, & explicatu difficilis, quam ut se adprobare possit. Sed ipsa phrasis, *proferunt in vanum*, ambigui quid habet, cum suppleri possit, vel *animam*, vel *te*, scilicet *Deum*, aut nomen ejus: cujus utriusque vocis additæ prostant exempla, ex gr. Ps. xxiv: 4. pius dicitur *non tollere animam suam in vanum*; & Ex. xx: 7. *non tolles nomen Jehovæ Dei tui in vanum*; qualia plura exstant. Alterutra itaque vox hic est supplenda, cum audiendi non sint, qui cum voce ultima חסות *hostes*, vel *urbes tuas*, construunt, ut sensus sit, eos vel *hostes Dei* in sublime tollere, vel *urbes Dei* destruere. Obstat enim vox נשא interjecta, quæ phrasin reddit insolitam, *tollere*, seu *sublimare in vanum hostes*, seu *urbes destruere in vanum*, & cum נשא constructa alium solet habere sensum, mox adferendum: stat præterea illa vox per se, & conclusionem continet ex modo prolatis signis eductam; ut mox videbimus. Oportet itaque voces vertantur, vel *attollunt animam suam in vanum*, vel *tollunt*, seu *proferunt*, *te*, aut *nomen tuum*, *in vanum*. Prius si placeat, sensus erit, impios *adspirare*, quæ propria est phrasis *attollere animam*, seu *flatum*, *spiritum*, *potestatem*, seu vehementius *adpetere falsum & foedum quodvis*; quod utrumque voce נשא comprehensum est, & priori specimini subjungetur tanquam ejus principium, ex quo

Hhh

fluxe.

fluxerit impietas, in eo situm, quod toti inhient mendacio, & quibusvis foedis vitiis; cui damnabili adfectioni professionem & religionem Dei adtemperant, & mancipant. Quemadmodum *perjurium*, profani animi signum, quoque subiungitur huic cupiditati Pf. xxiv: 4. *Posterius* vero si adrideat, sensus erit, eos nomen Dei falso proferre, professionem Dei, & cultum, mendaciter facere ac exercere, perjuria quoque impudenter committere, in signum animi penitus depravati, ac irreverentis in Deum & injuriosi; novumque specimen impietatis in Deum continebit, ex quo hypocrisis eorum clarissime elucescebat. Utrumque si conjungere non liceat, quod tamen non adeo foret alienum, sed & generali ac ellipticæ phrasi congruum, quæ studio cenferi posset captata, ut utroque modo ellipsis suppleri possit, si, inquam, hoc non liceat, *posterius* hic præferrem; quia *Deus*, vel *nomen Dei* facilius, suppleri potest, cum ejus modo præcesserat mentio; nominis Dei abusu, & perjurio, quoque locus hic rectius datur, ubi de *impietate* eorum agitur, sicut modo de improbitate eorum erga homines dictum erat.

§. XXXVIII. Subjungitur tandem per modum conclusionis epitheton valde odiosum, quo, his prolatis improbitatis & impietatis speciminibus convenienter, adpellantur *hostes Dei*; quum addit vir pius, *hostes tui*, scilicet, *sunt*. Quod epitheton cum speciminibus impietatis subiungatur, manifestum est, illud ex iis esse eductum, & ad ea relate explicandum, adeoque *hostes Dei* eos adpellari, quod ore licet eum professi, & ritibus externis colentes, *animis* sint ab eo alieni, eumque tanquam omniscium, aut justum & sanctum, abnegent, ac homini pravo similem putent, Pf. l: 21. leges ejus spernant, & proculcent, præterea ipsum prostituunt, & cultum ejus ludibrio exponant, ac, quantum in se, destruant inter homines; scopo quoque Dei in homine creando ad imaginem suam sese hostiliter opponant, & obicem ponant; denique se cupiditatesque suas
in

in Deum erigant, & vero Deo, loco moto, substituant, erga alios homines, in primis pios & probos, hostiliter sese gerant; cuncta postremo vincula, quibus hominum societates a Deo colligatae sunt, perrumpant, religione ad scelera abutendo, & omnem veritatem, sinceritatem ac fidem, perjuriis e medio tollendo. Quales homines quin *hostium Dei* titulum mereantur & jure gerant, ecquis est qui dubitat? De Deo idolum faciunt, nomen ejus blasphemationi exponunt, religionem ejus, & sedem cultus, in speluncam latronum convertunt, regnum Dei in mundo oppugnant, omneque jus ac fas proculcant.

§. XXXIX. Judicium excidii in improbos & impios, tanquam hostes Dei, sibi non eventurum, sed illos a se in judicio Dei esse sejungendos, cum declarasset vir pius, ne illud temere fecisse videatur, apte subjungit separationis hujus in judicio Dei rationem, in eo sitam, quod nihil non tantum commercii cum iis habeat in vita & conversatione, sed adeo adfectu & moribus ab iis abhorreat, ut eorum hostem & adversarium se profiteatur, & praestet, vers. 21, 22. *Nonne os res tui odio haberem, o Jehova! & in iis, qui in te insurgunt, fastidio & tædio disrumperer? consummatione odii exosus sum eos, inimici fuerunt mihi.* h. e. Quod tanta cum fiducia dixi, improbos & impios a me in judicio Dei esse recessuros, ita ut ipsi soli puniantur, ego salvus maneam, illud non temere, & sine ratione, adfirmavi: fundatum enim in eo est, quod eos, tanquam hostes tuos, & eo solum nomine, pro meis habuerim hostibus, & summopere fuerim averfatus, meque iis & verbis & factis opposuerim; eaque ratione demonstraverim, me tui, tuæque gloriæ, esse supra omnia amantissimum & studiosissimum: fieri enim non potest, quin qui tui studio ducitur eos cum tædio & fastidio averfetur hostes tuos, qui tibi bellum aperte indicunt, & inferunt. Verba eo, quo dixi, unice spectant, ut se in judicio longe aliam, ac improbos & impios, expectare posse sortem, demonstret; ratione

ab hostili animo suo in illos, quem coram Deo omniscio testari auit, petita; quippe certissimo indicio studii sui in Deum, ejusque gloriam & legem, ab impiis proculcatam. Loquitur de hostibus & adversariis Dei manifestis, declarat, se eos summopere averfari, & odio hostili prosequi; denique illud considerari vult, tanquam signum adfectus pii in Deum; ex quo non possit non ejusmodi odium oriri. Explicemus hoc ordine verba.

§. XL. *a*. Adpellat eos *osores* Dei, & in eum *insurgentes*, ut peccatorum, quos in oculis habet, characteres ducat, quibus distinguerentur, & a peccatoribus in genere, & suis propriis hostibus: non enim in genere dicit, *peccatores*, nec *hostes meos*, sed, Deum adloquens, *tuos*, nec occultos & otiosos, verum publicos, & hostiliter in Deum agentes. Etsi vero fieri potuerit, ut iidem ejus fuerint hostes, qui ipsum persecuti sunt, eos tamen, *qua tales*, hic non considerat, nec objectum odii sui constituit, sed tantum tanquam hostes Dei. Ex quo simul efucescit, phrasin; vers. 22. *hostes fuerunt mihi*, non eo sensu, quem uno alterove loco præfert, esse sumendam, quo hostes significat, qui ipsum hostili odio persequuntur, sed quos ipse pro hostibus habet: quod phrasi, & ejus quoque usui, est conjunctius; ut mox patescet. *Oforum Dei* titulo addit *insurgentium* in Deum, ut, eos non esse occultos & otiosos Dei *osores*, sed manifestos & violentos, qui in Deum irruunt, indicaret. Qui quales sint, ex supra dictis non est obscurum. Quare nihil addo, nisi illud unum, verbum *surgere* in genere usurpari pro adgredi aliquid, cum studio & impetu *a*, sed in specie de *bellatore*, qui se ad invadendum, cum impetu adcingit *b*. Intendit significatum forma verbi in Hithp. *במקומיך במקומיך* pro *במקומיך*, si-
ve littera *ב* in principio fuerit suppressa, ad duritiem longioris vocis vitandam, si-
ve exciderit deinceps: indicatur
enim

a Schultens ad Job. I: 20.
x: 12.

b Schroeder ad Ps.

enim intensio significationis, & *frequentia a*; adeoque hostes esse, qui & vehementius, & frequentius, in Deum insurgunt, absque ut desistant; adeoque sicut summo gradu improbi & impii, ita ad finem usque & impenitentes. Sunt autem in specie *insurgentes in Deum*, ut illud verbo moneam, 1. qui legem & præceptum Dei, vel in genere omnibus civibus, vel sibi in specie datum, scientes & volentes violant: ut Saulus bis, sed maxime altera vice fecit respectu Amalekitarum, 1 Sam. xiii: 11. xv: 22. 2. qui consilio Dei, sibi non ignoto, se opponunt, ut idem in Davide, a Deo in regem electo, præstitit oppugnando. 3. Qui personas, Deo sacras, violenter trucidant; cujus criminis sese Saulus quoque reum egit, 1 Sam. xxii. Denique 4. qui viros probos, & de rep. optime meritos, ad necem quærent. Quod Saulus quoque respectu Davidis, & qui ipsi favebant, egit; ut notum est. 5. Postremo, qui, pravo religionis zelo acti, juramentum violant, & scelus patrant, ut Saulus rursus fecit in *Gibeonitis* exterminandis. 2 Sam. xxii: 2.

§. XLI. β. Tales peccatores & sceleratos declarat sibi esse odio & tædio, & quidem summo, eosque se habere pro apertis suis hostibus. Quod interrogatione, *nonne odio haberem?* non satis habuit insinuasse, sed manifestius, sermone maxime emphatico, quoque profitetur, vers. 22. *consummatione odii eos exosus sum, pro inimicis fuerunt, suntque mihi.* Ad quæ verba habeo tantum *duo* observanda: alterum est, *consummationem odii* esse odium perfectum, absolutum, ad exactissimam rationem libratum, alte infixum menti & summum. Quæ emphasis est vocis חֵלִית *consummationis b.* Alterum est, voces, *inimici sunt mihi*, non tam significare, eos hostili in virum pium esse animo, quam eum ita in eos esse adfectum. Licet prius illud quoque verum esset, tales tamen eos hic non consideravit, cum non *suos*, sed *Dei* hostes adpelleret, & qua tales declarat

Hhhh 3

ret

ret sibi esse odio; quo cuncta superiora etiam tendunt, quibus professus est, se eos odisse, & tædio in iis disrumpi. Accedit, si hostilem eorum animum erga se & impetum in oculis directe habuisset, alia ratione mentem expressurum fuisse, vel *inimicus fui ipsis*, לאויב הייתי להם, ut recte Gejerus, vel saltem vocibus aliter ordinatis, ודן לי לאויבים, ut Thren. 1: 2. Indicat itaque, ut omnia summatim complectar, se pietatis, probitatis & virtutis, respectu & causa, hac sola & nulla alia de ratione, 1. fuisse ab iis & animo, & vita ac conversatione, sejunctum, eorumque confortio & amicitiae renunciassse; quo sensu *patrem & matrem* jubemur odio habere Christi causa Matt. x. ipsam etiam *animam*, vel vitam hanc animalem; uti notum. 2. Insuper fastidio & tædio eorum, qua sceleratorum & impiorum, tam gravi fuisse adfectum, ut fere *disruptus* fuerit, utique ferre vix potuerit; quod vers. 21. indicatur. 3. se *impias & sceleratas* eorum adfectiones & actiones aversum fuisse, earumque respectu & eos quoque odio fuisse persecutum, qua tales. 4. nec illud transitorie, temere, & leviter, sed deliberate, fixo ac bene librato iudicio, vehementer, & constanter; quamdiu tales sint. 5. Denique se ipsis bellum indixisse, & eos tanquam hostes & inimicos tractasse, & in eo perseveraturum, partim Deum orando, ut conamina eorum quovis meliore modo retundat & destruat, partim sibi ab iis tanquam hostibus cavendo, partim denique se iis palam opponendo, sive verbis sive factis; ne sibi aut aliis noceant.

§. XLII. γ. Hac tam seria declaratione animi sui in hostes Dei non contentus, eam insuper considerari vult, tanquam pietatis suæ signum, & necessarium consequens, simul personæ suæ congruam; his verbis, interrogative prolatis, vers. 21. *nonne ocores tuos, Jehova! odio haberem? & in iis qui in te insurgunt, fastidio & tædio disrumpere?* h. e. fieri non posset, si vere pius sim, & tui gloriæque tuæ studiosus, quin ita sim adfectus erga ocores tuos; hoc est

est veræ pietatis signum & necessarium consequens; adeoque vel eo sim animo necesse est; vel fucata me lactem pietate: sed sincere tibi profiteor, o Deus! me talem esse, non amicum, sed acrem & apertum eorum hostem; uti mox subjungit. Qua ratione oratio apte cohæret. Præmittit odium hostium Dei, tanquam necessarium pii viri requisitum; & subdit, sibi illud convenire. Verba itaque, vers. 21. vero suo conspectu pietatis aliquod criterium continent, relate ad impios; quod quum in prima persona proponit, *nonne odio haberem* &c. ipse pii viri personam induit, & se talem haberi vult: quod clarius evadet, si, quod hic reticetur, aperte pronuncietur, hac ratione, *nonne*, qui pium me cenfeo, & tanquam talem a te justificari volo, quod in hoc Ps. intendo, *tuos ofores odio haberem?* &c. imo vero, interrogatione in adfirmationem, quam involvit, versa, *odio habere debeo*, si pius sim vere, & non fucate. Sensus itaque est, veræ pietatis signum & necessarium effectum esse impios homines, qui Deum odio habent, odisse, præterea suæ personæ, quam inter homines gerebat, illud omnino, & magis, esse consentaneum. Quo in prima persona loquens haud obscure tendit: *nonne ego*, qui pietatem & virtutem amo & colo, quique peculiarem ad Deum habeo relationem &c. Duo itaque hic significat, *alterum*, cum pietate arcte esse connexum odium impiorum, adeoque se, qua talem decere, *alterum*, personæ, & relationi suæ ad Deum, illud adhuc magis esse congruum.

§. XLIII. a. Prius, quam paradoxum & absonum etiam ad primam speciem videatur, amoris hominum, omnibus injuncto, & magis ipsorum inimicorum, nos pietatis causa etiam persequentium, fidelibus sub Euangelio præscripto, e diametro contrarium; facile se adprobabit ei, qui *odium* illud nihil aliud esse adtenderit, quam vitiorum & scelerum, nec hominum, nisi qua talium, qui sese peccatis toti manciparunt, & incorrigibiles sunt. Quale *odium*,
modo

modo ex vera pietate ortum sit, legitimo & debito amoris proximi, etiam inimici, non adversatur. 1. Quia *odii ob-*jectum non est homo, aut inimicus meus, qua talis, sed vitium & odium Dei in ipso, adeoque ipse tantum qua hostis Dei. 2. Nec qualiscunque peccator, sed qui gravis est & incorrigibilis, declaratus Dei, pietatis & virtutis, ac piorum, qua talium, hostis, ut supra exposui, adeoque, qui nihil boni moralis habet, quod amore dignum, & ejus fundamentum est. 3. Denique ipsum illud odium non excludit justitiæ & humanitatis officia ipsi præstanda, quæ integra manent, tanquam ipsius pietatis præcepta, ex qua hoc odium oritur, sed, his salvis, continet impietatis & improbitatis eorum averfationem, arctioris cum ipsis societatis & conversationis negationem, nec non impiorum moliminum oppugnationem, quantum persona, status, & relatio nostra permittit, vel postulat. Hoc tale odium tantum abest, ut pietati & virtuti adversetur, ut necessarium ejus sit requisitum & effectum; quemadmodum Ps. xv: 4. inter características eorum, qui Deum rite colunt, & eo fruuntur, qualitates occurrit, quod *reprob-*us, seu reprobæ mentis homo, sit ipsis *spretus* & odiosus; ipseque Apostolus declarat, 2 Cor. vi: 14. *justitiæ cum improbitate non esse consortium, nec luci communitatem cum tenebris, Christo cum beliale consortium*, adeoque impiorum nos non debere esse *socios jugales*. Quod facile sese cuique, ad rem debite adtendenti, comprobabit. Quid enim aliud est hoc odium ac *inimicitia inter serpentem & mulierem, ac utriusque semen*, a Deo mox post lapsum instituta? pietas & impietas cum sibi e diametro adversentur, illius amor necessario hujus odium adferet. *Nemo duobus dominis servire potest*; Deo & mundo corrupto, sed alteri adhærebit, alteri renunciabit, alterum amabit, alterum odio habebit, Matt. vii. Qui gloriæ Dei, ejusque regni promovendi, studio flagrat, fieri non potest, quin contraria studia & molimina detestetur, &, quantum in se, status ac officii

officii ratio patitur, sufflaminet, ac destruat. Qui pietatis & virtutis ergo proximum amat, ut decet, non potest non impietatis & scelerum causa odisse reprobi animi improbos. Quid? quod qui proximum vere amat, ejus felicitati & saluti intentus, scelestos homines, qua tales, non feret, sed, si corrigi nequeant, repellet, vel eliminabit, tanquam pestes: fileo, illud ipsum odium impiorum, si recte sese habeat, *amori* ipsorum qua hominum convenire, & originem debere, cum ipsos a summo malo liberare aptum natum sit, vel in via impietatis pergere, judiciumque eorum adgravare, impediat.

§. XLIV. *b. Posterius*, quod de hoc odio Davidi maxime conveniente dixi, facile elucescet, si *personam* ejus debite advertamus, & *relationes* ad Deum, ac meliorem populi Dei partem. Erat singularibus a Deo beneficiis adfectus, & donis cumulatus, Spiritu Dei actus, ac gloriæ regnoque Dei promovendo destinatus, electus vicarius Dei in terra, pietatis quoque ardente studio flagrans, ejusque illustre exemplum, & patronus, in quem piorum oculi erant conjecti, & cui improbi quivis sese opponebant. Talis, tantusque, vir cum esset, & eam gereret personam, dubium non est, quin recte dicere potuerit, & debuerit, *nonne oſores tuos odio haberem, Jebova! &c.* egone aliter adfectus essem, aliter me gerere possem, debeamve? ego, qui tantopere tibi sum obligatus, ad tam præclaram conditionem destinatus, ut tuum regnum inter homines stabiliam, ego, qui tibi devotus, nihil præter te in coelo & terra habeo amoris & desiderii mei objectum, *ego*, qui in omnium oculis verſor, tanquam piorum & pietatis præsidium & desiderium, impiorum hostis, quem ferre nequeunt, *egone*, talis cum sim, *oſores tuos non odiſſem?* pietatis, virtutis, gloriæ & legis tuæ, tuorumque piorum & fidelium, hostes, Satanæ filios, peccatorum ac scelerum patratores ac patronos, non averſarer, & reprimerem? Conf. Pf. ci. ubi illud expresse agit & deducit David. Quæ, sum-

matim proposita, & ab unoquoque facile extendenda, licet necessarium & Davidi congruum esse hoc odium clare demonstrent, & sufficiant, accessit tamen aliud, quod hanc confessionem ipsi quasi extorsit, & magis necessariam fecit. Suspectus non tantum, sed reus erat actus prave ambitionis, perduellionis, & innocui sanguinis effusi, vel effundendi, adeoque hypocrisios in religione & pietate, qui ejus prætextu Sauli vitæ & regno ejus imminebat, adeoque Dei osor, & impiorum socius erat. Quam iniquam suspicionem, & malignam calumniam, ut refutaret, quod in hoc Ps. agit, opportune admodum coram Deo proficitur *odium* sceleratorum hominum, quo adfectus erat. Qui verus est pericopæ *conspectus* & *scopus*: quem nunc accuratius exponere adgredior; quod supra me facturum dixi.

§. XLV. Duo sese in hac pericopa offerre videntur, quæ alios offenderunt, aliis ansam præbuerunt abutendi, & in pravam trahendi exemplum: *alterum*, quod impiorum perniciem optaverit, *alterum*, quod eos tam acerbò prosequatur odio, illudque, tanquam laudabile, coram ipso Deo confiteatur. Sed *prius* fictum est, *posterius* male acceptum. *Prius* non nisi in perversa interpretatione voculæ *si* vers. 18. *si occides Deus impium* &c. fundatum est, ac si esset *optative* capiendum, pro *o, si, utinam*: quod supra refelli; *conditionatam* voculæ potestatem, quæ propria ei est, retinendam esse demonstrans. Quæstio itaque, num & qua ratione optare liceat necem impiorum, hujus non est loci; adeoque a nobis prætermittitur. *Posterius* vero, cum, quo sensu odium hoc sit legitimum, & Davidi aptum, modo in luce collocaverim, moram quoque non injiciet, nec ulteriorem operam, ad abusum avertendum, requirit, quam ut *rationem* pandam, quare in hanc confessionem tam seriam & emphaticam eruperit, & *scopum*, quem intendit David, tradam. Cum Ps. eo tendat, ut fundamenta expectationis suæ justificationis a Deo in judicio expo-

exponat, pericopam hanc eo ultimo collineare, & referendam esse, manifestum est; ut, sicut in adfectionibus & actionibus longe diversus sit ab impiis, ita in iudicio Dei, quod impios tantum ferit, se aliter esse tractandum, nec cum iis e medio tollendum, adpareat. Quod ex professio alibi sæpe urfit, in specie Ps. xxvi., qui omnino confendus est. Hoc itaque scopo odium suum erga improbos declarat, ut se ab iis longe esse alienum, & aliam a Deo sortem mereri, demonstret. Præterea, cum hostes ipsum suspectum reddebant, & traducebant, tanquam ambitione & cupiditate prava agitatum, qualem vox propria designat, *virum sanguinolentum*, & *hypocritam*, qui Deum ad scelus loqueretur, eas criminationes a se repellit, odium talium hominum coram Deo professus: quod tanto opportunius & fortius facit, quanto major & plausibilior erat prava suspicio, & ansa hostibus, eum insimulandi. Prava ambitio & regni adfectatio ipsi facile imputabatur, non tantum quod viro forti, & de populo tam præclare merito in Goliatho occidendo, & Philistæis debellandis, populique adplausu jam condecorato, ea facile obrepit, sed & quod a Samuele, jussu Dei, jam designatus erat successior Sauli, seu rex Israelis: quod epitheton *improbi*, proprie cupiditate jactati, facile parere poterat. *Viri sanguinolenti* nota inuri poterat ab hostibus, quod sanguini hostium effundendo adfuetus, facile truculentiam induerit, *Sauli* quoque, ut ambitioni litaret, necem quæreret, *causam* quoque dedisse haberetur cædis *sacerdotum Dei*; ut ipse innuit, 1 Sam. xxii: 22. Denique *pro socio* sceleratorum traduci poterat, quod coram Saulo fugienti sese adjunxerint viri famæ minus honoratæ, 1 Sam. xxii: 2. Quo accedit, ipsum mox eam suspicionem de se confirmaturum videri posse, ad Philistæos se convertendo: quo tempore Ps. dixi compositum esse. Cum autem Dei & religionis studium ubique spiraret, quid propius, quam ipsi imputare, hypocrisim? qua *Deum loqueretur sceler-*

ſte & ad ſcelus. Hoc in rerum ſtatu ut ſe juſtificaret, & atroces, licet ſpecioſas, calumnias a ſe removeret, coram Deo omniscio, & juſto judice mundi, declarat, ſe ab iis vitiis & criminibus non tantum eſſe purum, ſed ſummopere abhorrere, ita ut ejusmodi ſceleratos & impios, tanquam *oſores Dei*, perfecto proſequatur odio, qui qualesque etiam ſint, ſine discrimine omnes, & in genere.

§. XLVI. Ex quo ſimul eluceſcit, ipſum non ſine ratione tam emphatice eſſe locutum, nec directe hos illoſve, Saulum ejusque ſocios, ſed in genere qualescunque in animo habuiſſe ejusmodi criminum reos. Quod ad genuinum verborum conſpectum, & Davidis deſenſionem, multum facit, 1. *Odium* ſuum erga ſceleratos & impios fortius exprimit, quam alias feciſſet, cum quod indignatio ſuper atroce calumnia animum ejus concitaverit, extra ſe rapuerit quaſi, & bilem moverit; adeo ut pro adfectuoſa haberi debeat oratione, non ad vivum reſecanda, tum, ut innocentiam ſuam clarius & certius teſtificaretur. 2. Sed non hos aut illos, non hoſtes ſuos definite, ſed in genere qualescunque ſine discrimine impios & improbos directe in animo habuit: adeoque impietatem & improbitatem in genere ſibi odio eſſe proprie & directe declarat: quare generali etiam ſermone uſus eſt. Inſtituit itaque hoc loco David fere quemadmodum Job. xxvii: 6, 7. *Juſtitiam meam retineo, neque eam dimittam, non carpet quicquam cor meum de diebus meis. Fiat, ut improbus, inimicus meus & inſurgens contra me, ſicut injuſtus &c.* h. e. ut verbis Schultenſii utar, manibus pedibusque obnixi id agitis, ut me vel impium eſſe fatear manifeſtum, vel ſaltem hypocritam. Atqui nullum apud me nomen ominoſius, odioſiusque; quippe ad quod totus horreo & contremiſco, non inveniens, quid vel capitali hoſti meo dirius imprecari poſſem. Vides hoc paſſo, addit in rem Vir Clar., imprecationem nullam in cujuſquam caput, vel oblique, vel directe jaci: ſed tantum inſinuari a viro ſancto, quid ſummum apud ſe gradum abominationis & diritatis occupet,

occupet, ut si quid capiti alicujus devovendum haberet ad perditionem tum temporalem, tum æternam, improbitate, vel felicissima, nihil gravius reperiri. Qua ratione defendi posset David, si vel optative dixisset, utinam occideres improbum; quod non fecit, ut modo observavi: ad odii fortissimam declarationem, ab omni criminatione liberandam, adtulisse suffecerit.

§. XLVII. Verum enim vero calumniam cenferi potest non tantum retudisse, & eo scopo odium erga impios, qua hostes Dei, testificatus, quod, ut dixi, directe intendit; sed & in veram calumniantium accusationem vertere, qua tacite eos eorum criminum reos agit, & eo nomine odio dignos; adeo etiam ut se eos, non qua hostes suos, nec qua homines, & in dignitate positos, sed qua hostes Dei, quales se præstabant, odio habere, idque legitime, vi pietatis in Deum adactum, tacite insinuatim iverit: ac si dixisset. Dicam impietatis mihi impingunt Saulus & focii, meque ipsos odio habere, tanquam ambitiosum & sanguinolentum, & coram Deo esse hypocritam, insimulant: sed, quantopere ab iis vitiis & sceleribus alienus sum, vel ex eo patet, quod Tibi, o Deus! profitear, me tales summo prosequi odio, qui eorum criminum rei sunt: quod si ipsos quoque odio habeam, ejus sola causa est, quod sese odiosos præbeant, tanquam sceleratos & impios, eorum vitiorum & criminum vere rei sint, quorum me accusant; quo nomine fateor me eos detestari, & pro meis declarare hostibus; salvis tamen justitiæ & humanitatis officiis, quæ ipsis, qua hominibus & dignitate illustribus, debeo, & ipsa pietas in Deum exigit. Significat itaque tacite, eos esse improbos & impios, & odium suum erga eos non esse hominis ambitiosi & scelerati, verum pii & probi, qui osiores tantum Dei, & eo solum nomine, odit; quales sese præstabant. Fatetur odium, sed longe aliud, ac ipsi maligne interpretabantur, odium erga eos tantum qua hostes Dei; quales non possit non, tanquam

pius Dei cultor, detestari. Hac ratione refutat non tantum calumniam hostium, sed in proprium eorum caput recidere facit; eos tales esse, & eo nomine vere odiosos sibi & piis aliis, declarans. Commendat hunc perieopæ conspectum indirectum & obliquum, cum quod in Saulum & socios cuncta recte quadrent, ut supra vidimus, tum quod & alibi simile telum in ipsos occulte vibraverit, ut, ne de Psalmis memorem, in quibus illud frequens est, in ipsa historia 1 Sam. xxiv: 13, 14. *Judice Jebova*, inquit David Saulo, cujus vitæ modo pepercerat, *inter me & te, & ulciscatur Jebova me a te, sed manus mea non erit in te, sicut antiquum dicit proverbium, ex improbis egreditur improbitas*: quo dicto David suam probitatem directe demonstrat, quia se non impium, sed pium modo comprobaverat Saulo, sed indirecte Saulum impietatis arguit, & judicium Dei ipsi denunciat.

§. XLVIII. In ultima Ps. parte repetit judicialem Dei explorationem, quacum inceperat vers. 1., adeoque concludit, sicut orsus fuerat, canticum, hoc solum cum discrimine, quod in principio fiduciam justificationis suæ in judicio exploratorio, a Deo instituendo, directe intendat, & se Dei examini indirecte tantum offerat, in clausula vero examen judiciale directius petat, cum certa fiducia approbationis Dei, addita supplicatione *ductio- nis Dei*, tanquam pastoris, in *via signata*, & æterna. Verba ita sonant, vers. 23, 24. *Subtilissime explora me, Deus! & cognosce cor meum, proba me, & cognosce intimas meas adfectiones; & vide, sitne via strictionis in me? & deduc me in via æternitatis*. h. e. Quod in principio dixi, me, a te exploratum, esse adprobandum, & justificandum, illud cum fiducia nunc ut fiat, peto; institue examen judiciale, explora & proba intimas & dominantes animi mei cogitationes & adfectiones, cognosce & vide, seu adparebit, ac in oculos incurret; animi mei

mei totam actuositatem nihil habere, quod me aut alios stringat, aut dolore adficere queat, opusque vinculo stringente & reprimente habeat; sed, contra, me viam signatam, regiam, antiquam, & æternam insistere; in qua ut me deducas porro instar pastoris, ne ab ea aberrerem, supplex oro. Qua paraphrasi cum scopum & sensum in omni complexu suo repræsentaverim; in ea illustranda versabitur opera nostra, ut adpareat, eam ex verbis recte esse eductam. Quem in finem ante omnia notandum est, petitionem explorationis & ductionis non esse animi, de statu & vita sua, ejusque rectitudine aut pravitate, dubitantis, ac solliciti; qui explorari a Deo cupit, ut sibi innotescat ipse, & in viam rectam ac salutarem, nondum calcatam, duci petit, sed de probitate ac innocentia sua probe persuasi, qui divino illam petit adprobari testimonio, & in via, quam tenuit, confirmari, ac ulterius deduci, supplicat. De quo ex toto Ps. facile constat, & ad vers. 1. abunde egimus. Duo itaque cum fiducia petit, *alterum*, ut a Deo iudice exploretur, respectu intimarum animi adfectionum, sintne malæ an bonæ? *alterum*, ut in via recta & regia conservetur & dirigatur.

§. XLIX. Quod ad prius adtinet, *α.* petit, ut exploretur & probetur a Deo *β.* idque eo scopo, ut rectitudo animi & adfectionum adpareat, & adprobetur. *α.* Petitio ipsa, verbis *explorandi* & *probandi* a Deo iudice expressa, nihil habet difficilis; five unum idemque diversis insigniatur verbis; quorum alterum, *חקר* exactissimum scrutinium, ad minutias usque, a primaria *attenuandi* potestate ad summam exilitatem, *posteriorius* *חקר* *explorationem*, *terendo* ad coticulam, a primigenia terendi, lævigandi, potestate, utrumque itaque exactissimam explorationem & probationem, denotat, five prius ad *scrutinium* iudiciale, posterius ad *probationem* experimentalem per mala & adfectiones, quibus quis tentatur, & virtutis

virtutis signa eliciuntur, referatur: fumitur enim pro quoque pro *tentare* malis, seu vexare & adfligere: uti Job. vii: 18. quale quid sibi a Deo contigisse tradidit vers. 3., ut ibi vidimus. Petit itaque, ut a Deo examinetur judicialiter, etiam, ubi opus fuerit, ulterius exploretur & tentetur, experimentumque sui animi capiatur.

S. L. β. *Scopum & effectum* examinis & explorationis exponit, quum addit, & *cognosce cor meum, intimas meas adfectiones*, & *vide, num sit in me via strictionis*. h. e. explora cor & adfectiones meas, ut adpareat, sicut adparebit, nihil perversi & improbi esse in cogitationibus & adfectionibus meis, sed, contra, me *viam sculi* insistere. Verba, *cognosce & vide*, scopum & effectum examinis instituti declarant, adeoque significant, & ut cognoscas, & reapse cognosces: sicut vers. 1. habuimus, ut *cognoscas*, vel & *cognosces*. *Cognoscere & videre* conjunguntur ad certam & claram rei manifestationem denotandam, coram Deo & hominibus. *Cognosces* scilicet, tanquam iudex, post examen, & causæ accuratam investigationem; quod idem est, ac *cognoscetur & adparebit*. Loquitur humano more de Deo, tanquam iudice; ut facile adparet. Sed quid fiet manifestum? cordis & adfectionum intimarum innocentia & rexitudo. *Cognosce*, dicit, *cor meum & adfectiones meas, vide num sit in me via strictionis!* h. e. cognosce, nihil in corde & adfectionibus meis esse strictionis. Hac enim ratione sermo est ordinandus & intelligendus, ac si dixisset, *cognosce & vide num sit in corde meo ac adfectionibus via strictionis?* Quæ forma loquendi non est dubitantis, sed negantis, & contrarium adfirmantis, idemque dicit, ac *cognosce*, non esse tale quid in me, sed contrarium; non *viam strictionis*, sed *viam æternitatis*, quod ex seq. membro supplendum est; cum illud insinuet, eum esse in hac via, & preces tantum contineat pro conservatio-
ne

ne & directione sui in ea: ut mox videbimus. *Cor* & *cogitationes*, seu *adfectiones* intimas ac dominantes, cum memorat, vel *cordis* seu animi cogitationes & adfectiones simpliciter intelligit, vocibus illis elegantiae causa tantum divisus, vel nomine *cordis* restricte comprehendit tantum *intellectus* & *judicii* actiones, & nomine altero *voluntatis* adfectiones & operationes, quæ alias *animæ* vocabulo insigniuntur; ita *cor* & *anima* subinde eo sensu conjunguntur, ut Deut. vi. *amare Deum toto corde & tota anima*. Quicquid sit, voce *קור* intimas & dominantes animi adfectiones exprimi, certum est, sive sit ex duabus radicibus, *קו* tendere, extendere in longum, & *קו* vel *קו*, sive ex *קו* cum *ו* epenthetico notionem intendente, ut apud Arab. & Chald. *a*. Radix vero *קו* & *קו* proprietatem habet apud Arab. in *cacumine* & *vertice* omnis rei, speciatim montis, & coma capitis propendula, nec non arboris; unde pro *capite cordis* usurparet, quo titulo intelligunt id, quod in corde *præcipuum* est & q. summum cacumen, figurate vero *secretissimas* cogitationes designat, quæ totum cor occupant & implicant cum *vehementiore adfectu*, etiam quæ *distrabunt* *b*. Sunt itaque hoc loco intimæ & dominantes animi adfectiones.

§. LI. Adtribuit his animi sui cogitationibus & adfectionibus *innocentiam* expresse, & *puritatem* ac rectitudinem implicite. *Priorem* exponit, cum dicit, vide num *sit in me via strictionis*. h. e. in meis intimis cogitationibus ac adfectionibus aliquid, quod me aut alios stringit, seu strictione opus habet ac repressione. *Via* hic significat cogitationes, deliberationes, & proposita; quo sensu Deo quoque adtribuitur, & cum *cogitationibus* permutatur, ut Jes. Lv: 8. sed una cum actionibus, inde fluentibus, & secundum eas institutis. Sic petit Moses,

a Simon form. nom. p. 674. in not.
Job. iv: 14. xx: 2.

b Schultens ad

ses, ut Deus ipsi *vias suas* manifestaret Ex. xxxiii. *Viam* eo sensu hic venire, inde confirmatur, quod addat *in me*, num sit *via in me*? scilicet. propositum, consilium, quod actiones meas dirigit, quibus mens mea intus incedit, & quas ipso opere tenet extus. Sed quid est *via*? in genere, secundum proprietatem radicis, *strictionis*. Proprie enim denotat *firmiter vinxit*, *artiusque strinxit*, nervis ac tendinibus colligavit; unde *via* est *nervus*, ac nervorum in corpore implicatio ac contextura Job. x: 8. Prov. v: 10. xv: 23. ex quo fonte etiam *idoli* fluxit usus, q. d. simulacrum affabre factum, eaque arte elaboratum, ut vivere ac spirare videatur. Præterea alio flexu *vincire*, tum in corpore, tum in animo percipit, pro dolore *adficere*, q. d. nervo, vinculove adducto male urere, in specie, rigidissime, & nervis, quod dicitur, intentis exercere *exactiones* & oppressiones Jer. lvi: 3. nec non vinculis urentibus, quæ notas & maculas lividas relinquunt, constringere animal libidinosum & exorbitans a. *Via* itaque *strictionis*, sic absolute dicta, nullo addito restrictionis signo, adeoque latissime sumenda, est propositum & institutum vitæ i. valde arctum, constrictum & impeditum, quod ubique offendit, & laqueos injicit, ac vincula urentia & maculas relinquentia, adeoque prævum, prohibitum, & contrariolum. *Semitam non adgestam*, vel stratam, adpellat Jer. xviii: 15. 2. idololatricum, quo secundum præscriptum & religionem, *viam idoli dictam*, inceditur: casus ratio hic apta habetur, quia ad Philistæos, idololatricam gentem, paratus erat se conferre: unde suspicio & accusatio animi idololatrici potuit oriri. Conf. i Sam. xxv: 19. 3. tyrannicum, quo alii premuntur & opprimuntur, vinculisque arte constringuntur. 4. demique *dolorificum*, quo animus & conscientia laceratur, & homo judiciis divinis mancipatur ad summam infelicitatem & molestiam.

S. LII. Sed

a Schultens Defect. §. 154. & Ambig. §. 29.

§. LII. Sed negat non tantum ejusmodi viam a se teneri, &, instituto examine, deprehendendam in se esse a Judice supremo, verum contrarium de se affirmat; quum subjungit, quæ altera est petitio, & deduc me in via seculi vel æternitatis: sic enim vertenda sunt verba, & non in viam; indicat enim, vel præsupponit, se in ea via esse, oppositæ ad viam strictionis, quam modo a se removerat, adeoque petit tantum, ut Deus se in ea conservet, & deducat ad optatum exitum, instar pastoris gregem minantis & deducens; est enim verbum נחה pastoritium, & dirigere ac deducere denotat. Sed quid est via נחה seculi vel æternitatis? Phrasis in Script. bonum in sensum & malum occurrit; dicitque & prævum, & laudabile ac bonum vitæ institutum. Priori sensu in malum reperitur Job. xxii: 15. Profecto viam seculi, נחה עולם, servas, quam calcarunt sodales vanitatis. In bonum vero Jer. vi: 17. consistite juxta vias & videte & rogare de viis seculi; ubi hæc via bona illa! nec non c. xviii: 15. Impingere eos fecerunt in viis ipsorum (ipsis præscriptis & præparatis,) viis seculi (planis & probatis) ad ambulandum semitas, viam non aggestam. Cum priori sensui hic locus non sit, ut facile adparet, posterior est ad optandus; qui ex vocis נחה significatione facile sese offert, sive propria, sive translata attendatur. Proprietatem habet in signando, sigillo impresso notando; unde inter alia ad publica autoritate munitum, ac signis impressis tritum, nec non æternitatem, seu signatam, & hominibus occultam, durationem, transiit a. Via נחה itaque erit, si propriæ & translata significationis ratio habeatur, institutum vitæ 1. signatum a Deo, & ejus autoritate munitum: sicut Joh. vi: 27. filius hominis dicitur a Patre signatus, & obsignatus; simul ab ipso custoditus, & ipsi consecratus. Quo sensu capi posse Ps.


XLVIII:

a Schultens Defect. §. 163.

Kkkk 2

XLVIII: 15. *ducat nos מלכך signate; signatura pastorizia notatos & distinctos*, observat Schultens a. 2. antiquissimum, seu ab ante æternum, seu vestigiis sanctorum per omne retro tempus presum, & notatum, uti Prov. xxii: 28. *terminus מלכך est antiquus*, & post duraturum in æternum, quod itaque nunquam aboleri poterit, sed ab omnibus calcandum & tenendum est: uti Jer. l. c. & in phrasi simili Jes. xxiv: 5. *fœderis æterni*; ubi vid. Cl. Vitranga. 3. Denique quod ducit ad æternitatem, seu ad felicitatem durabilem & æternam. In quibus si acquiesci nequeat, nihil rectius suppetit, quam cum Polo *viam tuam* legere, adfixo ך *tua* latente & absorpto in littera eadem præcedente vocis ךך & sensum constituere, quo petat, ut Deus ipsum deducat *in via sua*, seu Dei, *in perpetuum*; ut מלכך sit pro מלכך in æternum, seu per omnem vitam.

• a L. c. §. 189.



PSALM.

60000 60000 60000 60000 60000 60000

P S A L M. CXL.

1. *Præcentori, Psalmus Davidis.*
2. *Libera me, Jehova, ab homine maligno, custodias me a viro crudissimæ violentiæ.*
3. *Qui machinantur mala in corde omni die defleſcent, vel insidiari solent, in bello acerrimo.*
4. *Acuerunt linguam suam instar serpentis, venenum aspidis sub labiis ipsorum. Sela!*
5. *Serva me, Jehova, a manibus improbi, custodias me a viro violentiarum; qui cogitarunt inpellere gressus meos.*
6. *Occultarunt tumidi grasfatores laqueum mihi & funes; expanderunt rete ad latus orbitæ; tendiculas mihi posuerunt. Sela.*
7. *Dixi Jehovæ; Deus meus tu es, exaudi, Jehova, vocem supplicationem mearum.*
8. *Jehova Domine robur invictum salutis meæ es, vel fuisti; prætexuisti capiti meo die armaturæ.*
9. *Ne concedas, Jehova, desideria impii; capistrum ejus ne luxes, efferrent, vel ut efferant, Sela!*
10. *Caput, inquam, qui me circumagunt. Vexatio affligens labiorum ipsorum involvet eos.*
11. *Divergentur super eos pruna ignita, cadere ipsos faciet in ruinas fractas, non surgent.*

12. *Vir lingua non firmabitur in terra; virum violentia venabitur malum ad protrusiones usque.*
13. *Novi, Jehovam litem adflisti acturum, iudicium impum.*
14. *Profecto iusti laudabunt nomen tuum, sedebunt recti cum facie tua.*

P R O L E G O M E N A.

§. I.

Argumentum Pf. est viri pii, Deoque singulari foedere conjuncti, & singularis ejus curæ objecti, in liberatione quoque & conservatione multiplice in bello & prælio demonstratæ, nunc aliquandiu ab improbis calumniis obruti, & omni modo, qua arte qua marte, ad necem quæsitæ, supplex ad Deum oratio, qua conservationem & liberationem ab eorum infestationibus petit, una cum fiducæ testificatione, qua preces exaudiendas, & improbos illos e medio tollendos esse quantocyns, sese persuasum esse declarat, in eo etiam fundata, quod Deus improbos, calumniatores & violentos persecutores, ferre non soleat, sed suis consiliis perire sinat, tenues vero & humiles vindicare, justosque coram facie sua sedere & lætari facere soleat. Incipit cum supplicatione liberationis suæ ab improborum, quorum lineas ducit, insidiis & oppugnationibus, quarum aliquam dat notitiam, dein fiduciam suam in Deum, tanquam suam, & cujus protectione in bello & prælio haud una vice gavisus erat, declarat, qua sibi promittebat exauditionem precum, & hostium improborum repressionem, ac destructionem brevi secuturam esse, confidebat. Quando denique subjungit,

git, etiam ad fiduciam suam firmandam, generales quasdam veritates, seu regulas providentiæ Divinæ, calumniatores & violentos persecutores in terra non firmari, sed exterminari; tenues & humiles oppressos vindicari, justos Deo coram frui, & nominis ejus laudandi materiam habere.

§. II. Ad cujus argumenti verum conspectum facit, notasse 1. personam loquentem esse pium non tantum & justum virum, uti facile patet, & vers. 19. etiam indicatur, sed & singulari modo Deo consecratum, & foedere ipsi junctum vers. 7. qui etiam protectione Dei in bello ac prælio gavisus erat in specie, vers. 8. 2. Eundem esse, & aliquandiu fuisse, odii & persecutionis hominum improborum objectum, qui depinguntur tanquam machinatores mali, & insidiatores ad bellum inferendum innoxii ac justis quibusvis, simul calumniatores & obrectatores acerrimi vers. 3, 4. 3. Infestationem illam fuisse in eo sitam, quod calumniis ipsum obruere, & quibusvis artibus, ac modis aliis hostilibus, ubicumque perdere conabantur, vers. 5, 6, 10. 4. Infestationem illam non tantum aliquandiu durasse, ut ex verbis præter. temp. vers. 6, & improbitatis signis extantibus & notis, a quibus colores, qui depingunt eos, desumpti sunt, vers. 3, 4. patet, sed nunc ad summum venisse, ita ut frænum a Deo fuerit coeptum injici, & judicium eorum ante fores. Quod colligi posse videtur ex judicii Divini, ipsis imminenti, declaratione, cum fiducia facta, vers. 9---11. ut suo loco videbimus.

§. III. Quæ criteria nos non tantum ad tempus persecutionis Davidis, qui autor Ps. est, a Saulo, & aulicis ejus in genere ducunt, quod communiter admittitur, sed in specie ad illud, non Doëgi & Ziphitarum 1 Sam. xxii. xxiii. ut multis videtur, sed quo summum adtigerat gradum, & a fini suo prope aberat, adeoque, quo ad Philistæos sese vertere constituit, & Saulus ab eo quærendo

rendo desistere debuit, mox etiam bello cum Philistæis implicitus fatum, hic prædictum, invenit cum aliis improbis, David vero cum sociis vindicatus & in throno collocatus est. Quo ultimum criterium haud obscure tendit, & ex quo pericopa vers. 6---11. inprimis illustranda est: ut tractatio docebit. Conf. dicta ad Ps. xxxv. ejusdem temporis, quæ ad hunc nostrum etiam adplicanda sunt: sicut & quæ de *scopo* ibi adtuli, huc transferri possunt; quare ad *structuram* orationis, & *analysin*, mox pergere licet.

§. IV. Oratio in precatione & fiduciæ ac expectationis declaratione continuo ad Deum dirigitur, nisi quod in prædictione exitii improborum de Deo in tertia persona loquatur, quod etiam facit, ubi generales providentiæ regulas respectu impiorum & piorum, illorum represionis, horum vindicationis, exhibet, excepto, quod, *justorum* sortem repræsentaturus, sermonem rursus ad Deum vertat. Loquitur autem una eademque persona, cum nulum sit diversarum indicium, male in vocula *Selab* quæsitum; quod sæpe alias observavi. Sermo parum habet impediti, si verba recte intelligantur, emphaticus tamen & subinde figuratus; ut pasim in odis Davidicis. *Partes* tres sunt generales, in quas recte dividitur. I. *Prima* continet nudam supplicationem conservationis & liberationis ab improborum infestationibus, bis cum insigni variatione, postea monstranda, factam, vers. 2---6. II. *Secunda* vero fiduciæ in Deum testificationem, cum ejus fundamentis, in sua ad Deum relatione, & præteriti temporis experientia, sitis, indeque orta prædictione represionis & destructionis hostium, vers. 7---11. III. *Tertia* denique generales providentiæ Dei regulas respectu impiorum & piorum, vers. 12---14.

EXPLI-

E X P L I C A T I O.

§. V. Investigatione hypothesios Pf. exponendi cum opus non sit, ad explicationem mox pergam. Cum enim nihil hic sese offerat a Davide, & tempore Pf. compositi, quod supra definivi, alienum, in eo merito acquiescitur; quod Interpretes etiam communiter faciunt, in tempore tantum a nobis dissentientes. Tillius quidem, post Coccejum, diversas periodos afflictionis Ecclesiæ Christianæ a Judæis, Gentilibus, & Antichristianis, usque ad novissima tempora felicia depingi autumat; sed sine ullo fundamento. Quod enim in ultima pericopa ponitur, valde sublestum est, & in perverso insuper ejus fundatum intellectu. De quo postea. I. Prima itaque pars Pf., ut ejus expositionem adgrediar, preces comprehendit pro conservatione & liberatione ab hostibus improbis, *his* repetitas cum hac notabili variatione, quod in *priore* parte characteres hostium suorum ducat, in *posteriore* vero suas ab iis infestationes repræsentat: repetitio nimis est manifesta, quam ut in dubium vocari possit; variationis vero memoratæ indicium quoque in eo est satis clarum, quod in *priore* parte de hostium qualitatibus in genere loquatur, in *posteriore* autem relate ad se, & de eorum facinoribus in suam personam commissis agat.

§. VI. α. In priore parte supplicationis α. occurrit ipsa petitio, vers. 2. β. qualitatum hostium generalis descriptio, vers. 3, 4, α. Petitio ita sonat, vers. 2. *Libera me, Jehova, ab homine maligno, custodias me a viro crudissimæ violentiæ.* h. e. Supplex peto a Te, qui Jehova es, Deus verax justus & bonus, ut me a cujuscunque sortis hominibus, sive villioris & infirmioris, sive dignioris & potentioris, qui malo sunt animo, & summam exercent violentiam, custodias, ne eorum in

manus incidam, simul extrahas, & in liberum ac securum statum adferas. Verba, ut sæpe alias, elegantiae causa divisa, secum connectenda sunt, acsi haberetur: *ab homine, & viro malo ac violentiarum, custodias & liberes me.* Homo & vir copulantur non per simplicem epexegetin, ut putatur, sed ad cujuscunque sortis homines designandos, & vilioris & excellentioris; adeoque Saulum, Doegum, aulicos, & alios qualescunque, qui Davidem ad Saulum detulerunt; ut Ziphæi & alii fecerunt. Hac enim ratione *homo & vir* junguntur & distinguuntur Ps. XLIX: 3. & alibi, ubi vid. dicta. De epithetis *mali & violentiarum*, seu summæ violentiæ, quam num. pl. denotat, verbisque *custodire*, & *extrahere*, nihil moneo, cum alibi illustraverimus, nisi *Saulum* quoque alibi *virum violentiarum* adpellari, 2 Sam. XXIII: 49. & Doegum tanquam *malum & malignum* depingi Ps. LII.

§. VII. β. Præ hæc horum hominum qualitates *a.* stylo simplici, vers. 3. *b.* figurato vers. 4. describuntur. *a.* Nudis & simplicibus verbis vers. 3. quæ ita habent: *qui machinantur mala in corde, omni die defleſcent, vel defleſcere ſolent, in bello acerrimo.* h. e. Hominum & virorum malorum ac violentorum titulis eos ex vero insignivi, quia ſeſe tales omni modo præſtant: meditantur enim & excogitant in corde quævis mala, & verſantur ipſo opere in aliorum hoſtilibus oppugnationibus, nec una alterave vice, ſed continuo, & omni data occasione. Quales quin ſeſe exhibuerint Saulus, & improbi ejus aulici, dubium non relinquunt ſpecimina in Davide, Jonathane, ſacerdotibus Jehovah, & aliis, in hiſtoria expreſſe notata. Nihil hic nobis eſt relictum notandum, præter verum ſenſum phraſios ſingularis, יָחַד מַלְכוּתָם quæ verti ſolet, *vel contrabunt bella*, vel ſe *coſtigunt ad ea*, vel ſimile quid. Reddi poteſt rectius cum Gejero, *commorantur in bello*, tanquam ſcilicet in hoſpicio ſuo; quem uſum

usum notissimum habet *וַיִּשְׁתַּחֲוֶה*, & præp. *וּבְ* in usitata est elliptis. Sed admitti quoque potest potestas *insidiandi* & *latrocinandi*, quam exserit verbum *וַיִּשְׁתַּחֲוֶה* a primigenia *deflectendi* a via, & divertendi; de qua dixi ad Ps. LVI: 7. LIX: 4. quod vers. 6. est congruentius, & usui verbi; nam *commorationem* cum dicit, talem solet designare, qua quis *clientela potentioris* fruitur, nisi quis sermonis aliquod acumen hic velit captatum, quo indicaretur, eos sese *bello* in clientelam dedisse, & ita in eo, tanquam hospitio clientelari, versari. *Divertendo* vero insidiari & latrocinari *in bello*, seu bellum gerere insidiosè & latrocinialiter, sicut phrasi, ita rei ipsi est adcommodum. Quare in eo acquiesco. Ceterum *omni die* cum dicitur, simpliciter significatur, eos in eo esse assiduos, & omni data occasione id agere; quod non est difficile. Quo forma fut. temp. in *וַיִּשְׁתַּחֲוֶה* *deflectent* etiam ducit, dehotare enim solet consuetudinem, & suetum agendi morem.

§. VIII. b. Figurata descriptio his verbis effertur vs. 4. *Acuerunt linguam suam instar serpentis, venenum aspidis sub labiis ipsorum.* h. e. animo infixum habent, & ore proferunt, quicquid lethale vulnus infligere potest proximo. Quod modo *machinari malum in corde*, illud hic *venenum aspidis sub labiis* habere, & quod modo *divertere in bello*, illud hic ad virulenta & hostilia verba extenditur, & *acuere linguam instar serpentis* dicitur. Figurata itaque est descriptio malignarum machinationum, & hostilium invasionum, quibus, vel in iudicio vel extra illud, proximus calumniis, & malignis accusationibus obruitur, & ad necem trahitur. Cujus criminis sese reos præstiterunt, qui sacerdotes Dei accusarunt, & Davidem apud Saulum persecuti sunt. Quo varii pertinent Ps., in specie ad priorem casum Ps. LVIII. ubi eadem fere phrasès occurrunt, & LII. ubi de Doege agitur. Nihil hic occurrit, alibi non observatum. Conf. in primis de

phraſi *acuere linguam inſtar ſerpentis* Bochartus *a*, ut & de voce עָשָׂה pro *aspide* *b*.

§. IX. א. In poſteriore parte ſupplicationis *a* repetitur ipſa petitio iisdem verbis fere verſ. 5. *Serva me, Jehova, a manibus improbi, custodies me a viro violentiarum*. Ubi hoc tantum discriminis occurrit, quod loco verbi *eripere* fuerit *uſus conſervandi*, & pro, *ab homine malo*, dixerit *a manibus improbi*: quæ nihil habent difficilis. Tantum not., verbum עָשָׂה hic exſerere ſenſum prægnantem, quo *custodiendo eripere* denotat; quæ tatione ſuperiori verbo *extrahere, liberare*, rectius convenit. ב. Qualitates & actiones pravæ hoſtium delineantur relate ad Davidem ipſum *a*. in genere reſpectu ſcopi & finis infeſtationum Sauli & ſociorum, verſ. 5. *qui cogitarunt impellere gresſus meos*. *b*. e. illos innuo improbos & violentos, a quibus liberari cupio, qui hoc unice propoſitum habent, & eo deliberationes ac conſilia dirigunt, ut me in via mea, qua arte qua marte, violento impetu de gradu dejiciant, & in fugam dent, aut perniciem. Quod Saulo & ſociis in animo fuiſſe, nemini non notiſſimum eſt. Nihil obſervandum habeo. De verbo עָשָׂה dixi ad Pl. xxxv: 5. xxvii: 13. & alibi. Origo eſt in *volutione, pervolutione*, adeoque compulſionem & protuſionem violentam dicit cum provolutione, & diſſectione; ut quid diſſipatur, aut pereat. Quare *cadere*, tanquam effectum, ſubinde adjungitur. Pl. xxxvi. & cxviii: 13.

§. X. Subjungitur modus, quo illud efficere adgreſſi ſunt, & quem hucusque tenuerunt verſ. 6. *Occultarunt tumidi graſſatores laqueum mihi & funes; expanderunt rete ad latus orbitæ, tendiculas poſuerunt mihi*. Quæ verba, ut accumulatio-phraſium ſine emphafi evitetur, mihi reſpicere videntur ad varias perſecutionis periodos & vices; primum in aula Sauli, dein in fuga Davidis, donec

a H. p. I. l. I. c. 4.

b p. II. l. III. c. 4.

donec consilium sumferit terram Israelis deferendi. Ad malignas artes, quibus Saulus & aulici usi sunt ad Davidem, in aula adhuc versantem, in perniciem trahendum, I Sam. XVIII., respiciunt priora verba, *occultarunt violenti grasfatores laqueum mihi & funes*: hæc enim jungenda sunt; cum cohæreat vox *funes*, per voculam conjunctivam &, cum *laqueo*, & ei etiam recte conveniat, ad *laqueum* non qualemcunque, sed *expansum* exprimendum; ad capiendam prædam. Quod ipsa voce *na* in origine quoque involutum est. Radix enim est *na* *expandit*; unde ortæ sunt secundariæ notiones 1. *laquei*, non cujuscunque, sed *expansi* ad prædam capiendam 2. *lamina* expansæ, seu *malleo* deductæ. *Laqueus* itaque & *funes*, laqueum denotant funibus expansum. Qualem cum *occultas* dicuntur Davidi, clandestinæ eorum artes, quibus ipsum in perniciem trahere conati sunt, significantur; quales tunc in primis adhibuerunt, quum in aula Sauli adhuc versaretur; uti constat. Adpellantur autem hostes & insidiatores *נִסְתָּרִים* cum quod *eminentes* fuerint viri, tum quod in Davidem *intumuerint*, & insolentes sese præstiterint; sicut postea maxime demonstrarunt per violentam in eum grasfationem, quam nunc *occulte* magis instituerunt. Radix *na* proprietatem habet in *eminendo* per sui *extensionem*, vel *tumescendo*, &, met. ab intumescentibus aquis ducta, transit ad violentas grasfationes *a*.

§ XI. Secutæ deinceps sunt apertæ persecutiones, copiis immisissis, quibus Davidem subinde circumcinkerunt instar feræ capiendum. Quo referri poterunt verba, quæ sequuntur, *expanderunt rete ad latus orbitæ*. h. e. publice in via, qua ibam, copiis suis tanquam rete *expansis* me cinxerunt, ne evaderem; quod una alterave vice legimus contigisse, uti constat. Vid. I Sam. XXIII:

26.

a Schroeder ad Pf. x: 2.

LIII 3

26. & xxix. Simili vero metaphora usus est Pf. lvi: 7. *rete pararunt meis gressibus &c.*: ubi ad casum i Sam. xxiv. respicitur. Sic ad leonem capiendum adhibetur Ez. xix: 8. *super quem expanderunt rete suum*; scilicet, quum Babylonii regem Judæ ceperunt. *Rele expandere* solet de regibus adhiberi, qui copiis aliisque instrumentis populos sibi subjiciunt, Hab. i: 15. Præterea phrasis *expandere rete* in genere depingere subinde solet inevitabile periculum vitæ inducere. *a* Quod huc recte adplicatur. Additur insuper, *tendiculas posuerunt mihi*, ad indicandum, mi fallor, publicas persecutiones fuisse cum blanditiis fallacibus subinde conjunctas, quibus David alliceretur, ut se denuo crederet Saulo, & ut antea, in aula ejus versaretur. Quale quid his legimus factum, i Sam. xxiv: 17— & xxvi: 21. Quod apte exprimitur per *tendiculas ponere*: sicut alibi *rete expandere* adpellatur Prov. xxix: 5. *Vir glabris utens blanditiis erga socium suum, rete ad gressus ejus expandit*; quod hic est *tendiculam ponere*.

§. XII. II. Secunda Pf. pars, quæ fiduciæ testificationem una cum ejus fundamentis & consequentibus comprehendit, vers. 7—11. hoc ordine decurrit. *u.* Fiduciam cum fundamentis, quibus innixa erat, exponit vers. 7 & 8. *z.* inde ortam expectationem & prædictionem excidii hostium suorum improborum profert, vers. 9—11. *u.* Prius his fit verbis, vers. 7, 8. *Dixi Jehovæ, Deus meus tu es, exaudi, Jehova! vocem supplicationum mearum; Jehova Domine! robur invictum salutis meæ es, vel fuisti; prætexuisti capiti meo, die armaturæ.* h. e. Cum me tibi consecraverim, & tibi arcto foedere junctus sim, ut dicere licuerit, *te esse Deum meum*: cum fiducia precari ausim, ut meas supplicationes, modo fusas, & alias, exaudias; eo etiam confidentius, quod te mihi robur & arcem salutis præstiteris, & in bello, loco armaturæ, tu mihi caput seu vitam fueris tuitus, & feceris salvum. Secundum

quam

a Schultens ad Job. v: 5. xviii: 8, 10.

quam paraphrasin præmittit relationem suam ad Deum jam ante initam, & dein precum, nunc fusarum, exauditionem subjungit, quando eam nova ratione urget, & confidentiam suam novo fundamento fulcit, ex superiorum temporum experientia. Sed possunt quoque omnia capi de præterito tempore, quo Jehovam, tanquam Deum suum, oravit, & expertus est patronum ac liberatorem; qua ratione verba, *exaudi Jehova vocem supplicationum mearum*, ad verbum *dixi* referenda sunt, & cum eo cohærebunt, & vers. 8. continebit exauditionis precum specimen, quod antea consecutus erat; adeoque paraphrasis ita instituenda. *Dixi antea tibi Jehovæ; Deus meus tu, exaudi supplicationes meas*, nec frustra, exaudivisti enim semper, dum te mihi præstiteris *robur salutis*, & prætexisti *capiti meo in die armaturæ*. Quæ hypothesis pericopam explicandi posterior magis placet, 1. quia ita instituit Ps. xxvii: 8, 9. &c. ut ibi exposui. 2. quia voces, *exaudi preces meas*, vers. 7. æque ac *Deus meus es*, manifeste cohærent cum verbo *dixi*; utique sermo ita rectius fluit. 3. quia, cum vers. 8. specimen exauditarum precum in liberatione a Deo præstita repræsentetur, eas ante illud specimen fusas vers. 7. intelligi, longe aptius est. Continent itaque hi duo versus fundamentum fiduciæ & expectationis excidii hostium, cujus prædictionem vers. 9. &c. cum fiducia ob oculos sistit.

§. XIII. Memorat itaque, ut secundum jactam hypothesein verba breviter explicem, *a.* quacum fiducia & quo fundamento Deum antea fuerit solitus orare vers. 7. *b.* quem effectum habuerit supplicatio, vers. 8. *a.* Prius his verbis, vers. 7. *Dixi Jehovæ; Deus meus tu, exaudi Jehova vocem supplicationum mearum.* h. e. hoc fundamento, quod te, sese mihi offerentem Deum, receperim, corde ac ore professus te esse Deum meum, cujus sum servus & foederatus, cui etiam fido, hoc inquam fundamento *dixi* ulterius, *exaudi preces meas.* *Dixi* itaque antea semper, *tu es.*

es Deus meus, & dixi, eo nixus, exaudi me. Præmittit conditionem a se præstitam, in foedere Dei adsumendo, & in eo fundasse se exauditionem subjungit. Plane quemadmodum Ps. xxvii: 8. *Tibi dixit cor meum, quærite faciem meam, quæram Jehovah faciem tuam, ne occultes faciem tuam a me &c.* Antecedens, seu fundamentum precum est, quod dixerit Jehovah, eum esse Deum suum, corde nim. & ore Jehovah receperit pro Deo suo, cui, quicquid est, habet & potest, debeat, & consecret, & a quo omnem suam felicitatem expectet, ita ut & ipse Dei sit, & Deus quoque sibi in Deum; uti Zach. xiii: 9. *dicam, populus meus ipse, & ipse dicet, Jehovah Deus meus.* Complectitur itaque formulam foederis, qua Deus dicit, *ego sum Deus tuus, & fidelis, ego sum servus tuus*; quæ hic phrasi, *tu es Deus meus*, exprimitur; & significat David, se arctam ad Deum habere relationem, & cum eo esse in foedere, sive generali cum populo Dei, sive speciali, quo Dei servus erat constitutus, ipsi speciatim dicatus, & specialibus promissis mactatus. Hoc fundamento nixus declarat, se a Deo solitum fuisse petere & expectare exauditionem precum suarum; quibus Dei auxilium & favorem, ubi opus fuerit, supplicaret: quum subjungit, *exaudi Jehovah vocem supplicationum mearum*; quod idem fere est, ac Ps. xxvii. *ne occultes faciem tuam a me*: ut ibi exposui: scilicet, quum dixerim, Jehovah, Deus meus tu es; dixi etiam cum fiducia, *exaudi supplicia mea*. Quæ ex dictis satis facilia nunc sunt.

§. XIV. b. Effectum & consequens confessionis & pre-
 cationis, ante factæ, hæc verba proponunt vers. 8. *Jehova Domine! robur salutis meæ fuisti, prætexisti capiti meo die armaturæ.* h. e. Quod tanquam fidelis & foederatus te oravi, o Deus! consecutus sum: tu enim, Jehovah Domine! robur invictum meæ liberationis & salutis te præstitisti, omnibus in periculis, & tempore belli, quo censebar e medio auferendus, tu caput & vitam meam reddidisti

didisti incolumem, & loco clypei, ac armaturæ, mihi fuisti. Sic & Ps. xxvii: 9. *ne occultes faciem tuam a me, nec servum tuum in nasum das, fuisti mihi auxilio.* Declarat itaque, Deum sibi fuisse & præstitisse *robur salutis*, & *caput obtegisse die prælii.* Quorum prius generalius est, & qualemcunque liberationem, ex quocunque periculo, Dei potentia concessam & adductam, comprehendit, *posterius* in specie ad periculum bellicum respicit, cujus specialem facit mentionem, quia favoris Dei erga ipsum & precum exauditarum exstantiora in eo erant indicia, ut quum Goliathum prostravit, & cum Philistæis, adhuc in aula Sauli versatus, varia habuit cum continua victoria prælia: uti ex historia in vulgus notum est. Nihil admodum difficilis, aut nostræ relictum curæ; tantum de elegantia & emphasi phrasium in membro posteriore aliquid monebo. Verbum *pro*, quo utitur poeta, proprie esse *texere*, *prætexere*, inde *tegere*, *protegere*, tanquam sepimento prætexto supra ad Ps. cxxxix: 13. observavi: recte itaque vertitur, *prætexit capiti meo*, quasi sepimento obducto illud texisti. Addit, *in die armaturæ.* h. e. prælii, quo armatura, galea & clypeo, caput & corpus tegi solet. Vox *pro*, cujus proprietas est in *arctius adhærendo*, ut in *osculando*, quum labra labris adpinguntur, inde transit ad *armaturam*, proprie illam, quæ arctius adhæret, & totum corpus munit, cujus & hic ratio præcipue habenda est. Cum autem *armaturæ* locus sit in bello & prælio, eo etiam referri potest, & solet: ut Job. xx: 24. ubi *armatura ferri* est acies ipsa, gravibus armis horrenda. Dies *armaturæ* itaque est tempus belli, & prælii, quo armatura opus est, & indui solet. Sed majore emphasi pollet phrasim, *prætexit capiti meo die armaturæ*, quam ut simpliciter significetur, Deum ipsum in prælio præstitisse saluum; denotat enim simul, Deum ipsi fuisse loco *armaturæ*, ita ut Deus ipsius capiti prætexuerit, quo die armatura, & tegumento capitis & corporis, opus esset; cujus

Mmmmm

vicem

vicem Deus sua tutela præstitit. Non enim dicit, ut alias, *יום קרב die pralii*, Zach. xiv: 3. sed *יום*, & studio usus est verbo *נצח* *pretexere*, ut significaret, Deum ipsi fuisse pro *armatura*, caput & corpus obtegente, & tutum præstante. Quod maxime adparuit in prælio cum Goliatho; uti constat: venit contra eum nudus, & *in nomine Jehova*. 1 Sam. xvii. quo etiam respicitur Ps. xx: 8. Nec tamen illud solum prælium in oculis habet, licet eo in primis digitus intendatur, sed reliqua etiam secuta cum Philistæis, prospere semper gesta. 1 Sam. xviii.

§. XV. 3. Hisce fundamentis innixus certissimam se concepisse spem, fore, ut hostium manibus plene eripiat, & excidium eorum prævidere, ac prædicere posse declarat, vers. 9-11. Quæ pericopa duplicem habet conspectum, alterum *voti*, certo implendi, alterum *predictionis* excidii hostium; *priorem*, vers. 9. *posteriolem*, vers. 10, 11. Quæ duæ sunt pericopæ partes, *prior* magis *votiva* & *precatoria*, *posterior* prophetica: cujus distinctionis indicium est in ipsa orationis forma, eique res significata quoque est convenientior: ut mox adparebit. a. *Prior* pars, quæ *votiva* & *precatoria* est, ita habet, vers. 9 & 10., init. *Ne concedas, Jehova! desideria impii, capistrum ejus ne laxes, efferrent, vel ut efferant, Sela! caput, inquam, efferrent, qui me circumagunt.* h. e. Absit, Jehova, ne fiat, ita voveo & precor cum fiducia, ut impio permittas compotem fieri desideriorum suorum improborum, ejusque capistro luxato, quo retinetur, exsequatur quicquid velit, eousque, & eo cum effectu, ut, qui causam contra me quærunt, & captant, & in me impetum faciunt hostilem, undiquaque me cingunt, ac circum agitant, triumphabundi exultent, & me subjecisse glorientur. Oratio est *votiva* & *deprecatoria*, sed quæ simul illud, quod deprecatur, rejicit, tanquam absurdum, quod fieri non debeat, aut possit. Quam potestatem adfert vocula *נא*, quæ etiam prohibendi & repudiandi habet vim, simul *negationem*,

est *singultiendi*, & *figurata eructandi* q. *singultim*, & *promendi* ac *depromendi* potestas; hinc etiam *titubandi* usus, quem habet apud Hebr., facile fluxit, a *luxatis*, vel *fractis* artubus. Ergo recte vertitur, *capistrum ejus ne luxes*, vel *frangas*, & sensus constituitur idem, qui Job. 1. c. *capistrum a facie mea projecerunt*. Proverbialis est locutio, *sevit capistrum suum*, in eo, qui, nullo Dei hominumve respectu coercitus, in omne nefas effrenato impetu fertur. Sensus itaque est, ne *finas* impium facere quod vult; frenum, quo ipsum hucusque constrinxisti respectu *mei*, & prohibitus est cupita & distincta efficere, ne *auferas*, rumpi permittas. Additur consequens *capistri laxati*, aut *rupti*, quod ne fiat, vult ut Deus non luxet, his verbis; *efferrant*, Selah! *caput obsessores & circumactores mei*. h. e. ne desideria impii, ne luxes capistrum ejus, seu ne, quod volunt, efficiant; sequeretur enim, ni hoc impedias, ut triumphabundi & superbientes gloriarentur de me & medio sublato. Perinde, quoad sensum est, sive ante *efferrant se*, repetatur ex præced. *hæc ne*, sive pro consequente non *laxati capistri* habeatur. Deprecatur enim frenum luxatum eorum, & *elationem*. Sed majoris est, *notasse*, voces, *efferrant caput obsessores mei*, uti vertendæ sunt, secum esse construendas, per voculam *Selah!* divulsas, sive illa vocula sit loco mota, & ad finem rejicienda, quod mavult Fr. Hare, qui nobiscum sentit in structura vocum, sive elegantiae causa interjecta, & aliqua admittenda post *efferrant* reticentia, quæ mox suppletur vocibus, *caput obsessores mei*; fere quemadmodum Pl. LXVIII. 8. & LV. 5. si lectio recepta sit retinenda; hac ratione: *efferrant se*, *Selah!* *efferrant*, inquam, *caput obsessores mei*. Quicquid sit, dubium non est mihi, quin voces vers. יו. ראש סבבי ver- tendæ sint, *caput obsessores*, vel *circumactores*, mei, & non, ut solet, vel *caput*, vel *venenum cingentium me*; & cum verbo *efferrant* construendæ, cum quod phrasis *efferre caput* sit usitata pro triumphare, superiorem esse, glo- rari,

riari, superbire, & jactare; ut Pl. III: 4. XXVII: 6. LXXXIII: 3. cx: 7. *tum* quod voces, *caput cinctores*, vel *cinctorum mei*, alterutro enim modo verti debent, *veneni* enim notio huc non quadrat, nihil ceteroquin habeant, quocum connectantur, sed plane abruptæ forent. Ex nostra hypothefi oratio recte fluit, & sentum fundit egregium & valde adcommodum; ut ex dictis facile liquet. Tantum de verbo כִּנְּוֹר, quod reddidi, *cinctores*, vel obseffores, aut circumagitatores mei, aliquid est addendum. Radix כִּנְּוֹר *circumire*, *cingere* denotat, & in Pih. ac Hiph. *circumagere*, etiam rei faciem convertere, & in aliam formam cogere, anſam & occasionem contra aliquem captare, denique *heſtiliter invadere*. Quæ omnia hic locum inveniunt: adeo ut Saulus & focii ejus ampliffimo ſenſu adpellari poſſint *cinctores*, occaſionis captatores, & *invaſores* Davidis. Quod ulteriore explicatione non indiget.

§. XVI. β. Poſterior pars, per modum prædictionis, excidium & totalem ruinam ipſorum, quam ſcelera, quibus adflixerunt innocentes, ipſis adferrent, vivis coloribus depingit, verſ. 10, 11. *vexatio adfligens labiorum ipſorum involvet eos, inargentur ſuper eos prunæ ignitæ, cadere ipſos faciet in ruinas fractas, non ſurgent.* h. e. Inmanis illa vexatio tundens, qua me & alios innocentes calumniis, accuſationibus, & decretis, per labra emiſſis, opprimere conati ſunt, & varie adflixerunt, in eorum caput recidet, ita ut inſtar prunarum ignitarum, ſuper eos aggeſtarum magna mole, judiciis divinis ſint in totalem ruinam præcipitandi, quæ nunquam reparabitur. Verba, quæ Interpretibus haud unam pepererunt difficultatem, ut recte expectantur, diſtinguenda ſunt in *propoſitionem*, & ejus *illuſtrationem*. *Propoſitionem* continent hæc verba: *vexatio tundens labiorum ipſorum involvet*, vel obteget, *eos*; quæ parum habent difficilis. *Vexatio tundens* (quæ vera eſt poteſtas vocis כִּנְּוֹר a) *labiorum* eſt graviffima calamitas, quam *labia eorum*

Mmm 3 ſtruunt:

a Schultens ad Prov. & Schroeder ad Pl. x.

struunt: ut est Prov. xxiv: 4. adeoque quam *partim* calumniis, & accusationibus & condemnationibus, decretisque suis adferre conantur, *partim* vanis & tumidis suis jactantiis adscribunt proximo, & ei eventuram esse *dicunt*. *Labia* enim nonnunquam *tumidam* figurant *jactantiam*, & *verbum labiorum* est *jactantia* & *gloriatio inanis* a. Hæc vero *vexatio adstigans labiorum* dicitur eos ipsos *involutura*, & *obrutura*; quatenus per eam ipsi exitio toti implicantur, & pereunt: uti est Ps. vii: 17. *redibit molestia in caput ejus, & violentia ejus in proprium descendet verticem*. vid. & Ps. xxxi: 22. Quod Saulo & sociis contigit.

§. XVII. In propositionis deductione, seu illustratione, a. *modus* traditur, quo excidium ipsorum efficeretur, b. *gravitas* & *diuturnitas* ejus, c. *Prius* his verbis, quæ sequuntur, vers. 11. *invergentur super eos prunæ ignitæ*. h. e. gravissimam afflictionem eam, quam in alios *jactanter* & *insolenter* protulerunt, & conferre conati sunt, sed quam eos ipsos esse obruturam dixi, ipsis adferet *judicium divinum*, quo mala dolorifica, instar prunarum ignitarum, magna mole super eos aggerentur, vel longa serie *struantur*. Voces ultimæ *וְכָל עֵצוֹ* secum sunt *construendæ*, ut Kimchius jam vidit, & *prunas* vehementissime *urentes*, ita ut sint totæ igneæ, & purus putus ignis, denotant, alias *וְכָל עֵצוֹ* Ps. xviii: 13, 14. *Pruna ignis* dictæ, hic magis *emphatice pruna in igni*; ut proprie sonant voces, quod stylo Hebr. idem est, ac *pruna ignis*, sed majore pollet *emphasi*, qua *prunas* significat totas igneas, seu purum putum ignem. Littera enim *ו* in *וְכָל* cum *emphasi*, qua *veram* & *certissimam* rei conditionem signat, sæpe *redundat*: ut sæpe alias observatum est. Stylo vero figurato gravissimam Dei *judicium*, quo mala exitialia & dolorifica infliguntur, *expingere prunas ignitas*, *notissimum* est. vid. Ps. xii: 8. & ibi dicta. Hæc autem *pruna convellenda* dicuntur, vel longa serie *struenda*, super ipsos; prout radix statuatur, vel *וְכָל עֵצוֹ*, aut *וְכָל עֵצוֹ*, vel *וְכָל עֵצוֹ*.

Priere

a Schultens ad Prov. xxiv: 2.

Priore admissa, ut communiter fit, erit secundum punctaturam in Niph., & dicet, eas prunas magna mole esse converrendas super ipsos. Radix נפח originem habet in graviore & tremente inclinatione, unde in specie *moliri* admota *veste*, vel alio instrumento, quo quid gravioris molis inclinatur: sensus ergo est, prunas ignitas in eos, quasi admoto instrumento, prunis commovendis apto, esse inclinandas, ita ut toti *prunis* obruantur, plena mensura in eos congestis. Si vero altera radix נח locum teneat, erit in Hiph., & significabit, prunas longa serie sese supra ipsos struendas, seu struendas esse. Radix enim, Arab. usitata, proprie continet *seriem* struendam, struem longius ductam *a*.

§. XVIII. *b* Gravitatem & diuturnitatem hæc, quæ subjunguntur, verba exprimunt, vers. 11. *cadere eos faciet in ruinas fractas, non surgent*. Ad quorum intellectum duo tantum notanda sunt, *alterum*, pendere illud, *cadere faciet*, a voce נפח vers. 10. memorata, ut recte Kimchius; alias *Deus* per ellipsin intelligendus foret, ut communiter statuitur: sed longe facilius & aptius *molestia laborum* ex superiore repetitur, cum & ea ibi dicatur *eos involutura*. *Alterum* est, voce נח significari *ruinas fractas*. Radix נח , a Stockio jam & Clodio collata, sed minus recte explicata, apud Arab. *impulsionem* exprimit, ac *protrusionem*, imo profligationem, ac destructionem & confractionem; signatque latius omnem *ruinam fractam*. Vid. etiam D. Scheide disp. sub Cl. Schroedero ad V. T. *b*, qui vertit *gurgites* aquarum rapidissimos, & calamitates lethales intelligit. Cohæret autem cum נח *cadere eos faciet in ruinas fractas*. Quo totalis ruina significatur, quam reparandam non esse, sequentia, *non surgent*, indicant: ut facile intelligitur.

§. XIX. *Tertia* Pl. pars generales comprehendit Providentiæ

dentiae regulas, experientia confirmatas, & deinceps quoque firmandas, respectu impiorum & piorum; quas poeta subjungit, partim ad fidem & spem de improborum repressione, ac sua liberatione, supra expositam, firmandam, partim ut spiritu prophetico ductus spem feliciorum temporum, quibus omnis impietas os clauderet, & iusti florent, in genere corroboraret, absque ut definiat, quando adlucere ea tempora, quod & alibi fit in Pf., partim denique ad homines a vitiis & sceleribus absterrendos, & ad patientiam ac virtutem & pietatem excitandos, ex consideratione justae ac aequae providentiae. Hic scopus est & conspectus ultimae Pf. partis, vers. 12—14. quae tres ejusmodi complectitur regulas, verbo recensendas.

§. XX. *Prima*, ad improbos spectans, ita habet, vers. 12. *Vir lingua non firmabitur in terra; virum violentia venabitur malum ad protrusiones usque.* h. e. Quisque fuerit vaniloquus & maledicus, stabilem & prosperam non habebit inter homines sedem, qui vero sese violentum praestat in proximum, eum maligne vexando & persequendo, obiectum erit insectationis mali sui, qua praecipitandus est in ruinam. Verba eum in modum structa sunt, ut generalem veritatem exprimant, experientia comprobata, & in posterum confirmandam, eo, quo dixi, scopo prolatam. Sunt quidem duo distincta & divisa membra, sed quae secum sunt connectenda, ut saepe adsolet, ac si uno tenore legeretur. *Vir lingua & violentia non firmabitur in terra, sed malum eum venabitur ad propulsiones.* Memoratur *vir linguae* & *vir violentiae*. h. e. ore maledicus, & opere violentus raptor & persecutor. *Vir linguae* est, qui eam acuit instar serpentis, ut vers. 4., *qui incedit super lingua sua*, Pf. xv: 3., cujus denique *lingua grassatur in terra* Pf. lxxiii: 9. ubi vid. dicta. Continet epitheton omnia crimina in proximum, quae ore committuntur: sicut *alterum*, quae opere, quo *vir violentiae* adpellatur; de quo supra vidimus. De utroque adfirmatur, eos *non esse in terra*

terra firmandos, sed a malo insectandos ad propulsiones. Prius nihil habet obscuri; convenit fere simili dicto Ps. xxxiv: 13, 14. *Quis iste vir, qui vitam vult, dies amat ad videndum bonum: custodi linguam tuam a malo, & labia tua a dolo se loquendo.* Qualia & alibi, & in Prov. ubique obvia sunt. *Posterior* est paulo impeditius, quod ut expediatur 1. not. *per* malum cum seq. verbo *venabitur* cohærere, & instar *venatoris* hic occurrere, quo peccator agigaretur ad perniciem: haberet ceteroquin verbum *venari* nullum subiectum agens, & usitata est constructio, *vir violentiæ, malum venabitur eum*, pro, *virum violentiæ venabitur malum*. Venatoris itaque persona datur *malo*, quo vir violentiæ agitur, sive *morale* sive *physicum* intelligatur, quod utrumque potest. *Morale* venatorem agit violentorum, quatenus eorum exitium quærit & producit: quo etiam sensu *labia struere dicuntur ærumnam* Prov. xxiv: 2. ubi vid. Schul- tens. Sed *malo physico* etiam aptari potest, quatenus violentum virum & calumniatorem pressio pede sequitur, ad eum capiendum, & in exitium detrudendum. 2. Vox נחמך *ad protrusiones* indicat effectum venationis, seu insectationis mali, tanquam venatoris, in eo situm, quod improbus nusquam quiescat, nulla pace fruatur, aut animi quiete, præterea præcipitetur in exitium, & malo involvatur. Radix נחמך proprie est *volvit, provolvitur*, inde *trusit, protrusit*, usu designat præcipitem motum, & cursum, cum trepidatione & pudore conjunctum; & prægnante sensu involvit *exitium*, in quod præcipitatur: uti verbum cognatum, & ejusdem originis, נחמך Ps. xxxv: 5. *Sint instar glumæ coram vento, & Angelus Jehovæ impellens eos*, &c. quorum sensus est, eos esse partim disjiciendos, partim in lubrica & desperata consilia conjiciendos, & mala morte perituros.

§. XXI. *Secunda* ad innocentes, a potentioribus vexatos, & a Deo vindicandos, pertinet, his verbis comprehensa, vers. 13. *Novi Jehovam acturum litem adfligti, ju-*

Nnnn

dictum

dicium inopum. h. e. Quod de maledicis et violentis hominibus dixi in terra non confirmandis, sed malo tuo involvendis ad exitium; illud inde confirmo, & pro certo statuo, quod *sciam*, Deum, justum & æquum judicem, causam afflicti ac inopum esse acturum, & vindicaturum, cum justitiæ publica demonstratione. *Secunda* hæc regula, seu veritas, subjungitur *primæ* ad eam confirmandam; quare præmittit illud, *novi* &c. quemadmodum in paraphrasi expressi. Voces & phrasæ nihil moræ injiciunt; *lis* & *judicium* significant judicium de *lite*, seu jure afflicti & inopum; & sensum fundunt, Deum, non tantum afflictis & egenis *jus* reddere, sed publico *judicio* illud facere, publica cum *judicii* manifestatione. Vid. dicta ad Ps. ix 5. quare nihil addo.

§. XXII. *Tertia* veritas, ad præcedentis ulteriorem confirmationem & amplificationem subjuncta, & *magna* cum adseveratione, sermone ad Deum verso, prolata, habet, justos & rectos materiam Dei laudandi habituros, & Deo coram pacate & beate fruituros esse, ac ufuros familiariter, vers. 14. *Profecto justi laudabunt nomen tuum, sedebunt recti cum facie tua.* h. e. afflictorum & egenorum causam a Deo vindicandam esse, & maledicos ac violentos eorum insectatores esse exterminandos, inde ulterius confirmo, quod nihil certius sit, quam justitiæ & rectitudinis moralis studiosos & sectatores tua, o Deus! facie tranquille & beate fruituros esse, te familiariter utendo, & favoris tui signis gaudendo, eaque ratione & materiam te celebrandi habituros, & eo officio etiam defuncturos esse, quod tibi debent, & tu intendis in operibus tuis. Nihil hic notandum, præter emphasin phrasios, *sedere cum facie Dei*, quæ denotat cum arctum ac familiare cum Deo commercium, ut in phrasi, *sedere cum peccatoribus* Ps. i. & xxvi. tum tranquillam ac durabilem favoris Dei, tanquam doctoris, & salvatoris, fruitionem.

Seder

Sedere enim sumitur pro tranquilla & felici mansione. Ceterum extendit sese hæc phrasis ad omnigenam, & ubique locorum, etiam post hanc vitam, felicitatem, ut Ps. xvii: 15. ubi vid. dicta, & ad Ps. xvi: 11. cxxxix: 7. & alibi.





P S A L M. CXLI.

1. *Psalmus Davidis. Jehova! invoco te, festina mihi, aurem praebe voci meae, quando te inclamo.*
2. *Firmiter existat precatio mea suffitus coram te, elevatio manuum mearum munus suavitatis.*
3. *Pone, Jehova, custodiam ori meo, retinaculum super bauftionem labiorum meorum.*
4. *Ne inclines cor meum ad verbum, vel negotium, malum, bauriendo bauftiones in impietate, cum viris operatoribus iniquitatis, & ne vescar deliciis ipsorum.*
5. *Compinget me justus, benignitas quoque me arguet, alium capitis ne crudum faciat caput meum, quia adhuc etiam precatio mea in malis ipsorum.*
6. *Inmissi sunt in manus petrae iudicium ipsorum, & audiverunt dicta mea, quod amoena fuerunt.*
7. *Sicut secans & findens in terra, dissipata sunt ossa nostra ad ostium inferni.*
8. *Quia ad Te, Jehova Domine, oculi mei respiciunt, in Te perfugium habeo, ne denudes animam meam.*
9. *Serva me a laqueo eorum, qui mihi illaqueantur, & tendiculis operatorum iniquitatis.*
10. *Cadent in foveas suas improbi pariter; ego, vel uniter ego, continuo, vel majestuose & animose, transibo.*

PROLEGO.

PROLEGOMENA.

§. I.

Argumentum Ps. est viri pii, & Deo unice fidentis, a peccatoribus & improbis ad necem quæsit, ita ut a præsentissimo mortis periculo parum absit, nunc vero in favorabilibus positi circumstantiis, quibus hostes altera vice in manibus habebat, & trucidare, iisque insultare posset; oratio ad Deum, qua petit, *partim* ut Deus linguæ suæ moderetur, ne quid indecori & hostilis temere effusiat, animumque suum a pravis facinoribus in hostes suos abstrahat, addita, ad preces urgendas, declaratione animi ab istis sceleribus abhorrentis, ex consideratione iudicii Dei, quod in se propterea provocaret, & personæ suæ, quam tale quid non deceret, denique modi agendi, quem hucusque tenuerat, cui illud adversaretur, *partim* ut Deus periculossimæ suæ & suorum conditionis, quam vividissime sub imagine mortuorum depingit, ratione habita, se, convenienter fiduciæ suæ in Deum, tractet, & ab hostium insectationibus liberet, desinens in spei & expectationis testificatione, fore ut impii propriis consiliis impliciti pereant, ipse vero impressionem hostilem superet.

§. II. *Tria* sunt, vel *quatuor*, criteria personæ loquentis & status ejus, præter insignem pietatem, facile obviam, quæ in temporis & occasionis Ps. notitiam ducere queunt; probe observanda

a. Primum, quod mox in oculos occurrit, est, virum pium cum fociis objectum esse persecutionis improborum ad necem, adeo ut a mortuo & sepulto parum abesse videretur, vers. 7—9. *β. Secundum* est, illum in favorabili adeo casu fuisse positum, quo hostem suum e medio tollere potuerit, & ad illud fuisse concitatum;

citatum; sed se alienum demonstrasse, & Deum orasse, ut se ab hoc facinore, & omni insultatione ac maledictione, præservaret. Quæ hypothesis est pericopæ, vers. 3-6. ut postea patebit. 7. *Tertium* habet, virum hunc jam antea, in iisdem positum circumstantiis, eundem animum pium in persecutores suos demonstrasse; uti vers. 5. fin. & vers. 6. indicatur; ut suo loco videbimus. 8. Ad di forte potest *quartum*, *unctionem* sacram, vel suam, vel hostis, aut utriusque, inter præcipuas fuisse rationes, quibus ab hoste interficiendo fuit abstergitus, adeoque & hostem & se fuisse oleo perfusum. Quo respicere videntur notabilia verba, vers. 5. *oleum capitis ne crudum facias te put meum*, sed emolliat & leniat. De quo postea.

§. III. Quæ criteria, si rite fuerint educta, nos ad illud tempus clare ducunt, quo David, gravissimam Sauli persecutionem passus, altera vice occasionem nactus est ipsam e vivis tollendi, ad id quoque incitatus & tentatus; sed quod a se alienum esse declaravit, Deo vindictam requiens, & ejus protectioni nixus. Quæ historia narratur i Sam. xxvi. Vulgatiores habet opinio, respici ad priorem casum, i Sam. xxii, vel xxiv. in eo imprimis *fundata*, quod vers. 6. eo adludatur; sed agitur ibi de casu præterito, adeo ut contrarium inde elici debeat; quemadmodum sequens tractatio docebit. Adquiescimus itaque in jacta hypothesisi, cui cuncta recte conveniant criteria. *Sæpius* Ps. est, ut facile adparet, piis, ab improbis persecutionem passis, exemplum præbere mansuetudinis, patientiæ, & fiduciæ in Deum, eosque a propria vindicta, seu verbis duris, seu factis hostilibus, abstrahere, simul excitare, ut causam suam Deo committant, & pro hostibus potius precentur, quamdiu spes est eorum conversionis.

§. IV. *Oratio* est ad Deum per totum canticum conversâ, excepto medio & fine, ubi alio vertit sermonem, vel in genere loquitur, in *medio*, quia ad preces urgentes profert aliquas rationes, quibus facinus, quod deprecatur,

tur, a se esse alienum debere demonstrat, in *sine*, quia, per modum conclusionis, fiduciam suam, qua preces esse exaudiendas & hostes delendos, se liberandum, esse confidebat, declarat. *Sermo* parum habet impediti, modo phrasas recte capiantur, multum hic illic emphasios, & elegantia; uti explicatio docebit. *Partes* Ps. tres sunt generales, I. *Prima* prologum continet, quo preces mox proferendas, & deinceps fundendas, exaudiri petit, vers. 1, 2. II. *Secunda* exhibet earum *argumentum*, quod duplex est. 1. *prius*, quo oris temeritatem & cordis inclinationem ad malum in præsentem casu deprecatur, ac rationibus moventibus, a facinoris indecentia, noxiisque consequentibus, & superioris temporis experientia, petit, urget; vers. 3-6. 2. *posterius*, quo supplicat conservationem & liberationem a Deo, vers. 8, 9. III. *Tertia* sistit, per modum conclusionis, expectationem, qua hostes esse reprimendos, & se liberandum, confidebat, vers. 10.

E X P L I C A T I O.

§. V. Cum nihil sese hic offerat a Davide, & tempore definito, alienum, nulla itaque ratio ab eo discedendi, investigatione hypotheseos Ps. explicandi opus non est? Quod enim nonnulli ad Ecclesiam Christianam oculos flectant, sine ratione & pro arbitrio faciunt, nec refutari merentur. Pergo itaque mox ad explicationem. *Prima* pars, qua precum exauditionem in genere petit David, ita habet vers. 1, 2. *Jehova invoco te, festina mihi; aurem præbe voci meae, quando te inclamo. Firmiter existat precatio mea suffitus coram te, elevatio manuum mearum munus vespertinum, vel potius suavitatis. h. e. Cum res ad summum venerit, & periculum in mora sit, ad te clamo, Jehova, ut festinus mihi adsis, & opem feras; petoque, ut clamantem me exaudias benevole; adeoque sit precatio mea*

mea coram facie tua sicut suffitus, & munus gratum ac suave, & nunc & postea. Precatio pro hypothese habet, Davidem jam diu fuisse vexatum, & eo jam adductum, ut Deus ipsi promptum præstet auxilium, vel cum eo actum sit: eo enim ducit, *festina mihi*, ut facile adparet, & apte in tempus, quo Ps. factus est, quadrat: ultimus enim tunc fuit Sauli conatus in Davidem. Addit *exauditionis* petitionem, & illustrat simili *suffitus ac muneris*, sacrificiis cruentis adjungi soliti, emblematisque satis vulgati *precum*. Indicare præterea videtur, se nunc rituali cultu non posse defungi, sed realem & spiritualem, per eum depictum, in precibus Deo offerre. Vult autem non simpliciter, ut precatio sit instar *suffitus & muneris*, sed Deo insuper accepta, ut *munus suave*. Quod, sicut scopo est aptius, ita vocibus מנחה rectius convenit. Munus enim *vespertinum*, ut sumi alias, & hic verti, solet vox מנחה, quare expresse memoraretur, nulla ratio dari potest; licet varias excogitarint Interpretes, quas recensuit Polus in Synopsi, sed nulla satisfacit. Fert autem vox Hebr. etiam *suavitatis & dulcedinis* significatum, ac speciatim de *cibo* usurpatur Prov. xx: 17. verbum quoque de *munere oblationis* Mal. ii: 4. Rectius itaque vertitur, *munus suavitatis*, quod scopo magis congruit: ut ex dictis patet. Reliqua nostra non indigent opera. Tantum addatur, ipsum non sine emphasi dixisse מנחה non *existat* simpliciter, quod verbum מנחה, quo non utitur, indicasset, sed *firmiter* existat, ut indicaret, non hoc tantum tempore, sed & postea in perpetuum se tales a Deo haberi preces suas cupere. Radix מנח proprie est *fidere, desiderare, residere*, Gr. ἰσθῆναι, ἰσθῆναι, *fidere & fidendo firmum tenere locum*; unde inter alia ad stabilem essentiam ac existentiam refertur.

§. VI. *Secunda* Ps. pars, quæ *argumentum*, seu materiam precum continet, *duplicis generis*, longe diversi, preces exhibet. Quarum *prior* pars a. proponitur, vers. 3, 4. b. urgetur, vers. 5, 6. a. In propositione petitionis

nis *a*. oris moderamen, vers. 3. *β*. pravi propositi & operis inhibitionem, vers. 4. memorat. *a*. Prius his verbis a Deo supplicat, vers. 3. *Pone, Jehova, custodiam ori meo, retinaculum super haustionem labiorum meorum.* h. e. Tu, Jehova, gratia tua caveas, ne ex corde per os & labia mea erumpant verba temeraria & mala, in te injuriosa, & proximo noxia, meque indigna. Licet enim ejusmodi verba non expresse memoraverit, res ipsa tamen talia exigit, & vers. seq., ubi *verbum malum* adpellat, satis clare indicat. Voces parum habent difficultatis, licet posterioris membri varie vertantur. Ad nostræ versionis, ad quam prope accedit Coccejus, illustrationem not. 1. נצירה esse vocem dageffatam & non verbum *a*, & reddendam per *custodiam aritam*, vel *retinaculum*, 2. יר non esse pro ירה *janua*, licet ori apte conveniat, sed *fitulam* significare; unde ירה, cui inest *fitulis aquandi, hauriendique* potestas *b*. Aptè transfertur ad labia, alternatim ex imo veluti cordis sermonem haurientia & effundentia. Vult itaque, ut Deus ori & labiis tanquam custos præsideat, caveatque ne quid temere effundatur, quod Deo displicere queat. Cum enim Dei custodiam petit, clare satis indicat, ex ore suo nihil proferri velle, quod *custodi* non conveniat. Quæ ipsæ preces pro hypothese habent, tale quid nunc facile sibi excidere posse, nisi a Deo impediatur; adeoque se in ejusmodi esse positum circumstantiis, quæ facile ejusmodi dicta elicere possent. Quæ quales fuerint, ex ipso Pf., & tempore, quo compositus est, colligendum est: unde liquet, Davidem, hostiliter a Saulo ad necem quæsitum, occasionem habuisse ipsum e medio tollendi; & ad id fuisse a fociis acriter incitatum. Petit itaque, ut hac occasione nihil proferat, quod impatientiam in Deum spirat, aut odium in proximum, in Saulum, quodque ad vindictam, & cædem Sauli spectat, & occasionem præbet; sociisque,

O o o o

qui

a Vid. Simon. form. nom. p. 402.
l. 1. p. 207.

b Schultens orig.

qui id volebant, permittit; sed contra, ut verbis & sermonibus utatur, de patientia, lenitate, & fiducia in Deum, ac reverentia regiae Majestatis, testantibus. Quisem sese etiam eo tempore praestitisse, ex historia constat.

§. VII. β. *Posterius*, ad propositum & opus pravam spectans, his verbis enunciatur, vers. 4. *Ne inclines cor meum ad verbum malum, hauriendo haustiones in impietate, cum viris operatoribus iniquitatis, & ne vescar deliciis ipsorum.* h. e. Sicut ori meo ut capistrum imponas, ita ne animo meo, & adfectibus pravis, fræna laxes, oro, meque a pravo proposito & opere contra operarios illos iniquitatis heroas cohibens, ne, prætextu vel causa impietatis eorum, vindictam propriam exerceam, aut odio litem, meque ea ratione ipsis similem præstem, & eorum cupidias & oblectationes degustem. Supplicat itaque, ne, ex Sauli & sociorum impietate causa & occasione arrepta, incitetur ad pravam aliquod in eos facinus, quod vindictam spiraret, eoque ipso se iis similem præstet, & iisdem se delectari facinoribus demonstret. Quæ ut in luce collocentur, sequentia sunt notanda 1. Voces, *verbum malum*, significare, ut sæpe alibi, negotium, factum malum; quod facillimum est, & ab aliis jam observatum. Cum modo contra voces pravas orasset, nunc contra *facinora* rectius censetur precari. Intelligit autem in specie & directe, quo in Saulum, & ejus domum, violenter insurgat, & e medio tollat: cujus nunc occasio erat ipsi data, & ad quod etiam incitabatur. Sed latius quoque extendi potest ad prava ejusmodi facinora in posterum; a quibus ut sese semper purum præstet, orat. 2. Voces eas non cum proxime sequentibus, sed paulo remotioribus coherere, hisce nimirum, *cum viris operatoribus iniquitatis*, hac ratione: *ne inclines cor meum ad verbum malum cum viris operatoribus iniquitatis*; nec tam eo sensu, quo commercium cum illis, quam, quo verbi mali objectum denotatur; ut

cum

cum idem sit ac *in*, vel *contra*; quem usum vocula *an* *cum* haud infrequenter habet *a*. Sic *pugnare cum aliquo* est contra eum, *loqui etiam & agere* hostiliter cum aliquo. Intel- ligit enim manifeste per *viros illos* Saulum & socios, a qui- bus infestabatur, ut ex vers. 9. ubi idem titulus, nec non ex vers. 5 & 6., ubi malitiam *eorum* & *judices eorum* me- morat, manifestum est. Occurrit quoque in Ps. frequen- ter illud epitheton de impiis illis Davidis persecutoribus, uti constat. Nec sine ratione dicit, *cum viris operatoribus*: indicat enim, titulo *virorum* præmisso, eos non dignitate & potentia tantum illustres, sed & in operibus iniquitatis he- roas nobiles & excellentes esse.

§. VIII. 3. Voces intermediæ, per parenthesin quasi insertæ, *hauriendo haustiones in impietate*, ita enim proprie sonant, prætextum & occasionem, vel modum exponunt mali verbi, seu facinoris cum operatoris iniquitatis, adeoque non *ad hauriendum*, sed *hauriendo*, verti debent. Significant autem verba, causam facinoris in illos opera- tores quærere in ipsorum *impietate*, seu inde ansam arripe- re, aut obtentum quærere, ipsos necandi, sive repetitis ictibus impietatem penitus destruere, & exhaurire. Ver- bum *hauriendo* proprie valet sitim, primore ardore sedato, repe- titis haustibus penitus extinguere, iterum iterumque hau- riendo, & in aquam se immergendo. Unde ad varia trans- fertur, inter alia cum ad ictus repetitos, quibus vitalis spiritus exhauritur, vel quis sese in aliquem immergit, ad sanguinem ejus plenissime exhauriendum, quando etiam cum *in*, ut hic, construitur, tum ad causas, prætextus, quibus inveniendis & proferendis quis totus intentus est, ad alium lædendum & delendum, uti Deut xxii: 14. *b*. Uterque significatus hic locum reperire potest: si *prior*, *modus* explicabitur, quo verbum malum cum operariis il- lis executioni mandatur, quatenus impietas eorum penitus

Oooo 2

extin-

a Noldius de Particul.

b Schultens orig. l. i. c. 6
& in *Ind.* ubi aliud adhuc profert.

extinguitur; si *posterior*, cui convenit versio LXX, causa, vel obtentus, facinoris in operarios iniquitatis traditur, in ipsorum *impietate* situs. Uterque sensus conjungi potest, cum re ipsa parum differant; utique in eo conveniant, *impietatem* esse, vel prætendi, quæ penitus exaurienda sit per facinora in operarios iniquitatis. Petit itaque David, ut nec ad eadem operariorum iniquitatis abripiatur, nec *prætextu* impietatis ipsorum ad vindictam suam satiandam, nec etiam propter *impietatem* ipsorum, quippe non a se, sed Deo, supremo iudice, vindicandam: uti ipse eo tempore declaravit. 1 Sam. XXVI.

§. IX. 4. Ultima verba, & *ne vescar cupediis ipsorum*, addita sunt ad deprecationem suam urgendam exemplo ipsorum operariorum, qui eadem causa, vel prætextu utebantur in Davide persequendo, quibus nimis videri posset similis, si necem eorum quæreretur, & ea se oblectari demonstraret. Significat itaque, se & ideo nolle inclinari ad hoc facinus, ne ipsis illis operariis iniquitatis se similem præstare videatur, qui vindictam cupiat, & aliorum malis delectetur. Illud enim hic dicit, *cupediis illorum vesci*; phrasi non proprie, ut nonnullis visum, sed figurate capienda, & proverbialiter: ut ab aliis jam est observatum. *Cibi delisati* hic sunt improba facinora, quæ delectationem adferunt; sicut improbi dicuntur populum Dei comedere, ut panem suum, Ps. LIII: 5. vid. & Prov. XXX. 20. & contra, *cibus* adpellatur *voluntatem Dei facere*: uti notum.

§. X. 2. Precibus, quibus facinus, seu verbis seu factis committendum, a se longe removendum oraverat, subjungit *rationes*, quæ ipsum ab eo facinore deterruerunt, & ad has preces moverunt, desumptas a noxio effectu, & indecentia facinoris, quippe ipsum severis plagis justis, & increpationi ipsius benevoli & amici, subiecturi, & a qualitate personæ suæ alieni, denique a moribus ejus præcedentibus, hucusque conservatis, quibus indoluit
potius

potius hostium infestationibus, & amice iiscum egit, cum eos videbat constrictos. Hunc existimaverim esse scopum & sensum pericopæ, vers. 5, 6. qua rationes tradit, quæ se a facinore, contra quod oraverat, absterruerant; quas vel sermone ad Deum continuato, vel ad se sociosve verso, exhibet: quod utrumque admitti potest; nec tanti est. Verba ita ex nostra versione sonant. *Compinget me justus, benignitas quoque me arguet, oleum capitis ne crudum faciat caput meum; quia adhuc etiam precatio mea in malis ipsorum. Immissi sunt in manus petrae iudicum ipsorum, & audiverunt dicta mea, quod amœna fuerunt.* h. e. Prægnantes habeo rationes, quæ me ad facinus illud vitandum, & deprecandum, permoverunt. Est enim ejus naturæ, ut me severis justis plagis, & ipsius benigni ac amici increpationi subjeceret, præterea in capitis sacram unctionem directe incurrit, quippe quæ caput meum non exulcerare, & durum, sed molle reddere debeat; denique a moribus, hucusque habitis & postea tenendis, plane abhorret, cum hucusque non nisi precibus usus fuerim contra ipsorum malitiam; & quo tempore fuerunt in potestatem iudicis ipsorum redacti, & præsentissimo mortis periculo expositi, non nisi amœnis & suavis verbis eos adlocutus sum, quibus etiam in posterum uti constitui, quum fuerint ad petram collisi, seu severo Dei iudicio e medio sublati.

§. XI. Tres itaque occurrunt rationes a crimine memorato detertere aptæ natæ, ordine recensendæ & explicandæ. *a. Prima* continet noxia effecta facinoris patrati, in eo sita, quod iusti rigidi gravissimas plagas, & ipsius benignitatis increpationem mereatur, & produceret; his verbis, vers. 5. *Compinget me justus, benignitas etiam arguet me*, scilicet, quod ex præcedentibus supplendum est, si tale quid, contra quod precatus sum, commisero. Quo nihil est facilius; licet Interpretes longe aliter instituunt. Memorat itaque effectum & consequens facinoris commissi, quo ab eo patrando erat absterritus, & ad illud de-

precandum excitatus; illudque in duo dividit, *compactionem a justo, & redargutionem a benevolo*. Sic enim verba capienda sunt, & non, ut solent, *vel contundat me justus benigne*, vel *benignitas erit, & redarguat me*. Verba occurrunt in fut., nec voti aut precationis instar habent, sed effectum & consequens tradunt. *Contundere* nimis emphaticum est, quam ut cum *benignitate* conjungi possit; *inorepatio* etiam, levior contusione, ei apte subjungi nequit, cum decresceret oratio. Denique non habetur, & non כחסי, nec cum verbo, *est aut erit*, sed cum verbo seq. construi debet; a quo præf. &, in כחסי & redarguet me, abstraxit Interpretes; sine ratione, cum significet etiam, quemadmodum mox, *quia adhuc & precatio mea*; vel cum insigni emphasi redundat, qua dicit, *etiam*, profecto, imo ipsa illa, ut sit: *benignitas ipsa illa etiam arguet me*. Distinguiamus itaque hæc duo, & prius de percussione contundente a justo, *posterius* de increpatione ab ipsa benignitate accipiamus; quando oratio recte fluat, & emphatica erit.

§. XII. Prius est, *compinget me justus*, h. e. recto-rigidus, & veram urgens justitiam, sine ulla misericordia & lenitate, quicumque fuerit, sive Deus, sive Satanas, sive judex inter homines, modo posset, me gravissimis plagis propter tale facinus feriret, & prosterneret. *Justus* hic est in emphasi sic dictus, secundum veram vocis vim, qui summum sectatur & inflexilem rigorem, oppositæ ad benignitatem & æquum, cujus mox fit mentio; quo sensu Deus dicitur justus, cum in judicio secundum rigorem justitiæ agit, etiam *Satanas*, rigidus ille & durus justitiæ exactor, JES. XLIX: 24. etiam homo durus & non exorabilis, Eccl. VII: 16. ne sis nimium justus. Loquitur autem in genere, neminem designans, sed quemcunque rigide justum intel- ligens; ut sensus sit: *justus*, qui qualisve sit, qui hoc factum judicare & vindicare posset, *me compingeret*, quod idem est, ac justitiæ rigida me ea ratione obnoxium red- derem

derem ad gravissimam plagam; seu *justitia me contunderet*, uti mox *benignitas increpabit me*. Quod si *justi* titulus, tempore Davidis, æque ac Jesaiæ, in usu, eo, quo dixi, sensu, fuisset de Diabolo, eum hic intendi censerem; ut sensus sit, se ejusmodi facinoribus Diabolo fore tradendum ad conterendum; uti *Jobo* fecit. Fieri potest, ut *Satanas justus*, seu rigidus & sævus, æque כַּרִּי אֶחָדִי hoc tempore fuerit adpellatus, ac פָּנִינִי Ps. viii: 3. proprie *sævus & truculentus*. Verbum vero מָחַל maxime emphaticum est. Primariam vim habet *pangendi, impingendi*; unde est, *gravius ferire, impingere ictum*, allidere ac sternere *a*.

§. XIII. *Posterius habet, benignitas & arguet me*. h. e. quod si rigorem justitiæ effugerem, nec rigidi istius potestati ad confractionem traderer, & benignissime mecum ageretur; ne sic quidem a castigatione liber forem: ipsa quippe benignitas, & benevolentia, me redargueret & castigaret; quicumque, quanta etiam benignitatis vena fluens, & studio benefaciendi præditus, me increparet, & puniret. *Abstracto* utitur pro *concreto*, majoris emphasios ergo: quo nihil est vulgatius; & qualemcumque intelligit, sive Deum, sive hominem, quam benevolum, pium & amicum; in cujus redargutionem & castigationem sese incursum esse hoc facinore, declarat. De voce חָסַד, & verbo חָסַדִּי cum sæpe alias dictum sit, nec res nunc ignota, plura non addam, nisi *redargutionis* verbo intelligi posse qualemcumque convictionem, & redargutionem, sive verbis, sive factis, adeoque & castigationem amicam ac benevolam.

§. XIV. β. *Secunda ratio ab indecentia, & personæ suæ repugnantia, petita, his verbis profertur, oleum capitis ne crudum reddat caput meum*. h. e. Unctio Divina in augmentum munus regium, quæ mihi & Saulo contigit, magis etiam spiritualis, qua ego condecoratus sum, spiritus dō-

a Schultens ad Prov. xxiii: 35.

nis mactatus, absit longissime, ut me crudum, austum & exulceratum, faciat, qualis essem, si facinore, modo memorato, me contaminarem, debet me, contra, mollem, lenem & benignum, efficere, qualem ut me præstem Deum oravi. Orationis forma, *ne crudum* reddat, ita est instituta, ut fortissime neget, & rem, tanquam absurdam & longe a se alienam, rejiciat: quam potestatem vocula *ne* haud raro præfert: uti habuimus Ps. cxi. 9. & alibi. Declarat itaque, longe absonum esse, ab unctione capitis, qualiscunque sit, de qua mox, longe abhorrere effectum cruditatis & exulcerationis suæ; quem tamen habuisset, si ejusmodi facinoris, quod modo deprecatus erat, sese reum egisset, vel ageret; contra, proferre debere lenitatem & mansuetudinem, quam habere cupiebat, & a Deo suppliciter petierat. Quo sensu recte intelligitur, novam hic proferri rationem, a persona Davidis, ejusque qualitate petitam, qua facinus illud a se removendum esse evincit, & sese recte contra illud orasse, demonstrat. Habet autem oratio pro hypothese, facinus illud a se commissum directe fore adversum personæ suæ, & patefacturum, caput suum fuisse non molle, uti debebat, sed crudum factum per *oleum* capitis, quod valde alienum erat.

§. XV. Conjungendæ itaque sunt hæ voces, secus ac vulgo videtur, nec cum verbo *increpare* construendæ, ac si increpatio diceretur *oleum capitis*, & sensus foret, eam non crudum facturam caput, quod structuræ orationis & scopo minus convenit, sed novam sententiam constituunt, quæ alteram rationem, qua facinus illud a se removel, continent, ut dixi, a qualitate & dignitate personæ suæ sumtam, cui illud adversaretur. Qui sensus sicut scopo apte respondet, ita verbis & structuræ sermonis unice convenit. Quod ut adpareat, sequentia sunt notanda. 1. *Oleum capitis* non est præstantissimum simpliciter, ut a multis capitur, & vox *שמן* subinde sumitur, sed in *caput* effusum; uti proprie denotat, & possum usurpatur. Vid. Ps.

Pf. xxiii: 5. cxxxiii., & alibi: quod sequentia confirmant, ubi negatur *caput crudum* per oleum futurum; argumento, *oleum* intelligi in *caput* effusum. Sed quid est *oleum capitis*? unctio, ni fallor, *oleo* fieri solita, sive propria, sive figurata, vel spiritualis, adeoque regia majestas, vel donorum spiritualium copia; quæ utraque per *oleum* & *unctionem* depingi, ut notum, solet. Utique *reges* adpellantur eximie *uncti*, & *uncti* Jehovæ, inter Judæos; quemadmodum Saulus a Davide adpellatur, & inde ratio petitur, quare *occidendus* non sit, 1 Sam. xxiv, xxvi. & inde exaggeratur pudenda ejus cædes a Philistæis, acsi *oleo non fuisset unctus*, 2 Sam. 1: 21. David quoque eo titulo sæpe venit, quem Deus ipse *unxisse* dicitur, Pf. lxxxix: 21. *Oleum* præterea, & *unctionem*, esse usitatum emblemata Spiritus S., ejusque *virtutum* & *operationum*; satis constat a.

§. XVI. 2. Radix *אין*, unde est *אין* pro *אין* per aphæresin tertiæ *א* non inusitatam, præsertim in Hiph., uti notum *b*, proprietatem habet in re *semi-cocta*, vel *cruda*; unde inter alia transfertur ad id, quod contusione, ex gravi onere orta, *exulceratur*, & *אין* est *gravavit*, malo læsit & adfecit, vel in corpore, vel animo, in specie adhibetur in animi læsi *exulceratione* & *exasperatione* hostili; ut Lat. *recrudescere*, & *crudum* pro sævo, truculento c. Quam *exasperandi* notionem hic omnino habet, oppositæ ad *emolliendi* effectum, quem *oleum* habere debeat & soleat. Sensus ergo est, *oleum* capitis, quod illud *molle* reddere debeat, absit ut contrarium habeat effectum, caput *crudum* faciendo, & *exasperatum*, sed *emolliat*. 3. *Caput*, non *crudum* faciendum, significat cum *dignitatem* & *eminentiam*, excellentiamque, tum animi adfectiones & operationes, in *capite* residentes, tum ipsam *personam* in genere, ut caput pro homine ipso sumi solet d, & supra habuimus Pf. lx: 9. pro dignitate & persona ipsa.

Pppp. §. XVII. Sen-

a Vitringa ad Jes. x: 27. b Schultens Gr. p. 372. c Id. ad Job. xxxiii: 10. & florileg. p. 159. d Id. ad Pf. cxxxix: 17.

§. XVII. Sensus itaque est, qui ex præmissis observatus sese facile offert, unctionem non debere ipsum reddere durum, & exasperatum; ut in hostilem vindictam erumpat, sed mollem, mitem, & benignum, præterea nec contundere aut plaga graviore adficere, sed potius sanum, vegetum, & hilarem relinquere, & facere: quod est olei effectum. Sed *cujus* capitis oleum intelligit, quod caput suum nolit crudum fieri? Dubium non est, quin proprie & directe suum ipsum caput oleo perfusum in animo habuerit, cum illud sequentia requirant, ubi de *suo* capite non exulcerando loquitur; adeoque sensus sit, nec personæ nec virtutibus suis convenire illam cruditatem, quæ insuper grave vulnus utrique, & personæ, & qualitati morali suæ, infligeret. Erat jam tunc *unctus in regem per amuelem; oleo sanctitatis a Deo unctus*, Ps. LXXXIX. 21. Insignibus insuper donis & virtutibus Spiritus S. præditus; uti notum. Hoc *oleum capitis* sui declarat nullo modo permittere, ut facinus, modo memoratum, committat, sive sese durum & crudum præbeat Saulo, ejusque domui, ac sociis; sibi que ea ratione plagam infligat, sed contra exigere, ut lenis sit, patiens & submissus, oret potius pro eo, quam eum invadat hostiliter. Quæ ab unoquoque latius extendi facile possunt. Sed, cum non dicat, *oleum capitis mei*, verum in genere & absolute, *oleum capitis ne crudum faciat caput meum*, ad ipsius Sauli unctionem indirecte quoque videtur respexisse, tanquam quæ non patitur, ut *crudescat* caput suum in ipsum, quia & ipse *unctus Jehovæ* erat; quam rationem ipse quoque dedit, quare manus in ipsum injicere noluit, 1 Sam. xxiv, xxvi. Quando sensus erit amplior; *oleum capitis* sive alterius, sc. Sauli, sive magis mei ipsius, *ne crudum faciat caput meum*. h. e. unctio mea id non patitur, non illum, sed alium effectum habere debet, ne quidem *unctio* alterius, seu Sauli, a me non nisi cum *mei capitis* læsione violanda.

§. XVIII. γ. Tertia ratio, qua facinus illud a se alienum

num esse, & contra illud se jure merito orare, demonstrat, ab ejus moribus, & hucusque observatis & deinceps retinendis, quibus illud directe adversatur, petita est, vers. 5. fin., 6 & 7. Quā in pericopa *a.* modum agendi, quem hucusque cum hostibus suis improbis tenuit, enarrat vers. 5. fin. *b.* eodem pede se insistere, eademque ratione sese erga illos agere velle, usque ad totalem eorum destructionem judicio Divino, declarat, vers. 6, 7. *a.* Prius his verbis, vers. 5. fin. *quia adhuc & precatio mea in malis ipsorum*, *h.* e. abesse a me longissime debet hostilis impetus in operarios iniquitatis, qui me persequuntur, eam etiam ob rationem, quod hucusque longe aliter erga eos fuerim adfectus, & me gesserim: tantum enim abest, ut hostiliter cum iis egerim, ut solas *preces* eorum malitiæ opposuerim, & in media eorum malitia non cessaverim pro iis, ad eorum conversionem & salutem, precari. Vocula *ו* *quia* hic verum suum usum retinet, quo *ratia* redditur superiorum; ut ex paraphrasi patet. Nova enim redditur ad facinus illud a se removendum, quia adfectionibus & moribus, hucusque præstitis, adversatur. Quæ vocula, in duabus præcedentibus sententiis omissa, hic expressa est, sed in præcedentibus quoque intelligenda, & ad eas extendenda. Vocula *ו* *adhuc* hic veram suam quoque vim exserit, cujus sensus est, ad hoc tempus usque, post tam diuturnam persecutionem, se nihil a pia sua remisisse adfectione in hostes. Nec præf. connectens *&*, in voce *וְהָאֵל* *& precatio mea*, emphasi caret; dicit enim, lenitatem suam eousque fuisse demonstratam, ut *ipsa precatio sua* fuerit *in malis ipsorum*. Abundat itaque, ut sæpe alias, cum emphasi. Sed quid sibi vult phrasis *precatio mea in malis ipsorum*? dubium mihi non est, quia relat. *ipsorum* ad *operarios iniquitatis*, vers. 4. & non ad *justum*, vers. 5. respiciat, ut recte a Coccejo, Gejero, & aliis est observatum: exigit enim hoc pronom. plur., nec non sequens textus; ne dicam, *justo contumelianti* nulla ratione convenire,

ut ex dictis liquet. Sed ambiguum est, *malone* physica a *moralia* intelligantur? utriusque enim generis applicari potest *precatio* viri pii in iis. Testificatur enim & alibi, se se pro hostibus suis afflictis orasse, Pf. xxxv. 13. Sed utrumque malum hic recte conjungitur, modo *physicum illorum* non intelligatur, quo ipsi adfecti sunt, sed quod aliis inflixerunt: adeo ut sensus sit, se precatum esse in mediis malitiis ipsorum, & pravis eorum facinoribus in se, quibus *mala* physica patrarunt. Pravas adfectiones & actiones eorum hic omnino intellexerim; quas vox Hebr. etiam utatius denotat. Respicitur enim ad *operarios iniquitatis*, adeoque *mala* eorum sunt, per quæ se tales operarios præstiterunt; phrasis præterea, *precatio mea in malis ipsorum*, rectius & plenius in pravas eorum adfectiones & actiones quadrat. Cum vero absolute dicat, & in genere, *precatio nem suam fuisse in malitiis ipsorum*; phrasin quoque amplissimo sensu accipere fas est. Indicat itaque 1. se in mediis ipsorum malitiis, & hostilibus infectionibus, sese occupatum tenuisse, & contra eos armasse *precibus*, ad Deum pro conservatione ac liberatione sua, & contra eorum prava facinora, fufis: se ergo nihil remississe a piis suis exercitiis, & auxilium suum nusquam nisi in Deo, ejusque favore & gratia, quæsiuisse, hostibus suis nulla opposuisse arma, nisi *preces*; quemadmodum, Pf. cix. 4. *pro amore meo odio me habent, at ego precatio*. h. e. hoc meum fuit auxilium, hæc mea occupatio. Quo etiam facit, quod verti voces possint, *precatio mea contra mala ipsorum*; quod nonnulli malunt, vid. Gejerus. 2. Addi potest, precationem quoque ad ipsorum hostium commoda referri posse; ita ut pro iis oraverit in mediis eorum malitiis; dum ipsi hostili impetu in Davidem ruebant, non destitisse pro iis orare, ad eorum conversionem & repressionem; & pro malo iis rependere bonum: ut a se factum declarat David Pf. xxxv. xxxviii, cix. & alibi.

§. XIX. b. Subjungit, se eodem tenore perrecturum in post-

posterum, piamque suam erga hostes adfectionem etiam tunc demonstrando, quum iudicio Dei fuerint confracti; vers. 6, 7. *Inmissi sunt in manus petrae iudicum ipsorum, & audiverunt*, vel audient, *dicta mea*, quod amoena sint: sicut *scindens & findens in terra*, dispersa sunt ossa nostra ad ostium inferni. h. e. Sicut antea, quum iudicio Divino in praesentissima inciderunt pericula, dicta mea suavia & amica audiverunt, ab omni odio & vindicta aliena, ita, quum rigorem iustitiae iudicis sua destructione experientur, similia verba a me audientur, quibus eorum non tantum, sed & nostram, seu populi, sortem deplorabo, dicturus, *nostra ossa* esse violenter confracta, & dissipata, instar mortuorum. Continent verba, secundum hanc paraphrasin, 1. declarationem animi pii & mansueti, verbis demonstrandi, tempore iudicii impiorum persecutorum, sicut antea fecerat in casu praeterito, & excidii praenuncio, vers. 6. 2. Summam, seu specimen verborum suavium, quae a se proferenda esse dixerat vers. 7.

§. XX. 1. Prius his verbis comprehenditur, vers. 6. *Dimissi sunt in manus petrae iudicum ipsorum, tunc audierunt, audientque, verba mea, quod suavia sunt.* Quibus verbis declarat, quo animo, quibusque verbis exceperit, & excepturus sit, iudicium divinum in impios, licet hostes suos. Prius enim membrum continet iudicium Dei in eos, & posterius animi adfectionem erga illos in eo iudicio repraesentat: sunt autem ea ratione ordinata, ut ad praeteritum & futurum adcommodari possint, adeoque hac parte de ambiguo, studio captato, quid trahant. Explicemus primo sensum, & dein de tempore praet. & fut. dispiciamus. Sensus posterioris membri cum nihil habeat difficilis, de eo nihil aliud dicam, quam verbum *audierunt*, vel *audient*, impersonaliter esse sumendum, pro *audita sunt*, vel *audientur*; & *dicta amoena*, vel ligato, vel soluto stylo prolata, utrumque patitur vox *אמר*, quae etiam pro *car-*

Pppp 3

mine

• Vid. comm. noster ad Gen. XLIX: 21. & Mal. I. 14.

mine fumitur, ut *כח* *canere a*, esse suavia, & grata, quæ de animo miti & benevolo testantur, oppositæ ad irrationes, illusiones, maledictiones, & lætitiæ signa super iudicio illorum. Sed *prius* membrum difficilius est, utique minus recte expeditum: quod suo loco relinquendum est, verum sensum in lucem produxisse sufficiat. Quo fini not. 1. *iudices ipsorum* non esse subjectum orationis, ut vulgo censetur, sed esse, in quorum manus inciderent operarii iniquitatis, supra memorati; adeo ut *bi* sint, qui dimitterentur, *illi* vero, in quorum *manus*; qui cum voce *petra*, seu *rupis*, itaque cohærent, ad emblematicæ phrasios explicationem additi; ut in versione expressi. *Judices ipsorum* itaque sunt, non præfecti, & primores, eorum, quod huc non quadrat, nec emphasin haberet titulus *judicum*, sed qui eos *judicant*, quibus rationem facinorum debent, & dabunt, sive supremus sit iudex, Deus, num. plur. etiam *iudices* dictus Pf. LVIII: 12. sicut alias *domini*, & *servatores*, uti notum; sive etiam executores iudicii Divini, quales respectu Sauli fuerunt *Philistai*. *Petra* vero seu *rupes* stylo emblematico inter alia sive insuperabile obstaculum, & præsentissimum periculum, sive *rigorem* justitiæ & legum expingit, uti alio in casu observavit Cl. Schultens *e*, qui conspectus simul adplicari potest Pf. cxxxvii: 9. *Manus* vero *rupis* denotat vim, & potestatem ejus, ut *manus inferni* Pf. XLIX: 16. *manus flammæ* Jes. XLVII: 14. *manus linguæ* Prov. XVIII., *manus peccati* Job. VIII: 4. & similia. Verbum denique *כח* notat *laxare*, *dimittere*, *tradere*, promiscui juris facere; ut apud Arab., cui Hebr. *והו* proxime convenit *b*. *Dimitti* tandem, ut totam phrasin explicem, *in manus rupis iudicum ipsorum*, significat, iudicio Dei partim in præsentissimum periculum præcipitari, partim secundum rigorem justitiæ tractari, & confringi; quod Pf. cxxxvii: 19. *allidi ad petram* dicitur.

§. XXI. Sensu verborum percepto, inquiremus, quo pertineant? Referri possunt, ut supra insinuavi, ad præc.

a ad Prov. xxx. p. 470. *b* Vid. Coccejus in Lex.

& fut. casum, sive mox, sive aliquandiu post. Possunt enim duplici ratione verti, vel, *immissi fuerunt* — — & *audiverunt*, vel *immissi fuerint* — — — — *audient* &c. enim in ~~won~~ recte habetur pro *conversivo*, ut dicitur præteritum in fut. cui accentuatio etiam favet; quando præteritum *immissi sunt*, accipi debet pro præteritum in re futura; uti sæpe alias, & verti, *immissi fuerint*, pro *quum fuerint* &c. Ad emphasin phrasios, *immittere in manus rupis judicium*, quam modo exposui, adtendentibus probabilius nobis videtur, directe intendi casum futurum, quo excinderentur operatores iniquitatis, Saulus & focii; quod factum est per Philistæos; quo seq. versus nos manifeste ducit, ut mox adparebit. Quod a Davide hic spiritu prophetico prædictum est. Quo casu existente declarat, se animi benigni & condolentis signa daturum per verba amoena, publice audienda; uti ab ipso factum constat ex 2 Sam. i., de quo mox. Attamen digitum simul intendi autumaverim ad *duos* casus, ultimi hujus prænuncios, *alterum præteritum*, 2 Sam. xxiv. *alterum præsentem*, & mox futurum, 2 Sam. xxvi. quo utroque Saulus cum focis immisus est *in manus petrae judicium ipsorum*, licet leviori sensu, quatenus in præsentissimum vitæ periculum incidit, & a Davide occidi facile potuit; sed *blanda* tum etiam Davidis verba, mitis, & a vindicta alieni, animi signa, audita sunt: uti constat. Hac ratione verba amplissimum habent sensum; & casus illi recte una censeferi possunt comprehensi, quod priores duo fuerint ultimi prænuncii, & signa; uti David ipse, locis citatis, haud obscure indicavit.

§. XXII. 2. Specimen & summam verborum amoenorum, quæ modo dixerat a se esse publice tempore judicii divini in operatores iniquitatis, Saulum & socios, proferenda, sequentia verba, ex nostra opinione, exhibent, vers. 7. *Sicut secans & findens in terra dissipata sunt ossa nostra ad ostium inferni*, h. e. Quo tempore immisi fuerunt viri illi, qui me persequuntur, in rigida judicis justitiæ

tiæ potestatem, non lætabor & insultabo ipsis, sed mitis & condolentis verbis utar amoenis, quibus, ut summam dicam, instar lugentis & miserantis, eorum non tantum, sed & nostram, seu populi totius, sortem deplorabo, tanquam qui redacti sumus in miseram & afflictam conditionem, qua robora nostra disjecta sunt, & præcipui nostri violentia & pudenda cæde sunt prostrati, & insepulti in terra abjecti, haud secus ac terra solet scindi & findi, partibus ejus disjectis. Quæ non sunt ad Davidem, ejusque socios, a Saulo vexatos & ad necem quæsitos, ut fieri adsolet, sed ad Saulum, & operarios iniquitatis violenta morte e medio tollendos, referenda, & summam continent, ut dixi, verborum *amoenorum*, tunc a Davide proferendorum, quum *immissi fuerint in manus petrae* 1. quia si de se fuisset locutus, sing., ut per totum Pl., & non plur. usus fuisset, non *ossa nostra*, sed *mea*, dixisset, 2. quia sui status afflictæ mentio qua ratione hic locum inveniat, non adparet; nec Interpretes sufficienter exponere poterunt. Ex nostra hypothese nexus & scopus verborum in facili est; modo suppleatur, *dicam enim*, vel *hec* nimirum verba audientur. Quo nil est usitatius. 3. Quia imago est nimis fortis, quam ut in Davidem, tempore persecutionis Sauli, conveniat: quare Interpretes ad hyperbolem, sed nimiam, confugere debent; qua nobis non est opus. Pingitur utique status populi, cujus præcipui, qui robur ejus constituunt, sunt violenta cæde percussi, & ad inferos dimissi.

§. XXIII. Metaphora desumpta est ab *aratore* terræ & *fisso* arborum, qui terram scindit, arborum findit, & partes utriusque dissipat; quocum comparantur hostes, qui populum usque ad ossa findunt, & ossa confracta projiciunt ad ostium inferni, seu præcipuos & fortissimos ejus violenta cæde orco tradunt. Verba continent protasin & apodosin, sive simile & ejus explicationem, sed concise & elliptice, ita ut membra ex se invicem sint supplenda; hac

hac vel simili ratione. *Sicut scissor & fissor in terra facit*, (eam scilicet scindendo, & findendo, partesque dissipando,) *ita scissi sumus, & ossa nostra ad fauces orci dissipata sunt*, a violento scilicet scissore & fissore. In antecedente reticetur *dissipatio*, & in consequente *laceratio*; cujus utriusque in utroque membro habenda est ratio. Præterea in *protasi*, verbo activo, in *apodosi* passivo utitur; quod utrumque est conjungendum; ut sit, *sicut scissor & fissor in terra facit*, & terra ab eo scinditur ac disjicitur; ita violentus hostis nobiscum egit, a quo scissi sumus, & ossa nostra ad orcum disjecta sunt, vel ad sepulchrum, *es* seu introitum inferorum. Quam structuræ diversitatem in activo & passivo verbo si quis evitare velit, poterit in priore membro præf. *ו* supplere in *וּלְהַ* & *וּכְךָ* hac ratione, sicut *a scindente & findente in terra fit*, ita a simili scissore nos fissi & lacerati sumus. Quæ littera facilius omitti potuit propter concurrentiam cum voce præced. *כִּי*, quæ eandem litteram habet.

§. XXIV. Quocunque modo verba concinnentur, illud certum est, *priore* membro simile, & *posteriore* ejus adplicationem comprehendi. Simile est desumptum, vel ab aratore, vel eo & fissore lignorum; non utique a solo fissore lignorum, quod pluribus placet, *cum* quod verbum *וּלְהַ* de *aratore* usitatum sit, & proprie etiam ad eum pertineat, dicit enim proprie, *sequit aratro terram*, *tum* quod *terra* vox eo proxime ducat. Accedit, antiquas versiones omnes eo respexisse; quibus de Dieu etiam adfurgit. Sed cum addatur verbum *וּכְךָ*, ne illud otiosum sit, & ut vera ejus potestas conservetur, simile *scissoris* arborum, vel lignorum, additum velim, ut Tigurina versio expressit. Est enim *וּכְךָ*, cui Arab. *وَمَا* & Heb. *וּכְךָ* respondet, e sono fictum, & rupturam, cum fragore & crepitu, denotat: ut recte observavit. Cl. Kuypers a. Simile concise expressum, in sua latitudine intellectum, ob oculos ponit terram, quæ

Qqqq

ab

ab aratore scinditur, ac invertitur, & cujus arbores a fisco lacerantur, ac in frusta, quaquaversum sparsa, dissecantur.

§. XXV. In apodosi, vel similis adplicatione, dicit, *disjecta sunt ossa nostra ad os orci*, seu inferorum, concise rursus, sed quod ex simili, modo memorato, facile hunc in modum suppletur: ita a violento & potente hoste corpora nostra, eaque præcipua & fortia, sunt scissa, & occisa, insuper quaquaversum disjecta, sive inhumata, sive promiscue & inhoneste jacentia in terra. Eamus per partes, & paucis illustremus. 1. *Ossa nostra* cum dicit, homines intelligit suæ gentis & societatis, qui præcipui erant & firmamenta civitatis, cujus ipse partem faciebat: non mea dicit ossa, sed nostra, ut se salvum quidem, sed sui populi & civitatis insigniores & robora eam sortem subisse, eoque totum corpus fuisse debilitatum, significaret. Conjungit itaque se cum illis, & dolorem suum inde conceptum testatur, seque cum ipso populo inde multum passum esse: quo ipso indicat, se blandis & suavibus verbis uti in hoc casu. 2. Hæc ossa cum *dissipata* dicit esse, ea fuisse violenter tractata & confracta, præsupponit. Quod sicut ex superiore simili facile suppletur, ita ipsa voce *offium*, absolute posita, involvitur. *Ossa* enim absolute posita apud Orient. significare solent *ossa confracta* & quasata multis doloribus, ad medullam usque penetrantibus: uti Ps. xxxv: 10. xxii: 18. Job. vii: 15. & alibi, unde & verbum *ἔσθω* est *ossa confringere*, Jer. li: 17. 2. Confracta ossa dicit *dissipata* fuisse; h. e. quaquaversum projecta, contumeliose & foede tractata, opposite ad honestam sepulturam; sive inhumata cesserint feris, aut proculcata sint, sive terra fuerint fortuito obruta. 3. Addit, *ad os*, seu ostium, *orci*, ut confractionem & dissipationem, vel disjectionem, violenta cæde factam, fortius & clarius exprimeret. *Inferi*, orcus, *ᾗν*, non est sepulchrum, ut putatur, sed status & locus animarum defunctorum, seu *manium*;

nium; ut alibi demonstratur *a*. Os horum inferorum, seu regionis manium, est ostium, seu introitus in eam regionem; sicut *os*, נַחַשׁ, fumi solet. Prov. viii: 3. *os civitatis*, Gen. xxix: 2. *os putei*, Jos. x: 18. *os speluncae*, & similia. *Ostium* itaque inferorum est ipsa mors, qua quis in eam regionem intrat, & forte etiam honesta *sepultura*, cum ea conjuncta, ex opinione Veterum de regione manium infra terram; in quam quis per mortem & sepulturam intrare censebatur: sicut *os* quoque superior rei pars adpellatur. *Offa* itaque, vel membra reip. præcipua & *robora*, dicuntur confracta & disjecta ad ostium inferorum, quatenus violenta nece sunt adfecta, & foede abjecta. 4. Denique ex simili præmissio & illud addendum est, confractionem & disjectionem illam fuisse factam a potente & violento hoste, qui cum *sulcatore* & *fissore* comparatur. Quod facile intelligitur, & ad Philistæos, qui Saulum, & exercitum ejus, prostraverunt, adplicatur. Ex dictis liquet, quam apte verba in eum casum quadrent, & conspectum simul habeant verborum *suavium*; cum nihil acerbū contineant, sed multum animi benevoli, ac condolentis; quæ itaque recte pro summa carminis habentur, quocumque illum honestavit, 2 Sam. i.

§. XXVI. 2. *Posterius* precum argumentum comprehendit conservationem & liberationem a fraudulentis & violentis persecutionibus hostium, ratione ducta a patrocínio Dei, quod respiciebat in fide, & quo se receperat, vers. 8, 9. *Quia ad te, Jehova Domine! oculi mei respiciunt, in te perfugium quero & habeo, ne denudes animam meam; serva me a manibus laquei eorum, qui mihi illaqueantur, & tendiculis operatorum iniquitatis.* Nihil hic curæ nostræ relictum. De re ipsa vidimus ad Ps. cxi: 5, 6. Verba & phrasés parum habent obscuri. Præmittit fundamentum precationis, in fide & fiducia sua in Deum situm. *Quia ad te, Jehova Domine, oculi mei, in te ipso & solo refugium meum*

Qqqq 2

a Vid. ad Ps. xvi, xlix: 15. & alibi.

meum pono. Quæ non ad præced. sed seq. pertinere, facile patet, & recte observatum est. Tantum notetur *emphasis* ה paragogici in נכה *in te*; non enim simpliciter paragogicum est, sed *emphasin* auget, ut sit *in te*, qui potentissimus es & benevolus protector, in te ipso & solo. De qua vel simili *emphasi* ה paragogici alibi dixi in comm. ad Mal. II: 11.

§. XXVII. Ipsa precatio *negative* proponitur & *positive*: priore modo his verbis, *ne denudes animam meam*, h. e. vel, ne præsidio tuo nudatam exponas animam meam, seu vitam, manifesto periculo & morti, vel, ne effundas animam meam, instar aquæ, & me ea prives, seu vacuum reddas. Posterius licet vulgatius sit, & ex Jes. XXXII: 15., ubi pro *effusione* sumitur, confirmari possit; prius tamen cum verbi notione est conjunctius, & elegantius. Proprie enim in illud convenit, quod per effusionem nudatur, ut de lagena habetur, Gen. XXIV: 20. non quod profunditur, ut hic: præterea, cum modo dixerat, se in Deo quærere & habere *præsidium*, rectius orat, ne eo *nudetur anima sua*: accedit, *nudari* metaph. sumi pro exponi periculo & morti; quare נדה met. denotat loca nuda, patentia, periculis bellorum maxime obnoxia, per quæ hostis irrumperere potest a. Nec aliter sumenda est phrasys, Jes. LIII: 12. ubi *nudare animam morti*, vel *ad mortem* est, eam ei exponere, & obnoxiam reddere mortis invasioni.

§. XXVIII. *Posteriore* modo, vel *positive*, his verbis enunciatur precatio, vers. 9. *Serva me a manibus laquei, eorum qui illaqueantur mihi, & tendiculis operatorum iniquitatis.* In quibus nihil est, quod moratur. Si vero quem offendat plur. foem. vocis נשקם, cum non nisi in malc. occurrat, is pro hac voce legere poterit נשקם, ut Pl. CXL: 6. unde facile oriri potuit נשקם. Illud, licet leve forte sit, verbo notetur, minus recte verbum נשקם suppleri & verti solere, *quem mihi tetenderunt*, sed debere, *eorum*

rum qui mihi laqueum tetenderunt; ut mox, laqueus operantium iniquitatis. Phrasis itaque אשר יקשלי pro יקשלי est pro particip. יקשלי, & reddi debet, eorum, qui mihi illaqueantur; verbum enim שׂק per se dicit laqueum ponere, nec potest cum נא construi.

§. XXIX. Superest pars tertia Pf., qua, per modum conclusionis, operatorum iniquitatis sibi insidiantium excidium, & suam liberationem, se certo prævidere & expectare declarat, tanquam propheta, & de precum suarum exauditione certus; his verbis, vers. 10. *Cadent in foveas suas improbi pariter; ego, vel uniter ego, continuo, vel majestuose & animose, transibo.* h. e. Certus prævideo, & prædico, ut concludam, improbos suis pravis consiliis, in me cufis, exitium sibi esse paraturos, eosque totos quantos perituros; me vero bene compactum, & securum esse continuo & majestuose, ac animose, quaquaversum transiturum, & superaturum. Prius membrum, improbos perituros suis consiliis & facinoribus propriis, nihil habet admodum difficile, quod non est ab aliis expeditum. Tantum addo 1. voce נכח non rete, ut sumi solet, sed foveam significari, feris capiendis paratam, & prunis aggestis instructam, pro esca injecto frusto carnis, vel & ovicula viva, quæ balatu suo feras adliat; qua ratione cum decipulis conspirat: quo modo, foveis ad latera fluminum paratis, capiebantur crocodili, quo Jes. xix. respicitur. Signat autem vox apud Arab. cavum prunis aggestis flagrans, a rad. נחך flagrare. 2. Vocem נח uniter, pariter, recte, cum præced. construi; ut sensus sit, eos pariter, totos quantos perituros: quam significationem præfert נח, uti notum; & haud infrequenter de hostibus excindendis ea ratione usurpatur, ut Pf. xxxvii: 38. xl: 15. & alibi sæpe.

§. XXX. Posterius membrum difficilius est, & haud una laborat ambiguitate, cujus in versione etiam rationem habui. 1. Primum ambiguum est in voce נח, quæ cum


Qqqq 3 præced.


præced. construi potest, ut feci, & seq. ut accentuatio Maforethica habet; quod utrumque admitti potest. Sed cum seq. constructa vox dicet *compacte & secure*; ut sit, *uniter* ego, unitate undique compacta & conclusa, quam nulla vis hostilis perrumpere possit, adeoque *tutissime & secure*: uti Pf. IV: 9. & alibi. 2. *Secundum* est in voce, vel vocula ׀, ante ׀אנא, quæ verti solet, *donec* transiero, quod minus commodum aut facilem reddit sensum. Verti vel *continuo*, vel *magnifice & animose*; quod utrumque planam reddit orationem, & sensum emphaticum. Si *continuo*; sententia erit, *uniter* ego continuo, & *identidem* repetitis vicibus, *transibo*, scilicet quaquaversum, & *viatoriose*; de quo mox. Vocula ׀ pro *eterna* sumi solet, sed proprie non nisi *longissimum tempus* denotat, quod ex vicibus, & periodis in orbem *identidem* revolutis, constat; a rad. ׀׀׀ *volvi, obvolvi, revolvi*: quare recte hic foret, *transibo continuis vicibus*, *identidem* repetitis. Sed potest etiam verti *majestuose ac animose transibo* instar herois & triumphatoris; a ׀׀׀ magnifice se ornavit, ut in pompa & triumpho *a*. Sed signat quoque ׀׀׀ *cursum vehementem & infestum*, qualis est leonis in prædam ruentis: Job. XXVIII: 8. Recte itaque ׀ erit *magnifice & animose & in hostes ibo*, & iis devictis incedam. Quod utrumque verbum ׀׀׀ involvit. Sic Tseph. III: 8. *expectate me, dictum Jehovah, ad diem, quo surgam* ׀׀׀ *majestuose & impetuose*. 3. *Tertium* est, verbum ׀׀׀, absolute positum, qualemcunque transitum in genere quaquaversum denotare, & in specie *hostilem & bellicum*; quem usum frequenter habet. Radix proprie dicit *intumescere*, & de fluvio intumescente ac altius se efferente sumitur, unde ad magnificum & elatum incesum, simul hostilem invasionem, facilis est transitus. Utrumque hic conspectum conjungere licet; uti Jes. XLI: 3. de Cyro, *persecutus est ipsos, transit in pace*, h. e. tuto, & incolumis, ut hic ׀׀׀ *uniter*. Denique signat etiam ׀׀׀, absolute positum,

a Schultens ad Job.

tum,

tum, eodere; ut Prov. 11: 15. fin. quod & huc applicari potest. Prænunciat itaque David, se tuto, & animose, simul impetuose & magnifice quaquaversum continuo esse transiturum, sive in hostes, sive in regno devictis hostibus. In quo amplissimo sensu acquiesco. De implemento in Davide non opus est, ut dicam, cum nemini non contet.





P S A L M. CXLII.

1. *Carmen informans Davidis, cum esset in spelunca, precatio.*
2. *Voce mea Jehovam inclamabo, voce mea stridula Jehovam inplorabo.*
3. *Effundam coram Ipso querulas & submissas meas preces, angustiam meam coram ipso publicabo.*
4. *Quum spiritus meus tristitia fuerit obvolutus. Et, vel profecto, tu novisti viam meam regiam, in ipsa illa via, qua itare solebam, occultarunt laqueum mihi.*
5. *Respice dextram, & vide, & nemo est, qui me agnoscit, periit mihi perfugium, & nemo querit de anima mea.*
6. *Inclamavi te, Jehova, dixi, tu perfugium meum es, portio mea in terra viventium.*
7. *Adtende vociferationem meam, quia adtenuatus sum valde, eripe me persecutoribus meis, quia me sunt firmiores.*
8. *Educ, vel emicare fac, animam meam e claustro, ad celebrandum nomen tuum; in me coronabunt iusti, vel iustos, quod me bonis cumulaveris.*

PROLEGO.

PROLEGOMENA.

§. I.

Argumentum Ps. est viri pii, qui Deum pro sorte sua in hac vita elegerat, & in eo suum perfugium semper quæsierat, nunc in eum statum afflictum redacti, quo ab omnibus desertus, & ab hostibus, qui jam antea ipsi insidias struxerant, palam ad necem erat quærendus, oratio ad Deum, qua partim declarat, se fiduciam in Deo positurum, & in precibus auxilium suum quæsiturum esse in omnibus angustiis, quibus premeretur, eaque ratione animum, si quando tristitia fuerit nimium obvolutus, erecturum, & firmaturum, partim orat, ut Deus, ad præsentem suum statum miserum, suamque ad Deum relationem, & piam animi adfectionem, semper præstitam, respiciens, se exaudiat, & hostium manibus eripiat, ut & sibi & justis reliquis præbeatur materia Deum celebrandi, & in eo gloriandi, tanquam piorum vindice. Cum, sermone de Deo in tertia persona instituto, & ad se verso, declarasset, qua ratione se in afflictione & persecutione sua, quæ nunc publice inciperet, gereret, animumque suum erigeret per preces ad Deum fundendas, Deum directe adloquitur, cui per modum introductionis præteritum suum statum periculosum, per tectas hostium insidias, & præsentem fere desperatum, una cum relationibus suis ad Deum, & piis adfectionibus erga eum, ob oculos ponit, dein directe ab ipso petit conservationem & liberationem suam, urgetque ex glorioso consequente, & sui, & justorum respectu, quo & ipse Deum celebraret, & iusti triumpharent & gloriarentur. In quo canticum claudit.

§. II. Duo vel tres sese offerunt characteres personæ loquentis, ejusque status, ex quibus de tempore Ps. qui Davidem habet autorem, judicandum est. *a. Primus re-*

Rrrr

spicit

spicit ad tempus præteritum, habetque, Davidem variis huc usque insidiis recte esse pettum, quæ ipsi in omnibus suis viis structæ fuerunt, vers. 4. ubi de occultis loquitur insidiis, iisque præteritis, quas Deo dicit esse notas. *β. Secundus* lineas præsentis conditionis ducit, eamque depingit tanquam desperabundam, qua ab omnibus desertus, sine comitibus & patronis, ad necem petebatur a potentissimis hostibus, vers. 5, 7. *γ. Tertius* denique addi potest, eum graviores & publicas expectare hostium infestationes, quæ ad incitas ipsum subinde redigerent; in quibus ut Deus sibi oranti, & ad eum confugienti, identidem succurrat, supplex petit, vers. 3-4.

§. III. Quos characteres qui adverterit, & Davidis historiam mente recollegerit, in eam sponte sua veniet opinionem, nullum tempus Pl. esse adcommodatius eo, quo, clandestinis Sauli insidiis in aula ejus ereptus, se solum, & ab omnibus desertum vidit, hostiumque publicas infestationes experiretur. Qui ejus fuit ipsissimus status, quo in spelunca Adullamitica latuit, 1 Sam. xxii: 1. antequam sese aliqui de familia aut populo ei adjunxerint. Cui hypothese sicut criteria, modo prolata, unice conveniunt, ut facile patet, ita robur addit inscriptio, modo per *speluncam*, in qua has preces fudit, non ea in deserto Engaddi, 1 Sam. xxiv., sed *Odollam*, 1 Sam. xxii., intelligatur. Dissentiant hic interpretes, & plures de priore capiunt; cui nomen *spelunca* absolute positum convenire videtur, ut Pl. LVII: 1., sed ibi habetur, eum a coram Saulo, ipsum actu persequente, fugisse in *speluncam*; cum hic simpliciter habeatur, ipsum *fuisse* in *spelunca*: quod satis notabile discrimen est, & utrumque casum distinguit. In *speluncam* Engaddi a Saulo ipsum infestante compulsus est confagere; sed hic simpliciter dicitur, ipsum *fuisse* in *spelunca*; nulla mentione fugæ coram Saulo, actu & publice persequente, & ideo in *speluncam* recessus, facta. Characteres quoque, modo fixi, non quadrant in statum Davidis

Davidis in spelunca Engaddi; nec enim tunc solus fuit, ut vers. 5. habetur, nec tunc primum incipiebat publica persecutio, sed aliquandiu duraverat, secus ac hic indicatur. Acquiescimus itaque in hac hypothesi.

§. IV. *Scopus* Pf., cum publico communicati, unde facile de *usu* constat, est, pios & justos informare, qua ratione sese in calamitatibus, etiam summis & desperatis, habere & gerere debeant, ad statum suum digne tuendum, & optatum finem liberationis consequendum; non desperando, & injustis mediis utendo, sed se in Deo erigendo, & precibus ad Deum confugiendo; quarum formulam hic ipsis in manibus tradit. De quo scopo sicut argumentum Pf. testatur, ita inscriptio nos certiores reddit. Titulus enim *כִּי־עַבְדִּי* *informans*, & *maturum*, seu prudentem & felicem, reddens, eo manifeste ducit. De quo dixi ad Pf. xxxii. Adfines est, exemplo suo demonstrare, pios, ad incitas reductos, non succumbere malis, sed inde gloriose liberari; quod in suum solatium vertere possint & debeant pii; quo nos ducit consequens liberationis, vers. 8, *in me sperabunt se iusti*; ut suo loco videbimus.

§. V. *Structura* Pf. nihil habet singularis. Incipit cum soliloquio, quo declarat propositum suum de Deo fidenter, & invocando, in omnibus angustiis, quibus constringeretur in posterum; vertit deinde se in precibus ad Deum, quem a vers. 4. usque ad finem adloquitur; ut suo loco patebit. *Stylus* est adfectuosus, sed facilis. *Partes* Pf. sunt duæ generales. I. *Prior* continet declarationem propositi de Deo cum fiducia in omnibus suis angustiis futuris invocando, eaque ratione se confirmando & consolando, vers. 2-4. init. II. *Posterior* vero *preces*, in præsentè statu fufas, oratione ad Deum versa; ubi 4. rationes moventes ad exauditionem præmittit, desumptas ab insidiis hostium, quibus expositus fuerat & ereptus, a præsentè suo statu, quo ab omnibus desertus erat, & omni destitutus peritrocínio, denique a relatione sua ad Deum, & adfectionibus suis

fuis in eum, vers. 4—6. 2. *preces* pro liberatione sua directe fundit, vers. 7. 8.

E X P L I C A T I O.

§. VI. Cum Interpretes a Davide non discedant, nec vel species sit rationis ad alium oculos flectendi, & supra de *tempore* Ps. compositi egerim; adeoque inquisitioni hypotheseos Ps. exponendi locus non sit, ad ipsam tractationem mox pergo. Prior pars, cujus summam modo tradidi, his verbis comprehensa est, vers. 2—4. init. *Voce mea Jehovaham inclamabo, voce mea Jehovaham stridula implorabo: effundam coram ipso querulas & submissas preces meas; angustiam meam coram ipso publicabo, quum spiritus meus tristitia fuerit obvolutus super me.* h. e. Cum, occultis & insidiosis infestationibus ereptus, publicas & apertas persecutiones expectandas habeam, fixum mihi sedet propositum, quo etiam me consolabor, querelas meas ad Deum deferendi, ejusque gratiam & opem submisso & cum fiducia implorandi, quibuscunque angustis, etiam gravissimis & desperatis, fuerim pressus in posterum. Verba non continent preces, quas nunc fundit, ut accipi solent, sed futurus est in posterum; ut ex verbis fut. temp., quibus utitur, est manifestum, & ulterius confirmatur ex ultimis verbis, *quum obvolutus fuerit spiritus meus*; quæ, ut mox dicam, male cum seq. conjuncta sunt in versuum divisione. Oratio autem est pietatis non tantum, sed & fiducia plena; & pro hypothesei habet, ut in paraphrasi indicavi, eum clandestinis insidiis fuisse ereptum, & nunc manifestis infestationibus hostilibus expositum, quæ ipsum in magnas conjicerent angustias, eo majores, quod cum potentibus hostibus res sibi sit, & ipse omni auxilio nudatus. Quæ hypothesis ex seq. facile eruitur, cum ibi de clandestinis insidiis in præterit., & persecutionibus apertis in futuro loquatur;
in

in præsentia sese omni patrocinio carere dicat. Verba parum habent, quod nostram requirit curam.

§. VII. Exponit David his verbis; qua ratione se tempore nimiae tristitiæ, ex angustiis suis oriundæ, consolaturus sit, quo usus medio ad tristitiam & desperationem superandam; ad Deum in precibus confugiendo. Declarat itaque *a* quod medium in angustiis suis, quæ ipsum corripere, sit adhibiturus, & *β*. quando se ad illud recepturus sit in primis. *a*. Prius exhibent verba vers. 2 & 3. quæ propositum Deum orandi, maxime serium, in angustiis suis, phrasibus diversis, eodem recidentibus, emphatice ob oculos ponunt; *voce mea Jehovam inclamabo, voce mea stridula Jehovam implorabo.* (Jehovam, tanquam justum & innocentium oppressorum vindicem, invocabo, ut mihi jus faciat, eundem, tanquam veracem & misericordem, stridula voce, de tenerrimo adfectu testante, implorabo, ut mihi gratiam faciat. Hac ratione verba recte distinguuntur & capiuntur. Radix *py*, quæ eadem ac *pyr*, originem habet in *crepando*, cum *crepitu erumpendo in sonum graviolem*, & designat proprie fragorem, veluti coeli tonitrua & fulmina mittentis; unde inter alia met. est, *clamavit præ dolore*, q. d. tempestate quasi mentis concussus erupit in fragorem & querelam publicam; adeoque continetur publica querimonia, cum imploratione auxilii & protectionis conjuncta, quam Lat. vocant *quiritationem*, in specie viduarum & pupillorum, 1 Reg. xx: 39. 2 Reg. viii: 5. & oppressorum, Deut. xxii: 24. ita & *py* Ex. ii: 23. 2 Sam. xiii: 19. Ps. xxii: 6. & alibi. Verbum *py* dicit proprie *stridulum & tinnulum* sonare, inde ad tenerrimum adfectum in genere, & vocem querulam ad gratiam implorandam, & adfectum tenerrimum excitandum, refertur: uti alibi sæpe observavi.) *effundam coram facie ejus querulas & submissas preces meas, angustias meas coram ipso publicabo*, (ex intimo animi adfectu, magno studio & ardore, omnes meas querelas coram ipso proferam, & angustias, quibus

fuero constrictus, coram ipso sistam, & enarrabo. Oratio rursus est emphatica. Vox *nov* originem habet in *reciprocatione* motus, in *vagatione* & *exspatiatione*; unde met. *meditari*, q. d. exspatiari in materiam, & altius invehi, inde de vaga & effusa, vel *nugatione*, ut Prov. *xxiii* 29. vel *querimonia*, quæ velut exspatiatur sine modo *a*: unde liquet elegantia phrasios & emphasis, *effundere* meditationem querulam & late vagantem. Alterum verbum *via* proprie dicit, *facere* ut aliquid *ante oculos* clare adpareat, inde palam exponere, enarrare, publicare, instar præconis voce sonora. *Angustias* vero expresse memorat, *a* se publicandas, ut statum suum miserum, & periculum, quo preces eas & querimonias effunderet, & unde orirentur, indicaret, quo & vita periclitaretur, & animus arte constringeretur.) Ad cujus explicationem & adgravationem addit, quæ *β*. altera est pericopæ pars, *cum tristitia fuerit obvolutus super me spiritus meus*. h. e. tunc ita clamabo, quum deprehendero animum meum fere succumbere, & desperaturum esse, tristitia & metu plane obrutum. Conf. Pl. *cii*: 1. & ibi dicta, nec non Pl. *lxxvii*: 4. Proprie est *γγ* duplicando flexit & convolvit; adhibetur de veste exteriori, seu pallio, quod diversimode flexum corpus circumvolvitur: unde met. ad tristitiam profundam, & metum desperabundum, animum implicantem, & convolventem, in cujus signum etiam caput operiri, & corpus toga involvi solet, adplicatur *b*. Exponunt itaque verba *tempus* & *statum*, quo clamores & preces effunderet, ad se erigendum & consolandum, adeoque ad præced. pertinent, & pericopam illam claudunt, cum seq. male connexa, quibus cum non coherent, ut ex dictis liquet, & dicendis magis patefcet.

§. VIII. In altera Pl. parte, quæ preces nunc fufas comprehendit, oratione ad Deum directe versa, *κ*. per modum

a Schultens ad Prov. *b* Schroeder ad Jes. *iii*. cap. 15. & Schultens Har. *conf.* 1. p. 18.

dom introductionis præmittit rationes moventes ad exau-
 ditionem, vers. 4-6. *a.* Quarum *prima* petita est a Dei
 adprobatione & benevola cura, quam expertus antea fuit
 in via, undique laqueis & insidiis ad ipsum irretiendum ob-
 fessa, qua Deus ipsum duxit & tutatus est, vers. 4. *Et,*
vel profecto, tu novisti viam meam regiam; in ipsa illa via,
qua itare solebam, occultarunt laqueum mihi. h. e. modum
 agendi & vivendi publicum, quem hucusque tenui, Tibi
 acceptum, simul curæ cordique, fuisse demonstraſti, o Je-
 hova: illi quidem in illa mea via, qua incedere solebam,
 in vitæ meæ instituto, quod habui, insidias mihi struxe-
 runt, per ipsum illud institutum mihi necem adferre cona-
 ti, sed tua mihi adfuit, me duxit & salvum præstitit, dex-
 tra; eaque ratione demonstraſti te novisse viam meam.
 Respicit David his verbis ad vitæ institutum publicum,
 quod in medio eorum, qui nunc palam incipiebant perse-
 qui, exegit, & palam coram Deo profitetur, se Deo in eo
 adprobaſſe, & ejus ductum ac opem fuisse expertum, dum
 illi insidias ipsi clam struxerint, adeoque se Dei ope tutum
 salvumque mansisse, & ereptum fuisse omnibus eorum in-
 sidiis. Declarat *a.* viam suam Deo fuisse cognitam, dein
b. specimen ejus cognitionis profert in eo, quod viam in-
 sidiis plenam per hanc Dei curam salvus calcaverit. Hac
 ratione coherent *versus* membra. *a.* Prius est, *Et tu no-*
visti viam meam regiam. h. e. profecto tu institutum meum
 agendi publicum & adprobaſti, & cura tua direxisti. Præf.
 וַיִּזְכֹּר וַיִּתֵּן *Et tu* abundat cum emphasi adseverandi, adeo-
 que recte vertitur, *profecto;* ut sæpe alias. *Via* non est
femita, via compendiaria, trames, ut vulgo putatur, sed
 strata, publica & regia; a rad. *נָסַח* *eminuit,* unde via pro-
 prie *eminens,* adeoque strata & regia, seu publica. Intel-
 ligitur itaque institutum vivendi & agendi publicum, au-
 toritate publica munitum, coram omnium oculis, quod
 ipse tenuit. Qui satis notus est *via* significatus figuratus.
 Quam suam viam cum declarat Deo *fuisse notam,* non
 theore-

theoreticam solum, sed inprimis *practicam* intelligit notitiam, seu adprobationem, & curationem, uti Pl. 1. *Deus novit viam iustorum*; & alibi sæpe. *b. Posterius* membrum ejus rei specimen complectitur, in eo situm, quod omnes insidias ipsi in hac sua via clam structas effugerit per hanc Dei curam. Verba hæc sunt, quæ proferam & mox exponam. *In via ista* (scilicet modo memorata, quæ tuum meruit calculum, & tua sub directione fuit) *qua ambulare solebam* (supplenda enim est vocula *per*, & fut. *ambulabo* indicat consuetudinem; ut sæpe alias, nec ignotum) *occultarunt mihi laqueum* (conati sunt me clanculum dejicere, & in perniciem præcipitare; quod a Saulo & aulicis fuisse factum, ex 1 Sam. xviii. satis constat; sed, quod supplendum est, *frustra*, vel & *dextra* tua mihi adfuit. Non enim simpliciter intendit, laqueum sibi fuisse in via sua positum, verum in cassum, & se fuisse salvum: cuius indicium est etiam in eo, quod dicat, *in via ista*, sc. quam *tu novisti*, laqueum posuerunt mihi, adeoque, quod sponte sequitur, insipienter, temere, & in cassum; cum fuerit via ejus Deo nota. Subintelligitur itaque, vel *non frustra*, vel ex seq. & *manum*; seu dextram tuam, expertus sum; eo enim intendit, cum mox subjungit, *respice manum*, sc. qua mihi te obstrinxisti, & me tutatus es antea.)

§. IX. *β. Secunda* ratio movens desumpta est a præsentate statu misero, & periculoso, quo ab omnibus desertus, omni destitutus patrocinio, ad necem quærebatur, & per eundus videbatur, vers. 5. *Respice dextram, & vide, & nemo est* (quod nemo sit) *qui me agnoscit, perit mihi perfugium, nemo querit de anima mea.* h. e. fidem mihi datam, & tutelam concessam antea, respice quæso, & vide nunc, quo in statu sim; ab hominibus omnibus desertus, & omni perfugio orbis; solus itaque, & quo me vertam infcius, ut mortem effugiam. Vult itaque, ut Deus *manum* suam respiciat, & cum eo comparet statum præsentem pericu-

periculosum & miserum, in quo versabatur, ut ea ratione excitaretur ad sibi succurrendum, sicut antea. Hunc existimo esse verborum sensum & conspectum, ab Interpretibus, qui varie instituunt, minus perspectum. In eo est, ut Deum moveat ad preces, mox fundendas, exaudiendas; adeoque & hic ratio movens occurrat, necesse est. Petita autem est a comparatione fidei datæ & protectionis superioris, & præsentis derelictionis; quæ secum consistere non poterant. Quæ duo contraria petit ut Deus consideret, & manum, & statum suum præsentem desertum ab omnibus, sive ab *altera* parte fidem & protectionem, a Deo sibi datam & concessam, ab *altera* vero afflictam suam conditionem præsentem. Prius his verbis, *aspice dextram*, scilicet *tuam*: cum enim absolute loquatur, *dextram* simpliciter nominans, nihil propinquius est, quam ipsius Dei intelligere, quem adloquitur; ceteroquin enim addidisset *meam*: accedit, *dextram*, sic absolute dictam, esse, quæ eo nomine maxime digna est, dextram itaque κατ' ἰσοχὴν sic dictam; *dextram potentiae* sic absolute adpellatam Marc. xiv. quamque, ut modo insinuaverat, ipse expertus antea erat: acsi haberetur, *aspice dextram*, qua me in via mea, laqueis obfessa, duxisti salvum & securum. *Dextra* hic recte pro *fide* data, & *protectione* concessa sumitur; ut sit, respice ad *fidem*, dextra confirmatam, & *patrocinium*, dextra ducente & sustentante, mihi suppeditatum. Sic & alibi *dextra* pro juramento, vel fide solenniter obligata. Ps. cxliv: 8. a, frequenter pro *protectione*, uti notum. Utriusque ratio habetur Ps. lxxiv: 11. & lxxvii: 11.

§. X. *Posterior* his verbis continetur, & vide & non est mihi agnoscens, periit perfugium a me, non est querens de anima mea, uti verba proprie sonant. h. e. fidem & protectionem tuam, qua me beasti, adverte; & tunc vide, quam sit desperata conditio, omni auxilio divino & huma-

Ssss

no

a Vid. Schultens ad l. c. & Har. p. 88.

no orba; quam male hæc coherent: vel, quod eodem redit, *aspice dextram*, & *vide* ubi nunc sit, quam sit otiosa, & a me aliena, etenim *non est mihi* &c. Sic fere Ps. LXXIV: 11. *quare reduces manum & dextram tuam e medio in finem tuum?* & Jes. LXIII: 15. *Respice e coelis & vide — ubi zelus tuus, & robur tuum?* &c. Depingit itaque his verbis statum suum præsentem miserum, de *dextra Dei* absentia testantem; cum nec divino nec humano fruatur præsidio, sed solus, nudus & desertus sit, quo tempore ab hostibus potentioribus aperte ad mortem quærebatur. Verba dispesci possunt in duo membra, quorum *prius* habet, se nullum habere inter homines patronum, & præsidio apud Deum carere, *posterius*, neminem esse, qui sese ei adjungat comitem & socium, sibi que curæ & cordi esse ejus statum demonstret. *Prius* duo continet, *non est mihi agnitor, perit refugium a me*, quorum illud ad homines, hoc ad Deum referri potest; *Agnitor*, אֲנִי, est, qui alicujus causam agit, & patrocinium suscipit, pro suo agnoscit, & tractat ipsum. Vid. Ps. CIII: 16. Ruth. II: 10, 19. Phrasis, *refugium perit a me*, denotat, ipsum illud, quo antea nitabatur, & tutus erat, nunc videri rescissum, & ablatum; *dextram* nimirum Dei, & ejus patrocinium, cujus modo meminerat. Conf. Ps. LIX: 17. *Posterius* ita habet, *non est querens de anima mea*; non dicit, *querens animam meam*, sed *de ea*, quo indicatur, ipsum ab omnibus esse desertum, nemini esse curæ cordique; neminem sese ei adjungere socium & comitem, conf. Jer. XXX: 17. & quod ad rem ipsam Ps. XXVII: 10. & XXXI: 12, 13. Addi potest, quod Hammondo quoque in mentem venit, neminem esse, qui patronum & vindicem sese præstet animæ suæ. Quo sensu sumitur Gen. IX: 5. & alibi.

§. XI. 7. *Tertia ratio* movens petita est a relatione ejus ad Deum, & communionis cum Deo exercitio, fiduciæ pleno, his verbis, vers. 6. *Inclamavi te, Jehova! Dasi, tu refugium meum es, portio mea in terra viventium.*

h. e.

h. e. familiare tecum, Jehova, exercui commercium, tanquam foederatus & amicus tuus, qui tibi professus sum fidem, & charitatem meam, qua declaravi, te esse perfugium meum, & portionem meam unicam in terra hac viventium, Deum itaque meum omnissufficientem, & patrum, præter quem nihil desidero in terra, & eo fundamento te cum fiducia inclamavi omni mea in angustia, ac exauditus sum. Hac ratione enī verba intelligenda sunt; plane quemadmodum Ps. xxviii: 8. cxi: 7, 8. ubi vid. dicta, huc adplicanda: quare nihil addo. Non itaque de presenti sua precatione, sed præterita, seu ante exercita, loquitur, verbis quoque præst. temp. usus; & rationem moventem hic querit in relatione sua ad Deum, tanquam foederatum, suæque communionis cum Deo, antea exercita in precibus cum fiducia suis, & earum exauditione. Ceterum, cum dicit, Deum esse *refugium, vel asylum suum, & portionem suam in terra viventium*, idem scilicet intelligit, quod Asaph Ps. lxxiii: 24, 25. ubi vid. dicta.


§. XII. 1. *Precationis ipsius, quæ rationibus moventibus subjungitur, duas partes sunt, quarum altera liberationis supplicationem urget a præsentis periculo & miseria, vers. 7. altera vero novam continet instantiam, a consequente liberationis petitam, vers. 8. a. Prior pars ita sonat, vers. 7. Adverte vociferationem meam, quia adtentus sum valde, eripe me persecutoribus meis, quia me firmiores sunt. h. e. cum in statum tenuem, opibus, viribus & sociis, destitutum, sum redactus, & hostium, me longe fortiorum & potentiorum, persecutionem patiar, unicum est meum ad te perfugium; a quo supplex peto, ut ad hanc meam conditionem adendas, plorabundis meis vocibus aures purgatas præbeas, & me eripias. Nihil hic difficile: quare uno alterove contentus ero observato, ad vocum emphasin cognoscendam, 1. Vox *an* vocem lamentantis hic denotat & plorantis, a *an* proprie *tremulum & thulium* sonuit, ex sono ficta radice, uti sæpe notavi: unde cum*

ad *letitia*, tum *tristitia* vocem transferri solet, in qua utraque est tremulum quid & tinnulum; ut facile patet. 2. Verbum *ללך* proprie est, *tendere, tendi*, inde cum *tensione adtenuari*, gracilem fieri, & sic *viribus ac opibus deficere*, etiam corpore & mente adtenuari. Indicat itaque simul, se esse omnibus rebus, & patronis, ac comitibus orbem. 3. Radix *נמ* sedem habet in *contentione nervi*, seu *tendinis* in femore *a*, adeoque firmum, robustum potentem denotat, & hostes dicit tales esse, cum ipse sit *adtenuatus*.

§. XIII. β. Posterior pars ita habet, vers. 8. *Educ, vel emicare fac, animum meum e claustro ad celebrandam nomen tuum, in me coronabunt iusti, quod, vel quum, me bonis cumulaveris.* h. e. e statu contumelioso & periculoso, quo ad infame supplicium raptor, me salvum educ, & in liberum ac gloriosum vindica, ut, quod unice in votis habeo, mihi occasio sit te publice celebrandi, & iusti in me inveniant rationem triumphandi, quod me bonis quibusvis cumulaveris. Paucis & hic defungi potero observatis. 1. Vox *נמ* adhiberi in specie solet apud Arab. de *collari*, seu vinculo, ferreo, aut ligneo, collo feræ *sævientis* injecto ad impetum ejus frangendum; sic & Ez. xix. 9. unde teritur *partim* in traditione alicujus, tali vinculo ligati, in potestatem alterius, *partim* in publicis prostitutionibus, quibus aliquis, vel tanquam captivus, vel mortis reus, traducitur. Exprimit itaque hac voce eleganter & emphatice præsentem suum statum periculosum, quo instar feræ *sævientis* collari q. erat fere constrictus, & contumeliosæ morti tradendus. Non itaque ad *speluncam*, in qua erat, adludit; ut putatur, sed ad feram, vel mortis reum, contumeliosæ morte adficiendum. 2. Verbum *נמ* non dicit simpliciter *educere*, liberare, sed eductum in statum splendidum & fortunatum adferere. Adfert enim radix speciatim exitum in libertatem & felicitatem; ut sæpe notavi, quo

a Schultens ad Job. iv. 4.

quo etiam usus pertinet, quo *lætitiā & pompam* continet. Conf. dicta ad Pf. LXVI: 12. Hanc sensus amplitudinem esse adtendendam, seq. manifestum faciunt, ubi verbo לָמַד utitur, proprie *bonis cumulare*, & ita fovere. 3. Denique phrasis singularis & elegans, nec recte ab omnibus intellecta; notanda est, *in me coronabunt iusti*, vel *justos*; quo utroque modo reddi possunt, sensu eodem redeunte: *coronabunt iusti* est, se ipsi, & *coronabunt justos* est, impersonaliter pro *coronabuntur iusti*. Sensus est, eos *in Davide*, gloriose liberato ab omni malo, materiam & rationem habituros lætandi, gloriandi, & triumphandi, sibi in simili casu adflicto liberationem promittendi. Non dicit *me*, sed *in me coronabunt*, quod alio sensu commodius intelligi nequit, ac dixi. *Coronam* pro lætitiā, gloriatione, & triumpho sumi, notius est, quam ut adstruere necesse sit. Quare plura non addo.





P S A L M. CXLIII.

1. *Psalmus Davidis. Audi, Jehova, postulatoriam meam, precationem, aurem præbe stridulis meis supplicationibus, pro veritate tua responde mihi, pro justitia tua.*
2. *Et ne intres cum servo tuo in iudicium, quia nullus vivens justus erit coram te.*
3. *Quia persequitur hostis animam meam, contrivit in terram coagmentationem meam, & sedere me fecit in locis tenebricosis instar mortuorum seculi.*
4. *Et tristitia super me convolvetur spiritus meus, in medio mei obstupescet quasi sideratum cor meum.*
5. *Recordor dierum ab antiquo, astuo in omnia tua opera ardua, in opere manuum tuarum discurrem.*
6. *Expando manus meas ad Te, anima mea sicut terra siticulosa Tibi. Sela!*
7. *Festina responde mihi, Jehova! consumtus est spiritus meus, ne occultes faciem tuam a me, & traducar in exemplum cum descendentibus in foveam.*
8. *Audire me fac mane benignitatem tuam, quia tibi confido, notam mihi fac viam, qua ambulabo, quia ad Te sustuli animam meam.*
9. *Eripe me hostibus meis, Jehova, ad Te protectionem meam, vel ad Te spectat protectio mea.*

10. *Doce*

10. *Doce me facere beneplacitum tuum, quia Tu Deus meus, Spiritus tuus bonus deducat me in terram complanationis.*
11. *Propter nomen tuum, Jehova, vivificabis me; pro justitia tua emicare ex angustia facies animam meam.*
12. *Et pro benignitate tua ad silentium rediges inimicos meos, & perdidisti omnes arctatores animæ meæ, quia ego servus tuus sum.*

PROLEGOMENA.

§. I.

Argumentum Ps. est, viri illustris, in præclara ad Deum, qua *servi* honorarii, relatione positi, præsentiae & cultus Dei summo adfectu desiderio, simul sensu peccatorum & justitiæ Dei adfectu vivido, ab hostibus injuste ad necem quæsiti, & in ignominiosam ac periculosam redacti conditionem, qua in tenebricosis, & a facie Dei remotis, locis instar mortui versabatur cum præsentissimo mortis violentæ periculo, *oratio* ad Deum, qua primo supplicationum suarum exauditionem a Deo, tanquam verace & justo, petit, sed strictæ justitiæ judicium deprecatur, quo tempore ab hoste, seu hostibus, ad mortem petebatur, & omni sua coagmentatione, seu gloria & felicitate, privatus, in locis remotis ac tenebricosis exulare instar mortuorum coactus erat; simul animum suum, ne despondeat, erigere sese testatur recordatione temporum superiorum, etiam antiquissimorum, & operum Dei, in illis editorum, meditatione; *deinde* desiderio suo flagrantissimo, quo in Deum, ejusque præsentiam ferebatur, significato, precum exauditionem, quam citissimam, urget,

get, supplicatque, ne Deus faciem suam diutius a se occultet, ipseque violenta ac ignominiosa morte e vivis auferatur; sed ut in via ad statum prosperum & tutum a Deo ducatur, ac hostium infestationi eripiatur quantocumque: quando, fiducia concepta, orat, ut aptus fiat Dei voluntatem facere, & certissimam suam spem testificetur, fore, ut a spiritu Dei in terra plana deducatur, restituaturque in integrum, ab omni angustia liberatus, hostesque e medio tollantur, sicut Deus antea osores & coarctatores animæ suæ deleverat.

§. II. Quod argumentum ut in vera sua luce collocetur *a.* ad personam loquentis, & qualitates ejus morales, advertenda est mens. Occurrunt autem hic sequentes ejus characteres. 1. *Primus* est, quod singularem haberit ad Deum relationem, tanquam *servus* ejus honoratur, quem titulum sibi bis dedit, vers. 2 & 10. & inde repetit rationem moventem liberationis suæ; argumento, non vulgari, sed eminentiore sensu fuisse *ministrum* Dei. 2. *Secundus* est, quod flagrante admodum desiderio præsentiae Dei, ut eum coram videat, & eo fruatur, fuerit adfectus, eoque nomine præsentem suum statum, quo ea felicitate privatus erat, ferre non potuerit. Ita vers. 6, 7, 8. 3. *Tertius* est, quod *studio* voluntatem Dei faciendi, & spiritus ejus ductum sequendi, fuerit inprimis latus, vers. 10. 4. *Quartus* est, quod hominum quidem respectu, a quibus exagitabatur, *bonam*, sed Dei, supremi judicis, *malam* habuerit conscientiam; ita ut ad *justitiam* Dei provocare ausus fuerit contra hostes, uti facit, vers. 1, 11. sed coram Deo sese reum profiteatur, & ejus strictam justitiam in judicando deprecetur, vers. 2.

§. III. β. Characteres, qui *statum* ejus definiunt, alii ad *præteritum*, alii ad *præsentem* spectant. *a.* Ad *priorem* spectat, quod singularia fuerit favoris & potentiae Dei *specimina* expertus in sui liberatione, ac persecutorum suorum exterminatione, vers. 5., & 12. in *secundo* membro, *per-*
didi-

didisti omnes confriatores animæ meæ : uti verti debet, de quo postea Quo etiam facit, quod status ipsius præteritus describatur tanquam bene coagmentatus, & prosper, unde exciderat, & in quo denuo collocari cupiebat, vers. 3, 11. *b. Præsentis* vero ejus conditionis characteres præcipui sunt sequentes. 1. *Primus* est, quod ab hostibus fuerit omni sua fortuna *excussus*, *vita* seu *coagmentatione sua ad terram adtrita*, vers. 3. 2. *Secundus*, quod loco præsentiae Dei, & communionis ejus exercitio, sit exclusus, ac in locis tenebrarum oberrare coactus, vers. 3. in ultimo membro; & ubi *desiderium* Dei, quo adfectus erat, expromit vers. 6, 7. nec non vers. 10. ubi petit *duci in terram complanatam*. 3. *Tertius* est, quod ad necem fuerit quæsitus, vers. 3. in primo membro. 4. *Quartus*, quod status sit ejus naturæ, ut animum in stuporem & desperationem conjicere possit, &, nisi singulari modo sese erigeret meditatione præcedentium Dei operum, id quoque faceret; vers. 4, 5. 5. *Quintus* est, statum esse adeo periculosum, ut, nisi *quantocyus* Deus succurrat, cum ipso actum sit. Quod precatio ejus clare indicat, vers. 7 & 8., ubi orat, ut Deus cito respondeat, & *mane audire faciat ipsum benignitatem suam*.

§. IV. *γ.* Denique, quod ad *causas* præsentis status afflicti adtinet, sive *propter* quas, sive *per* quas, notandum est. *a.* nullam habuisse hostes causam *justam* ipsum insectandi, sed Deo fuisse justam illud permittendi, in peccatis ejus sitam. Quod utrumque indicat vers. 1, 2. ubi partim orat, ut Deus in *justitia* respondeat, hostium scilicet respectu, partim deprecatur *judicium* Dei, coram quo omnino reum sese confitetur eo ipso. *b. Autores* suæ calamitatis simpliciter adpellat, quod notandum *hostem*, & *hostes*, modo in sing. vers. 3., modo in plur. vers. 9 & 12. sine ullo alio epitheto, aut *peccatorum*, aut *operariorum iniquitatis*, aut simili alio addito. Petit quoque simpliciter, ut Deus se eripiat eorum infestationi, & eos silente

T t t t

plaga

plaga reprimat, vel conficiat; *ibid.* vers. 9 & 12. imo in *benignitate*; absque ut duri quid addat, aut publico iudicio aut violenta cæde ipsos velit sublatos. Quæ singularis moderatio respectu hostium omnem meretur animadversionem.

§. V. Hos characteres, ex ipso Ps. argumento eductos, qui admiserit, & cum historia Davidis, auctoris Ps., comparaverit, vix dubitaverim, quin mecum statuatur, Ps. respicere ad statum Davidis, coram Absolomo, & non Saulo, quæ vulgata est opinio, fugientis. Quæ hypothesi ex comparatione cum Ps. XLII. ejusdem temporis egregie firmatur; simul aliquid roboris acquirit ex antiqua traditione, apud LXX Interpretes conservata; quæ diserte habet, Ps. tunc esse factum, quum *ipsum persequeretur Filius, vel Absolom filius ejus*. Scholion, a Theodoro vel alio adjectum, habet, eam inscriptionem nec in Hebr. textu, nec aliis Gr. interpret. inveniri, esse tamen Ps. congruam. In quo acquiescimus: sunt utique nonnulli characteres supra producti, qui in Sauli persecutionem minus quadrant, uti facile patet. De *scope & usu* Ps. cum nihil habeam, quod dictis ad Ps. XLII, similis argumenti, addam, ad *structuram & analysin* pergo. *Structura* nec *stylus* aliquid habet singularis: tota est *Evangelii precatoria*, nisi quod in fin. aliquid de *prophetia* habeat: tota est ad Deum versa oratio, & adfectus pii, ac flagrantis desiderii plena; sed plana & facilis, licet emphatica, nec luminibus orba. *Partes* Ps. generales *duæ* sunt, quæ utraque eandem precationem, in fiduciæ testificatione desinentem, continet, sed *prior* generalis est, & *posterior* specialior, utraque suis propriis rationibus moventibus munita. *Prior* se ad vers. 5., *posterior* ad fin. Ps. porrigit. Cujus utriusque partes speciales in ipsa explicatione, ad quam mox pergo, tradam. Cum enim nihil hic occurrat a Davide alienum, & Interpretes, si a paucis, qui pro arbitrio ad Ecclesiam vel Judaicam piam in fine œconom.

œconom. V., quum Messias manifestaretur, vel Christiam, tempore mortis Christi, oculos flectunt, nec audiendi sunt, discesseris communiter in tempore Ps. compositi subsistant: investigatione hypothesios, a temporis diversa, de qua supra egi, opus non est.

EXPLICATIO.

§. VI. *Prior precationis pars generalior n. proponitur vers. 1, 2. 1. urgetur a presente statu periculoso & ignominioso, vers. 3. 2. terminatur in spe exauditionis, ex precedentium temporum meditatione, vers. 4, 5. n. Propositio duplex est, altera positiva, ut dicitur, altera negativa. n. Prior his verbis vers. 1. Audi Jeshova postulatoriam meam precationem, aurem prœbe stridulis meis supplicationibus, pro veritate tua responde mihi, pro justitia tua. h. e. preces meas, quas & antea fudi & nunc fundo, quibus partim te ut judicem invoco, partim ut Deum tenerimmo affectu præditum imploro, ut exaudias, idque re ipsa demonstrates, oro, nixus veracitate tua, in promissis gratiæ implendis, & justitia in innocente vindicando, & justa causa defendenda, conspicua. Ad quam paraphrasin admittendam duo tantum sunt verbo observanda: alterum est, voces *shan* & *nnn*, quibus preces exprimuntur, illam ad Deum qua judicem justum, hanc qua patrem amantem tenerissime, & misericordem, respicere; uti ipsæ voces, sæpe expositæ, facile docent: alterum est, veritatem & justitiam Dei hic occurrere, tanquam fundamenta, quibus preces inniuntur, & exauditionis superstruenda est spes; quæ virtutes Dei respiciunt, altera ad stridulas supplicationes, quibus gratia Dei imploratur, altera ad postulatoriam precationem, qua justum Dei judicium petitur. Veritas enim Dei ad promissa gratiæ, ex amore Dei orta, justitia ad justæ causæ defensionem spectat, adeoque*

que verum suum usum hic retinet, & non pro *miseri-*
dia, ut nonnullis placet, sumi debet. Quod ex dictis fa-
cile patet, & ex versu seq. confirmatur, tantum abest ut
ei adversaretur; sic & ex vers. 11. de quo postea.

§. VII. β. *Negativa* precatio, quæ simul conspectum
habet *negationis*, qua res tanquam absconsa rejicitur, ita
habet vers. 2. *Et ne intres cum servo tuo in iudicium, quia*
nullus vivens coram te erit justus. h. e. Quod ad *justitiam*
tuam provocavi, illud ad persecutores meos, meamque
cum ipsis causam, tantum spectat, non ad tuum tribu-
nal, & causam meam tecum: novi enim, me cum reli-
quis hominibus omnibus esse condemnandum, & exitio,
quod deprecor, tradendum; sed novi etiam probe, te
cum *servo* tuo, reo quidem, sed poenitente & tuæ gra-
tiæ fidente, non esse pro justitia tua, qua peccata sine
gratia punis, acturum; absit! quia tunc totum mundum
condemnare deberes, & nullus evaderet, cum omnes sint
peccatores & rei. Quare cum fiducia precari aulam, ut
facio, *ne mecum in iudicium venias*; meum peccatum hac
ratione ne vindices, ut me injustis persecutoribus tradas;
fieri enim non potest, ut ita cum servo tuo agas; quia
nullus tunc evaderet vivens; nemo enim justus pronun-
ciari poterit; omnes sunt peccatores, & rei. Quod cum
non facias, sed peccatoribus poenitentibus, & gratiam tu-
am quærentibus debito modo, condones; certus quoque
sum, me, quod deprecor, consecuturum, ne pro tua
tractes justitia; adeoque mihi jus facias contra hostes meos
injustos. *Prius* membrum, & *ne intres cum servo tuo in*
iudicium, licet speciem deprecationis præferat, cui & lo-
cus hic dari potest, proprie tamen *negationem* involvit, ut
non, sed fortiolem, quæ simul prohibet, & rejicit tan-
quam rem alienam; quem usum particulæ *ne* sæpe ali-
bi observavimus, novissime Ps. cxxxviii: 8. Phrasis ita-
que *ne venias*, ut proprie sonat, dicit, *non venies*, absit,
ut venias, fieri non potest ut venias; quare etiam illud
de.

deprecor, *ne venias*; certus, *te non venturum*. Subjungit vero illud ad superiorem precationem explicandam; & a difficultate liberandam; oraverat, ut Deus contra hostes se audiat pro *justitia sua*: quod qua ratione intellectum velit, ut declararet, simul se ad justitiam Dei recte provocare, ut confirmaret, subjungit, *Deum secum non venturum in judicium*. Quibus verbis sicut tacite confitetur, se coram Deo reum esse, & dignum, qui hostibus ad exitium traderetur, adeoque hac parte non ad *justitiam* Dei confugere; ita non tantum deprecatur *judicium*, nec hoc præcipue intendit, sed se hac parte securum esse declarat; adeo ut, *justitiam Dei* recte implorare se potuisse, adseveret, ac si haberetur: *responde mihi pro justitia tua*, non qua peccata hominum in te commissâ severe punis, sed justam causam innocentis contra violentos oppressores vindicas; etenim quoad priorem eam justitiam, quæ me condemnaret, certus sum, *te mecum non venturum in judicium*; quod etiam deprecor: fieri enim non potest, ut ita *cum servo tuo agas*. Ceterum phrasîs, *venire*, proprie *intrare cum aliquo in judicium*, hic non est, ut Job. ix: 32. & xxi: 4. litem cum aliquo agere coram arbitris, sed examen judiciale instituere, & judicium exercere. *Deus* enim hic occurrit non tanquam accusator aut disceptator, sed iudex, ut ex seq. phrasî, *nullus coram te justus erit*, manifestum est. Faciliior foret hanc in mentem phrasîs, si pro מִנִּי legeretur מִי adduces, ut Job. xiv: 3. *adducere* enim in judicium est iudicis, de reo acturi & sententiam pronunciaturi; qua ratione vertit Syrus: litteræ vero, & facile permiscetur: si vero receptior lectio servetur, quod forte tutius est, *venire cum aliquo in judicium* idem erit, ac *adducere*; & de *iudice* capiendum, qui cum reo *intrat in domum iudicii*, ut Chald. reddidit, ut de causa ejus judicet; vel *venire* sumendum est pro *cum studio adgredi*, uti aliquando usurpatur, Ps. lxxi: 16. Jer. l: 5. ubi vid. dicta: & sensus erit, *ne instituas judicium cum ser-*

ve tuo; ne servum tuum secundum rigorem iustitiae, ut in iudicando fieri solet, tractes. *Judicium* utique intelligitur *rigidum*, quo cuique redditur secundum opera, sine gratia, *δικαιοκρατίας*, Rom. 11: 5. *iudicium* proprie sic dictum, quo ad legem & facta unice attenditur.

§. VIII. Rationem fiduciae suae, qua secundum rigorem iustitiae non esse secum agendum, peccata sua ita non esse a Deo vindicanda, exspectabat, tacite in persona sua & relatione ad Deum ponit, & aperte ex absurdo, inde alias secuturo, repetit, vel urget. Prius titulo *servi Dei* involutum est, non enim simpliciter dicit *mecum*, sed expresse & emphatice *cum servo tuo*, h. e. *mecum* a te electo, & in honorario hocce munere, quo vice tua fungor in medio populi tui, posito, & tantis favoris tui signis hucusque tractato, simul te submisit venerante & colente, & peccata confitente cum tristitia & poenitentia. *Talis cum sim*, fieri non potest, ut *mecum* pro rigore iustitiae agas, & a facie tua abjicias, hostibusque occidendum tradas. Urget hanc rem ulterius ex absurdo, inde alias orituro, his verbis expresso: *quia nullus vivens coram te iustus erit*. Proprie habetur, *non erit iustus omnis vivens*; sed stylo loquendi, in Script. satis frequente, *non omnis* est *nullus*; uti in vulgus notum est, a Gejero quoque hic exemplis probatum. *Iustus coram te*, stylo forensi, ut hic occurrit, quia Deus ut iudex hic consideratur, teste quoque phrasi *coram te*, non est simpliciter iustitiae inherente praeiudicium, sed talis a iudice habitus & declaratus. De quo vid. Virtriga a. Sensus ergo est, neminem, nullo excepto, ex hominibus, qui epitheto *omnis vivens* hic veniunt, uti Gen. 11: 20. & alibi, *nullum hominem*, uti in simili fore sententia dicitur, Eccl. 7: 20. 1 Reg. 18: 46. in iudicio Dei pro iusta esse habendum, & iustificandum, si rigide secundum exactam iustitiam habeatur; adeoque, quod ex contrario addendum est, *nullum* esse, qui non sit *condem-*

demandus, & periturus, tanquam peccator & reus. Quem-
admodum Rom. III. Ap. hinc concludit. Sed quorsum
hæc verba tendunt? I articula 3 quia præmissa indicat,
conspicuum rationis hæc verba habere, qua superius di-
ctum confirmatur. Dixerat, Deum secum servo ejus non in
judicium venturum; cui effato cum subjungat, quia non erit
ullus coram te justus, oportet ad illud confirmandum spe-
ctent hæc verba, adeoque rationem contineant, quare
fieri nequeat, ut Deus se servum ejus secundum rigorem
justitiæ tractet. Quæ ratio ut adpareat, notandum est,
phrasin, non justum esse coram Deo, involvere condemna-
tionem & exitium, ut modo observavi, illudque conse-
quens tanquam absurdum considerari, omnes homines, ne-
mine excepto, condemnari, & exitio addici a Deo, &
ex eo absurdo rationem esse petitam; hanc fere in mo-
do. Fidenter strictum deprecor tuum judicium, mihi
certo promittens, non pro rigore justitiæ mecum esse
agendum, qui servus tuus sum; quia, si ita me tractares,
illud inde sequeretur, omnes ad unum homines esse con-
demnandos, cum nemo coram te justus sit: quod quia ab-
surdum est, virtutibus & revelationi consilii tui contra-
rium, concludere possum, te mecum pro stricto jure non
esse acturum, qui servus tuus sum. Similis plane est illa-
tio, seu argumentatio ex absurdo, Ps. cxxx: 3, 4. si in-
iquitates retinueris, Fab! Domine quis consistet? quia tecum
est condonatio ut timearis. Ubi vid. dicta.

§. IX. 1. Ratio movens, qua propositionem positi-
 vam, seu proprie dictam precationem, vers. 1., urget,
 & Deum ad exaudiendum secundum veritatem & justitiam
 ejus excitat, desumpta est ab injusta & violenta hostis in-
 festatione, & inde orta præsentis suæ conditione afflicta, vers.
 3. his verbis: *quia persequitur bestis animam meam, contri-*
vit in terram coagmentationem meam, & sedere me fecit in
tenebrosos locis, instar mortuorum seculi. h. e. Ratio,
 quare ad te confugiam, tuamque ad veritatem & justitiam
 pro-

provocem, tuque ad me exaudiendum, meamque causam agendam, excitari debeas, est, quod injuste & acerbe verer & exagiter ab hoste, qui vitalitatem, seu potestatem, gloriam & possessionem, meam contrivit ac prostituit, meque in squalore & moerore, omni luce & consolatione orbum, residere fecit, haud absimilem mortuis, nunquam revicturis, meam denique vitam auferre totis viribus conatur. Verba, quod ante omnia notandum est, non ad proxime præcedens, sed remotius, vel versum, non *secundum*, sed *primum*, referenda sunt: non enim rationem continent, quare Deus ipsum non sit in iudicium tradurus, sed ipsum clamantem audire debeat, cum quod res ipsa id exigat, *posterioris* enim recte, sed non *prioris*, est ratio, tum quod aliam *prioris* dederit rationem, modo expositam; tum quod vers. 2. habeat conspectum *parenthe-
sios*, ad superiorem petitionem explicandam, & a difficultate liberandam, insertæ; ut ex dictis patet. *Tria* vero memorat violentiæ & injustitiæ hostis signa & effecta, distincte consideranda. 1. *Primum* est, quod *animam suam insectetur*, seu vitæ suæ auferendæ presse immineat, sicut qui presse sequitur, & tergum premit, ad occidendum. Verbum enim *insectetur* proprie est, *preffit*, ut quando tergum alicujus premimus. Id quod Absolomo imputavit ipse David, 2 Sam. xvi: 11. *ecce filius meus quærit animam meam*, & Achitophel quoque molitus est, quum parvam petiit hominum manum ad Davidem improviso opprimendum, 2 Sam. xvii: 1, 2. quem, vel utrumque, vel posteriorem maxime, intendit nomine *hostis* in sing. 2. *Secundum* est, quod vitalitas ejus, vel coagmentatio vitalis fuerit contrita ad terram, seu contumeliose prostrata; his verbis: *contrivit ad terram coagmentationem meam*. h. e. dignitatem, potestatem, & possessionem meam, vitæ meæ vim, robur & splendorem, prostituit, & prostravit. Quod factum est, quum sedes regni ejus est occupata, ac domus ejus violata, ipseque omni potestate & splendore orbatus, ac
ejectus:

ejectus: præterea vitæ meæ stamina lentis & continuis ictibus tundit, & terit, donec in pulverem redigar, & per eam; dum me moerore & anxietate contundit: quod Davidi contigisse, notum est. Utrumque cum phrasis admittat, & Davidi acciderit, hic recte conjungimus. Verbum *רָכַם* proprie est, *tundendo terere*, & *comminuere*, & de homine, lentis ictibus mortalitatis in pulverem recedente, usurpatur Job. iv: 19. ubi vid. Schultens, etiam de *leone* prædam molaribus tundente, & ossa comminvente Ps. x: 10. ubi vid. Schroeder. *Tundere* vero ad *terram* est, tundendo in pulverem redigere; sive proprie ad *mortem*, sive metaph. ad statum abjectum & humilem. Sed quid est *חַיָּה*? non *vita* in genere, sed ejus *coagmentatio*, seu firmitas & prosperitas: distinguitur enim ab *anima*, seu *vita*, modo memorata, sicut & alibi, ut Prov. iiii: 22. Job. x: 1. & Ps. lxvi: 9. ubi vid. dicta, proprieque signat *coagmentationem*, *compactionem in unum*: ut ibi observavi. Hoc itaque loco recte comprehendimus quicquid vitam reddit firmam, & vitalem, seu gloriosam, lætam & prosperam; quod omne erat ab hoste *contritum in terram*; ita ut moerore simul & ignominia tunderetur ad mortem ipsam, inde secuturam.

§. X. 3. *Tertium* est, quod sedere fuerit factus desolatus, lugens & squalidus in statu tenebricoso, omni honore & consolatione orbis instar mortuorum seculi, seu mortis damnatorum hominum infamium; his verbis: *sedere me fecit in tenebris*, vel tenebricosis locis, *instar mortuorum seculi*, vel *signationis*. Quorum sensum, modo expressum, ut in lucem proferam, notetur, *a. Sedere* hic esse desolatum, squalidum & lugentem jacere: quemadmodum de *lugentibus* sumitur, desolatis & orbatis. Jes. xlvii: 1, 5. Jer. xlviii: 18. & alibi. *b. Additur in tenebris*, vel *tenebricosis locis*, ad augendam tristem animi affectionem, simul calamitatem ignominiosam & periculosam; cum adlusione partim ad loca abdita & secreta, in

quæ lugentes & pudore confusi se condunt, partim ad carceres, in quos rei mortis conpinguntur. Prius Jes. I. c. maxime attenditur, ubi vid. Vitranga: *posterius* inprimis Jes. XLII: 7. ne alia proferam; quod utrumque locum habere, sequentia demonstrant. Additur enim *c. inflar mortuorum seculi*, vel *signationis*: utrumque enim admittit vox *אֵשׁ*, cujus radices proprietas est, *signo impresso notavit*; unde inter alia & ad *seculum*, seu tempus occultæ, quasi signo impressæ, durationis, & ad infamem conditionem, notis publicis inustam & signatam, transfertur. Unde haud unus sensus, loco congruus, exculpi potest. 1. *Primus* est, quo *mortui seculi* sunt qui e vivis ablati sunt, vel in genere tanquam *mundani*, extra communionem Ecclesiæ, vel in specie tanquam infames, & infami supplicio adfecti. *Mortui seculi* & *mortui Dei* ac populi ejus, quorum mentio est Jes. XXVI: 19., opponi possunt, adeo ut illi sint, qui ut infideles & gentiles defuncti sunt; uti *via seculi* pro mundana sumitur Job. XXI: 15. Sunt etiam *mortui signationis* qui cum infamia sunt e medio sublati. 2. *Secundus* est, quo *mortui seculi* sunt, qui in perpetuum tales sunt, nunquam *vivificandi*; conf. Dan. XII: 2. & ibi dicta. 3. *Tertius* est, quo *mortui* sunt mortis rei & damnati, & jam qua *mortui* habiti, mortis infami supplicio mox adficiendi; quare *mortui signationis* appellantur. Quos sensus si jungamus, dicit David, se partim esse tanquam mortuum, nunquam restituendum in integrum, quatenus *civiliter & religiose* talis erat, & mansurus videbatur; partim teneri constrictum, tanquam mortui, & quidem infami, obnoxium, instar *incurcerati*, & *damnati*.

§. XI. 1. *Terminatur* precatio in animi, a desperatione proximi, erectione ac confirmatione, per operum Dei antiquorum meditationem, in signum fiduciæ de præcatione exaudienda conceptæ, vers. 4, 5. & *tristitia* *convolvitur* *super*

super me spiritus meus, in medio mei obstupefiet quasi sideratum cor meum, recorder dierum ab antiquo, astuo in omnia opera tua ardua, in opere manuum tuarum discurrem. h. e. cum nimia tristitia obruor, & in mentis attonitæ horrorem defigor, ut a desperatione parum absim; erigo me & consolor, fiduciamque recipio, recordatione, & studiosa ac continuata meditatione moliminum tuorum, & operum sapientiæ & potentiæ tuæ præcedentium temporum, a prima antiquitate usque. Indicat quidem, se prope abesse a desperabunda tristitia, sed se cavere, ne in eam incidat, meditatione operum Dei, quæ animum recreat, & spe liberationis replet. Phrasis, *Et convolvit se spiritus meus* ---- recorder dierum &c. idem dicit ac si haberetur, cum se convolvit ---- tunc recorder ----; plane quemadmodum Ps. XLII: 7. *Deus mi, super me animus se demergit, propterea recordabor te* &c: ubi vid. dicta. De verbis, & phrasibus cum alibi egerim, ad Ps. LXXV: 12, 13. & CXLI: 4. nihil, quod hic observem, habeo, præter emphasin phrasios, quæ nobis antea non occurrit, *in medio mei obstupefiet cor meum*; quæ ingentem animi consternationem, qua totus cohorrescit & sideratus jacet, vastatus quasi & desolatus, denotat, a propria *siderandi*; tanquam urente & pestifero adflatu, potestate a. Ceterum, quod non erat omitendum, phrasis, *dierum ab antiquo*, hic latus est fumen- da pro diebus præteritis, initio facto ab ipsa antiquitate, seu origine reip. Israeliticæ, a Deo vindictæ ex servitute Aegyptiaca, quo vox *ap̄o* ab *antiquo* ducit in Script. Comprehendere ergo opera Dei quoque licet, quibus David antea fuit liberatus, & eversus in statum sublimem & prosperum. Quæ huc etiam recte quadrant.

§. XII. *Altera*, & posterior, precationis pars eodem fere modo decurrit, ita ut n. preces, variis articulis propositas, comprehendat, vers. 6-9. 1. in fiduciæ testificatione, seu petitione, cum majore fiducia facta, desinat,

Vvvv 2

vers.

vers. 10.-12. *Prior pars petitiones magis speciales, suis singulas rationibus moventibus munitas, variis articulis factas, repræsentat. a. Primus articulus, paulo generalior, ita habet, vers. 6. Expando manus meas ad te, anima mea sicut terra siticulosa tibi. Selab! h. e. summo & intolerando tui coram videndi, & tua præsentia fruendi, desiderio latus, ut terræ aridæ & siticulosæ præ defectu aquæ plane similis sim, te, tuamque opem, anxie, humiliter & instanter, imploro. Indicat, se a præsentia Dei esse remotum, versarique in loco & statu haud absimili terræ aridæ, ubi signa præsentiae & favoris Dei deficiunt, summo vero se ejus præsentiae flagrare desiderio, ita ut ferre amplius nequeat, & propterea omni careat consolatione; denique, cum opis propriæ sit inops, ad Deum confugere, & ejus auxilium ardentem & devote petere: quod *expandere manus*, ut notum, denotat. Conf. Gejerus. De phrasi, *anima mea est instar terræ siticulosæ*, & adplicatione ejus ad præsentem Davidis statum in exilio Absolomico, dixi ad Ps. LXIII: 2. & XLII: 2, 3. quare hic nihil addo.*

§. XIII. β. *Secundus articulus precationis, paulo specialior, ita sonat, vers. 7. Festina, responde mihi, Jebova! consumtus est spiritus meus; ne occultes faciem tuam a me; & traducar in exemplum cum descendantibus in foveam. h. e. vis mea vitalis præ desiderio tui, & tristitia ac pudore, fere absumpta est, & mox evanescet; votis itaque meis quam citissime adnue, & mihi succurre; favorem & auxilium tuum mihi non subducas amplius: fiet enim alioquin, ut infami morte, instar eorum, qui capitali addiuntur supplicio, inteream. Orat 1. ut Deus suum favorem ipsi diutius non subtrahat, ipsumque aditu ad se non excludat, quod est *occultare faciem*, proprie velo interposito; de quo dixi ad Ps. XIII: 2. XXVII: 5, 9 & alibi; præterea, ut *respondeat*, scilicet votis & desideriis, opem ferendo &c. quod non est difficile. 2. ut Deus illud *quantocyus* faciat, non differat amplius; quod est *festina, responde*; uti notum.*

tum. Alibi in Pf. ejusdem temporis est, *festina ad auxilium meum* Pf. XL: 14., ut & Pf. LXIX: 18. *Et ne occultes faciem tuam a servo tuo, quia arctum mihi, festina responde mihi*, plane ut hic: ubi vid. dicta. 3. Denique urget preces duplici ratione, altera ab animi sui statu, altera a periculo infamis mortis desumpta. Prior his verbis continetur, *consumtus est spiritus meus*, scilicet *vitalis*; uti sumitur vox מִן Prov. XV: 13. ubi vid. Schultens, sive *desiderio*, sive *moerore* & *anxietate*: cujus utriusque hic locus esse potest, & verbum כָּלָה utrumque admittit. Ita cum יָיָ oculo & שָׁמַיָא anima flagrans & consumens desiderium signat, Pf. CXXXIV: 3. CXIX: 82. & alibi. Ceterum, *consumtus est*, proprie *tabe*, quod desiderio & tristitiæ recte convenit, secundum vim verbi, hic idem esse, ac fere est, prope abest, quin sit, mox erit, facile intelligitur. Posterior ratio his verbis effertur: *Et in exemplum traducar cum descendentibus in foveam*, h. e. fiet enim, si faciem diutius occultes, ut infami morte occumbam: hanc enim vim hic habet vocula connectens וְ, nec opus est, ut suppleatur וְ ne, Vid. Pf. XXVIII: 1. Phrasis est selecta, quæ infamem mortem, exemplari poena inflictam, designat. Conf. dicta ad Pf. XXVIII. 1.

§. XIV. γ. Tertius articulus, qui specialior adhuc est, & de incremento fiduciæ testatur, his comprehensus est verbis, vers. 8. *Audire me fac mane benignitatem tuam, quia tibi confido, notam mihi fac viam, qua ambulabo, quia ad te sustuli animam meam*. h. e. fac, ut, nocte calamitatis, in qua versor, brevi finita, proximo mane audiam vocem tuam, qua præcipis benignitatem mihi faciendam; quia in te fiduciam meam colloco; quo fini oro, ut me instruas, qua ratione me gerere debeam, ut, quod mihi unice in votis est, te coram fruar. Duæ sunt precationis partes: altera est, qua, ut gratiæ & benignitatis Dei vocem brevi, calamitate finita, audiat, supplicat, addita ratione movente a fiducia sua in Deum; altera, qua in via ad

Dei communionem dirigi petit, ratione a desiderio suo erga eam desumpta. Prior his verbis continetur; *audire me fac mane benignitatem tuam, quia tibi confido*; quæ parum habent obscuri. Tantum notetur, 1. *audire benignitatem Dei* esse, vocem Dei benevolam, & gratiæ ac favoris plenam, seu benignitatis ejus signa & effecta coram experiri; quemadmodum qui aliquem præsentem audit benevole loquentem & benignitatem præcipientem; quæ phrasîs est Ps. XLII: 9. Petit itaque, ut in pristinum statum restitutus, & loco præsentis Dei redditus, eum, ut olim, audiat benevole loquentem, seu favorem ejus experiatur. 2. *Mane* esse partim *brevi*, seu cito, ut modo petierat, vers. 7., uti sumitur Ps. xxx: 6. partim tempore felicitatis, oppositæ ad præsentem calamitatis noctem. Conf. Ps. XLII: 9. & ibi dicta. *Posterior* pars ita sonat: *notam mihi fac viam istam, qua ambulabo, quia ad te adtollere animam meam* h. e. instrue me, qua ratione me habere & gerere debeam, ut benignitatem tuam audiam, & te fruar coram, quo mea servantur desideria. Nihil hic observandum habeo, nisi, quod minus perceptum est, *viam* hic esse elliptice pro *viam ad te*, ut *audiam benignitatem tuam*: quod ex præced. & seq. manifestum est. Cum enim petisset *audire vocem Dei*, & mox subiungat, *se ad Deum tollere animam*, clare indicat, se viam cupere cognoscere, qua *ad Deum*, ut vocem ejus audiat coram, pervenire possit. Debuisset, si plena foret oratio, dixisse, *יְיָ יְיָ אֲבֻלָּבוּ אֵלֶיךָ*; sed cum mox *יְיָ אֵלֶיךָ* subiungeret, ne his occurreret ea vox, quod sermonem minus elegantem faceret, maxime cum verbum earundem litterarum *יְיָ* præcessisset, omisit, ex seq. facile supplementum. De phrasî, *adtollere animam* pro vehementer desiderare & adpetere, nihil necesse habeo monere: cum res nota sit, vel alibi exposita, ut ad Ps. XXIV: 4. LXXVI: 4. & alibi.

§. XV. & *Quantus* articulus precatîonis, itidem speciei horis respectu hostium, ita habet, vers. 9. *Eripe me hostibus*

bus meis, Jehovah, ad te protectionem meam, vel ad te spectat protectio mea. Utroque enim modo duæ ultimæ voces, אֱלֹהֵי כִסִּי, capi possunt; altero, quo cum præced. construuntur, ut sensus sit, in versione expressus; *extrahere me ab hostibus meis ad te protectionem meam.* h. e. libera me potenter a potestate hostium, & tibi vindica, seu *ad te*, tuamque præsentiam, adduc, ut tua fruar protectione, seu tua veste aut *alio* tuis obtegar; ut Ps. xxviii: 5. Sic Deut. xxxiii: 16. *ne tradas servum Domino suo*, qui גִּזְלֵי אֱלֹהֵי יִשְׂרָאֵל *se eripuerit ad te a Domino suo*, tanquam protectorem suum. Commendat, præter facilitatem constructionis, quæ nulla tunc indiget ellipsi, quod modo etiam dixerat, *monstra mihi viam, quia ad te tollo animam meam*; quando recte sequitur, *eripe me ad te, protectorem meum*: altero, quo voces per se stant, & rationem moventem continent ereptionis, ac si haberetur, *quia ad te protectio mea*, scilicet, spectat, pertinet; tuum est me protegere; *vi veritatis & justitiæ tuæ*, ut vers. i. dixerat. Quacunque ratione sumatur, alterutra enim debet, nisi quis velit ambiguitatem sponte esse captatam, ut utrique locus sit, illud mihi certum est, כִּסִּי esse formam subst. ex Pih., sicut כִּסִּי & כִּסִּי ex Kal. Radix כסו proprie est *involvit*, unde ad vestem, totum corpus involventem, adplicatur, & sic in genere *operire, occultare*. Deus vero adpellatur *tegumentum* alicujus, quatenus tanquam patronus ipsum ora vestis suæ quasi tegit, & obvelat. Quemadmodum non vicina radix proprie usurpatur de tali protectione, qualis a patrono præstatur clientibus, imagine formata ab *ora*, vel *lacina* vestimenti, quæ non adpellatur apud Arab. & exstat quoque Ps. lvi: 2. ubi vid. dicta. Reliqua sunt *facilia*.

§. XVI. ג. Finitur hæc quoque pars precatoria in fiducia testificatione, seu precatione, quæ conspectum simul præfert prædictionis eventus, quare verbis fut. temp. sit, vers. 10.-12. Quæ pericopa continet superioris explicatione

plicationem & confirmationem; adeoque ejus repetitionem majore cum fiducia, & clarioribus verbis factam; ex qua hypothefi non erit intellectu difficilis. Duæ ejus sunt partes, quarum *prior*, ad verl. 8. *posterior*, ad verl. 9. respicit. *Prior* verl. 10. ita habet, *Doce me facere beneplacitum tuum, quia tu Deus meus; spiritus tuus bonus deducet me in terram complanationis.* h. e. intellectum meum cognitione ejus, quod tibi gratum est & acceptum, imbue, & voluntatem meam flecte, ut illud velim, totamque mentem compone, ut illud actu præstem, & nunc in calamitate, & postea in prosperitate mea: quod lubenter & fidenter peto, quia tibi obstrictus sum, & tu mihi es Deus meus foederatus: addo, & mihi promitto, ut spiritu tuo bono, qui illuminat, sanctificat & lætificat, me deducas in statum, sive externum, sive internum, tutum, prosperum & stabilem, quo te tuaque benignitate coram fruam. *Prius* membrum, *doce me facere beneplacitum tuum, quia tu Deus meus es*, respicit ad superiores preces, *notam mihi fac viam, quam ambulabo, quia ad te sustuli animam meam*, & eas explicat phrasibus propriis & nudis. Supplicat itaque divinam instructionem, ea cum efficacia factam, ut *beneplacitum Dei*, seu id quod Deo gratum est, in quo sibi complacet, velit & efficiat, scilicet & *nunc*, & in posterum semper; rationem moventem addit a relatione sua ad Deum, qua se Deo, tanquam *servum*, obstrinxerat, ad omnem obedientiam, & Deus quoque se illi ad omnem favorem præstandum, tanquam *Deum* suum. Quæ ultimore non indigent explanatione. *Posterius* vero membrum, *spiritus tuus bonus deducet me in terram complanationis*, respicit ad preces, *audire me fac beneficentiam tuam*, quas explicat, & implendas esse docet, quare verbo fut. temp. proponitur. Sensus est, se petere, simul futurum esse confidere, ut *spiritus Dei*, omnis gratiæ & felicitatis fons, se erigat, consoletur, & in omni casu dirigat, donec pervenerit in statum tutum & prosperum, quo Deo, ejus-

ejusque beneficentia, coram fruatur in terra viventium; seu præsentiæ Dei. Petit deductionem *spiritus boni*, oppositæ ad *malum*, quo Saulus aliquando actus est, tristitiæ & desperationis plenum, qui in omne nefas ducit, adeoque deductionem piam, consolatoriam, & salutarem; quæ exit in *terram complanationis*, locum & statum planum, æquabilem, tutum & prosperum, oppositæ ad præsentis turbas, & multiplicia pericula & incommoda. Conf. Ps. xxvi: 12. *pes meus stat in complanatione*, & xxvii: 10. *Doce me, Jehova, viam tuam, & duc me in viam complanationis*; & ibi dicta.

§. XVII. *Posterior pericopæ pars*, ad vers. 9. respiciens, duo comprehendit, liberationem ab omni angustia, cum plenissima rerum instauratione, & hostium repressiōem. Prius his verbis proponitur, vers. 11. *Propter nomen tuum, Jehova, vivificabis me, pro justitia tua emicare facies ex angustia animam meam, & pro benignitate tua*. Nihil hic est, quod moram injicit; tantum observetur, a. verbo *vivificare* comprehendi plenam restitutionem in integrum, oppositæ ad statum præsentem, quo *compactio* ejus erat *contrita ad terram*, & ipse in *tenebrosissimis locis sedebat instar mortuorum seculi*, vers. 3. Quo sensu verbum illud & alibi venit; vid. ad Dan. xii: 2. b. Emphasi pollere verbum *emicare fac*, ut proprie sonat; non enim *liberationem* tantum denotat, sed & statum felicem ac gloriosum involvit: ut proxime habuimus Ps. cxlii: 8. c. Phrasin, *propter nomen tuum*, duplicem completi rationem moventem, *alteram* a virtutibus Dei, *justitiæ & gratiæ*, quæ mox expresse memorantur, quæ id exigebant, desumptam, *alteram* a scopo & consequente liberationis, in eo s'c'o, quod & ab aliis, & inprimis ab ipso in integrum restituto, nomen Dei celebraretur. Conf. Ps. cxlii: 8. & ibi dicta. d. Denique, vocem & pro *benignitate tua*, sese ad præced. æque ac seq. porrigere, adeoque & huic versui esse adnectendam: non enim a justitia tantum, sed

Xxxx


&

& gratia Dei rationem petit, ut vers. 1. *pro veritate tua responde mihi, pro iustitia tua: ita hic, pro iustitia tua emicare me fac ex angustia, & pro gratia tua.*

§. XVIII. *Posterius, ad hostium repressionem spectans, ita habet, vers. 12. Et pro benignitate tua ad silentium rediges inimicos meos, & perdidisti omnes arctatores animæ meæ, quia ego servus tuus sum.* h. e. sicut antea omnes eos, qui animam meam ad angustias redegerunt, & ad necem persecuti sunt, mala morte perdidisti, ita & nunc confido, te p. o. iustitia, sed benignitate temperata, hostes meos ad silentium esse redacturum, sive eos silente plaga e medio auferendo, sive compescendo, & mihi subijciendo; quod utrumque, alterum fecisti, alterum facies, *quia servus tuus sum.* Duo conjungit iudicia Dei, alterum præteritum, alterum proxime futurum in hostes; & *præteriti* meminit ad instans illustrandum ac spem confirmandam. Ad *præteritum* pertinent verba, *& perdidisti omnes arctatores animæ meæ, pro sicut perdidisti,* scilicet Saulum & impios ejus socios, aliosque hostes extraneos. Particula *ו* in *מאחר* & *perdidisti* non est *conversiva* præt. in fut., sed *connectens*, & hic per *sicut*, ut sæpe alias, recte vertitur, *Præter.* itaque tempus hic servandum est, & ad præteritum casum referendum; ut exposui: quod facilius est, & loco congruum: non enim hoc tempore voluit omnes *perditos*, sed *repressos*, quocunque modo, pro iustitia Dei, bonitate temperata. Quo pertinet primum membrum, *pro benignitate tua ad silentium rediges inimicos meos;* h. e. sicut me pro iustitia & benignitate vindicabis & restitues, ita easdem virtutes in hostibus meis in ordinem redigendis demonstrabis. Pertinet enim vox *in benignitate tua*, ut modo observavi, ad præced. & seq.; sed non sola, verum etiam in *iustitia tua*; quæ duæ virtutes non sunt divellendæ. Sensus itaque est, Deum erga hostes usurum esse *iustitia & bonitate*, & secundum utramque virtutem cum iis acturum, quod verbo *מאחר*, in rem aptissimo, exprimit. Proprie nihil aliud dicit,

dicit, ac *in silentium redegit*, compescuit, sedavit, unde transit ad *perditionem* istu silente, sine strepitu adacto, etiam moerore, & desperatione. Pf. LXXXVIII: 17. a. Generali hoc verbo usus est, ut diversos modos, quo hostes compescerentur, indicaret. Alii enim se præ desperatione suffocarunt, ut Achitophel, alii istu lethali sine strepitu confecti sunt, ut Absalom, alii in sylva perierunt, alii gladio penetrante, &, ut notum, alii sunt sedati & subiecti.

• Schultens ad Pf. LXIX: 4.





P S A L M. CXLIV.

1. *Davidis. Benedictus Jehova, rupes mea, qui manus meas erudit ad prælium, digitos meos ad bellum.*
2. *Benignitas mea exuberans, & munitio mea; exaltatio mea & evasio mea mihi; clypeus meus, & in quo refugium habui, qui substravit populos sub me.*
3. *Jehova! quid est Adam, seu homo, quod cognosceres eum? filius Enoschi, seu letaliter ægri, quod æstima- res eum?*
4. *Homo vaporis similis est, dies ejus sunt instar umbræ transeuntis.*
5. *Jehova! inclina coelos tuos, & descendas, tange montes & fument.*
6. *Fulgura fulgur, & exundare eos facias, mitte tela tua, eosque colliquescere facias.*
7. *Mitte manum tuam ex alto, effringe me, & eripe me ex aquis spissis, & manu peregrinorum.*
8. *Quorum os loquitur falsa, & dextra est dextra mendacii.*
9. *Deus! canticum novum Tibi canam, nablio decachordo Tibi psallam.*
10. *Qui dat salutem regibus, qui vindicat Davidem servum suum a gladio, a malo.*

P S A L M.

CXLIV.

II. Vin.

11. *Vindica me & eripe me e manu peregrinorum, quorum os loquitur falsum, & dextra est dextra mendacii.*
12. *Quod, vel profecto, filii nostri sunt, sicut plantæ alte infixæ, bene compacti in adolescentia sua, filiæ nostræ, sicut anguli, expolitæ ad speciem palatii.*
13. *Promtuarum nostrarum spissæ referta, expromentia alimenta, unum post alterum. Pecudes nostræ minutæ multiplicatæ ad chiliadas, ad myriadas in vicis nostris.*
14. *Fumenta nostra onerata: nulla fissio lacerans, nullaque egressio, & nulla vociferatio quiritans in plateis nostris.*
15. *Beatum populum, cui sic est! beatum populum, cujus Jeshova Deus est!*

P R O L E G O M E N A.

§. I.

Argumentum Ps. est viri illustris, servi Dei honorarii, bellis feliciter & dextre gestis ope Dei, & vicinis populis hostilibus subactis, præclari, & sub tutela Dei huc usque secure degentis, sed nunc novo, & gravissimo bello, cum hostibus peregrinis, foedifragis ac perjuris, impliciti, oratio, qua, præmissa laudatione Dei super concessis singularibus illis beneficiis, & prærogativis modo memoratis, eo majoribus, quod in se vilem & inbecillum fuerint collata, supplicat, ut Deus, sicut antea, denuo suo judicio de coelo interveniat, & se hoc periculo eximat, a peregrinis illis hostibus perfidis liberet; addita fiducia plenissima promissione de Deo, læto & singulari cantico, laudando super concessa liberatione, & secuta pace, ac prosperitate regni, quam sibi suo tempore esse dandam

augurabatur. Incipit cum celebratione Dei, & gratiarum actione pro beneficiis & prærogativis, quibus ~~ma~~ctatus erat, quas recenset summam, & exaggerat ex suæ indig-
nitatis consideratione. Pergit deinde ad supplices preces pro liberatione ab hostibus peregrinis & perfidis, qui ipsum videbantur obruturi. Desinit denique in fiduciæ plenissima declaratione de Deo novo cantico celebrando post concessam liberationem, pro statu felici, pacato & omnibus bonis abundante, quo fruiturum se esse prævidebat.

§. II. Quod argumentum ut in luce collocetur, status Davidis, qui hic loquitur, ut ex inscriptione & vers. 10. patet, *præteritus* & *præsens* in primis, attendendus est, & utriusque *characteres* recte percipiendi sunt. *a. Prioris* sunt, quod in bello fuerit exercitatus, felix semper & victoriosus, præterea in sublimi collocatus, & in regno confirmatus, denique populos hostiles sub jugum miserit: vers. 1, 2. *β. Posterioris* sunt, quod novo bello, eoque periculoso & gravi, fuerit in præsentia implicitus cum populis peregrinis, secum conspirantibus in Davidem, instar *aquarum multarum*, antea amicis, & foederatis, nunc vero foedifragis & hostilibus, vers. 7, 8, & 11. ut suo loco videbimus. Addi potest *γ.* respectu status futuri, eam fovisse spem virum pium, fore, ut, hoc bello feliciter finito, regno gavisurus sit prospero, & hostium respectu *tuto* ac pacato vers. 12.

§. III. Nullum *tempus* est, ex historia Davidis notum, in quod hi characteres rectius, ut videtur, conveniunt, præter illud, quo, regno firmato, & populis hostilibus omnibus quaquaversum subactis, novo bello petitus est ab *Ammonitis*, antea foederatis & amicis, in societatem belli tractis Syris, antea domitis a Davide. Quæ historia narratur 2 Sam. x. In quod tempus cuncta tam apte conspirant, ut mirum accidat, Interpretibus illud in mentem non venisse. Vulgatior est sententia, Ps. esse compositum adversus reges Gentium, qui undique Davidem bello petebant,

bant, cum rex non tantum esset, sed Israelitas, & Philistæos jam sub potestate haberet. Quod enim alii, ut Gr. & Syr. de prælio cum Goliatho, alii cum domo Sauli cogitant, illud ab omni verisimili abhorret; cum *characteres* modo positi directe adversentur. Sed vulgatæ opinioni maxime obstat 1. quod *populos* jam habuerit bello subjectos, non Philistæos tantum una alterave vice devicisset, sed & eos & alios sub jugum missos vers. 2. 2. quod novi hostes describantur *foedifragi* & *perjuri*, vers. 8, 11. quod in Ammonitas & socios tantum quadrat. 2 Sam. x. Accedit 3. illis devictis nihil amplius turbarum externarum esse ab alieno hoste externo metuendum, ut innuitur vers. 10, 12.— Incidit mihi, fateor, & placuit, tempus persecutionis Absolomicæ huic Ps. potuisse occasionem dare; quod Calovium & Calmetum tenuisse, postea observavi; adeo ut *Absolom* & focii fuerint adpellati *filij peregrini*, non quod mater ejus fuerit *peregrina* 2 Sam. iii: 3. ut Calovius exponit, quod nimis leve est, nec epitheto satisfacit, sed quod *peregrinum* habuerint erga Davidem animum; filii degeneres, qui perfidi & perduelles erant, ut mox additur. Sed postposui eam opinionem, inprimis, quod titulus *filiorum peregrinitatis* non nisi Gentilibus detur in Script. Accedit, Ps. xviii: 45, 46. eo sensu venire. Phrases vero istius Ps. & nostri in multis adeo conveniunt, ut ex se mutuo illustrandæ sint; nec tempore multum distent; tantum noster videtur illo posterior; cum Ps. xviii. sit factus paulo ante bellum Ammoniticum, quum amici essent Davidis, saltem sese quietos tenerent in *claustris suis*, quorum mentio est vers. 46. Factum enim esse illum Ps. ante lapsum Davidis, qui durante bello Ammonitico contigit, ad eum Ps. demonstravi. Nulla autem ibi occurrit mentio hostilium populorum nondum subactorum. Nostro itaque Ps. videntur colores ex Ps. xviii. mutuati, tanquam priore. Nec tamen hanc opinionem de tempore Absolomico, re denuo accuratius considerata, seposui.

sepositam, sed lectoris iudicio relictam velim, cum quod vanitatis hominis expressa commemoratio vers. 3. apte in Davidem, e firmo & felici suo statu deturbatum per factionem Absolomi quadret, tum quod poetica adparitionis Dei iudicis pictura, sicut tempore Sauli, Ps. xviii. ita & Absolomi, majorem habere videatur emph. sin, tum denique cum felicitatis descriptione arctius cohæreat liberatio Davidis & restitutio, quippe quæ eam brevi post secuta est.

§. IV. *Scopus* Ps., ex quo de usu ejus facile constat, est, 1. monumentum erigere adfectionum suarum piarum, gratitudinis, qua concessa beneficia Deo, ejusque indebitæ gratiæ, adtribuit, confugii ad Deum in precibus, quibus liberationem ab hostibus a Deo supplex petiit & expectavit, non suis viribus fidens, denique fiduciæ in Deum, qua liberationem expectavit, & prosperam populi conditionem sibi promisit, tanquam materiam cantici in laudes Dei tum canendi. 2. *formulam* precum sibi & aliis præscribere, qua uterentur tempore invasionis hostium, & gravissimorum periculorum, inde oriundorum. Quæ sunt facilia. Reliqui usus practici ab unoquoque hinc facile eruuntur. Vid. ad Ps. xviii. *Structura* Ps. moras non injicit. Oratio est partim *laudatoria*, partim *precatoria*, partim *votiva*, & *gratulatoria* super liberatione & felicitate populi cantico celebranda. In *duabus* prioribus sermo semper ad Deum dirigitur, in *tertia* de Deo sermo fit, quia summa cantici triumphalis & gratulatorii traditur in laudes Dei. *Stylus* est planus, sed in iudicii Dei descriptione tantum figuratus & sublimis; totus adfectuosus valde. *Partes* generales, ut ex dictis facile liquet, tres sunt. *Prima* est *laudatoria* pro concessis beneficiis, vers. 1—4. *Secunda* est *precatoria* pro liberatione ab hostibus, vers. 5—8. *Tertia* est *gratulatoria* super liberatione inpetrata, & felicitate populi, in laudes Dei carmine celebranda, ex voto & expectatione orta, vers. 9—15.

EXPLICA-

E X P L I C A T I O.

§. V. Cum omnia in Davidem & tempus compositi Pf. recte convenient, Interpretes quoque communiter in eo acquiescant, a paucis si discefferis, qui ad Messiam adplicant, vel regni Dei sub Messia manifestationem vers. 3. ad fin. peti existimant, qui audiendi non sunt, cum nullo fundamento nitantur; ad *explicationem* mox pergo. *Prima* in Pf. parte, quæ est *δοξασμῆς*, n. Deum celebrat tanquam autorem fortitudinis & peritiæ suæ bellicæ, quam præstiterat, *securitatis* & felicitatis, qua gaudebat, & *subjectionis* populorum a se sub jugum missorum, vers. 1, 2. 3. beneficium illud extollit, & gratiæ Dei acceptum refert, ex consideratione vilitatis hominis, vers. 3, 4.

§. VI. n. *Prior* pericopa his verbis profertur, vers. 1, 2. *Benedictus Jehova, rupes mea, qui manus meas erudit ad prælium, digitos meos ad bellum. Benignitas mea exuberans & munitio mea, exaltatio mea, & evasio mea mihi, clypeus meus & in quo refugium habui, qui substravit populos sub me.* Præmittit precationi, mox secuturæ, laudatoriam gratiarum actionem pro beneficiis in se collatis, ut Deum ad preces exaudiendas eo magis moveret, ex consideratione partim conservationis, liberationis, & exaltationis suæ a Deo, quippe qui opus manuum suarum non solet missum facere, partim gratitudinis suæ, qua dignus censi possit, qui ulterioribus beneficiis similibus cumuletur. Complectitur autem omnia beneficia Dei, quibus hucusque gavisus erat, epithetis Dei accumulatis, & phrasibus variis, sive eandem rem varie exprimentibus, sive etiam res diversas designantibus; uti in stylo adfectuoso fieri adsolet. Potest autem pericopa in *duo* distinguere membra, quorum *prius* continet propositionem, *posteriorius* ejus deductionem & amplificationem. *Prius* vers. 1. his verbis: *rupes mea, qui manus meas erudit ad prælium,*
Yyyy
digitos

digitos meos ad bellum. h. e. qui me protexit, firmavit & exaltavit, meque docuit & fecit, bella, quibus statum meum firmavi & exaltavi, dextre, virtuose, & prospere gerere. Cum *Deum* adpellat *rupem suam*, indicat, se 1. sub Dei tutela fuisse tutum semper & salvum, uti tempore persecutionis Sauli, & deinceps; sicut qui in *rupe* consistit, 2. se fuisse in statu & regno suo *firmatum*, & 3. in *sublimi* collocatum, ope & gratia Dei. Conf. Pf. XL: 3. & ibi dicta. Sed, quia per bella varia fuit exercitus, & ad eum statum firmum ac sublimem adductus, addit in specie, se a Deo fuisse edoctum & ductum, ut fortiter & dextre in eis fuerit versatus, ac prospere ea gesserit, & victoriosè. Est enim prosper successus non expresse memoretur, *tacite* tamen comprehensus est; & in deductione expressa ejus fit mentio. Sensus vero est, se Dei inspiratione & ductu fuisse in bello & prælio intrepidum, fortem, simul peritum ac prudentem; *alterum* enim per *manus*, *alterum* per *digitos* indicatur, ut rectè Coccejus, qui hic videatur. Conf. de re ipsa Pf. XVI II: 32— & ibi dicta.

§. VII. Posterius his verbis consignatum est, vers. 2. *Benignitas mea exuberans & munitio mea, exaltatio mea, & evasio mea mihi, clypeus meus, & in quo refugium habui, qui conculcavit populos sub me.* Quod modo summatim *rupis* emblemate complexus erat, illud variis congestis epithetis figuratis deducit & exaggerat; & quod, de fortitudine ac peritia sua in bellando loquens, tacite insinuaverat, illud nunc apertius profert, prosperum belli successum in populis domandis memorans. Epitheta Dei per *tria* paria, secum per & connexa, recensentur, distinctè consideranda. Primum par est, *benignitas mea exuberans & munitio mea.* h. e. *benedictus* Deus, qui me in firmo collocavit statu, & sede munita, simul beneficentiam suam mihi magnam, copiosam & perennem, præstitit, qualem etiam ipsum agnovi, & pie colui. Respicere in specie videtur ad tempus, quo in arce Tſionis fixas accepit sedes, & pro-

promissum de regno perenni in semine suo consecutus est. In voce enim מִנְיָה respicere videtur ad arcem Tſionis, hoc epitheto insigniri solitam, 2 Sam. v: 7. & alibi, & indicare, se in Deo habere & agnoscere eam *munitionem*. In epitheto vero חֲסִידִים speciatim adtendere videtur promissum gratiæ de regno perpetuo, & Messia. Quod eo titulo נַרְיָא venit Jes. LV: 3. Quod Coccejum quoque non præterit. Ex quo simul patet, quam apte conjunxerit hæc duo, cum arx Tſion fuerit regni istius sedes, & in illa *arce* jam collocatus promissum nactus sit. Sed omittendum non est, eum titulo חֲסִידִים simul indicatum voluisse pium suum erga Deum adfectum, quo Deum etiam ipse pro munitione & benefactore suo agnovit, & ardente studio complexus est: ita ut Deus quoque hac parte fuerit ejus חֲסִידִים *studium*; & חֲסִידִים *studium meum* sit, & quod in me exuberat, & in quo ego exubero. Conf. Ps. XVIII: 2. *diligam te Jehova, fortitudo mea.* &c. ubi vid. dicta: unde se ipse adpellat חֲסִידִים ib. vers. 26. Quod eo rectius includitur, quia in seq. semper conjunxit & Dei adfectum erga se, & suum erga Deum, ut mox patebit.

§. VIII. *Secundum* par, *exaltatio mea*, seu *locus meus editus*, & *evasio mea mihi*, significat, eum omnibus periculis, etiam contra opinionem, fuisse ereptum, maxime tempore persecutionis Sauli, sed & in statu sublimi ac glorioso collocatum, ita ut nomen acceperit celebre, uti est 2 Sam. VII: 9. VIII: 13. idque omne ope & favore Dei, quem pro suo liberatore & exaltatore etiam habuit semper, agnovitque. Conf. ad Ps. XVIII: 3. & hic tantum observetur, non sine emphasi addi מִי *mibi*; quippe quo indicat, se non tantum Dei favore in se eripiendo ac exaltando gavissimum esse, quod epitheta, *exaltatio*, *evasio mea*, satis indicarent, sed & se Deo eripendum ac sublimandum commississe, & ab ipso solo expectasse, eumque qua talem agnoscere ac celebrare. *Tertium* par, *clypeus meus* & *in quo receptum habui*, ad bella respicit, ab ipso, ut modo dixerat,

xerat, animose & dextre gesta, dicitque, eum Deo protectore fuisse usum, & ipsi etiam fuisse. *Prius* per epitheton *clypei* expingitur, ut facile cernitur, & *posterior* per voces, & *in ipso refugium quæsi*vi, seu *patrocinium* instar clientis in patrono, cujus vestimenti oram adprehendit. Quam emphasin verbi *חַסֵּה* sæpe observavi. Denique subjungit *consequens* eorum omnium, seu prosperum bellorum successum, quum dicit, *qui conculcavit sub me populos*: sic enim verti debet *עַמִּים* pro *עַמִּים*, & non *populum meum*, cum quod in loco parallelo Ps. *xviii*: 48. ita habeatur, tum quod verbum *רָדָה* *violentam* subjectionem, & subjugationem, quæ populorum libertatem destruit, comprehendat. Radix enim *רָדָה*, cui *רָדָה* respondet, proprie dicit, *calcare*, gravi pede premere, unde ad *dominationem* graviolem transit *a*. Vocem *עַמִּים* pro *עַמִּים* recte sumi notum, & ab aliis jam observatum est *b*. Sic & Mich. vi. 16. Quo etiam facit, quod *heemanticum*, ut vocatur, in finem efficiat notionem collectivam, ut *נֹכַח* Am. vii. 1. *locustarum* major multitudo, & *חַלּוּנֵי* Jer. *xxii*: 14. *fenestrarum multitudo*. Respicitur itaque ad populos vicinos, quaquaversum devictos, & sub jugum missos, 2 Sam. *viii*.

§. IX. ב. Beneficia recensita exaggerat, tanquam ex pura gratia collata in creaturam vilem, & nihili a Deo æstimandam, simul se in Deo, & non se ipso, robur secum posuisse, ac ponere, justificat ex consideratione vanitatis & inbecillitatis hominis, vers. 3, 4. *Prius* his verbis, vers. 3. *Jehova! quid est Adam, quod cognosceres eum? filius Enoschi, quod æstimares eum?* h. e. nec quivis homo, sive Israelita sive gentilis, nec lineæ sanctæ propago, aliquid habet, cujus tu rationem habeas, & propter quod ei benefaceres; pura puta itaque & admiranda tua bonitas est, qua me tantis cumulasti beneficiis. Conf. ad Ps. *viii*: 5. ubi forma orationis & res ipsa est exposta. *Tendit autem*

a Vid. ad Ps. *lxviii*: 28. & Schroeder ad Jes. *lii*. c. 21.

b Hottinger. Smegm. p. 114.

autem hæc exclamatio admirabunda hoc loco ad beneficium Dei amplificandum, & verum fontem, solam Dei gratiam, pandendum; ut facile adparet. In verbis, & structura orationis, parum est, quod nostræ curæ relictum est. *Cognoscere* esse pro *agnoscere*, curare, favoris signa dare, & *reputare*, חשב, esse pro *æstimare*, alicujus pretii censere, voculam וָ עֵשֶׂה esse pro *quod*, vel *quia*; satis tritum est. Tantum observo, voces אָרַם & אָנוּשׁ ita posse distinguere, ut *prior* sit generalior, gentiles quoque comprehendens, qui אָרַם etiam adpellantur, *posterior* ad sanctam lineam restringatur, Sethi posteros, cujus filius adpellatur est אָנוּשׁ homo lethaliter *aeger* & *inbecillus*, Gen. iv. fin.

§. X. Confessione & exaggerationi gratiæ Dei in concessis beneficiis adjungit suæ vanitatis & inbecillitatis confessionem, ut declararet se jure merito non in se, sed Deo posuisse fiduciam suam. Quo mihi sequentia videntur verba spectare, vers. 4. *Homo vapori similis est, dies ejus sunt instar umbræ transeuntis.* h. e. Sicut homo nihil habet, quare ejus rationem haberes in benefaciendo, sed pura putata gratia sit, ex qua bona & dona tua fluunt, quod gratus & lubens agnosco & celebro: ita simul confiteor, homini nihil esse virium, quibus se tueri, & firmiter durare possit, sed illud unice tibi acceptum esse ferendum, & in te querendum, sicut feci & facio etiamnum, non mihi, sed tibi unice nixus. Interpretes existimant, hic responderi ad præcedentem exclamationem interrogatoriam, & rationem dari, quare nihil habeat, quo a Deo agnoscatur, petitam a vanitate & imbecillitate hominis, qua cito perit: sed, si id intendisset, aliam etiam protulisset rationem ab indignitate & corruptione, non a momentanea tantum hominis duratione, & inbecillitate; quæ Deum movere potius deberet ad homini succurrendum, quare rectius eo, quo dixi, referuntur; ut confessionem infirmitatis continerent, qua justificat fiduciam suam, non in se & viribus, sed Deo positam: uti in paraphrasi expressi. Quæ confes-

sio sicut superioribus, ut vidimus, recte subjungitur, ita sequentibus apte præmittitur, cum mox orietur, ut Deus sibi succurrat, quippe infirmo, & facile ruituro alias. Verba ipsa nihil habent difficilis. Duo comprehendunt enunciata, in rem facientia, *alterum* est, hominem esse *vapori* similem, quod proprie dicit *הנל*, vel *halitum* oris, aut *inflationem* turgidam, cui nihil inest solidi, sed qui facile evanescit: quo indicatum voluit, sibi nihil esse virium, quibus consistere possit, maxime contra *impetum* vehementem & hostilem: *alterum* est, *dies* suos esse *infra umbræ transeuntis*, h. e. facile & per se fat cito finiri, adeoque violenter & intra tempus statutum non esse arumpendos, & auferendos, præterea, facile id fieri posse, nisi Deus succurrat. Conf. Ps. LXXXIX: 48. & ibi dicta.

§. XI. *Secunda* Ps. pars, quæ preces pro liberatione ejus ab hostibus, horumque prostratione, comprehendit, poetico & sublimi stylo his verbis rem depingit, vers. 5-8. *Jebova inclina coelos tuos, & descendas, tange montes & fument: fulgura fulgur, & exundare eos facias, mitte tela tua, eosque colliquescere facias; mitte manum tuam ex alto, effringe me & eripe me aquis spissis, e manu peregrinorum, quorum os loquitur falsa, & dextra est dextra mendacii.* Quæ poetica est pictura judicii Divini, severi & tremendi publice habiti, ejusque consequentis terribilis in hostes, & salutaris in Davidem, quo, hostibus prostratis, ipse est in plenissimam libertatem & prosperitatem adfertus; adeoque hoc simpliciter redit, Davidem orare, ut ab hostibus vindicetur cum clara potentia, & justitiæ Divinæ, demonstratio-
ne. Imago est ex Ps. XVII. petita, & in compendium missa, & ibi a nobis illustrata: quare hic uno alterove de-
fungi potero observato. 1. Primum est, radicem *מא* non esse cum *מא*, ut fecit Capellus a, permiscendam, sed notare proprie *patefacere cum diffractione*, seu effringere patefaciendo; unde inter alia transit ad liberationem a
malo,

a Not. Crit. ad Ps.

malo, cui quis obnoxius erat, seu effractionem manu potentis vindicis, adfersionemque ex vinculis, & angustis. Cum autem hic jungatur cum verbo *eripere ex aquis multis & spissis*; effringere & eripere erit, aquas cum fragore rumpendo & diffindendo extrahere ac liberare. 2. Secundum est, *aquas*, quibus se cinctum esse indicat, depingere hostiles exercitus, undiquaque a tergo & fronte obsidentes, & submersuros Davidem; quemadmodum exercitui ejus ab Ammonitis & Syris contigit, 2 Sam. x: 9. quare mox, explicationis ergo, additur, *a filiis peregrinitatis*, seu *peregrinis*, extraneis & gentilibus: quibus titulus נכר dari solet in Script. S. Quod idem qua ratione in Absolomi quadret infestationes, supra exposui, & mox repetam. *Aquas* expingere in genere calamitates periculosas, in specie populos hostiles, notius est, quam ut demonstrare necesse sit. 3. Tertium est, verba vers. 8. *quorum os locutum est falsa, & manus dextra est manus mendacii*, eo tendere, ut characteristicas peregrinorum hostium qualitates ducant, quibus acceptum erat referendum, quod Davidem invaserint, quæque merebantur divinam vindictam; adeoque ut de peregrinis illis cogitamus, qui falsitate & infidelitate in pactis juratis observandis, bellum hoc concitaverant. Quo manifeste ducimur ad Ammonitas, Davidis socios & foederatos, qui de scopo ejus in mittendis legatis falsum tulerunt judicium, & foedus cum Davide, juramento pactum, fregerunt: uti narratur 1 Sam. x. quod hic dicitur *falsum ore loqui, & dextram facere mendacem*. Dextra enim hic ad *juramentum* referenda est, uti a nonnullis recte est observatum, a Cl. Schultens *b* ex Arab. etiam illustratum. Alii de *robore* hostium fallace interpretantur, quod huc minus quadrat, cum hic occurrant, tanquam potentes, contra quos opus habeat Dei auxilio & robore. Plura non opus est addere. Cete-

a Schultens clav. p. 771. *b* Ad h. l.

Ceterum illud ipsum in Absolomum ejusque socios apte convenire, facile patet.

§. XII. *Tertia* pars continet solemnem declarationem læti & novi cantici canendi, quum Deus liberationem concefferit, & preces exaudiverit, cujus argumentum erit felicitas & prosperitas populi; quam declarationem fecit ad testificandam cum spem suam, qua læta illa tempora expectabat, ut & gratitudinem, Deo pro concessis beneficiis præstandam. Cujus pericopæ, vers. 9-15., sequentes partes sunt. *α. Prima* exhibet propositum & spem Deum novo cantico solenniter celebrandi, vers. 9. *Deus! canticum novum tibi canam, nabllo decachordo psallam tibi.* h. e. ea me tenet spes, fore, ut novum & lætum tibi carmen & voce & instrumentis musicis tibi accinendi potestas & occasio detur; eo quoque sum animo, ut illud, in gratitudinis testificationem, facturum sim. Nihil hic occurrit, quod addam dictis ad Pl. xxxiii: 4. ubi eadem fere verba reperiuntur, & de eodem tempore agitur prosperitatis, cui novum carmen conveniebat. Agitur ibi de statu populi sub Salomone, quem & hic præcipue in oculis habuit, ut seq. docebunt.

§. XIII. *α. Secunda* pars tempus definit, quo locum haberet canticum illud novum, quum Deus sese Davidi præstiterit servatorem ab hoc bello, & alio quocunque malo secuturo, adeoque precibus, quas repetit, adnuerit, vers. 10, 11. *qui dat salutem regibus, qui vindicat Davidem servum suum a gladio, a malo. Vindica me & eripe me e manu peregrinorum, quorum os loquitur falsum, & dextra est dextra mendacii.* Quæ verba partim elogium Dei liberatoris & servatoris regum, & in specie Davidis, continent, partim preces pro liberatione. *α. Prius* vers. 10. *qui dat, vel danti, salutem regibus &c.* Cohærent verba cum præcedentibus, quibus dixerat, se Deo esse novum carmen dicturum, & exponunt, qualem se Deus præstiterit, cui carmen accineretur, adeoque quo tempore illud fieret, quum

quum nimirum Deus celebrari possit, tanquam liberator & ereptor Davidis a gladio & malo, seu conquassatione alia qualicunque. Duo de Deo prædicat, alterum *generale*, alterum *speciale*, ad se pertinens; utrumque in persona tertia; qua & de Deo, & de se loquitur, gratiæ & emphasios ergo: nisi quis cum Syr. & Vulg. Lat., quod non displicet Musculo, velit legere ענין *servum tuum*, ut in secunda persona decurrat sermo. Prius habet, liberationem, qua vel ipsi reges gaudent, esse Deo acceptam ferendam, & non potentiæ, aut sapientiæ propriæ. Sensus vero est, liberationem regibus, qui liberantur, a Deo concedi, ita ut *dare liberationem regibus*, concisa oratione sit, regibus, qui liberantur, Deum dare liberationem. Quod plenius deducitur Ps. xxxiii: 16, 17. ubi vid. dicta. *Posterius*, quod est restrictius & ad Davidem relatum, habet, *qui effringit Davidem servum suum a gladio, malo*, seu a malo aut conquassatione; scilicet sicut antea, ita & nunc ac in posterum. Enunciatum enim est generale, & late sumendum pro liberatione a bello & alio malo qualicunque, quo & ante fuit pressus, & premebatur in præsentia, & in posterum premeretur. Dubium est, num ענין cum ענין construi debeat, an per se sumi. utrumque potest: si *prius*, *gladius* erit *conquassator*, & *confractor*, sicut Jer. xxiii: 10. *concussio conquassata*, & xvi: 16. *gladius ענין enervator*; si vero *posterius*, repeti debet ex præced. vocula נ a *conquassatione*. Perinde est, quocunque modo accipiatur, modo not., vocem ענין denotare *conquassationem*, *confractionem*, qua quis opibus, potentia, vita privatur, & confringitur. Quæ vera est radicis ענין & ענין potestas, unde ad malum conquassans, & morale, & physicum, transfertur a.

§. XIV. *Posterius*, quo preces, pro liberatione modo fusas vers. 7, 8., repetit, vers. 11. *effringe me, eripe me a manu peregrinorum, quorum os loquitur falsum, dextra est dextra mendacii*;

a Schroeder ad Ps. x.

Zzzz

mendacii; quid sibi velit, & quo tendat, difficultate non caret, cum hic versetur in Deo propter concessam liberationem a gladio quassatore laudando, seu præsупponat, Deum sese talem exhibuisse, cui canticum novum accineret. Alterutrum videtur statuendum, *vel*, eum preces repetiisse eo scopo, ut indicaret, Deum se secundum preces suas liberasse, seu eas esse exauditas, & impletas, *vel*, de novo in eas erupisse, & sermonem, precibus insertis per parenthesis, abrupisse; ut significaret, quantopere desideret, ut Deo, tanquam liberatori, carmen novum dicere queat. Prius si admittatur, sermo erit ellipticus, hac vel simili ratione supplendus: *carmen novum tibi dicam*, qui me eripuisti, & quum illud fecisti, secundum quod modo precatus sum, *eripe me* &c. vel qui me eripuit, dicentem, *eripe me* &c. verbo מִן subintellecto, ut sæpe alias. Posterius si placeat, versus erit pro parenthetico habendus, & eo loco insertus, ut flagrans liberationis, suo tempore celebrandæ novo cantico, desiderium exprimeret, ac si dixisset: novo te carmine laudabo, Deus! qui me eripuisti; fac illud, ut id tibi accinere possim, *eripe me*, uti modo oravi, quod repeto. Sed potest & alia dari ratio repetitarum precum, & per parenthesis insertarum, si de Ammonitis sermo censeatur institui, inde petita, quod per spiritum inficius licet pro liberatione a nova conquassatione per alios filios peregrinationis, figurate sic dictos, falsa locutos & sedifragos, ac perfidos, efficienda, fuerit precatus; sive ad precationem renovandam compulsus a spiritu propter novam aliquam conquassationem ab aliis, sed similis indolis, hostibus postea orituram, antequam earmen illud novum Deo accini potuerit; a spiritu prævisam, ipsi precanti adhuc occultam; sive ipse simpliciter preces repetere in animo habuerit, sive hypothetice de futuro locutus fuerit, *si tale, vel simile quid, in posterum contingat*: secundum quam hypothesin verba pertinebunt ad conquassantem calamitatem sub Absolomo, & *fili peregrinitatis*

tatis sensu figurato erunt perversæ & peregrinæ indolis homines instar peregrinorum in Davidem irruentes, quorum character est, mendacia in dedecus & perniciem Davidis loqui, ut fecit Absolom 2 Sam. xv. & Simei c. xix. aliique, & perfide agere, fœdus & societatem cum Davide rumpendo; quod ab illis factum constat. Hypothesi vero de Absolomi conspiratione, in hoc Ps. delineata, admissa, applicari hæc verba poterunt ad illam Selæ, post Davidis restitutionem 2 Sam. xx.

§. XV. 1. Tertia pars profert ipsum cantici novi argumentum, in summa omnium bonorum copia, omnigena prosperitate, & pace ac tranquillitate, situm: quod α. graphice depingitur vers. 12--14. β. beatitudinis prædicatione extollitur ac concluditur, vers. 15. α. Prius his verbis sit vers. 12, 13, 14. Quod, vel profecto, filii nostri sunt, sicut plantæ alte infixæ, bene compacti in adolescentia sua, filia nostræ, sicut anguli, expositæ ad speciem palatii: promptuaria nostræ spisse referta, expromentia alimenta unum post alterum: pecudes nostræ minutæ multiplicatæ ad chiliadas, ad myriades in vicis nostris. Fumenta nostræ onerata: nulla fissio lacerans, nullaque egressio, & nulla vociferatio quiritans in plateis nostris. h. e. Novi & læti carminis, quod tibi accinam solenniter & publice, hæc erunt præcipuæ partes, hoc argumentum; quod summa & omnigena fruamur, ego & populus, prosperitate & tranquillitate; ita ut inter alia, ne omnia recenseam, liberis gaudeamus pulchris, & robustis, adeoque domus & familiæ nostræ sint numerosæ, & florentes ac bene stabilitæ; cellæ nostræ promptuariæ omne genus bonis abundanter instructæ, ad vivendum non tantum, sed læte ac jucunde vivendum; greges nostri quoque mirabiliter multiplicati, & boves firmi ac continuo laborantes, & opera portantes; nulla denique in terras nostras eruptio confringens, nulla ad hostes reprimendos egressio militaris, nulla vociferatio oppressorum, qui opem implorant, omnia tranquilla, pacifica.

fica & secura. Turbavit maxime Interpretes vocula *וְ*, qua pericopa cum superioribus connexa est; & verus ejus conspectus. Sunt, qui pro verbis *peregrinorum* habent, felicitatem suam temporalem jactantium; qui vertunt, *fili nostri*, & peregrinos introduci censent loquentes; quorum jactationes poeta retunderet vers. 15. in membro posteriore. Sed 1. poeta tunc *prima* persona non fuisset usus, sed, ut modo *וְהָיוּ אוֹתָם* *quorum os*, dixisset, *וְהָיוּ*, sicut LXX & Syr., huic hypothese litantes, instituerunt: mutatio enim personæ sermonem prorsus implicat, & minus intelligibilem facit. 2. Nimis abrupte, & sine ratione, jactantia hominum mundanorum tanta orationis copia describeretur. 3. Nihil hic occurrit, quod in populum Judæum, externis illis promissis gaudentem, non apte quadret; nihil, quod societatibus non sit desiderabile, & ad eas felices reddendas non faciat. 4. Denique membra vers. 15. manifeste cohærent, nec ita divelli possunt, ut prius pro jactantia populorum, posterius pro ejus correctione & refutatione a poeta facta, haberi possit. De quo mox. Offendit Interpretes, & a vero abduxit, quod nexum & verum conspectum pericopæ non perspexerint; qui ex nostra analysi, modo data, facilis est. Cohæret enim cum vers. 9., & materiam seu partes cantici novi comprehendit; ut ex dictis patet, sive *וְ* vertatur *quod* vel *quia*, ut sit, *canam tibi* — — — *quod filii nostri sint*: sive censeatur cum emphasi, aut potestate adseverandi, abundare; sitque pro *utique*, *profecto*, quemadmodum alibi *a*. Ex quo etiam elucescit, minus recte pro voto aut precatione haberi, ut passim accipitur, sed pro *felicitatis* præsentis descriptione esse habendam, adeoque supplendam, non per *sint*, sed *sunt*, cum cantici hæti materiam constituat.

§. XVI. *Hic*

a De Dieu ad 2 Sam. iii: 8. Neh. iv: 12. & eomm. *notæ* ad Jer. xxxii: 35. xlvi. 9.

§. XVI. His praemissis, consideremus & illustremus partes pericopæ, quæ sequentes sunt *a. Prima* pertinet ad domus seu familiæ prosperitatem, in liberis utriusque sexus pulchritudine, & firmitate sitam, vers. 12. *Filii nostri sicut plantæ, compacti in juventute sua; filia nostra sicut anguli expolitæ ad speciem palatii.* h. e. Filii filiæque nostræ insigni pollent gratia, pulchritudine, & vigore ac firmitate, in juventute seu primo ætatis flore, adeo ut domus propagandæ ac firmandæ in longum præclaram faciant spem: quæ domuum & familiarum est felicitas, in fœdere Dei quoque promissa. Conf. Ps. cxxviii: 3. ne alia memorem, satis nota. *Filii dicuntur bene compacti in juventute sua*, & comparantur cum *plantis* alte radicatis, proceris & venustis. Vox מְרִילִים non cum *plantis*, sed *filiis* construenda est, secus ac vulgo putatur; quod verbum מְרִיל, vera sua emphasi sumtum, quoque requirit, cum in *plantas* minus recte quadret, aptissime in *juvenes*. Ex indole enim radices, quæ proprie dicit *implicari multis filis*, & *densius intorqueri*, non tam spectatur *altitudo staturæ* in genere, quam *compactio*, & interior nervorum firmitas, cum robore & vigore conjuncta, uti Jes. 1: 2. xxiii: 4. Jer. 1: 41. Ez. xxxi: 4. *a. Duo* itaque de filiis prædicantur, alterum, eos esse nervosos, firmos, & robustos; quod est מְרִילִים; & non, ut nonnullis visum, *bene & pie* educatos; quod hic non attenditur, licet præsupponi debeat; *alterum*, eos esse *plantis* similes, quatenus sunt alte infixi & radicati, pulchri & proceri, qui gratiam præbent, & spem præclaram. Conf. ad Ps. cxxviii. ubi *plantæ olearum* adpellantur. De *filiabus* habetur, eas esse *instar angulorum expolitas formæ palatii* h. e. proceras, omnium partium symmetria concinnas, pulchras, & domos ornare ac firmare aptas. Cum *palatio* comparantur stylo orientis ob *proceritatem*; *expolitæ* adpellantur ob partium omnium concinnitatem; radix מִנְיָן dicit *dolatum*, pulchre tornatum ac ex-

Zzzz 3

poli.

a Vid. etiam Schultens Defect. §. 202.

positum. Denique similitudo *angulorum penuariorum*, cum ad firmam constitutionem, tum laterum domus compactionem nos ducit; quæ per *filiæ* fit, quatenus familiæ statuminandæ aptæ sunt per curam *penuariam*. Conf. Prov. xxi. quo ipsa vox נִיָּה, ut mox dicam, tendit: quippe quæ *penuria* in *angulis* reposita denotat. Quod si displiceat, nihil rectius suppetit, quam ut נִיָּה *instar oleæ* legatur, quæcum filii comparantur Ps. cxxxviii. Quod Calmeto etiam in mentem venit.

§. XVII. *b. Secunda pars exhibet copiam omnium bonorum ad vitam, eamque commodam & hilarem; vers. 13. Promptuaria nostra spisse referta, expromentia ex alimento ad alimentum, vel alimenta unum post aliud, sine penu-ria aut exhaustionem. Nihil hic difficile, aut notandum. Radix נִיָּה originem habet in contractione & compressione in u-num; unde penuaria adpellantur נִיָּה, ubi res magna copia coacervantur; pakhuisen. Radix vero נִי Arab. est ornare, polire, instruere; unde & ad *alimenta*, & ad *armamenta* transitus fit facilis, sicut Lat. *ornare* exercitum, classem, dicunt pro *armare*, & *focum*, domum, pro omni copia instruere, unde נִי quæ *cauponariam* artem exercet. Phrasia ex *alimento* ad *alimentum* pro inexhausta copia satis trita est.*

§. XVIII. *c. Tertia pars pertinet ad minutarum pecudum summam fecunditatem ac copiam, bonæ vero & armentorum robur, & continuum ulum in arando ac onera ferendo: vers. 13, 14. minutæ nostræ pecudes multiplicatæ ad chiliadas & myriades in vicis nostris; boves nostri onerati. Quæ satis plana sunt, vel expedita ab Interpretibus; tantum quid ambigui est in verbo נִיָּה de bobus usurpato, quo & gravidæ vaccæ in utero gestantes, & pingues, & robusti ac onera portantes, boves intelligi possunt. Primum enigat & illustrat Bochartus^a, sed secundum, vel tertium, communiter placet; nobis videtur ambiguum studio captatum,*
ut

^a H. p. I. l. II. c. 3a.


ut omnia comprehendantur. *Boves* itaque *onerati* sunt, qui *fœcundi*, simul *pingues* & *arvina graves*, denique in *oneribus* portandis *addidui* sunt, in *signum* continuæ *agriculturæ*, & *frugum abundantia*. Conf. Prov. xiv: 4. *Quum nulli sunt boves, area pura est, & spissa copia proventuum in robore tauri.*

§. XIX. *Quarta* pars ob oculos sistit *tranquillitatem* & *securitatem publicam*, *nulla fissio lacerans*; *nullaque egressio militaris*, & *nulla vociferatio quirittans in plateis nostris*. h. e. *nulla est irruptio hostilis in terras nostras*, quæ *scindit* & *lacerat*, *nulla opus est egressione militari ad hostes arcendos*, aut *bellum gerendum*, *nulla nequidem quirittatio oppressorum*, *opem aliorum implorantium*; *sed quies*, *pax*, & *securitas ubique regnat*. Vox פָּרָא proprietatem habet in *fissione lacerante*, ita ut vel *incisura fiat*, vel *apertura* & *foramen*; speciatim *usurpatur in obicibus perfractis*, unde *ad aquas*, quæ *alveos omnes perrumpunt*, *transfertur a*: ex quo patet, recte hic, *cogitari de irruptionibus hostilibus*, & *vastationibus inde ortis*. *Secunda vox נָאָרָא* absolute posita recte refertur ad *egressionem militarem*; uti 2 Sam. xi: 1. *tempus נָאָרָא egressus regum*, scilicet ad *bellum*, nec non Jud. ix. 2 Sam. ii: 13. Ps. lx: 12. *verbum נָאָרָא*. Sensus itaque est, *locum nequidem habere expeditiones militares*, sed *omnia esse pacifica*, nec *bellum geri a populo*. *Tertia radix נָאָרָא* proprie dicit *rumpere*, inde *rumpere vocem*, ac *clamare*, ut qui *opem implorat*: significatur itaque, *nullam oppressionem*, *qualemcunque etiam*, *reperiri*, sed *summam obtinere tranquillitatem*, & *securitatem*, ac *libertatem*. Quæ cum satis *limpida sint*, nollem turbata a Bocharto a, qui voces פָּרָא & נָאָרָא refert ad *vaccas gravidas*, non *abortientes*, aut *ejicientes semen*. Quod nec in voces, sic absolute positas, quadrat, nec cum seq. *vociferatione* cohæret. Sensus, quem dedi, est *facilis*, & in rem aptissimus: quare aliorum interpretationibus non immoror.


§. XX.

a Schultens clav. p. 282. & Lette ad Jud. v.

§. XX. β. Subjungitur beatitudinis populi, his bonis gaudentis, celebratio, simul fons monstratur hujus felicitatis, vers. 15. *Beatum populum, cui sit est! beatum populum, cujus Jehova Deus est.* h. e. Felix profecto est, & summopere felix, societas, cui hæc contingunt; felix itaque est, & majore adhuc gradu, qui Jehovam habet pro Deo suo fœderato. *Posterius* membrum non ad *prius* corrigendum aut refutandum subjungitur, sed partim confirmandum & illustrandum, partim amplificandum; adeoque ad inculcandum, 1. felicitatem hanc populo illi evenire, qui Jehovam habet Deum suum, adeoque Jehovam esse ejus promocondum & autorem. 2. majorem esse populi felicitatem, quum Jehova fruitur tanquam Deo. Conf. Ps. xxxi: 1: 12. & ibi dicta. Ceterum not., hanc descriptionem vera sua emphasi in tempora Salomonis convenire; quorum primordia fuerunt sub Davide post omnes calamitates, sub finem vitæ superatas; in quod tempus Salomonis etiam quadrat Ps. xxxiii. ubi yid. dicta.



PSALM.



P S A L M. CXLV.

1. *Corusca laudatio Davidis. Extollam Te, Deus mi! regem istum, & benedicam nomini tuo in seculum & aeternum.*
2. *Quotidie benedicam tibi, & celebrabo cum vibratione nomen tuum in seculum & aeternum.*
3. *Magnus est Jehova & corustus valde, nec est magnitudinis ejus pervestigatio.*
4. *Aetas ad aetatem concelebrabit opera tua, & fortitudines tuas ante oculos ponent.*
5. *Venerandam gloriam Majestatis tuae praegravantis, & verba mirabilium tuorum spatiabor.*
6. *Et vim decusque verendorum tuorum dicent, vel canent, & potentias tuas enarrabo.*
7. *Commemorationem multiplicis tuae bonitatis & justitiae tuae scaturire facient, resonabunt, vel resonantes.*
8. *Tenerrimo adfectu & commiseratione praeditus est Jehova, longanimis, & magnus beneficentia.*
9. *Bonus est Jehova universitati, & commiserationes ejus super omnibus operibus ejus.*
10. *Celebrabunt te, Jehova! omnia opera tua, & pii tui benedicent tibi.*
11. *Gloriam regni tui dicent, & fortitudinem tuam differrent.*
12. *Ad notificandum filiis hominum potentias ejus, & gloriam verendae Majestatis regni istius.*

Aaaaa

13. Regnum

738 C O M M E N T A R I U S

13. *Regnum tuum est regnum omnium seculorum, & domini-
nium tuum in omnem generationem & generationem.*
- (14. *Fidelis est Jehova in verbis suis, & beneficus in om-
nibus operibus suis.*)
14. *Fulcit Jehova omnes lapsantes, & omnes curvatos eri-
git.*
15. *Oculi omnium ad te prospectant, &, vel utique, tu das
ipsis cibum ipsorum tempore isto, vel cuique suo.*
16. *Aperis manum tuam, & satias omne vivum acquiescen-
tia.*
17. *Iustus est Jehova in omnibus viis suis, & beneficus in om-
nibus operibus suis.*
18. *Prope adest Jehova omnibus eum invocantibus, omnibus,
qui eum in veritate invocant.*
19. *Beneplacitum timentium sui faciet, & quiritationem a-
rum audiet, & servabit eos.*
20. *Custodit Jehova omnes amantes ejus, &, vel sed, omnes
improbos delebit.*
21. *Coruscant Jehovae laudam edifferet os meum, & benedictio
omnis caro nomini sanctitatis ejus in seculum & acter-
num.*

P R O L E G O M E N A

§. I.

Argumentum Ps. totum est generis laudatorii, quare in-
scriptio ejus est *להלל*, proprie laudatio & celebratio
cum vibratione tam corporis, quam vocis; proprietatem
enim habet *להלל* in vibratione, seu splendore ex alto radian-
te.

te. Continet autem elogium magnitudinis, potentiæ, justitiæ & bonitatis Dei, per opera in Ecclesia & toto mundo demonstratarum; & declarationem celebrationis Dei super his omnibus, quam ipse poeta, omnesque pii facere per omnia tempora, in specie nunc, debeant, etiam facturi sint, ut omnibus hominibus ea innotescant, & omnes ad Deum glorificandum excitentur. Cum poeta in genere animum suum de Deo laudando & benedicendo in perpetuum testificatus esset, magnitudinis & potentiæ ejus elogium facit, dicitque, eo respectu Deum a se & aliis esse celebrandum; quando ad justitiam & bonitatem pergit, cujus utriusque virtutis respectu idem a se & piis esse faciendum declarat, ut omnibus hominibus earum effecta innotescant, quorum plura recenset specimina & effecta, in Ecclesia & mundo conspicua. Desinit denique non solum in repetita declaratione celebrationis Dei a se instituendæ, sed eam ad omnem carnem extendit, a qua Deus sit glorificandus in æternum.

§. II. Ad cujus argumenti verum conspectum illud tantum notandum occurrit, statum Davidis & populi præsupponi lætum, pacificum & prosperum, quo, omnibus malis superatis, singularia & multiplicia earum Dei virtutum signa & effecta consecuti erant, nihilque agendum esset, quam Deum magnificare, & super omnibus istis signis celebrare: quod ipsum etiam passim futurum esse a rege & populo Dei, significatur. Ex quo haud obscure elucescit, nullum aptius *tempus* sese in vita Davidis, cui Ps. convenit, offerre, eo, quo sub finem regni Salomo inauguratus est, & felleia ejus tempora inciperent; quando haud dissimilis argumenti orationem habuit in populi comitiis 1 Chron. xxix. Nec improbabile est, Davidem hoc canticum instar adpendicis superiori adnexuisse, quo tempore prosperum illud tempus adluserat, cujus lineas superiore Ps. duxerat, adeoque pro *carmine novo*, cujus spem fecerat, voluisse haberi. Quare ei immediate sub-

junctum est & quidem titulo singulari, quo nullum aliud ejus canticum insignitum, *laudatio Davidis*. Confirmat hanc hypothesin Pf. xxxiii. præcedenti quaque ea ratione subnexus, & ad felicitatem regni Salomonis respiciens.

§. III. *Scopus* Pf. est, unde de *usu* ejus facile constat, Deum super præclaris potentiae, justitiae & gratiae, signis, in medio populi inprimis conspicuis, celebrare, cum gratiarum actione, ut fecit i Chron. xxix, & populum ad idem faciendum nunc & in posterum excitare; formula ipsis in manus tradita, qua Deum publice & solenniter laudare possint. *Structura* Pf., praeterquam quod alternatim nunc ad Deum sermo vertatur, nunc de Deo fiat, illud habet singulare, quod singuli versus secundum litteras alphabeti incipiant & decurrant; quales *alphabetici* adpellari solent; vel memoriae vel elegantiae causa ita ordinati. Tantum in textu Hebr. Masor. deficit versus cum littera *mem*: sed quem feliciter suppleverunt Lxx Interpretes, post vers. 13. de quo postea suo loco. *Stylus* est planus & facilis ad omnium captum, uti in doxologiis decet. *Partes* Pf., ut facile adparet, tres sunt. I. *Prima* continet introductionem, seu propositum Dei laudandi in genere, vers. 1, 2. II. *Secunda* ipsam laudationem a. respectu majestatis & potentiae, vers. 3-6. 1. Justitiae & bonitatis, vers. 7-10. III. *Tertia* conclusionem, qua propositum repetit, & idem officium ad omnem carnem extendit, vers. 21.

A N A C R I S I S.

§. IV. Investigatione hypothesios explicandi Pf. non fuisset opus, cum nihil occurrat, quod tempore Salomonis de Deo, & in ejus laudes, prædicari nequeat, quo Pf. dixi pertinere, nisi essent, qui ad Christum, *regem exaltatum*, ejusque laudationem, directe adplicarent.

No-

Nonnulla hic proferri, fateor, quæ majore emphasi in regno Messiae locum habent, quæ in ipsa tractatione sub manus venient, adeoque non intercedo, quominus statuatur, Davidem a Spiritu ita fuisse directum, ut virtutum Divinarum demonstrationem tam fortiter & universaliter exprimeret, ut de regno Messiae, antitypico Salomonis, ania quoque cogitandi daretur; quemadmodum & alibi fit: attamen primo & directe ad Davidis ultima & Salomonis tempora respici censuerim, quia nulli proprii & distinctivi regni Messiae characteres hic sese produnt, nonnulla etiam occurrunt, quæ in regnum Dei universale rectius quam Messiae quadrant, ut vers. 10, 14-16. Recte itaque fecerit Interpres, si Deum, supremum regem, qui majestatem, justitiam & bonitatem, suam in universo, & populo suo tempore Salomonis, simul Messiae, illustribus signis & effectis demonstravit, in oculis habuerit, & magnificentius dicta ad Messiae tempora, in primis ultima, regno Salomonis respondentia, retulerit. Quam regulam observabimus.

EXPLICATIO.

§. V. *Prima pars, qua officium & propositum de Deo, rege suo, celebrando in perpetuum expromit in genere, ita habet, vers. 1, 2. Extollam te, Deus mi! regem istum, & benedicam nomini tuo in seculum & æternum. Quotidie benedicam tibi, et celebrabo cum vibratione nomen tuum in seculum et æternum. h. e. Te, o Deus, qui meus es, & cujus ego sum, summis laudibus extollam, lætus & cum gratiarum actione celebrabo, ac toto corpore & animo vibrato, seu intensissime, laudabo tanquam supremum regem universi & populi tui, qui sese gloriosum præstitit & celeberrimum. Deum adpellat, quem celebrare vult, & suum dicit, quia eo tanquam tali fruebatur, & ei ob-*

strictus erat ad omnem amorem ac cultum. Declarat, se ipsum *extollere*, ei *benedicere*, & eum vibrantissime *laudare* velle; beneficia ipsius grato animo prædicando, quod est *benedicere*, ipsiusque perfectiones & virtutes magnifice extollendo supra omnia, & gestu voceque magno cum studio laudando; nec illud raro, sed omni & toto die, nec ad tempus, sed perpetuo, imo in omnem æternitatem; quamdiu fuerit, & verba ac cantica sua superfuerint; quæ in perpetuum durarent, & durant. Sed *qualem* vult celebrare Deum? tanquam regem supremum & magnificum, *cujus nomen* est celeberrimum. Eo enim scopo Deum adpellat *regem*, & quidem *istum* cum *ni* emphatico, הַיֵּשׁוּעַ, ei que *nomen* adtribuit, ut materiam laudationis fore indicaret *regiam* Dei majestatem, & illustrissimam perfectionum ac virtutum ejus *manifestationem*; quæ *nominis* voce insignitur. *Rex* adpellatur Deus, & quidem κατ' ἐξοχῆς summa emphasi, quatenus supremus est, & summa præditus Majestate, rector, arbiter, & judex universi, & in specie populi sui, nunc Israelis, non obstante forma regiminis regia, deinceps etiam Ecclesiæ ex Judæis & gentibus in Messia. Quæ tanquam nota tactum attingo. *Nomen* Dei hic dicit ejus celeberrimam manifestationem & gloriam; uti sæpe alias: cui præterea adtribuit *perpetuam* & *æternam* durationem: voces enim illæ, in *seculum* & *qæternum*, æque cum nomine construi possunt, ac cum verbis *benedictionis* et *laudationis*, quemadmodum habuimus Pf. cxxxv: 13. *Jehova, nomen tuum in æternum*. Ceterum, cum se id facturum dicit, sicut animum & propositum suum exponit, ita simul se in exemplum proponit, & illud omnibus incumbere, etiam a piis per omnia tempora in perpetuum agendum esse, indicat: cujus expresse meminuit, vers. 10 & 21.

§. VI. *Secunda* pars comprehendit specialiolem laudationis Dei commemorationem, respectu potissimum *potentissimæ* Dei majestatis, justitiæ ac gratiæ, earumque effectuum,

rum, vers. 3-20. *Prior pars, ad potentiam Dei spectans, vers. 3-6. continet a. materiam laudationis, vers. 3, 4. β. laudationem ipsam, a se & aliis faciendam, vers. 5, 6. α. Materia his verbis proponitur, vers. 3, 4. Magnus est Jehova, & coruscus valde, nec est magnitudinis ejus pervestigatio; ætas ad ætatem contelebrabit opera tua, & fortitudines tuas ante oculos ponent. h. e. Summa & infinita fulget Jehova potentia, quæ & omnem superat captum, nec exhauriri potest, sed sese per omnes generationes reddit conspicuam in operibus, de ea testantibus; præbetque continuo & in perpetuum materiam Deum publico plausu concelebrandi. Sermo elegantiae causa nunc de Deo instituitur, nunc ad eum vertitur. Continent vero verba a. propositionem, b. ejus amplificationem. a. Propositio fit his verbis: magnus Jehova & coruscus valde. h. e. summa fulget Jehova potentia, quæ sese splendidissime exserit, & Jehovaham reddit quoque celebratissimum. Respicitur in primis ad potentiam & fortitudinem Dei Israelis, ejusque coruscam demonstrationem. Jehova adpellatur, ut Deus Israelis designaretur, cujus hoc proprium est, & memoriale nomen; uti notum. Datur ei epitheton magni, ad potentissimam ejus majestatem exprimendam. Quæ sicut vocis & verbi לָוִי insita vis est, uti alibi sæpe notatum; novissime quoque ad Ps. cxlvi: 12., ex seq. clare elucescit, ut mox patebit. Additur, coruscus valde, ad illustrissimam potentiae demonstrationem denotandam. Radix enim לָוִי primigeniam potestatem habet in splendore ex alto radiante, unde inter alia transiit ad insigniter eminentem potentiae gradum. Coruscus ex alto radiante luce splendens adpellatur. Deus magnus, quatenus illustri modo sese potentem præstitit, & conspicuam potentia præbuit, eoque nomine etiam laudatus sit ac celebratus; quod usus verbi etiam admittit. Emphasin addit vocula valde, & quidem subjuncta, non præmissa, ad summum gradum coruscationis indicandum.*

§. VII. b. Pre-

§. VII. *b. Propositionis deductio & amplificatio duo continet* 1. potentiae inperscrutabilitatem. 2. demonstrationis ejus illustris extensionem per omnia secula. 1. *Prius his verbis: & magnitudinis ejus non est investigatio.* h. e. tanta est, tam magna & ampla, potentia Dei, ut omnem caput superet, & finem non habeat, aut terminum, seu infinita est. Radix $\sqrt{\text{pr}}$ subtilissimam adfert perscrutationem, a *limando*, tenuissime eliminando ad summam exilitatem *b.* Sic Job. xi: 7. *an vestigationem Numinis reperies?* 2. *Posterior ita effertur, vers. 4. etas ad etatem concelebrabit opera tua, & fortitudines tuas ob oculos ponent.* h. e. summæ tuæ fortitudinis signa & effecta per omnes ætates coram omnium oculis erunt exposita, & concelebrationis publicæ præbebunt materiam. *Opera & fortitudines* sunt quæ de summa potentia testantur, ejusque signa sunt & effecta. Plur. enim summum gradum, ut sæpe alias, exprimit, in voce *fortitudines*. Phrasis, *etas ad etatem*, denotat earum ætatum continuam successionem, adeoque unam post aliam: & non, ut putatur, *etas ætati laudabit*; ac si una generatio alteri notificaret; quod phrasis non patitur; quippe quæ dicit, *etatem ad ætatem*, continuam ejus successionem; alias מור לזר ab *ætate ad ætatem*, etiam זר simpliciter Ps. xxii: 31. Recte $\text{LXX ג' ג' ג' generatio & generatio}$. Sed quid est, quod *etas ad ætatem* dicatur *celebratura & ob oculos positura*? utitur poeta verbo primum sing., dein plur., quia & de unaquaque ætate & de omnibus simul sumtis loquitur. Existimaverim, directe intendi illustrem potentiae Dei manifestationem per omnes ætates simpliciter, adeo ut *concelebrare* idem sit ac materiam & rationem id faciendi suppeditare, dum ob oculos publice per omnes ætates ponentur illustra potentiae effecta: quod proprie dicit הויר . Vox enim נני proprie denotat *anterioritatem rei exstantis*, & ob oculos positæ, inde הויר fecit, ut aliquid ante oculos clare & evidenter adpa-

a Schroeder. ad Ps. x: 3.

b Schultens ad Prov.

adpareat. Quod *aetās* facit, cum ejusmodi effecta in ea eduntur, & conspicua fiunt; quo ipso potentiam Dei *celebrat*, quatenus ejus signa pandit, materiam celebrandi præbet, & omnes ad id faciendum excitat, sicut Ps. xix: 2. *coeli enarrant gloriam Dei, & opus manuum ejus* פניו *publice ob oculos ponit expansum*. Pertinet itaque ad superiorem titulum Dei, quo *coruscus* valde adpellatus est. Hac ratione potius capio verba, quod in seq. demum de actuali laudatione Dei agatur: nec tamen excludo, per omnes ætates fore *laudatores & prædicatores* potentiae Dei, & *opum* ejus: sed directe hic non intendi autumem.

§. VIII. β. Laudatio ipsa a se, & aliis ad suum etiam exemplum & ductum, instituenda, his verbis exponitur, vers. 5, 6. *Venerandam gloriam majestatis tuae praegravantis, & verba mirabilium tuorum spatiabor: & vim decusque reverendorum tuorum dicent, & potentias tuas enarrabo*. h. e. cogitationibus & meditationibus meis in venerandam & gloriosam tuam majestatem potentissimam, ejusque mirabilia signa & effecta loquentia, excurram; eo cum successu & effectu, ut potentias tuas, calculo inito, verbis proferam, alique meo exemplo & ductu eas carmine celebrent. Duo itaque hic testificatur, accuratam meditationem & promulgationem, a se & aliis faciendam, potentissimæ & tremendæ Dei majestatis, ejusque signorum & effectorum clarorum & sonorum. *Prius* vers. 5., *posterius* vers. 6. Hac enim ratione versus recte distinguuntur. In *priore* memorat potentissimam Dei majestatem & effecta sonora, tanquam materiam *meditationis exspatiantis*; quæ vis est verbi הוה & הוה, ut sæpe observavi, novissime ad Ps. cxlii: 3. Majestatem vero Dei potentissimam declarant voces, quas verti, *venerandam gloriam Majestatis tuae praegravantis*. Vox הוה, proprie הוה *tumor ferverescens*, denotat majestatem *venerandam* simul, simul *formidolosam*, ut verbo notavit Cl. Schultens ^a, כבד proprie est *gravitas*

Bbbbb

ponde-

^a Ad Prov. xiv: 28.

p.onderosa, inde gloria, & copia præponderans; וְנִדְּנִי
 que proprie est gravitas & pondus *incurvans*, hinc maje-
 stas prægravans & adorationem poscens, simul claritas &
 lux inaccessa, oculos præstringens. Quæ tria epitheta ad-
 cumulantur ad summam, potentissimam, verendam &
 adorandam majestatem fortiter exprimendam. Addit ejus
 signa & effecta sonora, his verbis, & *verba mirabilium tuo-
 rum*, seu operum magnorum, arduorum & stupendorum.
 h. e. mirabilia tua opera, quæ sonoram habent vocem,
 & in omnium aures penetrant. Eam enim significationem
 existimem habere phrasin; qua *verba mirabilium* sunt mi-
 rabilia loquentia, se palam in omnium sensus ingerentia:
 ut Ps. xix: 4, 5. quo sensu Ps. cv: 27. *verba signorum oc-
 currunt*, pro signis sonoris. Vox itaque וְנִדְּנִי non est pleo-
 nastica, aut opera signat, uti putatur, sed operum mira-
 bilium qualitatem exprimit, qua *loquuntur*, seu se manife-
 stant, & sonora sunt, adeoque emphasin addit egregiam.
 In *posteriore* vero parte memorat meditationis effectum in
 se & aliis, in eo situm, quod ipse sit potentias Dei magni-
 ficas enarraturus, & alii verenda Dei opera carminibus ce-
 lebraturi, vers. 6. & *vim decusque verendorum tuorum di-
 cent*, & *magnitudines tuos enarrabo*. h. e. potentias tuas
 magnificas, earumque effecta, seu opera tremenda ac mi-
 rabilia, ipse enarrabo, ordine recensens; & alii ad meum
 exemplum & ductum cantabunt. Hac enim ratione mem-
 bra versus digerenda & sibi aptanda censuerim, acsi habe-
 retur: *vim verendorum tuorum*, operum *potentias tuas*, ipse
enarrabo, & *alii cantabunt*; adeoque secundum meam re-
 censionem & narrationem carmine celebrabunt: uti tem-
 pore Hizkiæ legimus factum 2 Chron. xxix, & reditus ab
 exilio Ezr. iiii., deinceps semper etiam per Ecclesias Chri-
 stianas huc usque. Declarat itaque, se materiam copiosam
 gloriam & opera Dei cantu celebrandi præbiturum. Ver-
 bum וְנִדְּנִי vero hic est non *praedicare* tantum, sed in specie
 quoque *canere*, ut alibi sæpe. *Vis verendorum Dei signifi-*
 cat

cat opera Dei verenda, vi penetrantissima & invicta pol-
lentia, ac gloriosa: quam emphasin adfert m., proprie
robur invictum, inde honor, decus, & gloria illibata.

§. IX. *Posterior* pars laudationis, ad justitiam, & bonita-
tem ac gratiam, præcipue pertinens, vers. 7--20. per duos
articulos decurrit, quorum *prior* est generalior, *posterior*
vero specialior & fusior: *prior* vers. 7--9. *posterior*, vers.
10--20. In *priore* α. laudatio exhibetur, vers. 7. β. ejus
argumentum, vers. 8, 9. α. *Laudatio* his verbis propo-
nitur, vers. 7. *commemorationem multiplicis tuæ bonitatis*
scaturire facient, & justitiam tuam resonabunt, h. e. *boni-*
tatem tuam copiose demonstratam, & *justitiam* tuam, illam
in benefaciendo, *hanc* in puniendo impios & vindicando
innocentes, commemorabunt quicunque læti & hilares
versibus & rythmis. Voces elegantiae causa divisæ secum
hac ratione sunt ordinandæ: *commemorationem multiplicis*
tuæ bonitatis & justitiæ tuæ scaturire facient, resonabunt,
seu resonantes. Objectum & materiam constituunt *mul-*
tiplex bonitas Dei & justitia; quæ virtutes satis notæ sunt;
& hic vero suo sensu sumendæ, ut modo dixi, nec ube-
riore expositione indigent. Ipsa vero laudatio exprimitur
voce *commemorationis*, & verbis *scaturire facere ac resonare*:
vox וַיִּזְכֹּר notat hic, uti alibi, *commemorationem*, qua quid
animo non tantum recolligitur, sed & lingua celebratur,
sic verbum וַיִּזְכֹּר usurpatur Jer. 11: 2. ubi vid. dicta. Ver-
bum vero נָדַח proprie est *scaturire* cum crepatione, e
sono, quem imitatur bullitus crepans, fictum α, adpli-
catur autem eleganter apud Arab. ad poetas, vel ver-
sus & rythmos nobiliore quadam vena sese commen-
dantes β. Alterum vero verbum קָנַח quoque e sono fi-
ctum est, & *stridulum* ac *tinnulum* sonare denotat, un-
de inter alia transfertur ad *laetitiam* & *jubilationem*,
in qua vocis modulatio tinnula & tremula inesse so-
let. Sensus itaque est, *commemorationem eam esse*

Bbbbb 2

lætis

α Schultens ad Prov.

β Id. præf. ad rudim. Erpenii.

lætis resonantiis, & modulatione rythmica instituendam a quibuscunque sine discrimine: quo tendit impersonalis locutio, *scaturire facient, resonabunt.* Quod facillimum est.

§. X. β. Argumentum & materia laudationis his verbis effertur, vers. 8, 9. *Tenerrimo adfectu & commiseratione praeditus est Jehova, longanimis & magnus beneficentia. Bonus est Jehova universitati, & commiserationes ejus super omnibus operibus ejus.* h. e. lætæ & modulatæ commemorationis, cujus memini, hoc erit summarium argumentum; quo dicent, *tenerrimo adfectu praeditus est Jehova;* &c. Utitur poeta sermone de Deo, quia summam cantici in laudes Dei accinendi memorat. Quæ satis apta est mutæ formæ orationis a secunda persona in tertiam ratio. Duo autem de bonitate Dei prædicantur, alterum, eam esse summam & qualemcunque, alterum *universalem.* Prius his verbis, *tenerrimo adfectu & commiseratione praeditus est Jehova, longanimis & magnus beneficentia.* Quorum duo sunt membra, prius ad tenerrimum adfectum in genere pertinens, posterius ad duo ejus specialia signa, alterum in ferendis peccatoribus, seu justitia temperanda & differenda, alterum in benefaciendo uberrime & indefinenter. Quæ clariora & faciliora sunt, quam ut moras injiciant: de vi & usu vocum sæpe alias dictum est. Posterius, quo universalitas bonitatis Dei exprimitur, ita sonat, vers. 9. *Bonus Jehova universitati, seu omnibus, & misericordiae ejus super omnibus operibus ejus.* h. e. Deus benevolus est & misericors, seseque talem præstat erga omnes, quos creavit. Duo versus membra sunt, quorum posterius est prioris explicatio, adeoque hunc fundunt sensum, Deum ex tenerrimo adfectu bene velle, & facere omnibus creaturis suis, bonitatis capacibus. Deo, epitheto *boni* insignito, tribuitur mox *misericordiae*, ut, eum ex tenerrimo adfectu multiplici esse benevolum & beneficum, cogitamus: bonus cum esset omnibus adpellatus, & mox *misericordiae*

cordiae ejus super omnibus operibus ejus esse dicantur, eum ita esse adfectum erga omnes creaturas suas, & quia opera manuum Dei sunt, significatur: nec aliam hic quaerimus emphasin. Opera Dei hic occurrere tanquam objecta misericordiae, satis constat, & ipsa constructio docet, ut I. f. ciii: 13. ne alia citem loca.

§. XI. *Posterior pars laudationis fusior & prolixior eodem modo decurrit. a. enim ipsa laudatio proponitur, vers. 10–13. β. ejus argumentum, vers. 14–20. α. In propositione a. occurrit generalis declaratio laudationis Jehovah ab operibus ejus desumendae, & a piis Dei instituendae, adeoque unde peteretur celebratio, & a quibus fieret, vers. 10. Celebrabunt te, Jehovah, omnia opera tua, & pii tui benedicent tibi. h. e. omnia tua opera, quae in natura & gratia efficis, materiam te laudandi praebunt, & omnes, tibi consecrati, tuique amantes, illud cum gratiarum actione praestabunt, seu actu facient. Duo sunt versus membra, quorum prius ad argumentum laudationis, & posterius ad personas, Deum inde laudaturas, pertinere, existimo: ut sensus sit; pios cum gratiarum actione Deum Israelis esse laudaturos super operibus ejus, ratione & materia inde sumta. Opera Jehovahae generalius hic sumuntur, quam vers. praecedente; & omnia effecta perfectionum & virtutum Dei comprehendunt, non homines tantum, sed & quaevis alia opera Dei; quae Deum laudatura dicuntur quatenus occasionem, rationem & materiam, id faciendi praebent uberrimam; ut vers. 4. habuimus. Ipsam autem laudationem actu facerent pii ejus; uti subjungitur, benedicent tibi pii tui; h. e. laudabunt te cum gratiarum actione, ratione & materia ab operibus tuis petita, tui & gloriae tuae studiosi, qualescunque sint & ubicunque. Nulla enim est ratio restringendi. De verbo benedicere, & epitheto piorum, nihil observo, cum nihil difficilis, aut, quod alibi non observatum est, habeant.*

§. XII. *b. Subjungitur argumenti & modi laudationis*
 Bbb b b 3 specia-

specialior definitio, vers. 11. *gloriam regni tui dicent, & fortitudinem tuam differant*. h. e. laudatio piorum in specie versabitur in gloria regni tui, et fortitudine tua enarranda, eaque ratione instituetur, ut partim *cantu* celebraturi sint, partim longiore sermonis ductu id facturi. *Gloria regni Dei* est gloriosa gubernatio Dei in natura et gratia, quæ de eximiis & præponderantibus ejus perfectionibus testatur; *potentia* Dei est, quæ in ea elucescit, & per quam efficitur; adeo ut gubernatio gloriosa, simul efficacissima sit, cui nihil resistit. Hanc gloriosam & potentissimam gubernationem *dicerent & differerent*, partim brevior, partim longiore sermone, sive *cantu*, sive quovis alio sermone longius structo & deducto: quæ vis est verbi דבר.

§. XIII. c. Sequitur scopus & effectus hujus laudationis, vers. 12. *ad notificandum filiis hominum potentias ejus, & gloriam verendæ majestatis regni istius*. h. e. opera Dei materiam præbendo, & pii sermonibus & verbis prædicando, ac celebrando, eo collineant, ut quibusvis hominibus per orbem terrarum innotescat summa regni Johæ vis potentissima, & gloriosa ac verenda Majestas. Quod vera sua emphasi sub Euangelio fit; uti notum: quo verba ultimo pertinent. Notetur tantum, ad desultoriam personæ mutationem vitandam, relativum *ejus*, in voce *potentias ejus*, recte referri ad *regnum* Dei modo memoratum, ut vis invicta & penetrantissima regni Dei indicetur, sicut alibi *regnum Dei* dicitur *vim facere* Matt. xi. Confirmat membrum sequens, ubi majestas gloriosa *regno* adtribuitur; adeoque ibi exprimitur, quod in priore membro per *relativum* ejus indicatur. Relativum vero in מלכות non est proprie relativum, sed paragogicum cum emphasi abundans, ut sit *regni istius*, quem usum haud infrequenter habet.

§. X.V. d. Potentiæ invictæ & penetranti, majestati-
que gloriosæ regni Dei addit poeta, in oratione ad Deum
pergens, ejus *aeternam durationem*, tanquam materiam quo-
que

que celebrationis piorum ad notificandum hominibus, vers. 13. *Regnum tuum est regnum omnium seculorum, & dominium tuum in omnem generationem & generationem.* Quæ verba eo, quo dixi, tendunt, & regni ac dominii Dei perpetuam durationem a mundo condito ad finem comprehendunt; uti facile cernitur. Nihil in phrasibus est obscuri. Convenit autem hoc attributum regno & *natura*, ut dicitur, & *gratiæ*, hujus inprimis sub Messia; uti notum est. Quare plura non addo.

§. XV. β. Argumentum laudationis, prolixius propositum, in duas pericopas distingui potest, quæ utraque præmissam habet virtutum divinarum declarationem, & effecta earum per partes recenset; sed *prior* est generalior, *posterior* specialior ad pios spectans, quibus Deus benefacit, cum impiorum destructione. α. Prior, vers. 14-16. comprehensa, 1. præmissam habet fidelitatis & bonitatis Dei confessionem, vers. 14. his verbis: *Fidelis est Jēbova in verbis suis, & beneficus in omnibus operibus suis.* Quæ verba, in textu Hcbr. Masor. desiderata, ex versionibus antiquis Gr. & Syr., Mollero quoque adstipulante, & ante eum Musculo, restituenda sunt. 1. Quia in Ps. alphabetico littera *ν* nun alias deficeret; quod sine exemplo foret. Solent quidem & alii similes psalmi proferri, ubi una alterave littera deest, sed sine fundamento; cum & ibi restitui possint & debeant; ut suis locis observavimus. Verba itaque Hebræa, secundum versiones citatas, sunt hanc in rem facilia, & apta, נאמן בְּדִבְרָיו וְחַסִּיד כָּל מִצְוֵי, *fidelis*, vel verax, *Jēbova in verbis suis, & beneficus in omnibus operibus suis.* 2. Quia probabile est, poetam, qui in duas pericopas recensitionem partium laudationis distinxit, huic priorī pericopæ, æque ac posteriori, præmisisse ejusmodi confessionem virtutum Dei: exstat ante posteriorem pericopam, vers. 17. 3. Ratio reddi nequit, quare hæc verba inseruissent LXX., si in codicibus non invenissent. Quod enim adfertur, eos ex vers. 17. repetiisse ad Ps. al-
phabe-

phabeticum faciendum, precarium est, cum Pl. xv. id non fecerint: nec eadem sunt verba, nam pro viis vers. 17. hic habent *verbis*. 4. Simile quid hic recte admitti confirmat aliquatenus, quod Pl. cxlvi. 7-- ubi similis est recensio, præmittatur, *Deum fidelitatem servare in æternum*. Quid vero defectus præbuerit occasionem, difficulter panditur. Oculus forte librarii festinantis a vers. 13. sese vertit ad vers. 14. voce כִּי minus accurate scripta, & cum כִּי נִשְׁמָה confusa. Unde multi librorum errores sunt nati, uti constat. Quicquid sit, versus huc recte quadrat, quo confessio *veracitatis* & benignitatis Dei præmittitur speciminibus mox proferendis, quæ de utraque *virtute* testantur; modo *veracitas* & *constantia* in dictis & promissis latet sumatur, & ad *creaturas* in genere referatur, quibus Deus *benedixit* in initio, & deinceps post *diluvium*, foedere cum omni carne erecto, quo promisit longanimitatem & beneficentiam Gen. ix. ad quod promissum, tanquam firmissimum, etiam provocatur Jes. lv: 9., & hic respici videtur, cum mox generalis providentiæ specimina proferantur.

§. XVI. 2. Duplicis sunt generis specimina, quæ in medium, ex. gr., producuntur, quorum *alterum* ad malorum & morborum reparationem, *alterum* ad cibationem creaturarum spectat. Prius his verbis comprehensum est, vers. 14. *Fulcit Jehovah omnes lapsantes, & omnes curvatos erigit*. h. e. Quicumque malis aut periculis, in quæ inciderunt, cujuscunque sint generis, eripiuntur, illi veracitati & beneficentiæ Dei illud acceptum ferre debent; Deus est verax & bonus, qui miseris & adfectis omnibus succurrit, & medetur, quotquot ab illis liberantur. Sensus enim non est, omnes juvari & sanari, sed omnes a Deo accipere opem & liberationem, qui malis suis & periculis expediuntur. Quod ab aliis jam est observatum, & res ipsa requirit a. Membra versus elegantiae causa divisa ita

con.

a Vid. Hackspan. de *locutionibus sacris* disp. i i.

concinuanda sunt, ac si haberetur, *labentes & curvatos Jerebova fulcit & erigit*. *Labentes* sunt qui in quævis mala incidunt, ut Prov. xxiv: 16. *justus cadit septies & surgit*, & alibi sæpe: *curvati* sunt, qui quavis alia molestia, ægri- tudine, dolore, aliove incommodo corporis pressi & con- stricti sunt, ut se erigere nequeant: quare Ps. cxlvi: 8. cum coecis conjunguntur, & de *animi* afflictione, qua *caput instar junci curvatur*, adhibetur Jes. lviii. Utrisque Deus opem fert cum *fulciendo* ne pereant, tum *erigendo* & liberando, quod est *קם*, proprie *elevare*, ut videtur, unde ad *crucifixionem* refertur apud Syr. & Chald.

§. XVII. *Posterius* ad alimentationem, eamque libera- lem, pertinens, ita habet, vers. 15, 16. *Oculi omnium ad te prospectant; et, vel utique, tu das ipsis cibum ipsorum tempore isto, vel cuique suo: aperis manum tuam, et satias omne vivum acquiescentia*. h. e. omnium creaturarum desi- deria, quibus media ad subsistendum & laute vivendum adpetunt, ad te debent tendere, & tacite quoque ten- dunt, tuque is es liberalis promocondus, qui omnibus ci- bum & potum suppeditas tempore opportuno, nec tantum hoc, sed larga & liberali manu suppeditas ad plenissimam satietatem & acquiescentiam. Quod Act. xiv: 17. egregie adpellatur, *corda replere alimento et hilaritate*. Verba con- tinent *antecedens*, et *consequens*; illud est, quod *omnium oculi ad Deum* versi sint, sustentationem *quærentes*, sive per desideria, sive suspiria, aut indirecta aut directa, ad Deum. Vid. Ps. civ: 27. Verbum *חַוֵּה* apud Arabes te- ritur in *explorando* vulnere, & per speculum vulnerarium tentando, cujus sit profunditatis, vel periculi: unde met. ad studium, indagationemque transfertur rerum, in quibus salus nostra vertitur: uti Lat. *percontari*, cum studio & adplicatione inquirere, a *conto* vel *pertica*, qua profun- dum exploratur *a*. Sensus ergo est, creaturas omnes ocu- lis suis apud Deum investigare, & rogare alimenta: quod
Ccccc omnes

• Vid. Schultens ad Har. conf. I. p. 10.

omnes *facere* debeant, si ratione gauderent, & Deum rite cognoscerent, quo fut. temp. in verbo *רָצוּ* tendit, omnes partim inscientes faciunt per desideria & adpetus, partim scienter & devote. *Consequens* est, quod Deus omnibus necessaria non tantum prospiciat, sed & jucunda, & ad plenam satisfactionem; quod simul *rationis* moventis conspectum habet, qua omnes excitari debeant ad Deum rogandum. Duo autem de Deo prædicantur; alterum, quod *alimenta tempore opportuno* suppeditet, alterum quod liberaliter & largiter id faciat, ad satietatem & plenam acquiescentiam usque. Prius vers. 15. *tu das ipsis cibum ipsorum* *וְנָתַתָּ לָהֶם מִן הַבָּרֵךְ הַזֶּה*, vel *cuique suo*, quod etiam Pl. civ: 27. occurrit, nihil habet difficilis, modo notetur *וְנָתַתָּ* esse, vel paragogicum, cum emphasi abundans, ut vers. 12. in *מִלְכּוֹת*, adeoque esse, *in tempore isto opportuno*, vel, si relativum sit, idem esse, ac in *tempore cuique suo*, ut *ejus* sit pro cuiusque eorum: quod satis usitata est. Posterius, vers. 16. *aperis manum tuam, et satias omne vivum acquiescentia*, faciles quoque præbet intellectus: modo observetur, 1. liberalissimam tradi sustentationem; adeoque plus dicere, quam præcedens, eaque ratione recte subiungi. Quo phrasæ, *aperire manum, et satiare*, nos manifeste ducunt; & unde ultima vox *וְנָתַתָּ* exponenda est: quod 2. notandum; cum Interpretes minus recte instituant, qui de *favore & benevolentia* Dei interpretantur; cum ad omne vivum pertineat, & *acquiescentiam* denotet; non enim habetur *וְנָתַתָּ*, aut *וְנָתַתָּ*, sed absolute *וְנָתַתָּ*, adeoque cum *מִן הַבָּרֵךְ הַזֶּה* construere debeat, ut sit, *satiare acquiescentia*. h. e. bono & ubertate ad plenam acquiescentiam: quemadmodum Pl. civ: 28. *saturare* *וְשָׂבַע* bono & ubertate. Radix *נָתַתָּ* etiam est, *contentum esse, acquiescere* a. Proprietatem habet in *adhabendo*, unde est *gratum habere, ac ceptare, acquiescere*; adeoque *וְנָתַתָּ* recte est *jucunditas, & acquies-*

quiescentia: & *saturari* ea est laute, & hilariter sustentari ac ali: quod Act. XIV. dicitur, *repleri cibo & hilaritate*. Ceterum subita mutatio personæ tertiæ, qua in hac pericopa, ubi argumentum laudationis Dei ab aliis faciendæ tradit, ut etiam vers. 8 & 9 habuimus, utitur, in *secundam*, qua sermo ad Deum vertitur, inde repeti potest, vel quod poeta suis verbis in laudem Dei illud exprimere voluerit, vel ut, *laudatores* Dei super his bonis illud quoque in sermone ad Deum cum gratiarum actione facturos esse, indicaret.


§. XVIII. *Posterior* pericopa, ad argumentum laudationis pertinens, vers. 17.-20., eodem ordine decurrens, 1. præmissam habet confessionem perfectionum & virtutum Dei in operibus conspicuarum, vers. 17. *Iustus est* *Deus in omnibus viis suis, et beneficus in omnibus operibus suis*. h. e. Justitiam, qua cuique suum tribuit, sibi & creaturis jus facit, adeoque punit & remuneratur, bonitatemque indebitam & ubere vena fluentem erga creaturas suas, utramque illam virtutem, in ordine & serie actionum & operationum providentiæ copulat & demonstrat, ita ut in puniendo recordetur bonitatis, & in benefaciendo salvam præstet justitiam, neutra virtus lædatur, sed utraque illustretur. Hunc existimaverim generalem esse & amplissimum verborum sensum: ad quem percipiendum sola verborum consideratione opus est. *Via Dei & opera* sibi respondent, & nihil aliud dicunt, ac providentiæ actiones cohærentes, & ad scopum, destinatum a Deo, tendentes; quare *viae Dei* adpellantur. *Iustitia & studium* benefaciendi copulantur, ad indicandum, Deum utriusque virtutis in tota providentia rationem habere; & secundum eas, secum copulatas, omnia dirigere & gubernare: ita ut neutra lædatur, sed utraque semper illustretur. Quæ amplissimam præbent meditandi materiam, & regulam exhibent, secundum quam de operibus providentiæ

tiae judicandum est, ne Deo quid indigni adtribuatur. Quae latius non exsequor.

§. XIX. 2. Inter specimina utriusque virtutis providentiae Dei *a.* memoratur *bonitas* Dei, salva iustitia, erga pios, Deum sincere & pie invocantes, quorum desideria a Deo, iusto & bono, implentur, vers. 18, 19. *Prope adest Jehovah omnibus cum invocantibus, omnibus, inquam, in veritate invocantibus, beneplacitum timentium sui faciet, et quiritationem eorum audiet, et servabit eos.* Quae satis plana sunt, ac exposita; nec nostra indigent opera. Tantum notetur, in posteriore membro, vers. 18. *invocantes* Dei, quibus prope adest, explicari, & ad sincere ac serio invocantes restringi; ne existimaretur, quaecunque invocantes a Deo exaudiri; ut Ps. LXXIII: 1. *Propinquus est Israeli puris corde*, & alibi: praeterea, vers. 19. exponi, qua ratione Deus iis sit *propinquus*; desideria ipsorum explendo, & quiritationes exaudiendo, ac eos servando: addit adhuc epitheton *timentium* Dei ad *invocantes* illos ulterius describendos. *β.* Alterum specimen continet oppositam piorum & impiorum sortem, quae utramque virtutem illustrat, vers. 20. *Custodit Jehovah omnes amantes ejus, et, vel sed, omnes improbos delebit.* h. e. sicut amantes suos conservat Jehovah, ne pereant, ita improbos & impenitentes e medio tollit, tolletve suo tempore. Quae etiam satis clara sunt: modo notetur, Deum utrumque facere suo tempore; quod non definitur, sed Dei sapientiae relinquitur.

§. XX. In *tertia* Ps. parte, per modum conclusionis, propositum de Deo laudando repetit, simul extendit ad omnes homines in perpetuum, vers. 21. *Coruscant Jehovahae laudem edisseret os meum, et benedicet omnis caro nomini sanctitatis ejus in seculum et aeternum.* h. e. Ego itaque, ut concludam, cantu & sermonibus intensissime celebrabo Jehovaham, & omnes homines id cum gratiarum

rum actione facere debent; facientque aliquando suo tempore; scilicet cum nomen Dei unum fuerit per orbem, & tota terra ejus gloriæ plena. Quæ spes fuit sanctorum per omnia tempora, ex parte sub N. T. expleta; sed majore emphasi adhuc implenda.





P S A L M. CXLVI.

1. *Laudate Jēb, lauda anima mea Jēbovam!*
2. *Laudabo Jēbovam in vita mea; psallam Deo meo, dum ero.*
3. *Ne fidite principibus, filio hominis, penes quem nulla est liberatio.*
4. *Egredietur spiritus ejus, redibit ad humum suam, ipse illo die peribunt nitores ejus splendidi.*
5. *Beatum! cujus patronus est Deus Jacobi; cujusque expectatio est super Jēbova, Deo suo.*
6. *Qui coelum fecit & terram, mare & omnia, quae in iis sunt. Qui servat fidem in aeternum.*
7. *Qui jus facit oppressis, qui victum dat famelicis, qui solvit victos, Jēbova est.*
8. *Jēbova coecorum aperit oculos; Jēbova erigit curoati: Jēbova diligit justos.*
9. *Jēbova servat peregrinos: pupillum & viduam omni adparatu instruit: &, vel sed, viam improborum subvertet.*
10. *Regnabit Jēbova in aeternum, Deus tuus, o Tſion! in generationem & generationem.*

PROLEGOMENA.

§. I.

Argumentum Pf. est adhortatio Thionitarum, ab illustri & pio viro instituta, ad Deum, supremum suum Regem, suo exemplo, ponendum unicum laudationis & fiduciæ objectum, & non principes, quibus Deus tanquam instrumentis usus erat, rationibus moventibus petitis ab *horum* inbecillitate & vanitate, *illius* vero summa potentia, veracitate, bonitate & iustitia, per illustria facinora nunc demonstratis, & deinceps demonstrandis in perpetuum, quorum multa recensentur. Cum excitasset omnes Thionitas ad Deum celebrandum tanquam autorem bonorum, & objectum fiduciæ, suumque propositum id faciendi testificatus esset, dehortatur eos a fiducia in principibus ponenda, usque laudandis tanquam talibus; argumento ducto a vanitate eorum: dein adhortatur ad Deum laudandum, & ei fidendum, beatos prædicando, qui id fecerint; & rationes moventes profert varias, a potentia, veracitate, bonitate & iustitia Dei petitas, quippe quarum virtutum præclara Deus dederat specimina in mundo creando, fide servanda, oppressis, miseris & afflictis, liberandis, ac peccatoribus delendis, daretque in posterum, cum regnum Dei, nunc erectum, duraturum sit in perpetuum.

§. II. Quod argumentum ut in vero suo collocetur conspectu, *tria*, vel *quatuor*, sunt præbe advertenda. *α. Primum* est, sermonem dirigi ad Thionitas seu Judæos, qui populum Dei constituebant, & Thionem pro metropoli habebant: ut ex vers. 10. manifestum est, & vers. 5. etiam innuitur. *β. Secundum* est, populum Israelis hoc tempore nullum habuisse regem præter Deum; sed *principes*

pes tantum & iudices. Cujus indicium in eo est, quod a fiducia in principibus ponenda tantum fiat dehortatio, nulla *regum* facta mentione, & Deus vers. 10. præsupponatur regnum capessivisse; cum *regnaturus* dicatur in perpetuum. *γ. Tertium* est, tales hoc tempore in medio: populi fuisse principes, qui fiduciam ejus ad se trahere posse videbantur, adeo ut necesse habuerint Tſionitæ admoneri, ne id faciant, vers. 3, 4. Habet enim dehortatio, tam expresse & serio facta, illud pro hypothesi. Conf. quoque Ps. cxviii: 8, 9. qui Ps. haud abſimilis est argumenti. Principes itaque fuerunt, qui præclara in commoda populi egerant. *δ. Quartum* est, statum populi, ad quem sermo dirigitur, fuisse hoc tempore singularibus earum virtutum Dei, a quibus rationes moventes ad Deo fidendum, & laudes accinendas, defumuntur, speciminibus & effectibus illustrem & fortunatum, adeo ut summam Dei potentiam, fidelitatem in promissis implendis, bonitatem in oppressis, victis, & afflictis liberandis, & justiciam in delendis impiis, fuerit expertus. Hanc enim hypothesin habet adhortatio ad Deum laudandum, & titulus Ps. *Halleluya*: habent etiam specimina operum Dei hic recensita, instar rationum moventium, ad Tſionitas excitandos, ut Deum laudent, & ei soli fidant. De quo postea suo loco.

§. III. Ex quibus criteriis iudicium haud difficulter fertur de tempore & occasione Ps. Conveniunt enim cuncta exacte & unice in tempora Maccabaica, seu Simonis Ethnarchæ in specie, quum populus Judæus a Deo per principes Maccabæos in liberum & fortunatum statum e præcedente gravissima calamitate & afflictione adſertus est, & Deus regnum in medio ejus erexit, quod in Messia consummatum duraret in perpetuum. Quæ hypothesi haud parum confirmatur ex Ps. xcii: & seq., in specie cxviii. ad eadem tempora spectantibus: uti in superioribus vidimus. Lxx & Syr. ad tempus Josuæ & Zerubbabelis reulerunt, & Haggeō ac Zachariæ prophetis adtribuerunt
Psal.

Pſalmum; quod Tillio quoque placet. Sed, præterquam, quod inſcriptio Græca ſit dubia & incerta, quam antiquiſſimi ignorarunt, ut obſervavit Cl. Weſſeling ^a, criteria omnia, modo producta, in illud tempus non ita quadrant; utique non *quartum*: ut facile patet.

§. IV. *Scopus* Pſ. eſt, unde de *uſu* facile conſtat, populum liberatum excitare ad Deo, vero liberatori, grates agendas, & laudes accinendas, præterea *viam* monſtrare ad felicitatem durabilem reddendam, in pia in Deum fiducia, ac ſtudio Deo placendi, ſitam: denique *ſpem* populi corroborare de regno Jehovæ, nunc erecto, duraturo in perpetuum. Quæ ex ipſo Pſ. facile eluceſcunt. Quod vero ad *ſtructuram* ejus adtinet, conſpectum habet concionis publicæ, ad populum a viro principe habitæ: ſermo enim dehortatorius & adhortatorius ad Tſionitas dirigitur, & concionator ſuum exemplum ipſis proponit imitandum, verſ. 2. argumento, ipſum fuiſſe publicam & inſignem perſonam; cujus exemplum magna vi movendi pollebat. Quare de ipſo *Simone*, pontifice & ethnarcha, recte cogitamus: quem etiam Pſ. cxviii. ſiſti loquentem, obſervavimus ad eum Pſ. Cui apte convenit dehortatio a fiducia in principibus; quorum ipſe primus erat. *Stylus* planus eſt & facilis. *Partes* Pſ. ſunt ſequentes. I. *Prima* eſt adhortatio ad Deum laudandum, ad populum & ſe directæ, verſ. 1. II. *Secunda*, propoſiti ſui de hoc faciendo teſtificatio in exemplum, a populo imitandum, verſ. 2. III. *Tertia* eſt dehortatio a fiducia in principibus, ut Deo ſoli ea laus vindicetur, firmata ex principum vanitate, verſ. 3, 4. IV. *Quarta* varias rationes moventes exhibet ad Deo ſoli fidendum, poſtea ſuo loco recensendas, verſ. 5-9. V. *Quinta* continet conſolatoriam prædictionem de regni Dei inter Tſionitas perpetua duratione, verſ. 10.

^a Ad Simſon Chron. A. M. 3485.

E X P L I C A T I O.

§. V. Cum nihil hic reperiatur a tempore, quo Pf. dñi compositum, alienum, cuncta etiam in illud apte conspiciant; investigatione hypothesios eum exponendi opus non est. Regni Messiae, de quo nonnulli cogitant, nullum adeit criterium; nisi in versu ult., quem & nos ad illud ultimo referimus; ut suo loco patebit. Reliqua rectius conveniunt in populum Dei sub V. T., nisi spiritualiter explicentur, cujus nullum exstat indicium. Pergimus itaque ad explicationem. *Prima pars adhortatoria* ad Deum laudandum, ad alios & se directa a concionatore, ita habet, vers. 1. *Laudate Jah, lauda anima mea Jehovah.* h. e. Vos, auditores! excitaturus variis rationibus ad Deum, eumque solum, celebrandum, me vobis mox in principio adjungo, argumentum & scopum orationis meae summam proponens, ad vos & me dico, *laudate Jah, lauda anima mea Jehovah*; hoc vestrum, hoc meum est officium, quod Deo debemus, & quo nunc laeti defungi possumus, qui tot tantasque habemus id faciendi rationes, mox proferendas. Nihil hic sese offert, quod nos moretur. *Halleluia* licet pro sola inscriptione Pf. subinde habeatur, hic tamen partem Pf. simul constituit, cum exhortatio ad auditores dirigatur, sicut etiam ad se ipsum; quam poeta mox profitetur a se faciendam per omnem vitam, & dein omni populo per varias rationes commendat. Fieri forte potuit, vocem *Halleluia*, titulum cantici facientem, fuisse per sequentem absorptam, ita ut bis occurrerit, uti in seq. Psalmis.

§. VI. *Secunda pars* propositi poetae testificationem, aliis in exemplum, continet, vers. 2. *laudabo Jehovah in vita mea, psallam Deo meo, dum ero.* h. e. Quod vobis & mihi injunxi, illud ipse per omnem vitam praestabo, vobisque exemplum praebibo. Declarat itaque, se Deo laudes cantaturum,

turum, non nunc tantum, sed per totam vitam; eo scopo, ut alios suo exemplo ad id faciendum excitet. Ex quo sicut poetæ studium in Deum elucescit, ita personæ quoque dignitas colligitur, cum in exemplum ponatur populo imitandum. Quod vero *priore* membro *per vitam suam* se facturum declarat, illud in *posteriore* extendit ad finem ejus usque: quæ significatio satis nota est vocalæ בערי. Ex quo præterea patescit, eum non de hoc cantico esse locutum, sed in genere Deum per omne vitæ tempus esse laudaturum.

§. VII. Tertia pars, quæ dehortationem comprehendit a fiducia in principibus ponenda, ratione a vanitate eorum petita firmatam, his verbis effertur, vers. 3, 4. *Ne fidite principibus, filio hominis, penes quem nulla est liberatio: egredietur spiritus ejus, redibit ad humum suum, ipso illo die peribunt nitores ejus splendidi.* h. e. Cum vos ad Deum laudandum excito, illum solum intendo a vobis habendum esse laudis, simul fiduciæ, objectum; sepositis etiam optimis & magnificis principibus, quibus Deus utitur ad vos beatandos; adeoque ne eo abripiamini, quod facile posset fieri, ut principibus, quod Deo competit, tribuatis, expresse vos moneo, ne iis fidatis, eosque, qua autores felicitatis, laudetis; sunt enim & ipsi, unusquisque eorum *filius hominis*, cujus nulla vis est liberandi, quique statim ac halitus vitalis exspiraverit, ipseque ad terram, unde sumtus est, redierit, quod ipsi certo continget, & omni momento potest, omni suo *nitore*, fortuna splendida, & magnificis moliminibus, excidit, quæ cum ipso evanescunt. Continent verba dehortationem, & ejus rationes moventes a vanitate principum desumptas. Dehortatio his fit verbis: *ne fidite principibus.* h. e. viros primarios, quam bonos etiam & munificos, quibus multum debetis & a quibus multum vobis promittere posse videmini, absit ut tanquam liberatores & benefactores laudetis, iisque innitamini tanquam talibus. Verba habent conspectum vehementis

simæ dehortationis, qua quid tanquam absurdum rejicitur: quam emphasin habet particula לא: qua quid prohibetur fortiter, & cum averfatione, ut idem sit, *absit*, ut hoc faciatis. Præsupponitur, tale quid facile obrepere posse; adeoque *principes* intelligi populi bene de illo meritos, quibus Deus, tanquam instrumentis felicitatis populi, ulus erat; quare נִינִיִּים adpellantur. Quæ radix proprie est *uvescere*, præ *uviditate* sponte & largiter *fluere*, unde ad munificentiam & liberalitatem, nec non spontaneum & liberaliorem impetum, & sic *principatum* transfertur, in specie de copiis auxiliaribus, spontaneam & promptissimam militiam præstantibus, usurpatur, uti vidimus ad Pl. XLVII: 10. LXXXIII: 12. & cx: 3. cxviii: 8, 9. Quæ omnia hic conjungi possunt. Digito itaque monstrantur *Maccabei*, ut & Pl. cxviii., simulque indicatur, alios rectores populum hoc tempore non habere, non *reges*, sed *principes* tantum; sed præclaros, bonos, & strenuos. Cum autem modo præcepisset *laudationem Jehovæ*, & nunc interdixit *fiduciam in principibus ponere*; utrumque & modo & nunc diversis adhibitis verbis intendit, adco ut verbo *laudare* Deum etiam *fiducia* in Deo in posterum, & verbo *fidere* principibus quoque *laudatio* eorum comprehendatur; & sensus sit *laudate Jāh & fidite ei*, ne *fidite principibus*, & *laudate eos*. Vult itaque, Deum solum, & non principes haberi pro objecto laudationis & fiduciæ; Deo soli esse salutem impetratam adtribuendam, non principibus, ab eo solo, & non his, expectandam in posterum.

§. VIII. Rationes dehortantes defuntæ sunt a *vanitate* principum, qua ad salvandum inepti sunt. Quam *ineptitudinem* i. epitheto *filii hominis* in genere insinuat poeta; cum adjungit, *in filio hominis*; ut indicaret, principes nihil esse quam *homines* reliquos omnes. Non enim alii a principibus, iis minores, & vulgares homines designantur, quod nonnulli volunt, qui vertunt, *ne fidite principibus aut plebeio homini*, sed ipsi principes hoc epitheto insigniuntur.

signiuntur, ad eorum vilitatem & inbecillitatem inculcandam; ut alii rectius ceperunt: quo tenor sermonis, & scopus nos clare ducit. Epitheton enim *filius hominis* sine copula immediate subnectitur principibus; & in seq. omnia in sing. proferuntur, ac cum *filius hominis* tantum construuntur. Scopo quoque convenientius est, principes ipsos eo nomine adpellari, cum inde vanitas eorum elucescat: sunt quippe & manent *homines*, adeoque inbecilles & infirmi. 2. Ipsi verbis mox adfirmat, cum addit, *penes quem nulla est salus*, proprie, *cui est vanitas salutis*, seu liberationis ex angustia in statum amplum & pacatum, ac fortunatum: vox *יְהוָה* proprie *vacuitatem & inanitatem* dicit, & *מִצְרֵי* educationem ex loco angusto in spatiosum & liberum. Sensus itaque est, *hominem*, quemadmodum principes sunt, nullas habere vires insitas & proprias liberandi, & prosperitatem adferendi, sed si id faciat, purum putum esse instrumentum, quo Deus utitur, cuique vires & facultates suppeditat, & cujus molimina ipse succedere facit.

§. IX. 3. Illustrat & confirmat ex mortalitate hominis, qua omni momento mori potest, certo moriturus est, quando omnis nitor, quam multiplex, omnia molimina ejus evanescunt, vers. 4. *egredietur spiritus ejus, redibit ad terram suam, ipso die illo perierunt nitores ejus*. h. e. spiritu vitali egresso redibit ad terram homo, unde sumtus est, & statim ac hoc contigerit, actum est de omni splendore, & splendida ejus cogitatione; salutem itaque sicut nec adferre potest viribus suis, aut spem facere firmam, nec tueri potest, aut durabilem reddere. Descriptionem mortalitatis hominis continet *prius* membrum, & *posterius* ejus consequens respectu splendidæ fortunæ & propositi. *Prius*, *egredietur spiritus ejus, & ipse redibit ad terram suam*, & adfirmative capiendum est, & hypothetice; quo adseveratur, eum esse moriturum, simul ponitur, tanquam antecedens; quare in fut. occurrit, acsi

haberetur, *moriatur* certo certius, &, hoc si contigerit, evanescent nitores ejus. *Mortis* descriptio nihil habet difficilis, modo notetur *redire ad terram suam*, non cum spiritu, sed *homine* construi, ut ex masc. gen. verbo 3^o quoque patet. Reddi ergo debet *spiritus ejus exibat*, & ipse, sc. cujus spiritus exiit, *redibit ad terram suam*. Perinde autem est, siue anima rationalis, siue vis vitalis & halitus intelligatur; cui utrique hic locus dari potest. *In terram suam redire* dicitur, quia ex ea sumtus erat; adeoque propria ejus sedes est, *ex pulvere enim sumtus in eum redit* homo. Gen. 111. Consequens est, quod pereant nitores ejus; in præter. expressum, ut indicetur, eo ipso momento, quo mortuus fuerit, *evanuisse nitores ejus*. h. e. splendor ejus cum molitiones, seu cogitationes & volitiones, tum fortunas ejus. Radix נָוֶה proprie est *nitere*, serenum esse, unde vox נָוֶה *nitor*, qualis est eboris Cant. v: 14., unde figurate pro *serena* & splendida fortuna; etiam apud Chald. cogitationibus splendidis; in specie benignis & propitiis molitionibus: *nitere* enim erga aliquem est *benignum* esse, sumta notione a coelo *sereno* & nitente. Jon. 1: 6. Cui & hic locus dari potest, cum agatur de *principibus benignis & munificis*

§. X. *Quarta* pars, quæ rationes moventes ad Deo fidendum exhibet, a. propositionem continet, vers. 5. C. ejus deductionem & confirmationem, vers. 6-9. a. Propositio est, qua beatus declaratur, qui Deum habet pro patrone, & fiduciæ objecto, vers. 5. *Beatum! cujus patronus est Deus Jacobi; cujusque expectatio est super Jehovam Deo suo*. h. e. ut ad Deum laudandum pro beneficiis acceptis, & ei in posterum fidendum, excitemini, & ab hominibus abstrahamini, advertite, vere beatum & felicem esse eum, cujus adjutor Deus fortis est, Deus ille Jacobi, quique expectationem suam super Jehovam, Deo suo, fudatam habet. Prius membrum agit de prærogativa beati, posterius de morali ejus qualitate. *Prærogativa* in eo ponitur,

nitur, quod Deum Jacobi habeat pro *patrono suo*: illud enim est *מַגֵּן* proprie in *patrocinio* suo, quod idem est, stylo orientali, ac *patrocinium*, & ita patronus: 3 enim abundat cum emphasi, ut sæpe observavimus: vid. ad Pf. LIV: 6. *Patrocinium est patronus*, abstr. pro concreto: alias *מַגֵּן* dicitur, quo absolute indicatur *vindex promptissimus*: conf. ad Pf. xxxv: 2. Emphasi quoque non caret titulus *Dei Jacobi*; respicitur enim ad *Goelcm*, qui *ipsum ab omni malo liberavit*, Gen. XLVIII: 16. *Posterius* membrum qualitatem moralem viri beati exponit, in eo sitam, quod *Jehovam* pro Deo suo habeat, & objecto spei ac expectationis: *super Jehova* expectatio esse dicitur, quatenus *in ipso recumbit*. Quæ notio vocolæ *הוּ* satis nota est.

§. X. β. In propositionis deductione & confirmatione recenset orator varias rationes, quibus probat, beatum illum esse, qui Jehovam habet patronum, & excitat omnes pios ad Deo fidendum, vers. 6-9. *a. Prima* ratio desumpta est ab universali Dei dominio & infinita potentia, vers. 6. *qui fecit coelum & terram, mare & omnia, quæ in iis sunt*. h. e. Cum Deus sit creator coeli, terræ, maris & omnium contentorum, facile adparet, beatum esse, qui eo utitur patrono, & recte facere, qui ei fidit, quia omnium dominus est, qua creator, qui omnia habet potestati subiecta, simul potentissimus, qui tanta dedit potentiæ specimina, denique *benevolus* erga omnes, sine discrimine, cum sint *creatura* ejus, & omnia tam abundanter in usum hominum instruxerit, qui ergo iis benevult, &c. Nihil hic notandum superest. *b. Secunda* ratio petitur a fidelitate Dei in promissis implendis, ibid. his verbis: *qui servat fidem in æternum*. Præsupponitur, ipsum sese per promissa obstrinxisse hominibus, & adfirmatur, ipsum in iis implendis esse fidelem in perpetuum, sine ulla mutabilitate aut inconstantia, sed semper *eundem*, & *poenitere nescium*. Dedit Deus hanc fidem hominibus in genere, tempore creationis, & lapsus, nec non renovationis mundi post diluvium,

luvium, Abrahamo & ejus semini in specie: uti notum est. Quæ omnia hic conjungere licet; cum generalis sit phrasis, & Deo creatori mox subjungatur.

§. XI. *c. Tertia* ratio derivatur a variis speciminibus potentiae, bonitatis & veracitatis Dei in mundi gubernatione, in specie populi Judæi, conspicuis; quæ recensentur, vers. 7-9. 1. *Primum* est, quo vim passos tuetur & vindicat, tanquam supremus iudex, vers. 7. *qui jus facit oppressis.* h. e. qui vim & violentiam patiuntur, in libertate, mercede, bonis, aut alio modo violenter oppressi, Deum iudicem & vindicem consequuntur; qui eos liberat, & oppressores punit. 2. *Secundum* est, quo omnibus alimenta suppeditat, qui pauperes sunt & famelici, ibid: *qui dat victum famelicis.* h. e. pauperibus, & quibus necessaria ad vitam sustentandam deficiunt, prospicit, & alimenta suppeditat, quocunque etiam modo id faciat, subinde miraculoso. Conf. 1 Sam. 11: 5. Pl. cvii: 5, 9. 3. *Terium* est, quo vinctos liberat ibid. *qui solvit vinctos, Jehova est.* h. e. Jehova est, qui vel bello captos, vel alia ratione violenter in carcerem detrusos, in libertatem adferit. Usurpatur enim יָרָא peculiari usu quoque de bello captis: ^a 4. *Quartum* est, quod coecis visum reddat, vers. 8. *Jehova aperit oculos cæcorum,* proprie oculos depressos & mersos, & cortice obductos, erumpere, & ita videre facit. Radix יָרָא proprie est, in *cavitatem* altius *depressus* fuit, subsedit oculus, inde *cæcus* est, cui visus veluti mersus, & cortice obductus, subsedit; unde etiam est יָרָא *spelunca*, & festuca, palea Dan. 11. *b.* Verbum vero יָרָא proprie usurpatur de *flore*, qui incipit erumpere e cortice & calyce, quo involutus erat. Ex quo elegantia phrasios elucescit. Potest autem & proprie, & figurate capi de ineluctabili calamitate, quæ homini eripit omnem elabendi viam, & reddit plane adtonitum, & emotæ *mentis.* Conf.

^a Schultens ad Job. 111: 8. ^b Id. ad Dan. 11. & Har. p. 134.

Conf. Jes. L: 10. LVIII: 10. 5. *Quintum*, *Jehova erigit curvatos*, supra ad Ps. cxlv: 14. explicitum est. 6. *Sex*, *tum* habet, *Jehova diligit justos*, h. e. veri justī & æqui studiosos, seu pietatis & virtutis ex vero *fidei* & *amoris* Dei principio sectatores, omnis generis *amore* complectitur, iis beneficiendo, & in iis sibi complacendo; nec temporalibus & corporalibus tantum, sed & spiritualibus ac æternis bonis mactando. 7. *Septimum est*, vers. 9. *Jehova conservat peregrinos*, scilicet, in aliena terra, & inter ignotos, degentes, omnique patrocínio destitutos, sed *justos*, & ipsi fidentes. Pergit enim nunc in providentia Dei erga *justos*, ut ex præcedente specimine liquet, & clausula versus manifestum est. Confer etiam Ps. cxlv: 20. 8. *Octavum est*, *pupillum & viduam omni adparatu instruet & ornabit*, scilicet justitiæ amantes; de verbo *וַיַּנּוּחַ* proprie *numeravit*, inde instruxit omni adparatu, dixi ad Ps. xx; 9. 9. *Nonum & ultimum est*, *&*, vel *sed*, *viam improborum subvertet*. h. e. instituta & molimina eorum destruet, & ipsos cum iis. Est enim phrasis dives, quæ & moliminum & ipsorum impiorum denotat subversionem. Vid. ad Ps. i: 6.

§. XII. Ad quæ providentiæ specimina, 1. in genere notandum est, *alia* esse generalia, *alia* specialia: quorum *illa* in genere ad homines, *hæc* in specie ad *justos* & *injustos* spectant; *priora* vers. 7. & 8. recensentur, posteriora vers. 8. fin. & 9., ut ex dictis liquet: plane ut Ps. cxlv. 14—20 habuimus. 2. In specie observari velim, specimina illa, licet per omnia tempora sint edita, & eo scopo etiam hic recenseantur, uti Ps. cxlv; hic tamen præcipue considerata esse, tanquam quæ partim hoc tempore singulari ratione erant in medio populi Judæi conspicua, partim majore adhuc emphasi progressu temporis demonstrarentur; adeo ut materiam & rationem Deum laudandi & ei fidendi præbeant populo Dei hujus temporis aptissimam & uberrimam; quippe ea signa & effecta, uti olim, ita nunc experto, & postea magis ex-


Eeeee

perturo

pertinere sub Messia. Quo oculo si considerentur hæc specimina, ratio adparet, quare hic locum habeant, ubi populus Thioneus excitatur ad Deum laudandum, & ei fidendum, nec non quare subjungatur, *Jehovam Deum Tſionis regnare*, & quidem in perpetuum; cujus regni itaque signa sunt & effecta in medio populi Judæi; sicut nunc erectum erat, & postea majore emphasi sub Messia locum haberet. Ex qua hypothefi specimina illa referre quoque licet ad Messiam, ejusque regnum, eaque partim litteraliter, partim figurate & mystice, exponere. Imo ipse Messias inter homines versatus ea maximam partem præstitit, etiam litteraliter, ut *familicos* cibare, *oculos cæcorum* aperire, & *curvatos* erigere; uti ex Euangelio constat: quod ne negligemus, poeta videtur expressam fecisse mentionem miraculosæ *apertionis oculorum*, cujus nullum aliud in Script. exstat indicium. Sed in *regno Messie* cuncta illa summa emphasi, & sensu spiritali, conspicua sunt. Vid. Jes. xxxv & lxi. & ibi Cl. Comment. ne alia loca proferam. Denique non abhorret, communis gubernationis mundi, & specialis Ecclesiæ, cum Judaicæ, tum Christianæ, specimina secum permisceri, & junctim proferri; cujus egregium exstat exemplum in Ps. cvii. secundum nostram hypothefin, & explicationem. Ceterum, qua ratione illa specimina sint ad Ecclesiam Macabæicam & Christianam adplicanda, cujusque meditationi relinquo; cum res non sit difficilis.

§ XIII. Quinta & ultima Ps. pars, quæ, per modum conclusionis, consolatoriam prædictionem regni Dei, duraturi in æternum, continet, ita sonat vers. 10 *Regnabit Jehova in æternum, Deus tuus, o Tſion, in generationem & generationem*. Quæ pro hypothefi habent, Deum regnare in Thione, & eo tendunt, ut populus Dei certior fiat de regni ejus perpetuitate, non tam oppositè ad regna mundi instabilia, & interire solita, quam ad spem piorum firmandam de regno Dei in Messia consummando, & in

in æternum duraturo, nec non speciminibus, modo memoratis, in posterum quoque, imo illustriore modo, repræsentandis, ut eo magis excitentur pii ad Deum laudandum, & ei fidendum. Quæ ubertiore explicatione non indigent. De regno Dei in Ecclesia Maccabaica, ejusque perfectione & perpetuitate in Messia, prolixè disserui ad *Danilem*.



Ecce 2

PSALM.



P S A L M. CXLVII.

1. *Halleluia ! Laudate Jāb , quia bonus est , canite Deo nostro , quia amoenus est ; decora est laudatio.*
2. *Aedificat Hierosolymam Jēhova , disjectos Israelis colligit.*
3. *Qui refarcit fractos corde , & obligat dolores ipsorum.*
4. *Definit numerum stellarum , omnes nominibus suis appellat.*
5. *Magnus est Dominus noster , & spissus robore , intelligentia ejus non est calculatio.*
6. *Instruit & ornat mansuetos & humiles Jēhova , humiliat , & deprimit , improbos ad terram.*
7. *Respondete , vel alternis canite , Jēhova cum celebratione , cantate Deo nostro cithara.*
8. *Qui obtegit coelum nubibus , subsidere facit pluviam in terram , germinare facit montes herbam virentem.*
9. *Dat jumento victum suum , pullis corvi , cum crocitant.*
10. *Nec robore equi delectatur , nec in cruribus viri acquiescit.*
11. *Complacet sibi Jēhova in timentibus sui , patienter expectantibus benignitatem ejus.*
12. *Celebra Jēhovam Hierosolyma , lauda cum vibratione Deum tuum Tſion !*

13. *Qui firmavit vestes portarum tuarum, benedixit filiis tuis in medio tui.*
14. *Qui posuit firmiter ipsam pacem limites tuos, adipe tritici satiabit te.*
15. *Qui dictum suum mittit in terram, quam citissime currit verbum ejus, vel cujus verbum citissime currit.*
16. *Qui dat nivem sicut lanam, pruina inftar cineris spargit.*
17. *Mittit glaciem suam ligamina, coram frigore ejus quis consistet?*
18. *Verbum suum mittit, & liquefacit ea, perflare facit ventum suum, fluunt aquae.*
19. *Ante oculos clare posuit verbum, vel verba sua, Jacobo, statuta & jura sua Israeli.*
20. *Non sic fecit omni, vel ulli, genti, & vel etiam, jura, quae non noverunt.*

PROLEGOMENA.

Argumentum Ps. est adhortatio Judæorum, qui Hierosolymam pro metropoli habebant in terra Cananæ, in specie incolarum Hierosolymæ, ad Jehovah lætis carminibus publice celebrandum super bonitate & potentia ejus, demonstrata in bonis larga manu collatis in populum & Hierosolymam, quibus populus erat multiplicatus, exules & dispersi recolliguntur, præterea ditatus & omni adparatu instructus, terra ejus fructibus abundabat, denique Hierosolyma firmiter munita, & pacifica ac secura, insuper omne genus bonis copiose mactata, in specie veræ religionis exercitio seu revelatione Dei, seu verbo & lege ejus singulari privilegio supra omnes

terræ populos gavisa. Poeta, præmissa generali adhortatione ad Deum laudandum, *quia bonus est & amœnus*, excitat mox Judæos ad id faciendum ex consideratione multiplicationis Hierosolymæ, exulum congregationis, consolationis lugentium, mansuetorum ditationis, impiorum destructionis, & terræ fertilitatis, Deique complacentia in timentibus ejus; quando, ad ipsam Hierosolymam sermone flexo, eam ad Deum suum celebrandum excitat, propter confirmatum, tranquillum, prosperumque statum ejus, in specie privilegium verbi Dei, & veræ religionis exercitium, quod in medio sui habebat; quoque sola in mundo fruebatur.

§. II. Ad *argumenti* conspectum recte intelligendum, notandum est. 1. sermonem adhortatorium dirigi ad Judæos & Hierosolymitanos, non mystice, sed *literaliter* intellectos. Cujus indicium est non tantum in eo, quod expresse & nominatim compellentur, & beneficia etiam terrestria tanquam materia & ratio celebrationis memorentur, sed in primis, quod, respectu verbi Dei & religionis, oppositio fiat populi Judæi & reliquarum terræ gentium, & declaretur, soli Israeli hoc bonum contigisse, exclusis gentibus. Quo *criterio* manifeste ad litteralem populum Judæum, & Hierosolymam restringimur. 2. *Secundus* character ex calamitatis præteritæ vero conspectu, & opposito statu præsentis, qui celebrationis materiam constituit, eruendo, desumendus est. Sita fuit illa calamitas non, ut putatur, in totali destructione Hierosolymæ, & populi exilio, proprie sic dicto, sed partim Hierosolymæ vacuitate incolis, & horum dissipatione; quo respicit beneficium *edificationis* ejus, & dispersorum recollectionis, vers. 2, ut suo loco videbimus, partim ejus nudatione a munimentis, ut ex vers. 12. patet, partim privatione fructuum terræ, defectu culturæ, & morum bonorum ac subsidiorum vitæ, quo respicit beneficium, vers. 8, 9 14. partim continuis moribus bellicis & periculis,

culis, vers. 10, 14. partim infestatione impiorum sive extraneorum sive popularium vers. 6. denique partim singularis prærogativæ populi præ omnibus gentibus in legis & religionis exercitio privatione, vers. 19, 20. 3. *Tertius* character quærendus est in statu felici & pacato, quo Judæi & Hierosolymitani nunc fruebantur per singularem potentia & bonitatis Dei demonstrationem, & excitari debebant ad Deo laudes accinendas. Quæ felicitas in hoc Pf. describitur respectu multiplicationis populi, recollectionis disperforum, consolationis & lætitiæ redditæ, & impiorum repressio, vers. 2—6. præterea in terræ cultura, & fertilitate, fructuumque ejus copia, vers. 8, 9. denique Hierosolymæ firma munitione, pace & prosperitate, vers. 13, 14. postremo verbi Dei & religionis restituto exercitio, vers. 19, 20.

§. III. Quæ si advertantur, sponte sua sese adtendenti offeret tempus Maccabaicum sub Simone & Joh. Hyrcano, ethnarchis Judæorum: cui hoc canticum unice convenit, ut nemini non in oculos incurrit. Vulgata quidem est hypothesis, Pf. ad reduces ab exilio Babylonico, sub Josua & Zerubbabele, pertinere, uti Gr. & Syr. habet inscriptio, præcipue in eo fundata, ut opinor, quod *ædificationis Hierosolymæ* fiat mentio, vers. 2. & confirmationis *portarum* ejus vers. 13. Sed *posterius* illud rectius in Nehemiæ tempus quadrat; verum tempori Maccabaico etiam convenit, ut notum: *prius* vero, licet a tempore Maccabaico quoque non abhorreat, cum Hierosolyma sub Antiocho Epiphane varie fuerit desolata, & domus destructæ sint; male refertur ad ædificiorum ædificationem, cum civium multiplicationem præcipue comprehendat, quæ *ædificationis* nomine nota est: ut suo loco patebit. Sunt vero criteria, quæ in statum reducum non conveniunt; uti, ne de populi multiplicatione dicam, sunt pacis, securitatis, impiorum destructionis, prosperitatis, & omnium bonorum abundantia: fuit enim
reducum

reducum status tenuis, pauper, dubius ac turbulentus: ut ex historia patet. Acquiescimus itaque in hypothesi jacta, in quam cuncta conspirant. Eodem ergo tempore & occasione hic Pf. compositus est, quo superior; eodem quoque scopo: quare plura non necesse est addere.

§. IV. Ejusdem etiam est *structura* & *styli*, cujus præcedens. Sermo exhortatorius continuo ad Judæos & Tſionitas dirigatur, & de Deo in tertia persona fit sermo. *Stylus* est planus, & facilis; tantum habet descriptio operum generalis providentiæ simul quid figurati & mystici, ut ex tractatione liquebit. *Generales* Pf. partes duæ sunt, *propositio*, & ejus *deductio*. *Prior* occurrit vers. 1. *posterior* vers. 2—20. cujus duæ iterum partes sunt, pro diversitate personarum, ad quas sermo vertitur. In *prior*e fit ad Judæos in genere in Cananæa, per *duos* articulos decurrens, *priorem* vers. 1—6. *posterio*rem vers. 7—11. In *posterio*re vero ad Hierosolymitanos vers. 12—20. Singulæ partes recensent *beneficia* distincta; uti mox patebit.

E X P L I C A T I O.

§. V. Cum investigatione hypothesios opus non sit, Interpretes quoque de tempore Pf. compositi tantum secum & nobiscum dissentiant, de quo modo disputavi; mox ad *explicationem* pergo. *Propositio* generalis ita habet vers. 1. *Laudate Fab, quia bonus est, canite Deo nostro, quia amoenus est, decora est laudatio*. Sic enim cum Coccejo vertenda sunt verba, & non, ut solet, *laudate Fab, quia bonum est canere Deum nostrum*, vel *Deo nostro, quia amoenum est, decora laus est*. Convenit enim nostra versio constanti Script. usui, quo, formula hac adhibita, Deus, tanquam bonus & amœnus proponitur, qua talis, laudandus; uti Pf. cvi. 1. cvii. 1. cxviii. 1, 29. cxxxv. 3. cxxxvi. & alibi; sic & *ac* *ny* de Deo conjunguntur Pf. cxxxv. 3. Abduxit ab hac constructione

constructione Interpretes vocabulum *וְיָרָא* infin. *canere*; ne de accentuatione dicam, huic pravæ structuræ adcommo- data a Masorethis, & inde orta, quæ nos non obligat. In- finit. vero *וְיָרָא*, si non sit leg. *וְיָרָא* cum *ה* paragog., *canere* est pro *canendo canite*; qui satis notus est infin. sensus. Coc- cejus mavult pro imperat. sing. capere, ut sit *cane* sc. unus- quisque vestrum, sed tunc potius per ellipsin non insoli- tam vocis *anima*, *anima mea*, uti Ps. cxlvi: 1. Sed prius est facilius. Confirmat præterea nostram versionem, quod tautologiam aliquam sapiat, *bonum est canere*, *suave est*, *decora est laudatio*: quæ vitatur, & oratio rectius fluit ex nostra interpretatione. Ceterum cum de epithetis *boni* & *amoeni*, Deo tributis, dixerim ad Ps. cxxxv: & alibi, epitheton *decori* datum *laudationi* nihil habeat difficilis, ni- hil addo.

§. VI. In propositionis deductione sermo dirigitur ex- hortatorius, *κ.* ad Judæos in Cananæa in genere, vers. 2-11. *β.* ad Hierosolymitanos in specie, vers. 12-20. *κ.* Prior sermo per duos articulos decurrit; quorum *prior* vers. 2-6. *posterior*, vers. 7-11. comprehensus est. *α.* In *priore* pericopa recensentur in principio & fine beneficia in populum Dei nunc collata, & interseritur bonitatis po- tentiæ & sapientiæ Dei confessio & exaltatio. *a.* *Prima* pars pericopæ memorat, tanquam materiam & rationem laudationis Dei cum gratiarumactione, Hierosolymæ, tan- quam metropolios, adeoque populi, tanquam civium e- jus, ædificationem, & dispersorum ad eam reollectio- nem, vers. 2. *Aedificat Hierosolymam Jehova, disiectos Israelis colliget.* h. e. argumentum Dei celebrandi habetis uberrimum, quod Deus multiplicat cives Hierosolymæ, & dispersos ad eam congregat, ut unum, & copiosum, constituent populum. *Aedificare* Hierosolymam, hic non est, ut capi solet, urbem dirutam denuo exstruere, licet & illud tempore Maccab. recte possit ex parte adplicari, uti ex historia constat Maccabaica, sed *civibus replere*,

Fffff

&

& incolis, qui vel Hierosolymæ habitant, vel eam pro metropoli habent, ubicunque etiam sedes fixerint. Debet enim & potest Hierosolyma considerari, & tanquam *urbs*, & tanquam *metropolis*, cujus omnes Judæi sunt ci-
ves. Quem significatum sicut verbum *ædificare* de domo, vel urbe, usurpatum, frequenter habet, uti alibi demon-
stravi, proxime ad Pf. cxxvii. ita hic omnino debet, cum quod postea, vers. 13., demum de urbis instauratione & munitione agatur, *tum* quod mox collectionis disper-
sum ad eam mentio fiat, *tum* quod in fine pericopæ de ci-
vium multiplicatorum ditatione agatur, ut mox patebit: accedit, intermediam exaltationem Dei tanquam stellarum
numeratoris, eo quoque tendere: ut seq. tractatio doce-
bit. *Dispersorum collectio*, quæ subjungitur, ad civium Hierosolymæ multiplicationem omnino respicit, dicitque, Israelitas, seu dissipatos per calamitatem Epiphanicam, vel in exilio antiquo Babylonico & Assyriaco adhuc de-
gentes, quibus utrisque titulus *disjectorum Israelis* conve-
nit, partim ad sedes suas reversuros, partim in unam ci-
vitatem, cujus metropolis est Hierosolyma, reduniendos
esse; sicut & nunc factum erat. Conf. Jes. LVII. 8. Mich.
IV: 6. & alibi. Beneficium itaque *multiplicationis* populi
Judæi, & omnium Israelitarum conjunctio in unam socie-
tatem, hic memoratur & extollitur, quo Judæi sub Mac-
cabæis maxime sunt gavisi, ut prædictum erat, Deut.
xxx: 5. & alibi. De quo alibi agitur.

§. VII. *b.* Inferitur confessio & exaltatio Dei, qui Hierosolymam ædificat, & dispersos Israelis recolligit, tanquam benefici, potentissimi & sapientissimi Domini & re-
ctoris universi; eo scopo facta, ut Deus supra omnia ido-
la & sic dictos Deos extolleretur, & reip. instauratione ex-
summa calamitate ipsi, tanquam causæ, adscriberetur, adeoque materia laudationis amplificaretur, populusque
eo magis ad Deum laudandum excitaretur, ex considera-
tione summæ & potentissimæ majestatis ejus; vers. 3-5.

Qui

Qui refarcit fractos corde, & obligat dolores ipsorum: definit numerum stellarum; omnes nominibus suis adpellat: magnus est Dominus noster & spissus robore; intelligentiæ ejus non est numerus. Quibus verbis 1. duo continentur specimina bonitatis & potentiæ ac intelligentiæ Dei, 2. elogium Dei, respectu earum perfectionum subjungitur. 1. Specimina sunt, alterum, quo summa adfectis & prostratis tristitia opem fert, alterum quo sese stellarum dominum demonstrat. Prius vers. 3., *refarciens fractos corde & obligans dolores eorum*, Deum sistit tanquam medicum peritissimum & optimum hominum, gravibus malis oppressorum, & profunda tristitia afflictorum: quos ipse a malis & doloribus liberat. Qualem Deus sese in genere quidem hominibus miseris præstat, qui ad ipsum confugiunt, qualiscunque etiam fuerit eorum afflictio, seu corporalis, seu spiritualis, adeoque elogium Dei, tanquam talis, in genere exhibetur; sed in specie sese talem demonstraverat populo Judæo, gravi calamitate presso tempore persecutionis Epiphanicæ; quo digitus hic videtur intendi, ad beneficium *ædificationis Hierosolymæ* illustrandum ac extollendum, quippe in populum valde afflictum, & desperata calamitate oppressum, collatum. Verba & voces nihil habent, quod nos moretur.

§. VIII. *Posterius specimen Deum repræsentat potentissimum & sapientissimum universi Dominum, qui exercitui coelorum præest, stellarum numerum definiens, & iis ordinem ac munia præscribens, vers. 4. definit numerum stellarum, omnes nominibus suis adpellat.* h. e. Jehova, qui Hierosolymam ædificat, non est unus e sic dictis Diis, aut exercitus coelestis pars, ut sunt numina gentilium, sed summus dominus & imperator, qui stellarum numerum immensum definivit, & singulis suum ordinem & munus præscripsit, easque, ubi opus fuerit, vocat & excitat, quorum velit; qui præterea populum suum multiplicat, & illustrem reddit instar stellarum, curatque. Vide.

tur enim poeta eo etiam hic collineare, ut beneficium multiplicationis populi illustret ac extollat, dum Deum tanquam dominum stellarum describit, digito ad promissum Abrahæ factum Gen. xv: 5. intento Conf. Num. xxiii: 10. Ceterum notandum omnino est, Deum hic non describi tanquam qui stellarum numerum, homini innumerabilem, simpliciter cognitum habeat, sed supremum Dominum, & exercitus coelestis imperatorem; qui stellarum numerum definivit, & earum ordinem ac usum dirigit. Quo ipse voces haud obscure tendunt. Verbum *מנה* vera sua potestate valet, *qualitatem* ac *quantitatem* rerum definire, & iustis finibus comprehendere, ex primigenia *præcendi* notione, unde transiit ad præcisam determinationem quantitatis, vel qualitatis; & vertitur *definire* Dan. i: 10. item *præparare*. Jon. i: 17. iv: 6-8. q. d. præcise isto modo vel tempore sistere; & derivatum *מנה* pro *fato* usurpatur apud Arab., ac de decretis divinis intelligitur a. Altera phrasis, *eas nominatim adpellare*, Deum quoque exhibet supremum earum rectorem, qui singularum proprietates & usus exacte novit, & eas in universi administratione scienter adhibet. Sic & Jes. xl: 26. *Tollit in sublimem oculos vestros, & videte quis creaverit ista: qui educit ad numerum exercitum eorum, omnia ea nominatim adpellat, præ multitudinem virium & robore potentiae: nullum deficit.* Ubi vid. Cl. Commentator.

§. IX. 2. Quo etiam tendit elogium Dei, quod subiungitur, vers. 5. *Magnus est Dominus noster, multus robore, intelligentiae ejus non est calculatio.* h. e. Dominus noster est summa ac infinita præditus potentia & intelligentia, quæ a nemine percipi aut calculari potest. Nihil hic notandum habeo, præter elegantiam sermonis, qua partes divulgæ sunt, & secum ordinandæ, acsi legeretur, *multus robore & intelligentia*, cujus utriusque nulla est *calculatio*; sic enim *מנה* recte vertitur, secundum veram ejus *emphas* *suam*;

a Schultens ad Har. conf. iv. p. 29.

fin; dicit enim *calcolare*, & *calculis subductis* concludere, ac distincte per partes enarrare; ut alibi sæpe observavimus. Sensus ergo est, Jehovah esse Deum & Dominum supremum, infinitæ potentæ & intelligentiæ, &c.

§. X. c. Redit poeta ad beneficium in populum Judæum collatum, quo humiles & mansuetos ædificatos instruit omnibus necessariis, ad vitam læte & laute agendam, *impios vero humiliat*, abjectos reddit, ac destruit: sicut sæpe alias, sed hoc tempore in specie fecerat, vers. 6. *Instruit & ornat mansuetos & humiles, Jehova; humiliat & deprimit improbos ad terram.* Quæ etiam nostra non indigent opera. De verbo *וַיְבָרֵךְ* dixi ad Ps. cxlvi: 9. ubi etiam de impiorum destructione. Verbo notetur, respici ad vers. 2. & ulteriorem *ædificationis* Hierosolymæ hic tradi intellectum, qua domus simul *instruitur* omnibus bonis, & in pace collocatur, impiis destructoribus repressis. Conf. dicta ad Ps. cxlvi: 9.

§. XI. β. Posterior pericopa a. præmissam habet exhortationem, ad Deum alternis canendum, & celebrandum, vers. 7. *Respondete*, alternis canite, *Jehovæ cum celebratione, cantate Deo nostro cithara.* h. e. canite Deo laudes, & voce & instrumentis musicis, in choris divisi, qui sibi mutuo respondent: quod est *וַיִּשְׁמְעוּ*, uti notum & satis observatum est. Cuncta sunt facilia. b. Novam continet materiam & rationem laudandi, a generali & speciali providentia, qua omnibus alimenta suppeditat, & pios singulari benevolentia prosequitur, petitam. 1. Ad *generalem* providentiam hæc verba spectant, vers. 8, 9. *qui obtegit coelum nubibus, subsidere facit pluviam in terram, germinare facit montes herbam virentem: dat jumento victum suum, pullis corvi quum crocitaverint.* Quæ satis quoque facilia, et ab aliis illustrata sunt. Tantum notetur, verbo *וַיִּשְׁמְעוּ* propriam recte aptari potestatem, qua *subsidere* facere, & *profundius demittere* denotat: radix enim *כִּנּוּן* proprie est, *fidere, desiderare, residere*; unde inter alia ad humiliorem et

profundiorē demissionē transit: quod huc recte quadrat, ut indicetur, pluviam ex alto demitti, et in terræ viscera immitti. Ceterum, sicut Deus hic in genere tanquam universalis promocondus, qui terram reddit fertilem, et hominibus ac bestiis alimenta prospicit, consideratur, oppositē ad idola, aut naturam rerum sibi succurrentem, qui sese mundo non reliquit intestatum Act. xiv. conf. Pl. cXLV: 15, 16. et ibi dicta; ita in specie, tanquam qui populo suo hoc tempore omnium rerum abundantiam concesserat, et terram, modo desolatam, et cultura destitutam, reddiderat fertilissimam. Conf. Zach. x: 1.

§. XII. 2. Peculiarem Dei favorem et curam, non erga potentes et bellicosos, sibi que fidentes, sed timentes Dei, et a benignitate ejus pendentes, hæc verba exhibent, vers. 10, 11. *nec robore equi delectatur, nec in cruribus viri acquiescit; complacet sibi Jehova in timentibus suis, patienter expectantibus benignitatem ejus.* h. e. peculiari suo favore et benevolentia complectitur, non fortes et veloces, aut potentes, et strenuos bellatores, ita ut propterea iis omnia ad votum fluant, sed, quam infirmi etiam sint et debiles, solos pios, et Dei benevolentia fidentes, ita ut eos tueretur contra fortes et potentes, et iis omnia ex voto succedere faciat. Qualem Deus hoc etiam speciatim tempore sese præstiterat Maccabæis contra potentissimos hostes. Sensus ergo est, 1. robur & strenuitatem a Deo non respici, sed pietatem, 2. salutem & liberationem non a robore bellico, sed Dei timore & fiducia pendere, & expectandam esse; adeoque 3. non in robore equitatus & peditatus, sed in Deo fiduciam esse collocandam. Vid. Pl. xxxi i i: 16-18., & ibi dicta: quare nihil addo, nisi hoc unum, *crura viri* hic significare cum velocitatem, tum fortitudinem ejus, utramque virtutem bellicam.

§. XIII. 1. Exhortatio ad Hierosolymitanos directa, quæ altera est deductionis pars, a. proponitur, vers. 12. ß. deducitur respectu materiae & rationis laudandi Jehovam,

vam, vers. 13--20. *a.* Ipsa exhortatio ita sonat, vers. 12. *Celebra Jehovaham Hierosolyma, lauda cum vibratione Deum tuum Tſion!* h. e. officium Dei laudandi & celebrandi tibi in specie incumbit, Hierosolyma & Tſion! cujus Deus est Jehova, & talis nunc maxime demonstratur; quare eo strenue defungere. *Hierosolyma* hic proprie pro urbe, eo nomine nota, sumenda est, & cives, seu incolas ejus directe complectitur; qui ad Deum laudandum excitantur, ex consideratione bonorum, in eam collatorum, quæ mox recensentur. Epitheton *Tſionis* additur, propter regnum Davidis & Templum Hierosolymæ; cujus utriusque sedes erat. Quare vero Gr. & Syr. *novum* hic incipiant Ps., non liquet; nec ratio est dividendi Ps. in duos; contra, cum *balleluia* non præmittatur, ut in his Ps. fieri solet, merito illa divisio rejicitur, & textui Masorethico inhæretur.

§. XIV. *β.* In materia & ratione Deum laudandi exhibenda poeta in *principio* & *sine* recenset prærogativas Hierosolymæ eximias, sed in *medio* interferit elogium Dei, tanquam potentissimi & verendi rectoris universi, plane ut supra in *prima* pericopa, vers. 2--6. habuimus. *a.* Prima itaque pericopæ pars repræsentat varia bona temporalia & externa in Hierosolymam collata, firmæ scilicet munitiōis, copiæ incolarum, pacis & abundantiae omnium rerum, vers. 13, 14. *Quia firmavit vestes portarum tuarum, benedixit filiis tuis in medio tui, qui posuit firmiter ipsam pacem limites tuos, adipe tritici satiabit te.* Quatuor memorantur bona temporalia, Hierosolymæ concessa, tanquam totidem signa prænuncia, ut hic recte Coccejus, adventus Messiae, 1. *Primum* est, firmus & in expugnabilis Hierosolymæ status, a munitiōibus suis non tam, quam Dei tutela repetendus, his verbis: *quia firmavit vestes portarum tuarum.* h. e. munimentis non tantum, sed & sua tutela reddidit Hierosolymam firmissimam; uti Jes. xxvi: 1. de hoc eodem tempore; *urbs reboris nobis, salutem posuit mu-*

ros & antemurale. Conf. etiam Pf. cxxv: 2. & ibi dicta. 2. *Secundum* est multiplicatio incolarum ejus, his verbis, *benedicit filiis tuis in medio tui.* h. e. incolas tuos singulari benedictione sese multiplicare fecit, & urbem replevit civibus. Conf. Zach. 11: 8. & ibi Cl. Vitranga, ne nunc alia loca de multiplicatione populi temporibus Maccab. proferam. Supra vers. 2. de populi multiplice numero in genere dixerat, ut ibi vidimus, hic de Hierosolymæ incolis illud in specie adfirmat, quare dicit *in medio tui.* Ceterum *benedicere* eo in casu significat fertilitatem & multiplicationem adferre; ut 2 Sam. vi: 12. coll. 1 Chron. xxvi: 5. Pf. cxxviii. sed includitur vigens florensque liberorum conditio, uti Pf. cxxxviii., 3. *Tertium* est pacificus & tranquillus Hierosolymæ status; *qui posuit limitem tuum pacem.* h. e. te in pace collocavit usque ad ipsos limites, seu urbis, seu dominii ejus, adeoque per totam terram. Quod sæpe a Prophetis de hisce temporibus Maccab. prædictum est, & ex historia notum. Conf. Zach. viii: 4. & c. ut & c. ix: 8. 4. *Quartum* est omnium bonorum abundantia, & lætus usus, his verbis: *adipe tritici satiabit te.* h. e. fruges & fructus terræ abundabunt tibi, & iis ad satietatem usque uteris. Ex. gr. memoratur *triticum*, & quidem præstantissimum, nomine *adipis* insignitum, In quo nihil est difficile. Conf. Deut. xxxii: 14. & ibi dicta, ut & Pf. lxxxi: 17.

§. XV. *b.* Inferitur elogium Dei, quæ *secunda* pericopæ pars est, tanquam potentissimi domini & rectoris universi, qui nutu voluntatis omnia quam citissime peragit in terra, specimine producto ex nive, pruina, glacie, & aquarum resolutione; eo scopo, ut Deus declararetur & celebraretur, tanquam qui sese toti mundo hac ratione manifestum fecit, & adorandum ab omnibus terræ incolis exhibet, oppositè ad Israellem, cui insuper singulare privilegium revelationis suæ concessit, ut mox subiungitur, vers. 19, 20. Indicatur itaque hac pericopa, Deum sese mundo in genere manifestasse per opera providentiæ, ut
ipsum

ipsum agnoscerent omnes, & colerent; adeoque Jehovah, Deum Israelis, esse solum verum Deum & Dominum, uti ad vers. 4 & 8. etiam observavimus. Continet vero pericopa 1. generalem descriptionem potentissimæ Dei gubernationis, qua cuncta verbo, seu jussu voluntatis, peragitur, vers. 15. *Qui mittit dictum suum in terram, quam citissime currit verbum ejus*, vel, per ellipsin אָמַר, *cujus verbum quam citissime currit*. Quorum sensus est, Deum omnia nutu seu jussu voluntatis agere, & eo emisso, sequi effectum quantocyus ac irresistibiliter. Nihil hic difficile, aut non expeditum ab Interpretibus. *Verbum*, seu mandatum Dei consideratur tanquam minister, quaquaversum citissime currens, & effectum sistens potentissime.

§. XVI. 2. Speciminis ergo memoratur nivis, pruina, glaciei, & ejus solutionis, mirabilis productio, vers. 16—18. *Qui dat nivem sicut lanam, pruina instar cineris spargit; mittit glaciem suam ligamina, coram frigore ejus quis consistet? mittit verbum suum, & liquefacit ea; perflare facit ventum suum, fluunt aquæ*. Quæ nostra vix indigent opera, quare paucis defungar, singula membra relegendo. *Dat nivem sicut lanam* (quippe candido & rutilante colore, floccorum spissitate & raritate ei similem ^a, terram quoque tegentem & foventem: quæ conjungi possunt, licet ad album colorem respici putet Bochartus ^b). *Quam nivem cum dare Deus dicitur*, simul tanquam bonum consideratur, quo terræ fertilitas augetur. Vid. Jes. LV: 10.) *pruinam sicut cinerem spargit* (aerem vaporosum congelatum, terræ & corporibus instar linimenti adhærescentem, nec favillæ cinericiæ cum fervore micantis absimilem, quaquaversum spargit. Vox כָּפַר notat pruina, quod terram illinat, seu perpetuo linimento obducatur, a כָּפַר proprie *texit illinendo*, inde expiavit, abolevit. Altera vox אָפַר denotat cinerem, seu favillam micantem cum fervore, a rad.,

Ggggg

quæ

^a De qua comparatione vid. la Cerda ad Virg. G. l. 1. & Wesseling ad Herodot. l. IV. p. 294. ^b H. p. 1. l. 11. c. 45.

quæ dicit, *micuit cum feroore*: quæ sicut litteris prope convenit voci כח, ita quoque rem denotat, cui apte respondet *pruina*, cum quaquaversum (spargatur, splendeat, & terram linimento obducatur, ac foecundet.) *projicit glaciem suam ligamenta*, vel *sicut* vincula stringentia per ellipsin litteræ כ, absorptæ, ut sæpe alias, per concurrentiam sequentis. Vox enim est non כח *frustula*, ut vulgo accipitur, cui hic locus non est commodus, cum non de *grandine*, sed *glacie* agatur, sed כחא a radice חא *ligavit*, adeo ut glacies dicatur *ligamina*, & *vincula* rigidissima injicere; uti jam observavit Cl. Schultens a,) *etiam frigore ejus quis consistet?* (scilicet per se, absque ut ligetur, rigescat, ac pereat, si intensius sit frigus, aut nimis diu duret: h. e. tanta est hominum & animantium imbecillitas, & naturæ rerum debilitas, ut homines aut animantia nec ferre valeant frigus nimium, & perpetuum b, nec alimenta haberent, natura rerum ligata & infœcunda facta, quare Deus temperare solet, & ad tempus tantum sœvire permittit; suo tempore ligamenta solvens, & fluida restituens; uti mox addit) *emittit verbum suum & liquescere eas facit; perflare facit ventum suum, fluunt aquæ*, (h. e. sicut Deus frigores ligamenta injicit creaturis, & rebus creatis, ita dissolvit rursus eodem voluntatis jussu, ventoque flare facto aquas reddit fluentes quaquaversum. Duo memorat effecta potentissimi Dei rectoris jussu, *alterum* est, quo ligamina glaciei liquescere facit; recte enim relat. adfix. plural. in כחא refertur ad כחא *ligamina glaciei*: *alterum* est, quo aquæ vento concitatae fluunt. De verbis non & כח nihil moneo, cum nihil difficile habeant.)

§. XVII. c. Redit poeta ad beneficia Israelitarum, & memorat singulare ipsis proprium, nulli genti concessum, in legislatione divina positum, qua Deus, sive immediate
sive


a Ad Job. xxxviii: 30. & Prov. xx: 4. b Vid. Boetius ad h. l. qui hic prolixus est in testimoniis & exemplis proferendis.

ſive mediate per prophetas, ſuam voluntatem ipsis mani-
feſtavit, & leges dedit bonas, juſtas & æquas, inter quas
ſunt, quas nec illi, nec gentes ullæ, noverunt, adeo ut,
ſicet Deus per opera providentiæ ſeſe gentibus in gene-
re manifeſtaverit, ut modo dictum erat, Israeli longe ali-
ter & in ſpecie, præ reliquis mundi populis. Quod bene-
ficiū eo aptius hic memoratur, quod hoc tempore fue-
rit renovatum & confirmatum, poſt addiſtionem Epipha-
nicam, & peculiarem contineat materiam ac rationem
Deum celebrandi; unde etiam ſtabilitas felicitatis populi
pendebat, ſi eam legem ſtudioſe obſervarent. Quo etiam
tendit monitum Mal. III: 22. de quo in comment. ad Mal.
pluribus egi. Verba, quorum nexum & ſcopum demon-
ſtravi, ita habent verſ. 19, 20. *Ante oculos clare poſuit ver-
bum, vel verba ſua, Jacobo, ſtatuta & jura ſua Israeli:
non fecit ſic omni genti, vel ulli genti, & vel etiam, ju-
ra, quæ non noverunt.* In quibus nihil eſt, quod noſtram
poſtulat operam, niſi in ultimo membro, minus recte intel-
lecto. Veteres Interpretes Chald., Gr. & Syr., reddide-
rent, & judicia, vel jura, *non notificavit ipsis*, ac ſi legis-
ſent, *omn.* Quod enim Feſſelias a, *transitive* capi poſſe,
cognoverunt *ipsi*, vel *ipsa*, pro *indicavit ipsis*, adſerit, ab-
ſonum eſt: nec exempla, quæ proſert, ad rem ſunt. Sen-
ſus non eſt ſpernendus, ſed, cum præceſſerat, *non fecit
ſic ulli genti*, ſuperfluum foret hoc addere: lectio Maſo-
retica ſine neceſſitate quoque non eſt deferenda. Vulgo
ſtatuitur, ſenſum eſſe, *gentes non cognoviſſe*, vel agnos-
cere illa ſtatuta & jura: ſed i. phraſis generatior eſt, quam
ut eo ſenſu capi, aut admitti poſſit. Negatur enim abſo-
lute, gentes *ſcire ſtatuta* aut *jura*; non habetur *ſic* non
cognoscunt, aut *illa* jura, ſed absolute *non cognoverunt
jura*, quod ſine reſtrictione verum non foret, cum το
γνωσεν Deus ipsis innotuerit, etiam a Deo *manifeſtatum ipsis*
Rom. 1. 10. ne dicam, ſimul indicari, notitiam horum ju-
rium

Ggggg 2

rium

rium ad gentes non pervenisse, quod etiam falsum foret. Vid. Deut. iv: 6. Præterea, 2. phrasîs proprie habet, & jura, non cognoverunt ea, quæ non tam dicit simpliciter, gentes jura non scivisse, quam etiam jura esse, quæ non scivirunt. Sensus itaque ex mea est opinione inter jura, modo memorata, a Deo Israeli tradita, absque ut ita fecerit ulli genti, talia etiam esse, quæ nemo sciverit, nec Israelitæ nec gentes ullæ; adeoque extolli eo magis privilegium Judæorum, quod Deus non simpliciter jura præscripserit Israeli, sicut nulli genti fecerat, sed & talia, quæ antea ignota fuerant, & inusitata. Cum itaque dixisset, Deum statuta & jura sua Israeli promulgasse, & tanquàm privum privilegium nulli genti concessum esse considerandum; addit, ut magis extollat beneficium, inter statuta quoque & jura talia esse, quæ Deus Israeli dedit, quorum notitiam & usum nullus populus habuit, sive Israel, sive gentes. Qua ratione oratio recte fluit, & privilegium Israelis magis celebratur. *Publicavit Jacobo verba sua statuta & jura sua Israeli, nec sic fecit ulli genti; statuta etiam, inquam, quæ non noverunt*, antea ignota fuerunt & inusitata aut Israeli, aut gentibus: non ergo ab aliis populis desumpta, sed nova & inaudita.



❧❧❧❧ ❧❧❧❧ ❧❧❧❧ ❧❧❧❧ ❧❧❧❧ ❧❧❧❧

P S A L M. CXLVIII.

1. *Halleluia. Laudate Jeboram de coelis, laudate ipsum in excelsis.*
2. *Laudate Ipsum omnes Angeli ejus, laudate Ipsum omnes exercitus ejus*
3. *Laudate Ipsum Sol & Luna, laudate Ipsum omnes stella fulgida.*
4. *Laudate Ipsum coeli coelorum, & aqua, quæ estis desuper coelis.*
5. *Laudabunt nomen Jeboræ, quia ipse præcepit & creata sunt.*
6. *Et stare ea fecit in æternum, in seculum dedit statutum, nec transgredietur.*
7. *Laudate Jeboram de terra, Coeti & universitas abyssorum.*
8. *Ignis & grando, nix & vapor, vel pruina, ventus procellosus faciens verbum ejus.*
9. *Montes & omnes colles, arbores frugifera & omnes cedi.*
10. *Feræ & omnia jumenta, reptile & aves alata.*
11. *Reges terræ & omnes populi, principes & omnes Judices terræ.*
12. *Juvenes & quoque virgines, senes cum pueris.*

Ggggg 3

13. Lau

790 C O M M E N T A R I U S

13. *Laudabunt nomen Jehovæ, quia nomen ejus est solum sublime, Majestas ejus super terra & coelis.*
 14. *Et cornu populi sui extulit, splendorem radiantem piorum suorum omnium filiorum Israelis, populi propinqui sui.*

P R O L E G O M E N A

§. I.

Argumentum Pf. est excitatio omnium totius universi creaturarum, cujuscunque naturæ, dignitatis, status & ætatis, coelestium & terrestrium, rationalium & irrationalium, animatarum & inanimatarum, ad Jehovam, Deum Israelis, laudandum, rationibus moventibus munita, respectu *coelestium* a creatione & providentia desumptis, sed *terrestrium*, a suprema Dei celsitudine & majestate nunc demonstrata in terra, supra omne sublime & elatum, populi que Israelis elevatione in statum firmum & gloriosum, partim facta, partim facienda. Dirigit poeta primo sermonem exhortatorium ad coelestes creaturas, animatas & inanimatas, Angelos, & exercitus coelestes, solem, lunam, & stellas, coelumque totum in genere, quo omnibus injungit laudationem Jehovæ, tanquam officium ipsis debitum ex consideratione creationis & gubernationis Dei. Deinde sese vertit ad terrestres creaturas, quas sine discrimine omnes recenset, & ad idem officium excitat, ratione ducta ab excellentia Jehovæ, nunc in singularibus judiciis, quibus quicquid sublime erat & superbum deprefferat, & populum suum oppressum extulerat in statum sublimem & potentem, summeque gloriosum, magisque deinceps ab hoc tempore extolleret.

§. II. Quod

§. II. Quod *argumentum* ut in vera sua luce collocetur, *due* notanda sunt: *alterum*, Jehovah hic fisti laudandum, partim tanquam creatorem & rectorem universi, vers. 5. 6. partim tanquam solum excelsum demonstratum in terra, cum per judicia, quibus omne potens & sublime in terra constituerat, tum per populi sui gloriosam liberationem in statum firmum, prosperum & gloriosum, vers. 13, 14. *alterum*, celsitudinis Jehovah manifestationem in terra ejus esse naturæ, ut, sicut *coelestes* creaturæ Deum, qua creatorem & rectorem suum, celebrant, & observant, *terrestres* creaturæ omnes rationem habeant propter eam Jehovah laudandi tanquam supremum judicem & servatorem populi sui, non tantum, quod qua creaturæ creatoris sui gloriosam majestatem lubentes agnoscant, sed & imprimis, quod ad eas etiam spectet, & ipsis salutaris sit ea manifestatio, quæ salutem quoque continet omni creaturæ sub coelo destinata, gentibus æque ac Israelitis. Conf. Ps. cxvii. & ibi dicta. Firmat hanc hypothesin, quod materia & ratio Jehovah ab omnibus creatoris laudandi defumatur etiam ab eo, quod *exaltaverit Deus cornu populi sui Israelis*, vers. 14. ut nexus orationis docet.

§. III. Varia licet sint Oeconom. V. tempora, quibus, idololatria proposita, Israelis, tanquam populi Dei, prærogativa in lucem protrahitur, Jehovah, tanquam solius veri Dei, celsitudo est demonstrata, & Israelis cornu exaltatum, quibus excitari potuit vir aliquis divinus ad hoc canticum exhortatorium, ad omnes creaturas directum, componendum, uti sunt Davidis, Salomonis, Josaphati & Hizkiae tempora; nullum tamen aptius est *Maccabaico*, quocuncta illa longe majore emphasi locum habuerunt, &, quod huc imprimis facit, manifestatio celsitudinis Dei in Messia ante fores erat, quando omnes creaturæ ad Jehovah laudandum vocarentur, & fortem haberent in populi Israelis exaltatione. Ejus itaque temporis felicitas, verusque conspectus, quo cum Messiae oeconomia arte cohaeret,

hæret, virum aliquem divinum excitare potuit ad hoc canticum faciendum; ut facile cernitur. Quare in eo acquiescimus.

§. III. *Scopus* est, unde facile de *usu* constat, 1. omnem prostituere idololatriam, angelos & totam rerum naturam, tanquam *creaturas*, introducendo ad Deum Israelis laudandum obligatas & paratas; simul Israellem in fide veri & unius Dei hac ratione confirmare. 2. Chasidæos in verum intellectum felicitatis temporis præsentis, quo Deus sese solum demonstraverat excelsum, & cornu populi extulerat, ducere, tanquam præparatorii ad conversionem gentium, & oeconomiam Messiae, ejusque emblematis & typi; quando tota rerum natura ad Deum laudandum excitaretur. 3. Eos præterea in fide & spe illius temporis confirmare, & ad illud præparare, ut Messiam recipiant, præterea excitare ad gentes fide veri Dei imbuendas, iisque exemplum, hoc cantico in ore sumto, imitandum dare.

§. V. *Structura* cantici est plane poetica et enthusiastica, qua poeta, zelo gloriæ Jehovæ, Dei Israelis, nunc manifestatæ accensus, et quasi extra se raptus, Angelos, licet præstantiores se, et per se ad Deum glorificandum animatos, præterea ipsa animata et inanima per personæ fictionem adloquitur, tanquam ratione prædita, et ad Deum celebrandum super celsitudine nunc demonstrata excitat. De quo legi meretur Amyraldus *a*. *Stylus* cetera planus est, et facilis intellectu. *Partes* Pf. generales duæ sunt, pro creaturarum divisione in *coelestes* et *terrestres*: quarum *altera* continet excitationem *coelestium*, sua propria ratione munitam a creatione et providentia sumta, vers. 1-6. *altera* adhortationem *terrestrium* creaturarum ad idem faciendum, ratione a celsitudine Jehovæ in terra demonstrata, et populi Israelis exaltatione, petita, vers. 7-14.

a Ad h. 1.

ANACRI-

A N A C R I S I S.

§. VI. Interpretes passim vel in genere volunt creaturas excitari ad Deum creatorem, rectorem mundi, ac benefactorem populi sui celebrandum, vel in specie ad Messiam regem exaltatum dignis laudibus excipiendum & laudandum; adeoque ad novam Oeconomiam directe referunt. Sed ex nostra hypothesi Ps. spectat ad tempora Maccabaica, quibus Deus sese verum & summum Deum luculenter demonstraverat, & populum suum extulerat, verum considerata simul tanquam in Messiae oeconomia consummanda, & cum ea connexa, tanquam scopo, termino & complemento suo. Qui verus est, & notissimus Ecclesiae Maccabaicae conspectus. Cum beneficia, in populum Dei collata, hic unice fere, seu praecipue, proferrantur tanquam materia & ratio laudationis, a tota rerum natura terrestri faciendae, facile patet, in generali argumento non esse subsistendum: sed, cum populus Israelis expresse memoretur, & ejus cornu dicatur exaltatum, canticum praeterea huic populo sit traditum; ab eo discedere fas non est, nec ratio: modo verum temporis istius conspectum, modo memoratum, ex oculis non dimittamus: absque quo esset, excitatio omnium creaturarum ad Deum propterea laudandum multum de vi & emphasi sua perderet: ut ex conspectu argumenti, supra expposito, facile patefcit.

E X P L I C A T I O.

§. VII. In *priore* parte *α.* exhortatio occurrit verf. 1—4. *γ.* ratio movens & obligans verf. 5, 6. *α.* Exhortatio dirigitur *α.* ad cœlorum incolas & contenta verf. 1—3. *β.* *coelos* ipsos verf. 4. *α.* Adhortatio ad cœlestes
H h h h h
creaturas

Hh h h h

creaturas *a*. summation & in genere fit, vers. 1. *b*. Speciatim, cœlestibus creaturis recensitis vers. 2. 3. *a*. In genere his verbis, vers. 1. *Laudate Jehovaham de coelis, laudate ipsum in excelsis locis*. h. e. Deum Israelis, verum illum & veracem, justum & bonum, coruscis laudibus extollite vos cœlicolæ in excelsis illis sedibus vestris. *Objectum* laudationis est *Jehova*, adeoque Deus Israelis, a reliquis Diis sic dictis distinctus, qui solus verus Deus est, in dictis & promissis, creaturis suis factis, verax, & constans, in omnibus factis justus & bonus est: quæ nominis *Jehova* est nota emphasis, & significatio usitata. Sermo exhortatorius vertitur ad *coelicolas*, qui adpellantur de *coelo*; uti mox vers. 7. de *terra* terrestres creaturæ: non enim est epitheton Dei, ut videri possit, & capi posse observat Gejerus, sed *coelicularum*, ut, quod ipse, se corrigens; addit, ex vers. 7^{mo} patet, nec emphasis haberet epitheton de Deo intellectum; nec etiam *hucus* laudationis, ut Piscatori & aliis visum, acsi esset, de *coelo resonet laudatio* Dei, cum quod locus mox memoreretur, *in altis*, tum quod nulla tunc persona adpellaretur; ad quam sermo dirigeretur. De *coelo* itaque sunt *coelicolæ*, Deum laudaturi. Est autem locutio elliptica, pro *vos*, vel *qui de coelis* h. e. *coelestes*, uti *b* ex *po* genitivum format. *a* Imperatur vero ipsis *laudatio*, & quidem *in excelsis* instituenda: quem sensum fundit phrasis, *laudate eum in excelsis*; non Deum qui est in excelsis, nec etiam *vos*, qui ibi estis, sed *laudate in excelsis*. Cum enim modo *coelicolas* compellasset, & nunc alia constructione dicat *in excelsis*, & verbum *laudare* repetat, aptius exponi nequit, quam de *loco* laudationis instituendæ, ut Luc. II: vs. 14. *Gloria in excelsis Deo*. Quam apte vero *coelicolis* iungatur laudatio *in excelsis*, ut moneam, opus non est.

§. VIII. *b*. Cœ-

a Vid. Bootius anim. I. I. v. c. 1. & Schultens ad Prov. xxvi: 7. addo Jud. xx: 22. Jer. XLVI: 24. Ps. cxxxv: 21.

§. VIII. *b. Coelicolis* in genere memoratis subiungitur eorum specialis recensio, & quidem, .. ratione praedictorum, seu *Angelorum*, vers. 2. *Laudate ipsum omnes Angeli ejus, laudate ipsum omnes exercitus ejus*, h. e. omnes Angeli ministrantes ipsi, & qui exercitum ejus constituunt, laudate ipsum, quippe Dominum & imperatorem vestrum. Conf. Ps. ciii: 20, 21. ubi & verbum *benedicite*, ut hic *laudate*, repetitur, & qui modo *angeli*, mox *exercitus* ejus adpellantur, ut hic. Non itaque *corpora* coelestia per *exercitus* intelliguntur, sed angelorum epitheton aliquod traditur, cum in seq. de exercitu coelesti inanimato demum agatur. Notius autem est epitheton illud, Angelis tributum, quam ut moras injiciat. Ceterum cum *angeli ejus* & *exercitus ejus* compellantur, indicatur, eos Deum habere pro *domino*, & *imperatore* suo, adeoque ejus jussui esse subjectos, & ad ipsum celebrandum obligatos. 2. *Inanimatorum*, seu corporum coelestium respectu, vers. 3. *Laudate ipsum sol & luna, laudate ipsum omnes stella fulgida*: adeoque omnia corpora coelestia, sive sol, sive luna, sive stellae sint, vel propria, vel mutuatitia luce fulgentia: nam enim etiam Lunae & planetis tribuitur, ut Jer. xiii: 10. & Ez. xxxii: 8. Gen. i: 14--17. Ceterum inanimis imperari laudationem per fictionem personae, & ad indicandum, factura esse id corpora coelestia, si possent, satis tritum est. Addo, simul intendi, ut materiam laudationis praebeant creaturis rationalibus; nec in abusum ab iis rapiantur, ac idololatriam; uti factum est, *Laudate* itaque etiam est, laudationis materia sitis hominibus.

§. IX. *β. A coelicolis* transit poeta ad ipsos coelos, & aquas eorum, seu nubes, vers. 4. *Laudate ipsum coeli coelorum, & aquae, quae estis de super coelis*. h. e. Coeli, & suprema, & infima, eorum pars, adeoque & *supremum* coelum, sedes majestatis Dei & beatitudinis Angelorum & hominum, & *inferius*, seu sedes aquarum & meteororum, laudent

laudent Deum: sicut Pf. xix. *coeli enarrant gloriam Dei, & opus manuum ejus expansum*. Notetur tantum 1. *coelos* coelorum esse supremum coelum, stylo Script. Vid. ad Pf. LXVIII: 30. 2. *aquas super coelis* esse, quæ nubibus inclusæ sunt, & coelo aereo, seu expanso, supereminent: uti manifestum est ex Gen. 1: 8. quo etiam facit, quod *ים המלח* iidem coeli sint, quorum modo facta erat eadem voce mentio, a quibus *coeli* coelorum distinguuntur. Errant itaque, qui de aquis supra ipsa sidera cogitant, & eas hinc demonstrare conantur. Qua ratione vero coelis omnibus injungatur laudatio Jehovæ, ex modo dictis manifestum est.

§. X. 1. Subjungitur obligatio, & ratio movens coelicolarum ad Deum laudandum, vers. 5, 6. *Laudabunt nomen Jehovæ, quia ipse præcepit & creata sunt; & stare ea fecit in æternum; in seculum dedit statutum, nec transgreditur*. h. e. Non sine ratione me coelicolas excitare ad Deum laudandum, hinc facile patet, quod ad id obligati sint, & etiam vel faciant, vel facerent, si possent, per creationem & gubernationem Dei: sunt enim ejus creaturæ, & in sublimi ac firma statione positi, ab ipso in perpetuum gubernantur secundum certas & inviolabiles leges; qua creaturæ itaque, quæ ab ipso sunt, & diriguntur, ad id obligati sunt, & facient, quantum per naturam possunt. Adhortationi subjungitur 1. in fut. *laudabunt nomen Jehovæ*, ad indicandum cum obligationem, ut sit idem ac *debeunt*, tum ipsum factum, sed naturæ eorum convenienter; 2. ratio obligationis, & laudationis actualis, a *creatione & providentia* petita. Ad *creationem* pertinent verba, *ipse præcepit & creata sunt*. h. e. solo ejus jussu existere inceperunt, non ergo a se, sed a Deo sunt per *creationem*. Sed *providentiam* comprehendunt sequentia, *& stare ea fecit in æternum, in seculum dedit statutum, & non transibit*: quorum prius membrum ad *conservationem*, posterius ad *gubernationem* referre licet. Prius ita sonat, *& stare ea faciet in æternum*, sc. a quo tempore creata sunt,

sunt, consistere ea fecit, & faciet in æternum. Fut. in וְעָמִיד cum conversivo & præteritum & fut. includit; verbum vero dicit *consistentiam* firmam, & *stationem*, in loco & ordine suo, etiam sublimi, instar *ministorum*, qui verbum seu jussum Dei faciunt. Conf. Ps. וַיָּבִי: 20 & civ. Quam sensus amplitudinem habet verbum עָמַד: quod proprietatem habet in *fulciendo*, *firmiter sustentando*, tanquam *palo*, seu columna, inde *consistere*, *firmiter stare* a, sumitur quoque pro summo *culmine* & *fastigio* rei Ecclef. 11: 9. Dan. 11: 4. & in *statione*, seu *munere*, stare, seu de *praefecturis* & *imperiiis*. Dan. 1. c. Mich. v: 3. 1 Sam. xix: 20. Dan. xii: 1. Job. xxxiv: 24. Posterius membrum habet, in *seculum legem dedit* & *non transibit*, h. e. & legem quam dedit, non migrabit in seculum. *Lex* denotat normam agendi, secundum quam angeli & coelestia corpora effecta edere debent; sic חֻקִּים adpellantur etiam leges naturæ Jer. xxxi: 36. Hanc legem Deus *dedisse*, seu *fixisse*, & *firmiter statuisse*, declaratur, ita ut non sit mutaturus aut aboliturus, sed observaturus in perpetuum. Solet vox לֵךְ cum præced. לֵךְ construi, sed rectius cum seq. connectitur, ut Lxx fecerunt, quia, si hæ voces jungantur, solet constanter præmitti לֵךְ, & subungi לֵךְ, & dici, לֵךְ לֵךְ. Sensus itaque est, Deum dedisse præceptum in æternum, seu perpetuum, *quod non transibit*, scilicet Deus; licet posset quoque cum *præcepto* connecti, ut sit, præceptum non *abiturum*, recessurum esse; conf. Jer. xxxi: 36. imo ad coelicolas quoque referri, ut sit, neminem, aut nullum eorum transgressurum esse. Sed rectius forte ad Deum refertur, *qui legem dedit*, quod sermonis tenori, & usui Script., quo mox negative, quod modo positive, profertur, est convenientius. Ceterum ejus naturæ & status cum sint angeli, & corpora coelestia, facile patet, quam vana sit idololatria, qua tanquam *numina* quadam coli solent, & quam apte iis conveniat *laudatio*

H h h h h 3

Jeho-

* Vid. Schroeder ad Ps. x: 1.

Jehovæ, quamque aptam hominibus præbeant materiam Deum, creatorem & rectorem eorum, celebrandi.

§. XI. In *posteriore* parte, quæ ad terras & marium contenta spectat, & eodem ordine decurrit, *m.* adhortatio occurrit, vers. 7--12. *a.* in genere, vers. 7. his verbis; *laudate Jehovam de terra*, h. e. terricolæ; ut modo *de coelo*, vers. 1. Sed nomine *terras* etiam maria & aquæ comprehenduntur, adeoque dicit *globum terraqueum*, ex arida & aquis constantem. *β.* in specie, per terraquei globi contenta eundo, omnia, quæ in terra & aquis sunt, recensentur. *α.* Marium contenta, vers. 7. *ceti & universas abyfforum* h. c. monstra marina quæcunque, & quicquid præterea est in maribus omnibus. Vox *maria* licet in genere monstra, magna & longa, sive marina, sive terrestria, denotet, hic tamen ad *marina* restringenda est; cum mox subjungatur, & *universitas abyfforum*: accedit, Gen. 1. 11., quo hic respicitur, eo etiam sensu venire. Radices, *מַר*, *יָם* & *נַח*, quæ ejusdem sunt originis, proprietatem habent in *tendendo*, unde inter alia ad magna, vasta & longe extensa, corpora transfertur. Vid. Schroeder *a*, & Halæus *b*, qui etiam probat *de crocodilis* sumi, quod & ante ipsum fecit Ludolfus *c*, nec negat Bochartus *d*, licet alibi *e* disputet, *dracones* intelligi. Sed vox generalis est, ut dixi. Additur, & *universitas abyfforum*, ad reliquas omnes creaturas aquarum & marium significandas. Phrasis Hebr. est ambigua, quæ & ipsa maria & contenta eorum complectitur; quæ hic recte conjungimus.

§. XII. *b.* Sequuntur *meteora*, quæ ad terram respiciunt, vers. 8. *Ignis & grando*, *nix & vapor*, vel pruina, *ventus procellosus*, *faciens verbum ejus*. Cum meteora distinguenda *igneæ*, *aquææ*, & *aerææ*, secundum eam distinctionem voces capi possunt, ita ut *ignis* denotet *igneæ*

a Schroeder Disp. Acad. de voto Jephtæ *b* Halæus
de Leviathane p. 95. *c* Ad Hist. Aeth. p. 159. *d* H.
11. l. v. cap. 18. *e* Ib. l. 117. c. 14.

nea meteora, tonitru, fulmen & fulgur, *grando*, *nivis* & *vapor*, seu pruina, *aqua*, *ventus procellosus*, vel *procella*, aerea. Ambiguum tantum est in voce *נָפֶחַ*, nec non conjunctione vocum *נָפֶחַ מָיִם*. Vox *נָפֶחַ* potest significare & vaporem, exhalationem fumantem, & aquam congelatam; adeoque & *rorem* & *pruinam*; *ros* enim est fumans terræ & aquarum exhalatio, *pruina* est aqua vincla, & constricta frigore; radix enim *נָפֶחַ* & in fumum ac vaporem resolvere denotat, unde pro *suffire*, *suffumigare*, in usu est, & *ligare* ac *constringere*, ut apud Chald. & Arab., cui resp. Hebr. *נָפֶחַ*: posteriore notione sumferunt LXX., qui verterunt *κρυσαλ*, non adeo absurde, ac Clericus putat, junguntur etiam Ps. cXLVIII: 16. *nix* & *pruina*. Voces vero *נָפֶחַ מָיִם*, vel secum construi possunt, ut *ventum procella* denotent, vel, quod malim, seorsim capi, pro *vento* & *procella*, seu vento urente & radente, turbine aestu prædito, itineratoribus valde funesto in oriente. Radix enim dici, *arsit*, *aestuavit*. Denique not. est, ultimas voces, *faciens verbum ejus*, ad omnia meteora memorata pertinere; non ad solum *ventum*; ut sit, *unumquodque faciens*; quod est, pro *facientia verbum ejus*, vel *jussum*, ut Ps. cXLVIII. habuimus. LXX ideo reddiderunt, *καὶ ποτ' ἔρρα*.

§. XIII. c. Transit poeta ad partes terræ, & inanimata, quorum memorat arbores frugiferas, & excelsas, seu *cedros*: vers. 9. *Montes & omnes colles, arbores frugiferae, & omnes cedri*. Quorum, speciminis ergo, ex omnibus inanimatis, terræ contentis, mentio fit, propter summam celsitudinem, firmitatem & commoda, quæ præstant; quibus eadem laudatio Dei incumbit, quæ ceteris omnibus: quod Deus solus sit excelsus, & creator, summusque gubernator omnium. d. Pergitur ad animata irrationalia vers. 10. *Ferae & omnia jumenta, reptile & aves alatae*. h. e. Ferae & domesticæ bestiae, minimæque quadrupedum, & insecta, nec non volucres. Hac enim ratione voces

tes sunt explicandæ; חיה denotat in genere quævis animalia, hic vero *feras* bestias, a *jumentis* distinctas, quæ nomine בהמה veniunt; ut Gen. 11: 24. Vid. Bochartus a: רמש autem minoris molis animantia denotat hoc loco, quæ sese *agiliter* movent, sive currant, sive repant. Radix enim proprietatem habet *vibrandi*, seu cum *vibratione palpitandi*: sumitur, vel latius pro omni animali, quod vi se movendi pollet, vel strictius, sive pro animatis minoris molis & reptilibus, ut hic, sive *piscibus* se celerrime vibrantibus, uti Ps. civ: 25.

§. XIV. e. Vertit dein sese ad creaturas rationales in terra, cujuscunque status & dignitatis, ætatis & sexus, vers. 11, 12. *Reges terræ & omnes populi, principes & omnes judices terræ: juvenes & etiam virgines, senes cum pueris.* h. e. Rectores & subditi omnes, rectoresque cujuscunque status, sive reges sint, sive principes & imperatores, sive *judices terræ*, qui jus dicunt, cujuscunque etiam sexus & ætatis, sive juvenes sint, sive senes, sive pueri, sive virilis, sive foeminini sexus; omnes vos laudate Jehovam, supremum regem, & judicem, cujus omnes homines sunt subditi, & hoc respectu æquales, eadem omnium est ad Deum relatio. Quæ nihil habent difficilis.

§. XV. ב. Sequitur omnium memoratorum obligatio ad Deum laudandum, actu etiam præstanda laudatio, cum rationibus moventibus & materia laudationis, vers. 13, 14. *Laudabunt nomen Jehovæ, quia nomen ejus est solum sublime, majestas ejus super terram & coelis; & extulit cornu populi sui, splendorem radiantem piorum suorum omnium, filiorum Israelis, populi propinqui sui.* Quæ a. exhibent obligationem ad Jehovam laudandum, ad quod modo excitaverat terræ incolas, ejusque præstationem actu faciendam ab omnibus, si possent, vel scaperent, a multis re vera per orbem, his verbis: *laudabunt nomen Jehovæ*; non ut modo, *laudate*, sed *laudabunt*. h. e. debent, obligati sunt

sunt omnes, & facient quoque prout possunt, sive materiam præbendo hominibus id faciendi, sive etiam actu id præstando. Plane uti vers. 5. habuimus. *β.* Rationem & materiam laudationis repræsentant, eamque *duplicem*, alteram *generaliorem*, alteram specialiorem ad populum Dei pertinentem. *a.* Prior his verbis continetur, *quia excelsum est nomen ejus solum, majestas ejus super terra & coelo.* h. e. Quicquid in terra est, in primis ratione præditum, materiam & rationem habet Jehovah celebrandi, quod ipse sicut supremus est, terræ & coeli Dominus, ita sese talem nunc in terra demonstravit, signa & effecta suarum perfectionum & virtutum dando, quibus nomen suum solum esse excelsum & gloriosum patefecit. Utrumque enim hic adferitur, & Deum solum esse excelsum regem Dominumque coeli ac terræ, & Deum sese talem, cum prostitutione omnis excelsi in terra, præstitisse; uti ex Jes. iii: & Jes. xxxiii: 5, 10. ubi de hoc ipso tempore agitur, egregie confirmatur: ubi vid. Cl. Commentator. Quod exiliore & primo sensu fecit illustriore modo, quam antea, temporibus Maccabaicis, quibus judicia exercuit in potentes & excelsos terræ, seseque totius naturæ Dominum potentissimum, justum ac æquum demonstravit, sed sublimiore sensu tempore Messiae, quando nomen suum summopere exaltavit in Filio suo; uti notum est. Conf. Ps. viii: 2. & ibi dicta. Nihil hic habeo præterea notandum, nisi *posterioris* membri, *majestas ejus est super terra & coelo*, sensum esse, majestatem Dei, regis & Domini, æque in terra esse manifestatam, ac in coelo, conf. Ps. viii: 2. & ibi dicta, & in eo sitam esse *nominis* Dei exaltationem.

§. XVI. *b.* Posterior materia & ratio, ad populum Dei spectans, ita habet, vers. 14. *& extulit cornu populi sui, splendorem radiantem piorum suorum omnium, filiorum Israelis, populi propinqui sui.* h. e. Sicut Deus rationem se celebrandi in orbe præbuit per nominis sui solius ex-

altationem in humiliandis & prosterndis omnibus potentibus & excelsis in terra: ita haud minorem dedit in eo, quod populum Israelis in statu sublimi, glorioso & prospero, collocavit, & gloriationis materiam ei præbuit abundantissimam, eaque ratione demonstravit, Israellem esse populum suum peculiarem, & pios, sui que studiosos, sibi curæ cordique esse. Oratio cohæret cum præced. per partikulam conjungentem &, adeoque censenda est, rationem & materiam celebrationis Dei, a tota terra faciendæ, quoque exhibere: est autem ea ratione concinnata, ut 1. beneficium in populum Dei collatum in genere exponat, 2. populum Dei specialius definiat, eum *filios Israelis* adpellando, & *populi propinqui Dei* elogio ornando.

§. XVII. 1. Beneficium his verbis exprimitur, *extulit, & extollet, cornu populi sui, splendorem radiantem omnium piorum suorum*. Quæ in duo membra sunt dividenda, quorum posterius est prioris explicatio & amplificatio; *prius* enim est *figuratum*, *posterius* magis proprium, & *priori*, eo, quo dixi, scopo, subjunctum: quod enim modo dixerat, *extulit cornu*, illud mox explicat per *splendorem radiantem*, ac gloriabundum; & quos modo *populum Dei* adpellaverat, eos mox *pios ejus omnes* adpellat. *Prius*, figurate expressum, habet, *extulit, efferetque cornu populi sui*; fut. enim cum, conversivo, ut dicitur, præter. & fut. involvit; adeoque indicatur, Deum id fecisse, & facturum esse magis. *Extollere cornu populi*, figurata phrasi, ab animantibus, quorum robur & excellentia est in *cornibus*, desumpta, denotat cum robur invictum, quo hostes ferit, dare populo, tum potentem, gloriosum & prosperum, reddere populum, tum denique supremam majestatem in eo erigere. Quæ omnia hoc emblemate comprehensa sunt, uti exposui ad Ps. cxxxii. 17. & Deus Israeli fecit tempore Maccabaico, uti notum, & sæpe a nobis alibi observatum est; sed faceret adhuc illustriore modo in
Messia

Messia sub Oeconomia nova, regno spirituali, potentissimo & gloriosissimo ac beato, in Israele condito. Quod verbo tetigisse suffecerit.

§. XVIII. *Posterius*, magis proprie prolatum, hæc verba exhibent, *splendorem radiantem omnium piorum suorum*. Quæ, absolute & sine copula præcedentibus addita, eo, quo dixi, spectant, ut *elatio cornu* explicaretur & illustraretur, tanquam in eo sita, quod pii Dei in splendida fortuna, cum gloriatione conjuncta, sint collocati. Vox itaque חַרְחָל habenda est pro epitheto *cornu* exaltati, ad indicandum, *cornu* esse splendidum & coruscum, & adferre gloriationem; quod eo aptius additur, quia ipsa vox, *וְ* quoque splendorem involvit. De quo pluribus alibi *a* discrui. Alibi habetur *cornu extollere in gloria* Ps. cxii: 9. & cum *lucerna* copulatur Ps. cxxxii: 17. etiam cum חַרְחָל Ps. lxxv: 5. ad quæ loca vid. dicta. Vox vero חַרְחָל proprie denotat *splendorem ex alto radiantem*, inde splendidam gloriosam & prosperam conditionem, etiam gloriationem inde ortam. De quo vid. Schroeder *b*. Ceterum *piorum Dei* epitheton, *populo* additum, sicut nos manu quasi ducit ad *Chasidaos*, quo titulo legis & Dei studiosi tempore Maccabaico insigniti sunt, ita significat, beneficium, in populum collatum, ad *pios illos*, & legis studiosos, Deo devotos, proprie pertinere, & in eorum gratiam concessum; sicut & sub Messia tales sunt, qui sortem habent in regno ejus glorioso & beato.

§. XIX. 2. Reliquæ voces *filiorum Israelis*, *populi propinqui sui*, subjunctæ sunt, ad populum Dei & pios ejus ulterius definiendos & describendos, adeo ut de *filiis Israelis*, populo Dei, cogitaremus, & singulare ejus privilegium, nunc maxime in lucem prolatum, quo *populus propinquus Dei* est, ad animum revocaremus. Nihil hic difficilis. *Populus propinquus Dei* est, cui Deus est *propinquus*, Deut. iv: 7. & cujus est, ad Deum adpropinquare in

liiii 2

obedien-

a Diff. f. 1. i. c. 2.

b Ad Ps. x.

obedientia, precibus & cultu, cum fiducia exauditionis & benedictionis: qui itaque *Deo* ipse est, & cui *Deus*. Conf. Pf. LXXI: 28. & ibi dicta. Aliud hic non quæro mysterium.

§. XX. Ceterum, cum materia & ratio Deum Israelis a tota terra celebrandi repetatur ab eo, quod Deus nomen suum excelsum fecerit, & populum Israelis in statu firmo, splendido & prospero, posuerit tempore Macabæico; notandum est, ut vis obligationis toti terræ incumbentis, & ab omnibus incolis præstandæ, elucescat, 1. Jehovaham hac ratione factum esse omnibus conspicuum, tanquam solum verum Deum, supremum coeli & terræ Dominum; quo nomine dignus erat, qui laudetur ab omnibus, & solus celebretur. 2. Populum Israelis fuisse publice demonstratum Deo esse gratum, & populum ejus peculiarem; in cujus communione vera felicitas sit quærenda; quo nomine Deus erat celebrandus & colendus ab omnibus, & religio Israelis honoranda per totam terram: quod etiam fieri coepit. Conf. Jes. xxv. & ibi Cl. Commentator. 3. Manifestationem celsitudinis Dei, & exaltationem populi Israelis, tunc factam, arcto nexu cum oeconomia & regno Messiae cohærere, ut sæpe observavimus, & demonstravimus; cui in emphasi hæc omnia conveniunt, & celsitudo nominis Jehovahæ solius, & exaltatio populi Dei, & denique celebratio Dei a tota terra facienda, cum salus ea ad omnes pertineat, & tota rerum natura inde stabilitatem ac consummationem suam accipiat. Quo pertinet, ne alia memorem, quod Ap. v: 13. habetur, *res omnes conditas, quæ in coelo sunt, & in terra & sub terra, & quæ in iis omnia, audiui dicentes: ei, qui insidet throno, & agno, benedictio, honor gloria & robur in secula seculorum.* Ubi Vid. Cl. Commentator. Nobis dicta sufficiant.



P S A L M. CXLIX.

1. *Halleluia. Celebrate Jav, cantate Jehovae canticum novum, laudationem ejus in coetu Chasidaeorum, seu piorum.*
2. *Laetabitur Israel in factoribus suis, filii Tſionis choreas ducent in Rege suo.*
3. *Celebrabunt nomen ejus tripudio, tympano & citbara psallent Ipsi.*
4. *Quia gratum habet Jehova populum suum, ornabit humiles salute sua.*
5. *Exultabunt Chasidaei, seu pii, in gloria, laeta sonabunt super cubilibus suis.*
6. *Exaltationes Dei in gutture ipsorum, & gladius acutissimus anceps in manu ipsorum est, eritque.*
7. *Ad ultionem agendam in gentes, redargutiones in populos.*
8. *Ad reges eorum vinciendum catenis, & honoratos eorum compedibus ferreis.*
9. *Ad faciendum tuis judicium scriptum. Deus Ipse omnium piorum suorum.*

PROLEGOMENA.

§. I.

Argumentum Pf. est exhortatio, ab oratore aliquo facta, qua populus, & in specie coetus Chasidæorum, excitatur ad lætum aliquod carmen in laudes Dei canendum, quo, rebus in melius mutari coeptis, & Deo populum sibi acceptum esse demonstrante, spem & expectationem feliciorem temporum, quæ instabant, lætus & gratulabundus palam proferat, quibus Israelitæ & Thionitæ lætarentur in factore & rege suo, eique læta carmina in signum grati animi accinerent, Chasidæi vero exultarent in gloria, & secure ac quieti jubilarent, posteaquam judicia Dei in gentes & populos, eorumque reges & principes, essent executi, quibus vindicta de iis sumpta est, & illi subjugati sunt, ac prostrati. Posteaquam poeta exhortationem populi & Chasidæorum ad novum carmen in laudes Dei canendum præmisisset, argumentum cantici fufius exponit, quo eos uti velit; in eo situm, quod temporum fortunatorum, quæ instabant, lineas ducerent, declararentque, Israelem & Thonitas in Deo factore & rege suo esse lætatu- ros, Deum, qui populo suam benevolentiam jam demonstrabat, populum salute esse honoratum, Chasidæos, seu pios & strenuos legis & cultus Dei vindices, esse in gloria exultatu- ros, ac securos jubilatu- ros; quippe judicia Dei in gentes & populos hostiles, quibus ultio de iis sumeretur, & illi reprimerentur ac subjugarentur, exsecuturos, & summo decore fulsuros.

§. II. Ad cujus argumenti conspectum pertinet observasse 1. Chasidæos, jam in coetum coactos Hierosolymis, & populum novis favoris Dei signis mactatum, ac in certam spem feliciorem temporum erectum, excitari ad carmen

men Deo accinendum, carmen *novum* & latum, vers. 1, 4. in priore membro. 2. Carminis canendi argumentum, quod vers. 2. incipit, ut mox patebit, respicere ad tempus futurum, sed mox, vel brevi, secuturum; uti liquet ex verbis fut. temp., adeoque in certæ spei & expectationis testificationem populo canendum in ore dari. 3. *Felicitatem* illam, quam sese expectare hoc cantico novo declararent, in eo sitam esse, quod α. Israel & Tſionitæ Deum haberent pro rege suo, in eo lætarentur, & choreas ducerent, gratias acturi pro salute & liberatione, qua ornati erant, vers. 2-4. β. Chasidæi, seu principes populi, gloria & honore coronati, exsultarent & quiete agerent, jubilarentque; eo quod judicia Dei gloriose & feliciter essent executi in gentes & populos hostiles, a Deo per se superatos, & subjugatos. vers. 5-9.

§. III. Quæ si recte advertantur, nullum tempus huic cantico esse adcommodatius, facile adparebit, eo, quo Judæi per Maccabæos vindicati sunt in plenissimam libertatem & prosperitatem sub Simone & Joh. Hyrcano. Quod enim de tempore Davidis, aut statu reducum ab exilio Babylonico, cogitant plures Interpretes, illud omnibus partibus non satisfacit. Tempore Davidis solum Deum non habuerunt regem, nec Chasidæis tribui potest victoria de populis, quæ Davidi competit; nec vindictæ divinæ ab iis sumptæ tantum gerit conspectum. Alienior multo est a statu reducum subjugatio populorum hostilium, & prosperitas hic descripta, ut facile adparet; nec spes aut expectatio, mox futura, reducibus illis in ore ab aliquo propheta commode potuit dari. In tempora Maccab. cuncta aptissime quadrant, & de illis ubique in verbo prophetico hunc in modum sermo fit; in primis Jes. xxiv, 14, 15, 21-- quo hic censeri potest respici: ut suo loco patebit. Cum vero canticum, Israeli in ore datum a poeta, felicitatem tanquam futuram & expectatam repræsentet; probabile mihi fit, illud Israeli esse tribuendum, quo tempo-

re res populi coeperunt in melius mutari, seu Hierosolyma a Juda Maccabæo recepta & repurgata est, sacris instauratis: cui cuncta egregie congruunt; quodque confirmatur ex Jes. xxiv: 14, 15. ubi simile fere canticum ab iis eo tempore canendum esse prænunciatur.

§. IV. *Scopus* est, ut facile adparet, populo ejus temporis, quod definivi, formulam in manus dare, secundum quam Deo pro acceptis beneficiis gratias agerent, & spem ac expectationem ulterioris subjugationis hostium, & felicitatis populi consummandæ per Maccabæos, testificarentur, denique eos in ea spe per hoc canticum, divinitus datum, confirmare; ne animis in posterum despondeant; sed ut in opere suscepto strenue promovendo & patienter pergerent, de felice successu securi.

§. V. Quod ad cantici *structuram* adinet, notandum est, incipere cum adloquio ad populum, & dein sermonem constanter fieri de populo Israelis in tertia persona. Cujus mutationis personæ aptior nequit reddi ratio, quam, quod vers. 2. carminis novi argumentum a populo adhibendum tradatur; ita ut vers. 1. populus excitetur ad novum canticum canendum; dein ipsum illud canticum, quo uteretur, sequatur. *Stylus* est planus & facilis, nihilque habet singulare. *Partes* Pf. generales duæ sunt, ut ex dictis sponte sua sese offert: quarum *prior* adhortationem continet ad novum canticum Deo canendum in coetu piorum, vers. 1. *posterior* vero ipsum canticum, seu ejus argumentum, vers. 2.-9. quod recte in *duas* dividitur pericopas pro diversitate personarum, quarum prosperitas describitur; *prior* pericopa ad totum respicit populum, vers. 2.-4. *posterior* ad Chasidæos, tanquam judiciorum Dei executores, vers. 5.-9.

ANACRI.

A N A C R I S I S.

§. VI. Tempore, cui Ps. recte concinit, definito, ulteriore investigatione hypothesios ejus explicandi vix opus est, cum nihil ab eo tempore alienum hic occurrat: quare Interpretes maximam partem hic consentiunt, circa tempus compositi Ps. tantum secum dissentientes, & errantes; ut modo vidimus. Sunt tamen, qui regni Messiae lineas hic duci existimant, sive in genere considerati, sive in fine seculorum. Quod posterius præferendum foret, cum gladius in manu, ad vindictam de gentibus sumendam, minus conveniat in pios & Christianos, nisi mystice, sine ratione, & contra verum orationis tenorem & conspectum, capiatur pro verbo Dei. Sed nec in Christianos principes, sub finem œconomiae novæ, quadrat, quod in genere dicantur de *gentibus & populis* vindictam sumturi, & iis jugum imposituri. Cum tamen tempus Maccabaicum partim regnum Messiae in genere expinxerit, partim in harmonia factorum V. & N. T. respondeat ultimo tempori regni Christi, Ps. eo ultimo referri patior, modo convenienter naturæ ejus œconomiae explicetur. Nobis propositum est sensum primum illustrare, & secundum jactam hypothesin Psalmum explicare de tempore Maccabaico; sensu sublimiore cujusque meditationi relicto.

E X P L I C A T I O.

§. VII. Exhortatio ad novum canticum Deo Israelis accinendum in cœtibus piorum, quæ priorem Ps. partem constituit, his verbis fit, vers. 1. *Cantate Jehovah canticum novum, laudationem ejus in coetu Chasidæorum.* h. e. cum pii & legis studiosi, ejusque vindices & strenui pro-

Kkkkk

pugna-

pugnatores, conventus publicos instituere possint., & agant, ac felicissima tempora ante fores sint, qualia, uno forte, alterove excepto, antea non fuerunt; excito vos, ut novum canticum in cœtu vestro Deo ad eum laudandum publice accinatis. Adloquitur poeta, tanquam orator, qui præsens adest, populum, in cœtum coactum, & hortatur ad novum canticum in eo, se præeunte, canendum. Non dicit, in *coetu* vestro, sed *piorum*, seu Chasidæorum, ut indicaret; iis esse acceptum ferendum post Deum, quod in *coetus* coire possint, seu conventus sacros habere publicos; ab iis etiam institutum esse conventum in memoriam *renovationis* sacrorum. *Chasidei* hic sunt in emphasi sic dicti, qui pietatem in Deum, legem & populum, egregie demonstraverant; quales fuerunt Maccabæi, & eorum socii, eo titulo in historia notissimi. Cani vero cum vult canticum in *coetu* ipsorum, *indicat*, *coetum* seu conventum sacrum, & solennem, locum rursus habere, & canticum esse publice canendum inter exercitia sacra, in specie forte illo in conventu, sic eximie dicto, quo sacra primum sunt instaurata, qui dein quotannis eodem tempore celebraretur. Quod tempori Ps. compositi recte convenit, & ex historia confirmatur 1 Macc. iv: 54. &c. Denique canticum *novum* adpellatur relate ad circumstantias temporis, & felicitatem singularem, qua populus gaudebat partim, partim gauderet in posterum: quo sensu *novum* adpellatur canticum, ad Salomonis tempora spectans Ps. xxxiii: 3. & cxliv: 9. ubi vid. dicta. Denique cum dicit, canite *canticum novum Jehovæ laudem ejus*, nihil aliud vult, quam canticum esse *laudatorium*, & in laudes Jehovæ canendum; quod non est difficile.

§. VIII. Ipsum canticum, quod cani vult, α. ad totum populum Israelis & Tzionitarum pertinens, vers. 1-4. α. lætitiā populi, ejusque publicam demonstrationem, in Jehova, formatore & rege suo, secundum certam expectationem populi futuram, complectitur, vers. 2, 3. β. ejus

β. ejus rationem & fundamentum vers. 4. α. Prius his verbis vers. 2, 3. *Latabitur Israel in factoribus suis, filii Tſionis choreas ducent in rege suo: celebrabunt nomen ejus tripudio, tympano & cithara psallent ipsi.* h. e. Dicite cantico novo, ad quod vos excito, totus populus Israelis, in specie Tſionis incolæ, quæ nostra est expectatio: summa lætitia ad choreas usque gaudebunt in Jehova formatore suo in populum & rege, ejusque communione, favore & cultu, eamque demonstrabunt saltatione & instrumentis musicis ac cantu in honorem nominis ejus. Significatur, tempus instare, cujus primordia jam exstabant, quo Israel & Hierosolymitani 1. Jehovam, formatorem & regem suum singulari modo experirentur, ejus, quæ talis, favore, patrocínio, ductu, & benedictione fruerentur. 2. Eaque ratione summa lætitia, ad exultationem usque, gavisuri: denique 3. eam pie, devote, in honorem Dei, quovis modo per tripudia, instrumenta musica, & cantus, demonstraturi. Nihil hic nostræ curæ relictum fere est; quare uno alterove observato defungi potero. 1. *Israel & filii Tſionis* ita distingui possunt, ut priore titulo Judæi in genere, & posteriore Hierosolymitani in specie designentur, vel Israelitæ describantur, tanquam omnes Tſionis cives, & qui Hierosolymis in specie lætitiam suam festis sacris demonstrarent. 2. Jehova adpellatur *factor*, vel, cum respectu ad Trinitatem, *factores* populi, ac *rex*, relate ad primam populi institutionem & formationem; quem usum titulus *factoris* passim habet respectu populi, ut Deut. xxxii: 6. Ps. xcv: 6. c: 3. & alibi. Num. plur. ad Trinitatem respicere, alibi disputatum est, & probabile factum. 3. In Jehova, qua *factore* & *rege*, lætari cum dicitur populus, indicatur, Deum sese talem nunc præstitisse & præstare; adeoque populum denuo *formasse*, & ejus *regem* esse; quod in tempora Maccab. apte quadrat. 4. *Lætari & choreas ducere*, quod proprie est, dicit lætari ad choreas usque; quod alias di-

citur lætari לָאֵלֶּיךָ אֱלֹהִים. Denique §. celebrare Deum הָמָּנָה est saltatione & tripudio id facere; sicut tympano & citbara per instrumenta musica; solennia lætitiæ & festivitatis signa.

§. IX. β. Rationem & fundamentum hujus lætitiæ, quam populus expectabat, hæc verba exhibent, vers. 4. *Quia gratum habet Jehova populum suum, ornabit humiles salute.* h. e. Cum Deus, verax & bonus, populum suum acceptum habeat, illudque & nunc, liberationem nostram auspiciando, demonstraverit, jure merito expectamus perfectam liberationem, & felicitatem, qua humiles & mansuetos nos ornabit; quæ populo summam illam adferet lætitiā. Declarant cantatores certam suam expectationem perfectæ liberationis, mox secuturæ, cum dicunt, *ornabit humiles & mansuetos salute*, seu plena educatione ex angustiis in liberum ac prosperum statum: quem usum vox שָׁלוֹם frequenter habet, ut Ps. ix: 15. cxviii: 14. Jcf. xxxiii: 2. & alibi; & eam felicitatem fore causam significant tantæ lætitiæ, modo descriptæ. Fundant vero suam expectationem in eo, quod Jehova *acceptum habeat populum suum*. Hunc enim conspectum habet prius membrum, quo verbo præf. temp. utuntur, *acceptum habens populum*: uti proprie sonant. Constabat autem de eo ex præteriti temporis multiplicibus signis, quibus Deus hoc demonstraverat; sed & nunc in præsentia idem fecerat, novo specimine complacentiæ suæ dato in primordiis liberationis concessis, quando hic Ps. factus est; unde colligebant de futura liberatione perfecta. Ceterum de implemento satis constat, vel ex i Macc. xiv. quod solum sufficit.

§. X. γ. Altera pars cantici, ad Chasidæos pertinens, α. statum eorum gloriosum, pacificum & securum, quo lætitiæ indulgerent & jubilis, repræsentat, vers. 5. *Exsultabunt Chasidæi in gloria, læta sonabunt super cubilibus suis.* h. e. Dei, populi & Ecclesiæ, zelotæ, ac propugnatores

tores strenui, in statu glorioso & pacifico ac prospero lætitiā omni modo, & corpus jactando, & lætas edendo voces, demonstrabunt. *Chasidæi* חסידים, sunt in genere Dei & hominum amantes, Deo & religioni devoti, ac erga homines benefici, in specie principes & sacerdotes, causam Dei & populi summo zelo agentes; quales fuerunt David; inde חסיד dictus Ps. IV: 4. & sacerdotes eo nomine digni, & חסידים quoque adpellari soliti, ut Ps. cxxxv: 16. in specie Maccabæi, & principes & sacerdotes summi, quorum is titulus est proprius, Ps. cxvi: 15. & alibi, ac in historia Maccabaica. Qui & hic intelligendi sunt. De illis prænunciatur, eos in gloria futuros, ac super cubilibus quieturos, eoque in statu lætitiā summa esse perfundendos, per corporis *agitationem* & *lætas voces* demonstrari solita: quo verba עליו & רץ respiciunt; prius enim, cui respondit עליו & עליו, proprie dicit *motitationem pedum irrequietam*, ac dein omnem adfectum impatientiorem, qui loco stare non permittit, sed ad jactationem corporis impellit, *posterius* proprie denotat *tremulum & tinnulum sonare*; a sono fictum: ut sæpe alias observavimus. In gloria autem id facere, est in statu glorioso, & ejus causa: super cubilibus vero dicit, in statu *seculo*, quieto, & prospero: vid. ad Ps. III: 6. & IV: 9. De implemento sub Simone & Hyrcano satis constat ex historia, quare nihil addo.

§. XI. β. *Modum* exhibet, quo ad illum statum pervenerent Chasidæi, & *adjunctum ejus*, in eo situm, quod Deum exaltatum proclamarent, & gladium ejus vindicem gererent, quo de populis vicinis vindictamsumerent, & reges ac principes publice prostituerent, judiciisque divinis traderent, quibus subjugarentur, seu delerentur, vers. 6—9. *Exaltationes Dei in gutture eorum*, & *gladius acutissimus anceps in manu ipsorum* est, eritque; *ad ultionem agendam in gentes*, *redargutiones in populos*, *ad vincendum reges eorum catenis*, & *honoratos eorum compedibus fer-*

reis, ad faciendum iis iudicium scriptum. Quæ verba, eo, quo dixi, scopo, præcedentibus apte subnexa, antecedens continent & consequens. Prius est, quo exaltationibus Dei & gladio ejus forent instructi Chasidæi, de quibus hic agitur, vers. 6. *Exaltationes Dei fortis in guttore ipsorum, & gladius anceps in manu ipsorum.* h. e. celsitudinum Dei præcones, & justitiæ ejus executores publici sunt, eruntque, ad id a Deo destinati, & donis necessariis, viribusque instructi. Duo enim de Maccabæis prædicantur, alterum est, eos celsitudinum Dei fore proclamatores, alterum, justitiæ Dei executores: prius his verbis; *exaltationes Dei fortis in guttore ipsorum.* h. e. Celsissimas Dei perfectiones & virtutes, nomenque ejus solum excelsum, eructabunt & proclamabunt, sicut ex parte fecerunt, ad Deum glorificandum, eique gratias agendas, simul fiduciam suam in Deo & animositatem significandam, nec non palam demonstrandum, se esse eos, per quos Deus sese exaltat & gloriosum præstat. *Exaltationes Dei* sunt cum celsissimæ & gloriosissimæ ejus perfectiones & virtutes, publice manifestatæ, in specie per aggressus hostiles, quibus Deus superioribus temporibus hostes populi sui prostravit ^a, sicut vox sumitur Jes. xxxiii: 3. tum earum agnitio & celebratio; prout vox *Dei* vel subjective capitur, vel objective; quod utrumque hic locum habet. Cum vero illæ dicuntur in *guttore ipsorum* esse, significatur, eos Deum, qua talem, ex intimo corde glorificare cum gratia. um actione; simulque publice manifestare & proclamare, quatenus celsitatibus Dei nixi, & eas in ore habentes, opus aggrediuntur, simul eas per opera sua promulgant. *Posterius* hæc verba declarant, & *gladius anceps acutissimus in manu ipsorum*, scilicet gladius *Dei* omnia penetrans: quæ figurata est locutio, qua indicatur, eos esse justitiæ Dei publicos ministros, & iudiciorum

^a Vid. Rev. Sypkens in Disp. ad V. T. sub Cl. Schroedero p. 29.

ciorum ejus executores; uti ex nexu & serie orationis manifestum est. Cum enim modo *exaltationes* Dei fuerint memoratæ, quas in gutture habebant, & mox iudiciorum Dei in populos mentio fiat, *gladius in manu* eorum alius esse nequit ac *Dei*, voce *hæ* repetita. Accedit, parum ad rem facere eos *gladium ancipitem in manu habere*, quod parum aut nihil diceret, nisi de gladio Dei, ipsis in manus dato, intelligatur. Sic Gideon & milites ejus proclamabant, *gladius Dei & Gideonis* Jud. vii: 20. Propius accedit Jes. xxvii: 1. *die illa visitabit Jeebva gladio suo duro illo, & magno & valido &c.* ubi de eadem re agitur, de qua hic. Epitheton *נֶרְבָּא*, gladio datum, denotat vim ejus penetrantissimam & irresistibilem. Vox denotat *ora*, acies gladii, & in plur. *duas* acies, adeoque gladium ancipitem, sed duplicata ex *נֶרְבָּא נֶרְבָּא* conflata, ancipitem acutissimum, & penetrantissimum; quæ vis est duplicationis; uti notum. *Gladius Dei* est vindicta divina, cui nihil resistit, publice sumta, & *gladius in manu* Chasidæorum significat, eos esse a Deo ad iudicium exsequendum destinatos & aptatos. Sic Ez. xxx: 28. *firmabo brachia regis Babylonis, & dabo gladium meum in manus ejus.* Ex quibus facile patescit, quam male de verbo evangelii, & ejus præconibus, hic cogitetur: *gladius* enim est vindex & ultor, quo de populis & eorum principibus vindicta sumitur, & iudicium summi Judicis in eos executioni mandatur: uti mox sequitur.

§. XII. *Consequens* enim, quod mox subjungitur, sententiæ judicialis executionem comprehendit, *cum in genere in gentes & populos, tum in specie in eorum reges & principales.* Prius his verbis, vers. 7. *Ad faciendam ultionem in gentes, & redargutiones in populos.* h. e. Eo scopo & eo cum effectu gladio Dei armati sunt Chasidæi, ut de gentibus & populis hostilibus vindictam fumerant, quæ justitiæ divinæ, & justæ causæ populi Dei clarissimam habet demonstrationem. Membra, elegantis causæ

causa divisa, cohærent, & secum connectenda sunt, adeo ut ultio & coargutiones copulentur, & ad gentes ac populos una adplicentur. *Vindicta* & *coargutiones* itaque est vindicta, quæ simul arguit, vel claram adfert demonstrationem judicii Divini in populos, Ecclesiæ Dei hostes ac oppugnatores, quo illi convincantur & pudefiant, populus Dei justificetur & triumphet. *Excandescuntiam* & *coargutiones excandescuntiae* eadem ratione conjungit & adpellat Ez. v. 15. Radix כח proprie est, *candicavit*, in Hiph. *fecit, ut candicaret aliquid*. h. e. clare rem arguit, evicit, docuit & castigavit ad convictionem. Habuit utique judicium Dei per Maccabæos exercitum hunc conspectum, & *vindictae*, & *convictionis*; causam enim suam, & populi, Deus vindicavit, injuriam populo illatam ultus est, populos clarissime de injustitia Israeli facta, & de veritate Israelis, tanquam populi Dei, & vera religione præditi, convicit. Sic & alibi *vindicta* adpellatur, uti Ps. LXXIX: 10. Ezech. XXV. 17. notabili in hanc rem loco, ubi hæ ipsæ voces junguntur, & res ipsa exponitur: & *faciam in eos vindictas magnas, in coargutionibus excandescuntiae, & cognoscent, me esse Jehovam, qui dedi vindictam meam in eos*. Conf. etiam de *coargutionibus*, tum factis, Jes. XXV: 7, 8. & ad locum eum Cl. Comment. De *gentibus & populis* nihil observo, cum facile sit, intelligi vicinos & hostiles, Syros, Philistæos, Idumæos, Moabitas, Ammonitas, Samaritanos, alios.

§. XIII. *Posterius*, in specie ad reges & principes spectans, ita habet, vers. 8, 9. *Ad vincendum reges ipsorum catenis, & honoratos eorum compedibus ferreis, ad faciendum in eos judicium scriptum*. h. e. Reges in specie & principes populorum illorum hanc vindictam experientur per Maccabæos, & propter eos, quatenus sententia Dei judicialis, lata in ipsos, executioni mandabitur, quo palam sunt, tanquam infames & scelerati, traducendi, & mala morte addiendi. Locutio est figurata, desumpta a ministro justitiæ, qui sceleratos capit, & catenis constringit, sententiamque mortis

mortis in eos latam a iudice publice exequitur. Quo sicut omnes phrasas ducunt, ita ex eo faciles nanciscitur explicatus epitheton *scripti*, quod *judicio* additur. *Judicium*, sic enim vertenda est vox *מִשְׁפָּט*, & non *jus*, aut institutum, quod huc non quadrat, *judicium*, inquam, *scriptum* dicit sententiam judicalem a iudice pronunciatam, & ex scripto legi solitam, uti recte advertit Clericus; adde, *scribere* eo sensu sumi pro sententiam judicalem ferre, & promulgare Job. xiiii: 26. *quoniam scribis super me amaros* &c. & *scriptum* Arab. est pro *sententia judiciali* protritum, ut ibi observat Cl. Schultens. Interpretes hic aliena sectantur, quos mitto. Ex quo sponte sua elucescit, quid sibi velit, quod reges & honorati dicantur *catenis* & *compedibus ferreis vincendi*: non sunt proprie dictæ *catenæ* & *compedes*, quasi ducerentur in captivitatem; sed locutio est metaph. qua tragica sistitur imago, quæ sub catenis nobis sistit caput aliquod noxium, quod divinitus plectendum est in theatro orbis terrarum, ad justitiæ supremæ terrorem hominibus incutiendum: verba fere sunt Cl. Schultens a, quibus hæc verba Elihu illustrat, *quod si vincit compedibus, adtineantur funibus afflictionis*. Sensus itaque est, reges & principes populorum illorum per Macabæos, sive eorum causa, quod populi Dei hostes sese præstiterint, esse in signum justitiæ Dei publice prostituendos, & plectendos. Quo etiam tendit visum Nebucadn., quo *lapidem* vidit de monte excisum, quo regna destructa sunt. De quo pluribus egi in *Diff. ad Dan. visa emblematica*. Egregium in hanc rem est vaticinium Jes. xxiv: 21, 22. *Et futurum est illa die, ut Jehova visitaturus sit super exercitum celsi in celso, & super reges terræ in terra, & congregabuntur congregatione instar victorum includendorum carceri, & claudentur in fovea, et post multos dies visitabuntur*. Ubi vid. Cl. Commentator, qui de implemento in regibus Syriæ & consiliariis eorum, ac militiæ præfectis, hic


LIII

bono-

a Ad Job. xxxvi: 8.

honoratis eorum dictis, abunde diffundit; quare nihil addo, nisi idem fatum subiisse reliquos populos vicinos, a Maccabæis subjectos, aut destructos: uti ex Prophetiis, & historia constat.

§. XIV. γ. Subjungitur gloriæ Chasidæorum, in qua exsultarent, cujus acquirendæ modus cum adjuncto ejus erat declaratus, repetitio & amplificatio, vers. 9. his verbis, *decus ipse omnium piorum suorum*: sic enim rectius vertuntur, quam ut vulgo, *decus illud*, quia mox *piorum suorum*, vel *ejus* fit mentio, argumento pronomen *mm* ad Deum, cujus laudes hic canuntur, & cujus exaltationes ac gladius in ore & manu Chasidæorum modo memorata erant, pertinere. Continent verba, per modum conclusionis, explanationem *gloriæ*, in qua lætabantur, & *exaltationum* Dei, quæ in ore eorum erant, & declarant, gloriam eam in eo esse sitam, quod, rep. & Ecclesia perfecte instaurata, hostibus subjectis aut deletis, Deus ipse sit futurus summum decus majestuosum piorum ejus omnium, quatenus Rex eorum gloriosus foret, & gloriam suam cum piis suis communicaret, qui Dei ministri forent, populus *adpropinquationis* ejus Ps. cXLVI 11: 14. Concinunt per omnia egregia verba, Jes. xxiv: 23. quibus prophetia de tempore Maccabaico, & hostium subjectione, concluditur; et *pudore suffundetur luna, et pudefiet sol, quia regnat Jehova exercituum in monte Tsfionis et Hierosolymæ, et coram senioribus suis erit gloria.* Ubi vid. Cl. Vitringa.



PSALM.



P S A L M. CL.

1. *Halleluia. Laudate Fab, laudate Deum fortem in sancto ejus. Laudate eum in expanso roboris ejus.*
2. *Laudate Ipsum in heroicis facinoribus ejus, secundum universam multitudinem Majestatis ejus.*
3. *Laudate Ipsum clangore buccinae, laudate Ipsum nabllo & cithara.*
4. *Laudate Ipsum tympano & tripudio; laudate Ipsum chordis & organo amatorio.*
5. *Laudate Ipsum sistris sonoris: laudate Ipsum sistris tremuli & fracti soni.*
6. *Omnis spiritus laudabit Fab. Halleluia!*

P R O L E G O M E N A.

§. I.

BRevissimi licet, et adfectuosissimi, cantici argumentum est excitatio generalis ad Deum laudandum in coelo, expanso, & tota terra, quibusvis modis, cantu, tripudio, & omne genus organis, ob sanctitatem, robur, potentiam & magnificam majestatem; per totum universum conspicuam. Adhortatio dirigitur ad omnes creaturas in coelo, expanso, & tota terra, quibus imperatur celebratio Dei, ratione ducta ab ejus sanctitate, robore, poten-

tia & majestate, clarissime demonstratis in toto universo; eaque omnibus modis possibilibus facienda, voce, saltatione, & organis musicis, quæ hic recensentur: quando per modum conclusionis adseveratur, eam laudationem etiam ab omni anima esse actu instituendam.

§. II. Cum argumentum sit generale, & nullum *temporis* criterium sese offerat, nisi quod præsupponi videatur, laudationem Dei ad omnes homines, sine discrimine, sese extendere, omnibus incumbere, & ab omnibus faciendam esse, recte statuitur, eodem, quo superiores, *tempore* Pf. esse compositum, Maccabaico illo læto & prospero, sed in suo complemento sub oeconomia Nova considerato. Ex qua hypothese de *scopo* Pf. judicandum est, & explicatio instituenda. Convenit enim superioribus Pf. *Halleluaticis*, adeoque ei etiam, quæ supra protuli, adplicanda sunt. Dividi potest Pf. in tres partes, pro triplice genere creaturarum, quæ ad Deum laudandum excitantur. Dirigitur enim, ut probabile est, adhortatio, *. ad *coelites* vers. 1. in priore membro. 2. ad *firmamenti* contenta, vers. 1. in posteriore membro. 3. ad *terrestres* creaturas rationales, vers. 2—6. ut ex ultimo versu, & modis celebrationis, inter homines tantum locum habentibus, colligitur.

E X P L I C A T I O.

§. III. *. *Prius* membrum, vers. 1. ad coelites pertinet, ita sonat: *laudate Deum fortem in sancto ejus*, scilicet, & in sanctuario ejus, & de *sanctitate* ejus, aut summa & sublimissima ejus natura purissima, qua omnibus creatis longe est superior, & ab omni vili longissime sejunctus. Trahit enim vox בקרו *in sancto ejus* aliquid de ambiguo, cum & *locus*, ubi Deus est, ejusque laudatores sunt, & *materia* ac ratio laudationis, intelligi possit; ut sensus sit, lauda-

laudate Deum, qui in sancto est, vos qui & ibi adestis, super *sanctitate* ejus. Quod ambiguum studio videtur captatum, ut utrumque admittatur. Proprie *sanctitatem* dicit, sed & de *loco* sanctitatis usurpatur Pf. xx: 3. & alibi, nec *locus* excludi potest, cum mox *expansum* subjungatur, tanquam locus laudationis. Pertinet itaque adhortatio ad Angelos & beatos, uti Pf. cxlvi: 1, 2. & illi compellantur, ut Deum in sanctuario coelesti celebrent super *sanctitate* ejus; uti Jes. vi. fecisse leguntur. *Sanctitas* autem Dei hic in emphasi exprimit sanctissimam ejus, sublimissimam & purissimam, naturam, cujus respectu ne *Angeli* quidem sunt *sancti*, & *puri*, in oculis ejus, Job. xxv. Quo sensu adpellatur *sanctus*, quocum nihil est comparandum Jes. xl: 25. ubi vid. Cl. Commentator.

§. IV. 1. Sequitur, vers. 1. *laudate eum in expanso roboris ejus*. h. e. corpora coelestia in expanso, de robore ejus testante, & super robore ejus in eo manifestato, uti Pf. cxlvi: 3. xix: 2. *Expansum* est coelum æthereum & acreum, Gen. 1. & continet stellas, solem, lunam, planetas & meteora. *Expansum roboris* ejus est, ubi illud ostendit, & quod de eo testatur, Pf. xix. adeoque insinuat hoc epitheto addito, hoc ipsum esse materiam & rationem Dei celebrandi: uti modo vidimus ad superius membrum. Idem enim hic est ambiguum, studio captatum, ut utrumque conjungeretur.

§. V. 1. *Tertia* pars pertinet ad creaturas terrestres, quæ a. materiam & rationem laudationis exhibet, vers. 2. *Laudate ipsum in heroicis facinoribus ejus, laudate ipsum secundum universam multitudinem Majestatis ejus*. h. e. pro universa Majestatis amplitudine laudate eum in illustribus facinoribus ejus; seu convenienter summæ majestati ejus laudate facinora ejus heroica inter homines, per totam terram, in naturæ & gratiæ regno conspicua. Jubentur igitur terricolæ Deum laudare super operibus magnificis Providentiæ, idque decenter, & summæ majestati ejus conven-

322 C O M M E N T A R I U S &c.

nienter, adeoque submisſe, ſumme, omnibus viribus corporis & animæ, vere & ſpiritualiter, non per idola & imagines, aut ritibus carnalibus, ſed in *ſpiritu & veritate* Joh. iv. Voces nihil habent impediti.

§. VI. β. Externum modum laudationem exprimendi multiplicem repræſentat, verſ. 3—5. *Laudate ipſum clangore buccinæ, laudate ipſum nabllo & citbara: laudate ipſum tympano & tripudio, laudate ipſum chordis & organo amatorio; laudate ipſum ſiſtris ſonoris, laudate ipſum ſiſtris tremuli & fracti ſoni.* Quorum ſenſus in genere eſt, Deum omnibus illis modis & ſignis, quibus lætitia exprimi, illuſtres perſonæ honorari, egregia facinora & accepta bona celebrari ſolent inter homines, ipſi etiam illi excitari ad præclara facta, eſſe laudandum. Nihil hic habeo, quod Doctorum, qui in muſicis instrumentis veterum operam poſuerunt, & Interpretum obſervationibus addam; quare ad eos remitto. Illud verbo notandum velim, hinc liquere, ſermonem nunc verti ad *homines*, quibus illa instrumenta in uſu ſunt.

§. VII. γ. Extenditur denique hoc officium ad omnes creaturas rationales, ſeu homines, in terra, ſimul declaratur, eos officio hoc functuros eſſe aliquando, verſ. 6. *omnis ſpiritus laudabit* *Jab.* h. e. debent, & quoque facient, omnes homines, in quibus eſt *ſpiritus vitarum*, ſeu anima rationalis, Deum, perfectionibus ſuis pulcherrimum, laudare. In voce *now* reſpicitur ad primam creationem hominis, Gen. 11: 7. qua Deus ipſi inſpiſaſſe dicitur *רוח חיים, ſpiritum vitarum.* Ex quo ulterius liquet, exhortationem eſſe ad homines in terra directam, & discrimen hominum, gentium & Judæorum, fore ſublaturum, quo tempore Deus ita celebraretur; quod perfecte fiet, cum omnia regna facta fuerint *Dei & Chriſti*, & Deus *omnia in omnibus.*

A M E N.

INDEX

INDEX PRÆCIPUORUM LOCORUM S. S.

QUÆ IN HOC COMMENTA-
RIO ILLUSTRANTUR.

2 SAMUEL.			H O S.		
Cap.	Verf.	Pag.	Cap.	Verf.	Pag.
XXIII.	5.	365.	VI.	7.	330.
J O B.			M I C H.		
XIX.	17.	443.	VI.	8.	35.
ECCLES.			H A B A C.		
XII.	13.	213.	II.	14.	550.
J E S A J.			Z A C H.		
VIII.	20.	403.	III.	1 seqq.	465.
XXX.	8.	17.	V.	5 seqq.	339, 345.
LVIII.	8, 9.	31.	XIV.	17.	388.

INDEX

INDEX PRÆCIPUARUM

V O C U M

HEBRÆARUM,

QUARUM GENUINA SIGNIFICATIO VEL USUS IN HOC COMMENTARIO EXPONITUR.

N.		Pag.
אכר	O Rig. habet in <i>secando</i> , <i>scindendo</i> , & ita cor- rumpendo.	250.
ארכ	spec. homines corruptos, Gentiles, notat, op- posite ad populum Dei.	330.
אחב	propr. <i>adspirare</i> , adspirando <i>appetere</i> .	215.
אחל	propr. habet in <i>laxo</i> , <i>relaxato</i> ; unde sedis, <i>ten-</i> <i>torii</i> notio.	428.
אור	propr. <i>flexit</i> , <i>incurvavit</i> .	390.
אין	propr. habet in <i>vacuitate</i> , transit. <i>exinanitione</i> ; unde inter alia transiit ad crimina violentiæ & tyrannidis.	237.
אמ	propr. habet in <i>astuando</i> .	510.
אמא	<i>unus</i> pro <i>eximio</i> , singulari.	599.
אמא	propr.	propr.

אָנַח	propr. <i>stringendo preffit</i> ; unde <i>adprehensionem</i> dicat, quæ sit manu injecta.	Pag. 581.
אָלַח	propr. <i>constringere, arcere.</i>	189.
אָנַח	<i>natio, q. in unam originem tendens, a rad.</i>	
אָנַח	propr. <i>tendere.</i>	122.
אָנַח	orig. habet in <i>firmitate gressu.</i>	110.
אָנַח	propr. habet in <i>contentione nervi, f. tendinis</i> in femore; unde ad <i>firmum, robustum</i> , transit.	697.
אָנַח	aliq. adhibetur pro <i>socio familiari.</i>	184.
אָנַח	propr. <i>micuit cum fervore</i> ; unde deriv. אָנַח <i>cinerem</i> notat.	785.
אָנַח	propr. <i>urere, adurere, inde, maledicere.</i>	182.
אָנַח	notat <i>lapides focarios</i> , quibus olla imponitur; inde vilissimam & servilem conditionem designat.	53.

ב.

ב	Partic., Nominativis addita, sæpe interiorem rei statum, & certissimam conditionem exprimit.	141.
בָּנָה	orig. habet in <i>fovendo</i> ; unde orta <i>perfidia</i> notio.	242.
בָּנָה	propr. usurpatur de aridis, multo <i>strepitu & tumultu inter se confusis</i> ; inde transit ad animum <i>perplexum & confusum.</i>	452.
בָּחַן	propr. <i>terere ad cuticulam</i> ; inde <i>explorare, probare.</i>	623.
בָּחַן	spec. <i>tentare malis, seu vexare & adfligere.</i>	624.
	M m m m m	בָּחַן ex

רָפָא ex sono fictum, propr. *rupturam cum fragore* Pag. 673.
& crepitu, denotat.

י

נָמַח propr. habet in *eminendo* per sui *extensionem*,
tumescendo, unde transf. ad violentas *grassatio-*
nes. 637.

נָבַח propr. habet in *convexo*, *convexitate elato*, *al-*
tifronte; unde ad *fastum*, *superbiam*, & *impu-*
dentiam, transfertur. 412, 553.

נָבַר propr. habet in *consolidato*, in *solidum roborato*;
unde ad vim *viltricem*, & *potentiam dominan-*
tem, transit. 29.

--- spec. de aquis abundantibus, *exsuperantibus*,
& *prævalentibus*, adhibetur. 124.

נָלָא propr. *implicari multis filis*, & sic *densius inter-*
queri; inde, opibus s. viribus *validum*, *mag-*
num esse. 495.

--- non tam *magnitudinem* *staturæ*, quem *robur*, de-
notat. 509, 510.

--- *interiorem nervorum firmitatem*, cum *robore* &
vigore conjunctam. 733.

נָלָא propr. notat *erroneum*, & de *collusie populo-*
rum aliq. *usurpatur*. 122.

נָלָא & נָלָא propr. habent in *volvendo in orbem*. 596.

נָלָא propr. *deflectere a via*, *divertere*; unde & ad *in-*
sidias & *latrocinia*, transit. 635.

נָלָא non *carbones*, sed *prunas ardentis* & *flamman-*
tes, denorat. 263.
נָלָא orig.

VOCUM HEBRÆARUM. 827

נִלָּא orig. habet in *detergendo*, & in *nubibus discussis*, Pag. ac noctis caligine remota, frequentatur. 181.

נִלָּא, vid. נִלָּא.

נִלָּא videtur propr. esse, *stringere*, *stringendo comp-
plicare* in formam rotundam. Usurpatur in *con-
volvendo*, *circumvolvendo*. 596.

--- deriv. vulgo *embryo*, *informis moles*; potius *circumvolutio*. ib.

נִלָּא propr. *recondere*, *fovere ad maturitatem*: usurpa-
tur in bonum de donis & *beneficiis* in caput alicu-
jus *cumulatis*, sed & in malum, de *malefactis* fo-
tis q. & ad maturitatem adductis. 108, 536.

נִלָּא propr. *adglomerationem*, *adaccumulationem*, no-
tat, & de puteo abundante, *aqua jugiter adfluen-
te*, adhibetur. 522, 584.

נִלָּא propr. adhibetur de rebus *crassiore modo centu-
sis* & *conquassatis*. 181.

7.

נִלָּא sæpe usum habet forensem, & *disceptare*, cau-
sam agere, denotat. 38, 194, 244.

--- propr. notat sermonem, *longius structum* & de-
ductum. 38, 750.

נִלָּא eand. habet orig. cum seq.

נִלָּא propr. *voluit*, *provulvit*; inde *truxit*, *protulit*:
usurpatur de *precipiti motu* & *cursu*, & pra-
gnante sensu de ipso exitio. 649.

נִלָּא propr. *trudendo terere*, *comminuerere*. 705.

M m m m m 2

ad-

	Pag.
חלה adhibetur in <i>fitulis aquando, bauriendo.</i>	657.
חלל propr. <i>tendere, tendi, inde, cum tensione ad-</i> <i>nuari. &c.</i>	692.
חלף propr. <i>serpere, serpendo fluere; inde teritur in la-</i> <i>chrymis, & humoribus stillantibus.</i>	186.
חמם propr. <i>equare, complanare; inde, ad silentium</i> <i>redigere.</i>	416.
חון propr. <i>volvere, glomerare; inde modum inceden-</i> <i>di vehementiorem & grandiore notat.</i>	189.
חוש propr. <i>terere; inde, terendo exacte inquirere,</i> <i>nec non, nucleum rei exterere in alterius usum,</i> <i>concionari &c.</i>	10.

ד.

הבל propr. <i>vaporem notat.</i>	726.
הנה propr. <i>habet in pulsu & impetu concitatiore.</i>	83.
הורר propr. <i>tumor ferverescens; inde, majestas veneran-</i> <i>da, simul formidolosa.</i>	745.
חוד propr. <i>gravitas incurvans; hinc, majestas præ-</i> <i>gravans.</i>	746.
חזן propr. <i>facilis, commodus fuit; hinc ad ubertatem</i> <i>omnis copiae transiit.</i>	30.
היה propr. <i>cadere ex alto; inde, existere.</i>	197.
חלל propr. <i>habet in splendore ex alto radiante; unde</i> <i>transiit ad laudationem & celebrationem.</i>	122.
--- ad <i>insigniter eminentem potentiae gradum.</i>	743.
--- ad <i>splendidam & gloriosam conditionem, & glo-</i> <i>riatiam</i>	

	<i>riationem inde ortam.</i>	Pag. 803.
הלם	propr. <i>pangere, impingere</i> ; inde, <i>gravius ferire, allidere & sternere.</i>	663.
המר	Arab. <i>impulsionem, protrusionem</i> , imo <i>destructionem & confractionem</i> , & <i>latius omnem ruinam fractam</i> , denotat.	647.
הנה	<i>ecce aliquando habet vim adhortandi & admonendi.</i>	316.

י.

וור & זיר	propr. habent in aquis <i>cum fervore tumescantibus.</i>	330.
ויר	propr. habet in <i>contractione, & compressione in unum.</i>	734.
וין	propr. <i>ornare, polire, instruere</i> ; unde ad <i>alimenta & armamenta</i> transit.	ib.
ויר	propr. habet in <i>vigore acri.</i>	539.
וירפח	<i>procella venenata, æstu adurens & suffocans.</i>	196.
וים	propr. <i>alligare, firmiter revincire, spec. capistro</i> ; inde transf. ad <i>cogitationem & propositum fixum</i> , tam in malum, quam in bonum; imo ad <i>ejus executionem, f. facinus ipsum.</i>	608, 643.
ויע	propr. habet in <i>crepando, cum crepitu erumpendo in sonum graviores</i> ; unde inter alia ad <i>quiritationem præ dolore seu oppreffione</i> , transit.	685.
ויר	propr. videtur esse in <i>elevando.</i>	753.
ויר	propr. <i>stringere, stringendo distrabere</i> ; inde <i>ven-tilare.</i>	570.
	Mmmmm 3	ויר propr.

330 INDEX PRÆCIPUARUM

נרנ propr. significat *sparsionem* luminis cum *rutilatio-* Pag.
ne. 34

נ.

נל propr. habet in *torquendo*, *constringendo*. 208.

נמ propr. habet in *virgula nectente*, *compaginante*;
unde transf. ad *ædificii compaginationem*, & ho-
minum *societates*. 299.

נז nusquam *victimam festalem* notare videtur. 164.

נח propr. *versari*; inde, *circumire* in orbem. 308.

נח in orig. *concitationem* continet, unde ad *celerita-*
tem & *promptitudinem* transfertur. 199.

נח *delatum*, pulchre *tornatum* & *expolitum*, deno-
tat. 733.

נח propr. *coagmentationem*, *compactionem* in unum,
denotat. 705.

נח ex sono fictum, propr. *stridulum* sonum guttur-
ris, quo animantia affectum erga foetus demon-
strant, significat. 12, 33.

... inde transf. ad *flebiles sonos* quiritantium. 101.

... teritur tum in *bonis largiendis*, tum a *malis li-*
berando. 318.

נח propr. habet in *ubere continuo confluyente* & *ma-*
nante. 124.

נח propr. *usurpatur* de *protectione*, quæ a patro-
nis præstatur clientibus. 711.

נח ex orig. *succo* interiore virtutis *manantem* expri-
mit. 436.

נח propr.

VOCUM HEBRÆARUM 837

נח	propr. <i>incoxationem</i> notat.	Pag. 110.
נח	propr. <i>inclinationem, inflectionem</i> , notat; unde transiit ad <i>voluntatis</i> determinationem, ad animi <i>acquiescentiam</i> , nec non ad <i>occupationem</i> s. negotium, quod totam mentem ad se trahit.	27.
חך	propr. <i>attenuare</i> ad summam exilitatem usque; unde transf. ad subtilissimum <i>scrutinium</i> .	566, 623.
חך	propr. notat <i>horridam asperitatem</i> , aculeis erectis pungentem; unde ad <i>tenebras</i> crassissimas transfertur.	584.

נ.

נח	etiam adhibetur de bona <i>fragrantia</i> .	464.
נח	<i>longus, longinquus</i> fuit; inde Hiph. <i>elongare</i> .	525.
נח	orig. habet in <i>crassitie concreta</i> , imprimis spurca & tetra.	204.
נח	propr. <i>carpsit extremitates</i> ; unde tum ad <i>prædam</i> & spolia, tum & ad qualemcunque <i>viçtum</i> , transfertur.	13.

נ.

נח	propr. habet in <i>scissione, adtritione</i> , spec. pedis, sanguinem eliciente calculis s. scrupulis; unde ad <i>moerorem, & anxietatem</i> animi, transfertur.	186.
נח	coll. נח, orig. habere videtur in <i>contractione</i> sui meticulosa; & teritur in <i>formidine</i> graviore & angente.	190.

	Pag.
יִדַּע sæpe de cognitione <i>experimental</i> i adhibetur.	207.
- - - sensu judiciali de <i>punit</i> ione usurpatur.	553.
- - - it. de <i>adprob</i> atione judicis.	566.
יִדַּב , coll. אָדַב , <i>adspirare</i> notat.	2. 9.
יִדַּח subinde <i>uniter</i> dicit.	299.
- - - <i>totum quantum</i> , omne in universum.	300.
יִחַל propr. <i>volvi in luto</i> , obhærescere in eo, & luctari.	210.
- - - inde transit ad <i>expectationem</i> patientem.	403.
יִכַּח propr. <i>candicavit</i> ; inde in Hiph. <i>fecit ut candicaret</i> aliquid, clare rem <i>arguit</i> , evicit.	816.
יִכַּל & כֹּל propr. notavit <i>capacitatem</i> tenentem, continentem aliquid; unde ortus usus <i>valendi</i> , <i>prævalendi</i> .	573.
יִצַּח propr. <i>fidere</i> ; inde <i>fidere fecit pro stravit</i> humi, it. <i>lectum</i> .	577.
יִקַּח propr. habet in <i>gravitate</i> ; unde ad <i>pretiositatem</i> transit.	113, 601.
יִרַח propr. <i>vibrari</i> , tremulo motu agitari; unde ad <i>timorem</i> & <i>tremorem</i> majorem, qui quatit & concutit, transit.	589.
יִרַד propr. <i>aquatum descendere</i> .	232.
יִשַּׁח propr. habet in <i>laxitate</i> , <i>amplitudine</i> , & spatio.	437.
יִשַּׁר propr. <i>æquare</i> ; unde ad <i>rectum</i> , & <i>planum</i> , transit.	227.

כ.

כח	<i>adurere</i> per ignem, vel cauterium.	Pag. 147.
כל	vid. כל.	
כק	propr. <i>fidere</i> , <i>fidendo firmum tenere locum</i> ; unde ad stabilem essentiam & existentiam refertur.	656.
כח	propr. <i>subito actu delere, obliterare</i> ; unde ortæ no iones <i>celandi, & abolendi</i> .	592.
כי	subinde notat <i>adustionem</i> , spec. <i>cauterio</i> , a Rad. כח.	147.
- -	Partic. conflata ex כ & י, propr. <i>כִּי מִי כִּי</i> sicut mihi dicit, & usu suo vehementiorem adseverationem continet.	375, 376.
- -	sæpe <i>quavis</i> , non obstante quod, denotat.	524.
כל	propr. <i>universam complexionem</i> dicit.	213.
כלא	vel כלה <i>complicare, involvere</i> . Inde	
כליז	<i>renes</i> , adipe involuti.	587.
ככל	propr. <i>continere, capere</i> ; inde <i>sustentare, tueri</i> .	38.
כמר	<i>flagrare</i> .	677.
כן	aliquando est Nom. <i>firmum, verum, rectum</i> , notans.	365.
כנן	propr. <i>obumbrationem, protectionem</i> , notat.	206.
ככא	vel & ככה, <i>thronus</i> , propr. vel <i>suggestum</i> notat, ut sit pro כרסא, a Rad. כרס <i>congescit, construxit</i> ; vel <i>sedem testam & coopertam</i> , a כסה; vel, utraque hac Rad. conjuncta, <i>suggestum</i> elationem, & magnifico tapete <i>coopertum</i> .	305.

Nnnnn

כסה propr.

	Pag.
כסו propr. <i>involvere</i> , spec. <i>veste</i> , <i>operire</i> , <i>occultare</i> .	711.
כסו aliq. dicit <i>miseriam</i> , quæ <i>agrimoniâ</i> vehementissimam ciet.	42.
כסו propr. <i>textit oblinendo</i> ; inde, <i>expiavit</i> , <i>abolevit</i> .	785.
כסו <i>ligavit</i> . Inde	
כסו כסו <i>ligamina</i> , <i>vincula</i> rigidissima, de <i>glacie</i> .	786.

ל.

לח propr. <i>implicari</i> , <i>illigari</i> multis <i>spiribus</i> & <i>flexibus</i> ; unde inter alia <i>mutui</i> , quo quis <i>implicatur</i> & <i>obligatur</i> , notio <i>fluxit</i> .	36.
לסוב in <i>bonum</i> , adverbialiter <i>valde</i> , <i>perfecte</i> .	225.
לסו propr. <i>pungere</i> , <i>pungendo instimulare</i> ; unde <i>docendi</i> , & <i>assuescendi</i> significatio.	175.
לענ propr. <i>nictantem vibrationem</i> , ut <i>linguæ</i> , <i>oculi</i> &c. denotat.	321.
לע Arab. <i>per ambages circumduxit</i> , <i>flexit</i> & <i>torsit</i> aliquid, propr. de viis <i>labyrinthis</i> , inde de sermone multimodis <i>implicito</i> & <i>intricato</i> , <i>barbaro</i> .	63.

מ.

מ ex, de, sæpe cum <i>emphasi</i> abundat.	240.
מאד omni <i>nifu</i> , omnibus viribus <i>intensis</i> .	174.
מאין unde, constanter fere <i>interrogationem</i> comprehendit.	279.
מנבסו vigor <i>inexhaustus</i> , sese semper <i>innovans</i> , a Rad.	מנבסו

VOCUM HEBRÆARUM. 835

	Pag.
לנח	522.
לנח <i>lenem, mollem, lentum esse; inde, cunctari præ mollitie.</i>	200.
לנח <i>propr. habet in graviore & tremente inclinatione.</i>	647.
לנח <i>penuaria, ubi res magna copia coacervantur, a Rad. לנח.</i>	734.
לנח <i>non rete, sed fovea, feris capiendis parata, a Rad. לנח.</i>	677.
לנח <i>propr. habet in molli & glabro; unde dulcedinis notio.</i>	216.
לנח <i>propr. præcidere; unde transf. ad præcisam determinationem qualitatis vel quantitatis.</i>	780.
לנח <i>spec. adhibetur de collari seu vinculo, collo feræ sævientis injecto.</i>	692.
לנח <i>liquefieri, tabescere; spec. de eo, qui totus exhauritur.</i>	42.
לנח <i>gradus, adscensiones, quid sibi velit in inscriptione Psalm. vid.</i>	251. seqq.
לנח <i>profunda videtur esse vox compos.</i>	396.
לנח <i>propr. intime penetravit, pervasit, spec. de aquis: sumitur aliq. in malum.</i>	104.
לנח <i>propr. acriter strinxit manum ducentis; inde, obstrigillavit.</i>	607.
לנח <i>propr. notat locum s. campum spatiosum; inde, statum libertatis, felicitatis &c.</i>	140.
לנח <i>vid. de difficili hac voce,</i>	265. seqq.
Nnnnn 2	לנח propr.

	Pag.
שָׁל propr. habet in <i>vi premente</i> , imprimente.	511.
נָבַע propr. <i>scaturire cum crepatione</i> , signif. e sono ficta; unde ad Poëtas, vel versus nobiliores, applicatur.	248, 747.
נָבַח propr. dicit <i>anterioritatem</i> rei exstantis, & <i>ob oculos positæ</i> ; unde in Hiph. <i>facere ut</i> aliquid <i>clare ante oculos appareat</i> .	686, 744.
נָבַח propr. <i>uoscere</i> , <i>sponte & largiter fluere</i> ; unde transf. ad <i>munificos, liberales, & Principes</i> ; spec. ad <i>copias auxiliares</i> .	53, 764.
נָבַח propr. habet in re <i>femicocta & cruda</i> ; unde transf. ad id, quod contusione, ex gravi onere orta, <i>exulceratur</i> ; & dein ad <i>exulcerationem & exasperationem</i> hostilem animi.	665.
נָבַח est Verb. pastoritium, longo & recto tractu egit pecus.	581.
נָבַח <i>excerpere</i> , <i>seligere præstantissimam partem</i> .	219.
נָבַח orig. habet in <i>gemitu</i> graviore, cum vehementia e <i>pectore educto</i> ; unde notiones <i>consolandi, & penitendi</i> .	499.
נָבַח cognatum est נָבַח, quod vid.	
נָבַח Arab. propr. dicit <i>seriem</i> structam, <i>struem longius ductam</i> .	647.
נָבַח propr. <i>conferere, connectere</i> ; hinc, <i>propius admo- vere</i> , sese cum diffitis q. connectendo; unde, <i>adscendere per gradus</i> .	577.
נָבַח etiam	

נָעַם	etiam venit pro <i>largiendo, liberaliter impertiendo.</i>	Pag. 493.
נָעַר	propr. habet in <i>agilitate excussa</i> , ac in motum exprompta; inde inter alia, <i>sedibus, opibus, mente, vita excuti.</i>	511.
נָפַח	propr. <i>flatus, spiritus</i> , de flatu <i>superbo</i> , & <i>appetitū anhelante</i> , usurpatur.	415.
נָצַל	violentam continet <i>extractionem</i> & despoliationem.	192.
נָזַר	propr. <i>micare, splendere</i> ; inde, micante oculo <i>intueri, inspicere.</i>	173, 188.
- - -	sumitur etiam in malum pro <i>observare, insidiari.</i>	599.
נָשַׁק	propr. habet in <i>arctius adhærendo</i> , ut in <i>osculando</i> ; unde transf. ad <i>armaturam</i> , propr. quæ arctius corpori adhæret.	641.
נָתַב	propr. <i>eminuit</i> ; unde	
נָתַר	<i>via eminens</i> , aggerata, regia.	189, 687.
נָתַן	propr. <i>tendere.</i>	219.



נָכַח	etiam notat <i>hostiliter irruere, transfigere, vulneribus conficere.</i>	143, 645.
נָכַךְ	propr. <i>texere, pratexere</i> ; inde, <i>tegere, protegere.</i>	586, 641.
נָכַח	propr. <i>ταμινεῖν</i> ; inde <i>recondere</i> in cellam promptuariam, <i>expromere</i> in usum aliorum; unde iterum <i>periclitandi</i> notio.	571.

	Pag.
נחל propr. habet in <i>laxitate pendula</i> , ut in <i>bilan-</i> <i>ci-bus</i> ; unde tum ad corporis debilitatem, tum ad animum, metu & terrore fractum, transfer- tūr. - - - - - 223.	
נחל propr. <i>fulcire palis</i> & <i>elevare</i> ; inde, <i>firmiter</i> <i>consistere</i> . - - - - - 221.	
נחל propr. <i>horripilare, clavare</i> . - - - - - 223.	
נחל propr. habet in <i>cacumine</i> & <i>vertice</i> omnis rei, spec. montis; unde <i>elegantes metaphoræ</i> . Hinc - - - - - 625.	
נחל cogitationes <i>graviore</i> s, cor intime <i>adfici</i> entes. 220.	
נחל propr. <i>arsit, astuavit</i> . - - - - - 799.	
נחל propr. <i>pulverare</i> , inde <i>calcular</i> e, <i>numeros ex-</i> <i>acte inire</i> . - - - - - 602, 781.	

י.

יח propr. habet in <i>fluvio intumescente</i> ; unde ad <i>magnificum & elatum incellum</i> , nec non ad ho- <i>stilem invasionem</i> , transit. - - - - - 678.	
יח propr. <i>longissimum tempus</i> dicit, quod ex perio- dis in orbem identidem <i>revolutis</i> constat, a Rad. יח. - - - - - ib.	
יח <i>numeravit</i> ; inde, <i>instruxit</i> omni adparatu. 769.	
יח propr. <i>volvi, obvolvi, revolvi</i> : Arab. venit in <i>infesta incurfatione</i> . - - - - - 203, 678.	
יח <i>ornatus</i> , quicquid <i>instruit, ornat</i> , & <i>felicem</i> <i>reddit</i> . - - - - - 179, 304.	
יח in Pih. quo modo signif. <i>spoliandi</i> acceperit. 203.	
	יח in

- עַי in *cavitatem* altius *depressus* fuit oculus; unde Pag.
 • cæci, spelunca &c. notionēs fluxerunt. 768.
 עַי teritur in grege neglecto, & sibi relicto. 175.
 עַי a propr. *torti*, *intorti* signif. transit ad *robur* in-
 victum, nec non ad *duritiem* & *asperitatem*. 64.
 עַי propr. *copiose fluxit*, *abundavit*, spec. de *ubere*
animalis largite fluente; inde *juvare*, *omni co-*
pia donare; unde Part. עַי absolute pro *patro-*
no, *vindice promissimo*. 89, 141, 767.
 --- spec. *robur* & *fortitudinem heroicam sufficere*. 279.
 עַי propr. *duplicando flexit* & *involvit vestem* exte-
riorem seu pallium; unde ad *tristitiam* profun-
dam transit. 686.
 עַי aliquando *nominafcit*, & *summum*, *supremum*,
notat. 80, 531.
 עַי, עַי & עַי, propr. *notant motitationem pedum ir-*
requietam, dein *omnem adfectum impatientio-*
rem, qui ad *jactationem corporis impellit*. 813.
 עַי propr. *sitim repetitis haustibus penitus extin-*
guere; unde ad varia transfertur. 659.
 עַי propr. *habet in signando, sigillo impresso* notan-
do; unde ad publica *autoritate munitum*, nec
non æternitatem, transit. 627, 628,
 --- transf. & ad *infamem conditionem*. 706.
 עַי stare *adhibetur in præfecturis & imperiis*. 298, 797.
 --- propr. *fulcire*, *firmiter sustentare*; inde *consti-*
tere, *firmiter stare*: *fumiut & pro summo cul-*
mine & fastigio rei. 797.
 עַי propr.

849 INDEX PRÆCIPUARUM

	Pag.
עמל propr. habet in <i>tundendo</i> .	645.
ענה non qualemunque, sed gravem & violentam <i>ad afflictionem</i> dicit.	110.
--- propr. <i>fluere, effluere</i> ; unde ad <i>inopiam</i> & <i>ad afflictionem</i> transit.	203, 424.
--- ad fluxum verborum, & <i>cantationem</i> .	249.
--- ad benefacta.	424.
עצב propr. <i>stringere</i> ; unde inter alia, <i>artificiose fabricare</i> .	83, 626.
--- transf. ad curas, <i>anxietates</i> , & sollicitudines.	364, 626.
עצב propr. <i>compactus, stipatus fuit</i> ; unde transf. ad vim & robur, ad <i>excellentiā</i> , nec non ad numerum perfectum.	593.
עקב pro vicibus repetitis, notione a <i>calcaneo</i> ducta.	188.
ערב propr. <i>fidere, leniter subire</i> & penetrare: unde varii usus.	224.
עשה in emphasi notat, rem <i>perficere</i> .	509.
עשה propr. <i>nitere, serenum esse</i> . Unde ad varia transfertur.	766.

פ.

פרוה propr. <i>vi erumpere</i> ; unde ad <i>liberationem captivi</i> transit. Hinc	
פרוה <i>intervallum</i> ,	406.
פוט propr. <i>frangere, vel luxare</i> ; unde <i>singultiendi, promendi, titubandi</i> , notiones.	643.
פוחה propr.	

VOCUM HEBRÆARUM. 811

	Page
פחה propr. <i>expandere</i> ; unde transf. ad <i>laqueum expansum</i> , & <i>laminam</i> . 637.	
פלה propr. <i>scindere</i> , <i>findere</i> altius adacto cunco; ni- de, aliquid magno molimine producere, <i>mi-</i> <i>rabile</i> f. portentosum agere, in bonum vel ma- lum. Idem in orig. est 572.	
פלה propr. <i>secare</i> , <i>refecare</i> ; inde <i>separare</i> , spec. par- tem eximiam. 589.	
פער propr. habet in <i>biatu oris patente</i> . 229.	
פצה propr. <i>patefacere cum diffractione</i> ; unde ad po- tentem <i>liberationem</i> e malis aut vinculis transit. 726.	
פקים propr. <i>mandata</i> , <i>commissa</i> , <i>injuncta</i> . 174.	
פקה propr. adhibetur de <i>flore</i> , qui incipit <i>erumpere</i> ex calyce. 768.	
פרץ propr. habet in <i>fissione lacerante</i> ; spec. teritur in obicibus perfractis, & aquis perrumpentibus. 735.	
פתא propr. habet in <i>dilatando</i> , <i>laxando</i> ; unde <i>simpli-</i> <i>citatis</i> & <i>fatuitatis</i> signif. ortæ. 107.	

צ.

צדק propr. hadet in <i>recto-rigido</i> ; unde ad perennem status <i>stabilitatem</i> transit. 30.	
- - - ad <i>veracitatem</i> & <i>justitiam</i> . 34, 225.	
- - - deriv. צדקה etiam de <i>eleemosynis</i> & <i>liberalitate</i> adhibetur. 39.	
צומ propr. <i>arctius junxit</i> , <i>injunxit</i> . 174.	
צוה propr. <i>rumpere</i> , spec. vocem, <i>clamare</i> . 735.	
Ooooo	צוץ orig.

842 INDEX PRÆCIPUARUM

	Pag.
צוץ orig. habet in <i>nitore vibrante</i> .	453.
צור propr. <i>stringere, arctare</i> .	572.
צור candorem intensiorem f. rubicundum denotat.	579.
צירה propr. usurpatur de <i>venatione & piscatione</i> ; sed latius ad <i>viaticum, commeatum, & quamvis</i> <i>annonam, transfertur.</i>	446.
צמח propr. <i>splendescere, exsplendescere</i> .	449.
צמח propr. <i>in silentium redigere</i> ; unde transit ad <i>perditionem</i> ictu silente factum.	714.
צקק id. in orig. cum צק, quod vid.	
צפן <i>recondere</i> spec. de thesauris adhibetur.	178.

ק.

קרא in Pih. propr. <i>præmittere</i> ; inde & <i>comparere</i> co- ram Principe, & gratiam ejus implorare, præ- misso munere.	237.
קה propr. habet in <i>recta tensione</i> ; unde usus <i>petendi</i> , <i>desiderandi, aliquo contendendi &c.</i>	214, 403.
קמ propr. <i>disrumpi, spec. tædio & fastidio</i> .	242.
קמ <i>surgere</i> pro adgredi aliquid cum impetu, spec. de bellatore,	611.
קפר in fumum ac <i>vaporem</i> <i>resolvere</i> denotat, nec non <i>ligare & constringere.</i> Unde	
קפר & <i>rorem, & pruina</i> , notare potest.	799.
קפץ propr. <i>præsecare</i> .	385.

קפן etiam

קִדְּקִי etiam *splendoris* signif. involvit. Pag.
803.

ך.

- ראה *videre* pro *approbare* & *curare*. 552.
ראש *caput* pro *summa* & *præcipua* re; it. pro re *ipsa*. 531.
רבע propr. *quadrata forma confedit, cubuit*; unde ad
mansionem, f. *longiorem commorationem*, trans-
fertur. 570.
ררר & ררה propr. *calcare*, *graviori pede premere*;
unde ad *dominationem gravorem* transf. 724.
ררף propr. *pressit*, ut quando *tergum alicujus premi-*
mus. 704.
רוח *terrere, terrorem incutere*; unde deriv. propr. *for-*
midolosa & *tumida moles*, quod ad varia transf. 545.
רוע & רעע propr. *conquassationem, confractionem*, in-
de *malum*, f. *morale*, f. *physicum*, notant. 729.
רוחם propr. *σπλαγχνίζεσθαι in visceribus adfici*; unde
pro *tenerissimo adfectu*, & *miseriordia*, sumitur. 12, 33.
רמה a *jaculando ad fraudes* transiit. 259.
רמש propr. *vibrare, agilter se movere*. 800.
רנה & רנן *tremulum & tinnulum ipso sono suo expri-*
munt. 248, 438, 691.
רעם pro *cogitationibus*, a רעה *pascere*, *pascendo vagari*. 569.
רפה propr. dicitur de re *flaccida*, & *succo ac vigore*
consumto, pendula. 556.
רצה propr. *adherere*; inde, *gratum habere, acquiescere*. 754.
Ooooo 2 וקע propr.

	Pag.
רָקַד propr. <i>tundere, calcare, tundendo constipare pede.</i>	510.
רָמַח <i>genista, a jungendo, alligando, sic dicta.</i>	263.

יז.

רָמַח in orig. *strepitum & vastationem* continet. Hinc

רָמַח & רָמַח *strepitus, tumultus, insolentia.*

רָמַח *insolentes.* - - - 320.

רָמַח *anbelare, auram baurire.* - - - 229.

רָמַח propr. *mulcere; inde celebrare, magnificare.* 122.

רָמַח propr. *explorare. vulnus speculo chirurgico; unde ad studium & indagationem rerum, quæ ad felicitatem faciunt, transf., ut Lat. percontari.* 753.

רָמַח propr. *pangere, figere; inde adpingere terræ, delere.* - - - 222.

רָמַח & רָמַח propr. *implicationem, inde aberrationem, denotant.* - - - 178, 203.

רָמַח orig. habet in *tremulo motu*, quo quid micat; unde ortæ notiones *vanitatis, & mali, f. moralis, f. & phyfici.* - - - 362.

רָמַח propr. *aquavit, æqualiter disposuit; inde, intendit, proposuit.* - - - 186.

רָמַח & רָמַח propr. habent in *reciprocatione motus; vagatione, exspatiatione; unde meditandi, aliique usus orti.* - - - 179, 686.

רָמַח propr. habet in *laxitate, quæ profusato gutturi adfertur.* - - - 180.

רָמַח propr.

VOCUM HEBRÆARUM. 845

שָׁקַע	propr. <i>superimminere</i> rei, inprimis hostiliter; in- de notat malum lethale, quo quis subito invol- vitur & perimitur.	Pag. 581.
שָׁוַר	, ut שָׁוַר & שָׁוַר, orig. habet in <i>protenfione</i> , <i>procesfione per lineam rectam</i> ; unde inter alia <i>can-</i> <i>tandi</i> notio fluxit.	549.
שָׂוַח	propr. habet in <i>oculo obliquo</i> ; inde <i>gaudium</i> <i>feroculum</i> notat.	179, 245.
שָׂוַח	propr. <i>peni, disponi</i> certo ordine; unde transf. ad <i>rete</i> , it. ad <i>impreffionem</i> hostilem.	572.
שָׁחַר	<i>aurora</i> unde sic dicta.	579.
שָׂכַל	propr. habet in <i>mature</i> .	19.
שָׁלַח	orig. habet in <i>acri & penetrante</i> vehementia, cui resifti nequit; unde ad <i>dominium</i> cum absoluto imperio transfertur.	231.
שָׁלַךְ	etiam intransitive sumitur pro <i>emergere, evaginari</i> .	389.
שָׂחַח	<i>laxare, dimittere, tradere</i> .	670.
שָׂחַח	propr. <i>fiderare</i> , tanquam urente & pestifero adflatu.	707.
שָׂחַר	sensu emphat. <i>custodiendo eripere</i> notat.	636.
שָׂחַר	id. ac שָׂחַר.	
שָׂחַר	non est a שָׂחַר, sed a שָׂחַר.	180.
שָׂחַר	a <i>fusco</i> , f. colore rubro, transiit ad <i>colorem illi-</i> <i>tum falsitatis, & mendacii</i> .	204.
...	etiam de <i>fallacia</i> adhibetur.	208.
שָׂחַר	<i>tendere, extendere</i> in longum. Hinc & ex שָׂחַר potest esse	

846 INDEX PRÆCIPUAR. VOCUM HEBR.

סודים, quod *intimas* animi *adfectiones* notat; sed
& a סוד cum-י epenth. derivari potest. Pag.
65.

ת.

תאנ sedem habet in *æstu* maximo, identidem & sta-
tis vicibus *redeunte*. 182.

תול id. est ac תול. 525.

תנ & תנ, orig. habent in *tendendo*, ut תנ; unde ad
magna, vasta, & *longe extensa* corpora, transfe-
runtur. 798.

תנ propr. *incrustare*, *illinere*, tectorio superindu-
cere. 204.

F I N I S.

CORRIGEN.

C O R R I G E N D A.

Pag.	12	lin.	11	ab inf.	leg. erga
-	13	-	4	leg.	non
-	33	-	2	-	<i>rectorum</i>
-	34	-	13	ab inf.	leg. esse
-	46	-	26	-	Pf. cxviii:
-	101	-	3	-	continent.
-	208	-	17	-	ejus
-	224	-	10	-	rationum
-	237	-	ultim.	-	præmissio
-	335	-	3	-	reti
-	337	-	30	-	tutum & liberum
-	338	-	28	-	esse
-	436	-	2	ab inf.	leg. Jes. xlvi.
-	-	-	4	-	- - - LI.
-	439	-	2 & 5	-	tum
-	451	-	5	-	<i>lucernam</i>
-	522	-	4	-	Hab.
-	567	-	22	-	foris
-	579	-	18	-	rubore
-	607	-	29	-	לחמה
-	656	-	3, 4	-	ut, nisi Deus
-	661	-	14	-	subjiceret
-	672	-	7	ab inf.	leg. arborem
-	734	-	5	-	penuaria
-	781	-	penult.	-	כן
-	798	-	penult.	-	soleant in

